




四庫禁燬書叢刊編纂委員會

北京出版社

四庫禁燬書叢刊





# 集部第一四三冊目次

霜鏡集十三卷

〔明〕陸寶撰  
明崇禎刻本

.....一

石倉詩稿三十三卷

〔明〕曹學佺撰  
清乾隆十九年曹岱華刻本

.....一六五

霜鏡集十三卷

〔明〕陸寶撰

明崇禎刻本

北京大學圖書館藏

霜鏡集叙

余與董玄宰誦書法合古易雜古  
雜玄歲寄書云近見英光帖有  
米南宮數字六歲學書人云似  
李邕書遂改其法米老之

言恨未報古人轍跡也夫天地  
不仁則不造日月不恒則不常人  
品學同若為舊習爭務見聞  
所攝如願采鳥但戀本村上水  
船仍泊故處何足奇也頃陸

敬身先生書來云曰吾詩得三  
子有奇研摩古人故非一種如求  
其合玄求玄雜旨哉斯言洞入悟  
門矣陸氏多纓綏勲名風節  
標赫朝野間而敬身先生後出

精琢今古玄奇窮韻語為僧果  
締真諸君子所弘讚咸謂服  
膺儒術非禮不動類陸士衡  
清正有牛理持論過之類陸士  
龍若其沐浴于家學珠玉之淵



使之發奇馳馬於天府之上即君  
家大司寇黃門祿鉅豈異人任  
卦數奇不偶輒以磊砢孤秀之  
韻發現于詠遊如竹西台宿諸詩  
錦之機鈔玉人攻玉無不與者

魏六朝三唐合矣頃入西清閣  
雞犬馬浮相入直承明廣規  
獻忠益或潦透初衣或雪埋股  
齒匍匐焦勞無暇間休沐而矜  
俯仰自如細嚼微吟推敲詩句

不玄口所謂性能而好之者也遊  
倦乞歸丞相以下堅留之不聽  
家在監湖間集題霜鏡取青  
蓮句也賀季真八十矣如乞為  
道士先生未老而隱情殊銳詩

法彌嚴吾讀閣直及早朝詩  
沉冥高寄豈一日而忘止之  
始願哉塵視浮榮故精神清  
且明孩視流輩故多骨孤且秀  
以家常茶飯視舊見者聞故

黃沈陶鎔無五丁鑿山之跡而著  
神仙伐毛洗髓之奇老筆絲  
披天笑爛腸且力所賦一至於此  
此識者所以回環諷味而不窮自  
也此書南宮初涉北海再售


卷六

而師魯公又再舍而涉濤式日新  
月異雖蘇黃不敢抗行昔取  
合古為妙今取雜古為神此  
南宮之書法即敬身先生  
之詩法也有苦心悟入此道者

方許出霜鏡集授之

崇禎乙亥中和日

左布陳繼儒題



卷六

霜鏡集序

四明陸中翰敬身以詩集見示名曰霜鏡蓋其所居在鏡川而當霜落潦收天高氣清之候也騷人韵士懷友悲秋其

能不發之為詩乎其發之為詩又非逍遙容與薄是迅商蟬蛻于塵埃之外者乎予觀其長至履端憶朝述懷諸什蓋有獨立懷忠

君門萬里之思焉而欲有所獻替以裨川嶽者又何其勤也予又摘其近體之最佳者如蟬聲云攬成全樹水催動一簪秋眠食云與月爭吟次招

雪入袖中玲瓏岩云風吹蛇蛻動雪印虎蹄因穴石成深硯淘沙出古鈔雪在室云有閒先我到無住任人分遇葛震甫云望而知故態談乃暢新



聞訊楊無補云幾日疏櫺掩  
秋花已透牆尋寶巖云詩  
色似為山洗翠齊心不與  
鳥爭春三月三日云生滅依  
林雲作態青黃點地菜茶

紋郊遊云王孫見草迷歸  
路處士妻梅占獨楹訪法  
胤云高人似鶴同舟載酌句先  
鶯入院閑謂武城言公初云  
綠字碑消當路雨朱衣像損

隔年塵吏優文學非今日邑  
有絃歌即此民衡門云起摺  
荷衣空篋冷羅炊桑火陽憲  
陰東樓云鈔山雨後施膏沐  
老村翁前吐渥丹皆結撰幽

渺鈞鼓深奇迤而復遠險而  
自然誠唐人句圖之妙選也  
昔劉彥和以楚騷敘情怨則  
鬱伊而易感述離居則愴快  
而難懷論山水則循聲而得

貌言節候則披文而見時以予  
所選霜鏡之詩又何古近體与  
今昔人之不相及也哉然屈大  
夫原本於依經立義陳堯舜  
稱禹湯而歆以望其君忠而被

非立

謗於江湖敬身遭際

聖明求言無方行依日月之光  
少効涓埃之助其志則同而  
其遇則乖矣愚因弁敬身  
之集而書此以為前茅

崇禎乙亥蒲月之望

石倉居士曹學佺撰



卷六

霜鏡集序

詩者清風也越風不列于曹檜吾  
鄧其塞已塞之開自唐中葉湖清  
霜鏡曉此謔僊遙想也誠似其人  
則有秘書賀公之清風者乎漸宋  
抵明風頗不乏至骨格峻嶒張君

萬之而沈嘉則而屠緯真盤  
礴長篇之氣其風愈肆然此皆湖  
以外人惟楊伯翼廬湖左讀西清  
閣集烈々乎風哉今于瀕湖而右  
又見有陸敬身氏少侍尊人給舍  
穎發聞詩繼之橫襟弔古遂溯風

道上但伯翼廩承之乎猶之湖也  
稜々者霜也歲幾經摩厲溶々者  
鏡也鬚眉映在吟端爾時聳翠于  
張搏翮于沈流霞于屠悉霜鏡入  
之而後乃理吟官下別一西清無  
慮千已覆視諸帙台宕之風蓮辟  
塵之風肆猶小者將賀秘書之後  
又開鏡乎是以返湖定集得其大  
都清風如許矣鏡中之人霜曉矣  
試問吾鄧曹耶檜耶盈篇秋水正  
竝陸雲間適爾睂公在泖遙為之  
序夫誠有而似之願以同心之言



挑予乎予未能鏡有棲抑久于湖  
社需領所謂清而曉者紐其名爲  
霜鏡曰乃今可列越風焉而以風  
喻

崇禎丙子歲長至日社弟周應辰

父題



舊刻序

開化游序

太原王穉登撰

陸君敬身明州世家子蓋東箭之良也以詩交  
余不減穆如之頌索其他作則出一編曰開化  
游開化本姑篾地去明州猶在邦域中耳敬身  
以蘇令君故往游游無幾何日詩無幾何篇篇  
篇麗人讀之惟恐其盡非所謂美而愛者

耳愛其傳也不脛而走矣昔漢司馬相如家  
成都而游臨邛成都視臨邛亦猶明州視姑篾  
相去不遠乃臨邛今日往朝相如相如客以是  
重卓王孫程鄭諸富人兒爭趨走下風惟恐不  
得當令客也不知蘇使君者能若臨邛謬恭乎  
不然何以重敬身敬身才若此固不藉開化重  
矣語有之曰鷺鳥累百不如一鶚明州信多詞  
人乎自伯翼天折君房緯真相繼淪謝後有典

者指不可多屈矣鳳鳴龍躍如諸君將謂東南之美已盡不圖復有敬身詩雖僅僅成帙每奏一篇無不稱善不似今世作者徒取盈箱積案充棟汗牛競大而誇多夫五石之瓠大而亡當不若敦甕樽罍之適於用也層酒累肉敗腐狼籍不若異味一嚮可染指也故余序開化游而美陸君之善用小用少也雖然君春秋富甚尤善博一家言異時爲

天子相覺四方游詎止一邑詩詎止一編序君詩者詎止一人余才驚鈍不當下駟安敢竊比於玄晏彥叔之流不虞君之索余序也

萬曆乙巳十一月長至日

青翰吟引語

武林黃汝亨貞父撰

明州應兩生之過從不佞也不佞甚才之而兩生心折其友陸敬身因得讀陸生新語新語制

舉執也而絀于舉可以穿楊葉百步而不以穿魯縞豈不冤哉于是以牢騷之思掉頭鼓枹以東變而爲青翰吟蓋曰是吾才之與境際而與情發世俗人所不得有其權而吾可以縱我者也敬身故嘗有十秋詩比于昔人八典九詠有開化游舫比于長卿之臨邛是吟也怨而不怒縱暢而不淫可謂兼之移其才它日復挾而北岸世口焉飛衛鴻超之技戰勝千載上無難

也應生昨舌曰請以是語爲前驅

萬曆丙午秋九月

青溪小草序

大泌山人李維楨本寧撰

陸敬身蓋治春秋春秋於五經中極繁經生精其業者殊鮮今年國學鄉校士試於京兆凡六千人麟經財十之一余見敬身試卷學博而詞宏章妥而句適擊節嘆賞謂必掄魁而棄不收

爲之扼腕乃敬身殊自信非戰之罪也故人宦  
秋浦者招之敬身裹兩月糧遡大江而上窮諸  
山水之勝所寓美水亭亭俯青溪以李供奉飲  
弄水中月之句得名敬身所爲詩殆數十篇學  
博而詞宏章妥而句適猶之其試卷也蓋金陵  
青溪最著然可褰裳涉古人題咏不以一家取  
重郝僧施泛舟溪中每經一曲作詩一首曲已  
盡其妙亦泯泯無傳宋人記青溪南來九華

東引九華名山溪與並稱當在金陵上亭不名  
溪而以供奉詩地之因人而重也如是敬身游  
方兩月其詩較供奉客秋浦時倍之攬結彼土  
山川靈秀而出之成毫端五采真才士哉九華  
故名九子供奉易之至今遵用不改它日讀敬  
身詩必有以青溪名亭者供奉騎鯨弄月而來  
當無忤耳

萬曆壬子長至日

敘陸敬身篋中吟

慙先生屠本峻撰

陸敬身者叅知珍所公子少而穎備長多韞藉  
孝悌家齊博雅自命韶音令詞雅正之士也嘗  
談詩於慙先生慙先生曰詩貴不遠不近不卽  
不離之間嚴滄浪氏所謂詩道惟在妙悟也敬  
身復和斯旨答曰詩欲遠乎則天際真人詩欲  
近乎則簞根稚子詩欲卽乎則水月鏡花詩欲

離乎則烟樹歸舟故曰不遠不近不卽不離之  
間也敬身詩初有開化游青翰吟句尚激烈今  
有青溪草氣務慨慷古詩敦厚得江謝門風近  
體深沉具高岑家法試嘗論我朝詩弘正之間  
詩尚氣骨而貴才情起衰振廢沿波討源風神  
韻語百家殊調無忝席上之珍隆萬以來詩喜  
形聲而務摹擬執耳橐鞶逐流赴溟面目齒牙  
千律同風競拾籬間之唾敬身詩有殊調而不



同風總歸玄賞矣不佞老矣何能與後來英儔  
於騷壇之上北長絜短哉因敬身問詩謬廁斯  
語於左

萬曆甲寅孟夏浴佛日

明山遊籍叙

廣陵友弟冒愈昌撰

明州陸敬身詩體氣靈通神姿朗澈清華軒舉  
絕氛埃爲玉壺冰爲金掌露爲安期棗爲方

集序

剪桃種種諸詩俱當作如是觀而余尤心折其  
明山遊籍雄高駿發雋永自含文質章相要歸  
大雅直可前無皮陸後無將來因憶曩所交於  
明州若沈徵君嘉則屠儀部緯真沈左丞箕仲  
及今葉鄭朗薛千仞諸君並文人才士擅絕一  
時麗藻鴻章山川輝映而頃繇周斗文氏交於  
敬身又卓然自名其家以名世者嗟嗟鄭聲亂  
雅驚聞九奏於鈞天魚目混珠快靚連城之明

月如我敬身政當與今天下共推之耳

天啓壬戌重九日

竹西編序

華亭陳繼儒撰

余往讀周公謹志雅堂雜抄謂楊州當斗牛之  
墟屬天市垣分野賈客多文翰少已讀秦太虛  
與邵彥瞻牘云廣陵多登臨之美臨風把盞所  
尋故應不貲則游者故不當以地限也明州陸

集序

敬身最精博士家言時溢而爲古文詩歌神采  
嶽嶽昂足余君房屠緯真間頃爲廣陵游其詩  
眎前游青溪開化最勝高華穠至英果煥發瓊  
花生於華端江濤發於舌下信乎才子之能言  
者也且其弔古之篇獨於董江都謝太傅梁昭  
明歐陽文忠慨然稱異代知己而目前縞紵之  
交自李雲杜黃武林謝侍御顧小侯外未始輕  
以一刺相加遺以一語相唱和凡彼中黃衣豪

客紅綃少頰東錦羞壁交謹陸先生曾不得先  
生一睨而盼焉其品潔其韻清故其詩實有遐  
鶩八荒孤寡六合之意回眎往來諸游客薄挾  
雕蟲而妄希騎鶴者天淵矣余生平以二江爲  
限北不渡楊子南不渡錢塘顧益卿嘗以書告  
云長江限南北終非英雄語余笑而愧之今錢  
塘以南得敬身之爲人楊子以北得敬身之爲  
人秦太虛所云臨風把盞所得故應不貲者眉

道人饒有之矣不覺樂而爲之敘

天啓甲子九月晦日

霜鏡集第一卷目錄

四言古詩

昭茲六章

青櫺二章

隰則有松三章

西陲九章

屹彼鐘阜四章

素髮六章

卷一

瑤池八章

乘彼輕橈二章

飄風五章

南明六章

釣石一章

采鞠一章

有桂七章

霜鏡集第一卷目錄終

霜鏡集第一卷

鄞 陸寶敬身父著

四言古詩

昭茲六章

昭茲述祖德也

昭茲遠祖平原肇封維漢大中式亢其宗振振

雲間武畧文雄代有明德是生宣公

及少師錫圭東方載遷而鄞五世乃昌司寇

卷一

明允袞衣之光子孫千億索索金章

本支旣列始以書升德音無已爲高爲曾亦有

大家節如凜冰母儀肅肅子孝烝烝

乃祖嗣服受命方州輶車萬里靖彼荒陬翩其

來歸三黜何尤克念天顯以裕孫謀

烈烈先公矢 帝令謨作鎮南服駟介前驅有

紀有綱孝友不渝二母佐之翟弗與俱

肆予小子凜承在茲匪好爵是縻維世德是毗

先人有造罔數于思思保其身永言頌之

青櫺二章

青櫺紀仙種也皮陸四明山九咏有

青櫺子唐時或有之今亡已夫爲想

而賦之

有蔚其青有截其櫺仙人所遺無種而生因名

思實喻彼瓊英可以怡顏可以永齡

與青匪餘其櫺匪棘雖有靈根何方可植談之

卷一

三

泮泮露香欲滴詩中則識空中則食

隰則有松三章

隰則有松諷也

隰則有松山則有桤今我不愉乃以爲友各具

衣冠各懷心口彼笠與車濶焉非偶

山則有桤隰則有松今我不齒乃以爲從各賁

室廬各考鼓鍾彼桤與鑿憎焉莫容

足之越矣不可以同行翼之譙矣不可與同翔

曩曩我彤子子我腸四顧無徒泊乎中央

西陲九章

西陲憫流寇也

睠此西陲降割自天匪食胡育乃旱魃三年士

失其伍民離于塵斬木揭竿以戒戎軒

如鹿斯觸如虺斯伏王于興師乞命窮谷師自

不競剗戈折軸旣示之瑕乃稔其毒

孔熾熏心及膚百二爲墟三輔卒瘁馬首

卷一

三

東多飛薄晉郢還旆兩河罔不斲屠

劍閣差峩履之如闌方城漢水嘯聚成列轉戰

中都夷子子子大火烈烈逼于建業

追維始禍関于初元九載勿戢勢則燎原其從

如蝗半爾幅幘靡城不克靡室能存

維守相是仇維紳衿是求耆老貫槩嬰兒代羞

沃野淪胥載鬼以舟命實不保天乎何尤

揮金盈堵裂帛覆櫓遷我宗爨亂我鐘鼓祖負

季姬式歌且舞來茲室處去遺之一炬

遺之一炬室云圯矣樹藝黍稷徧爲棘杞矣雉  
登城矣虎踞楹矣數百里而遙网聞人聲矣  
帝赫斯怒如雷斯振爰命督師爰立理臣臣力  
師武取彼罪人亟其悔禍與爾維新

屹彼鐘阜四章

屹彼鐘阜懷舊京也盜起江表金陵  
戒嚴海濱小臣不忘好音之懷故咏

之

屹彼鐘阜際于蒼穹王氣攸鍾四國是從  
石城齒齒江水瀾瀾天塹是阻莫言投筆  
二祖天靈百司烝烝協我遠猶壯我扞城  
艸則在岸矣礮則含彈矣備無患矣氛其散矣

素髮六章

素髮招薛子也薛子千仞父客金陵  
忽有寇傲歌此招之

素髮垂垂青鞵踽踽遶累三年誰其舍女

雖有良馬終蹶可憂爾車爾輔敝于道周  
不戒潢池氛來孔棘三事枕戈况爾逋客  
有文誰知譚道愕眙炊彼薪桂以慰調饑  
汎汎萍流靡泊于涖維憂用老鼠思不已  
故里悠悠于以永懷泉香穀熟素髮歸來

瑤池八章

瑤池爲王使君母壽祝也望隆八座

集

卷一

五

教衍三遷育鳳之祥蚤徵別鵠之操  
綦勵吏牘甫登于上考仙璫遠祝夫  
長生洵護彩之敷榮載傳紫誥兼蘭  
芬之挺秀式舞青衿堂上卽康域中  
胥慶凡與併幪之末蔑不歷趨矧叨  
翰墨之微敢忘頂頌爰修繪事紀四  
言八則聊附魯人頌闕之義

遡彼瑤池崑崙之墟雲液自山載流載瀝樹之

槐倉王母所居

母在宮圭璧見之享多儀錦組獻之瑤池之上  
吉日燕之

式燕以喜白雲興謠挾飛瓊兮雲翹嬪于王家  
琴瑟允調

黃竹依依母也貞只機聲軋軋以勗之子子之  
天飛高堂色喜

甲、侯于東蓬萊作宮亦既遷趾彩輿來同有桃

其蟠海天普紅

侯謂海平母垂之刑侯謂政和母躋于寧下民  
祝思則千百斯齡

子奉綸音大臺之觴孫舞青衿百籥是將母曰  
無煩聿歸于鄉

我懷好音阻此脩途何以似之瑤池作圖何以  
食母之餘東方生與俱

乘彼輕橈二章

乘彼輕橈樂遊也

乘彼輕橈汎汎綠波有菰有蔣有駕有鷺言觀  
其姝言採其荷月出不返將如風露何  
習習和風駕言出遊梁有雌雉園有鳴鳩念彼  
羅敷顧此桑柔我馬隤矣敢望雙驅

飄風五章

飄風志海傲也

風風東來海波煽揚則百其航則千其幃櫂之

君制旆之央央蛟蜃與居居靡有常

黃屋是張泊于南國乘潮鼓柁匪南伊北挾其  
弓刀肆其武力

沿彼東隅火烈具舉或先登于岸或闢入在浦  
匪曰因糧斫人爲脯

豈無重城豈無銳師彼之訛言胡不返思維甌  
維台坐而躡之維甬句東臥而剉其屍

坎坎擊鼓江城日午焯焯舉烽月出如弓將實

獲咎師老無功民之子遺百憂丁其躬

南明六章

南明頌天樂也天台有門大師說法

南明仰感天樂余小子遠不及聞得

聞聞于復公形諸讚頌備風體云

南明截窠系于天台幽溪一席智師重來無梁

載造有門斯開爰振象鐸聲聞普哉

庵宇事成瑞相孔明有門則云生無其生于時

集

卷一

人

天籟法鼓同鳴協爾衆聽終和且平

十月之陽秘義弘宣有水在瓶有雲自天天龍

助吟鏗然訇然如雷斯殷雨花滿前

非擊非拊胡爲乎巖中非絲非竹胡爲乎合宮

以和致和穆與天通如谷之應聲其樂也空空

天作清楚莫置一辭神往神來不可議思洞庭

廣矣猶滯于人斯維水與林西方之音似之

亦越迦陵音其天只和鳴喈喈浹旬不已聞之

戒律從無妄語始匪云聞訛衆實有耳

釣石一章

釣石題畫也

釣磯兀立四顧無船把釣何人一竿空縣惟朝

與壘世爭逐旃富春羊裘懷哉獨賢

采鞠一章

采鞠思歸也

翦出采鞠暮出采鞠采鞠不足言將及菽井泉

集

卷一

九

無香籬日無光曰歸曰歸白露沾裳

有桂七章

有桂賦遂初也

有桂一叢有石數峯君子所遺五畝之宮耕作

不息卒讀其中

我有旨蓄以奉二母旨酒思柔入而求諸婦行

園樂胥相依皓首

誰颺于國懸弓在招載遊載遨弭筆以朝文林



築府俾我劬勞

瞻彼孝烏止于誰屋徂暑登舟言復我族身未  
及閭母也無祿

母也無祿婦盜先之朝哭于堂夕哭其私寸腸  
幾何堪此百罹

子子餘生泣涕如雨期而榮果三年而稻黍歲  
事云邁維禮是履

晉母不逮今母敢違豈無車馬悅此春暉 君

恩溥矣願乞初衣

霜鏡集第一卷終

霜鏡集第二卷目錄

五言古詩一

古意二首

閣直三首

述懷

讀漢史三首

懷文慧四首 有序

陶彭澤

卷二 目錄

王右丞

白太傅

蘇學士

清明前三日招周斗文汪遺民山民胡子

延黃象之李封若沈籍仙修柳社于高

梁橋限五言古體同用高字

用方肅之新題四首

溪紋

霜情

睡課

病解

讀三佛三首

啞女

舍利塔

布袋和尚

和無盡法師進社詩四首

卷二 目錄

厭娑婆苦

忻西方樂

仰遠公德

勸大衆修

飯舍利殿讀嘆娑羅雙樹

十一月十七夜步月顧影

懷三君三首 有序

余太常君房

屠儀部緯真

楊孝廉伯翼

彙中六友詩

質友

快友

清友

博友

老友

適友

松濤

竹浪

催梅

悼內

霜鏡集第二卷目錄終

卷二 目錄

三

霜鏡集第二卷

鄞 陸寶敬身父著

五言古詩一

古意二首

古人日在心古語亦在口不幸遠結繩猶思及  
剖斗衣裳衆所愉誓會民安否秦焰差可兒漢  
官空土偶

左馬入膏肓墳索豈不奇三唐資墨守四始已

卷二

先之文運若建瓴下流漸以卑卑宋復淪元今  
人安可爲茫茫涉學浪滅頂無出時一代一象  
魏一人一旌麾義畫太多事吾將返希夷

閩直三首

久隨丞相後出入承明廬影纓陪末議休沐常  
晏如忽聞 天子召東省治文書小必勤水旱  
大武核軍儲數行眩朱墨能無憂豕魚腕脫猶  
吮毫龍禽困未舒新政尙綜核鄙心慕清虛鞅

掌力難任不如返樵漁家有老母在言將奉板  
輿

在家好宴眠在官恒早起日出瓦上霜雙呵驟  
盈耳匍匐入君門門者云後矣玄陰積荒署  
火氣爐中死矢口欲有陳寒聲戰歷齒寂寂午  
漏停傳餐望童子月糜大官錢猶難具乾肺文  
章不得力功名如夢裏何日乞黃冠清狂依鏡  
水

卷二

匪報徒有心一官滯執戟聊資筆札勞代彼手  
中書日馭忽不待退公愁已夕帝闕限數重  
飛蓬卷行跡暗度金水橋酸風兩眸射舉袖欲  
遮寒敝裘脫肩脊局促羸馬上瞋目惟所適馬  
蹄踏凍冰硤硤如輾石燭短慎前途所居三里  
隔

述懷

巨波如山立虛舟觸何忌絕壁造天倪瘦筇尋

獨至運命有固然達者惟居易世故紛魚鳥亂  
生于多智我有三畝廬徑靜如僧寺種花取易  
滋了自成斌媚種石上盆盎亦復小有致一飽  
不願餘半閒常好睡聞道或未然讀書畢吾事

讀漢史三首

秦苛一以滌漢治烝烝然三章何濶畧刑措將  
百年無知而扞網網解始得全奈彼刀筆儔酷  
多爲衆先深文在其手五毒相株連鷹虎豈不

卷二

三

烏伯正當權探丸日見告羣盜紛如烟安得  
理繩手置以爲民天

高冠列鵷鷺朱粉飾嬖童君門越萬里宿衛據  
其中寵至貴無極柔曼乘英雄賜銅開蜀山置  
酒延北宮甚而邀策命斷袖爲三公蠹國復及  
身肘腋有伏戎閱籍始爲厲漢祚相與終惜哉  
排闥言未悟馬上翁

四豪風未息入漢猶縱橫借交欲報仇睚眦懷

不平一劍恃敢死瞋目語公卿內匿天子逋外  
揚敵國聲刺人滿都市窮治無主名徼巡空夜  
呼詔令格不行布衣而專殺罪極安可輕將軍  
且莫言丞相議已成

懷文慧四首 有序

夫文發乎巧心每多綺語故求之慧  
以洗其障辟之花然文猶色也慧其  
香乎惟蓮兼之四君者其音鏘如其

卷二

四

品嚼如或氣味合乎高僧或心印通  
于佛契謂之慧業文人不虛矣尙觀  
有素各懷以詩猶覺青蓮片片從口

中出云

陶彭澤

八旬彭澤令悠悠千載期相期在北窻相憶復  
東籬採菊不盈把且還讀公詩詩句近自然靈  
心瑩琉璃澹言入于解禪理固如斯蓮開社亦

成請勿疑攢眉

王右丞

不美畫師巧不重文宗名自署爲維摩超然証  
無生道從心地長含吐皆新英遺篇四百餘一  
一發光明環讀未終卷化爲鐘梵聲靈山知不  
遙輞水至今清

白太傅

名奚而居易字奚而樂天此際有妙會寧爲世

卷二

五

人傳名飲父廊落閒官亦翛然寄詩蓮藏中自  
比文字禪心空手無棘語語露真詮香山青濛  
濛望作淨居天

蘇學士

蘇文有妙香舌上蓮花浮千篇爛玉局兩賦垂  
黃州尼珠忽自照夢破嶺南遊屢謫困風波風  
定豈有漚孤裝寄斗笠句偈與僧留遙思陽美  
居印我以三脩

清明前三日招周斗文汪遺民山民胡子  
延黃象之李封若沈籍仙脩柳社于高梁  
橋限五言古體同用高字

百日困城居東風招我曹馬蹄羣欲躍負檻誰  
云勞僧堂暫留憇樹靜聞爐濤興劇不受羈長  
筵布空濛新柳間黃碧夾岸何周遭清波琉璃  
色恨未容輕舠我願柳爲衣此波化爲醪披以  
蕩元氣飲之解天殺彷彿永和春日落猶揮毫

卷二

六

皇風扇大雅畢力於風騷屬橐敢自後諸君  
義甚高

用方肅之新題四首

溪紋

溪淺石上流溪深誰見底樹影沉不出石髮絲  
絲理平來澹若忘縐處濃堪指春烟拂易生好  
鳥迎之喜問水水不知濱漾因風起

霜情

繁霜那有情情見乎樹枝葉青猶善耐葉黃乃  
離披無心忽相觸觀化自密移哀蛩鳴不歇紆  
曲君當知人物本同懷點鬢颯成絲

睡課

勞人多不寐倦後每思補日習以爲常枕肱值  
亭午納氣如初孩濛然見終古方將釋天殺豈  
復限窻戶草綠謝家池此吾真睡譜

病解

卷二

七

中歲日小劇一過一沈思二患旣息戰清虛潛  
已滋弱草苦無力春風爲我醫野鳥鳴關關林  
僧先與期心和體自溢散藥臨前陂

讚三佛三首

啞女過去維衛佛化身也居白檀戒香  
寺今改寶雲

淨地有蓮花蓮花無淨地啞女日掃塵塵中了  
此意菜滓代香羹蓬首棲孤寺相對寂無言前

知吉凶事前知是慧心無言是不二

舍利塔釋迦文佛真身所遺也現奉鄭

山育王寺

何以湧浮圖大方稱佛國佛具無量光誰將心眼測一粒照恒沙照空了非得耶舍引指後利賓稽首力恍忽有無通不思議功德

布袋和尚當來彌勒佛化身也嘗往來

奉川岳林寺骨塔猶存

卷二

八

身荷布袋行有時立叉手布袋是何物蟠腹亦何有環以十八童宛若西方友補處動人思背光忽在後兜率無去來金骨猶香否

和無盡法師蓮社詩四首

厭婆娑苦

此方五濁界淨報誰云獨生沉胎獄中飽受風刀蹙美錦襲行尸精膏飽蟲腹聚之親愛萍贅以榮名瘼努力營不朽空花徒滿目一爲無明

驅累劫成遷逐醉象溺深淵癡禽戀惡木忽聆甘露言庶使心塵伏

忻西方樂

極樂在何邦真如此焉寄落日繫初想珍臺揭衆譬空假兩無緣了然第一義忽接右旋毫寂光顯心地上善獲同居蓮胎捨塵翳毋云億刹遠欲仗三脩致弘願引覺繩信根若奔驥况承大導師羸劣寧虛棄

卷二

九

仰遠公德

東林法王千古德名無偶身種淨土因社結西方友心蓮妙自開不染何分垢香水流虎溪戒光映廬阜大慧啓頓門台宗若先剖桑榆勤末照送想還同否始知三笑風佛印成已久欣逢再來者秘義宣金口

勸大衆脩

人身苦難得達者發深想八難生既除三皈若

指掌弱喪非本初狂花迷鏡像流浪生死海沒  
趾將及顙石火忽焉消空拳計安往佛有大願  
船師爲置帆槳真言示觀門招手出塵埃勤行  
自此始慧命資安養

飯舍利殿讚嘆娑羅雙樹

有美娑羅樹雙植寺之旁所聞者密偈所染者  
戒光善根旣增長花葉分青蒼佛性與木性受  
記默不忘仗此一宿緣重來衛寶坊安知高枝

卷二

上不有舍利藏憶我初見日團蓋倚山牆今經  
三度遊迴見拂雲翔近午食法喜供具生綠香  
口眼沾共飽欣然會清涼願隨菩提果流蔭於  
十方

十一月十七夜步月顧影

宵起步霜堦四顧悄無隣寒月上我頂影獨隨  
我身長短不以度動止如有神時而寫簷壁時  
或間庭筠鬚睂了未覩不速來何煩老眼半昏

眊還顧屢逡巡旣已逐形生入室胡先淪若云  
光所造造以誰爲因相對欲偶語後來爲處鐔  
執模苦難定靜焉復依人聞爾有九名暗中幾  
相親我相尚云假附之益紛綸誓將逃空谷棄  
爾如飈塵俄聞影答言君胡太不仁有形卽有  
我靡間昏與晨不見月缺處山河入粼粼安知  
無倒影飛空入月輪聞言忽自悟竊然喪其真  
爾至固不戀爾去亦不嗔共遊無何鄉願爲葛

卷二

十一

天民

懷三君三首

有序

三君生同井邑一時蔚起爲騷壇之  
冠余幼識楊君長而受知於二先生  
邇以懷之志不忘也

余太常君房

太常表東海海波日云云筆底駕虹橋將謁扶  
桑君神鞭忽中斷石血流成文王李非大敵偏



師稱冠軍伊昔髮未燥風中收郢斤敬身敬爲  
大字我豈徒云碧落漫相許騎龍入氤氲山頽  
水亦逝淚盡海東雲

屠儀部緯真

儀部具龍變不爲世法籠能以徑寸毫噓起萬  
丈虹文心忽玄詣大道若發蒙身登雪山巔手  
欲招崆峒春風杏壇起悟處將無同後進爭景  
附況余入帳中人琴久淒感神理冀與通遺編

卷二

十二

日一撫寡鶴唳清空

楊孝廉伯翼

孝廉好奇服詩中楊白睂手煉五色石補天計  
安施天龍下與爭焱火怒雷師余時偶在側叫  
噪如猱兒敗甲莽不收元氣紛淋漓易散者綵  
雲無根萎瓊枝四十稱早天秋風號羈雌悲哉  
廣陵散絃絕此其時

壘中六友詩

質友

謂瘼癰也蟠木之餘稍加斤琢殆  
進乎文者

鳧冶外我形砂青非我有千歲一枯株爐成野  
夫手天質本槎枒皤腹仍大口新烟起燒餘氣  
合火內守衆香國裏遊無忝爲質友

快友

謂新紫端也于錢構得之甚發墨  
磨所必資焉

性劣且多鈍矻然守殘經每思得快友借我以  
新硯千錢買紫石拂拭光熒熒飽飲墨一斗揮  
無停快莫快於此曰尚有典刑

卷二

十三

清友

謂瓦鐺也斟泉淪茗常手以自隨  
顧于韵事有補云

齋飲苦太俗清風資茗盃家有足鐺斟泉手  
能滿竹火青欲然豆花香纂纂顧渚與惠山相  
隨緣不斷被以清友名詩腸從此泮

博友

謂竹文具也飲人所賂還而善藏  
壘閣之儲畧備矣

不美黃金籠湘筠成妙器一器累數層一層兼  
數事武庫漸可窺多藏若列肆窮搜若未博博  
友欣已至攻文欲有求揮手取諸寄

老友

謂茶杖也出天台山中古瘦可愛其扶衰之善具耶

老友三數輩星散不可常倚若左右手何人日在傍此老真解事七尺如我長登山涉澗時畢力相扶將高踪托禽向白首志勿忘

適友

謂蘆花生褥也自金陵市歸歎美如故聊以怡吾志爾

知己良獨難適友亟思取溫然恤我躬恬然息我股交深布素中歎美坐堪撫惟陪隱几遊肯與宵人伍何處訪君家秋風隔遠浦

松濤

昔遊經海岸酷愛秋濤清空水澹相激澹然物外聲奔流不在山乘風忽到城童子向余說隔屋長松鳴

竹浪

蒼波忽振盪風力來何偏其先爲鱗鱗其後乃拍天寓言令人想沿流欲放船故知千畝竹可以稱浪仙

催梅

種梅日云久洒焉見高格穠豈合時情瘦堪接詩脉今年霰雪多花神偶當厄蓓蕾雖已呈枿堅苦難擘春鳥喚不醒凍痕封老碧慰爾以知音朗吟振幽石青帝忽有權香魂若受冊一句兩句詩千枝百枝白呼我花主人依然舊詩客

悼內

憶爾送我時淒音尙在耳勸我早旋歸鳩巢庶

卷二

七五

免毀羸劣身可危四十齒長矣斯言果成讖頽陽忽西指聞病猶在途入門已不起欲任莊生達悲來誰與理豈甘奉倩愚鍾情獨相似爾命惜不辰我生欲安恃二女痛先亡况復及胤子親串徒滿堂無人繫毛裏笑笑牽弱孫淚迸如秋水

霜鏡集第二卷終

霜鏡集第三卷目錄

五言古詩二

放言三首

辛未除夕

壬申元日

偶看園花有感

目病

春雨

卷三 目錄

鶴頂茶

楊妃茶

庄曉

庄晚

歲事

楊無補曾訂明山之遊經歲不至詩以責之

演古十四首

行行重行行

青青河畔草

涉江采芙蓉

明月皎夜光

冉冉孤生竹

迢迢牽牛星

東城高且長

驅車上東門

卷三 目錄

去者日以疎

生年不滿百

凛凛歲云莫

孟冬寒氣至

客從遠方來

明月何皎皎  
時事二首  
客雲間作

詰門

製砲

將徧探橫崑諸山園林之勝雨不克濟賦

示同志

首夏郊遊因訪朱顧兩太史

遊五井

遊雪竇四首

錦鏡池

妙高峰

藤龕

桃花坑

讀陳何韓病懷詩賦贈

讀公緒上人贈三學師叔詩

觀髑髏

咏曹孝女爲許使君作

霜鏡集第三卷目錄終

霜鏡集第三卷

鄞 陸寶敬身父著

五言古詩二

放言三首

八駿會瑤池不如我跬步萬夫築長城不及我  
指顧大戰誇鉅鹿伸手同縛兔衆巧擅迷樓轉  
眼成朝露歷觀載籍來醒齷井中鮒世局等劫  
灰英雄皆瓦注補天真小術射日還多故南北

卷三

羣帝問俛俛志如鶩

人在石火中論文獨不朽所苦世格拘半生落  
窠臼騷壇我作祖水擊復雷吼上彫三辰光下  
頁五岳走顏謝祗棘猴班楊盡芻狗况彼舍中  
兒醢雞集甕口將爲放膽文喚起猶龍友裨海  
未深藏珠琲落吾手

東去摘金瓜西遊舉若木萬里在須臾  
飈輪振百輻驅龍出耕烟喚鶴使守屋方裁霞帔成又

報瓊田熟少當千餘歲如此則已足奈未証無  
生報盡恐遭戮稽首古先生回心向三竺首除  
壽者相旋讎仙人福尼珠朗自懸義海清于沐  
言叅次第禪鍼芥相投速

辛未除夕

遊宦若不歸旣歸復傷情歲晏百感集悲風繞  
堦鳴銜哀奠虛位酒脯陳兩楹仰歌天罔極敢  
忘身所生俯念室中人顧影多伶俚遺器徒滿

卷三

二

室宵兮不聞聲婢僕各獸散穉孫正啾嚶孤燭  
知我懷淚流溢短檠堦土冷如鋏未枕魂先驚  
聞雞慘修夜此恨何時平

壬申元日

兒童懽節序老大悲無已屠蘇飲後杯年運而  
往矣宦味旣少嘗吾生亦勞止肯以七尺軀聽  
命髮與齒還顧力未衰耽詩入妙理請從瀝酒  
誓近自今日始一日課一詩春陰惜燃指研席

作戰場心精樹槍壘直欲被管絃豈令錯宮徵  
待歌十五風明堂獻 天子

偶看園花有感

城下有閒園草堂多任質春風招我遊羣花灼  
于日深淺各依叢綽約態非一家僮競攀條手  
拍飛鳥出隣翁亦好事挿鬢矜豔逸與衆雖暫  
歡憂來忽中怵手植問何人睠言及兒姪芳菲  
尙不待何況摘秋實所以達者觀洒然齊得失

卷三

三

今古一枯荻無營萬事畢試看園中花可喻泡  
影疾

目病

物以東風蘇我畏東風駛吼空勢不停吹沙兼  
石起窗隙漏一絲狂威激如矢老眼正羞明垂  
頭長隱几木火歟相攻肝虛不能理龍雷在睫  
前熱淚浴童子着眉慘莫當輪刀刮應似常恐  
屋梁墜眊然視以耳浸覺厲熏心豈惟亂朱紫

一悟灌頂言見暗番能喜業風恬以息光明徹  
無始乃知甘菊湯不及楊枝水

春雨

吾廬不厭晴吾田不厭雨禾焦恒苦饑屋漏卒  
難補人心安有極天意竟誰主敢以一人私而  
忘四郊苦雨亦恤民艱涔涔注環堵待旦問田  
家立苗青可數一滴滋一膏嬰兒口中乳歡然  
荷鉤歸兩稅登天府

浪

卷三

四

鶴頂茶

鶴頂吾所愛真似苦未知攢心于大赤鏤刻何  
甚奇霜毛隱深處累累懸高枝兒童畏樹走折  
得不敢持風來光不定屢舞蹁躑時千歲楓爲  
人花或鶴所爲

楊妃茶

楊妃已千載遐心寄木末不待返魂香東風花  
底活勻脂過芳腮倚醉何調達時經翠盤舞葉

乘春烟潑靚女日攀條相憐在閨闈莫談天寶  
前坐使花容怛

庄曉

郊居信寡營意乃悅清曉乘此夜氣存送目于  
深窈殘月墮疎籬露痕泫低篠野突未成炊繁  
烟聚松杪晦明向背中羣形何擾擾不知林影  
圍祇訝碧天小峭忽起峯巒浮將間溪沼迂塍  
及修坂習觀多幽悄朝霞忽爛焉空色亂朱縹  
點以畫未工化爲詩不了佳處欲忘言清神蕩  
四表吾將喻行雲不爾寄高鳥

庄晚

莫謂暮氣衰午睡忻已久復此新櫛餘神情劇  
抖擻快讀數行盡如酣酉時酒高興引登樓斜  
陽蕩疎柳明滅百千條龍蛇忽驚走碧空熏欲  
爛衆鳥銜且負盡處是西峯峯外夫何有乃知  
懸鼓形可以心觀剖送想與送目妙悟還同否

歲事

租庸幸不驚，滌滌稍自備。歲晏涉百勞，祇爲他人累。五族窘莫支，四隣貧所萃。短服好遊閒，空囊思取醉。藍縷志纖趨，米鹽語詎諱。徧性逢雜賓，書堂若列肆。前者趾及階，後來頭搶地。身老半土偶，病厄入魑魅。剜肉我亦甘，垂涎爾多忤。農病舍已耘，醫難隔三治。相尋苦湯火，欲取楊枝試。見逼若縲囚，空期赦書至。何日是履端，掩扉供美睡。

卷三

六

楊無補曾訂明山之遊，經歲不至，詩以責之。

登陸有四明家焉，已千載。汗漫子欲遊，夙昔期難改。爾時樊夫人共聽斯言，在我歸卽移文。蘿桂爭鮮彩，爲客掃天窗。鋪雲作層壘，高吟皮陸詩。峽流沸如海，廿里雲氣中山空。聞鶴咳，期以桃枝青。桃熟竟誰待，夫人乘麟去。觸石紛磊磊。

子何獨更端五峯訴真宰

演古十三首

行行重行行

彼美在何方，帝鄉渺難窺。招雲欲與語，不顧而分馳。遠心寄天末，役役如苦饑。關河阻目力，豈復窮我思。先盟則有云，皓首以爲期。簪井會得水，枯桑亦有枝。但保容色在，何患歸來遲。加餐共勉旃，敢以一人私。

卷三

青青河畔草

君子志四方，閨人嘆寡偶。朝來桃李顏，日暮成老醜。爾音未可期，寄衣寧敢後。匪石貞爲心，飛蓬亂吾首。待得大刀頭，空牀甘自守。

涉江采芙蓉

對此夫容花，傷彼千里道。有絲不繫足，何用顏美好。秋來風雨多，一夕紅香老。憔悴君詎知，風心惟自保。

明月皎夜光

四氣遞相易。凜栗惟蕭晨。一生豈盡適。惆悵惟長貧。同門盡先達。我獨悲迷津。豈復念攜手。幸而免反唇。車笠雖盟棄。之如風塵紛。紛紛慕管鮑。忽已蹈張陳。一室在廣野。衆山爲我隣。時有白雲來。以代結交人。

冉冉孤生竹

蘿蔓日飄蕭。蘭馨恣狼藉。人生非草木。耿耿心

卷三

不易一日成。姻盟庶以永。朝夕異鄉神。可越山陂況咫尺。願爲廣陌塵。隨君入履迹。君行未可知。妾心矢貞白。杳杳孤飛鳥。歲晚有歸翮。生當復入幃。死當化爲石。

迢迢牽牛星

小人好談天。君子多旁鶩。牛女會何時。河漢殊驚怖。雖則有七襄。不以機杼故。予心乏大巧。抱道甘履素。不語意良深。仰觀希玄悟。

東城高且長

憂生一何殷。嘆逝一何促。百罹丁我躬。四序如轉燭。日出欲有營。虞羅苦羈束。雖無雙飛翼。志豈忘鴻鵠。偶舒曠士懷。登高散遐矚。秋野卉木淒。輕黃間疎綠。清絃殊聒耳。美麗情不屬。造物忌多藏。被褐徒懷玉。小草復何益。徇名恐招辱。家本在名山。松泉悟止足。

驅車上東門

卷三

九

物化盡奄忽。郭北多墓田。比諸南面樂。茲語恐未然。白骨草一丘。悲風化爲烟。長物非我有。孫枝隔幾傳。漠漠歸大夢。誰分愚與賢。石火無遺光。縱久不百年。服藥旣多誤。飲酒非得全。欲超生死劫。不如求金仙。生固無其生。回心向九蓮。去者日以疎。

至人貴齊物。親疎理無隔。墓本寄于田。耕犁何足惜。雖有百尺碑。終成柱下碣。飄風將誰待。白



日忽西夕弔者屢歎歎不知身是客

生年不滿百

愚者營身後無端百憂煎秉燭恣逸遊復爲樂  
所牽浮生苦逐逐千載同逝川寸陰予所惜策  
驚敢不前但願聞大道不願爲神仙

凜凜歲云莫

歲莫亦云常羈栖自不樂無衣豈足恤終身怨  
靡託朋舊無弗然閨情間以作憶別幾經秋孤

卷三

十一

宛如昨連宵曾夢君夢去形安着時命信多  
謬同車爽前諾食檠懷苦心寧甘自濩落牛女  
各分躔素娥冷孤魄至潔者無徒跡睽中不作  
古來抱奇節哀絃撫別鶴

孟冬寒氣至

不與北風栗不貪明月光月出照孤影風來自  
遠鄉出戶一延睇賓鴻正南翔君先惠我書敢  
不成報章一往復一返楮短情則長兩心何皎

皎白首誼難忘前山松樹枝久矣歷冰霜

客從遠方來

臧物何方來物微意良厚文采非所貴貴出自  
君手膠漆永不離鴛鴦亦求偶千里遡心情安  
能常聚首回軫若無期綢繆空在口

明月何皎皎

海月出東戶羅幃驚已秋照曜在誰家我獨別  
曾愁寸心隔河漢望遠空悠悠苦樂君自經眠

卷三

十一

食當自謀深閨抱冰玉何能越阻修

時事二首

客雲間作

詰門

舉鞭將入城邏者乃環視小吏虎而冠弓刀列  
旁肆云以察不軌朱書斗大字聞言盡掩口肉  
食真兒戲四境守何存爭此盈尺地揭竿擾南  
楚飛空豈挿翅信有伏戎興知非言服異民羣  
卽厲階怒訶徧箕蕢一日閱千人一人懷幾意

請君示蕩平我以聽鶴至

製鉋

百金買荆銅千夫供柳炭偪膊聲震街一聲錘  
一換遙張神器威大火開爐銀雜工敢停手匠  
月成未半簿責如怒彪魂驚欲獸散我昔居園  
中西夷共講貫鑄削各有程藥均方走彈不然  
體必炸又忍力中斷庀材盡民膏何忍歸糜爛  
好借席前籌除戎在未亂

卷三

十二

將徧探橫崑諸山園林之勝雨不克濟賦

示同志

雨送客西行行窮雨不止往往爲所誤文心與  
山水二陸竟杳然九峯青可擬中有好園林未  
到神先喜每日起問天四簷愁滴耳褰裳計安  
涉着履泥沾齒誰以譜牒來猶未悉原委一石  
堪一憇一山石千指速願身爲雲冷寂相終始  
待君賦晚晴吾棹將東矣

首夏郊遊因訪朱顧兩太史

載酒約同心芳郊散馬足細雨洒浮埃輕霞被  
林麓蕉衣發櫻采竹簃清蘭馥粉翅霑園花鶯  
羽聒棲木登陟延朝曦阻修倦春目兩造林下  
廬方知幽人獨負耒荷明君解帶非休沐石  
鼎焚檀烟清盃啜茗粥與言莞爾心遂飽果然  
腹人望在東山勿云美邁軸

遊五井

卷三

十三

清曉出寺門遊筇恣輕躋日出露未晞松陰步  
稍却同袍四五輩雲裝杳非昨脫巾戴圓笠解  
襪輸芒屨涉澗固云屢穿林毋乃錯草沒兔迹  
深沙侵虎徑惡層厓束漸繁列障如屏閣遙望  
一井邊奔流忽成躍搖空匹練飛罕地長虹落  
對此豁塵襟解衣坐盤礴捫蘿捷欲上二井相  
連絡峯色秀于前泉香閒自若過此益陡峻五  
丁與開拓蹊危木棧阻石狠刀鋒削舉步踵及

肩吞聲舌抵齟稍稍陟平夷茶墩啖叢雀歷覽  
三四井清流永不涸輕霑出岫雲冷射巢松鶴  
珠聯垂復斷玉碎飄無着侵晨至停午十里度  
荒漠賓客憂阻饑兒童憚赤脚顧我方外遊豈  
就籠中縛餘勇尙堪賈一往窮寥廓獨與看雲  
僧遠赴尋山諾岩頭挂一線頑石多磊砢蘆葉  
利如刀經冬廢斬斫晴巒忽數轉深翠成帷箔  
樹盡鳥無聲谷響因風作上有摩霄峯下臨千

卷三

十四

尺壑投身入空虛伸手附絙索蛇行諒非詭猿  
掛析相學五井歷已窮寸心歸澹泊竿籟寂不  
傳琉璃空脆薄仰覲天窗小雲日光相攫陰苔  
生綠繡門闕同鎚鑿片石亘其中旁若疎楞櫟  
內有蔚藍池神龍此焉托曾聞旱熯年步禱秉  
虔恪焚香跪設供梵語宣鈴鐸倏忽膚寸生不  
覺滂沱博五稼添膏長田疇息焚灼始知及物  
功井收勤勿幕五靈宇內聞茲山亦不作奇觀

惻風昔援筆記其畧

遊雪竇四首

錦鏡池

池荒寶鏡缺弔古空延佇石甃爲沙田蓮根斷  
禾黍雙溪幸不涸鋤鉅非難舉坐待綠波生萍  
開戲魴鱖

妙高峯

排雲入中峯層厓亘林莽陟險始得平臺基覆

卷三

五

如掌松下聞戒香茅茨奉金像不見驅虎僧千  
載空偃仰

藤龕

雪山有古龕石上盤藤枝瘦與影相似蔓留衣  
倒垂至今雙跣跡彷彿夜禪時欲續高僧傳彌  
深雲外思

桃花坑

桃花深淺色乃在石壁上苔粘落似遲日炙嬌

相向執有既非繪觀空併無相滌山悟道時半  
偈留方丈

讀陳何韓病懷詩賦贈

陰陽乃外患神王孰予侮雖有肘後方不及心  
安譜讀君病中吟近狀歷指數藥忌直書窗酒  
香空設俎危同入桁楊戚甚臨刀斧况嬰九夏  
酷揮汗流漿土稍快是朝初多愁仍夜午蠅蚊  
豈風仇飛嗜徧環堵一日腸幾迴連篇隔難吐

卷三

六

蟬吻焦必澁虎力衰不武以我逆志餘料君無  
所苦果爾中膏肓何能鏤肝腑聞有醫王藥熏  
然滋法乳請移舌根香回向青蓮字

讀公緒上人贈三學師叔詩

手捧詩一軸蔚爲架上珍覽詩欲何云緬懷彼  
上人弱齡卽悟道何者是前因一心心洞澈一  
語語清新聞有青蓮花宛然會其真空香取筆  
洒尚苦隔一塵比于作像觀未及觀法身我家

澄湖上亦自超迷津何時折葦來重以此詩陳

觀燭牖

續定久無識悽焉此荒岡百錢市聽櫓不異委  
路旁豈逮陵谷移無過風雨傷羣骸紛蕩析顧  
骨獨如霜眼孔漏無底雙顴亘空梁問爾爾不  
言悲風吼枯楊或云我族屬四顧逾彷徨生旣  
托華胄歿胡罹此殃王仁著掩骼騷客哀國殤  
蕭裡豈不具衆口徒噶噶南隣鐘梵音悟者聞

卷三

香何以肉爾骨皈念于空王

咏曹孝女爲許使君作

噫嗟嗟生盡天也誰識孝德不有風  
示幾沒女師過娥江而式靈使君曰  
可以風矣且喜且悲立溺女一案末  
俗庶有瘳焉吾儕幸庇宇下烏得不  
景從賈父流暢國風也乎

越不生孝娥厥父死何益娥將成孝德父死巧

相值哭聲正號咷浮屍豈易得不藉伍君迎况  
彼蛟蜃力人言苑格天生實天所隲明發鮮有  
懷娥兮世可則現身而說法此意人誰識

世終

霜鏡集第四卷目錄

五言律詩一

野飲

詠烟

有月

蟬聲

生日郊居

雨夏舟遊

夏至

眠食

與僧夜坐

題陳侍御雲在樓二首

宿育王東院

答釋公緒論詩

童力

避客

霜鏡集 卷四 目錄

紅梅

李花

上元日郊遊因訪何漢生

水仙

逢生

哭張遠叔

六月十五日紀事

海微四首

霜鏡集 卷四 目錄

八月龍舟

夜

賦得龔僧贈朗寂上人

鶴夢

悲觀堂

題法胤上人青映堂二首

同諸君修柳社于高粱橋咏柳二首

得梁字

得橋字

送李封若南還

寄題劉青藜寄清園三首

周斗文自易水歸縱談燕太子及荆高遺

事慨然賦此

韓孟郁國博僦居城外訪之不值

送鄧太素之官楚臬

送何漢生還鄞

霜鏡集

卷四 目錄

三

望西山

贈汪希伯

徒步西城下值葛震父自滇中入朝立

談近事凄然有作

客來

瞿潛士以畫扇來歸賦此酬之

得請侍養志別四首

訊楊無補

虎丘中秋夜月

度踰嶺

水閣納涼寄王伯無孝廉

題爾介雲半樓

瑞家園觀蓮

竹涼

寓高座寺雲庵上閣

秋律十二首

霜鏡集

卷四 目錄

四

烹雨

沐髮

不出

秋光

秋林讀書

送燕

秋夢

松下

促織

看落葉

寒潮

齋禽

老

齒髮

賦得吟窓

雲在室

霜鏡集

卷四 目錄

五

爲介立上人題看竹軒

宿湛懷師院

謝鄒臣虎工部贈畫

值顧所建謝客詩以訊之

有懷

都門畱別

南池懷古是杜公與許主簿遊處

借棲清旭樓聽天台法師講妙宗鈔

觀寫照

水堂

送家兄清生同二弟之嶺南訪新安烏明

府二首

看芙蓉

六月一日拜墓

霜鏡集第四卷目錄終

霜鏡集

卷四 目錄

六



霜鏡集第四卷

鄣 陸寶敬身父著

五言律詩一

野飲

飲莫違卿法吟當恕我狂  
酒條如雨密詩膽入山強  
石作隨身供花聞不意香  
羅衣溪一色待欲繡鴛鴦

詠烟

霜鏡集 卷四

初生何漠漠相湊忽飄飄  
每向空中引偏於遠處描  
大都迷水次一半截松腰  
莫作卿雲想家山近可招

有月

有月皆堪賞經秋洗倍新  
與涼爲氣候從水出精神  
鏡裏通孤影杯前拉幾人  
不知光與魄誰是現前因

蟬聲

翼輕偏好美舌巧未能偷韻  
在沸中出情於哀處畱化成  
全樹水催動一簷秋風急乘  
清聽何人以句酬

生日郊居

路去城非遠門迎水獨陰  
避人生日事惜福晚年心  
美睡堪傳譜清言以喻琴  
不煩他供具客至取茶斟

雨夏舟遊

霜鏡集 卷四

雨棹閒乘興郊烟一例新  
濕肥全刺眼綠重忽包身  
潦預生秋氣村如隔暝津  
阿誰施水墨添我景中人

夏至

一陰陰已動五月月之中  
初日如心淨奇雲到眼  
空麥涼堪借鳥梅濕恐  
生蟲渴吻資何解茶鐙  
勝藥功

眠食

眠食情無異寒暄景亦同  
單身離眷屬一沫在  
虛空與月爭吟次招雲入袖中  
猶煩二時課清  
梵惱隣翁

與僧夜坐

面面相覷空窓落瓦燈將無身入夢故有影  
隨僧難後魂初定苦中禮不矜欲知爲別久手  
驗夢階藤

題陳侍御雲在樓二首

霜鏡集

卷四

三

少陵曾寓意君獨以名樓每與升高並多因聽  
句畱幻將沈畫壁疎或綴簾鈎爲愛天空朗新  
容寫素秋

樓居真覺絕寄想亦超然豈料無心者番成有  
任緣天高吹忽近海白湧來偏似得蕭疎致同  
招鶴上仙

宿育王東院

樹下初成宿心閒若有聞欲畱詩供佛不可夢

無雲遠梵何天住空香驀地分新蕉添葉候窻  
雨正紛紛

答釋公緒論詩

三十年吟客何朝不燃鬚有心超碧落非望獲  
玄珠語怪吾安敢求新衆所迂知師饒法眼詩  
理入禪無

童力

旅次知童力優閒勝在家手應需作右心亦諒

霜鏡集

卷四

四

無他滌研供清課熏衣立絳紗有時聽麗句偷  
寫數行斜

避客

映竹了相窺閉門閒坐宜祇甘澹寞趣不寫應  
酬詩日是花銷得春還鳥喚知所嫌人借問刪  
却出牆枝

紅梅

獨領一枝芳勻脂入絳房雖然穠異瘦不以色

遺香與日爭寒采非霞動曉光折來娛老眼誤認武陵庄

李花

繁影動林端春風攪未殘故饒空外色應耐暗中看濯水十分潔消烟一段寒葦綃新落剪天女坐乘鸞

上元日郊遊因訪何漢生

以我耽行野佳辰避出城田家閒歲事山色澹霜鏡集 卷四 五

時情照水非孤影追雲又一程深邨知不誤隔竹驗書聲

水僊

姑射僊非水湘江水不僊誰知盆盎底宛似澗溪邊質是生來素神從浣後鮮空香知有待凍月照嬋娟

逢生

逢生重惜苑生苑未分明取酒惟澆影聞呼似

應聲野花含態活新月映睂清哀曲關神理臨堦每送迎

哭張遠叔

屢曾歸大難亦不天中年所未寬予者憐君久在燕舌耕生死案魂氣往來船寒食今番雨誰人哭野田

六月十五日紀事

拜墓侵晨山還城日未昏有司方下鑰無事敢霜鏡集 卷四 六

呼門艤棹長塘窄求漿列肆渾家童施小巧隔堞送茶尊

海儼四首

戈船銜尾泊炬火忽潛來波作通宵赭營飛一聚灰城雲冤所化海鳥哭而哀營壘皆兒戲難言某也才

未息秋來戰軍聲挾海濤因糧逢穀熟試礮喜風高旆舉千夫哭烽傳比屋逃水門催置柵舟

楫隔空壕

尺籍空君子名疆失杆陬羞應入巾幗氣未吐  
兜鍪主客空論勢堅瑕但伐謀今年舟戍苦春  
發直過秋

環甲山俱震呼庚市不譁吾鄉饒義士爾輩亦  
良家忍以身爲俎愁添淚是麻若云資口實牛  
種給耕畬

八月龍舟

霜鏡集

卷四

七

競渡元當午吾鄉獨以秋風涼宜棹舞水濫欲  
舩流出沒神施力東西客眩眸懷湘無此意蘭  
杜冷前洲

夜

開門與閉等吾目亦欺吾何處銷羣動相憐入  
一無偷光螢散落繞夢鵲驚呼每自悲孤影憑  
誰問瘦腴

賦得聾僧贈朗寂上人

禪本棲于寂聾逾不染紛從來人語合果否梵  
音分得悟惟參石乘虛每聽雲天神勞作供師  
只欲無聞

鶴夢

露氣酣清睡涼深自不知幻將生滅境寄在欠  
伸時美影全非月棲魂別有枝仙乎何處去碧  
落與雲期

悲觀堂

霜鏡集

卷四

八

十六觀名堂何堪一炬傷香雲銷北宋水鳥遁  
西方灰與僧論劫膏寧佛放光我來悲感集赤  
土徧長廊

題法胤上人青映齋二首

丈室寄禪踪香雲足自供白生當此際青映若  
爲容林影沾孤隙天光透一重居然成曠覽無  
色界相逢

滿目湖山趣皆緣意想成空中雖借色象外欲

忘名坐每邀雲到談先化水清惟應待支許相  
與証無生

同諸君脩柳社于高粱橋咏柳二首

得梁字

纔過麴塵黃柔枝撲酒香色矜春乍染名入社  
偏長欲舞憑風力含啼浥露妝今朝攀折好不  
似在河梁

得橋字

霜鏡集

卷四

九

春絲何濯濯拂水復橫橋離別生來管風流性  
所招倩扶帘影不畱繫馬蹄驕應笑園花落相  
隨得幾朝

送李封若南還時汪遺民同日行

我輩多畱滯君才獨爽然甘栖彈鋏舍好使擊  
琴錢狎世耽紅友思歸夢綠天聯舟復聯咏誰  
謂不神仙

寄題劉青藜寄清園三首

人世渾如寄君園獨寄清曾聞先得樹更妙不  
離城花送全家喜糧分幾鶴羸京塵嗟滿目棄  
此欲從行

滿京傳勝槩相望一程遙未易分身往空煩舉  
手招恠應叅石筍香欲待荷苗夏屋涼生際新  
詩納幾瓢

從來推品俊邇復詫園奇夏課延吾友朝華爲  
子披鳴蟬催置釀浴鳥望開池夢已先秋到清

霜鏡集

卷四

十

風豈後期

周斗文自易水歸縱談燕太子及荆高遺  
事慨然賦此

每讀燕丹傳曾悲易水遙聽君談往事風起復  
蕭蕭歌筑聲偏激衣冠恨不消精魂如解語一  
一費詩招

韓孟郁國博僦居城外訪之不值

常時惜馬足不敢爲君閒閒積泥三里橋迷水

一灣所思難就見乘興又空還未盡懷來語秋

雲滿故山

送鄧太素之官楚臬

久交情已密一別路仍難幸不憂炊桂行將及  
采蘭有官皆帝造隨地貴民安江漢朝宗急  
朝朝城下看

送何漢生還鄞

櫪馬臨分澁簷烏送客鳴乃知人去國不獨我

霜鏡集

卷四

十一

鍾情贈欲窮西爽吟先富北征湖干歸倚棹爲  
訪小柴荆

望西山

閣上寨簾處街西立馬時翠先桃意動雲不讓  
詩奇半影留僧對真形問鶴知寄聲松桂道石  
室有佳期

贈汪希伯

終歲戀幽寺幾家迎懶磨非惟恩重佛不可句

無僧清論閒能理紅顏醉易乘江南春早到紫

界寄來曾

徒步西城下值葛震父自滇中入朝立

談近事凄然有作

於巷巧相值徒行若爲君望而知故態談乃暢  
新聞作吏勞心血居夷長面紋途遙經卧疴藥  
悔未前分

客來

霜鏡集

卷四

十二

簾捲遲遲日花移灼灼叢客來無別設相對挹  
春風海錯皆能辨方言小不同南歌催北酒醉  
眼睨燈紅

瞿潛士以畫扇來歸賦此酬之

扇復歸吾手開槭見化工忽然生墨霧何止贈  
清風點樹新晴出皴山太古同知君詩總妙妙  
理畫先通

得請侍養志別四首

陌上千絲柳天南幾樹萱肯教人繫馬欲奉母  
行園喜色燕山借歸心越鳥言書成如見憶紅  
豆滿秋原

清朝登啓事黃閣忝知音祇爲陳情迫非無行  
義心夏雲奇入畫秋筍碧成簪不遠江南路從  
公乞故林

同心多慰藉不去日興嗟道在寧須祿官貧况  
甚家月宜船共載鷗逐緯爭譁遊子聞詩後歸

霜鏡集

卷四

一三

當補白華

別是銷魂日茲行反得歡意中先到母身外更  
無官漱入清流爽談滋綠雨寒雖家剡一曲未  
肯乞黃冠

訊楊無補

先時聞病目曾否得回光見暗從無着羞明豈  
獨妨悟來消夙障涼至勝新方幾日疏櫺掩秋  
花已透牆

虎丘中秋夜月

朗月人同玩名山興獨牽林高攀似及石坦坐  
能延物象供吟爽天香入想玄吳王先我至白  
馬劍池邊

度脚躡嶺

峻阪歷千盤驅車上獨難身嫌危石礙足藉朽  
株安送鳥行空沒招雲入畫看巉扉開絕頂雜  
坐數烟巒

霜鏡集

卷四

十四

水閣納涼寄王伯無孝廉

小閣俯滄洲冷風足快游窻紋蕉獨映壁影水  
交流避事因消暑懷人不待秋蕭蕭門外柳相  
望一維舟

題爾介雲半樓

樓居無法侶心在此山雲果得相招住還憑中  
半分影孤憐忽並咒密許先聞只恐從風去疎  
簾遣護君

瑞家園觀蓮

炎風吹不歇開滿一汀煙色盛人憐後香清客  
到先送吟方倚岸畱採忽迎船酒醒斜陽盡羣  
鷗穩抱眠

竹涼

疎簾映北戶晚色淨炎氛半壁忽飛翠全身如  
覆雲詩將洒淇水夢亦冷湘君獨坐沾餘爽心  
冰未許分

霜鏡集

卷四

十五

寓高座寺雲庵上閣

孤閣閒凭竹雙扉靜掩柴露零初灌頂月偃忽  
投懷葉響驚虛壁燈輝閃近街窻禽欺獨立掠  
羽傍樓鞵

秋律十二首

烹雨

添葉煮偏幽經梅味獨畱一聲沸鐺底幾脉剪  
簷頭雲碧未全化天高翻易求瓦罌曾徧注茶

想妙新秋

沐髮

諸緣淨于水髮亦想當知借濕濯根醒招涼上  
頂遲客稀三握後風快半梳時應被秋光笑如  
蓬復有絲

不出

好閒長不出莫問閉關曾載酒徒多事修械亦  
懶磨氣舍羣動息詩照片心澄滅跡秋苔厚壁

霜鏡集

卷四

十六

觀同老僧

秋光

空映忽成有蒼茫數里間尋真迷不出想或寄  
能閒隔竹鳥銜去侵城雲帶還倩誰施淡墨潑  
上米家山

秋林讀書

疎林情借爽映讀若爲教聲入吹驚葉悟隨雲  
墮梢翠籠函丈過陰趨惜分交有日開霞笈先



逢鶴借杪

送燕

梁間吾不惜去此復何邦力弱雛將幾風低影  
逗雙已無心顧壘空有語留窻偷約重來日花  
開倒玉缸

秋夢

善幻無如我宵飛出屋重涼魂搖不定空界驀  
能逢趣月先投寺沾雲又泊松匆匆騎鶴到第  
霜鏡集 卷四 十七

未識何峯

松下

山雲勞坐想心快在城遭倚客驚新瘦遮天欲  
不高潤占苓聚液清見鶴遺毛隔屋思通牖霜  
風攪夜濤

促織

是物皆知候何聲不送寒無衣吾計失有戶爾  
身安露引燈前咽風含草際酸兒曹真好事校

壁到更殘

看落葉

連枝凋沃若達者驗非常有憾時相促無生理  
獨長幾林人見月今夕鳥知霜妙在書窻寂聲  
乾觸粉墻

寒潮

不識江光凍潮來幾信枯風攜餘力軟石撼舊  
痕無待渡船離淖撈蝦屨及蘆有誰司海箭消  
霜鏡集 卷四 十八

息問天吳

齋禽

食隨鳴磬盡分出掌中香相念非饑火頻招入  
呪光衆生如我淨寸粒續緣長法喜欣沾味低  
飛美夕陽

老

身自同蒲柳秋來最不堪葉催髦半禿風入骨  
如鐸計豈添衣足情惟灸藥甘夜涼愁失寐留

火待僧談

齒髮

齒髮誠何惜吾衰味久諳  
祈年方免過聞戒只除貪  
杖欲登山試珠懷記事慙  
因牙微有悟畢願向瞿曇

賦得吟窻

好爲蟲唧唧此境遂吾私  
楞入想俱化紙留聲不知息  
停孤倚處韵接半窺時待月  
涼於洗無

霜鏡集

卷四

十九

言自得師

雲在室

一室小於盃屢空不及雲  
有閒先我到無任任人分着  
壁偷松影當窻美水紋鶴巢  
孤可並刷羽白紛紛

爲介立上人題看竹軒

精廬在何境相對但蒼蒼  
不覺眼光淡因而心地涼  
迥將詩借色幽欲戒分香  
好寄王猷癖尋

僧話夕陽

宿湛懷師院

時師與其孫西有各以書見贈故句及之

開圖驚二妙妙果勝天成  
及到林間宿還疑畫底行  
細星沉硯紫高浪蹙簾明  
未夢枕先濕隔窻雲又生

謝鄒臣虎工部贈畫

曾說詩傳畫天工擅絕倫  
素將迷本色秋欲露全神  
愛僻先移塢嫌喧不置人  
感君持贈意朝

霜鏡集

卷四

二一

爽入睂新

值顧所建謝客詩以訊之

雲杜常時說田文繼舊踪  
不應疎伐木多是困乘墉  
鴿羽花梢墮蟲絲藥院封  
所聞兼所見畫壁豈真龍

雲杜李公每稱爲孟嘗君

有懷

已知成遠道猶是嘆離羣  
秋盡旅中月人歸夢裏雲  
青燈只益照老鴈莫相聞  
竚想北窻下葉

聲疑是君

都門留別

竟爲如此別何以慰論文天意應難問秋聲不  
可聞路欺雙目短情怯隔年分行李羞無賴相  
煩致白雲

南池懷古是杜公與許主簿遊處

憶昔長吟處曾攜短簿船杯香春逕草客散水  
樓烟蓬翟今誰剪人琴已不然寥寥千古後太

霜鏡集

卷四

三十一

息此青氍

借棲清旭樓聽天台法師講妙宗鈔

經云觀落日我獨寄東偏破暗不知去爭光誰  
敢先心迎珠忽朗夢入鏡長圓第一求中道聞  
鐘赴講筵

觀寫照

清揚殊不減美筆使人驚看久忽成態問回如  
有聲傴僂淹酒德憂憂漏詩情穉子嬌思將衰

髭白幾莖

水堂

我愛水堂上終朝澹碧流偶因看竹伴來作臥  
雲遊人影晚初靜磬聲寒更幽那知禪誦地樽  
酒得淹留

送家兄清生同二弟之嶺南訪新安烏明

府二首

已作圖南快寧辭度嶺難橐仍攜舊陸琴一聽

霜鏡集

卷四

三十二

新安試酒柳將割熏香蜜未乾從來文價重客  
每藉爲官

無勞悵獨行亦不憚兼程水緩安舟楫情深托  
弟兄瘴烟催飯早海月入詩清欲借梅相贈花  
殘子未生

看芙蓉

紅芳冷不支幽渚若爲私半影窺秋水全林繡  
楚詞爾能臨鏡出吾欲洗根移誰念空江上寒

霜獨後期

六月一日拜墓

脫身城以外拜墓暑之中所喜雲蒙日殊勝葉  
柏風林鳥迎母聒石虎近人雄冥報資何品蓮  
花作意紅

霜鏡集第四卷終

霜鏡集

卷四

二十三

霜鏡集第五卷目錄

五言律詩二

伏課三十首

育王道中

過雲半樓憶爾介

生日禮佛水觀祚公具齋

三觀蓮

祖關觀蓮

霜鏡集 卷五 目錄

紫荊花

秋郊

策盜二首

爾介雨中過宿

登小白嶺

天童寺九口

天童歸再宿白繡庄

普和寺

葛觀察太然樓

聞鴈

鵲嚙

蕉雨

病蕉

挽楊玄度妹丈四首

大水二首

又大水二首

霜鏡集 卷五 目錄

題李漸鴻侍御來誰園二首

花脂

竹粉

柳衣

苔錢

杜有四更山吐月之句坡公以已意廣之

頃見諸上人所作起予者多矣因勉成

五律以杼未竟家本無山故下山字註

脚

一更月

二更月

三更月

四更月

五更月

爲姚子雲悼內

象山潘明府禦寇詩

霜鏡集

卷五 目錄

三

惜洛陽花

秋海棠

傷逝三首

小劇

登仲夏山

同周斗文家公輔尋佛蹟庵

飲朱君錫山居時將之官

載酒冷泉庵遲釋玉林

飲劉君佐山居因止宿

雨泊天王寺下

癸酉春日寺居

玉蝶梅

藤花

清明

江口山中訪慈定茂白

過薛歸德故園

霜鏡集

卷五 目錄

四

庚午除夕

觀賽

霜鏡集第五卷目錄終

霜鏡集第五卷

鄞 陸寶敬身父著

五言律詩二

伏課三十首

居仍多暇日行已屆秋風易得涼爲壽何勞火  
見攻病畱閒退步談佐讀餘功臥逐槐陰徙攜  
來簞一筒

熟客幾相從門蘿尚未封膽逢行酒怯汗入晒

霜鏡集

卷五

書濃交道惟存石家貲好計松晚來耽露坐不

任茗杯供

石鮮斑侵逕風荷香滿窻靜中雲縷縷高處鳥  
雙雙得地憑栽竹增樓欲澗江一逢談小品頓  
使熱心降

懶只依于睡慙元不可醫辯來簞桶易吟過佩  
鵬詩入靜觀渾影儲涼愛樹枝閉門無限好新

月一簾私

客都辭以疾官亦棄之歸照讀榴千簇遮眠柳  
十圍表虛終避扇骸垢倏更衣悔不知非蚤頻  
年又涉非

適意施巾幘栖真混里間供虔檀大士銜謝麴  
尚書列戶蜂相準因糧鵠有餘何人徵夏課短  
髮快風梳

小築喜臨湖湖雲歲作租書分寒士有飯與釋  
孫俱炙藥新諳性修花夙了逋怪來身似水捧

霜鏡集

卷五

出雪山圖

老樹如人瘦修藤傍屋齊施禽低說呪謝客久  
封泥石幻三生謎花拈百種題綠窻涼乍啓誰  
與聽談雞

笠影欹連雨廚單減半齋生而知越絕閒乃習  
齊諧草與僮爭路雲隨鵲下堦流金休見灼吾  
已外形骸

滌硯臨新甃攜琴上古臺每嗔蟬攪樹不禁鹿

汗苔意到風能御詩成雨未催蓮香君悟否心  
印問宗雷

慢火青蒿汁微風白葛巾暑偏饑作禮病始得  
安身筍譜窮禪悅冰銜借韻人階桐如倚益流  
蔭入芳隣

玩世以何云心空洗舊聞窺人聊映竹授札每  
通雲越扇分蕉縷吳紗蹙浪紋修生慙乃父枉  
自卓雞羣

霜鏡集

卷五

三

有待方開逕無交不署門熏香通別宅聚綠似  
深村釵股論書妙矛頭淅米喧振衣乘浴起火  
候熟茶尊

久疎河朔會粗締竹林歡學飲慙無量攻文勝  
有官圖成山曲疊夢到月高寒驟雨盆魚躍呼  
童減水看

無可爲人說惟應閉我關雙維弛竹外十畝靜  
桑間性喻東西水禪依大小山雖俞隣衲請興

盡又空還

頻於長晝讀間作下春眠少福難居佛雖頑喜  
近仙巾裁菱角峭蜜取相花鮮欲試清涼散將  
心置澗邊

物外論逍遙孤居韻最超行猶持半臂漱只寄  
空瓢燕避人張幕厖嗔客上橋商飈微動處製  
曲已先招

日中無穠穢門外任椎敲擬作蕉彈事誰容瓠  
霜鏡集

卷五

四

解嘲青奴俚易冷紅友狎多嗽向已盟松水何  
分縞紵交

山情妨執卷水厄甚鋪糟撫柏身忘蔭牽菱手  
欲撈壁前書藥忌輒上解琴發弄筆羣兒熟抄  
成半部陶

面紋堆欲起口業懺無多名可聞非痾詩雖好  
亦魔皴山師北苑賭奕笑東坡竹下渠新決容  
吾濯足歌



業文心倍苦延佛供非奢醋甕防深入繩牀學  
半跏非空驕庾饌槐只認殷家畏熱頻思雨逢  
人間早霞

赤脚據胡牀猶嫌室未涼手摩冰鏡濕心想雪  
蛆香獨鶴銜巾去羣鳩伺粥忙粉痕沾汗白的  
可試何郎

開處途偏熱閒中氣自清林風非扇舉窻月勝  
燈明載牘忘前事乘軒讓後生他年論繼述羸

霜鏡集

卷五

五

得五湖名

眼看秋黍熟心愛晚菰青竹錫逢僧在茶烟爲  
鶴停誰畱空半字自負嶽真形胸次塵無點風  
高動鶴鈴

着處豐丘壑無言掃葛藤書通波若寺照寫壁  
觀僧蝶夢猶酣露蠅聲遠避冰性間非好銀高  
柳爲人稱

骨癡偏碍道性緩不容愁每指禪中謔難窮枕

上遊風痕斜壓樹池影倒涵樓花露清堪飲空  
堦澹欲秋

新雨忽吹襟殘雷未過林口能非七子腹敢詫  
三壬李作浮瓜伴蕉餘拜竹心路傍騎馬客遙  
認洞仙吟

生元非佛後家復寄江南擇地安藤組分門入  
芥庵夏蠶絲未脆秋芥味逾甘學杜弭耶口臨  
階與石參

霜鏡集

卷五

六

出世途非窄行園趣每恬薇花垂組綬梔子護  
香嚴童約依時換僧單傍夜添未堪形稿木猶  
長數莖髯

候與吟俱進愁隨暑共芟猿心依檻靜蟲口近  
人絨雪藕圍香玉書蕉誤綠衫山農煩遠報製  
就劖苓剗

育王道中

船無十石重裝挈半肩行眼底迷全綠談中見

獨清新田蛙入夏高樹鵲分晴山色真吾友雲  
來隔水迎

過雲半樓憶爾介

肩瓢何日去樓掩一春深我自知來暮師元無  
住心積跌苔面出餘韻竹中尋故是雲爲侶因  
雲欲寄音

生日禮佛水觀祚公具齋

生日叩無生居心愧淨名故吾何法捨新佛幾  
霜鏡集 卷五 七

時成水入空來碧香留悟後清西方多勝友先  
爲具藜羹

三觀蓮

巡沼尋常慣觀花次第來經時紅未老計日藥  
都開轉態難酬曲餘香正戀杯舟人應見訝送  
客已三回

祖關觀蓮

滿挹寶池風分栽佛塔東衆香堪代供四色了

知空乍擬舌根出徐留鼻觀通晚涼人定後開  
落咒聲中

紫荊花

新葩饒間色簇簇列簷端未葉先爭媚粘枝若  
怯寒豔中憐細拆幽處訝多攢雖則無兄弟春  
暉許借看

秋郊

野性耽幽討扁舟載夕陽水能還一碧天未借  
霜鏡集 卷五 八

全涼露稻滋高節風荷學退粧山程遙莫問只  
是攬餘光

策盜二首

醜類棲窮海乘潮忽擣虛何人身倚劍笑爾臂  
當車下檄催飛將登陴却謾書儒生爭借箸相  
待脫長裾

羣公皆坐鎮司馬獨行邊野任交鋒急城惟下  
鑰先衣冠相對默鈴柝不時傳未得銷兵術空

追渤海賢

爾介雨中過宿

短燭消茶話空齋夜轉清雨留師灌頂鐘是佛  
尋聲葉墮皈依急蟲哀懺悔生吾衰無外事禪  
喜入詩情

登小白嶺

步與興相半勞勞入翠微峯堪隨態取雲作斷  
根飛倩僕扶衰力逢僧悟上機空中招手近塔

霜鏡集

卷五

九

影示皈依

天童寺九日

不逐登高會來尋選佛場題餠成小飭憶菊到  
空香石氣逢叅冷溪聲入誦長今朝如落帽脫  
頂見慈光

天童歸再宿白繡庄

道傍餘草閣息力故來頻不改泉鳴夜仍留月  
出申簾先招熟客粥易飽勞人笑語深相慰山

風洗面塵

普和寺

迎門江數折映殿石千重淡日依田燒悲風起  
墓松僧閒終缺粒婦懺忽修容昔者談詩處空  
房賃午春

楊伯翼常遊此

葛觀察太然樓

樓亦在人境依林便不羣招尋容我輩筦鑰付  
山君每句詩傳水全身影化雲閒遊堪一宿夢

霜鏡集

卷五

遣鶴相聞

聞鴈

草宿吾多感風呼爾獨忙偶然心一觸似有語  
相商凍已違燕雪饑應就越糧遺音何歷歷勝  
彼尺書將

鵲嚙

枝上瞥然驚醒還與夢爭似因耽送喜不覺驟  
蜚聲露借喉間液風梳膈內清臨河將匝樹此

際未分明

蕉雨

夜窻留破寂葉葉正蕭蕭驟欲侵燈亂疎能度  
磬嬌夢閒如細滴吟渴得分澆好爲僧儲紙無  
催綠暗消

病蕉

誰管秋蕉病吟成黯自傷將殘惟雨泣不整豈  
風狂身比經云脆膚隨症入黃莫嫌無起色春

霜鏡集

卷五

十一

到卽醫方

挽楊玄度妹丈四首

王謝多華胄潘楊有舊姻壑舟何太早泉戶豈  
知春指未傳琴客魂猶傍酒人浮生誰不死不  
死者真神

不敢忘吾妹頻爲問所天尙平雖息累遽玉未  
登年治命何人受招詞仗佛宣家居仍客死百  
里隔東田

書曾朝夕訂禮必古今商如此深相益非親亦

共傷雖知生是旅敢信樂爲王相宅終畱驗關

情在渭陽

出門猶勇往行野忽支離劫豈真成劫醫胡不  
自醫軟毫消八法空簣困三尸歸賄吾能及陰

風素旄吹

大水二首

瀕湖盈百堵積潦失寧居舟反高于屋人誰免

霜鏡集

卷五

十二

作魚撈萍迷曲巷望柳認前除正及西成日憂

深藿食餘

突烟飄盡濕井幹沒全無豈幻桑爲海還愁邑

化湖魚蝦爭上樹雞犬亦乘桴潏潏金銀闕晴

看若可圖

又大水二首

巢窟憂無極風濤勢更奔漂禾成故套沒石過  
前痕鶴豈長鳴埵鷗今日到門候晴將葺宇不

奈屢翻盆

室與田俱溢秋連夏共愁兩番天作沴浹日地  
如浮海客看應熟波臣怒未休民咨無可計只  
是戀操舟

題李漸鴻侍御來誰園二首

鑿沼心俱曠分畦手獨栽但能空我相不必問  
誰來午夢花迷雨春吟筍破雷君豪真白也邀  
月且銜杯

霜鏡集 卷五

十三

入畫孤亭起畱吟灌木栽真堪攜簟臥何但抱  
琴來花糝非時雪潮喧隔郭雷持螯知得意莫  
負聖人杯

花脂

一樹紅粧好闌邊並美人檢痕曾試手點法欲  
濡唇半濕纖纖雨輕勻片片春侍兒憐未折心  
恐汗羅巾

竹粉

映日白離離新竿歷可窺泥於畱籜處糝在露  
青時雷茁含應久風搖褪獨遲香奩誰貯得素  
面拭相宜

柳衣

縷縷散芳春春光染乍勻黃微初落剪綠滿漸  
遮身未許周寒士惟堪借舞人風前腰力軟曳  
地莫生塵

苔錢

霜鏡集 卷五

十四

散漫土階中圓紋顆顆同春陰融入冷雨氣妙  
爲工駁借蟲成字青疑石化銅閒行隨地有豈  
惜杖頭空

杜有四更山吐月之句坡公以已意廣之  
頃見諸上人所作起予者多矣因勉成五  
律以抒未竟家本無山故下山字註脚

一更月

一更山吐月湖濶未逢山乍喜臨初夜先能滿

近灣鳥歸清可數鍾應白相關露濕桐疎外東樓影自閒

二更月

二更山吐月漸漸出空陂與我期何晚無山上亦遲童多眠未覺鵲以嚙相窺坐照蕭疎髯空堂恍見維

三更月

三更山吐月氣晦卽山深候至逢生白秋來爲

霜鏡集

卷五

十五

洗陰與誰分半面顧影得同心蟲語依人寂圓窓照朗吟

四更月

四更山吐月鈎影落秋空直到看吾輩何曾異杜公微明私枕上殘夜似山中不負眠初醒清疎對竹叢

五更月

五更山吐月反映入窓幽鼓動欲收去吟成還

借留暫隨僧豎指斜傍客梳頭憶得坡仙見羅浮山上遊

爲姚子雲悼內

婦病傳書亟歸舟早渡河數朝曾不待百歲竟如何花落生前屬蟲喧夢裏校自憐非達者慰爾以盆歌

象山潘明府禦寇詩

島鯨時出沒化瑟借長城不下將軍令惟聯子

霜鏡集

卷五

一六

弟兵海邨無夜鼓漁戶足秋杭計日徵書至栽花報政成

惜洛陽花

予家養洛陽甚盛今年分六盎獨純紅如故餘皆蕭索故惜之

殷紅雖異種雜色讓平時不作後來勁豈忘先贈詩客閒堪數朶孫穉欲量枝隨例安堦城何心顧盛衰

秋海棠

嬈嬈勝春棠堦前別有芳乘時濡白露擇地背

朝陽韻逐枝斜出文留葉暗藏似憐秋圃淡作  
意美紅粧

傷逝三首

湯熨施何及膏肓恨至今有言情尚淺不哭淚  
方深室靜似聞咳燈孤難死心靈衣風乍舉搖  
曳竹窻陰

畢竟歸坏土空帷望轉驚影惟麻骨肖命與藕  
絲爭將父生無力依人死見情一盂供麥飯取

霜鏡集

卷五

十七

次及清明

聽罷呼鋏鍾途人亦泫然燐生一夜雨魂繞幾  
弓田遺墨蟲知篆柔肢柳學眠追思真歷歷不  
獨爲無年

小劇

花時逢小劇雨晝倍無聊添減衣難定甘辛藥  
自調閒堪修睡譜倦不廢詩瓢乍有隣僧至香  
間解脫招

登仲夏山

山以夏公名春招我輩行墓田依石及民舍與  
花平閃樹全身綠擎雲一手輕何仙遺藥曰飲  
水得長生

同周斗文家公輔尋佛蹟庵

足音茅徑寂山晝掩門長佛以空爲供僧餘乞  
作糧綠吹人面濕青折竹胎香不一曾來憇相  
攜問舊房

霜鏡集

卷五

十八

飲朱君錫山居時將之官

舊遊都不省及到尚依然山色饒爲主林居况  
似仙吟從花起韻誰使酒分權何日之官去春  
江綠滿舫

載酒冷泉庵遲釋玉林

酒載盈尊出泉生一窟香花姿輸雨白石氣破  
林蒼已被春勾醉還求佛恕狂詩禪堪互印底  
事出山忙

飲劉君佐山居因止宿

野筍燒廚嫩山花插席奇  
斯須容我酌九十際  
春期取酒謀新婦  
關詩闕小兒主人情不俗  
呼枕傍松枝

雨泊天王寺下

野泊知何定春宵  
雨正繁一鐘清掩寺  
片火濕迷村是處皆難路  
逢僧卽度門靜緣終不滅心  
內自調猿

霜鏡集

卷五

十九

癸酉春日寺居

丈室孤居好藜牀  
淨掃塵依僧爲眷屬  
懺佛長精神莫取年  
占酉先期藥合辰  
花時無客過乘此作閒身

玉蝶梅

玉蝶何方至寒葩  
覩此稀迷香元速化  
出葉尙遲飛不耐當  
風怯偏宜入雪肥  
江南春幾日片片粉沾衣

藤花

簇簇復盈盈花垂若曼縵  
堪描惟淺紫不定是柔情  
他樹縈偏細遙空閃獨明  
最憐池上影百媚夕陽生

清明

家居安舊俗  
桺柳過清明冷水宜澆杏生  
道可代羹身羸羞晚達  
筆秃倦春耕小雨梨花下何堪聞哭聲

霜鏡集

卷五

二十一

江口山中訪慈定茂白

屢摘梅猶苦初莢  
筍不肥已逢僧掛搭  
何厭客皈依石靜猿聽梵  
堦平鹿舐衣山春愁太熱心在大雲飛

過薛歸德故園

小結閒園巧陰生  
北郭涼只除齋十笏  
都入水中央鳥自求詩  
友人猶訪醉鄉空庭無雜卉種滿石蒼蒼



庚午除夕

寒更催轉急歲去杳無憑縱得爐添火難忘枕  
是冰曆存今夕驗詩辦隔年徵忽作冬溫夢淒  
然淚滿膺

觀賽

鬼俗知難挽巫言苦未除地靈澆酒後雲靄進  
香初是室金如罄何人粟滿儲明朝秋社散歎  
息釜中魚

霜鏡集

卷五

二二

霜鏡集第六卷目錄

五言律詩三

辛未元日二首

十三日燈市晝遊

十四夜周吳諸友寓叁試燈

十五夜同官燈樓會宴

十六夜城西坊諸廟觀燈

喜胡子延社兄舉第二子二首

霜鏡集

卷六 目錄

母壽八十羈于官守未遂稱觴志感四首

九日登演武臺觀武試

送楊孚先宰古田

空相寺

冬日

冷泉

巖庵

餞菊

無才

偶然作

燕居

贈羅錦衣

岳林寺

鳩茲曉發

夜飲貴池游明府署中

歸途

霜鏡集

卷六 目錄

佛蹟庵老僧

自箴不忍舍我相隨渡江抵宿永慶次日

言別詩以志之

秋院

秋日招嚴仲章吳潛王家公爽公輔小飲

湖堂值雨分簫字

寒山

後征建五首

寄懷家叔侍御督鹺淮南

登牛首絕頂

飲張扶輿金吾宅

金陵客舍集楊南仲周孚尹李詔枋諸君

冬日園居答友

冬日山庄

贈永慶作務僧

偶作

霜鏡集

卷六 目錄

三

永慶寓居四首

廣陵訪謝中吉侍御因談時事

李中丞南園同郝氏昆弟宴集

矢水

釣臺嚴先生祠

宿天井寺樓

周斗文父客廬陵寄訊一首

居廬酬蘇明府

泊餘姚北門

山陰道中

發常山期同遊客

次淮陰呈李司徒

送一生上人自赤城還吳

竺居遇雨

訪楊漢卿郭北居

雲南

霜鏡集

卷六 目錄

四

雲北

潺湲洞

鞠侯

雨中

鍵戶

送人之粵西

和楊修齡侍御題曹娥廟

玲瓏巖

天井寺二首

有感

晴窗

閒居

雨花臺

木末亭

玄武湖

梅花水

霜鏡集

卷六 目錄

五

天界寺

報恩寺

朝天宮

磐陀石望海

神宗皇帝挽歌詞二首

光宗皇帝挽歌詞二首

熹宗皇帝挽歌詞一首

霜鏡集第六卷目錄終

霜鏡集第六卷

鄧陸寶敬身父著

五言律詩三

辛未元日二首

元日復此值吾生幾見辛問年加學易惜力減  
迎人雪色迎酺煖花期入假新買來官紙貴未  
盡拭窗塵

霜鏡集

卷六

五

免朝傳枕上晏起得寬情冷尚封冰骨春先洩  
鳥聲瓶花加意賞閣草逐條評語及南陔慕兒  
童亦勸行

十三日燈市晝遊

歲鼓隨兒競街塵撲馬高節催燈長價帘引客  
舖糟寶色千金櫝人聲十里濤寒窗宵讀好歸  
望月生壕

十四夜周吳諸友寓坐試燈

不忍負良夜一燈娛衆賓照來顏有豔烘起座

生春燭短心虞跋風斜手撥輪九光與千影誰  
是樂遊人

十五夜同官燈樓會宴

遠僦張燈地同來問酒籌火山移入郭星雨散  
當樓百戲弛宵禁千衣侈晝遊玉枝吹焰起躍  
馬過深溝

十六夜城西坊諸廟觀燈

瓊寶雜燈陳聲喧拜廟頻宵偏移作晝國豈聽  
霜鏡集 卷六 二

于神馬上馱笙穩竿頭學舞新幾坊紅燼落細  
輾作香塵

喜胡子延社兄舉第二子二首

近應克問喜遙分降嶽精鍾情方在少揣骨更  
難兄子驗仙桃熟珠舍老蚌生胡威真世濟新  
史載清名

已謀歸侍膳復道寤生兒啼向初孩試祥逢再  
索知銀錢如月曜文襴入花移今日將雛曲重

歌出鳳池

母壽八十羈於官守未遂稱觴志感四首

家越客於燕誰供八袞筵自來甘子舍非不喜  
親年啗指遙難及廻腸隱自牽微官何足道歸  
且力耕田

巧筵前幾日壽母誕彌時倩客圖人瑞畱孫侍  
女師蓮開依賀宅瓜熟驗幽詩我獨羈南羽秋  
風轉未期

霜鏡集

卷六

三

却鮮先蒙訓從龍早致身何人無色養顧我未  
情陳野橘經懷少庭烏念哺頻毛生徒自喜小  
草奈違親

燕喜時難值籠禽孰遣飛一身淹玉局間歲濶  
斑衣狄舍雲孤迥潘園果競肥乳姑真盛事不  
待晝遊歸

九日登演武臺觀武試

暫輟茱萸會來尋細柳營登臺非任將越俎且

觀兵肝食勞東顧秋防重北平何人先中的努  
力事專征

送楊孚先宰古田

但能高治行百里未蹉跎海邑風仍裔詩家政  
自和買書分俸急問字及門多玄閣標名古先  
期待子過

空相寺

掩室秋山靜蒼虬列數株暫來雲似客閒聚石  
霜鏡集 卷六 四

爲徒積潦平溪碓殘灰擁地壚何年智度論粉  
筆畫成圖

冬日

窺窻情脈脈覽鏡髮蕭蕭室護迎春蒞山枯半  
夏苗絲雞當箔挂香獸隔灰燒昨與隣僧約聽  
鐘度石橋

冷泉

暗窟路層層寒威勺水增忽驚膚起粟不覺齒

生冰溷淺分苔面源深破石稜何年隨坐夏瓢  
飲對真僧

巘庵

石劈自何年中倉屋數椽僧安雲臥席佛老穴  
居天浴釜傾泉入吹燈與燒連日斜門不閉紅  
見野花然

餞菊

無情番作別不覺別程遙故土根難繫空花色  
霜鏡集 卷六 五

易銷含啼幽徑寂畱影畫屏嬌欲問重陽酒蹉  
跎隔歲邀

無才

無才甘獲落蓬戶且歸休 帝力容高臥親年  
怯遠遊霜侵萸實紫風曳柳枝柔只有藏山癖  
多方藥未瘳

偶然作

釜魚資屢訕禪虱見仍同室謝鳴機婦居隣販

藥翁詩成催骨立酒熟借顏紅病客堪乘興觀  
濤八月中

燕居

斗室肖蝸廬神閒獨燕居爐溫燒笋後鏡冷刷  
雲初礫鼠苛成獄鑽龜僻著書漢家經術重垂  
老望安車

贈羅錦衣

公退容高臥官閒適性靈種香初入譜脩藥盡  
霜鏡集 卷六 六

依經玉刻藏書印椒塗款客廳兵廚兼有酒何  
用獨爲醒

岳林寺

門聒亂流長看山不下堂竹寒僧面上雲瑩帝  
珠傍剡柏開壚供修經入櫝藏羣生真自昧兜  
率是何方 相傳彌勒降生于此

鳩茲曉發

鐘漏何方曙滄波望不分燈明漁戢舫葉暗鵲

驚雲夢訝江妃接談隨木客聞楚蘭堪結佩千  
古挹清芬

夜飲貴池游明府署中

青尊堪對客高館坐鐘鳴掃葉露微滴移燈風  
暗驚市鮮供尺鯉家果出香橙宿鳥歸何晚應  
憐繞樹情

歸途

楚雨空江綠漁歌竟日聞帆高催拍浪篋冷憶  
霜鏡集 卷六 七

關雲直道絃終廢衰容鏡欲分無能懷擊楫暫  
爾逐鷗羣

佛蹟庵老僧

山居雖免俗垂老厭袈裟目霧晴難豁頭風冷  
易加燈銷蓬戶暗香裊竹林斜欲滿軍持水松  
根汲井華

自箴不忍舍我相隨渡江抵宿永慶次日

言別詩以送之

我亦猶人耳君能相念深同來忘涉險歸去恨  
投林隻履妨三宿孤帆繫兩心毋將天堦水容  
易間知音

秋院

憐秋將共住不自啓柴門露砌花爭沐風窻紙  
獨言涼生勝服散城僻似家村夏課初停手分  
忙灌菊根

秋日招嚴仲章吳潛玉家公爽公輔小飲

霜鏡集

卷六

八

湖堂值雨分簫字

玉塵劇思邀烹葵復此朝客能攜雨至酒忽入  
涼消里樹青于沐窻波澹若招後期湖上月並  
舸命吹簫

寒山

不忘將冷碧分映到城南氣欽微攢脊霜清獨  
洗嵐全添詩骨瘦故引醉眸參數盡窻中岫天  
低混蔚藍

後征建五首

善戰推三帥陰謀偵詎聞囊沙邀半渡舉火誤  
全軍鼓敗無生氣魂飛結屯雲詔書催復矢鬼  
亦戀仁君

時遣劉鋹杜松馬林分三道征建虜  
權軍河杜半濟水至全軍奔死劉深

入逼建虜以號炮賺至城  
下伏發中刃死馬亦敗死

漏辟復登壇軍容出塞看衆知沙擁馬誰遣劍  
鉤冠膽破聞笳慘筋衰掠陣難他時經簿責不

霜鏡集

卷六

九

死賴刑寬

時起楊錦經畧遼東初至聞兵大風  
搏沙立馬前如柱又賜劍日鉤冠落  
階後兵敗繫獄

易帥搖多口誰當仗鉞威身留虎自衛計墮鵠  
分飛秉甲初迎款傳烽忽掩圍城中十萬戶斬  
草斷生機

時用人言以袁應泰代熊廷弼爲經  
畧應泰寡謀輕信開城招撫虜詐降  
襲之遂陷遼陽



險截三岔守兵連五隊堅翻令胡入境祇恨將  
分權巷戰泥中沒城書火內捐星芒兼日珥漆  
室敢憂天

時遼陽初失王化貞阻三岔河固守  
會熊廷弼復出關與化貞忿爭不合  
虜乘間渡河廣寧奔潰化貞  
掠陣馬陷遂燒文籍而遁

蠻女曳兵入名王爭幣喧將軍居屬國丞相治  
戎軒免胄志空效犁庭功孰言天靈邀 二祖  
假息祇游魂

霜鏡集 卷六

時女帥陳氏無功而還西虜要歲幣  
甚急毛文龍渡海入朝鮮孫承宗以  
大盟士  
鎮山海

寄懷家叔侍御督鹺淮南

竹下難期醉邊淮節久淹百憂先問緯兩稅獨  
加鹽國令如羹沸家書畏鐫嚴春風召伯樹又  
見幾花添

登牛首絕頂

列級穿蘿峻離塵步紫烟峯奇雲讓態樹古石

爭年塔湧袈裟地燈明色界天一瓢容近住願  
學鳥窠禪

飲張扶輿金吾宅

布帽忝賓筵情親敘往年釀花催洗爵擎果有  
加籩白覽高明室朱聆大雅絃夕陽欣醉止密  
柳嘒新蟬

金陵客舍集楊南仲周孚尹李詔枋諸君

草坐對明星宵鐘入竹聽風疎螢幌接月黑鷄

霜鏡集 卷六

籬經曲疊流清徵杯巡記醪醑苧袍寒更濕零

露滿中庭

冬日園居答友

北風吹短褐歲晏寡逢迎雪濕觀梅檻烟烘剝  
芋鐺枯髯羞鏡影歷齒廢書聲惟有君同病相  
憐似弟兄

冬日山庄

垣屋畫多風風高隕簾中草痕經祭獸雲氣欲

藏虹目眩辭書癖肌豐表藥功喜無朝籍繫擁  
褐傲三公

贈永慶作務僧

雲堂成海會作務不能休並竈炊香飯分牀桂  
竹鉤金經依字補檀像募錢修鄉語叅方變何  
年別沃洲

偶作

道孤常自嘆俗薄更誰親橘代僮千指禽爲客

霜鏡集

卷六

十二

五人買山書券貴鐫竹選詩新箇布隣機出裁  
永博稱身

永慶寓居四首

賃居山寺熟兩度物華春吉日難逢戊流年又  
見辛計園松樹長嘗味竹萌新院院門相對香  
花結勝因

首夏適清和求閒匝月過樹畱梅七實欄長藥  
千窠劍氣逢僧耗書聲雜梵多行臺分俸及騎

馬上庭莎

揮汗絺衣濕僧堂火宅中酣餘思漱水浴起避  
當風蚊響無雷地鳩鳴欲雨空科頭堅謝客高  
咏海榴紅

童心何日棄佛戒了無存射雀花雷矢尋蛙草  
沒禪口吹香印亂身撼塔鈴喧見慣輕孤客拋  
書過短垣

廣陵訪謝中吉侍御因談時事

霜鏡集

卷六

十三

禮際霜臺重高情破寂寥野芹容作贊官樹許  
攀條鑒物明眸正憂天黑髮焦布衣能借箸未  
是學逃堯

李中丞南園同郝氏昆弟宴集

草閣雲終閉沙堤日半銜竹抽君子節蕉敗麗  
人衫韻險詩難敵羹香口易饒清池誰盟漱斥  
鹵味多鹹

失水

寒流驚箭駛弱質固難任翠羽將非重玄珠棒  
易沈浪花霑舊褐苦葉美新吟擊楫遲吾事風  
波獨至今

釣臺嚴先生祠

舊廟高風在雙臺灌木間我來千古後烟水自  
蒼山墜栗逢秋薦枯松隔暝攀乘流還輟棹欲  
伴釣絲閒

宿天井寺樓

霜鏡集

卷六

一四

客倦偶登樓僧殘乞食遊瓦燈然處黑松柄折  
來柔雨氣疎簷幔苔花蝕戶鈞忽聞催蠟屐明  
發上龍湫

周斗文父客廬陵寄訊一首

畢歲廬陵客栖遲故國同乾蒿收几上細葛落  
機中偶試歌魚鉞頻開射鴨弓絳紗知不隔南  
郡有遺風

斗文出鄒爾瞻先生門下

居廬酬蘇明府

孤墳此一哭慘絕白楊烟雨逼村村黑秋高葉  
葉傳年華占敗絮骨肉到重泉今日迴車問深  
慚挂劍憐

泊餘姚北門

獨泊潮生夜相依燼落時鐘嬰霜氣澁逢逗雨  
聲遲土酒甘隣乞寒裾戀毋持心知芳杜遠幾  
咏北門詩

山陰道中

霜鏡集

卷六

十五

輕舸自容與霜曉鏡中過寒水侵橋短危峯挂  
雪多興情看竹處歲事采薪歌何日蘭亭下清  
觴話永和

發常山期同遊客

野徑穿叢狹山梁出谷危錦參霜樹裏線束石  
泉時惜日催鞭早防寒怯酒遲猶憐後期者水  
宿問篙師

次淮陰呈李司徒

驛舫淮流暮人家楚岬陰稍南寒事退將老故  
情深竹冷懷中字蘭遲澤畔吟暝投應不負一  
飯古來心

送一生上人自赤城還吳

又上姑蘇道初歸自赤城乘雲雙屨健載月一  
舟輕刀拂凍髭白燈含碧眼明山堂畱寫照認  
取鐵錚錚

上人持戒甚嚴時稱禪林鐵漢

叁居遇雨

霜鏡集

卷六

十六

江城霖雨後花水溢雙扉蝸角泥垣墜鳬毛甕  
牖飛瓦爐蒸朽藥銅斗熨生衣軋軋線車動春  
蠶繭定肥

訪楊漢卿郭北居

賃居惟取僻古木四無隣養鶴勝養客避風如  
避人面紋依歲長頭責入篇新已自耽玄理何  
心問甌塵

雲南

雲南近日光屋古半無霜釀橘先春熟蓼瓜隔  
歲長茶香霑鳥嘴蜜色瑩蜂房幾世畱丹訣同  
居不死鄉

雲北

雲北樹如薺峯嵐變夕暉冰崖淹鼠跡寒谷斷  
鷲飛晒藥星壇迥疏泉乳洞微時逢仙史集隔  
竹啓重扉

潺湲洞

霜鏡集

卷六

一七

湫泉奔洞駛流響作潺湲雨細沉松壑濤清歆  
石關睡方龍却去仙夢鶴驚還爲近丹臺月笙  
簫夜不閒

鞠侯

劍術逢知者山靈寵載加居深雲幾穴嘯冷月  
千家沐邑前溪水緋衣小峪花真官時共語無  
樹不如巴

雨中

突濕烟難起簷長溜未收有堂皆入塙無葉不  
經秋沫處魚知樂雲邊鳥挂愁客來巾角墊草  
具喜相畱

鍵戶

鍵戶惟廿寢行園偶習勞梅妻憐影瘦竹祖賀  
年高髻颯難加鐻身閒不繫條有時談藐散小  
飲興偏豪

送人之粵西

霜鏡集

卷六

十八

蒼梧萬里外君去作羈人毒水浮蛇沫蠻墟隱  
象身匏笙初會客銅鼓暗祈神欲計歸來日雞  
占問洞民

和楊修齡侍御題曹娥廟

雙旌臨古廟惆悵綠江阿薦水孤墳迥觀濤萬  
馬多色絲嬌漢篆鐵面冷曹娥千載招魂後爭  
傳郢雪歌

玲瓏巖

鳥道青冥上苔龕半壁穿風迎蛇蛻動雪印虎  
蹄圓穴石成深硯淘沙出古錢殘僧惟一食破  
甌冷朝烟

天井寺二首

苔疎荒甃白灘淺汰流喧袍布人來寺鳴鞭牧  
出村茗旗抽屋角松粉落雲根別院無鐘鼓殘  
陽半掩門

劫火能爲虐殘僧況不才塵飛青葉髻樹偃白

霜鏡集

卷六

一九

蓮臺虎鬪風增勢梟鳴鬼送哀山廚應絕粒童  
子色如灰

有感

綠蔭梧桐苑紅芳茵替秋雨傾朝客淚霜白妓  
人頭漫訝營巢鵲真成舐犢牛生平房與杜門  
戶爲誰謀

晴窗

晴窗啓綠紗髹几坐無譚老愛書刊豕閒憑墨

戲鴉野泉澆葛麪文火焙松花累日番醫案脾  
寒量減茶

閒居

高咏澗中榮移居自此安醉髡閒不厭傖父老  
相看坼憤苔花潤封奩藥氣乾板扉開後閣留  
對竹千竿

雨花臺

臺古精靈集人閒眺望同 帝圖雙闕盛僧史

集 卷六

六朝空樹老蟲無藥天青鵲有風羣兒資裙拾  
錦石落懷中

木末亭

亭子倚林端孤高別一觀葉聲銷雨細峯影斂  
雲寒步石蝸涎澗穿松鶴夢殘那堪回首處丘  
隴閉千官

玄武湖

堤行不極烟柳澹成行水隔司農府山低御

史牆遊魚昏藻鏡戲鳥折蓮房爲訪祁連塚看  
碑到夕陽

梅花水

方沼不盈尺發源知已賒若非通嶺海何自吐  
梅花月魄浮能白風紋裊易斜僧雛資曉汲畱  
客試新茶

天界寺

殿閣涵秋色雲蘿駐晚晴不知山在寺祇憶樹

集 卷六

爲城經案松鼙擲空廚瓦雀爭殘僧偏傲客閉  
戶絕逢迎

報恩寺

琳宮悲劫火龍象慘無依樹合重門障苔深半  
壁衣地喧僧夏雜魔勝佛燈微爲禮千花塔梁  
間鴿盡飛

朝天宮

重廊依逕轉門掩玉階閒紫府葳蕤鑰玄都虎

豹關降香中使出飛鳥羽人還萬歲亭猶在嵩  
呼卽此山

磐陀石望海

齊諧應未悉海怪集今朝龍伯身全現鯨人淚  
暗飄一九扶落日萬弩截迴潮惆悵乘桴客何  
方見斗杓

神宗皇帝挽歌詞二首

四紀承休運垂綃紫極清虎方稽首拜龍忽下  
霜鏡集 卷六 三三

髯迎樹起新陵色鐘殘舊寢聲惟聞憑玉几遺  
詔恤蒼生

十葉重光後居中靜攝多時平頒玉尺戰罷偃  
琕戈鑄 聖金難就求仙藥易訛田間知 帝  
力卒哭淚如波

光宗皇帝挽歌詞二首

辨色初勤政龍樓 御蹕臨夏謨傳禹啓殷祚  
促丁壬禁雪沾衣白宮池入淚深他年青史上

從諫識 天心

喪車蘭殿出隧道柏城通七月期方至元年曆  
未終仙遊無棄屣臣節有號弓 嗣聖鴻猷在  
河山豈盡空

熹宗皇帝挽歌詞一首

主聖見河清衢歌溢上京聞風皆北面望雨及  
東征洛邑圭方立橋山鼎忽成堯仁遺四族不  
礙泰階平

霜鏡集 卷六 三三

霜鏡集第六卷終

霜鏡集第七卷目錄

五言排律

追述遊踪留別雲間知己二十韻

題蓬萊初日圖壽許郡公二十韻

次韻答陳何韓招飲松下之作

臘望後二日同周斗文王君奉汪遺民山

民胡子延蕭公鵬黃象之李封若沈籍

仙修冰社于蓮花庵限五言八韻得寒

霜鏡集

卷七 目錄

字

咏新綠十韻

林茂之別已三歲頃從周斗文所槭書枉

問情旨殷然答贈此作

宗伯李本寧先生在節林居不值賦謝

送張文弱學博奔喪嶺南

聽范漫翁家姬度曲

新佛

永慶病懷三十韻

詠貧十八韻

投贈王百穀徵君三十韻

呈郡中諸公十四韻

報恩寺浮屠

愍先生八袞奉祝四十韻

過顧默孫缶尊別業不值同周斗文作用

王曰常看字韻

霜鏡集

卷七 目錄

被盜

寶岩寺聽講贈有門法師休遠上人和諸

法侶之作

江館晴望書事

霜鏡集第七卷目錄終



霜鏡集第七卷

鄧 陸寶敬身父著

五言排律

追述遊踪留別雲間知己二十韻

客也全非俗歸與歷可追看山爲急務訪鶴是  
前期袖攬空香滿興行軟碧欹檜森高入畫尊  
滑亂生絲浴月依潭靜桃雲出谷遲無書官解  
乞得米寺廊炊二老濡毫待羣公荷鍾隨史玄

霜鏡集

卷七

一

曾立訂醢醬亦分貽鐵網搜吳詠銀鈎述楚詞  
最嫌張妓樂偏解答僧儀陳釀杪方與新題喝  
韻爲身耽何計隱家願此中移借宅留栽竹牽  
船許闢池陸應三並秀峯以九環奇不意脂車  
日俄乘結社時毋書催敢忤孫課輟堪疑十驛  
勞歸夢雙金侈贈詩黃殘鶯志別字斷鴈銜悲  
月桂盈虧改風萍聚散岐待它鱸膾熟再就故  
人嬉

題蓬萊初日圖壽許郡公二十韻

聞說仙家日嘗如夏曉清矧茲臨艾節恰好繪  
蓬瀛碧浪環千里紅雲罨四城郡樓初達曙海  
岸忽開晴鳥自銜丹出龍爭吐火迎東方歌旣  
白北陸望俱頽吏牘懸能照民心就若傾芝分  
仁里育莫入大廷生謁 帝丹霄迴爲郎粉署  
榮屢嬰搜粟寄獨擅飲冰名梓里新邀福蒲帆  
遠戒程虎符威所著鳳穴彩相并召甫歌春憇

霜鏡集

卷七

二

幽仍課蚤耕梅梁梅雨過麥隴麥風行且進天  
中酒同吹部下笙苒陽原却老榴火正敷英忝  
御先逢李叨光再識荆海觀鵬翮奮崧祝鶴胎  
成舞彩陪黃叟披圖命墨卿九如思得當惟以  
日升鳴

次韻答陳何韓招飲松下之作

磊砢松如待幽清雨正宜高談恒以日小飲不  
分時在世難忘伴非君更屬誰蘭抽咳下碧石

賭袖中奇執卷終秋水聞歌半柳枝一蒙賢者  
眷哀玉吐新詞

臘望後二日同周斗文王君奉汪遺民山  
民胡子延蕭公黼黃象之李封若沈籍仙  
修冰社于蓮花庵限五言八韻得寒字

有客開冰社令予走歲闌林迷僧指路巷僻馬  
傳餐古剎標蓮淨新爐鬪茗歡暫因人借熱翻  
訝韻分寒擬謝詩流盛逢陶酒禁寬日淹當戶  
露鏡集 卷七 三  
曝山愛隔城看止水供乘筏空堤引據鞍興酣  
攜獨返澹月挂枝殘

咏新綠十韻

綠社幾人知清和景若私未容花少閒故美葉  
多姿嫩欲嬌衫色涼先沁酒卮藥園分朶潤荷  
沼逐錢移蔽日初晴後迷雲不雨時濃來將下  
滴密去似無枝風勢波微混烟痕草亂披窻陰  
人面收巢罨鳥魂痴喻鬢嬌難刷供銓爽最宜

凭闌還目賞何事戀春期

林茂之別已三歲頃從周斗文所檄書在  
問情旨殷然答贈此作

與君非一別今見久交情書問同袍者郵傳異  
姓兄瘦言詩較甚癖任隱無名儉歲逢花慘殊  
方聽鳥驚睫邊雲忽斷腸底路先縈讀罷懷青  
玉經時報未成

宗伯李本寧先生在節林居不值賦謝

露鏡集 卷七

四

八座尊無匹慙當國士知呈身猶未也舉趾忽  
先之偶出窺園久言歸掃戶遲巷傳車檻檻隣  
識印纍纍魚沫愁難借龍光悵莫追終能憐少  
賤御李畢前期

送張文弱學博奔喪嶺南

星奔承訃日恨別馬蕭蕭骨是苦中立魂隨海  
外招山山如陟岵樹樹忽聞颺竹種慈難斷烏  
心孝獨饒穎羹乖始願毛檄廢今朝偏有猿聲

苦相隨度嶺遙

聽范漫翁家姬度曲

端疑遊解谷不謂在比隣四壁皆生響雙鬟忽  
現身蘭香吹氣遠珠串出喉新林外低翻葉燈  
陰靜嫵人妓衣垂不隔仙瑄和初勻漫作周郎  
顧深杯坐達晨

新佛

新佛何年出三乘教總違漫持嗔作戒未悟忍

霜鏡集

卷七

五

爲衣法印經呵滅宗門入棒非林憂智果落海  
見業風飛劫劫沙難量燈燈火不輝清涼徒有  
口甘露洒心微

永慶病懷三十韻

百日棲于寺沉綿歷病中初逢桑吐燧直至菊  
成叢節換頻傷脉邪侵并在躬癘疾無刻遣冰  
火間時攻四大垂人紀三尸惑帝聰心搖偏倚  
轂耳噪別移宮鬼斧頭疑肇狂華眼欲膏命懸

將縷脆骨立與柴同頓訝顏非我誰堪鬢似翁

扶行勤接杖却立懶窺銅未讀陳琳檄徒吞樂

氏弓霜萎枯並草雨葉慘聞桐飯廢朝盤綠啼

雷夜枕紅相依惟臥被獨握是熏籠兆每鑽龜

極才非賦鵬雄五禽閒妙戲三折愧良工世味

荼增苦生機蔗漸窮真符粘畫壁本草寄詩筒

曝日妨簷外看山阻院東書帷潛穴鼠酒杵暗

生蟲柵葉燒爐燼蘆花襯褥豐影孤燈欲弔家

霜鏡集

卷七

六

杳信難通客結黃江夏僧攜惠遠公披胸來朗

月喫口得冷風絳服親襪崇青蓮了悟空已甘

隣朽蠹何意出屯蒙蓄艾三年早觀濤八月終

吟停莊舄館渴解馬卿衷要訣延生氣清齋勝

藥功醫王如可覓願侶雪山童

詠貧十八韻

六極貧爲甚殷憂日淚零此情惟我識試說與

君聽四壁煢然守孤雲瞥爾形心憐灰半死色

訝菜新青縛藁低成座牽蘿細補屏舌耕難免  
蠹手植苦遭螟突濕衝霖圯門寒對雪局一區  
堦比石八口散如萍米乞沿箱醜光偷隔竹螢  
婦禪休裂絹兒篋止遺經斷木投春廡持竿上  
釣舠比隣嘲鬼朴過客問天刑劍惜彈多缺著  
愁襟不靈鵲衣縫壞帛蠲酒吸空瓶聖且難無  
怨人誰解獨醒草間依老特林表望饑鷹久濶  
遺民社新題陋室銘買臣將五十樵采徧郊坰

霜鏡集

卷七

七

投贈王百穀徵君三十韻

此日當文會高風領代師王明不棄德吾道固  
安卑隱合真龍性癯分野鶴姿吳中偃獨秀鄴  
下粲尤奇踪跡遊燕著才名入洛疑御廚芍藥  
醬相閣牡丹詩鐘鼓非犧願山梁恰雉時堂宜  
南有署文謝北山移院小松侵幄廊疎月射陂  
藕花人面映梔子佛香披種竹棲凡鳥分糧飼  
伏雌墨兵畱客較瓶史借僧窺秘笈三都序幽

巖十字碑雞林曾遠購狗監復深知念舊袁安  
室停驂越水湄桃根傷故妓竹箭吐新詞顧我  
生猶晚逢君蹟每岐秋蓬驚獨轉春樹解相思  
到處輕張載何人說項斯棘林高隼礙涸轍巨  
鱗悲一諾長懷季孤琴首問期瞻星天際遠訪  
雪興中遲蠡口舟全窄臯橋路半欹小儒瓜作  
贅大隱薜成帷陸海終非據劉城偶見推談深  
燈落燼坐久硯生澌促織蟲喧壁輸芒蟹過籬

霜鏡集

卷七

八

鬪回甫里鳴觀罷射堂龜卒歲耽章句忘年感  
切惻輞川圖畫裏裴廸共王維徵君爲故相袁  
公門人以牡丹

詩見賞後以弔袁  
公客越有竹箭篇

呈郡中諸公十四韻

本意歸龍藏何期遘鼠牙道傍非伐木池上類  
爭麻九洞雲迷主雙林客喪家鼓鳴奔伏鹿錫  
舉駭棲鴉未及回輶避空勞仰屋嗟雪催松獨  
挺火熾玉無瑕末劫逢青犢歸途戀白駒有鸛

堪逐雀何物解憐蛇墨綬行春境黃堂坐嘯衙  
爰書成業鏡囚服到袈裟理驗恢恢網情矜肅  
肅置披沙揚寶色剪棘出蘭芽自信民懷直誰  
邀廡觸邪鄙心終慕道閉戶演三車

報恩寺浮屠

屹立鳳城邊如錐卓地圓九層梯暗轉四面檻  
孤懸晃日金標淨排雲綉棋連鈴音聞大內燈  
焰逼重玄顙氣虛無際秋光象緯邊乍登身似

霜鏡集

卷七

九

鳥遠覽思凝烟佛法三千界宸居二百年琉  
璃皆勅賜丹雘本天然野衲瞻遙禮祠官領獨  
專聖謨真廣厚不似赤烏前

愍先生八袞奉祝四十韻

今代香山會誰知白傅賢五朝天子籍三島  
地行僊不異中林景還齊大耋年勝遊鳩杖穩  
高臥鹿裘便往事頻堪指時流少並肩清方蟬  
飲露俊擬鵲冲天玉瓚承家美瓊枝照世妍心

通虛室白業授草亭玄縱弋千爍圃分操六義  
權詩畱紅藥砌翰染碧苔牋隨牒才無忝影纓  
遇有焉詔辭巖下桂恩許幕中蓮禮寺聞金奏  
戎樞侍綵旃官從京兆拜秩用水曹遷鹽筴胸  
都貯銅符肘獨懸樹昏楊子驛灘響建溪船酉  
穴琅函啓洪江羽檄傳犢車迎問俗虎畧佐開  
邊雅望歸雙節廉名寄一錢忽經沙蜮射終狎  
海鷗旋郭北江千頃墻東屋數椽窻開髣几淨

霜鏡集

卷七

十

壁桂癭瓢穿步月宜輓斃耕雲戀石田奕惟爭  
有劫琴每美無絃墨漬書籤雨丹飛藥竈烟時  
時期汗漫種種志夷堅酒剗劉伶飲茶依陸羽  
煎老吟招客和愍態謝人憐越嶠疑盤谷乾溪  
卽輞川蕙芳洲宛在霞起閣巍然陌度金衣曲  
園叅玉版禪青門頻嘯傲白社幾流連衆卉輸  
桐直羣雞讓鶴先岳生逢此日華祝效初筵賓  
友瓊杯錯孫曾綵袖翩籌添椿樹歲節屆菊花

天顧我慙工瑟從公喜執鞭交投黃髮固相親  
綠筋全異果供方朔喬松引偃佺維祺將獻壽  
九洞有靈篇

過顧默孫岳尊別業不值同周斗文作用  
王曰常肴字韻

舊識墻東業蒼茫俯近郊門閒青掩簾屋古白  
苦茅徑樹攀初短檐峯疊半坳茶罇高衲供藥  
譜小鬟鈔隔牖猿窺果連枝鶴出巢經時聞下

霜鏡集

卷七

十一

捷何處憶維梢問渚船回顧尋山路指包

時默孫遊

庭洞晚塘喧蟋蟀深巷習蠨蛸硯穴添生繡琴絃

偶敗膠他鄉期稅駕虛室阻論交酒閣壚頭飲  
棋妨石上敲采蘭消遠馥看竹長新苞有客初  
留句同人載命爰名微諧二仲韻僻覓三肴鵲  
王心將抵驪珠老自拋不堪歸興促秋色冷鞭  
鞘

被盜

辛酉之秋盜入邸中竊生衣一襲并  
篋中詩以去故句及之

多雨弛鈴柝窮簷失杆陬快關方此夜伏莽卽  
前謀虎子穴中去驪珠領下梭生衣吾自足敝  
篋爾何求五字城先毀千金帚不留美人啼玉  
案穉子惜銀鈎計是賁糧失情非與絹優圯垣  
隣早識懸磬客添愁李咏空邨日王悲舊物秋  
掃街遺令在庶以儆羣偷

霜鏡集

卷七

十二

寶岩寺聽講贈有門法師休遠上人和諸  
法侶之作

問法來經此前溪路不窮藤深藏野艇山淺露  
禪宮梵響松龕出燈烟石室蒙稍依雙樹靜還  
對一瓢空火宅蓮花外冰心茗椀中潭清涵指  
月竹冷透幡風西教傳初祖東林識遠公碧雲  
多絕唱下曲自難工

江館晴望書事

客館臨秋浦風烟盡日淒棠舟牽入郭葑草積  
平溪寺隔青楓小山搖白浪低疎籬通水垞高  
塢傍雲梯浴鷺先尋岸歸牛不過蹊望遙津色  
暗炊冷店香迷有道謀君子無家挈小奚寄梅  
心獨懶懷橘事多睽衣故催添泉羹新罷乞醯  
楚騷休更作蘭佩惜分攜

霜鏡集第七卷終

霜鏡集

卷七

一三

霜鏡集第八卷目錄

五言絕句

小山紅葉

江行

晨起

醵飲

舟月

堦石

霜鏡集 卷八 目錄

刪桐

扶薇

溪上

園中

夏日吟樓

話月

吸月

熱想二首

深松

蓮香

送戴休休歸雲間

擘些薇

種洛陽花

梧桐子

夏午

淡竹區

霜鏡集 卷八 目錄

翠雲井

幽蘭吮

蜜蓮盎

薛千仞雲廊

宋公淨室

十珠詩 有序

冬暄行野遠望江樹紅黃如畫愛而賦之

盆荷葉



馮次牧天益山雜咏十五首

引勝窩

亦罨畫溪

來禽畦

深柳讀書堂

尋雲墅

盤桓嶺

聽濤

霜鏡集 卷八 目錄

傳香逕

借松亭

幽篁裏

檀欒嶺

茶寮

梅圃

沉花澗

馬嶺

三

蓬窓

檣李懷古

青楊驛

誦咒二首

庄居二首

霜鏡集第八卷目錄終

霜鏡集 卷八 目錄

四

霜鏡集第八卷

鄞 陸寶敬身父著

五言絕句

小山紅葉

秋色偏爭豔衰林不肯蒼忽疑林際屋高放讀

書光

江行

絳斷難窮浦帆低不礙橋遠村看忽近風力勝

霜鏡集

卷八

于湖

晨起

晨起喚同行寒山十里程待君巾櫛罷簷日恐

西傾

釀飲

魚蒜腥春社錐刀競夜分滿堂皆甚口無罅得

論文

舟月

月不分空水船舷仰臥時涼風吹夢醒影忽在

琉璃

堦石

昔日如砥平今來已龜坼不信劫前灰請看堦

上石

刪桐

繁葉不棲鳳書窻多雨聲健鎌真得力還我碧

空晴

霜鏡集

卷八

扶薇

紫綬半垂地樹如人折腰借他筇杖力扶起一

枝嬌

溪上

浪濺空中濕陰生石脊寒小舠飛練影借爾擲

梭看

園中

山縱無錢買花堪適興栽板扉人不扣偷爲野

雲開

夏日吟樓

涼故宜高處吟多涉曠遊予心兩不繫相逼忽登樓

話月

此光幸不滅清話良已久話出雲外心月高曾聽否

吸月

霜鏡集 卷八

三

魄乍沉甌底茶香卽月香若人能見內腑鬲盡生光

熱想二首

深松

問松深不深濤聲盈十里我是道路人何人獨居此

蓮香

風愛蓮陂好城居不能去風吹午夢醒欲覓香

來處

送戴休休歸雲間

遠祖寄雲間君歸從此去倩畫舊山川爲余商住處

擘紫薇

燒畬偏大獲歛翼始高飛悟得乘除理還來擘紫薇

種洛陽花

霜鏡集 卷八

四

種偶成疎密澆還量淺深一花分一色王者不分心

梧桐子

枝是鳳凰棲子應鳳凰食鳳皇久不來老却清秋色

夏午

日午桂陰直射我幽窻裏石几潤如酥焚香讀秋水

淡竹區

林中竹名淡此味同禪悅畱取掛衲枝僧來對晴雪

翠雲井

垂苔覆井口井底別有天一餅懸影落搖漾翠雲邊

幽蘭畹

言樹九畹芳采之不盈把楚澤佩先成無心待

霜鏡集

卷八

五

王者

蜜蓮盎

昔聞呪鉢水今開斗盎中蜜蓮香色異含露復含風

薛千仞雲廊

飛來石壁寒飛去松窻碧宛轉百尺中時時歡有客

宋公淨室

樹下一破瓢牀頭兩卷石久無息影僧時有眠雲客

十珠詩

有序

珠泉在浦口城西七里墟烟畫寂岡草叢被踰山百疊乃至斯泉深不盈尋廣踰數畝通體純碧淨見纖鱗雲日蔽虧水空合映固可嘉也若乃泉底一泡散作羣珠大小錯落千百迷

霜鏡集

卷八

六

離仰浮波面倏焉而沒如是者數十百處池瀾瀟蕩汨汨有聲及觀泉脈所通止循一穴從地徧湧不識何因有亭若揭俯而可窺馮闌拍手應聲卽出又何詭異也余牽於行役一宿回車幽契未終睠懷彌甚因爲原始要終彙成十絕雖樂同在水暫諧濠濮之觀而意在褰裳遙托蒹葭之暮

其間微有所指附綴各篇之下聊以

示吾同志云

會心處得未曾有幾乎看殺衛玠矣咏

看珠

迸地叢叢碧波粒粒圓只愁魚目溷洗眼到

亭邊

看之真烏得而不疑疑益有深心焉咏

疑珠

霜鏡集

卷八

七

龍窟難遭睡驚魂黯自猜誰知波底月先爲報

恩來

疑思問疑不在心問亦非口微矣哉咏

問珠

淵靈知闕惜罔象欲深求已許千金贈相逢豈

暗投

問而後喜從問觸也喜何待今日耶咏

喜珠

何因離領下拋入亂流輕往日金釵伴應慙浪

得名

唐相牛奇章有妾名真珠

喜則必玩轉入轉深矣非盡情癡也咏

玩珠

百徧俯池邊鬚眉皎自憐神光長不夜藉爾照

生妍

不夜珠照人無妍醜皆美

玩何以別別固有期第不堪遽攜所玩

耳咏別珠

霜鏡集

卷八

八

美影將移日臨分悵夕陽恐遭人按劍且合蚌

胎藏

別而復憶憶之殷矣乃踰勝于未別矣

咏憶珠

深情懷獨往餘沫似沾衣縱隔雲千片難沉照

乘輝

憶之故遂夢之夢而見焉其以神感耶

咏夢珠

瞑目見通津虛遊不碍身蝶飛先得路嚙語對  
鯢人

夢非真也自不免於怨怨者情所鍾也  
咏怨珠

荒蹇淪無色何人望氣尋剖藏今不顧彈雀豈  
甘心

怨乎未已幸一獲焉豈人謀能致之夫  
固微天之合耳咏獲珠

霜鏡集

卷八

九

徑寸吾家寶滄波越歲期掌中曾久待再見勝  
初時

冬暄行野遠望江樹紅黃如畫愛而賦之  
畫手逢青女紅黃葉底鋪一舸添畫我懸作蕙  
江圖

盆荷葉

種荷不作花荷葉勝花香曉風吹葉動玉露漾  
珠光

馮次牧天益山雜咏十五首

引勝窩

深窩雲裏藏勝槩紛滿目紫翠不停飛山山如  
聚族

亦菴書溪

菴書在何溪圖中我曾見隨君漾楫來花洞雲  
如茜

來禽畦

霜鏡集

卷八

十

舊識來禽帖君能種滿區那教青李並五色正  
懸珠

深柳讀書堂

堂外千絲柳涼天綠雨生垂帷修夏課黃鳥答  
書聲

尋雲墅

生滅本無踪相尋在何處乍疑孤墅留復向前  
山去

盤桓嶺

盤桓復盤桓度嶺未及腹躡破萬重雲行歌一枝竹

聽濤

山無海眼通樹有龍鱗起天風忽亂鳴幾誤幽人耳

傳香逕

取逕百花中花迷不知處遊蜂慣采香引客頻來去

霜鏡集

卷八

十一

借松亭

鶴每當窻見雲仍隔墅通待君琴弄響偷贈數枝風

幽篁裏

賴茲林下風洗却胸中俗兩心俱不言濯濯千竿玉

檀樂嶺

深翠浮人面山行入竹賒春來還避笋纖徑曲如蛇

茶寮

主人有清癖茗飲稱知味窻中一縷烟引得松風沸

梅圃

有客傍花吟吟成香不輟題爲玉照林片掩書窻雪

霜鏡集

卷八

十二

沉花澗

淺水流不去落紅飛更頻封姨真解事波底暗藏春

馬嶺

已到園窮處天梯百尺通忽招雲入手疑是馬行空

蓬窻

永卷青荷薄心迎白鷺閒蓬窻剛尺許看過幾

重山

橋李懷古

戰壘依雲没人烟帶草荒江流千古恨猶似爲  
吳光

青楊驛

古驛臨荒渡日氣下蒼莽隔浦人未歸搖搖送  
雙槳

誦咒二首

霜鏡集

卷八

十三

隨地鏡壇開茅堂淨掃埃寂光心不閒時向咒  
邊來  
但取片心澄何論俗與僧夜窻蓮漏永趺坐佛  
前燈

庄居二首

夢與何人語餘香舌上捫欲尋香散處隔屋落  
梅魂

空屋惟吟響松風間一催誰邀城裏客無酒顧

茶杯

霜鏡集第八卷終

霜鏡集

卷八

十四



霜鏡集第九卷目錄

六言絕句

晝涼

夜涼

露坐

許墅舟中偶值謝道游觀察時自蜀中歸

春分後二日毘陵舟中大雪口占二首

丁卯春仲自京口渡江入維揚再遊大佛

霜鏡集 卷九 目錄

寺憶歲乙卯客寄此中相去十二載見

泉石館垣無恙老僧出迎慰存倍昔感

賦二詩

露筋烈女祠

上已落馬湖阻風遙憶家園襖飲

安德道上大風二首

悲天翁

有序

驕春

舟睡

舟中偶述

邊庭四時歌

閨中春怨

十四夜省署直歸步月長安街上時虜至

戒嚴禁百官會飲

狀江南十二首

有序

牛首

霜鏡集 卷九 目錄

棲霞

三茅

虎丘

黃山

天目

禹穴

五靈

四明

二

天台

鴈宕

金華三洞

賦閣中芍藥三首

醉仙顏

玉帶白

宮錦紅

看甯公寺海棠

霜鏡集 卷九 目錄

送春

陳朝雙檜

甲戌元日二首

偶賦六首

六言律詩

余自京口以事至秣陵事竣復還京口凡  
五晝夜往來江路四百餘里感而賦此  
園居卽事

霜鏡集第九卷目錄終

霜鏡集 卷九 目錄

四

霜鏡集第九卷

鄞 陸寶敬身父著

六言絕句

晝涼

臨水市塵忽斷倚松仙福疑留不用飲中逃暑  
自然句裏生秋

夜涼

魚戲荷香近渚鵲驚槐露高枝未許人來問字

霜鏡集 卷九

偏邀月到聽詩

露坐

有茶吟吻乍淨不扇閒心自涼半黑樹侵鶴影  
將殘燈借螢光

許墅舟中偶值謝道游觀察時自蜀中歸

數歲書沉巴峽兩船歌應吳關世故催人雨散  
年光點髻霜斑

春分後二日毘陵舟中大雪口占二首

載酒船邊酒密焙茶烟裏飄斜冉冉春將過半

天花散作江花

有屋皆披組練無枝不放瓊瑤隔岸酒香非遠  
騎驢自怯荒橋

丁卯春仲自京口渡江入維揚再遊大佛

寺憶歲乙卯客寄此中相去十二載見泉

石館垣無恙老僧出迎慰存倍昔感賦二

詩

霜鏡集 卷九

九夏依僧共息十年作客重來汲處池先受鹵

跌餘石盡漫苔

僧老難銷半面吾衰恍歷三生食案塵凝未撤

詩牆雨漬還明

露筋烈女祠

身死曾甘野宿祠成獨占湖光歲歲蓮開蓮謝  
貞魂不化鴛鴦

上巳落馬湖阻風遙憶家園襍飲

問渡風仍退鷁觀堤柳正藏鴉可惜蘭亭襖飲  
不逢逸少歸家

安德道上大風二首

勢激千鈞浪吼聲號萬礫林摧少女空煩吹簫  
大王未快登臺

空裏帆成蝶拍城陰瓦似蛾飛隻眼酸難蔽扇  
全身踣欲牽衣

悲天翁 有序

霜鏡集 卷九

三

水禽有信天翁者性嗜魚然不急急  
往捕每立沙邊淺水俟其自至取啖  
焉以其竦立不動也舟人挾彈而往  
一發輒中是故悲之

人世如今好殺水禽似爾成癡瞽眼驚丸一中  
窺魚立未多時

驕春

柳態粧成不韻鶯簧譜出非真誰似濡毫徑寸

天教巧奪三春

舟睡

粥飯消磨日課鶯花澹蕩春魂莫笑筋衰戀寢  
艫中曲奏雙門

舟中偶述

繡被多情宿水詩瓢得意歌風未放五湖爲長  
且拚三癖成翁

邊庭四時歌

霜鏡集 卷九

四

飲馬冰流細片楊旗柳亞新梢昨夜東風暗度  
連營已解弓膠

雷挾火攻俱震雲迎陣勢分張林水不生空磧  
何人舉扇招涼

飛鞚邊蓬自卷開弦代鴈遙驚家遠寄衣未到  
夢中夜夜砧聲

帳底膚先入栗刀頭血盡成冰欲向陰山挑戰  
君恩挾纊堪憑

閨中春怨

塞路閨中不識人言終老風沙春色若從南去  
多情寄與園花

十四夜省署直歸步月長安街上時虜至  
戒嚴禁百官會飲

下直空臨月午賜酺好待時平莫怪九衢不夜  
君心化燭先明

狀江南十二首

有序

霜鏡集

卷九

五

狀江南唐詩間爲之雜取卉木食品  
摹四時之變亦小有致而已烏足概  
其大乎江南多名山川秀甲宇內余  
家焉遊焉若將終身有也竊祿京華  
倏更二載棲重閣而望雲林能無惻  
然失哉因爲援情附景歌以懷之雖  
未與寥廓之觀比于宗生臥遊差自  
勝爾

牛首

寺西軒塔現倒影又有神仙窟地  
中風火相煽歎可立辨

塔引天光倒注廚通地簫潛然峯髻青懸樹頂  
石梯迴掛雲邊

棲霞

寺爲明徵君故宅上有千佛石像  
山產攝生草

千龕萬龕石色五里十里江聲采藥叩明徵士  
登峯禮古先生

三茅

玉宇星壇幾處白雲青桂諸峯花下茅君放鶴

霜鏡集

卷九

六

石邊都水栽松

虎丘

遊人中秋最盛

虎蹟苔埋最古劍光水洗還開欲上千人石憇  
須逢八月天來

黃山

導客千峯靈鳥媚人四月仙花未向丹臺注籍  
且來黃海移家

天目

兩山頂各存池如目故名山產青  
筠甚佳松亦古秀元中峯國師居

獅子林

園過春雷問笋石依古雪尋松策足分窮兩目  
皈心獨向中峯

禹穴 中有窆石

王會曾瞻玉帛神棲久藉林巒立石都人未喻  
藏書山鬼疑看

五靈

峽束天光小小潭浮日氣昏昏何事五龍下飲  
補鏡集 卷九

忽驅萬馬來奔

四明 明山九咏皮陸所作

猿鹿閒呼作隊松芝久服還童身到五峯書裏  
心懷九咏雲中

天台 唐人有惟松圖讚

投足石橋焉往御風華頂先登新瀑晴飛作雨  
惟松老化成僧

鴈宕

鴈集東西隔谷龍銓大小分湫雙屐謝公未遇  
一亭尊者空留

金華三洞

乍入魂迷鬼斧分穿身折螺房三洞不聞破暗  
兩星空此爭光

賦閣中芍藥三首 有序

昔宜皇首幸文淵命築石臺植淡  
紅芍藥一本 景皇時添植二本左

補鏡集 卷九

純白右深紅李文達公爲相予以嘉

名中曰醉仙顏左曰玉帶白右曰宮

錦紅與諸學士賦詩賞之館閣紀爲

盛事距今百十七年花數易種矣詩

亦杳無傳焉余備員東省起草花前

暇日談及此事漫賦三詩以志遐想

聞苑移栽最盛綸扉豔舞多嬌借得東風噴面

勝于酒暈生潮

右醉仙顏

葉捧分呈素面堦翻獨擅清華未識玉光滿樹  
空疑解帶臨花

右玉帶白

倚處雕闌日近開時玉署霞烘春色正驕上苑  
袞衣獨映周公

右宮錦紅

看韋公寺海棠

霜鏡集 卷九

九

見說花隨女散何妨色對僧空好鳥啼春不歇  
寺樓深鎖輕紅

送春

行色驕于馭馬歸期急似張帆拾紫收紅已盡  
花師敢擅空銜

陳朝雙檜

在華亭靜安寺朱勗圖上命中  
使取之雷碎其一

陳寺種元得地宋圖徙欲何方幸借蠻雷一擊  
不然今日雙干

甲戌元日二首

羅雀經時却掃絲雞隨俗懸扉日出將調母膳  
鐘鳴不問朝衣

任彼添符換曆惟吾草坐開行循老梅邊雪迹  
聽疎竹裏經聲

偶賦六首

苔水侵闌作鏡松雲傍舍成衣漁父和歌一曲

山隣對掩雙扉

霜鏡集 卷九

十

吳壘幾家同井東陵終日鋤園信美他鄉堪賦  
式微吾道何言

臨鏡罷梳鶴髮披裘起覓魚竿山樓有雪朝爽  
竹屋無炊晝寒

鷺宿葦林一色鴉驚楓葉千聲試問前山遠近

夕陽烟翠臨城

木榻留僧暫拂茶尊對客重斟今夜止譚風月  
何年方遂雲林

花憶尋梅已盡鳥聞啼鵲空憐世事輸它白眼  
時名博我朱絃

六言律詩

余自京口以事至秣陵事竣復還京口凡  
五晝夜往來江路四百餘里感而賦此  
去路連天阻水歸來一葉乘風但訝風分順逆  
那知水隔西東蒼鷗白鷺沙際獨樹孤花雨中  
處處驚波不定況余身計如蓬

霜鏡集

卷九

十一

園居卽事

密密蓮香我聞團團桂影誰分橋立人將化水  
巢居鳥忽攜雲幽林敲句出玉敗壁留書代裙  
舉手欲招麋鹿閒閒花下成羣

霜鏡集第九卷終



霜鏡集第十卷目錄

七言古詩

牡丹園歌

歲鼓

坐雨頑仙廬詹公示以宋名家幽風九歌

釣雪諸卷及黃魯直大小墨跡喜而賦之

歸舟送春

霜鏡集 卷十 目錄

東嘉行

育王新殿懷湛大師兼侍冲法師講座

同周斗文釋法胤禮舍利塔

三峽泉

竭來

詠紅葉

壬申除夕

燈宵不出

花朝送周斗文鄭鴻超觀蔣逕紅梅余適

病目不去

題泰岳喬松圖爲王漢臣使君壽

讀昌黎漫錄追挽李仙李

問卿家叔過飲松下

八月十四夜陰

十五夜大雨問卿文學兩叔招飲湖祠

十六夜復陰同周侍御史鴻臚趙文學飲

霜鏡集 卷十 目錄

周孚尹宅

十月十三夜同周斗文何漢生松下看月

放歌一首

至日憶早朝

玲瓏岩

老僧搏虎

陳何韓見贈蒲石侑以長句答賦此詩

居不必行

靖海曲爲廖郡丞賦

賦得湖上竹贈從祖二十六司訓

樹劍臺

北運行

聞光州城陷遙憶故郡守方且心觀察社

友胡子延中翰

霜鏡集第十卷目錄終

霜鏡集

卷十

目錄

三

霜鏡集第十卷

鄞 陸寶敬身父著

七言古詩

牡丹園歌

元和牡丹盛中國洛下名園徧西北開元寺裏  
一花栽白公徑造吟春色白公一去近千年風  
光遂占越東偏酒坊僧館看俱徧又到君家錦  
繡筵君家畫戟排門起上客看花若流水兩層

霜鏡集

卷十

文石甃成臺百本千葩何旖旎春日遲遲花解  
杼露香洗出美顏無亭北五絲聯步障欄前七  
寶結流蘇玉盃檀心真巧絕綵鸞朱鳳飛成列  
高枝解語低解羞相向如憐背如咽樓子重雲  
出葉驕風吹斗盃滿庭搖已爲園林增富貴還  
教歌舞鬪妖嬈青油張幕開偏久倚恨含嬌無  
不有淡妝西子浣春紗紅暈阿環酣卯酒飛燕  
輕盈姊妹來湘裙掩映英皇偶品成知是百花

王兒女情多亦稱后江東好事數君家千金買  
笑未云奢瓊花無種尚思補何況當筵五色花  
名花新譜紛如綺姚魏遺名徒在耳金玉交輝  
花名白捧黃嬌容三變花名緋傳紫斗酒花前  
君莫辭君能痛飲我能詩元與一賦誰翻得李  
白清平絕妙詞詩酒風流堪晤對拈示花神花  
不愛白公先得我心同卽色卽空觀自在

歲鼓

霜鏡集

卷十

二

歲鼓葵葵何處起白叟黃童千百指廣衢曲巷  
皆相似雞鳴日出鼓亦鳴日沒雞棲鳴未止初  
鳴觸人心再鳴蕩人耳聲聲陡發如震雷敲斷  
人魂扶人髓流年半是此中休彭祖巫咸曾聽  
不一鎚一咽心應手催我紅顏成白頭北邙青  
松積如草看墓神仙哭晴昊我今返聽入無聲  
願鼓長瘖歲不老

坐雨頑仙廬詹公示以宋名家幽風九歌

釣雪諸卷及黃魯直大小墨跡

訪舊兼訪山雨深山不見蕉竹若睡沈堂階沒  
荒澱畫長客坐且閒談拂拭琅函開古絹周時  
冠劍宜土揖楚鬼車旗悲浪戰無端白染蓬底  
絲恠殺春風吹急霞西江別派瘦而狂大小銀  
鈎錯飛電烟昏霧黑誰所爲老蛟吸墨掀翻硯  
宋社已墟骨盡朽風流尚使人爭美高懸則日  
星下散爲藍齒解衣畫被共一堂手內蛟珠攬  
霜鏡集 卷十 三

歸舟送春

春未去殷如煦春一去羈難住來非無漸去有  
期我不能知且意之擲龍豎戟柳搖旗云是青  
帝之子歸東維綠天滿院佳時節豈料綠催春

遠別鸞攀蝶餞了不關杜宇心悲啼出血我在  
茸城春尚畱我歸春卽赴蘭舟揚帆擊楫歸何  
急春在前頭邀尙及誰知春去劇茫茫一驛追  
奔一驛長直到水窮無覓處收紅拾紫正風狂

東嘉行

海舶豎降旗編作東嘉卒狼子生野心何堪日  
摧挫三月無糧正阻饑敲骨吸髓循陋規朱書  
榜示營門外但是呼庚白棒隨衆心洶洶甘一

霜鏡集

卷十

四

擲救死何能待朝夕呼聲震天屋瓦飛露刃張  
弓入使宅重門不閉使宅空金繒散與土礫同  
長官赤身狗竇出妻女寄家屠肆中亂後登艫  
出海口招安轉費偏裨口幸今收伍敢忘歸亂  
卒歸來長官走走東嘉返西湖矛戟依然朝大  
夫上謁中臺下兩省張筵命曲同懽呼君不見  
統萬城邊鏡角起中丞絕脰刀鋒底爾亦分旄  
鎮海門覲焉草莽計偷存銷萌定猝且莫及一

死一生難並論死尚未蒙恤生胡不致詰君

王東顧軫邊州朝上爰書夕受鎖

時寧夏亂王中丞揖就死

育王新殿懷湛大師兼侍冲法師講座

明州古稱三佛地神異獨數阿育王東晉以來  
亘百代銅駝鏤鳳紛輝煌我生已晚墮小劫慧  
力不振羣魔張雖有古殿空突兀風催雨剝疲  
津梁時清忽煽宗風起山靈舞蹈天龍喜雲門  
老人發願始法席重開大弟子化度功高十法

霜鏡集

卷十

五

幢輸錢輦粟如流水茲山不到纔五年凡眼乍  
驚忉利天人工鬼工兩竭歷朱甍百尺凌山肩  
青猊驤首花臺矗豈但金身標丈六入門頂禮  
白毫光朗映帝珠高網屋水鳥樹林聲滿空安  
知不與西方同西方落日徒送想覺繩未引悲  
羣蒙香山古德登壇日字字金經宜秘密若道  
蓮開佛卽成舌根四色蓮花出吁嗟龍象生有  
時上善同居心不疑金剛大力甘露口總持末

法惟兩師鄙人財法無所施但願舍利燁燁生  
松枝普令四衆攝等慈佛化 皇仁兼得之

同周斗文釋法徧禮舍利塔

稽首舍利塔熏以功德香人言舍利塔中藏舍利  
乃放無量光至今旋繞何爲者見內生心難  
自捨蓮臺千百億分身誰是眞身誰是假世人  
見影未見心佛心圓映法甚深安知塔果成七  
寶忽然鐘亦非黃金一鐘五角共悲仰我今見

霜鏡集

卷十

六

一卽見兩非兩非一亦非空倏忽神功入非想  
拈問他人爲有無見地各隨心所殊或言無鐘  
有木魚或言鐘底縣綠珠乃知虛空無不有觀  
心入眼次及手手眼在我難自持一心肯逐狂  
華走靈山鄧山總一山青石湧地非等閒願得  
如來四萬八千塔指光塔塔彌人間

三峽泉

嘗聞三峽險遠阻蠶叢國誰知越水波幻出岷

江色上溪下溪何迢迢水聲倒峽隨迅颺再瀉  
潺湲入古洞三衝砥石度寒橋寒橋却立膚髮  
悚拂顙驚湍千尺湧雲巢鶴見應晝飛陰壑鬼  
聞猶夜恐峩峩青壁高刺天亂流蹙石奔弩弦  
雷殷電擊薄人耳咫尺但愁坤軸旋君不見五  
峯雲氣列畫圖樊劉仙去不可呼皮陸吟中物  
色孤我歌九詩問三峽寒猿晴鳥聲有無蜀道  
之難如此乎

霜鏡集

卷十

七

竭來

廣陵竭來汲古井轆轤聲斷青絲綆汲長綆短  
難稱心水濁泥深空照影照影不見心自傷瑠  
璃瑩碧那可常蕉衣乍變浣時色竹葉潛銷甕  
底香我獨生平有茶癖恨少泉源出雲液盧仝  
七椀渴未除董井一泓名可惜君不見大明之  
水徹底清郊關十里多人行又不見中冷第一  
古有語漁舟取次臨江渚挈甕抱甕了不聞空

檀銅山詫豪舉

詠紅葉

青青不足恃黃落令人嗟青黃之外別有色錯  
疑秋葉作春花水鄉無楓多野相千株一色迷  
前後紅淺紅深別樣嬌堪笑枯楊如禿帚塗朱  
染絳那得工縱是名花濃未同石家步障五十  
里不如青女暗催紅青女司寒變沃若滿林綺  
繡紛相錯明霞麗天忽倒垂野火燒山徧廣莫  
霜鏡集 卷十 八  
燒山麗天何煌煌雨不能滅風不揚百鳥高飛  
驚紫氣千家低映入朱方南遊忽與炎帝遇乘  
雲欲上丹山駐大野平開赤玉屏半空擲下珊  
瑚樹不然樹下藏楚兵飛燼三月照咸京又恐  
前林近隋苑剪綵十萬新枝成世人逢秋盡悲  
苦不意秋光偏媚嫵殘粧欲卸點胭脂衣緋老  
人重起舞凭闌四望日將沉不語臨風感倍深  
一霜催紅十霜隕時至物變非有心乃知葉青

葉紅總如此偶一飄浮御溝水多情兒女解題

紅誰悟色空談妙理

壬申除夕

苦樂繇我造心生境應之卽如守歲亦常耳胡  
獨令我心不怡辛盤餽飮祭詩罷鼓聲坎坎心  
如椎心如椎骨未肉憂生歎逝成轉軸痛定回  
思空仰屋無婦無兒一老孀有母在堂不敢哭  
諸孫暫戲明燈裏更深散去如流水自攜燭跋  
霜鏡集 卷十 九  
到書堂病僕聞呼猶強起布被繩牀凍未溫北  
風大詬幽人門幽人自鑄有剛骨百憂中擣摧  
心魄吾年五十已過二只恐衰隨老便至撚鬚  
欲斷苦搖頭性命不關好文字倦來欹枕忽朦  
朧夢驂兩龍遊帝宮帝曰人文補化工爲我毫  
端噓起五丈虹明年明日美春風  
燈宵不出  
燈宵恣宴遊十室而八九老人株守心所甘况

復縞衣憚趨走世人趨走何踉蹌如猿掣鎖馬  
脫繯急足當車喘復汗列炬照見飛塵揚一國  
都狂浪悲喜廣衢燈火晨星似粗繒敗繭強粘  
成風折竹棚扶不起青玉五枝徒食耳鳳膏豹  
血何堪擬周廬櫛比夜鼓喧惡少公然攫墮珥  
大家客散門掩重小家好事徒懂懂街口叢祠  
劇餽釘紗燈欲落頻考鐘去秋肥蠟兩燭毒手  
內無錢甕無粟里魁持符相迫促價重誰能買

續鏡集

卷十

官燭忍凍啼饑滿路隅夜陳角觥恣懽娛兒曹  
切莫詫千影油是民脂紙是膚里閨相傳盡蕭  
索然薪閉戶愁難却使君筵上放光明照見逃  
亡民卽樂

花朝送周斗文鄭鴻超觀蔣逕紅梅余適  
病目不去

梅花貴香不貴色色不遺香紅卽白數株蔣逕  
聞更奇幹作孤峯瘦于石二仲愛梅信有情花

朝飯罷舉策行古屋深扉蓬未掃主人聞欬知  
歡迎但坐不飲顧茶鐺玄言飛屑取花評阿環  
柔肌膩紅玉何似江妃羸復清我家密邇栽梅  
處其奈花開不能去經時病眼淚如麻見暗亦  
復生狂花狂花非花見是我恍惚神遊枝上霞  
枝上霞落不久送君以詩花在口兼爲花神代  
澆酒色香紅白總莫論色卽是空君解否

題泰嶽喬松圖爲王漢臣使君壽

續鏡集

卷十

人生於父母惟願壽而康民之父母需循良何  
人不解祝庚桑庚桑良壘鄴江上邑人猶頌王  
丞相赤堇花明公再來蘭陵春色攜相傍憶昔  
出入承明廬幾見賢名列薦書卽今優游傍桑  
梓身沐清風琴韻裏田蠶屢熟烟火稠婦子樂  
業歌有秋秋來蚺蠶偶煽虐民未見告公先憂  
徒步雩龍應如響綠滿新田嘉穀長生申八月  
巧相期涼雨初收風薦爽一人矢祝可回天萬

口騰惟胡不然合衆之壽壽衆父願流愷澤一  
千年度索有桃知幾樹玄梨火棗那能遇側身  
東望泰山高越觀飛青如雨注君不見秦時松  
排空亭立最高峯葉作虎鬚幹作龍千年不改  
大夫封言將持此祝壽容

讀昌黎漫錄追挽李仙李

李郎早歲稱儒者老向都門騎瘦馬昌黎大令  
故憐才片語相投不用媒安車載入縣堂去坐

霜鏡集

卷十

十三

席未煖胡氛來胡氛轉戰百千里斗大孤城安  
足恃殺聲動地邊草霜壯士登陴怖欲死爾時  
慷慨坐縣樓戎機妙入席前籌左手揚麾右執  
稍戰酣一夕殞旄頭果是書生能破賊賊平紀  
事還如織幕府上功君有名三省喧傳爭動色  
我昔棲遲金馬門熱腸一片與君論我今還山  
侶糜鹿老淚潸然爲君哭爲君哭感君年君身  
雖死心在邊心精落紙陣圖出筆染酋血猶聞

羶薊丘畢命驚飄忽歸觀黃沙暗胡月誰將史  
筆表貞魂親到松間題石碣

問卿家叔過飲松下

阮氏林中幾竿竹至今清韻留人耳此間無竹  
但有松一片春陰散湖水湖曲書堂晝不開松  
陰篩滿碧窻苔朝吟夕撫足自悅何意高軒動  
地來甕有新醪盈十斛烹雞臠鯉行已熟歡然  
雜坐忘尊卑長嘯一聲風謾謾風謾謾耳根清

霜鏡集

卷十

十三

人與松俱太古情幽濤亂洒几筵動春鳥嚶嚶  
向晚鳴松梢片月知相待今我不樂月沉海眼  
中幾換去來人只有青青松不改叔氏旨懷大  
阮公此松真與竹林同把酒彈絲興不窮願松  
長青叔長壽日來松下醉春風

八月十四夜陰

五年不見湖上月如與故人成遠別故人別久  
會相逢湖波無恙臨秋節貧廚傳語正匆匆濁



酒青疏不待豐買得新船呼傍岸心期片玉早  
生東東方未皎雲先漫萬葉千枝生不斷天光  
欲夢黯如無黑玉青瑤失味且手亦不能掃懷  
亦不能開獨行堤上幾徘徊家童告我風色厲  
船橫席仄難舉杯靈蟾一去呼難醒把燭東樓  
差破暝痴心未了待乘船醉眼相看樓亦等月  
終不來可奈何故人負我良已多來朝恰是逢  
三五好放清光照綠波

霜鏡集

卷十

十四

十五夜大雨同卿文學兩叔招飲湖祠

中秋月湖光相映徹晴湖美月須穩舟三者曾  
無一可缺停舟宿酒席不移昨宵興盡今可追  
曉起登樓望霽色陰雲四幕天倒垂天倒垂兮  
白日黥湖雨欲來風乍吼黑龍鼓鬣旋旗搖萬  
礮千拳若摧蹂豈是雷車取阿香午漏不停淹  
至酉酉分數刻曉漸催雨勢併瀉天潢來暗中  
揣索莫可狀翻空倒瓦當者噴寒燈滅照榜人

恐縱有穩舟誰敢開一室幽憂苦漏濕料得素  
娥中夜泣千里之外知有無何人天柱峯頭立  
吾家兩叔真好奇相邀坐雨開新祠檐喧似瀑  
歌偏應室暗無光燭代之飲散長隄雨未歇歸  
臥高窻語咄咄夢中忽見舞霓裳明年許我中  
秋月

十六夜復陰同周侍御史鴻臚趙文學飲

周孚尹宅

霜鏡集

卷十

十五

昨日淫雨今稍晴良宵猶未遠三五但期月出  
卽成歡獨酌高歌興堪賈况攜不速客三人雜  
坐君家堂百武君堂百武廣且深畫棟雕窻文  
石礎多煩廚舍點花酥不惜明童催羯鼓百壺  
轟飲疾於鯨四座高談雄若虎捲簾數問夜何  
其燒燭惟待月當午黑雲片片生鱗甲陰氣濛  
濛集網罟入宮自古妒蛾眉月在東隅不敢吐  
合詞離席訴天知虎豹九關君莫怒我輩雖居

濁世中置身擬在清虛府各從墮地幾十年射  
策趨朝倍辛苦已荷 君王賜休沐還陪上客  
叨鼎鼐冰壺不借一宵光桂香何日沾天宇君  
不見月光童子心相印海蟾先生手拾取其餘  
小術劇紛紛籃底懷中詫千古我將竊藥玄兔  
傍又欲身陪玉鸞舞不逢二八掃天遠何用三  
千排月戶呵風叱雨在須臾請君共礪吳剛斧  
十月十三夜同周斗文何漢生松下看月

霜鏡集

卷十

一六

放歌一首

今年中秋雨如注黑雲淹死湖頭樹九月稍霽  
雲稍開鱗鱗不斷猶點埃不如十月清冬節游  
氛洗盡寒輝徹月從海上上松梢滿眼爛銀紛  
屈鉢呼童挈榼岩之阿隔牆望見湖中波月銜  
湖水水印月以鏡照鏡光相磨周郎顧月語微  
妙何郎醉月復狂呌主人不飲酒趣深邀月杯  
中快同調邀月對影尚可親况我同調真三人

三人仗月作知己月亦分光滿其身琉璃世界  
湛如水身內身外皆如此膚毛生粟眼生花驂  
得玉鸞飛不起清冬此夜堪盡歡凍褐坐黏苔  
石乾深堂燭跋童睡鼾夢中不覺墮冰盤來朝  
幾望及三五不夜城中月當午買舟直泛大湖  
心水龍嘯起馮夷舞君但來時月自明月有盈  
虧君莫數我便能爲修月戶君不見句裏明珠  
月堪補

霜鏡集

卷十

一七

至日憶早朝

車馬何憧憧朱門若流水顧子閉跡蓬茅中至  
日日高猶未起素性好懶兼好眠南榮近日別  
一天廣衾裝綿快伸脚高枕遠過羲黃年前年  
此際長安月五夜趨朝逢腐發重裘如紙骨生  
寒疎髯噓氣冰連髮足僵泥鐙扶難下凍火無  
光空自把輿僮雜坐語頻呶象來右掖驚嘶馬  
百僚望門爭欲先對面不識肩摩肩酸風入齒

戰未息流汗忽至如湧泉是時 聖人端居玉  
晨前燭龍銜日黃屋鮮臨軒一語如吹律忽吹  
寒谷生煖烟微臣百拜復三舞簪笏去天剛尺  
五退朝東轉玉階深手握丹鉛居秘府畫簾不  
卷地爐紅饌出天廚未逾午 君恩如此臣敢  
私夙夜自矢惟捐糜回天補袞苦未效 兩朝  
信史垂元龜卽今投劾歸東鄙遠隔長安四千  
里夢中空憶舊朝儀曝背何繇獻 天子

霜集

卷十

十八

玲瓏岩

相呼上玲瓏意氣一何猛老人頓足稚子顛杖  
仄秋光逼人冷褰裳涉澗敢辭難土劣沙頑度  
百盤草頭行潦注不竭令我舉足仍蹢躅仰眺  
纍纍石無筭一岩飛出天之半策駑何期險遂  
躋罡風挾頂雲生巔峻嶒古骨蒼皮躋上凸下  
凹形倒縣狂獅張口斷齧露水滴不斷如流涎  
山腰隙地剛數武石覆半檐藤縛柱相逢忽得

鳥窠禪飲以茶杯滋法乳出門導我路轉東人  
跡久斷榛蒿中朽株代棧臨不測十步九步行  
虛空觀音小洞誰所鑿沁碧成池玉膏落漏一  
遂恐非全收介在路旁寧失却上岩陡削直造  
天兩峽相逼箭栝穿全身橫被目驅遣揮汗喘  
急嗟難前石氣孤拳踰百尺洞房對闕中偏隔  
劃然一線走天風想見空山雷斧擘擘時山嘯  
鬼亦哀直數于今幾劫灰嘉定題名字班駁古

霜集

卷十

十九

人誰識今人來崎嶇歷盡詫豪舉遙望中峯復  
幾許一僧空際坐如猴招手吾儕欲與語始知  
山勢亂雲重安得分身徧遠峯撒手歸來岩下  
寺二時共赴講堂鐘

老僧搏虎

老僧鐵面帶深紫齒落肩胛今憊矣有朝結伴  
訪叅家未及山腰虎突起虎突起人皆驚林葉  
撼撼陰風鳴行者一撲嬰利爪冤血急洒岩爲

顏老僧饒有金剛手大聲叱虎如叱狗千捶百  
拉不少停何物敢當獅子吼初猶力敵磨牙待  
漸至神衰搖尾走全骸奪得帶腥涎恨不抽戈  
斷虎首虎潛無跡人行稀落日照曜山合圍解  
衣裹屍了不恐仍束殘經共負歸歸近寺門鐘  
梵起開壇密咒燈如水咒得遊魂近佛香施將  
無畏了生死君不見大扇和尚人天師手牽白  
額身長騎末劫何能彷彿之始知六臂神通力

霜鏡集

卷十

二十

卽在空拳槍攘時它年欲續神僧傳首載南山  
搏虎詩

陳何韓見贈蒲石侑以長句答賦此詩

美君氣韻何瀟灑石裁蒲獨盈把手題新句  
滿雲藍親命奚童安牖下我家書閣類蝸廬  
几凝塵每寸餘膽瓶插花苦不韻蒲石入手爲  
湔除湔除未盡何時已接得君詩堪色喜摩娑  
老眼讀未終四壁光生澹如水蒲舍新雨何青

青詩若爲之躍其靈石探空山劇磊磊因詩愈  
見雲生黕辟如福地蟠清都菁蔥岸粵何所無  
一自仙人著圖記翠毛玉骨彰瑰異安期服食  
幾千年米老何妨拜以顛况煩伯玉灑長句三  
峽滾滾飛驚絃君歌我和出金石物華人傑相  
澄鮮共列參前稱四友遠疑海上游羣仙夕露  
晨烟疎且靚無時不與詩葩映挺立偏宜梅雨  
中濕雲直掃歸清淨我生五月長新蒲倩人欲

霜鏡集

卷十

二十一

作壽花圖石公瘦格相參倚禿筆自題還自娛  
不意君先分贈至殷勤悉我意中事手解斟泉  
口解吟清風獨飽幽人嗜吁嗟乎九節非易餐  
一拳真耐看長歌短歌興未闌何以報之金琅  
玕願讀君詩日一番芟蒲刷石幾盤桓漫勞攜  
手閒風去歲歲南窗酌茗歡

居不必行

居不必百尺樓行不必千金裘丈夫在家難稱

意棹頭擬作逍遙遊木蘭艇子沙棠檝秋水澄  
鮮飛一葉雕闌素幄半參差弱纜輕帆俱妥貼  
鄞江迥接舜江斜曠野虞賓見幾家幼婦碑文  
苔壁塌右軍祠屋槿籬遮船壓胥江千頃白籃  
輿又過吳山驛棲溪烟火隔桑林晉縣城池臨  
草澤水綠鴛湖澹蕩天石門平望地鈎連松陵  
客散吟詩社香徑人歸問月船楓橋午夜霜鐘  
吼第二泉甘曾酌否白鶴溪邊出岫雲金罵亭

霜鏡集

卷十

三三

畔垂檐柳鐵甕孤懸海氣蒸金山半露石峻嶒  
江南橘性隨楊子東閣梅花就廣陵住越經吳  
凡幾日風餐露宿情非一京洛塵從衣上銷瀟  
湘景是詩中出柳堤如髮濯清波遠望晴山歛  
翠蛾神女弄珠驚夕夢漁郎鼓枻快朝歌長嘯  
臨流意瀟灑况攜好客兼閒雅臥室袁安獨行  
人解衣陳孺多能者時袁公緒陳昌言同行清尊滿酌興  
遄飛促膝高談玉麈揮蓴菜絲長鱸膾美橙齏

香徹蟹螯肥時平關吏無呵止不繫之舟從此  
始久矣浮名署水仙暫時浪跡諧船子鴟夷一  
棹五湖濱李郭登仙笑未真茶竈筆牀家自有  
蓑衣箬笠計非貧會心偶爾成濠濮鷗社魚隣  
相伴宿已免君王費帛書空煩州縣催絲穀  
順流高枕愜桃笙彷彿三山近若迎身騎赤鯉  
琴高去手捧玄珠象罔行博望孤槎心自許投  
鞭擊楫空豪舉借問羊裘釣富春何如魚腹愁

霜鏡集

卷十

三三

湘渚宓妃堯女太無心鮫室龍宮杳莫尋舊注  
水經貪問路重繙江賦托知音山陰興盡歸期  
促十畝芳塘澄剡曲粳稻翻匙粒粒紅蓷花遶  
砌枝枝綠水榭雲軒四望孤悠然一榻想江湖  
漫向西方論捨筏且來東海嘆乘桴

靖海曲爲廖郡丞賦

靖海曲曲從何處起巨海吞天目無涘先皇  
東顧列重關鼉柱蛟門兀如砥二百年來士蹶

張鯁人效順波不揚何意荏苒棲絕島竊鉤不  
戒思啓疆前有鍾李今劉香錦帆黃屋隨風翔  
昌國一軍懸海口兇鋒煽作長鯨吼飛蝗矢集  
滿城號下瀨伏波俱破走明州司馬才且賢指  
揮部曲如飛烟一呼風雨陡來集再呼大波忽  
山立黃龍結陣赤馬馳我衆揚睂賊飲泣君子  
六千何其雄洗兵漁海荷成功卉衣膽裂急宵  
遯貢舶無阻蓬萊東憶昔興師方六月汗染兜

霜鏡集

卷十

二四

登氣蓬勃三時暴露敢言勞雪積東郊馬蹄滑  
縱金伐鼓大班師路人遙望拜旌旗弩矢前驅  
餽牛酒使君按轡仍委蛇捷書四出傾前後郭  
內懽聲洽童叟沉幾不敢忽周防新營徧插將  
軍柳東人解甲種春田大府酬庸繡服懸貞石  
不渝功表海鏡歌附以鄙詞宣

賦得湖上竹贈從祖二十六司訓

嘗聞賀鑑湖荷花三百里不見荷花見竹枝清

風獨爲高人起高人結屋傍湖居手種篴簫玉  
不如上枝凌雲待棲鳳下枝拂水驚游魚此君  
相對朝還夕錦里橋邊三畝宅何處秋風悵別  
離青霞洞口數篇詩辭榮一旦歸來後重與此  
君期白首紫籜裁冠映道裝綠胎入饌供春酒  
毋論少室與柯亭四時不改色青青葛陂擲杖  
人猶在湘浦彈絃客乍經卽今八十顏逾少雪  
鬢雲衣集同調宅中時借子猷棲林下兼聞步

霜鏡集

卷十

二五

兵嘯清冬十月開壽筵滿堂晴翠含朝烟將枝  
度曲諧宮羽借葉名杯樂聖賢乃知神仙之說  
亦徒爾貝闕蓬萊竟誰似不如高臥此君傍直  
節虚心保終始

掛劍臺

古人掛劍何壯哉今人空爲起高臺高臺數層  
知幾尺敗砌荒基已半圻日落照見徐君墳城  
雲不動草烟碧蒼茫白骨已塵沙劍亦千秋蝕

土花隙地何曾禁樵採居人不惜行人嗟往于  
青史忻執鞭今日荆門如眼前欲奠椒漿拜古  
木霜天無葉風蕭然風蕭然心轉極世人此道  
抵一擲相要對面且離岐一諾誰令死不欺吁  
嗟乎皎日行天石沉海此心季子長自知

北運行

北運出樓船銜尾旗搖日開船澆酒試緋衣十  
日官倉收兌畢屈指王程色已灰淮洪險盡聞

霜鏡集

卷十

三六

又來上水建瓴船勢重百夫絳斷誰挽推艙中  
鼠齒蓬上雨擊柝聲聲防竊取每朝會計夜忘  
眠難免脾催厲如虎天津北去何騷然淺船屢  
換車不前太倉新令楊糠粃斗斛折閱盈百千  
斗斛贏將歲祿抵百千之折附嚴比衆旗逃散  
官獨死不爾頭穿三木裏十家衛弁九家亡券  
文出鐵空煌煌每逢北運單初到婦子牽裾母  
泣堂水軍部運京軍食半飽遊閒資蠹蝕吾聞

漢將墾屯多在北燕民斟水新成沚其意可師  
利不億胡爲用盡疲軍力

聞光州城陷遙憶故郡守方且心觀察社  
友胡子延中翰

光州城蠹蠹連雲表黠賊乘城迅如鳥舞梁輪  
刀日在途白骨如莽血模糊何人名姓入齒頰  
就中惟念方與胡方家宰木鳴哀鵠有子雖存  
終免脫胡家休沐舞班衣墨妙如雲四散飛追

霜鏡集

卷十

三七

念生平重攜手幾年信斷江南柳何期烽羽忽  
星馳生死未明空疾首吾聞光州大姓日尋仇  
舉挺揚灰鬪未休爾曹慘死何足尤祗爲君  
王憐版籍更于朋舊問菟裘

霜鏡集第十卷終

霜鏡集第十一卷目錄

七言律詩一

二日郊行

十六夜將爲奉川之遊大雪不果會食坐

中悵然作

任口

賀秘監祠

病起尋寶巖

霜鏡集 卷十一 目錄

爲何漢生題喬遷圖

閒遊

頭白

邸報不至

秋湖

八月苦雨

大水後泛舟

任興

斗文遠餉雞酒賦謝

春日新晴得遂乘舟之興漫賦此作時初

釋服

聞桂

過應仲鵠草堂二首

周自昭侍御葭露閣

西園和倪玉汝司業韻

芙蓉

霜鏡集 卷十一 目錄

三月三日次韻

寄陳仲醇徵君二首

贈黃巖令君

初夏園居

八日郊遊

圓公房杏花

堤上桃花

上巳郊遊



三月晦日問卿家叔宅中陪戴斐君吏部

小飲

看洛陽花

湖干

春日言志

二日看禮金光明經畢命舟出城值大雨

寄炊村舍

登白雲樓憶豐萬年

霜鏡集

卷十一 目錄

三

過故相余公湖上居

晚至白鷗庄次陳何韓韻時將以次日登

福泉山

洛陽初開釋三學公緒適至值余齋日同

以杯茗賞之

羅木堂

過楊伯翼園故址

小暑日訪涵月于海會精舍及歸而雨

周斗文書來約七月既望見訪已而不至

賦此訊之

秋日同釋三學公緒法胤參前觀蓮

閱四詩舊評

讀三學詩

張隣虛叅戎捨家爲僧

天王寺

米問卿古雲山房小坐晤次君文學同用

霜鏡集

卷十一 目錄

四

來字

送吳育萬侍御視醴兩浙

爲鄒舜五賦采蓴

送李子述之開州

贈高邑相公

吳興茅厚之過訪

咏盆竹

秣陵送朱幼晉之梁溪求鄒彥吉憲使誌

其先墓

謁武城言公祠

丁卯下第

赤石磯看火榴花

大寒日同法胤登天封寺塔玩城中雪色

同周斗文諸君寶岩寺觀梅

贈玩其李翁

吳門舟中

霜鏡集

卷十一 目錄

五

讀董百里它山草

九日敝居

謁貴池文孝廟

歸至石城贈高秋父

寄醴使謝侍御

維揚客舍毛陳諸君攜酒見過

呈郡守吳公

立春前一日顏冕將軍張公魯集雙桂堂

得春字

霜鏡集第十一卷目錄終

霜鏡集

卷十一 目錄

六

霜鏡集第十一卷

鄧陸寶敬身父著

七言律詩一

二日郊行

新歲偷尋郭外春  
水村寒色澹無塵  
行如有獲林垂子  
坐乃能安草列茵  
釣豎拍舷因照影  
田夫釋耒爲看人  
沂洄何必仙源去  
待種桃花卽避秦

霜鏡集 卷十一

十六夜將爲奉川之遊大雪不果會食坐

中悵然作

聞燈不看豈人情  
隔縣何堪問雪程  
與客共賞三日具  
祈天難放一宵晴  
溪水入夢寒高枕  
簷溜依愁滴斷更  
剩下芊郎資小食  
琉璃如水掛書檠

任口

任口高歌信步行  
多居村落少居城  
榮期樂在

爲男子嵇叔驕  
非恃母兄悟到河圖談奕罷  
觀來劍器學書成  
浮家每欲依漁榜  
愛殺春波蕩晚晴

賀秘監祠

高士爲神韻獨長  
春烟春水廟門香  
恍于天際聞吳語  
親到亭前拜道裝  
撫柏劇憐今稍瘦  
歌蓮遙想古之狂  
有詩無酒難稱達  
欲就先生乞醉方

霜鏡集 卷十一

病起尋寶巖

病後頻思問水濱  
捨舟理策亦怡神  
一逢晴樹添新得  
乍見殘梅憶故人  
詩色似爲山洗翠  
心不與鳥爭春  
寺林半廢無歸處  
月在西峯論玉賓

爲何漢生題喬遷圖

丹青送喜在今朝  
有羽如生色不凋  
君甫移家營入郭  
誰先喻意得遷喬  
枝堪寄宿神全旺  
花

欲銜飛韻獨超求友于詩惟此幅故人持贈比

瓊瑤 圖是陳侍御所贈

閒遊

勞勞東嶺復西圻雖有田園未卽歸徧訪蓮區  
爲月課始知菜味得天機雲閒每許叅僧坐鳥  
熱偏能導我飛九夏行遊忘熱渴茗香仍鬪穀  
前肥

頭白

寒鏡集 卷十一

三

頭白爲郎復作丞出騎瘦馬代扶藤漫誇雙鬢  
占頻中但見迷陽意屢憎飯罷忙生如有種夢  
中人喚總無憑雖饒眷屬身非繫已辦齋心冷  
似冰

邸報不至

北邸無郵欲問誰望窮天末屢攢眉已聞上谷  
烽來急猶恐中黃戰勝遲女昔憂葵心獨苦臣  
皆食粟義何辭昨宵紫極瞻星近回憶麟臺署

詔時

秋湖

秋湖一片冷相連空水之間得受屢有樹人家  
元不俗涉波風景共疑仙幽惟入竹僧敲磬快  
是當門客上船賀老祠前鴉點點夕陽飛逗柳  
林烟

八月苦雨

淹花抑月動連朝天有何愁淚不消乍徙牀茵  
霜鏡集 卷十一

四

難避坎習聞簷綆怯乘潮室初嘆婦蛙升竈路  
忽迷人鶴立橋欲學老僧書百楮暫祈餘滴緩  
芭蕉

大水後泛舟

東風作勢雨隨潮河伯乘秋意自驕路斷趁墟  
人獨返烟空成聚突俱漂晚禾未熟愁生耳衰  
柳差存苦折腰怪道長年頻拍笑急流船底度  
層橋

任興

任興階前摘菊新秋光冷故着綦巾生來不解  
求知已病後偏思傍故人天與詩狂全仗膽性  
慳酒力畧沾唇白雲堆滿青楓樹顧影心凝畫  
裏身

斗文遠餉雞酒賦謝

使來傳命日初懸治具煩君隔宿度三白酒陳  
堪注爵一拳雞壯又加邊口相似處沾俱足指

霜鏡集

卷十一

五

若靈時動必先雜佩未酬詩可代介翁歲及小  
春天

春日新晴得遂乘舟之興漫賦此作時初  
釋服

身經草土積沉憂猶喜春光照白頭三歲以來  
無此况一晴之外不多求肴蔬任興爲添減賓  
僕臨時有去留新水如羅花入茜何人纖手爲  
操舟

聞桂

未知誰起復誰消雙樹空香得倍饒風若與君  
通信使秋偏爲我作佳招軒窗偶度先時覺笑  
語相牽一味超聞似不聞叅鼻觀好拈無隱向  
僧寮

題應仲鵠鹿沙草堂二首

隨分空房置淨巾書巢聊息倦遊身關田爲舍  
無多畝種樹如城得幾春君若出山圖作卷誰

霜鏡集

卷十一

六

能縮地買成隣寒芳秋水皆佳趣二仲時來問  
主人

軒堦楚楚滌塵情甃石編籬任意成童與野花  
相次立鳥窺林果不時爭曾分半席供雲客又  
弄孤琴出水聲喚作吟禪差得似句中香吐佛  
蓮清

周自昭侍御葭露閣

欄檻高懸水一方佳名贏得借蒼蒼寒光袖拂

疎叢濕細響心聞片葉涼終夜不爭吟次月半  
汀欲白夢中霜尊絲相伴秋堪戀只恐天書問  
釣璜

西園和倪玉汝司業韻

累土初成象古臺雨香私爲布層苔水心一氣  
漸于石竹隙三分補到梅妙入觀空希佛解巧  
能取瘦見詩才西園韻事今猶在玉局蘇公喜  
再來

霜鏡集 卷十一

七

芙蓉

淺深紅白媚沙洲木末娟娟引勝遊得意于秋  
多澹遠傳神在水更風流人曾塞處低臨石我  
未來時冷傍舟訝是錦官城下看夕陽空影散  
羣鷗

三月三日次韻

積雨初收野水分浴蘭舟至聚沄沄目于草際  
遙迎客身在花時獨守坟生滅依林雲作態青

黃點地榮成文饒他歌管春如沸且與慈烏靜  
入羣

寄陳仲醇徵君二首

幾從 天子乞逍遙獨在文壇立斗杓柳爲迎  
門堪作傳松雖滿徑不安瓢湖雲入釣衣全冷  
山竹傳書汗未消我有辨香懷已久那禁春水  
滯蘭橈

吟安一字每焦唇半世詩魔奈此身蠶吐春絲

霜鏡集

卷十一

八

還受縛蟲依秋蓼頓忘辛敢云啖蔗臻佳境差  
學描山出淡神素業不求玄晏識更將月旦俟  
何人

贈黃巖令君

地僻方知隱吏尊腰符掛壁酒盈盆訟牒草沒  
堦前字官路花繁郭裏村春至蘭香供櫛沐客  
來騷語代寒溫西峯底事深相戀每日分青上  
縣門

初夏園居

幽徑扉迎白版新松風代帚不揚塵籬邊荀茁  
疑無地屋裏雲生若有人爭道棊終非國手圖  
僧影忽現前身池蛙田蚓偏多聒歲歲相催髻  
入銀

人日郊遊

白衣烏榜趁初晴歷盡沙村水市行肯以孤城  
爲鶴棚故從深谷覓鸞聲王孫見草迷修路處  
霜鏡集 卷十一 九

士妻梅占獨楹莫笑未酬人日作春光的有起  
予情

圓公房杏花

一株新豔拂袈裟栽倚春雲入望賒空裏忽然  
呈色相人間亦復散天花僧雛屢折曾供佛燕  
子初來莫認家怪底風光招客到寺垣紅映日  
西斜

堤上桃花

一里城堤盛有花仙源恍入洞中賒韻清乍洗  
于新水色冶全烘在晚霞醉眼迷春空認霧詩  
腸借爾欲生葩何時喚出情人渡和藥和根作  
句誇

上巳郊遊

瞥眼春光逗水烟乍晴猶是養花天燕新燕故  
惟村壘人哭人歌盡墓田沙上軟堪承蹴踘柳  
陰高欲並秋千永和禊事知安在且鬪新茶及  
霖錄集 卷十一 十

雨前

三月晦日問卿家叔宅中陪戴斐君吏部

小飲

高談真得古人風林竹清尊映幾叢自顧彈絲  
非小阮共推啓事有山公湖添夜氣侵燈碧花  
欽春情入句工可惜不逢明月出相隨水鏡共  
懸空

看洛陽花

問花是否洛陽移花史添修別一奇幻出五絲  
新剪後化成百蝶欲飛時叢中辨類靈根具豔  
裏求清弱幹持自種汝來凡幾易韶姿今夏獨  
相宜

湖干

兒童笑語出湖干我亦臨流賦采蘭兩腋新涼  
人乍爽一船秋色眼相寬閒忙事總隨波動今  
古情多被月看梔子已殘蓮未種老來何物贈

霜鏡集

卷十一

十二

交歡

春日言志

言志曾聞起杏壇鄙儒何敢有更端食書蠹已  
安餘習出海鵬差縱大觀師事黃公終好道名  
同白傅偶居官流光九十難虛度且就東風莪  
畹蘭

二日看禮金光明經畢命舟出城值大雨

寄炊村舍

春烟冷散寺門低梵送離城路不迷數港雲都  
添畫筆一蓬雨正補詩題尤嗔遠客嘖過隴鷺  
間衰翁立滿隄總是佛緣行住合炊香竹屋供  
新齋

登白雲樓憶豐萬年

岑樓舉眼徧東菑城迴林迴日乍歆一氣皆雲  
仙可在三年種竹主何之水濱吟吻催蟬急石  
上歸魂化鶴遲屢約未來來已晚斷琴殘簡網

霜鏡集

卷十一

十二

蛸時

過故相余公湖上居

春山亂入野楊園石脊差差舊逕微湖色上樓  
終日貯洞雲迷客不時飛欲知歌管憑詢樹雖  
長孫曾肯到扉雪壁留題苔未老銀鈎照眼眩  
晴暉

晚至白鷗庄次陳何韓韻時將以次日登

福泉山



舟停昏黑問山庄山影分隨客滿堂孤月墮堦  
盈尺水雜花穿屋一隅香喉傳詩響何嫌細足  
試游筇每鬪長遠憶名藍雲嶠外玉毫先此照  
迷方

洛陽初開釋三學公緒適至值余齋日同  
以杯茗賞之

洛陽雜植未全繁漫選先開者數盆振錫乍來  
如有待凭闌伍賞欲無言合將詩色論嬌態散

霜鏡集

卷十一

一三

却禪機與豔魂我亦頻年修淨社綠香共接茗  
杯吞

### 羅木堂

堂名羅木果何云丹碧空思舊所聞逕雜野蒿  
強半沒門通渠水大家分編荆未固魚防鳥豎  
表初成屋換墳童語暫畱無處坐青鞋亂踏過  
橋雲

### 過楊伯翼脩園故址

園景如詩峭絕倫詩亡園亦化荆榛旁觀解惜  
玄亭撤才鬼難甘白屋貧疆理雲先迷故處歌  
呼鳥代作新隣一灣池水清無底瘦影還疑照  
昔人

小暑日訪涵月于海會精舍及歸而雨

郊路無如此地幽亂松堆眼筍過頭午烟直上  
方知寺新水非灣不泊舟六月冰從茶具出半  
間雲是草龕畱逢橋一別難成笑歸思相催雨

霜鏡集

卷十一

一四

未收

周斗文書來約七月既望見訪已而不至

### 賦此訊之

書來何以却難前郊水通城望欲穿雖足不良  
寧乏杖但心遄往必呼船近慙獨鶴親虛影深  
負閒鷗記警聯湖月亦同聞此約相邀無伴轉  
淒然

### 秋日同釋三學公緒法胤參前觀蓮

尺水清漣幾石菴素華冉冉擢新枝曾逢句賞  
開偏潔以待師來落每遲名取喻經無意解香  
畱供佛不時吹更宜露濕風微處觀色觀空了  
自知

閱四詩舊評

評云朱俗林野王雖差勝而多雜佛石有佳句而無佳篇

非詩  
禪也

一緇三素擅詩名詩似蛩驢相並行俗尚可醫  
畱本色野偏多韻切時情謂王差勝何妨雜笑

霜鏡集

卷十一

一五

石非禪亦未平縱是朱絃貴疏越吳蓮楚竹徧  
新聲

讀三學詩

新詞滿楮播清芬取證宗風故不羣香自花來  
非想遇聲從磬盡是心聞肯容他友求黃鳥願  
爲吾師和碧雲苦茗疎燈畱丈室倘然支許共  
論文

張隣虛叅戎捨家爲僧

樓船曾洗海東塵一旦回光雜染新世出方收  
名將局佛成何礙宰官身戒刀如水乘餘勇談  
柄畱松結淨因我學未甘靈運後它年雙樹待  
爲隣

張昔分鎮東江有大功

天王寺

無時溪色不如秋野刹爲家到便畱百里半程  
催小飯一年三度拉同舟犬曾習客爭搖尾鵲  
未逢兄笑點頭匝徑周廊穿總熟尋僧何用覓

霜鏡集

卷十二

十六

房鈞

米問卿古雲山房小坐晤次君文學同用  
來字

地爐紅入煥房煨不放簷風一線來屋裏雲藏  
先化石壁間筍茁未經雷寒花棒出從人看凍  
筆呵成被客催玉樹臨堦真可美憑添春色映  
梅魁

送吳育萬侍御視醴兩浙

物力誰關主計頻東南久欲借埋輪一披漢繡  
臺生色滿種吳鹽海效珍天遠星偏占法座民  
勞言轉贈仁人相隨馬步歸心亟好鳥啼花鏡  
水春

爲鄒舜五賦采蓴

天產無根獨此珍美君手擷太湖濱似將明眼  
窺波淺故引遐心入棹頻一碧圖堪傳好事千  
絲味轉澹漁人步兵久去秋風冷身後名應屬

霜鏡集

卷十一

十七

後身

送李子述之開州

鈴閣政成邀共任圖經遍閱句初刪何人比竹  
歌君子獨自臨堤望復開秋草放騶依隴密暮  
天招鶴過雲閒嗟予入洛身方繫逸翮南飛未  
可攀

贈高邑相公

首踏沙堤上五雲東華妙氣曉氤氲語資半部

安邦亟鏡著千秋獻壽勤玉屐誠通人莫曉金  
甌名覆帝先聞絳紗高館登龍地欲借吟詩  
御李君

吳興茅厚之過訪

布帽臨門曳杖孤家童問姓急傳呼西方有美  
思偏甚北客如君見定無煉就鶴形茅氏訣吟  
成驢背灞橋圖鄉心話入歸程去露冷秋葭蕩  
白鳬

霜鏡集

卷十一

一八

咏盆竹

數竿也作勢亭亭移植新爰傍戶庭石壓孤根  
穿土出雨沾低翠入堦停神堪肖爾胸中有韻  
欲攜僧月下聽料得好懷多在夜凉天如水夢  
湘靈

秣陵送朱幼晉之梁溪求鄒彥吉憲使誌  
其先墓

佳城回首淚痕滋束帛求文志不移三舍烟濤

吳楚接片言華表處生知事徵同姓諸王表名  
播南州高士碑借問蘭舟何處泊愚公谷口共  
稱詩

謁武城言公祠

棠花零落古祠湮行客何人一薦蘋綠字碑銷  
當路雨朱衣像損隔年塵吏優文學非今日邑  
有絃歌卽此民柳市迤西烟火接澹臺故宅尚  
爲隣

霽錄集

卷十一

十九

丁卯下第

徵裘空惹帝京塵十州連城豈足珍敢謂時乎  
終有待自慙老矣不如人改將箬帽低籠髮畱  
得芝田薄養身招手忽迎漁父近蓼花灘上狎  
鷗新

赤石磯看火榴花

赤石磯頭花色嬌根逢煥地發偏饒已排密朶  
高烘日忽放低枝下沸潮稚子攀疑手內熱新

禽飛恐翅邊焦阿嬈最是畱心護清晝無風絳  
蠟燒

大寒日同法胤登天封寺塔玩城中雪色  
強欲登高拂凍髭風來身恐葉同吹半城瓦礫  
鎔銀後一角江空走汞時氣逼至清詩骨聳陰  
凝無色鳥魂凝安知天上非兜率睂白毫中若  
可窺

同周斗文諸君寶巖寺觀梅

霽錄集

卷十一

二十

匝寺花開鬪早春情知佛是散花人衆香爲國  
客先到羣玉有山僧不貧片挾曉風撩谷起枝  
挑晴雪亞檐新禪心忽度西窻月疎影橫紗瘦  
並身

贈玩其李翁

雖同梓里見猶新似種桃花學避秦靈壽乍攜  
安暮齒木棉久曳過殘春三皇以上元無事十  
畝之間只此人漫說天朝重更老祗因詩法

倍相親

吳門舟中

一葉孤吟倩客裝  
遠山如畫映堤楊  
自隣鷗社矜爲長  
又被漁家喚是郎  
紗帽半欹臨水快  
箸蓬雙卷看雲忙  
春情無限芳洲綠  
欲采蘼蕪恨已長

讀董百里它山草

策杖無心往復還  
詩成宛宛見青山  
能傳象石

霽鏡集

卷十一

三十一

經行處更憶飛泉  
指顧間幽事幾隨  
花共老春音多與  
鳥相關從來桂樹  
堪留隱也欲因君  
一寄攀

九日敝居

半世浮塵逐馬蹄  
數間茅屋笑雞栖  
偶來問菊慚無酒  
久不歌魚幸有壑  
名下諸生趨絳幄  
門前斗笠泛清溪  
高堂鼎食長隣近  
直道何勞更乞醯

謁貴池文孝廟

廟祀梁昭明太子文孝宋賜額

香爐塹壁倚山巔  
太子精靈肅野烟  
來爲觀魚經此地  
去因乘鶴到何天  
蕭梁遺恨金甌缺  
文孝新名竹史懸  
六代風師堪下拜  
誰言玉匣早賓仙

歸至石城贈高秋父

雖居城郭異人間  
烏几蕭蕭對掩關  
爐氣遶堦苔石翠  
雪枝侵幌竹書斑  
名因孝友推先達  
夢

霽鏡集

卷十一

三十二

入雲松憶故山  
茗一杯邀共醉  
經時不見倍開顏

寄醴使謝侍御

久矣蒼生望謝安  
瓊枝高並柏臺看  
獨懷江草吟春色  
遠寄官梅問歲寒  
一鷗雄飛凡鳥散  
二分庇幾人歡  
古來鹽鐵饒公論  
文學終須隼身冠

維揚客舍毛陳諸君攜酒見過

未了飄蓬笑此身客樓孤枕感蕭晨野鴉早晚  
飛成陣檐樹東西列作隣起抱枯莖重卜命罷  
關空篋幾傷貧諸君幸不忘寒谷拏得蔬盤醉  
小春

呈郡守吳公

政是吳公上最餘依然坐嘯府中居幾探禹穴  
書猶在一酌鄞江水不如桐葉雨銷簾影淡藕  
花風起篆烟疎絳紗此日知非隔敢謂言詩似  
起予

霜鏡集

卷十一

三三

立春前一日顏冕將軍張公魯集雙桂堂  
尋春

蓬門飛霰絕行塵虛幌寒燈悄近人銅漏漫消  
今夕話玉壺先醉隔年春簾前桂影疎疑魄遂  
裏梅花暗動脣不是兔園催受簡幾回詩思得  
清新

霜鏡集第十一卷終

霜鏡集第十二卷目錄

七言律詩

歸自雲間章長輿有詩見贈次韻賦答

春日攜酒舟中同林無過侍御家紫氛孝

廉沿城觀花

自東山歸急赴周孚尹海棠之約

故李侍御來誰園有感

午日病差

催蓮

悼桂

潘師汝水樓

傷逝三首

十月二日南庄卽事

送薛長瑜下第歸蛟川

送伍舜有歸閩

歸

霜鏡集 卷十二 目錄

贈張郡公

偶過松下見亡兒題壁詩不覺淒感用韻

挽之

同周斗文訪法胤上人

登鄧山至上塔

詠堃前桂

東湖水涸

題應仲鵠鹿沙草堂

鴈字八首

夏課畢

西亭紫薇

和周斗文見慰韻

賦得明妃夢還漢宮

早春和答陳士服見貽韻

重至天童寺

侍密雲和尚茶話畢分食溪菱復至池上

霜鏡集 卷十二 目錄

二

觀月

何漢生移居城中

家叔伯奮以別業奉母喪五詩見示賦唁

一首

和天神芙蓉原韻

賦得無才不敢累明時二首

慈雲寺

逼除見紅葉

霜鏡集

卷十二 目錄

三

歲暮園居

十四夜觀雪月

十五夜賀祠觀燈

答朗寂上人見贈次韻

甲戌仲春同周斗文釋法胤重遊寶岩觀

殘梅

和應仲鵠春分卽事韻

同周斗文何漢生釋法胤上頭陀岩訪休

文上人

寄曹能始觀察二首

贈崇教寺主文上人八十

寄朗照師

夏五避俗山中周斗文詩來頗致雲松之

慕依韻賦答

咏洛陽花

法胤參中賞錦邊白蓮

霜鏡集

卷十二 目錄

四

奴儼

陳何韓寄示九秋吟

秋日潘師汝茂才過訪不值投詩爲贈次

韻賦答

先大夫瞽宗祀畢值閏中秋步月湖上苦

未能出遊

趣忙

斗文詩來依韻賦答



慰謝象三太僕時奔喪歸忽以東事被訐

贈黃元功使君行縣

挽玩其李翁

禪岩寺

送李封若之雲間訪董玄宰宗伯陳仲醇

徵君

同陳龍鳴大令過訪倪玉汝太史適雨至

假太史馬以歸

霜鏡集

卷十二 目錄

五

霜鏡集第十二卷目錄終

霜鏡集第十二卷

鄞 陸寶敬身父著

七言律詩二

歸自雲間章長輿有詩見贈次韻賦答

觸船春水到門香  
瑤句驚分滿袖光  
我夢吳花猶蘸筆  
誰貽海月未傾囊  
鱸銷宦味思先澹  
鶴負仙遊唳獨長  
君若問程秋更美  
潮田火照解輸芒

霜鏡集

卷十二

十一

春日攜酒舟中同林無過侍御家紫氤孝

廉沿城觀花

一城內外遡沿輕  
桃菜花爭媚午晴  
詩意與春關最密  
纓塵到水濯先清  
酒行魚每沾餘瀝  
曲罷鷓偏答曼聲  
時值小康身未老  
欣隨勝友說閒情

自東山歸急赴周孚尹海棠之約

隔日佳招未敢忘  
名花催我問歸航  
錯疑半濕

停朝雨恰好遲來對夕陽粉氣濃將熏醉頰紅  
絲嬌欲繫柔腸多君月下攜燈照留待詩成爲  
補香

故李侍御來誰園有感

亭樓不易主先亡高竹疎花賸幾行每見脫巾  
忘禮數曾留漱齒挹清涼墨香未斷題詩壁屐  
印渾銷踏月廊莫恠池鷗飛盡起但逢人到訝  
行觴

霜鏡集

卷十二

二

午日病差

坐居避節午陰長閉戶幽吟獨繞牀一日得閒  
堪論福半生行氣喜知方榴雖吐火枝非熱蓮  
未成衣葉早香身佩五絲家畜艾豈煩取酒瀝  
雄黃

催蓮

田田布滿復差差五石青菴種未遲取莖量身  
難誤刻流香入臆訂先期日邀謝客吟邊炙風

借經王卷首吹閒似廬僧思結社一回一盼在  
新枝

悼桂

百年雙桂拂雲枝缺一堪憐合壁虧我不能留  
誰是主天今移去月應知逢秋料總爲薪具隔  
世香難計斛追封植未忘身漸老角弓哦作補  
亡詩

潘師汝水樓

霜鏡集

卷十二

三

主人托興在虛舟雪壁青簾澹若浮水近全邀  
千頃月雲來共在一間樓杯光射燭搖空牖棹  
響催歌入亂流我欲借眠涼露裏夢尋菰蔣化  
爲鷗

傷逝三首

曲闌深戶杳無踪路隔泉臺已萬重顧影燈前  
猶婉孌傳書夢裏未從容人爭尚少空花沒鬼  
不憐情積土封挂劍有心吾自許他年待種滿

林松

海竭雲崩恨莫論宿生難滅是情根從教瘞玉  
終憐骨未必懷香遽返魂身佩靈文何界去家  
畱敝屋半間存墓門歲歲人澆酒野鳥悲啼過  
子孫

好春不住臨秋半清晝無聊入夜頻淚下偷彈  
惟浴面魂驚未定總離身蒲團待爾來生了藥  
案憑他故紙陳臨訣數言知解脫不貳貌座卽

霜鏡集

卷十二

四

輓輪

十月二日南庄卽事

同龕何恨未同時玉骨冰心兩不疑彩鳳孤鳴  
終少韻瓊枝對植始稱奇後先成佛花臺引水  
乳論交隧道知人各有身無可贖再歌黃鳥淚  
盈眚

送薛長瑜下第歸蛟川

懷才苦未遇明時別恨重添酒一卮身逐早鴻

辭幸舍囊攜秋卷作行資黃花送客遙臨渚紅  
豆牽思故滿枝海畔蚶肥林筍茁片帆南渡莫  
教遲

送伍舜有歸閩

抱璞言將返故廬棗花香滿送征車歸遲北道  
寧甘後客久南音漸變初快事逢人說宮闕餘  
貲倒笈出圖書家園綠蔭濃如酒弟勸兄酬得  
自如

霜鏡集

卷十二

五

歸

詔書初下許歸田行笈如雲只半肩世外有山  
須着我舟中無伴獨爲仙手械薄俸供秋祭身  
具單余足晏眠滿樹松花盈畝秫里居端可樂  
豐年

贈張郡公

樞衣復得拜車前正及江城臘雪天坐映壺冰  
清見底曝依簷日煖生烟一堂晝每安無事五

邑春先卜有年借問與人何以誦徵黃借寇兩  
心懸

偶過松下見亡兒題壁詩不覺淒感用韻  
挽之

石火光中竟不逢知今子職了難供空函觸手  
文俱斷僻院傷心網獨封句在朗吟千古月魂  
來偷傍一株松呼童細問經行處皆面幽苔印  
鶴踪

霜鏡集

卷十二

六

同周斗文訪法胤上人

春草春波聚若沍烟添晴柳撲衣紛高人似鶴  
同舟載麗句先鷺入院聞幽向紫茶參火候閒  
從黃熟紀爐勲遠心一事都無着語落空窻化  
水雲

登鄮山至上塔

一層雲起一層松屐齒穿雲忽自慵密竹逢人  
多聽語深溝過虎半留踪藍浮勺水當空淨綠

潑羣山入畫濃草屋低低僧不見惟餘塔影卓  
晴峯

詠並前桂

高枝拂瓦下侵櫺雙樹交加一色青滿院晝承  
陰寂寂隔隣晴望益亭亭秋能爲佛傳金粟老  
尚依人作翠屏昨日小山招已至古香吹動水  
邊廳

東湖水澗

霜鏡集

卷十二

七

淺淺平平作大觀經秋無雨半成灘人行葑底  
如魚熟舟閣磯頭共葉乾十里山圖無墨潑一  
天霜鏡等塵看外家小聚臨西塢乞與餘波付  
釣竿

題應仲鵠鹿沙草堂

仲鵠尊人別號鹿沙

鹿沙閒地積蒿萊以待君家父子來別號先成  
題尙缺餘貲偶辦墅初開山多近狀經簷看竹  
有前期徑栽陔下叢蘭秋未老補亡重得見

詩才

鴈字八首

飛灑雲箋一幅寬  
遠從塞北到江干  
研池借水濡偏足  
筆勢乘風縱不難  
斜起數行留我讀  
高懸八法與空看  
蘇卿去後無人識  
想像題書報歲寒

腕力憑將翮借風  
新文過眼劇匆匆  
朱絲直劃明霞上  
墨瀋先投塞雨中  
蒼頡造來仍托鳥  
深霜鏡集 卷十二

源書罷未離空籠  
鶯舊蹟饒君說總  
不如今學戲鴻

毫端不定欲書雲  
權以秋光代練裙  
霜簡一痕留作楷  
天符幾道判成文  
奇來倒薤誰能續  
斷處長戈自此分  
寫得騷篇幽意出  
年年南浦送湘君

半空飛白使人驚  
書癖知緣夙業呈  
寒至疾揮多旅怨  
北來傳寫或邊情  
筆花五色虹分綵  
欽

股雙懸月界清  
最是秋蛇關體勢  
披雲撥草並時成

隨陽陣陣起江烟  
無意臨池却宛然  
紙拂雲梢穿欲破  
碑成天體寫能全  
回文細碎難毛舉  
顛草淋漓仗尾旋  
疑是虛皇真誥出  
還憑鳥譯爲傳宣

不隨鷗鷺泛秋湖  
湖上彌天筆陣圖  
直化全身爲點畫  
徧招同類習之无  
書經火後楓林赤  
句霜鏡集 卷十二

截雲來荻岬孤家  
有數株蕉代紙好  
留真蹟慰潛夫

驚看擲筆在空虛  
六翮先成若起予  
天上別番毛穎傳  
畫前元具鳥官書  
變鋒鸞鵲紛俱出  
逸格鍾王快未如  
若使雙鉤堪貯得  
春歸載牘定盈車

幾番高舉幾番低  
兄弟聯行筆法齊  
絹素不粘真妙運  
形聲冥合是天倪  
峯回紙尾何年剩  
宕

聚文心盡興題載酒若從楊子問草玄閣上接雲梯

夏課畢

紫薇花下課初成可是前人苦熱行竹筵罷揮  
思正棘茶團畱嚙氣先清惟將遣累同僧懺未  
許矜名集客評明日招商仍理詠毫端忽染早  
涼生

西亭紫薇

霜鏡集

卷十二

十

東省畱看幾歲華西亭歸復戀新葩垂枝亂拂  
千絲綬出屋高懸一樹霞煖發杯光豪士席晴  
分詩豔舍人家朝榮瞬息真堪惜度夏迎秋百  
日賒

和周斗文見慰韻

大夢繇來醒未期鼠肝蟲臂忽推移世人欲殺  
君應恕公主猶憐我自悲紅唾畱香花下染清  
魂聽句月中隨無情有恨風流在三復誰能免

顧癡

賦得明妃夢還漢宮

憑將何計脫天驕身似行雲路不遙關埃幾重  
畱暗認珮環一片入虛飄乍離毳幕魂猶怯漸  
近龍輝步轉嬌漫道丹青終誤妾雞聲未動已  
先朝

早春和答陳士服見貽韻

句則投瓊意澹然半生情事若爲傳官梅有韻

霜鏡集

卷十二

一

心先領慈竹成陰手自箋但以詩筒供往返不  
如佛火訂因緣禪翁漫說生天好兜率須分內  
外天

士服有淨土生天句故及之

重至天童寺

暗記前遊不問程巡池繞塔幾迂行句曾畱處  
悲龍戰教欲興來問馬鳴山劫未除僧福至殿  
基初闢祖燈明一空諸有心無着聽盡鐘聲與  
水聲

前詩云廢殿草生龍戰後

侍密雲和尚茶話畢分食溪菱復至池上

觀月

藝燭空堂送難俱何人言下沃醞酬心惟注茗  
湯先沸溪忽生菱味獨殊林影半隨僧出院池  
烟亂點塔成圖溶溶澹月相依處悟得西來一  
字無

何漢生移居城中

拋却家居十里輕市塵知不溷經營添將活水

霜鏡集

卷十二

一

流當案刺有閒雲帶入城疎種竹爲娛客計細  
讎書是課兒程煩君潔具茶尊待地近搜詩任  
興行

家叔伯奮以別業奉母喪五詩見示賦唁

一首

別業居幽曲巷開生將奉母死仍哀晨鳥失哺  
啼盈耳秋筍如人淚染胎土室漫勞分宅寄板  
輿空待看花來五歌歷盡傷心血一哭西風慰

夜臺

和天神芙蓉原韻

幾番追和苦逡巡句裏秋紅欲換春寒木自來  
矜楚客拈花何意屬天神忽傳冷豔生毫末似  
徙芳根出澗濱見說芙蓉城有主聆茲清韻豈  
非真

賦得無才不敢累明時二首

無才不敢累明時只合林棲谷飲期自出母胎

霜鏡集

卷十二

十三

驕日長雖微君吟拙難醫閒門謝客供春睡  
微病耽吟誤晚炊暑作漫郎些箇似碧湖相待  
一竿絲

無才不敢累明時久在閒班亦繫維一木故令  
樗獨遠羣龍何待輾相隨入山雲冷黃冠夢出  
口蓮香白社詩手板自拋從此去江鄉荻筍薦  
新鮓

慈雲寺

黍離忽改寺門前法會興衰豈偶然事歷十年  
如小劫飯沾一鉢亦清緣秋潮送客斜分股短  
竹遮僧正及肩斥鹵可施吾不惜願隨香火奉  
金仙

遍除見紅葉

秋山葉散錦叢叢不及殘年一樹紅喚起東風  
花韻蚤照來晴雪酒顏同漁家借影寒燈外宮  
女畱題凍筆中誰傍赤闌看獨久却忘四序屬

霜鏡集

卷十二

一四

成功

歲暮園居

閒將偃曝了逢迎老去孤居取適情懺佛似依  
三世火談詩肯讓十年兄瘦惟趁月尋梅影甘  
每先雷問笋羹莫笑齋家無歲事煎茶洗墨凍  
流傾

十四夜觀雪月

雪積中庭踏未殘月臨幾望喚凭闌誰言桂子

清虛種已借瓊花爛熳看一氣舍空知不夜兩  
光相盪怯生寒來朝快意然青玉委照街頭展  
齒乾

十五夜賀祠觀燈

舊廟觀燈盛此回良宵漫作晝遊猜忽移火樹  
當階植似見荷花繞鏡開一道詩光天際發半  
湖星雨浪中來踏歌乍起爭邀月白也應畱共  
舉杯

霜鏡集

卷十二

一五

答朗寂上人見贈次韻

禪藻非同月露裁詩香滿帙手能閒漫將西意  
窺初祖應爲南詢示善財半偈相參如夢醒經  
旬未答待神來坐前繡佛曾畱供分得蓮花舌  
本裁

甲戌仲春同周斗文釋法胤重遊寶岩觀

殘梅

數花可盡數株頻歎息墻陰與澗濱香散東風



非乏力白沾餘雪漸成塵多情爲我延今日全  
盛期僧報隔春暗遡前遊三度別主賓無恙鬪  
閒身

和應仲鵠春分卽事韻

看君秀句入花新白屋春光故不貧鶯舌如簧  
餘嫋嫋柳腰擺浪忽鱗鱗家惟種石稱知己門  
許看山得故人濁酒清疏誰共醉臨風時一哂  
烏巾

霜鏡集

卷十二

十六

同周斗文何漢生釋法胤上頭陀岩訪休  
文上人

無數晴烟點翠螺春風吹客上頭陀汙池滴水  
成蛙穴小屋圍山學鳥窠竹下花曾留外護橋  
邊石似出新摩靈心自不妨禪藻拭壁題詩日  
漸多

寄曹能始觀察二首

曾聞納節去南荒身擁羣書到石倉招出山雲

添墨氣拾來海月鬪詩光九苞鳳以鳴時異六  
月鵬偏息處涼安得追隨僧笠往遶池同禮白  
蓮香

樞衣介見以何緣肯使晨風久寂然心偶有懷  
將筆述言殊不盡托僧傳南中候煖花吹雪夢  
裏灘高水拍天莫笑欲邀皇甫叙半生吟吻急  
於蟬

贈崇教寺主文上人八十

霜鏡集

卷十二

一七

漸見龐眉長數窠忽傳夏臘八旬過知師住世  
身如幻顧我貽詩口是多鳥可叅求頻作誦樹  
能回向亦垂柯願乘慧業修同社池上蓮開近  
若何

寄朗照師

松栢曾陪坐論餘石林精舍久孤居虛空極與  
何人拔煩惱根先對佛除爐氣拂簾元易澹經  
聲度竹轉成疎興來乘月堪相訪新水船通戶

外渠

夏五避俗山中周斗文詩來頗致雲松之

慕依韻賦答

新炎病渴類相如暫借空山作退居妙想不離  
香爌處清因偏證夢遊初每愁齋盡腥還至纔  
赴僧閒累卽除感得同心來讚歎青蓮葉葉句  
能舒

咏洛陽花

霜鏡集

卷十二

十八

雕脂鏤粉故能奇短竹疎稜巧護持新樣改觀  
非一歲舊根添長近千枝每臨晨起傳澆法莫  
過春分誤種時晴日微烘娛老眼聯翩舞蝶下  
堦遲

法胤坐中賞錦邊白蓮

西土移栽忽散菲玉缸新水映禪扉已看積素  
全身出添借輕紅一線圍色染空中堪佛座欄  
生邊際訝僧永遠公密約招同社悟到心香欲

忘歸

奴傲

馬乘楷矢劇橫行越境西馳倍足驚笳繞宣雲  
爭震蕩謬傳奴插未分明歲金欵竟違前誓秋  
塞防先撤重兵玉佩牙旗公望著凱歌何以答  
昇平

陳何韓寄示九秋吟

手械九咏慰遐思讀未終篇却醒脾已美水爲

霜鏡集

卷十二

一七

神獨爽轉驚秋與句爭奇半空鴈字無痕處百  
口蟲機失響時我亦分題曾滿十詩城垂老畏  
偏師

秋日潘師汝茂才過訪不值投詩爲贈次

韻賦答

掃逕無緣得共遊閒身奈可似鷗浮竹香代主  
堪終日湖色分君賸一秋題壁漫留塵上字回  
橈暗記柳邊洲潘年未至才逾爽手寄新詩問

碧流

先大夫瞽宗祀畢值閏中秋步月湖上苦  
未能出遊

駿奔纔罷卽徜徉喜赴湖堤月滿牆水似停秋  
爲我供天應置閨息人忙轉驚眉髮添餘照總  
計陰晴賸此光安得頻年逢令節朗吟攜具上  
孤航

赴忙

霜鏡集

卷十二

三

世間無日不倉皇我本閒居亦赴忙山愛奇遊  
驅繭足詩爭險韻索枯腸逢花肯使名遺譜踏  
月何妨影徧廊石火浮生行自悟預培蓮品出  
心香

斗文詩來依韻賦答

恍于臨鏡見烏巾思所能通韻卽親病起欲期  
君守歲詩來欣爲我噓春如堪鑄像呼何佛每  
對爭碁憶此人十里行觴催畫漿煦然冬日倍

情真

慰謝象三太僕時奔喪歸忽以東事被訐  
麻衣如雪淚痕飄簣口無端閔庶僚風木恨方  
添此日雷霆怒未輟終朝東師斧破身元擲北  
篋書盈骨豈銷試看浮雲生易滅肯令鶴路阻  
冲霄

贈黃元功使君行縣

公與東人倍有情依然按部出江城雨暘慮悉

霜鏡集

卷十二

三

民詞苦香火緣添佛地清鵲似化成銜印喜魚  
經放後負舟輕口碑未息心旌動出郭身先父  
老迎

挽玩其李翁

飽看九十八回春何意霜秋忽隕身縱百齡過  
寧免死惟三樂在可居貧快于得句酬清世難  
是逢孫作老人記我花時曾握手朱絃未輟素  
帷新

禪岩寺

古穴曾修第幾禪排空一壁研將穿水如蓮漏  
六時滴石作苔牆百堵連老魅畱叅吹燒起幽  
禽赴講折花偏若爲獨表文殊智獅子窩中吼  
震天

送李封若之雲間訪董玄宰宗伯陳仲醇  
徵君

君心酷愛九峯青快舫乘流去不停已辦行廚

霜鏡集

卷十二

三十二

齊海物兼修短笈負山經墨花鑒定尚書扎玄  
草梭窮處士亭若到陸祠應借問秋空鶴唳有  
誰聽

同陳龍鳴大令過訪倪玉汝太史適雨至  
假太史馬以歸

舊遊攜我問軒墀徒步相從慰積思雲傍素交  
開半面雨分清話濕多時幽花媚座如臨譜老  
鶴窺人欲聽詩古道于君應僅見泥深借馬踏

街遲

霜鏡集第十二卷終

霜鏡集

卷十二

三十三

霜鏡集第十三卷目錄

七言律詩三

秋夜偶成

泊鷺絲港

衡門

大慈寺

郊居寄黃貞父儀部米仲詔民部

水樓

霜鏡集

卷十三 目錄

送周斗文

送李長儒中丞之黔中

寄趙使君文叔

夜至阿育王寺

城上野望寄應仲鵠

謝女廟

贈田叔先生

寄王師右仲

大雲庵紀事

春日叁居汪穆如以詩見投賦答一首

感事二首

送張紹和歸漳州

夏晚山庄留黃孚嘉宿

湖墅

見王令君思親詩賦贈一首

無題

霜鏡集

卷十三 目錄

衛河西館得南書

再訪謝侍御留飲署中

九日登維揚文峯塔

丹陽道上却寄

秣陵宿游太學別業

過張公魯叁居同應仲鵠作

渡海禮洛伽

曲池

秋日東樓

郊居二首

送謝倩之春陵

贈程初暘

朝露

壽汪士岐先輩八十

壽母三首

家叔侍御涵虛閣二首

霜鏡集

卷十三 目錄

三

上雪寺

徐貞女詩

郊居

挽錢仲舉工部二首

周斗文將之白門訪見曉介立二師問其

居止以詩代答

貢書

葛震父將發滇南置酒梓潼祠話別社中

同用雲字賦詩送之

七夕立秋

寄黃元功司理

贈楊修齡大中丞

初夏日飲陳中舍園亭看花園近左安門

西與園丘對

冊立 皇太子禮成適報紅橋大捷百官

稱賀恭述一首

霜鏡集

卷十三 目錄

四

賜對

十秋

秋村

秋江

秋夜

秋雲

秋葉

秋蛩

秋戌

秋閨

秋砧

秋扇

贈董玄宰大宗伯

家弟紫甌姪文虎同應辟舉

七言排律

次韻答陳士服見寄

霜鏡集

卷十三 目錄

五

霜鏡集第十三卷目錄終

霜鏡集第十三卷

鄞 陸寶敬身父著

七言律詩三

秋夜偶成

一枕愁懷夢未終  
雨餘蟲響入幽叢  
竹窻不掩燈煤黑  
塵匣先埋劍氣紅  
儉歲嘗新憂米價  
衰年道故憶詩筒  
布衣窮巷聊棲止  
自古明楊屬至公

霜鏡集

卷十三

泊鷺絲港

一簇船燈照夜紅  
收颿閣棹月明中  
蘆芽養鴨呼應熟  
柳葉穿魚賣已空  
豈有雲烟勞畫史  
漫將風水卜篙工  
來朝又逐春潮去  
飄泊堪憐似轉蓬

衡門

半掩衡門野色侵  
鳩飛欲盡雨沉沉  
葑田水落遙通井  
巢樹雲生不過林  
起摺荷衣空篋冷  
罷

炊桑火隔窻陰悠悠三十潘年去漫向家園一

醉吟

大慈寺

不盡登臨憶短筇莫山烟靄樹重重鐘清古寺  
僧疑出風黑前林虎欲逢冷砌半迴銷積雪遙  
泉忽起韻深松路傍宿草無人問空自蕭條掩  
數峯

郊居寄黃貞父儀部米仲詔民部

霜鏡集

卷十三

二

郭外千峯繞樹疎賦成潘室遂閒居層雲透綠  
窻紗潤片月流輝架竹虛徧禮高真緣采藥頻  
攜小史爲抄書鴻鴻共遊青冥羽肯念春筴獨  
羨魚

水樓

淡月疎星分外明水樓閒夜不勝情葦蕖暗度  
人聲了槐葉低飛鵲夢驚剛爲露涼斟藥盞更  
緣燭滅廢書程青袍一着俄成故怕見時流話

請纓

送周斗文

素琴孤劍幾飄蕭一路春山逐野樵茵草細添  
吳苑色綺霞高映石城標衣循古摺荷先卷汗  
染新文竹乍銷美爾朱家偏解事綠尊長得命  
吹簫

時斗文客朱氏

送李長孺中丞之黔中

柳營鉦鼓動西巡鳥道熊車萬里塵地入羅施

霜鏡集

卷十三

三

爲鬼國天生李晟是忠臣虎牙坐鎮三烽靜雞  
骨行占五稼新絕徼霜威驚受鉞再標銅柱倚  
高旻

寄趙使君文叔

東土分符坐嘯雄南樓清興幾人同帆開濟水  
雲疑疊騎散娑陵草欲空幢布單衫輕魯縞柳  
枝雜曲變齊風秋來一紙相思泪天路迢迢憶  
去鴻



夜至阿育王寺

抖擻衣塵立扣關  
霜郊驅馬暫能閑  
僧棲月黑孤峯外  
虎步風驚萬葉間  
偶斷薰辛貪禮佛  
謾題詩帖約尋山  
松窗不隔琉璃火  
分得餘光慰客顏

城上野望寄應仲鵠

城上丹樓燦若霞  
天風回首鴈行斜  
越人近結青林屋  
海客遙停白浪槎  
三五佳期銷桂魄  
十

霜鏡集

卷十三

四

千名飲泥梅花沙  
田雪磧經行處君  
在東籬第幾家

謝女廟

枯香賽酒日紛紛  
野殿明妝耀翠裙  
祗憶前身曾咏雪  
不知何處復爲雲  
靈旗下世通巫覡  
仙樂流空亂鳥羣  
堦樹如龍看自舞  
古碑無字蝕苔文

贈田叔先生

楚澤歸來一外臣  
荷衣脫却舊風塵  
人今看作朱霞貴  
詩也歌成白石新  
鵲樹雲低先拂席  
鴨欄水短不分隣  
舊遊載酒時能至  
共藉玄亭碧草春

寄王師右仲

三宿津亭路未遙  
一官暫許託鷓鴣  
還披士服趨公府  
不改鄉音見友僚  
岱石峰高朝滿座  
松門棹響夜驚潮  
青氈舊是王家物  
莫向羣居歎寂寥

霜鏡集

卷十三

五

大雲庵紀事

半嶺黃茅足短檐  
居隣虎穴莫須嫌  
山廚避濕移泉甕  
土壁逢修護  
竹簾稚子自來歌  
繞膝殘僧相見笑  
畱髯果然有腹從  
堪飽霜菜羹香凍  
筍甜

春日齋居汪穆如以詩見投賦答一首

敢向明時學耦耕  
懷居久矣謝榮名  
隣家啓戶

窺雲液童子鋤園損竹萌暫酌酒方銷故疾偶  
栽花勝候新晴煩君獨有瑤華贈吟對長憐鏡  
水清

感事二首

病渴誰言似馬卿公車纔罷乞歸耕朝端已挂  
雌黃口國史難銷曳白名官樹烟濃含愧色龍  
池水咽助悲聲禮闈秦鏡知何在遙捧刑書頌  
聖明

霜鏡集 卷十三

六

望苑龍樓咫尺間雙披扇影肅鷗班黃臺豈是  
傷三桺白林空勞問九關燕市悲歌銷易水漢  
庭羽異重商山微臣獨抱憂天志棘木霜飛幾  
動顏

送張紹和歸漳州

南客懷歸道路長千山暑雨送行裝荔枝香剖  
筠籠細榕葉陰生箬帽涼海鳥避風移別島林  
螢帶火入中堂龍江水碧珠光現好爲題詩寄

越鄉

夏晚山庄留黃孚嘉宿

執手臨堦話獨長蓬門落日澹餘光催鋪莞席  
眠莎軟愛折荷筒注酒香戲鳥踏花翻樹影閒  
雲霑幔引窓涼牀頭老易粗成帙更起明燈讀  
數行

湖墅

湖墅門開盡日幽趁人雙鳥上蘭舟高樓箔映  
霜鏡集 卷十三

七

紅霞晚遠岬畦分白水秋花徑軟茵隨鶴步藥  
園殘子許僧求南陽抱膝吟何益自笑終非管  
樂儔

見王令君思親詩賦贈一首

三年子舍獨離居萬里迢迢念倚閭野筍欲抽  
調膳日官梅不斷問安書葛洪仙縣求丹井潘  
令家園賦板輿孝節忠規君共擅誰言王路阻  
回車

無題

脣月纖纖鬪曉光  
髣雲冉冉膩春妝  
誰開繡閣迎三豔  
遂有花枝映六郎  
檀粉細霑香汗白  
藕銷輕襲玉肌涼  
可憐蟾子成佳兆  
早已相隨上額黃

衛河西館得南書

榛丘野井幻生成  
十尺香茅足幾楹  
不盡苔泥霑雪淺  
半乾蘆葉卷風輕  
回看驛路心應折  
只謝輿人眼較清  
況是雙魚頻問訊  
門前帶水恰盈盈

再訪謝侍御留飲署中

幸恕故人無避馬  
敢祈倒屣與傾筐  
蕪城獻賦才難盡  
梅閣題詩韻自香  
客至官廚供蛤蜊  
書來蠻府憶桃榔  
賴君溫語消杯瀝  
時有春風播下堂

九日登維揚文峯塔

無處登高不斷腸  
況聞蕭瑟帶他鄉  
雲初落片霑鴉背  
柳尚成絲拂鴈行  
北去輪蹄官道杳  
東歸鹽豉野羹香  
自憐身世悠悠者  
空舛烏巾學酒狂

丹陽道上却寄

田家雞犬接遙城  
百里丹陽道上行  
鞭拂旗亭春柳色  
船衝柵鎖夜潮聲  
黃柑入甕傾泉酒  
青竹編籠貯野櫻  
文采風流誰可似  
免教吳語喚爲僮

秣陵宿游太學別業

暫辭蘭槳扣雲關  
十尺孤亭萬竹間  
暗水侵堦通鳥浴  
低枝隔幌待人攀  
問來舊價堪沽酒  
約到新晴卽看山  
坐聽玄言霏玉屑  
漫勞回首憶刀環

過張公魯叅居同應仲鵠作

疏圃晴雲遶曲欄  
叅居不碍碩人寬  
高枝蝶夢

逢花住淺水魚身映藻寒硯有腴田求穫易瓶  
無信史欲修難追隨幸自諧同賞薤葉仙文曰  
借看

渡海禮洛伽

一葦西來獨向東暫依高衲叩蓮宮天畱作供  
千花集水到朝宗萬派同鉢底潛龍飛致雨潮  
頭怒馬立當空欲離苦海先求岸惟有金繩路  
不窮

霜鏡集

卷十三

曲池

曲池高館象天成暫解戎旃坐臥清柳設亞夫  
營內色鶴驚康樂陣前聲父書不廢花時讀軍  
法先催酒政行此日戈船知罷戰唯將詩句表  
長城

秋日東樓

野客傷秋倦倚闌碧天低暎捲簾看殘山雨後  
施膏沐老樹霜前吐渥丹酒盡賢人初酌斗詩

標上將獨登壇葦綃楚楚矜新製空篋西風閉  
小寒

郊居二首

蓬門卒歲嬾歌魚野井原田獨退居衣翦綠荷  
新雨後藥收黃檠晚香餘馬卿賦重金難敵張  
翰名輕酒不如好向西園誇手植芭蕉葉葉已  
勝書

霜鏡集

卷十三

耕耒蕭蕭映草堂龐公隱計鹿門長水泉近接  
通疏圃山刺添栽過藕塘玉塵談多毛盡禿紅  
螺飲少殼全香晨炊幾處銷松火帶露新挑薺  
葉嘗

送謝倩之春陵

帆影高懸蕙水飛壺冰清映玉人輝槐花風起  
停紈扇蓮葉香來卷葛衣楚史早刊檣杙正蠻  
歌時辨鷓鴣非江山喜入新詞賦爲弔靈均與  
二妃

贈程初暘

帝里歌鐘卜宅偏，短籬秋水石橋烟。  
麴君入座傾三雅，橘叟臨棋賭一先。  
絹寫方書函臥內，珠垂仙果亞門邊。  
相逢細論河車歇，槐陌清風急暮蟬。

朝露

朝露傳聞自邸中，黃金散盡客無功。  
鵲巢已許鳩來借，螳臂能禁雀後攻。  
最恨謀深生仲達，番

霜鏡集

卷十三

一二

憐笑失死姚崇前，賢莫詫高門。  
慶天道頻年曲似弓。

壽汪士駭先輩八十

五峯晴雪映門看，白髮疎疎樂考槃。  
天上秘書霞作笈，山中祭酒籜爲冠。  
丹爐藥試松脂老，綠字碑填薤葉乾。  
萬一君王賜鳩杖，先來渭水覓魚竿。

壽母三首

絳蠟清歌繞桂尊，介眉稱慶客盈門。  
卽煩女史褒彤管，爭識天書耀錦軒。  
慈竹林依春筍密，木樨屏壓古香繁。  
涼蟾欲滿吹笙夜，仙露遙迎白鶴翻。

發星光滿絳紗中，恩賜雲翹鶴髮籠。  
禮重大家鳴珮日，詩高淑女採蘋風。  
雛今學鳳輝丹穴，孫亦生枝挺碧桐。  
青鳥書來催獻壽，玄梨火棗啖無窮。

霜鏡集

卷十三

一二

愛日心隨綉悅舒，綠槐高館蔭扶疎。  
攜來玉液千花露，跪進霞綃五色裾。  
檻爲觀書分帶草，池因禮佛現金葉。  
素絲不負他年咏，却鮮遺風訓有餘。

家叔侍御涵虛閣二首

碧流初漲閣初成，白幘臨流快濯纓。  
空影銜雲來曲几，樹紋滉月過層城。  
五湖長屬臺中客，半舫全宜鏡裏名。  
仙路十洲看漸近，冰壺先已映

人清

筠簾宵捲浪生紋快閣清秋興不羣團扇涼招  
三島月屏風翠染六橋雲人將鶴影同時照歌  
與漁家隔岸分杯酒竹林高會散誰言小陸故  
能文

上雪寺

雪竇山分上下天籃輿重破翠微烟衣多虎氣  
因探穴杖有龍腥爲卓泉隔塢雲深燒筍竈沿

雪竇集

卷十三

一

樹老種瓜田松堂半壁餘西照遙見豐碑幾

字全

徐貞女詩

幽閨先作未亡人執紼臨喪大義伸鳬鴈篇中  
休徹夜鴛鴦塚上獨傷春竹枝難洗啼時淚石  
質空存望後身節凜如霜心似槩誰將女史達  
楓宸

郊居

自憐耕耒住邨坊雲宿虛檐水遶廊臥具晚移  
安竹枕行廚粗給滌糟牀五株柳入先生傳九  
畹蘭滋王者香野榜到門時借問前汀花暖媚  
鴛鴦

挽錢仲舉工部二首

顏山逝水不禁哀白日無多掩夜臺子美官資  
方再命仲文詩格已先摧佳兒卜兆親題碣舊  
友登堂共服縗遺草篋中收得未詔書應問茂

雪竇集

卷十三

一

陵才

望斷西音不易親手書空積滿牀塵遺棠可愛  
歌良吏大藥無成哭故人像鑄司倉神獨炯碑  
劉有道額方新縞衣會葬深情結蒿里歌聲動  
四隣

周斗文將之白門訪見曉介立二師問其  
居止以詩代答

欲尋二朗城南剎相望長干數武違杌倚翠薇

花落卷楞開新粉竹侵衣將詩問月我曾預納  
戒如冰人所依此去雪窻談義罷地爐煨火羊  
魁肥

見曉居翠薇山房介立有新粉三

### 貢書

忽聞蒲璧出皇都敢謂天生有意吾君子六千  
身在越荷花八百宅臨湖易圖玩後同詹尹文  
賦修成學大夫名入貢書消未得釣蓬雙閣舊  
汀蘆

霜鏡集

卷十三

一六

葛震父將發滇南置酒梓潼祠話別社中  
同用雲字賦詩送之

暫輟滇裝以會文空祠置酒領斜曛醉醒態合  
呈知己啼笑情都繫別君詩色借爲新柳送春  
愁散入落花紛明年玉案看山日記取飛書出  
五雲

漢時五色雲現滇中

### 七夕立秋

七夕新秋夜未央明河耿耿露生光橋成鵲待

雙星度律變人驚一葉涼騎省賦中迎曝腹蛛  
絲風裏應招商滿城兒女停燈守却扇穿針兩  
不忘

### 寄黃元功司理

慧業文心喜獨優粉榆光借法星流兩湖日月  
登城覽雙樹莎羅禮塔遊丹筆有春民命寄素  
心如水佛緣投郡樓政暇吟成後道遠難將雜  
佩酬

霜鏡集

卷十三

一七

### 贈楊修齡大中丞

憲秩重開劍履華君恩催別武陵花關西望  
父尊夫子斗極文今屬大家玉柄談玄霏客座  
鐵冠對仗肅官邪不知列戟如霜地可許稱詩  
侍絳紗

初夏日飲陳中舍園亭看花園近左安門  
西與園丘對

綠樹紅亭四望新凭闌高咏最宜人誰知天闕

金銀色盡作君家富貴春  
畫壁峯含雲氣動花  
輓縫合雨香勻兵戈滿地愁如海  
暫借清尊浣俗塵

冊立 皇太子禮成適報紅橋大捷百官

稱賀恭述一首

青宮初啓捷書呈  
薄海呼嵩喜氣并  
屢葉文孫新主鬯  
三河年少盡知兵  
虹祥久自開神武  
龍種終當致太平  
賓榻何人工染翰  
燕然石上紀霜鏡集 卷十三

功成

賜對

心馳魏闕幾岵毳况復頭冠忝具寮  
詩剗柏梁親奏漢曆開  
奠莢首逢堯徒令坐論窮  
非馬未見行邊快射鵬  
昨日彤輝蒙賜對扣閣無地效芻蕘

十秋 有序

悲哉秋之爲氣也子美有八興義烏

有九咏余乃謬增而至於十述見聞之所及又何計夫工拙乎偶錄一過問諸其人

秋村

幾家籬落共相依  
門掩霜苔履跡稀  
沙上日高黃犢健  
溪南水冷白魚肥  
老農坐聽吟楓晚  
穉子歡迎荷鋤歸  
莫笑幽居無一事  
手攜筐筥摘山薇

霜鏡集 卷十三

秋江

江天渺渺片雲斜  
掩映孤城半入霞  
潮湧漫流侵蟬筏  
柳搖衰影亂漁家  
沙堤響落青荷葉  
水國寒生紅蓼花  
緯斷一灣人語雜  
隔林驚起欲棲鴉

秋夜

空窓露下葉微飄  
人語殘更動寂寥  
枕上牽吟餘菊盞  
月中尋夢到芭蕉  
風聲觸物紛疑戰  
夜



氣侵燈黯欲消野客無永愁自老江鄉歲計日  
蕭條

秋雲

閒心遠送白雲飛漠漠如烟亂夕暉乍點津樓  
明入畫輕搖浦樹幻成衣風斜逐鳥虛簷度雨  
後沾帆別島歸我亦有家臨水曲清陰幾片落  
荆扉

秋葉

吹入寒風槭槭悲疎林回首幾經時初霜已恨  
凋深翠一雨翻催別故枝僧掃夕陽飄影急犬  
驚幽巷吠聲遲江楓野相偏多態作意如花映  
酒旗

秋蛩

吟者何心聽自悲壁間牀下若爲期酸添篝火  
微明處咽在簷風忽動時孤館祇應催客泪幽  
閨似欲惱相思半窻月白寒無寐喚起幽人共

說詩

秋戌

朔氣連雲絕漠陰從軍一劍到于今鏡衣久冷  
思家夢銅斗還歌出塞音馬踏霜殘胡草合烽  
傳月落漢關深何人手射旄頭殞辛苦知子報  
國心

秋閨

不盡相思泪欲潛秋風先已慘紅顏小樓半倚  
霜鏡集 卷十三 三  
魂難定寒杵初驚夢幾還織傍堦蟲啼夜夜書  
迎邊鴈問山山刀頭未卜何時返生苑情深望  
玉關

秋砧

清砧拂拭動簷楹每值淒風聽滿城訴出遠心  
偏歷歷傳來纖腕故丁丁閨中月白宵難度塞  
上霜高夢未成千里寄衣鄉信阻不堪腸斷此  
時聲

秋扇

宮扇裁成鬪合歡  
新涼一至忽摧殘  
風輪不奈經懷缺  
月影空留桂壁寒  
失却前恩顚顚久  
苦無餘力奉揚難  
縱饒寫得吳興句  
隴首雲飛冷欲乾

贈董玄宰大宗伯

早欽燕許擅文宗  
衮舄優游晚益崇  
天子詔曾褒似鶴  
雲間名不忝稱龍  
蔡非無事憂黃髮

霜鏡集

卷十三

三

穀已畱方辟赤松  
自笑淺才參附翼  
樓居百尺喜相從

家弟紫氤姪文虎同應辟舉

弟姪同時起令名  
何人薦剡達瑤京  
招弓驟訝迎門至  
短褐徐看上殿行  
林下阮非驕白眼  
山中謝久念蒼生  
勞人州縣休嫌薄  
阿閣終當待鳳鳴

七言排律

次韻答陳士服見寄

煩君求友寄新詩  
慰我坐居久坐馳  
語是同聲招鶴和  
情如共飲盡鴟夷  
烏號入手斲方勁  
虎變蟠胸繡獨奇  
琴畔響流三峽水  
筆尖光射五須彌  
侯鯖漫試君卿舌  
僧社微橫靖節眉  
痼在烟霞休服散  
生同里閭倍牽思  
寒飈逐鴈衝蘆急  
秋氣迎蟬抱葉悲  
懷冷褐衣徒有玉  
學穿鐵硯未爲箕  
也拚鼓瑟弄正好  
猶喜分金仗叔姬

霜鏡集

卷十三

三

手把瓊枝何日報  
晴窗呵凍且臨

霜鏡集第十三卷終



石倉詩稿三十三卷

〔明〕曹學佺撰

清乾隆十九年曹岱華刻本

北京大學圖書館藏

乾隆甲戌冬

閩中曹能始著

石倉詩稿

曾孫岱華重梓

本衙  
歲板

曹大理集叙

語云人固難知人亦不易余始以此嘆于曹

大理也大理髫年已負俊穎聲公車之業出儕

輩異而譁之余雖賞其神駿而不能無疑于馳驅

蓋久之而後知大理之公車業真有所自得而非

若弔詭者之為其後大理好稱詩格益高而其

辭益出于獨創復譁之余素不能詩亦不知

理之詩與譁者孰為得失即與大理談亦罕及

詩徂歲壯行大理寄一帙于途余讀之而喜乃遂

至于盡卷每當風塵撲面旅懷作惡伏枕郵亭

時輒取大理詩讀之未嘗不為之解頤也然猶以

為大理詩人耳其所長在此今歲在南中復得其

所為古文辭數十篇大稱其詩其中有一二篇

如叙李漢書叙嵇氏譜則余皆有作皆出大理

下始嘆吾向於大理自謂勝之今不及也大理詩刻

意三百篇取材漢魏下乃及王右丞韋蘇州其文

則如韓昌黎所謂鑒之乎惟陳言之是去者故其

旨沉以深其節好以婉其辭清冷而曠絕其初之

序

不合于世以此久而為世所稱服亦以此余交大理十

餘年有里閭葭莩之好乃至今日而始深知大理之

詩文自媿其不及也知人豈不難哉 明興文章沿前

代之流病于率易其後矯之以摹古轉相剽獵其為率

易愈甚世稍厭之而未有能反之者歐陽永

叔有六人之為言難工而可喜易悅而自足夫

慕其難工可喜之名而蹈于易悅自足之失此其

以文為

所以愈趨而愈下也大理工其所難而不足其所易

南京吏部右侍郎同郡葉向高撰

日新月盛過此以往莫之或窮吾又安敢以今日

之見為足盡大理乎三立之事言為家下以大理

之超塵拔俗方由太上而兼其次世有知大理者又

將笑余之淺矣吾郡名士能文章自大理外有董

序

陳

三

崇相謝在杭陳元愷皆在南中士大夫相詫謂三

山多才獨余陋劣愧從諸君子後大理願欲進之以

此道也其評余文謂直遂而少紆曲余甚服其言

而不能改雖非以是自足毋亦畏其難工而姑就其

易悅者以舊世與今之叙大理文愈覺直遂乃滋

愧矣雖然直遂者其情質余與大理質而已矣何

序

四



蒲中洪寬書

重刻曹石倉先生詩集序

吾鄉先輩曹石倉先生文章風節冠絕前代其生平出處大節詳於明史傳中至若學問淵源風雅勝槩則葉臺山先生之金陵詩序及錢牧齋先生之列朝

序

一

詩傳亦具見其大畧矣憶康熙丙申冬治滋以詞臣侍直西苑未刻

上遣中使宣

旨南書房間曹學佺為何省何代人內閣學士蔣廷錫奏云曹學

佺乃福建人為前朝進士官四川副使學問淹貫所著書甚多中使回奏治滋親聆

溫旨下詢竊歎文章知遇歷久如新是先生之所著述已經遭逢

御覽矣攷明史藝文志載先生所

序

二

著書共十六部凡一千二百七十七卷其書版之在石倉者遭海寇焚掠片簡無存今海內藏書家尚有傳者亦唯天下名勝志之一百九十八卷及十二代詩選之八百八十八卷耳至詩

文集一百卷歷今百餘年間中  
舊家亦無有全集完好者先生  
曾孫盛華痛祖澤之就湮尋先  
緒於既隊自艸角為諸生時即  
以蒐輯遺編為已任殫心二十  
餘年得詩若干卷文若干卷詩  
序  
三  
則增以家中舊存抄本按集編  
年尚可符舊刻卷帙唯文集尚  
少三分之一今盛華以乙卯孝  
廉筮仕粵東小江場鹽政廳政  
簡事閒亟先校正所藏詩集付  
之剞劂以承先志石倉先生於是

有傳人矣嗟乎光宗之時逆奄  
用事先生論著不避忌羣小指  
先生所譏為謗書遂削職詔燬  
其鏤板是書無傳焉崇禎初再  
起先生疏辭不赴召歸田二十  
年耽山水園林之勝高歌痛飲  
序  
四  
絡繹縹緲東南文士雲集石倉  
園徵歌選舞履舄無虛日以舒  
發其佗傑結轡之悲憂兩都陷  
遂投繯以殉先生既歿藝苑重  
其詞章如華星秋月篇什既富  
散佚亦多今得薈萃成集霞蔚



雲蒸衣被天下而別裁雅派轉  
益師承正不乏人庶幾文采風  
流今在茲乎又豈僅吾閩之人  
士沾丐其餘膏剩馥而已哉乾  
隆甲戌季冬同里後學奉天府  
府丞提督學政舊史官陳治滋  
序

頓首拜書



明史列傳

曹學佺字能始侯官人弱冠舉萬歷二十  
三年進士授戶部主事  
中察典調南京添  
注大理左寺正居冗散七年肆力於學累  
遷南京戶部郎中四川右叅政按察使蜀  
府燬於火估脩資七十萬金學佺以宗藩  
條例却之又中察典議調天啟二年起廣  
西叅議初挺擊獄興劉廷元革主瘋癲學  
佺著野史紀略直書事本末至六年秋學

傳

一

佺遷陝西副使未行而廷元附魏忠賢大  
幸乃劾學佺私譔野史淆亂國章遂削籍  
燬所鏤板巡按御史王政新以嘗薦佺亦  
勒閒住廣西大吏揣學佺必得重禍羈留  
以待已知忠賢無意殺之乃得釋還崇禎  
初起廣西副使力辭不就家居二十年著  
書所居石倉園中為石倉十二代詩選盛  
行於世嘗謂二氏有藏吾儒何獨無欲脩  
藏與鼎立采擷四庫書因類今輯十有餘

年功未及竣兩京繼覆唐王立於閩中起授太常卿尋遷禮部右侍郎兼講學士進尚書加太子太保及事敗走入山中投繯而死年七十有四詩文甚富總名后倉集萬厯間閩中文風頗盛自學佺倡之晚年更以殉節著云。

傳

二

石倉詩稿總目錄

卷一金陵初稿

卷二金陵集

金陵集上

金陵集上中  
金陵集下

卷三掛劍篇

卷四海色篇

卷五游房山稿

卷六藤山看梅詩

卷七續遊藤山

卷八玉華篇

總錄

卷九茗上篇

卷十錢塘看春詩

卷十一游太湖詩

卷十二芝社集

卷十三天柱篇

卷十四春別篇

卷十五豫章稿

卷十六江上篇

卷十七潞河集

卷十八武林稿

卷十九巴草

卷二十蜀草

蜀草上卷  
蜀草下卷

蜀草中卷

卷二十一雪桂軒草

卷二十二湘西紀行

卷二十三浮山堂

卷二十四福廬游稿

卷二十五聽泉閣

卷二十六夜光堂

總錄

卷二十七森軒詩稿

卷二十八林亭詩稿

卷二十九桂林集

桂林集上  
桂林集下

桂林集中

卷三十更生篇

更生篇上  
更生篇下

卷三十一賜環篇

卷三十二西峯集

西峯集上  
西峯集下

西峯集中

卷三十三西峯六四州

石倉詩稿 金陵詩稿 已亥

庚子

閩中曹學佺能始著

廣陵柳應芳陳父閱

曾孫岱華重梓

鍾山恭謁

孝陵爰述短章

惟金陵有鍾阜曰龍蟠見无首淮水流爲左右

秦鑿之氣彌厚歷吳陳烏能久我

聖祖赫當陽文德振武功楊託玄化于斯藏周

位正鬱蒼蒼歲萬億慶未央

石倉詩稿 卷一 金陵詩稿

一

謁

舊內敬述

吳主都建康意侈事宮闕臺城爲後苑馳道儼

成列東渡始偏安後乃繁張設梁宋各有營齊

陳俱閔節儉德稱我 明覆車鑒前轍堦下有

茅茨梁間無藻梲詎飾耳目觀忍使民力竭靖

難雖變遷貽謀尚昭揭芳春風載愉徂夏日斯

烈中涓曝御容觀者爲鳴咽

元旦述禮二首

北極頒元旦南中趨百官仗開兩行直燈吐九  
枝寒樹色春曹迥鍾聲曉漏殘應知豐鎬地猶  
接歲時權

寢園金鑰啓澗道玉珂鳴松下衣冠肅山中禮  
樂清龍蟠依王氣鳥語試春聲千古神長在無  
煩奏送迎

靈谷寺

聖圖金剎啓淨域寶香焚塔表中霄日衣橫絕  
壑雲無梁疑化出有賴自空聞鐘叩蟲文蝕松

石倉詩稿 卷一 金陵詩稿

二

蟠虬勢分碧流寒濺雪丹嶂靜留曛人境何寥  
廓堪隨麋鹿群

夏日再到靈谷

松合逕逶迤間行逐賞移清言于此吐長日頗  
相宜豈但炎蒸却因之世務遺眼前功德水解  
遶石間池

天界寺

靈峰開寶剎淨域閃鉢衣閣迥層空受房連秘  
壑依韻風林磬遠影日澗花稀但覺來茲地塵

心已息機

鷄鳴寺

鷄籠山色翠遙接落星岡  
校獵臺成阜栖玄寺  
近塘園林生蔓草陵寢閉殘陽  
幾代高僧住猶存說法堂

與沈從先到鷄鳴寺

雖是頻遊地因君倍賞心  
居高隨磴積坐曠得湖臨  
谷口藤梢合橋邊柳色深  
別僧仍有約明月待携琴

石倉詩稿

卷一金陵初稿

三

初五日復到鷄鳴寺

入年纔五日兩度到祇林  
遊士各成趣真僧無礙心  
亂穿逢逕合偶憇愛雲深  
不覺斜陽轉城頭湖水陰

謝公墩

在永慶寺後

相傳謝太傅此地有荒墩  
世亂猶多暇風流乃獨存  
山連遙辨色江遠稍窺痕  
落日躊躇久鐘聲出寺門

清涼寺

南唐避暑地半是石頭城  
隱約宮基在清涼竹廛生  
岡形依郭轉日色入江平  
施佛亦成幻前賢留此名

蘇子瞻施粥陀佛像于寺今亡

棲霞寺

入山已深遂初地化爲城  
古塔無全影疎鐘尚舊聲  
佛龕沿嶺鑿僧舍傍泉成  
怪昔梁江總幽居斷送迎

攝山絕頂

不意窮攀嶺猶能達矚江  
金焦微露影吳楚歷石倉  
詩稿

卷一金陵初稿

四

分邦日落波心鏡風吹天際  
艘空壇無啓閉惟以石爲窓

牛首山

雨中同柳陳父胡仲脩善權上人同遊

江光馳練駟峰勢峙金牛  
滴瀝珠林雨空濛玉殿秋  
華巖相映秀石洞別藏幽  
文杏貞千樹荒池冷一邱  
鼓聲徵候發塔影閉陰流  
泉澗探深處風烟歷上頭  
捨身真自喜忘世亦何憂  
豈必乘輕翼方稱天闕遊

燕子磯

巨浸茫茫擁釣磯登臨猶不負清輝江光帶雨  
龍潛動石勢含風燕欲飛山曲層閣開倍壯潮  
頭群島出還微客愁詎傍思歸發滿目橈檣未  
息機

### 樂遊苑

出門試一望風色何漫漫此地不識樂遊苑從  
來祇作曠野看斜陽蔓草行人少寥落長空數  
飛鳥碧柳猶疑畫障開青溪尚學御溝逶迤可憐  
佳麗逐齊梁今日荒爲小校場惟聞糾糾貔貅  
石倉詩稿 卷一 金陵初稿 五  
士不見盈盈歌舞娘千古幽魂恨未終夜深游  
戲月明中月光漸微天欲曙鼓角一聲不知處

### 新柳篇

陌上春歸後盈盈見新柳條枯雖乍辭色榮未  
幾受此時那許百花開祇讓雕窓一樹梅疎黃  
已見朝曦映半翠真隨曉露催昨日吐一芽今  
日舒一葉將軍營前看未齊征戍笛中吹復怯  
古營橫遂關山遠最憐隋堤與漢苑黃鶯欲棲  
愁尚柔紫燕來看恨應晚黃鶯紫燕不勝悲二

八佳人比作眉有時向月好恰似儂眉鏡中掃  
有時着烟勻恰似儂眉帳裡顰眉掃眉顰總爲  
郎記得郎行囑寄將莫辭攀折今方早郎但憐  
新不用長

### 新燕答沈從先作

秦淮渡頭新燕子翩翩忽渡秦淮水沾來海氣  
色猶新銜到鄉書情未已自言幾度入白門舊  
壘烏衣存不存巷口垂楊不忍入傷心無復舊  
王孫王孫一旦成湮沒營得新巢在幽屋此屋  
石倉詩稿 卷一 金陵初稿 六

曾經幾主人去年君來何苦辛經旬喜見卜居  
定旦暮出入相情親涼風八月驅炎熱惆悵言  
歸與君別區區此壘寄君堂幸爲營護無傷缺  
今年君在我仍來正逢春日君堂開先認主人  
始認壘驚問此客胡爲哉此客吳門一隱者竭  
來相訪青山下出門尚在社日前見爾來時思  
黯然我生馳驅一爲客南北風塵動幾年燕乎  
燕乎嬌可憐沈郎爲我歌數篇落花委地草復  
綠莫教辜負艷陽天春去秋來若隙駒沈郎歸

興傍姑蘇燕乎逐我帆檣去會共三冬伏海隅

寒食遇雪

花落雪仍落春深寒更深似將縣上恨移向客邊心

金陵覽古十首

吳王昔鑄劍遺冶聞此城利鈍一時盡何有雙龍精至今千載後風雨時淒清

右冶城

夾衢固有寺傍山亦有臺春明歌舞地車馬喧

右越城

石倉詩稿

卷一金陵助稿

二

石頭稱虎踞戎車如雲屯龍驤一以渡城上豎

降旛乃知恃在德徒險詎能存

右石城頭

晉室渡江初豈謂偏茲土一收新亭淚中原期

進取千秋丞相墳不種洛陽樹

右新亭

巍哉瓦官閣負山復臨水昔人登茲路而今生

刑杞徒自覓空香蕭蕭脩竹裏

右瓦官

安石既強出所念在故山築土聊擬勝載妓遊

其間戎馬非不劇公意若等閒

右東山

江流不在眼林木蔽崇岡昔人悲鳳去今日傷

丁巳年有荒草上年年秋草長

右鳳臺

臺城久已荒寒山時蒼翠高高石闕銘索之不

得字久露生草中猶似夷人淚

右臺城

綺節觀既徂蕭晨情曷已孔令此追餞光輝生

道里館宇安在哉歲歲涼颺起

右涼館

後庭花欲殘玉顏黯無色所矜同穴終詎必相

驅迫欲驗臙脂流石痕猶可拭

右臙脂井

傲居雜述二十首

白下寄一官素心尚幽獨借問居何所結隣在

石倉詩稿

卷一金陵助稿

八

深竹

出門便復還不離見鍾山時時此翠色結人眉

睫間

曠野何茫茫聞是樂遊苑夕陽衰草中空悲人

代遠

屋後鷄鳴寺閒時試一過老僧不相拒雲裡結

禪和

復應山僧期故從林下過野老呼且休捨杖臨

流坐

十廟向雲開境接鷄籠近濛密青林端朱欄遙隱隱

千頃玄武湖隔城看不見怪底有濤聲遙遙射人面

喜雨復喜晴披衣倍覺清田間新水漲竹裏寒光生

野草傍幽澗草長澗亦滿不知水流急但覺人步緩

山形如覆舟落在大湖頭亭臺無復跡清影自石倉詩稿

卷一金陵初稿

九

東流

此山良可憇參差有奇石卧遍松樹間輕陰以代席

朝出太平隄逶迤芳草齊楊花飄作絮觸面使人迷

夕陽遙已沒處處生暮烟塔影不可見東西若箇邊

曲磴上臺城臺荒秋草平昔聞梁武帝于此學無生

此是青谿水分流第幾曲不聞棹歌來白鷺閒相浴

水如匹練明夾岸垂楊樹遙映石梁間渺渺行人度

明月至夜深纖毫雲氣滅此際徘徊者一心詎相別

泠泠春澗中鶯聲靜求友偶携童子聽寧論渠解否

黃昏掩扉後隱几得清暇隔寺有疎鐘還過風石倉詩稿

卷一金陵初稿

十

兩夜

片榻多白雲深眠靜夜分峰巒時入夢幽幻未曾聞

集鷄籠山望玄武湖

再入佳麗地睠茲春已暮良友罄我懷匪招亦

云聚興言鷄籠山不遠在我寓登陟樂及茲人代惜淪故參差綺構滅高下琳宮布明湖曠且

閒悠然與目遇光凝鑒恒夷流蓄響靡赴既側鍾山陰乃樹大堤路東風蕩群綠微波不成素



重集鷄籠山賦得臺城懷古

同泰浮屠盛故梁黃金臺殿總銷亡劫灰尚漬  
夷人淚春草全迷石闕章水伏潮溝流不斷城  
連山勢路空長亦知往昔清齋地不敢臨風酌  
一觴

集臧晉叔希林閣寓目鍾山

金陵最高處鍾山展在望君家構阿閣故與山  
相向但事涉松梯有如秉藜杖青蓮無隱姿紫  
氣屢奇狀陵寢鬱參差閭閻何軼蕩林翠通近  
石倉詩稿卷一金陵初稿

士

幽江流上遙曠覺彼晨風勞振翼赴巒嶂

後湖看荷花共用水香二韻

有序

余量移江南虛銜註秩職事既無時日  
多暇三法曹在太平門外不免束帶趨

府古木蔭堤明湖浮堞維時涼秋入郊

絺綌自爽水禽噪匹芙蓉牽掇勝侶招

携毋煩置鄭莊之驛閒亭眺聽何異遊

山簡之池悵越女之先歸懼吳舸之易

盪紅衣狼藉曲渚生愁翠蓋傾持空波

競沸于是朋尊溢醪折俎選腴五斗既

醉萬年亦酬爾乃散帙致韻分義陳詩

簷暑未移金聲通奏川壑注而宮商調

雲霞起而文章爛故已笑玉井之或誣

而琳池亦太侈矣詩曰

灼灼芙蓉花盈盈後湖水明星綴流際文虹亘

霧裏六代繁華盡托根獨遺此臺城儼仙列鍾

山象嶽起蓋密栖龜玄茄動遡鱗紫歌斷棹中

姬袂揚堤上子恐被秋風零感歎烏能已

石倉詩稿卷一金陵初稿

三

法曹清殺大堤傍路入荷花不覺長爲惜六朝

餘綺麗還邀群彥醉壺觴烟輕故罩新開粉風

細時吹不斷香綵鷁底湏愁蕩却文鴛偏自解

成行

青溪

青溪有七橋架在九曲潯曾聞郗僧施曲曲汎

以吟餘興猶未盡高風颭至今謝玄構別墅圍

基亦偶負羊曇安石甥不乞斯焉取劉璣居數

椽屋漏誰爲補問渡入芳林睠此浦潄長湘西

寺前柳幾度愁春陽笙歌已絕響襖飲空流  
猶聞小姑曲獨處悲無郎

茅薦卿招集秦淮水閣

淮水春來漲垂楊沒古津雖于高閣坐却與畫  
船隣長日不知倦好風時着人晚涼催客散隨  
意拾衣巾

天界寺看玉蘭喜沈從先至

雨裏看花別花前待子來豈無憐邂逅因與共  
徘徊積素諸天界疑香七寶臺庶乎雙比德持

石倉詩稿

卷一金陵初稿

三

取佩應裁

三月晦日祝無功招集雨花臺以病不赴  
城南無十里望去不禁遙病骨閒中長春光恨  
裡銷若爲居士問祇負使君招伏枕翻成夢相  
携過虎橋

同楊中行諸子訪張子明見藻閣

卜居遙負郭開牖暗臨河是處逢迎少名流聚  
集多懸壺長賣藥停蓋曲成荷更羨萍遊散伊  
人自嘯歌

集魏穎超少府十破齋賦得琴

綠綺誰爲製朱繩不復牽所嗟成落木空憐在  
流泉撫軫銷金玉看文得歲年臨叩心已斷單  
父詠空傳

呂叔與園亭訪盛太古

茲園少結構野意一蕭疎薄得投閒地猶堪借  
客居藤陰憐榻近暑月傲窓虛過雨窺新潤盤  
中試摘蔬

席上遇曹公遠爲言張公洞之勝秋時擬

石倉詩稿

卷一金陵初稿

四

遊賦此

家近張公洞尋源到上頭爲予一述狀使客盡  
思遊物象生成異文明結撰幽不須頻入夢馳  
思及清秋

王德載墻東別業訪吳元翰因眺鍾山是

周顥舊隱處

相別念徂夕茲遊欣及晴徑幽雲尚貯籬密蔓  
初繁入室結趺坐開窓來鳥聲映書但翠色點  
地俱紅榮轉向厨間出仍於竹下行村合午烟

起澗懸宵雨鳴石斜作壁卧木古  
步逾積紛升日通征千家藏綠樹雙關朱甍  
遠寺先標塔危巒直控城新詩雖寄適舊隱可  
經營勿如周處士空負鍾山英

梅李豹約過齋中及至已頽然矣悲憤填

胸刺時感事聊作數言慰勞良苦

晨興卽舉杯未出已先頽尚不忘予約憑誰掖  
汝來眼爭天地失心向友朋開世事滔滔往祗  
堪賦七哀

石倉詩稿卷一金陵初稿

七

再拈前韻一首

片刺袖中灰呼門客姓梅幽玄多失職牢落枉  
生才跡寄吳門隱情同楚澤哀坐看卿醉至忍  
使獨醒回

端陽莫愁湖送范長倩北上

石上青蒲沆酒卮湖邊芳草接車帷正當行客  
銷魂席那得佳人續命絲茶竈筆床無俗具簫  
聲畫舫欲輕移長安樂事由來少計日南歸未  
可遲

菊月二日招集諸子邸中分得十三

宴遊追鄴下招隱擬淮南是朔纔過二清秋已  
歷三蘭英時合佩菊蕊恰盈簪散步林情洽披  
襟野趣耽田園縈小徑城闕帶輕嵐霜候新楓  
變晴光遠樹含鴻遵沙渚急魚戲石渠諳墜葉  
爲茵得伊蒲作供堪話言雖雜劇名理更幽探  
井裏應投轄燈邊盡露龕留買方卜夜未許遽  
辭酣

初冬三日天界寺同接松交蘆善權諸上

石倉詩稿卷一金陵初稿

六

人作

言尋茲日約爲感素秋徂况復林僧勝詎云蓮  
社孤半峰亭靄翠千地閤霞朱欲識歸途晚城  
南遍集烏

湯惟尹樓上看晴雪

獨好樓中卧相呼雪後登斷風霏玉屑微晚晃  
金繩泊處林疑綴消殘岫若崩買隣如得爾百  
萬價湏增

別同署

入署湖山裏同官麋鹿群樂于經歲暇悲同早  
秋分芳草戀車軸蒼苔封印文歸家無一事長  
卧武夷君

歲暮集龍君御諸子邸中因送汪仲嘉得

何字

就屋傍山阿幽期一再過朋儻恒惜少酒債豈  
辭多月樹踈場圃霜鐘湛水波關情人與歲併  
去莫留何

送王不疑還武陵

石倉詩稿卷一金陵初稿 七

相知何用久欲別倍情親落落渾如我悠悠懶  
向人到家猶及歲入洞別成春 聖世堪容隱  
無須說避秦

送柳陳父

此去知誰向出門愁路岐操音猶逼古投足貴  
諳時慎莫作長涉祗堪營薄資寧惟親老矣爾  
髮總成絲

題枝隱菴

人生信如鳥愚智亦相因愚者羅于網智者全

厥身爲問枝上蔭何如世間塵道此莫挽彼述  
故爲招新

呈贈中丞耿公先生

陪京稱獨坐開府控江關儒業吹簫威軍容秉  
羽閒委蛇銷劇務折節掩崇班冬日人咸擬春  
風子幸攀相知文字外不置齒牙間游夏如堪  
許詩書亦可刪

寄徐鳴卿司李 時爲俞青父介紹

曲曲青溪水漸生爲傳書札到蕪城兼葭月照  
石倉詩稿卷一金陵初稿 六

能無恨鴻鴈春歸信有情隱几可容稱傲吏在  
門誰者叫狂生梅花嶺畔開應遍遙憶當年握  
手行

與張林宗

過我不值招子不來匪遠莫致曰近多違朝徂  
夕征胡能忍斯三復古人風雨淒其  
匪飲食兮曷慰渴饑思吾子兮心則如之今日  
爲樂予心亟而予夕譬亡子曷見而

贈利瑪璠 大西洋人

異國不分天無人到更先應從何念起信有夙  
絲牽骨相存夷故聲音識漢便已忘回首處早  
斷向來船

送吳子野

來去身無累琴書約自隨薄遊能計日長至是  
歸期舊社朋相見輕舟僕共移秣陵春色好莫  
遣出門遲

贈恩公

大地元空濶河山祇自分隨方皆可化與俗遂  
石倉詩稿卷一金陵初稿

元

爲群早證無名諦旁通有韻文始知寬束縛真  
性得懽忻

訪交蘆上人蘭若

蘭若幽深入翠微紅塵應不到緇衣觀心詎信  
旛風動現相應同寶月輝定後鳥聲經幾轉空  
中香氣欲何依不逢玄度相尋際清磬孤燈但  
掩扉

送陳廷評歸省

官公易思歸君先我尚違清秋辭法署千里省

慈闈邊戍烽烟接中涓符傳飛新亭一掬淚寧  
但灑征衣

得張林宗書

三秋望不見此日寄來書簡畧無餘字蕭條慰  
索居何嫌知我少惟恨與君疎安得秦淮水能  
通食蕩渠

答寄茅孝若二首

傾蓋長安市匆匆無片詞心由當日許誼以百  
年期主宰應先定文章特借資如蘭昔垂調應  
石倉詩稿卷一金陵初稿

三

是斷金時

病後容應損書中晤若新由來憐謫吏惟有好  
文人招隱歌叢桂相思采白蘋清風明月下玄  
度輒相親

和汝載韻竹間納涼

雖然官舍裡卽在澗田傍五斗相依薄千秋作  
計長場未聽雨長隣竹借風涼宛爾家庭樂何  
須憶故鄉

寄沈從先

吳俗趨名甚伊人不苟同謫居忻漸邇移訊易  
爲通門外惟流水橋邊正落楓許多蕭瑟趣兀  
坐正書空

題蔣生博古齋

博古因成趣爲齋遂著名劍探埋處氣桐辨爨  
餘聲隱几山相對焚香月乍生求羊君舊侶逕  
裡日逢迎

題閔壽卿黃和叔偕隱九曲卷

茅結幔亭菴直詮法侶參駒陰過歲二徂惑破  
石倉詩稿卷一金陵初稿 三

朝三長筴試清吹扁舟時遠探漁樵各自號笑  
語傍溪南

寄同社徐興公諸子

予郡趨風雅騷壇有弟兄文章追古則軒冕薄  
時榮念豈山川隔憂惟日月征何時遂初志聚  
首復班荆

哭徐惟和三首

聞君不可諱轉側自宵頻祇謂言當誤誰知事  
竟真但將爲位哭猶是未歸人生死無窮意含

悽難重陳

賸有烟霞癖純無世俗情詩名能自起儒術竟  
無成和樂耽兄弟艱危赴友生相關非一事寧  
免涕縱橫

夕陽悲已沒寂寂但空山勝事聊當勉伊人不  
可還魂招滄海外跡吊白雲間覽鏡何蕭索方  
驚損客顏

送范東生

之子似驍驪目中輕五侯以才雄白社隨興狎  
石倉詩稿卷一金陵初稿 三

青樓雖識此時去欲將何事留所期仍愜意汎  
月洞庭秋

送黃伯傳歸洞庭

洞庭東復西跡寄兩山樓世卽吳門隔名堪用  
里齊偶然跨鶴去祇恐傷猿啼秋月明如許扁  
舟好共携

戲代丘姬簡丘郎

閭門白家女麗色參差翔由來名楚士必自悅  
吳倡人願天作并誓嫁得同方三美合爲祭一

亡猶及雙會縫甲乙帳應連玳瑁床姊妹不相  
如猶勝趙昭陽

送范長倩之燕關

經春相望處祇爲惜芳菲對案皆青玉分司向  
赭圻波濤隨地廣舟楫度關稀去去何爲樂聊  
登江上磯

送范叔靈還永嘉

已就歸田賦還成汗漫遊僧寮同結夏旅思忽  
驚秋卧病知身妄行吟入髮愁鴈山歸去好日  
石倉詩稿卷一金陵初稿  
看大龍湫

送胡仲脩

河橋新柳生爲君試攀折君行逐衆芳山山響  
鷓鴣春事漸繁春夢深稜陵無計留歸心歸時  
不渡新安水爲道移家住虎林

送邱生

忽別燕山雪遙瞻閩嶠雲暫時猶取會近事不  
堪聞跋涉路將半蹉跎春又分應知倚門者相  
見淚紛紛

與吳山人叔嘉

未暇諧幽約荆扉莫漫開直待池頭柳垂陰我  
始來

初得孝若書有過別秣陵之約旣聞其徑  
趨真州買舟北上率成絕句送之

前月纔看尺素書秣陵將過故人居如何續得  
君消息已逐淮槎上古徐

茫茫京口大江流也可分風到石頭自是夫君  
不相顧教人錯恨古真州

石倉詩稿卷一金陵初稿

音

渡江江北路初長何地逢結客場若不楊州  
尋大陸挂帆西去更荒涼

群盜徐州學揭竿河間人戶殺兒餐戒心須倍  
垂堂險觸目皆爲行路難

津樹遙遙指潞河題碑應沒蘚痕多當年滴有  
孤臣淚日暮風生吹作波

東關塵生久不開長安若箇解憐才此行且擲  
鉛華事莫遣蛾眉與衆猜

從先不善飲強爲索酒每以不飲嘲予

轉嘲之

頗有當壚興慙無蒲石才未酬金谷罰已作玉山頽北海尊虛設東林禁浪開何如獨醒客江上好徘徊

聞吳元翰削髮寄之

久不見之子忽聞成禿翁亂離僧累少老病俗緣空語默踈鐘裡孤圓片石中新詩予待擬若爲寄文通

銅鼓歌送歐陽太守之平樂

石倉詩稿

卷一

金陵初稿

三

君不聞始安之郡郡最古石爲洞分茅爲宇大會城中設銅鼓伐坎坎紛紛無數聲嘈嘈今日未午相對挽臂傴僂舞問之何爲接官府歐陽使君是吾父下車善政如流雨召其所好去所苦蠻徭蜂屯與蟻聚推誠各置于肺腑自今以往皆安堵七十二峰稱有主臨汎灘江與荔浦從容談笑惟揮塵使君用文不用武

送劉水部守貴陽

劉君慷慨天下聞擔當王事多任真早年領邑

負意氣展險甚于嬰龍鱗曾經被逮詰闕下生死何能保此身主恩浩蕩獨見咎霜雪之後生陽春強項故態尚不減折肱良術疇更新卽如水曹務煩劇而君料理忘苦辛一疏直褫奸侯魄三尺不畏中官嗔邇來播酋猖獗甚興黃突入揚灰塵程番此地稱要害滇中門戶蜀西隣朝議非君不可守銅符虎竹頒楓宸拜命單車卽就道豈待五馬駕朱輪以君大名震人耳狂夷奪魄如窮鱗攻守應須有長筭行師節制石倉詩稿

卷一

金陵初稿

三六

送何仁仲別駕夔州

西州楊酋肆跋扈守臣白狀天子怒田間屢起故將軍部內復設新大府羽檄催徵天下兵運糧頃刻如山聚蠻夷所恃在天險仰面而攻分客主遠近嗷嗷望捷音卽今局面猶相拒嗟哉流離此一方乍停採木仍用武昭君村裏無久



烟神女峰頭罷雲雨使君新贈呂虔刀狂士曾  
搥爾衡鼓置酒悲歌壯此行千載功名堪自照  
我聞搗穴湏設奇非但區區力能取或用謀人  
行間術使彼部落相携迂死命在吾掌握中魚  
肉何能脫刀俎奇兵四出餉道絕坐見狂酋爲  
吾虜噫嘻敢不畏蜀如畏虎

與從先夜坐遂傷惟和

此夕亦何夕與子坐共席忽憶南州生三人爲  
莫逆我子會不易伊人喪何迫關河尚可踰幽  
石倉詩稿卷一金陵初稿

毛

宜奈永隔懷抱千古恨未消復纏積哽咽無一  
言舉杯不覺擲

寄鄧女高

憶昔維揚一分手我渡秦淮子京口片帆開時  
疾若飛江天兩地頻搔首聞子歸家卽赴程暑  
月星輅不暫停有客西來相見者正值武陵谿  
上行桃源仙期應尚早行行且向夜郎道滇南  
四序煖如春經年未見歇芳草眼看芳草不勝  
悲萬重山水隔天涯蜀國干戈聞未寢故園消

息料應稀我去鄉關猶甚邇一一題書寄與子  
欲知何事最傷心徐大去年身死矣

病中思歸

累兩山寒重今春花事稀長貧那免病百好不  
如歸海樹遙閩嶠江津黯燕磯故園猶有路夢  
裏已多違

長歌行答贈顧國博

金陵何官稱少事廣文先生與棘寺子性從來  
厭俗氛營得茅茨在僻地誰知僻地近君居麋  
石倉詩稿卷一金陵初稿

天

鹿爲群迹不跡春明共把文兼酒夜月相過步  
代車酒酣意氣溢平原忽贈長歌數百言浩浩  
大江奔達勢蒼蒼古柏蟠深根大音原不入里  
耳有才無用湏已矣今予平生落落狀盡在蒼  
茫筆鋒裏昔日君家有虎頭畫人毛骨風颼颼  
一技入神尚如此况君詞賦凌千秋

送龍君御還武陵

濤聲遙捲白雲隈千里乘槎亦壯哉握手悲歌  
不忍別秋風秋雨大江來

我也結交多楚人而君於我尤相親此情豈向尋常道直擬千秋屈宋隣

博士監官前可憐仍於西塞歷風烟賜環漫道能超等郎署淹君又一年

我行尚在秋深時猶及江干一送之但恐兩人歸去後金陵從此罷談詩

湖水微茫天一涯洞庭客子正歸家夜深白芾歌聲發秋月無雲乍吐華

集沈氏水亭謝別

石倉詩稿卷一金陵初稿

十九

一時俄聚散無日不周旋鍾阜山樓入秦淮水檻連落花催去馬長路計聞蟬南北看明月相思幾度圓

集徐參軍宅

涼颼何處發多在碧雲端感此寧飄忽即之仍渺漫鴈鴻遞清響河漢生微瀾若遇悲秋客那能復自寬

七夕公讌詩時坐客七人

青鳥纔翔殿斑龍未驟衝雕楹升鶴綵綺幕溢

吮腴數傍初陽起客襟列星敷精誠阿母降延佇漢皇演若持臨客席一一敵明珠

送梅子馬赴長沙

秋色秣陵好之官仍未閒柳垂應減帶月吐稍成勢賈傅猶荒井湘妃自薄髮此圓如吊古爲我寄潺湲

賦得謝朓詩三山望京邑用五言古體留

別

驚颼無停迹離禽有返顧緬彼大江流客心與

石倉詩稿卷一金陵初稿

手

之赴三山浮瀾隈登陟時已暮回首秣陵關參差隱雲霧去去城上烏沈沈宮中樹何況共遊者二三我朋故令客乍云遠德音永勿斁誰爲獲此心古人良可慕

雨中小集清涼寺

參差入山寺清景復同遊高臺風雨外誰信隔江秋

碧峰寺訪愚公

林之初到客江上一歸僧所見無新故心知是

友朋水流分細細峰碧引層層忽過城南雨  
天暗夕燈

題董崇相舟閣

董生構小閣其間不容咫四垂乃無地一木聊  
可度對面有青山日日在閣裏此山名覆舟此  
閣名舟子世事盡皆然廢者興之始上皇以爲  
風元氣以爲水松濤日賡吹柳浪時拂綺主人  
居其上汎汎情何已跡不越跬步思已馳千里  
若悟陸爲沉何必江之汜

石倉詩稿

卷一金陵初稿

三

奉寄少司寇謝公

東南形勝發崑崙十洲三島難具言早持玉節  
稱天使遙拜扶桑畧海門遐荒君長趨臣事虵  
螭前導雪山碎陸賈有裝已却盡張融雖賦何  
嘗至兩都卿月照漢署親受彤弓監于楚控閩  
帶粵淨風烟黎峒蠻村莠禾黍安危還賴股肱  
力出入平反老臣職園扉草露泣南冠辛苦叩  
閭爭不得國家倚重度支籌黃河內徙外防秋  
芻粟頓令淮海隘疆場宵旰至尊憂昨朝分手

建章烟獨歸羸馬白門前卽看冷局張羅度猶  
幸通家御李年長干搜遍前朝蹟謝公墩上今  
猶昔中興事業想依然爲君歌向江南客

贈別于符卿

肅肅仙班切禁城高高月色照清卿金章玉璽  
玄夷字綠水朱樓謝朓情風起秦松思泰岱雪  
消宮樹頌華清別君仍到逢君地涼絕西湖桂  
子生

贈別朱侍御

石倉詩稿

卷一金陵初稿

三

鍾山山下水流清獨倚孤亭寒吹生秋草日嘶  
嘶馬路江雲不斷水犀營萬方多故勞封事三  
匝無依憶舊情最是輕舟遲不發微霜催落夜  
烏聲

別魏少府穎超

世事拏拏分巧拙宦途相去殊懸絕黃綬從來  
繫達人青雲未必居高潔我生性拙尤任真夫  
子平生向我親迢遞辭將燕市月蹉跎歷盡長  
干春長干佳麗稱今昔海內詞人過絡繹廷尉

何魯一署門臨邛真見時朝客好客談詩取俗  
尤兩心一片恒悠悠酒債日多裘馬盡俸錢不  
給妻孥憂雲山信美舒懷抱耻逐時流爭醜好  
宣室無期賈誼還漢廷容勿馮唐老歎息盛時  
虛歲月秋風乍起春芳歇江上片帆何處飛君  
歸楚兮予之越

石倉詩稿

金陵集

卷之上

閩中曹學佺著

白下胡宗仁

曾孫岱華重梓

新安王 野閱

到金陵社集葉循父園賦荅

相見江湖外何如邱壑前停車黃葉雨把酒白  
門烟行路幾千里住山纔一年依然詢舊好各  
爲出新篇

秋詠四首

石倉詩稿

卷二 金陵集

壁間蛩

吟動生寒後情繁入夜初似分匡鑿火而讀孔  
遺書唧唧金梭裏冷冷玉漏餘家貧聞最徹唯  
有馬相如

燈前雁

玉塞鴻飛急銀缸夜色闌將沉幾重焰纔得一  
聲寒戍婦縫衣泣羈人出戶看孰知玄景逝流  
響自漫漫

水上楓

楓樹蕭森候那堪傍水涯芊綿雲裏燒搖曳鏡  
中花句得吳江冷愁隨郢路賒曉霜猶不覺祇  
訝夕陽斜

霜中月

正當天駟見却值海蟾生雖是一般色祇應多  
數聲合歡扇逾淨照膽鏡偏明最恨烏啼急能  
令鴛夢驚

宿石頭菴

經秋成慘思入夜始玄言霜白先微月鐘清乍

石倉詩稿

卷二 金陵集

二

嘯猿澗流應閉葉山雨未開門明日疎林外能  
禁覽眺繁

看菊詩 有序

按崔寔月令云九月九日采菊然是時紫萸  
雖舒黃花未吐欲徵其盛則在秋冬之交夫  
應節則不芳而入冬則少韻矣今年予到金  
陵乃有閏九月重陽之名可愛不厭其繁菊  
花之實可采並逞其豔是于月則爲閏于色  
則爲正也予肩輿日往諸好事家過看秋色

盈眸金杯在手花既成品亦成詩因取去年在家所作錄爲一帙以娛閒曠夫合兩年之致則旅人之情見矣屬九日之辰故以登高之事終焉

早行初見負菊者

早行無所見負菊有山翁暫離園坳裏猶然霧露中

過吳隱君宅見有新菊木芙蓉花

閉戶已寒序新衣方復加木蓮與秋菊總是拒

石倉詩稿卷二 金陵集

三

霜花剡縣去年客茂陵多病家海邊同宿鴈將有一行斜

齊王孫菊

王孫失芳草相對此寒英一入吳宮裏秋霜猶自驚詎符陶令旨應識楚騷情余本長歌客持杯泪已盈

客有饋菊者戲答二絕

一官聊自寄世事不相聞且論秋色好亦待故人分

冷暑淡無物如過秋水邊菊花不須買猶損杖頭錢

子夜秋歌三首

爲懽汨及時莫使三春過菊花雖自媚終覺瘁容多

幸以雲漢影鑒此金翠飾欲將微物綴秋光亦何極

寧爲野草萎得願與燐連莫作黃菊榮惡說生籬邊

石倉詩稿卷二 金陵集

四

霜降日胡彭舉林茂之過小齋看菊分得秋英二字

以君分我菊君亦更來遊枝雜偏諳舊門閒不礙幽日陰纔素節霜落是深秋若不尋佳事翻爲相對愁

青山行處伴黃菊醉時并臨水拂圓影隨風餐落英在家爲客日今歲去年情與爾興不淺悠然思友生

馬水部菊 晦日看

水部宅邊曠寒花霜後開鬱金香掩映黃鸝語  
徘徊鮑照多詩興陶公戀酒杯晚姿應未盡秋  
色故重來

余中臺菊 天台人

軒冕無俗韻何必農圃家余公性愛菊奇種固  
不羅培植盡厥法既精尤能多綠葉垂綺障黃  
華流金波雖曰几席玩亦在山之阿山阿信佇  
立纏綿皆薜蘿易素乃爲絢視遠良有加不知  
法署霜宛若赤城霞餐此獲收夕延年以蠲疴  
石倉詩稿卷三金陵集 五

董九博士菊

有花自可入有酒况堪把想君飛來鵲爲我繫  
去馬惟失高樓居日臥東籬下叢中信凌亂不  
辨爲何者世人好脩飾之子尚其野譬如千南  
金不就良工冶陶公頽然時此意良可寫

寄唐君公 雲間人

吳會秋風起終朝天氣清但携黃菊醞何似紫  
萸羹作宦不稱意在家無所營三山日佇望一  
水自盈盈

舊內菊

天中舒菊藥戶外置邱巒石巧微通影臺尚易  
受寒恍然承玉露正在此金盤亦有相如渴還  
來就一餐

桺葉渡待菊不至

香氣自不遠流波也可酣孰知桺葉渡併是菊  
花潭坐對幽人酌簾窺少女簪俱言秋色媚別  
有在城南

梅子馬至

石倉詩稿卷三金陵集 六

待菊反不至無期之子來兩值登高節猶能共  
一迴

翁比部菊 任滿此上

何日是瓜期重陽采菊時坐於黃葉下映此白  
雲司客子任來往主人當別離雖然之北關還  
只戀東籬

冶城時道士菊

層樓冶城曲秋菊閉門陰何處入塵俗斯能  
素心黃庭堪共寶故劍或餘金少露鍾山色况

聞清磬音

張林宗到看菊

訪我復今日思君秋欲終看成鴻雁序就此菊  
花叢雖自香中過應知色即空于焉達禪理在  
昔有陶公

詠同心菊

惟有此同心悠然不斷金所思憔悴日相見也  
難禁

胡道士晚菊

石倉詩稿卷二金陵集

七

散步過深院閒消飽飯餘松花寒亦歛菊蕊晚  
仍舒綽約憐姬態清幽映道書盧家雖得似脂  
粉也應除

閏九月九日燕子磯登高共用寒字

今日重陽江上看何如前度在長干須知嘉會  
難重遇祇覺秋衣一倍寒燕子磯頭終不去鴈  
鴻關外已應殘天涯極目猶難徧未得憑風借  
羽翰

嘉善寺

蒼烟人跡外黃葉寺門前閏月重陽節雙嶠一  
線天僧寮自岑寂洞壑復幽偏若待樓成夜還  
應就此眠

幕府山

晉家南渡日開府曰其間試酌梅花水還臨直  
瀆山清鐘禪寺遠夕照墓門閒今古長江外茫  
茫去不還

牛首夜坐

寒山殊有趣夜坐益相親雙樹不分月一枝堪  
石倉詩稿卷二金陵集

八

映人雲梯元峻絕天闕自嶙峋不覺蓮花漏悠  
然已及晨

幽棲寺

昔日禪棲地重來信覺幽林中層壑積門外大  
江流山月屢移宿谷風先別愁明朝獻花路相  
望是崑頭

同諸子宿郭聖胎山房

山房雪意動颯颯竹風鳴坐此夜方盡起看天  
復晴義因譚處密詩入籟中清唯有朋來樂能



忘畱滯情

夢鄧汝高

夜深吳苑夢獨切楚臣魂語笑宛如昨亭臺依舊存清霜覆餘柳明月照孤猿坐此傷離緒唯添雙淚痕

送陳志玄謁選

中都人

一官猶足寄三泣亦何爲但識濠梁樂寧論楚璞悲青尊對雨別黃綬隔花垂倘就荆卿飲應逢高漸離

石倉詩稿

卷三 金陵集

九

送施僉憲之滇

持節滇中去悠悠天一涯四時芳草色千古碧雞祠洱水華簪落蒼山彩筆垂須令王化洽長繫遠人思

謝公墩

謝公墩上日閒行四野霜天一倍明亭館已空雲物麗寺門相近夕鐘清寒山又俯斜陽路江水終銷十月聲載妓如花不同賞風流應感古今情

送甯民部北上

漢庭盡道田郎美衛國寧過武子愚賄奕漫羸安石墅分司多在莫愁湖日南荏苒陽生候天北馳驅雪載途若領帝城春色早肯沾餘照及凋枯

早起眺鍾山微雪

登樓初日遲却望鍾山陞昨夜有微雪人家俱不知白雲迷欲盡翠黛雜相窺漠漠寒光外唯應早入詩

石倉詩稿

卷二 金陵集

十

新雪二首

今日始看雪雪非今日飛山中前幾夜早起有餘輝愁動饑鳥翼欣承吟客衣故鄉離歲月乍識物情違

暮雪轉蕭蕭危欄獨擁貂坐於一樓上對此衆

山遙戍析交寒路溪燈映斷橋况堪初月色相接是明朝

冶城眺晴雪六韻

高閣臨山盡晴光望次寥雲垂鍾阜沒雪傍冶

城銷鳳闕祥先集，鵲絃潤始調。千林疑敗絮，萬  
瓦以歸潮。映日翻成采，隨風若更飄。應知今夜  
月，氣韻坐相要。

贈黃隱士

酌彼中山酒，息茲漢陰機。孤雲行澗藥，野鹿獻  
春薇。雪入丹爐薄，陽生葭管微。行藏應早計，不  
必更知非。

王太古新居看秦淮積雪

剡中安道宅，雪後子猷過。雖傍城南少，應生曲

石倉詩稿卷二金陵集

十一

裏多月明。雜花樹鶴宿，共烟蘿幾日。青山色迢  
迢更渡河。

蠟梅歌調吳非熊

去歲尋梅越山曲，寂寂梅花覆幽屋。一羣鳥宿  
苔痕紫，幾尺蘿垂潭水綠。君道秦淮有女郎，垂  
簾開卷靜臨窻。生來獨立真無比，移到梅花許  
作雙。梅花盈盈嬌欲絕，持比玉顏還更別。不知  
桃葉在流波，何似梅花影迴雪。當時有意屬靈  
犀，當時無地覓芳閨。但逢夜月朦朧色，便作寒

猿斷續啼繡帶，曾分長命縷。雕欄屢夢長，橋路

單眠思殺鴛鴦鳥。百計纔成連理樹，昔年種樹

今年開。阿閣花開見蠟梅，爲言白雪不相妬。會

有東風密作媒，明知此物不結子。情濃此際無

窮已，葉似芙蓉生木末。香奪幽蘭藏谷裏，野雀

無端繞畫梁。狂蜂祇戀故巢芳，眉間聚態千金

咲。額上安黃一樣妝，君不見落梅一曲那堪鼓

龍頭。折寄傷離苦，續弦勝取鳳洲膠。絨書不用

黎陽土，漫道枝頭落有三。春風猶自隔江南，莫

石倉詩稿卷二金陵集

一二

因口嚼終無味，始悔從前心太甘。

陳元愷署中看殘雪柬胡彭舉

千古鍾山色，朝來若更新。忽看松上雪，已入草

間春。煮却分泉味，凝將雜路塵。袁安尚高臥，烟

火絕西隣。

清涼臺看積雪喜臧晉叔至

清涼臺自迴，况復此時心。不到青山裏，焉知白

雪深。徑舍修竹潤，日落遠江陰。却喜子猷興，扁

舟能一尋。

太平堤遇雪

長堤逢雨雪淒絕少人行自顧貂裘敝誰披鶴  
驚明波連後湖水氣壓古臺城况有北門歎悠  
悠傷世情

再登小樓看雪二首

疲馬雪中寒長歌行路難歸來問妻子何事戀  
微官肯厭萊蕪餽虛彈貢禹冠平生愛清絕更  
許上樓看

祇問尚玄室誰知生白虛雪深幾尺後事絕一

石倉詩稿

卷三金陵集

一三

旬餘近听連江迴繁花映樹疎悠悠度殘臘春  
色莫躊躇

永慶寺竹園看雪

搖搖林影外雪滿夕陽前此地無人到來看尚  
宛然翠深俱在嶺寒極不生烟欲問茲心境唯  
應一喻禪

雪後登綺霞閣卽目

綺閣霞光上名都夕照閒雲開江浦驛雪隱秣  
陵關陂鼓人家競梅花客思閒雷連今夜酌應

接早春還

桃葉渡看雪賦得寒閨

以此渡頭雪遙想閨中心豈無同袍者遺怨在  
錦衾此時有愁思玉漏若爲深

雪後經華林園

雪後到華林天寒曠復深幾時芳草色終媿白  
頭吟路指行人出名隨逝水沉已無魚鳥樂何  
以會予心

和張林宗詠立春幢勝

石倉詩稿

卷三金陵集

一四

綵勝邀春麗青旛迓氣專欲知裁燕草但覩策  
牛前縑自司徒賜書應太史傳雲翹纔叶舞雪  
調乍歸絃北斗杓先指東風勢屢旋還疑百花  
發身入洛陽天

除夕雷雨

旅人愁度歲震氣憤成雷夜思兩年合春聲羣  
動該山川縣理詠朋侶罷長杯惟有鄉園夢猶  
能密往來

乙巳元旦

獻歲端居暇鍾山覆屋寒仙萸開雨裏官柳長  
河千志謝任公子才違司馬安所忻佳麗地詎  
作寂寥看

初三日吳聖初樓上看雪

密爾堪乘興相從不待招登樓踰百尺入歲始  
三朝樹影寒山沒江容霽岬遙欲知春雪薄都  
向酒中消

人日遊靈谷寺

人日晴光麗首春春光今日喚遊人乍見梅花  
石倉詩稿卷二金陵集 十五

吐生意况復松下無風塵景陽鐘鳴空谷響功  
德水示迷途津翠靄已須畱客宿黃昏何事逐  
歸輪

宿靈谷山房

去年人日猶堪憶清歌豔舞歡何極今年人日  
景蕭疎松房石榻聊棲息梅花一枝短牆裏夜  
雨深更半山側故園此去無前期客夢不成坐  
曉色

元夕過桃葉渡同諸子飲

桃葉渡頭歌管催春月乍滿潮水來秦淮一派  
金波湧鍾嶺千層玉蕊開我來就君君莫詫金  
陵閒殺上元夜白雪全凋火樹花綵雲已斷鰲  
山駕往事繁華休復論官家空有舊名存明朝  
入署謝燈假猶勝他人未出門

西天寺遇王季重

長干浮圖七寶堆層層相映雨花臺神僧舊向  
西天去仙令新從句曲來丹陽城邊多古樹六  
載不知行此路且如今日登高樓猶是昨宵未  
石倉詩稿卷二金陵集 十六

春分後見雪

二月春分百花晝莫信春前雪居後乍看簾隙  
度成絲已向檐端垂作溜春衣縫急登輕羅谷  
口新鶯嬌欲歌桃李芳菲猶有待河干弱柳奈  
君何

雨中過柳陳父看杏花陳父時有攜李之  
遊

君家住近瓦官寺金陵城中最僻地向來名作

杏花村花開始有遊人至此時結伴過君家歲  
歲年年成故事花枝雖不用錢買濁酒應賒爲  
客醉客醉看花倒接離瀟瀟微雨踏成泥枝頭  
莫惜終零落明日東君渡浙西

采茶歌爲方子公

君不見西山二子歌采薇虞夏已沒將安歸又  
不見魯國孔父傷倚蘭棲棲不遇空長歎古來  
賢聖尚如此況復今時布衣子譚咲何能取世  
資拂衣且自歸家裏家在松蘿山一隅松蘿山  
石倉詩稿卷二金陵集 十七

兩山詩爲焦弱侯太史

崑崙雞籠山遠遶石頭城形勢稱天險佳麗表  
神京雷館與星屬謝墩入雲平瞰湖抱秀氣矚  
江來虛明環遶青溪渚相望白下亭時代旣遷

易賢哲畱其名太史乃與起心迹與之并門徒  
席云蒲蒼生望匪輕胡蒙絳灌忌遂遺廣受榮  
藏書類班嗣臥遊追宗生支遁已買山郗公誰  
經營企石以代戶撫松似扶楹儵忽雲霞變居  
諸日月征滔滔傷今志悠悠懷古情陋彼偏安  
業叶茲夢卜靈翹首黃帝駕空同問廣成

送陳德遠

白門來最久吾子是深知但有寸心在非無相  
別時春寒猶積雪楊柳未盈枝願入東風勝啼  
石倉詩稿卷三金陵集 十八

鴛日見思

送張我先

我已傷畱滯君非易別離且當寒食住何事暮  
舟移家傍延陵子人同張釋之明朝楊柳樹獨  
憶向南枝

送洪仲韋之新安

爲客經年久閒遊任此身渡頭垂葉暗柳外板  
橋新采石過賢令黃山問主人知君有歸夢祇  
向秣陵春

清明日桃花塢遲主人尹武部不至

我與在行樂聞召疾如馳不知司馬法乃負虞  
人期高岡自連屬其下亦成谿正當艷陽日桃  
李競芳菲花葉自相對遊侶參差壺樽豈不  
盛而顧主人非莫與公榮飲誰問淵明饑清晨  
已出門日暮方來歸家人亟授食問我何所之  
聊因語之故大咲云我痴寄語爲客人已後當  
見幾

送姚廷尉之聊城

石倉詩稿卷二金陵集

一九

三月清和候鴛花水曲分蘭亭脩禊事棘寺歎  
離羣淇竹家林過虞絃祖廟聞魯連高蹈跡東  
海有浮雲

送徐吏部還樵李

新亭此送別風日喜偏清信逐桃花水言歸樵  
李城名園依靜鳥三徑惜飛英倘就山公宿還  
深向予情

送陳虞部還閩

上巳當行樂離辰黯自傷海雲收鐵甕江月待

錢塘芳草憐袍色幽蘭敵署香客程春欲盡猶  
喜及家鄉

送李民部之睢陽

聞說睢陽地黃河向此分逍遙漆園吏淒切木  
蘭軍樹指仙人姓園畱詞客文所懷多古跡一  
問浮雲

送陳脩齡之滁陽

問君何所去滁邑亂山中別路斜陽盡玄言幾  
夜終月明梅雨過溪轉竹陰通欲驗淮南術應  
石倉詩稿卷二金陵集  
二一  
須訪八公

送羅司城之陝州

分陝周南地甘棠待使臣言辭建業水行看洛  
陽春峴谷山連楚函關路向秦繁華舊時事惟  
有度天津

送陸長康

夏日江初永窻虛水氣涵綠楊垂欲盡紅藥戰  
猶酣新月行時遠涼風到自南湖應連越鳥市  
已放吳蠶朋侶要同好湖山歷舊探須憐翡翠

帶更惜鳳凰簪勿使秦淮上姬人思不堪

許伯倫招集秦淮夜汎十韻

秦淮新漲日春雪憶初消幾度添江南經時拂  
桺條人家競臺榭戚里出笙簫獨立恒思汎無  
舟若待招許詢情復勝桃葉渡餘嬌波浪纔空  
潤峰巒信動搖雲光讓微月霞氣薄清霄遶郭  
疑迴棹縣燈識度橋樹深偏覺靜港狹不知遙  
未必山陰夜方云客興饒

端陽雨汎城南十韻

石倉詩稿

卷二金陵集

二十一

五月移舟去榴花兩岼紅浴蘭仍采艾令節信  
飄蓬赤石磯頭泊丹陽城外通枝寒應濯雨蘋  
亂乍過風竟日圭無影諸天塔正中山光低似  
積波色遠成空絲縷縈香閣蒲書掛竹叢江邊  
來獨鳥樹裏落雙虹屈子歌偏放田文客自雄  
漫云千古異唯有一尊同

送吳民部歸沔陽

青蓮居士誰與倫平生灑落無風塵郎官湖上  
新題句孫楚樓中舊酒人君今歸渡沔陽驛伊

予尚作金陵客可憐酒人遊者稀月在湖波幾  
圓缺與君平分一李白還似依依未相別多君  
意氣凌青雲使我相思歌白雪

題林子丘茂之兄弟新居

時予悼亡  
將乞假還

去年冶城雪中宿君家尚在冶城麓今歲華林  
芳草深移家相就到華林華林風物由來古千  
年魚鳥悲無主欲識當時會心處但寄文人口  
中語可憐花月幽相映彩雲忽散香奩鏡顧我  
方題悼逝篇聞君已就移居詠居在比隣共一

石倉詩稿

卷二金陵集

三二

藩唯君與我日相存謝傳幃中管絃絕羅扇門  
前鳥雀喧幾度花開還已過幾夜月明曾共坐  
荒原曉角旅魂驚隔寺疎鐘愁思破我往君來  
能幾時又復辭君當解維秋風分作飄蓬客祇  
畱餘跡長相思

題胡可復水閣

驅車來往桃葉渡渡頭歌管喧盈路金陵惟此  
行樂地可惜爲官不得住我官無事長日閒之  
子幽期坐此間橋上行入俱在水鏡裏嬌娥別

有山幾行楊柳枝交蔭五嶽峰巒圖可枕雲散  
仍從几席生潮來半是關干浸月明艇子搖雙  
雙兩听人家浮玉缸有時暗泊疎簾下見爾科  
頭坐北窻

奉呈孫公中丞

遙遙薊門盤山之阿展彼壯猷勒石孔嘉瀾瀾  
姚江亦涉其波緬彼哲人爰在薜蘿一出一處  
曷詠以歌雖則以歌不如晤語登高俯卑寔惟  
延佇以小事大恐不我與既見則夷匪險匪阻

石倉詩稿卷三金陵集

二十三

曷云有德必宣諸聲何以居業務立其誠雖云  
居矣朝夕遐征乾乾君子亦匪有寧曰秩咍峻  
曰坐罔匹蒼蒼者珮履于石室教行威嚴助此  
陽德德之克明廼用其極

阮太冲移居蓬池

飄蓬本無根池水自有源此水千古流東入梁  
王園園中盛賓客簪裾華且繁遺址竟寂寞徘徊  
誰爲言嗣宗詠厥懷雍容寄慨歎時豈無主人  
顧盼起猜端沉湎不可測禮制越其藩此道

往昔稀後來曷克敦之子善述事事古亦可援  
朝夕居在茲詎無恍惚存倘遇清風發蓬池生  
波瀾

避暑詩 有序

予在棘寺六年再滿人情本倦兼以注秩靡  
所事事時值溽暑罕出應酬日往山寺暫得  
清涼夜月多好命棹而歸方以陳王之賦遠  
謝幽清要諸河朔之杯詎追豪爽惟夫俗可  
暫忘熱免于酷因有吟咏紀興云爾

石倉詩稿卷二金陵集

二十四

出太平堤赴考栢臺見荷花初開

趨府雖瞻栢臨流欲採蓮最矜初日麗未散晚  
霞鮮古思湖波外新妝堤路前花開復花落誰  
爲惜年年

赴吏部考葉公少宰邀同林考功黃錦衣

集別墅

但試登臨事依然愜素心鍾山隨地曠柳色入  
灣深葉破重荷出堤連四水侵誰非故鄉客何  
必更抽簪



孔雀菴訪韞輝上人

我欲尋支遁脩然物外期  
應門疑隔嶺入寺識  
前時林竹山中徑蓮花石上池  
所居皆古壁何處寫新詩

過烏龍潭吳延美園中

閒雲終日靜潭水自盈盈  
頓失炎蒸氣時聞風雨聲  
松篁來隔岬葭菼接孤城  
飛鳥悠悠去因之何限情

與鎧公到永慶寺竹林

石倉詩稿

卷一金陵集

二五

十載逢君後孤雲閉石關  
去冬來寺裏殘雪覆蒼山  
天目名僧遠金陵薄宦閒  
晨朝一相接避暑竹林間

靈谷寺避暑

谷裏亦知暑何如王舍城  
佇看夏雲靜唯羨夕鐘  
清螢火被金色蒼松停水聲  
時揮羽扇急未得澹無營

塔下看雨

塔角垂雲暝齋時過雨  
涼林松韻蒼翠石壁洗

苔光草濕僧初定  
泉流鉢自香欲因麋鹿伴隨  
意踏長廊

宿普德寺傷懷

客散僧俱寂月斜風正來  
蟲聲入衣袂涼意出林苔  
縱是邀秋駕何能到夜臺  
觀空尚如此離思信難裁

毘盧閣納涼

寶閣信巍巍窻開俯翠微  
涼風生曠初地失炎暉  
衆樂松間應孤雲壁上歸  
詎須云避世人

石倉詩稿

卷一金陵集

二六

跡到來稀

夜汎秦淮

城南行樂地水上列仙家  
玉茗流雲氣瓊竿度月華  
潮痕出乍沒山影近猶賒  
白苧歌方起其如楊柳花

夜過隣園

平易園林好人來未上關  
清池一蟬噪明月幾枝開  
石隙生秋藟樓中合夜山  
每因思過此纔逐片雲還

夜上雨花臺

爲看夜色曠遂坐此高臺山月當空出江雲入  
樹來梵鐘幾處集塔火百輪開髮髻天花下昔  
賢安在哉

普德寺前松嶺夜坐

寂歷寺門徑光明禪壑燈山中自深夜松際對  
高僧徙席添新露垂衣亞古藤不知明月色翻  
逐興無恒

雙桂菴訪竹壑老僧

石倉詩稿卷二金陵集

三七

連朝處淨域未見禪囂塵相過皆禪侶何曾接  
俗人雨添苔色古秋入桂枝新禁足喜問遠誰  
能碍法身

十五夜齋中坐月不得赴孔雀菴之約

偶爾齋中坐因之失所過月邊秋意早風際竹  
聲多嬾極偏成勝愁深合自歌迫尋猶不覺相  
憶定如何

城南古意

白浪隱簾鈎清風闌棹謳看人惟看影同汎不

同舟已出東隣裏難逢南陌頭誰知暮潮水半  
作斷腸流

孫楚酒樓

酒樓如可上日日寄顏顏不隔湖中水還多江  
上山芰荷頻近席楊柳迴臨關倩語軒裳客春  
光奈不還

立秋日到吉祥寺

避暑祇園遍朱明亦漸移竹聲報秋雨蓮性悅  
山池淨侶他方集商飈一日期寧須感搖落自

石倉詩稿卷二金陵集

三八

有長禪枝

靜海寺

有虞允文題名

我聞靜海寺卽寄大江濱僧以渡杯識人從解  
纜分城陰稀落日洞口有歸雲片石題名在猶  
思采石勳

盧龍觀

爲獅子山晉易今名

丹梯登陟處高興在秋宵月下盧龍塞河邊靈  
鵲橋遂聲江步遠劍氣冶城銷王謝畱遺跡風  
流亦可招

寄董觀察座主

去年廬嶽望瀟湘何限雲天思渺茫  
橋自武昌栽處別水從巫峽下時長  
關城過雁聞秋氣蘋末輕風生早涼  
莫問比來寥落狀昔人曾有漢馮唐

過朱司成文寧署中荷花盛開爲前一夜夢中所見并寄吳允兆茅孝若

夾道青林俯赤欄雞籠山色落簷端  
一灣池水行時近半夜芙蓉夢裏看  
祇似寒星飄的亂非石倉詩稿

卷二金陵集

二十九

關秋雨送香殘應知不淺懷人思折贈寧愁路渺漫

奉和大司寇趙公齋居禱雨二首

久旱皇皇七月時齋居終覺坐如馳  
龍雲布地方千里雲漢當空柰才遺  
六事桑林期露禱四郊禾稼待蕃釐  
松風不覺秋聲亂山月偏愁夜漏遲

法曹相接似隣居小大從公語不虛  
莫是灌壇應避路何妨高鳳日看書  
風過湖水細荷動雲

起鍾山玉葉舒明旦試從清渭過寧須重問侍中車

送蕭侍御考滿北上

虞廷遙闕四門聰九載登庸此日同  
颯颯風霜看射隼行行京洛避乘驄  
蕭何獨料關中實謝傳偏收淮上功  
見說公卿頗虛佇未應勞苦久居東

送陳民部出守思州

青州人

言辭粉署重淒淒道路時聞征馬嘶  
日照夢懸石倉詩稿

卷三金陵集

三十

鄉樹外夜郎吟向郡樓西竹雞羣裏登峨嶺銅鼓聲中出朗溪我欲白門攀柳送相思此夜有烏啼

寄文憲副

罷國門前濟水清不知何似使君名  
白雲迴出封中石華嶺斜看歷下城  
爲政應師龔渤海著書時問鄭康成  
故人年少官俱達獨咲終軍未請纓

寄俞登州

新調濟南

一官同領舊司農三十專城望岱宗秦帝之崇  
曾刻石漢皇梁父自登封湖光夜泊山如鵲海  
氣朝銜樹若龍無那周南留滯者秋深還聽白  
門鐘

王永叔到天界寺同社少集予偶先歸被

惱以詩作此荅之

被憎歸太早妝閣尚云遲半掩香奩鏡猶然待  
畫眉秋雲澹初發夜雨洽深期詎不來相就從  
渠鑿牖窺

石倉詩稿卷二金陵集

三十一

七夕同社邀永叔集城南王氏園中

日暮鵲聲傳城南橋水邊秣陵秋月夜牛女更  
堪憐佳會成千里離心又一年寧逐奔龍軫遽  
爾畏河旋

環海歌

秋來江上居日日思觀海海底蓬萊山所思竟  
何在蓬萊之山杳無根弱水難渡毫毛翻千行  
琪樹瓊樓外却有仙人朝至尊千里萬里不知  
數誰辨秋空浮玉露霞光散盡恒疑曉雲氣堆

成俄作暮暮雲飛去又飛還跨鶴騷驚事事閒  
草變靈芝芝是草山搖波浪浪如山我聞丁南  
羽作畫善着色金生携此圖茫茫成海國所思  
不可見見者盡迷惑品瑩翠燦直相逼洪波倒  
瀉不可塞席間深淺無人識秋水澹澹流不得

竹亭歌

竹亭胡氏稱老翁搆得孤亭亂竹中枝葉垂珠  
元滴露聲音戛玉自搖風子猷諷詠何能已張  
廌逃名未許通任使龍孫長吐節直邀鳳侶下

石倉詩稿卷二金

三二

乘空當年結交五峰子寫竹却稱幽人意不羨  
渭川千戶封不惹瀟湘幾行淚酌酒時浮盞底  
青散帙日沾書上翠但令把臂有高賢喜是平  
生無俗事主人老去亭亦殘有竹只在卷中看  
形骸忽忽扶爲杖鬢髮蕭蕭參作冠清音久罷  
聞鐘磬素影何曾掃石壇春鷺正想新烟密夜  
雨空懸舊韻寒

峨眉山歌爲松谷上人

峨眉山上月千里若爲看峨眉山上雪萬古逼

人寒山青如黛雪如粉明月鏡中何隱隱雙峰  
縹緲誰畫眉挂在長空不可盡西域雪山絕嶺  
响此中應見西方人普賢菩薩行具足三千徒  
衆皆應真始信峨眉自惆悵不作巫山神女身  
八十四盤婆羅樹花開如雪復如素一間板屋  
千重嶺正值行人問山路登山路轉難投寺口  
已晚古苔如髮長新松學蓋偃冰窟炊不成雷  
洞眠難穩真僧入定久行脚乞食遠鉢裏龍形  
小崑前鳥聲轉雨氣沉如墨雲光疾似電應有

石倉詩稿

卷二金陵集

三三

千化身故作百寶現橋梁宛虹架樓臺疑蜃變  
天竺皆騎象星光盡散燕奕奕九微燈芬芬五  
色線人人爲攝受各各觀顏面欲知色是空色  
卽空中滅世事如幻影詎必歎奇絕依舊峨眉  
山明月照清徹君來白門秋山月幾圓缺浩浩  
江水流尚帶峨眉雪

題吳文中松島歌爲景陵朱生壽母

海裏看山恒一點山形高兮水近漸中間毫髮  
若可覩正值秋空雲盡歛百層金階歷銀屋無

數瑤函與玉檢崑崙王母下來遊侍立雙鬟皆  
琬琰青鳥不飛漢殿頭人世消息空悠悠但識  
雲霞換朝暮不知樹木成春秋蒼松翠柏一何  
古聳幹垂枝作虬舞鯨魚出入潮水生樹未滿  
瀟渾過雨微茫只有重波白何處更著遠山碧  
風吹瀑布千尋落直似連峰一片石崔嵬可望  
不可登驂鸞駕鶴有誰能欲向西池觀翠黛何  
如南岳問朱陵

同謝在杭諸子集臧晉叔樓上

石倉詩稿

卷二金陵集

三四

息我塵中駕登君池上樓榻居秋寺靜林挂夕  
山幽何事偏深戀相逢盡薄遊塞鴻牕外度清  
響自悠悠

同在杭晉叔子馬招方子及集秦淮水閣  
預把茱萸酌言遡桑梓憶一麾纔罷守十載此  
登壇吳苑砧聲斷秦淮月色寒應知湖海興垂  
白戀漁竿

青溪朝雨

秋夜明將接輕寒寂可憐朝聞青溪雨灑向白

門前楊柳已如是鴈鴻何處邊應空戶外屢寧

問突山煙

中秋桃葉渡雨後見月

明月分秋夜那堪心賞違客中同勝引雨後見  
清輝古渡新流滿殘雲一葉飛舉杯如可問羈  
思自依依

夜過華林園

昔時歌舞地客至問幽叢湖色高城外山容明  
月中林烟平似水沙草卷成蓬鼓角聲方起迢

石倉詩稿

卷二

金陵集

三十五

迢聞朔風

雨集喜晉叔到

促膝風雨會一年能幾回寒林疎牖外雲氣古  
城隈別日梅花發經秋朔雁催莫言畱滯甚猶  
得待君來

俞羨長至招同梅子馬陸長康諸德祖洪

仲韋林茂之吳明遠集署中共用林字

忽聞之子到何事不相臨數載別離久一宵夢  
想深所招仍勝侶此會是同心譬彼雲中翼天

寒依故林

和羨長就居之詠

白門願受煙青簡著成編聞說洛中紙貴于陽  
羨田已堪慰離索且復得畱連幾夜高樓月還  
過淮水邊

九月朔日過胡彭舉園圃看菊因携數本

有作二首

欲識野人趣秋光何渺茫出門皆鄰園佳處即  
□床楊柳低垂露芸暉暗避香今年菊花早不

石倉詩稿

卷二

金陵集

三十六

及待重陽

入署有佳致出林高幾層後車同上客前席伴  
孤燈不信移根異還如識面曾悠悠時序裏雨  
載度金陵

邱舍對菊有懷

憶昔卿初歿清明百花朝芍藥伊誰贈楊柳從  
風飄艷陽倏已謝素節廼見招未渝金石誓詎  
免靡蕪謠黃菊籬下榮何如客鬢凋但得新人  
賞漫云非昔條故人雲中鵠新人金雀翹雀飛

雖自憐鵲去入九霄

題諸德祖畫

山椒結茅屋中有幽人居但是雲來密定知林不疎

秋夜汪仲嘉見過

與君別幾載是我昔之官爲問相思易何如行路難白雲來夜靜明月入秋寒籬下黃花發寧須九日看

同俞羨長吳非熊林子邱茂之吳明遠廬

石倉詩稿卷二金陵集

三二

山僧過孔雀菴訪韞輝夜宿烏龍潭

荒途十里餘趣與人境背不遠江水上祇在秋城內野客時招携山僧日相對竹林隨意入香積分食退扁踞多夕陽龍潭積烟靄風散波文淨月來樹陰碎先此一夕宿以誇登高輩

同焦弱侯臧晉叔俞羨長吳非熊林子邱茂之

吳明遠到吉祥寺

游人新駐屐大史舊藏書欲識秋光澹惟看物候餘竹林旣閒散梅下復何如一自耽幽勝應

知跡不疎

九日霜降烏龍潭登高送尹恒屈方子及

歸喜謝友可汪仲嘉曾端甫至共賦五

言排律分得十二文韻

序膏青女降酒以白衣分日月斯逢數乾坤一論文長房莫年熟陶令菊猶芬林晚凋容見松秋清籟聞素流通淨宇丹壁映斜曛鴻鴈傷羈旅羅衣嬌使君登臨應此日聚散總浮雲他歲龍山會還思潭水濱

石倉詩稿卷二金陵集

三十八

五老峰上人見訪卽別

廬嶽一名僧訪余來金陵寄居茲寺裏相過猶甚適日暮車馬散清言殊未已疎燈映秋籬落月覆寒水霜舍菊盡黃露下豆花紫言開五老峰手植千株松山居如可遂林下定相逢匡廬是我宅金陵但作客欲浮明日杯還戀今夜席潯陽九派流石頭一片石其中千里餘悠悠往來跡

送尹恒屈奉使歸蜀

雨中官舍閉江上客帆開楚岫青楓遠夔城白  
帝迴秋深塞鴈急日暮峽猿哀萬里橋邊路還  
期使者來

過梅子馬水閣志別二絕

小閣寒初到離魂黯自銷秦淮秋水落楊柳日

蕭蕭

登高時已散惜別意偏長猶聞不可發風雨後  
重陽

送董考功奉使歸青州

石倉詩稿

卷二 金陵集

三十九

漢庭誰不羨三策在賢科今此都人士皆從水  
鏡過白門送秋盡青土受春多未比投閒客長  
歸戀薜蘿

送子馬少尹之滋陽

淡林落葉已紛紛把酒題詩遠送君魯郡朝趨  
結黃綬秦淮夜別泣羅裙江邊古驛明殘照樹  
裏秋城出暮雲莫道王程可遊行還從朋席促  
離羣

和葉少宰同劉朱二司成登牛首之作

秋色疎林映石關由來天闕異人間言尋澗水  
鐘聲遠靜掩禪房塔影閒牛首峰雲生欲暮蛾  
眉江月出仍彎詞卿唱和皆同調何必藏名在  
碧山

又和遊攝山遇雨不果之作

上宰林泉有夙盟那堪風雨滯孤城山公已盡  
堤頭與江令虛期物外情翠蓋近沾高樹濕玉  
珂遙答晚鐘清未應便作棲霞侶故欲相留  
帝京

石倉詩稿

卷二 金陵集

四十

見雪別鍾山

玄陰已屆候絳樹亦蕭條不覩霜與雪焉識鐘  
山高峰巒稟孤秀信爲江海標今日雨霰下何  
時始復消衆潔之所集粉黛難禱滄客子欲有  
行對此中心忉禦寒無重裘茲術烏能搯

留別同社分韻

勞勞既有亭夢筆復名驛叨陪翰墨場慣上別  
離席一官不稱意五湖是我宅諸子情見念置  
酒臨茲夕雲度青溪月出白門白彼美不足



戀離思居然劇所願崇風雅勿以山川易務令  
後來者如我懷往昔

石倉詩稿

卷二

金陵集

四十一

金陵集卷之上終

石倉詩稿

金陵集 丙午

卷上

閩中曹學佺能始著

吳興臧懋循晉叔閱

曾孫岱華重梓

經茅山

茅家有兄弟自昔已飛仙  
碧嶂江流斷空壇雲氣連  
馳驅仍此日服食是何年  
祇羨陶弘景蹉跎松桂前

過祈澤寺

古寺碑猶在雄關路欲分  
樹陰扃晝色泉氣亂

石倉詩稿

卷二 金陵集

一

苔文野鹿眠芳草春鶯啼  
斷雲獨餘寥落意未  
有染塵氛

入京見鍾山東諸知己

京中有知己到日定相尋  
未若鍾山色先過十里陰

雨中別舊署呈陳志華察長

幾載湖山客一朝風雨來  
幽情如未已別思亦悠哉  
古木吟邊倚新荷佩裏裁  
知君還見惜長日屢徘徊

三月晦日送女載叔還家

生事一官拙家山千里深  
幾回離別淚忽是倦遊心  
嶺月隨春盡江雲入夏陰  
何時愜初志相見竹成林

風雨

今歲已稱旱亦多風雨時  
未能霑土脉聊以濯花枝  
嘿坐無餘事空坐有所思  
不知晴色久起視夕陽移

同張後之汪仲嘉徐興公謝在杭林子丘

石倉詩稿

卷二 金陵集

二

茂之分賦汝南山川人物二首

日暮登荒城千里成萋草  
少年事遊獵不識功名好  
所以李斯歎悠悠東門道

右 上蔡城

孟嘉樂閒曠所寄惟散職  
龍山九日曾羣僚事登陟  
秋風落帽時此意亦何極

右 孟嘉

同胡彭舉興公子邱茂之雨後過張後之

樓上晚眺得寒字

引眺逢新霽言過接舊懽  
遙天雲色斷深竹雨聲殘  
淮水獨流暮鍾山相對寒  
不禁爲客思聊

復此盤桓

四月八日同梅子馬興公子即茂之雙林

滿堂續賢三上人過西華門寺

大地鄰清切居然隔世氛鍾聲宮漏應樹色禁  
林分賜出皆龍藏齋時共鳥羣寶枝交耀日香  
猷禱成雲降誕彌文佛中天祝 聖君微躬切  
瞻仰瑞色自氤氲

金陵懷古六首 有引

夫六朝佳麗自昔稱之矣但吳有建業

石倉詩稿 卷二 金陵集

三

難昧開先隋都汴水未可取盈則談者  
往往不啻焉儲太祝之臨江詠序標五  
世劉刺史之生公堂旁及外郡詞則膾  
炙人口而體未爲純備也友人汪仲嘉  
躬爲金陵懷古詩自吳至陳體限七言  
代分一首予郡徐興公謝在杭諸子乃  
屬和之抽思旣新徵實燦然矣予謂時  
代變遷豪華頓盡而文人韻士風流如  
見則夫山川古跡之得以不至漸滅者

豈偶然也哉故于篇末各用此意結之

殊乏變化亦使後人知所重云爾

江東列郡領丹陽鼎足三分此一方總爲石頭  
成虎踞不知巫峽下龍驤雲生寢廟千秋閱月  
照籬門幾夜長年少風流能顧曲行人猶自說  
周郎

右吳

一從荊棘歎銅駝五馬爲龍世所歌晉室河山  
遺略盡洛中人物過江多楊花寂寂新宮出燕

石倉詩稿 卷二 金陵集

四

子依舊宅過欲向登臨感陳迹至今天闕尚  
嵯峨

右晉

京輦神臯去不回宋公遺業此中開華林曲宴  
思芳草綺閣春妝見落梅飲馬池頭斜日下鳳  
凰臺上莫江迴當時早有陶元亮三徑長歌歸  
去來

右宋

鍾阜商飈館已傾至今哀壑起秋聲針樓銀漢

合情望畫屏金蓮逐步生日落盧龍迷古戍天  
寒白馬走空城不堪重理玄暉詠極目澄江似  
練平

右齊

龍輿鹿苑日聽經爐氣燈光接宵冥行徧臺城  
猶有路燒殘石闕已無銘湖連野水千層白樹  
入長隄一片青聞說休文曾作賦幽居還擬託  
郊垌

右梁

石倉詩稿卷二金陵集

五

齊雲宮觀景陽樓盡入隋皇作蔣州下若溪寒  
明月夜後庭花落隔江秋疎鍾夢斷猶疑響紅  
淚看餘獨不流何事高情江僕射攝山泉石恣  
淹留

右陳

送謝在杭比部賁 徽號表入京得微字  
肅命趨丹陛傾都餞赭圻爽鳩充使者駟牡動  
光輝江水連沙迥山煙帶日微人依芳草別路  
入紫雲飛關柳行無盡宮鶯聽稍稀 皇恩覃

率土宸慶溢慈闈樂對鈞天奏歌承湛露歸榮  
哉此行役千載奉垂衣

後湖塔影六韵

湖光何渺渺塔影自層層稍與雲無定還因水  
共澄春芳拂魚藻歲晚上乳冰七級空能湧千  
花若不勝銷沉幾秋鴈變幻六朝僧欲問烟波  
外輕舟未可乘

放鵲詩得陽字 有序

署後小園偶落彈雀兒輩拾之參爲嬉

石倉詩稿卷二金陵集

六

戲月潭上人勅令放去示好生也因與  
諸子共賦云爾

雪嶺曾棲釋雕陵乍感莊雖無迎歲患其柰失  
時傷施命慈悲大言歸道路長春風一巢裏夜  
月幾枝傍翮異支公養機應海客忘若填河漢  
上應自得津梁

夜過鷺峰訪仲嘉興公與茂之同賦

日中乍延晤入夜復來尋寂靜坐僧舍蹉跎爲  
客心疎鍾山月色垂柳寺門陰未忍云歸去燈

前相對吟

夏日城南汎舟共得十三覃韻

朱明當夏首清汎歷城南津雨虹初飲山櫻  
半含潮痕移淺岼塔影倒空潭草樹不分綠  
天相映藍未成河朔會聊接洛川談斜日乘  
歸棹千峰生夕嵐

詠一人泉

白雲自怡悅世事不相宜況此山中水幾人  
能酌之非貪獎影日卽是挂瓢時怪殺林猿  
飲還

石倉詩稿卷二 金陵集

七

牽三兩兒

夏日秦淮泛舟臧晉叔謝在杭徐興公吳

臯倩梅子馬林茂之限刻成詩

秦淮水流自瀾湯鍾阜雲起何峻嶒昔時  
歌舞已陳迹此日臺榭紛相仍石榴庭中集  
翠羽楊柳樹下開漁罾誰能文酒徵雅會江  
山名勝空金陵

和陳太史閣試春鳥隔花聲

禁地神仙侶晨趨花鳥叢百花分麗日一鳥  
嘯

春風近似疎簾隔虛疑密霧通能言桃李下  
深障管絃中香入嬌歌切聲隨綺葉工應無  
攀折處詎畏曲難終

寄答李叔操民部

長治人時在江浦

潞子荒城潞水濱鴈門鴻鴈幾成羣漢皇  
惟見壺關道中散仍窺石室文誰傍鍾山  
吟積翠獨於江浦望斜曛擬將避暑清泉下  
月色松聲一對君

送馮民部奉使歸獲嘉

石倉詩稿卷二 金陵集

八

百泉流水吐清渠一片蒼山引使車湯向  
蘇門懷阮嘯還於汲冢問周書千年鹿散  
臺空後四月禽歸果熟初此地從來多勝  
迹因君銓望益躊躇

送李民部齋捧北上因還大梁

蘭陽縣人白雲山其

地也

乍陪鴛鴦識風流使節王程不少留丹日  
行趨雙闕下白雲歸問故山秋人如河尹  
元推李客有夷門獨姓侯朝夕秣陵應見  
憶繁華從古帝

王州

送李民部之遼陽

長安下馬拂征衣，萬里遼陽度若飛。  
秦塞孤城含霧直，漢家滄海接天微。  
管寧獨負爲龍去，丁令空傳化鶴歸。  
此地王師初息戰，由來邊徼仗神威。

端午日集秦淮兼送張孟奇民部奉使歸

東粵

今日良宴會有客，俱戾止西北浮雲來東南。

石倉詩稿

卷二 金陵集

九

風起圓景在，天中表立羣。  
所指丹華吐，若榴素馨發。  
蘭芷鬱鬱鍾山色，悠悠秦淮水佳麗。  
自昔然臨泛，何能已之子遠行。  
邁須臾隔千里，羊城滄海上。  
羅浮洞天裏，道路旣以殊。  
會晤難預擬，願勿忘此辰離憂保終始。

賦得田文生

齊國有公子，號爲孟嘗君。  
生時家人棄，沒後天下聞。  
遙思雍門淚，今日始紛紛。

和陳元愷夏至宿齋見東六韻

襖被趨公署，爲郎屬度支。  
非堪一醉日，正是坐忘時。  
方澤草俱積，陪京禮可思。  
月臨御溝上，雲傍蔣山陲。  
拂曙鷄鳴急，登秋蟬噪遲。  
還聞白雪調，不覺有炎曦。

同楊元重陳元愷步月分得清字

宴坐已終日，忽然山月明。  
夕陽歇餘翠，澗水落遙聲。  
照面何其潔，齋心亦共清。  
所稱同志者，來向夜深行。

送湯比部之黃州

石倉詩稿

卷二 金陵集

十

夏雲奕奕浮朱霞，若榴纍纍雜槿花。  
石頭城下江流滿，木陵關外夕陽斜。  
長風吹帆渺烟樹，一片愁心與之赴。  
何時高臥紫霄峰，因君更問黃梅路。

送胡吏部之陳州仍赴考選

朱明相見日，白下此離尊。  
暫輟山公事，遙乘漢使軒。  
園陵由上代，池水自東門。  
坎坎鼓聲合，悠悠旌旆翻。  
五官遺掾往，三恪有司存。  
月映渠流曲，風吹沙色繁。  
芳郊殘驛舊，衰柳廢城昏。  
言路

知相待如何答 主恩

送張選部之太原

離筵開白下使節向河東文物太原盛人煙三晉通  
鄰依孟母啟事得山公王澤觀朱竹之推祀石桐泉流隱津曲山色表雲中寄適惟林樹相思托鴈鴻應憐汾水上還自詠秋風

四祠詩 有序

金陵有四祠焉介公予閩人祠在清涼臺之麓其讀書處也熙寧間忤王安石

石倉詩稿 卷二 金陵集

一一

歸囊惟一拂而已故名方正學祠在石子岡其墓所也黃侍中祠有二其一在通濟門外爲侍中家人浮屍處一在秦淮東岸故青溪小姑庵而今易之云東湖樵夫不知姓名與正學同爲天台人因附其後正學已下俱歿於靖難者四祠光復一時之盛予不敏竊系之以詩清風寂寂歎誰如客到荒林問所居白屋尚聞新法苦青山寧與故人疎石頭雨濕孤城暮寺

口江寒落月初今日正逢明盛世因君訂爲一躊躇

右鄭一拂先生

岡頭古冢自纍纍魂氣微茫何所之清露不曾沾宿草白雲長自護南枝越城跡廢江流外杜宇聲哀春暮時幾度遊人歌舞散獨將雙淚弔荒祠

右方正學先生

燕歌聞變隔江聲赴難王師尚幾程故國河山空下淚孤舟風雨忽收兵城崩不待梁妻哭家廢寧傳蔡女名日暮淮流遺廟在行人感激爲誰情

石倉詩稿 卷二 金陵集

一二

右黃侍中先生

一片東湖望裏分樵夫日日下斜曛時人未必知名姓孤影惟堪傷水雲屈子歌兮終自溺之推隱矣不須文却憐麋鹿山中侶猶媿麒麟閣上勳

右東湖樵夫

初夏同喻宣仲叔虞俞仲茅許無念林茂

之到方山四首

乍入方山裏都忘人世時仙翁留藥沼道士結  
茆茨古意猶然在芳春不可追以茲泉石趣誰  
忍負幽期

右葛仙觀

登陟應難盡遙看似削成荒原片雨積絕頂小  
池平西日嶺邊落東霞林際生淮流從此去故  
自繞神京

石倉詩稿卷二金陵集

十三

右東霞寺

側足多危路忘言得定林禪鍾鳴自昔法藏轉  
于今入殿下山嶺出門當樹陰此中如避俗踪  
跡更安尋

右定林寺

謝傳功成後畱連阨壑間千秋晉代月一片越  
中山絲竹風流逝莓苔土色斑所愁非嶭嶢此  
意絕難攀

右東山

和州詩十首

金陵帝王宅此地爲咽喉交通北齊使作鎮南  
豫州時清亦何用驅馬獨悠悠  
吳魏相持日雌雄久不分塢低如偃月關迴入  
浮雲梅林何處是遙憶度前軍  
歷陽有山石其文自成字磨滅蝌斗形隱見龍  
蛇勢雖然不可識吾獨重斯意  
秦時九江郡漢代八公山江上看明月山中非  
世間淮王今尚在猶可駐童顏

石倉詩稿卷二金陵集

十四

麻湖昔嘗陷沸井亦屢動塵世自茫茫升沉如  
幻夢時見人來遊山下華陽洞  
行行烏江邊項王力已盡日落楚歌聲風生漢  
人陣欷歔泣別時重瞳空似舜  
徘徊楚王廟仍過亞父城城空不復入蕭條荆  
杞生吾言適不用豎子浪成名  
東西二梁山戰壘鬱相望天門一道險江水萬  
里長誰知巫峽外旦夕下龍驤  
牛渚在隔岸太白有荒祠日沽蘭陵酒來唱橫



江詞憶昔三載前舟過一弔之

所懷張文昌復欽劉禹錫花發讀書堂蘿垂刺  
史壁今日再來此而誰爲主客

江浦奉送少司馬耿先生

若比門弟子私情良幸焉得因行部日來送隔  
江邊此地遙望楚何時始入燕懷恩二十載曾  
不受人憐

珠泉二首

祗入巖巒迴誰知泉水生在淵猶自媚出礪始

石倉詩稿

卷二金陵集

十五

成聲好鳥沿涯映繁花徹底明石家金谷妓見

此倍盈盈

今日靜無事悠然坐碧潭弄珠如可擬飲水亦

非貪開士衣中繫詞人佩裏含嬉遊能不厭何

必問江南

平山閣二首

張民部侯將軍招

孤城廻谷口高閣俯川湄南北相望處江天欲

暮時雲從蒼嶺斷客與白鷗期清宴情無已風

流端在茲

欲問興亡事其如世代多禁鍾來隔岸商遂出  
層波花向吳宮落潮從建業過平生懷感慨應  
爲一悲歌

陳振狂至共憇西華門禪寺

聞道發金昌先期掃竹房客途多暑熱佛界自  
清涼有法皆空相無言及故鄉日斜林樹外幽  
磬一聲長

同柳陳父陳振狂施長孺湖上觀芙蓉

玄武湖頭客芙蓉席上杯迎香蘭舫至薦爽野

石倉詩稿

卷二金陵集

十六

亭開菱葉浮青靄鸕茲撥綠苔經過少塵事終

日興悠哉

同南虛受比部游高座寺

比部渭南人

高座道人寺塞帷使者車雲來吳會日竹比渭

川餘嶺路連珠苑江光入綺疏六朝佳麗地應

不廢躊躇

奉送大廷尉林公入賀

輶車初動法星光宮闕遙瞻瑞日長八座家聲  
推有數萬年天保頌無疆雲流玉殿成佳氣風

入瑤池薦早涼此去承恩應不淺故人今已拜  
平章

送丁長發謁選

長林夏日碧氤氲馬首離情不可分江月乍飄  
楊柳帶庭花空裏石榴裙郎官署裏瞻青漢樵  
客溪邊夢白雲漫學茂陵新有約不堪吟望卓  
文君

輓吳臯倩

名公風韻香難追之子承家喜不衰載酒醉過  
石倉詩稿卷二金陵集 十七

桃葉渡浮生歎沒槿花時人同楚國三閭恨墓  
有延陵十字碑回首故交零落盡年年情死爲  
蛾眉

立秋

去夕月明下皆知今日秋千林未變色一葉不  
禁愁病骨入山雨歸心到海鷗所期蕭爽候登  
眺倍相酬

秋後聞鶯

秋光何寂寂忽復轉殘鶯已自非時節居然無

友生緒風飄急奏脆葉感離聲十載爲郎署因  
之淡世情

送謝友可比部還臨川

官是法曹後人當江左時夢題芳草句惜別白  
雲司川路隨鷗盡山齋聞鴈遲揮毫應不厭日  
向石軍池

憐才不可見自昔到于今偃蹇文人事逍遙達  
者心交情如水淡別意比秋深儻值相思日因  
風寄好音

石倉詩稿卷二金陵集

十八

送施長孺之嵯縣

最喜之潘縣偏宜訪戴舟名賢多舊跡風物是  
新秋桐柏丹方秘溪山琴思幽剡中藤不乏時  
爲致書郵

送洪公光祿

送君之北闕能使客衣沾祗是難爲別寧論亦  
久淹周家卿月照荀氏德星占汎汎情何極秋  
江數尺添

觀朱元介奉使朝鮮倡和詩卷

我有同心者，摘詞臭若蘭。漢廷摧五鹿，周道出三韓。談碣追鄒衍，波遼存幼安。白狼水已泚，玄菟月猶寒。去指茲藩國，來迎有從官。人从箕子化，山作魯陽看。禮樂相傳古，兵戈近始殘。本朝生彼厚，歷代服之難。屢就使臣席，仍登騷雅壇。宸光競文采，海氣動波瀾。陋賈盈金索，如衡報玉盤。平生薦奇尚，展卷若爲歡。

送葉相公

拜相恩數異，傾都出餞同。行人來遠道，天子

石倉詩稿卷三金陵集

十九

待深宮。戀別三秋裏，觀瞻百代中。傅岩貌如見，周室棟方隆。開閣羅羣彥，安民問兩童。雲霄地已迴，山澤氣斯通。多事如今日，開誠自古風。佇看彝鼎上，復見有膚功。

送康季鷹

故人不可見，旣見復蹉跎。勝槩歷云盡，歸期將奈何。鍾山橫暮色，淮水起涼波。別思今如此，他時相憶多。

弘濟寺重送葉相公不及

早來江閣上，爲道已鳴撓。問法先一日，離心隔兩潮。鍾清巖氣動，岸漲草痕消。佇立真無事，空知惜柳條。

送劉民部

汝南人，少子五歲與予弟同庚。

與子論年髮參差，鴻鴈行他鄉。如見弟同舍，得爲郎落日。光山外春風，汝水陽調飢。應在念肯謂遽相忘。

送江民部之淮安

使君自西蜀，亭長問南昌。韓塚千秋古，淮流萬

石倉詩稿卷二金陵集

二十

里長。明河含露白，衰草入沙黃。最有懷人思，題詩好寄將。

送喻叔虞歸豫章二首

人來思隔歲，秋至罷同居。風急蟬聲斷，江空明月初。疎鐘吳苑夢，歸鴈豫章書。若問津前柳，離心悵有餘。

寧走丹陽道，詎乘彭蠡舟。險途非所習，率意是真遊。離葦垂清露，池荷落素秋。別離難罷唱，唱動不勝愁。

寄蘇卯家觀察

自昔維丹江上波江城秋色信蹉跎  
非尋地土時相命奔有羈人往獨歌  
木落豫章山景見月明南浦滙聲  
過題詩今日遙相贈觸日應添離  
思多

送徐太公僕

皖城太守賢夙昔謂超遷不意淹南國  
蹉跎已十年人倫擬秋水論議若春泉  
僕寺應月明陟騶車事錦旋仙霞分越嶺  
鄉月照閩天朝省方虛

右倉詩稿

卷二金陵集

三

席林巖詎委眠周王而命問樂毅欲之燕  
應試金臺上能令駿骨傳

送沈從先

送君意蕭索驅馬出丹陽夜月臨關永  
秋砧隔水涼白雲蒲歸路黃葉下行裝  
別後如相慰來書體漸康

金陵集 卷上 中終

石倉詩稿

金陵集

丁未

卷下

侯官曹學佺著

公安袁宏道閱

曾孫岱華重梓

元旦同弟修作

去日不可留來日復相繼我生何爲者飄蓬少  
根蒂雖然別鄉縣聊喜得兄弟匪獨友于情兼  
以平生契東門牽大出華亭聞鶴唳終知免此  
患正遇休明世身脫行伍中又非田畝際舍卻  
爲儒業別無有生計長孺薪徒積季子裘已敝  
石倉詩稿卷二金陵集 一

且當攻文史不敢怨畱滯原上鵲鴿喜雲中鴻  
鴈迤在遠勤相思既近端勉勵百年信倏忽人  
事復迢遞今日吾與爾各自長一歲

立春日柳陳甫吳非熊喻未虞林茂之家  
叔女載同賦七言律分得微字

新年客舍敲晴暉吏散朋來塵事稀雲物正娛  
文酒會春煙欲上薜蘿衣林中幾處歸黃鳥門  
外孤峯見翠微從此相過能不厭六朝佳麗思  
依依

上元夜李長卿吳非熊喻未虞林茂之鄭

翰卿家叔女載同詠夾紗燈屏分得明  
字

火樹叢初發冰綃質更輕欲將華作素雖是蔽  
還明一鏡枝交影孤煙鳥不聲裁縫應絕技那  
讓夜來名

十五夜桃葉渡同諸子分得深字

渡頭行樂地佳節復相臨月色可憐好春光如  
已深管絃遙度水鳥雀不歸林但畏樽中竭何

石倉詩稿卷二金陵集 二

論鐘漏沉

十七夜觀燈共用殘字

對酒春庭滿燒燈夜色闌千家明月下一片火  
雲殘旅鴈歸應遠仙萸落不單向來難盡意文  
士寄餘歡

送陳元愷之揚州

送君廣陵去新歲卽行遊落日竹西路東風湖  
上舟盈盈一水隔寂寂三春愁可歎無知己誰  
人傷帶畱

晦日非熊未虞茂之同用雪字

艷陽已及時晦日尚臨雪艸色新未穩柳條綻  
仍結啼鶯悶雕窗走馬閒金埒惟有素心人相  
過慰愁絕

送陳德遠吏部

爲郎雖已久歸家較亦近陶潛有故居梅福亦  
終隱日戀北堂萱時觀東憲僅應知此別長含  
淚不堪枚

送朱文寧宮諭

石倉詩稿卷二金陵集

三

新歲花開君欲行扁舟相送石頭城柳條未試  
黃金色梅花已見素交情交情原不貴虛文却  
爲文章得遇君君今赴召承明殿薊北江南從  
此分分手悠悠對杯酌迢遞何時到京洛謂言  
聊息風塵苦歸去可知山水樂家中難定出門  
期春光迅速行人遲君不見桃李陰陰日相接  
轉盼芙蓉又滿池

送陳武選歸建州

臨觴意不樂送子重盤桓歲月比鄰切風波行

路難梨花建水白春雪秣陵寒橋上多山色而  
今只獨看

送商太守之南安

南安稱易治君去但高眠章水千峯外梅花古  
驛邊關開漢將月市雜粵人烟佇見中和樂干  
茲可一宣

送吳拾之歸金谿

十載傷心處雲林路不迷一枝懸寶劍更淚滴  
金谿之子都文藻過子卽解携爲詢王謝蹟春

石倉詩稿卷二金陵集

四

草正萋萋

焦弱侯張以恒喻叔虞同到吉祥寺看梅  
梅花自僧舍今日正相過竹後山路盡寺前村  
色多方池積春水古樹滿雲蘿應識考槃意依  
然在澗阿

過王潛之宅

我來訪隱者不意梅花前石現菩薩相燈明居  
士禪衆山橫閣上春水繞籬邊況復耽詩畫脩  
然似輞川

社日鷺峯寺過喻宣仲

彭蠡與君別金陵訪我來新流照碧草古院發  
寒梅渡口獻之機門前周處臺今朝斟社酒樂  
事屢相催

過松風堂

昔時詞客會祇恨不能從今日高齋下蕭然對  
古松月明兩三影風入數千重卽此可忘世何  
須雲外峯

送弟證還家

石倉詩稿卷二金陵集

五

喜是迎年至愁應帶雨歸蹉跎寧客路生計自  
荆扉別思江梅發行裝海燕飛三旬看上下能  
不惜春暉

送張民部之江浦

浦口分司去清閒一事無東風芳草綠斜日片  
帆孤江淨看如練泉明掬若珠相期應不遠回  
首漫踟躕

送范民部之浦川

最是淹留者驚聞三十年依然郎署擢卽見使

車旋夜月明梁苑春花雜浦川信陵祠尚在爲  
我寄潺湲

送陳季迪之安吉

乍別又相見浮雲無定蹤王程行欲盡民事且  
從容棹入苕溪水州迎天目峯看君清淨理好  
是宦情慵

上巳烏龍潭修禊十韻鄭翰卿招

三月日重三風光在碧潭春遊宜結驪晚沐且  
抽簪禊事蘭亭上幽居柳市南杏花朝雨亂艸

石倉詩稿卷二金陵集

六

色夕波參雲際藏巖竇松間露石龕孤城如遶  
帛一水卽拖藍社燕來相命游魚坐可探叢偏  
行樂秘流淨濯纓堪束哲能專對裴顧本善談  
追隨羣彥後今日理無慙

天界寺看玉蘭

最喜城南寺春林處處開已期僧夜宿還有客  
朝來竹裏玉蘭映風前黃鳥迴長干歸路直應  
是暝鐘催

行路難五首 傷落花也

行路難人生行樂耳不見二三月陽春盛桃李  
繁華自有時安能保終始

行路難何爲坐長歎春風江上來處處百花開  
昨宵風雨惡花開不如昨

行路難書空徒咄咄誰能惜良夜秉燭看花發  
平明待遊子落花侵羅襪

行路難只在城南路今年花正好巧被風雨妬  
明歲復如何流光畏蹉跎

行路難吁嗟傷客心寒山祇靜對流水漫田尋  
石倉詩稿卷二金陵集 七

花落渺何所春潮日上深

寒食秦淮上作

風雨夜已過佳辰爲淒然坐對秦淮上睇言晉  
室賢埋金固已妄焚林何其偏相從有羣彥行  
樂且自便造錫分酒味鏤雞競文篇落花古渡  
口嬌鶯綺牕前晚霽出新月餘寒泊蒼山登臨  
會取適時節如逝川

清明城南作 許伯倫招

清明出城南風日尤可愛遊人不相負雲山各

態岌業香臺巔透迤花塢內新煙固已殊殘  
英若有待石園錦帳張潘車佳果載籬舍繞通  
川桃林相向背橋浮綵虹見歌終黃鳥代同歸  
者爲誰祇用增感慨

吉祥寺前看花二首 周用晦招

一朝復一朝看花屢移易北林花正繁空爲嘆  
南陌古寺連著村山僧半于客青帘挂路口白  
雲護幽宅密竹旣蒼翠羣英雜紺碧俯視春原  
中綢繆若無隙未經塵俗玩先有異禽迹乃知

石倉詩稿卷二金陵集 八

艷陽境還貯在深僻

出林風景曠遠江明斜暉直看天冶色欲映帆  
橋飛遊人冉冉芳草亦非非平地如繡錯重  
城作步圍繁華恐不再物盛理當稀中有一田  
父落花盈滿衣力耕罔暇逸祇妨終歲饑花開  
復花落何分是與非

紀游八首同吳允兆喻井虞林茂之固公

順公作

暮春好遊賞朋侶夙相期晨朝告休沐前策眇



難追春色已如此江天碧草滋携手尚不足況  
迺云參差

古苑上危堞明湖在幽林林中過車馬湖水照  
衣襟柳巷飛蟲亂臺城落日深所惜獨成趣孰  
是爲知音

路出重城盡關由巨石分始獲遊山侶還叅開  
士群客帆芳草際香閣大江濱憑闌俯歸鳥林  
樹何紛紛

夕磬霽雷雨江霞媚殘陽經時多變幻入處成  
石倉詩稿卷二金陵集九

蒼茫藤木接巖溜濤聲到繩牀幽棲石壁下耿  
焉明月光

磯頭肆望覽滔滔江水流孤圓攝山頂浩渺海  
門秋白雲起吳會春帆上楚洲空嗟歲月逝客

子自不畱

潺潺澗中雨春林淨若新今日非昨日落花香  
無津大隄入湖水平隴踰城闌中流如可涉聊  
作權歌人

後湖亦有嶼前山復臨江煙波深作宅花樹靜

圍牕睿藻光蘿薜蓮洲渡石砭昔時獨往意思  
友心難降

鍾阜集蒼翠茲地人迹稀魚鳥自有樂誰爲矰  
弋機我亦恬無事乍往復旋歸悠悠湖山長此  
願幸不違

送廬山二上人歸

看花忽已落今日送師行江上廬峯秀林中楚  
色明閒吟暫遣慮究竟是無生況乃稱同學相  
依如弟兄

石倉詩稿卷二金陵集十

送吳允兆之皖上訪阮堅之

皖口幾千里挂帆存所親將明布衣義感激路  
傍人我亦悠悠者相思在水濱不禁楊柳絮獨  
自惹殘春

送吳非熊還家二首

別路只千里還期已十年故園花發後浮客遶  
籬邊若答妻孥問偏多山水綠且看篋中草何  
似杖頭錢

數載追隨好晨昏不暫違我應甘寂寞君亦嘆

誰依作宦幾時達遊人今日歸祇餘離別意猶  
自戀清輝

寄關中張太守

關西遙望路漫漫泰華峯陰日夜寒長樂故宮  
秦輦絕未央前殿漢鐘殘月明渭水浮三輔花  
發驪山繡七盤京兆風流誰不羨時從閨閣畫  
眉看

寄答李本寧太史

時在晉中

漫聞孤塞出輕車又見龍門屬漢家三晉故宮

石倉詩稿

卷二金陵集

十一

生茂草雙魚春水逐桃花賦從揚子應千首怨  
託之推自一蛇柳絮依依向人意故將飄泊在  
天涯

送管仙客之揚州

知君廣陵去弔古復遊盤隋苑遙通汴吳溝本  
屬邗多情誰贈芍佳夢是徵蘭應念江南客鶯  
花事事殘

寄答蔡敬夫庫部十韻

自知疎嬾性于世不相當除却千秋業應無一

事長廷中不讀律署裏日含香祇是寂寥趣猶  
言佳麗鄉及期理湖禁乞假治山裝亦有稱同  
好其如限各方春花帝城艷落日薊門黃武庫  
窺鍾會兵書得子房鴈鴻來短札風雨憶連牀  
媿我將何報翩翩雲錦章

三月晦日吳延美烏龍潭上看牡丹

潭邊多水竹復見牡丹開只恐花時過誰憐春  
色來柳枝漾空碧石徑成蒼苔一到景一換令  
人重徘徊

石倉詩稿

卷二金陵集

十二

同喻宣仲未虞密印上人晚步鷺峯寺後  
春色去未久依稀猶可尋祇堪傷客思未足入  
禪心落日滿碧艸達山橫青林到來場圃外夕  
磬寺門深

同王潛之顧孝敷俞羨長許伯倫無念湖

上看牡丹

湖水絕人迹牡丹開欲過平生爲客思惆悵暮  
春何花落在芳草風吹出嫩荷歸舟夕陽盡寂  
寂山之阿

詠虹六韵 與興公茂之立刻限成

長虹庭際落彩色自重重美女遙疑見王師未  
可從成時因雨足見始逼春容寫漢無分水乘  
雲欲作峰巒飛看似鳥氣射望如龍倘借爲橋  
去神仙此路逢

送楊直甫還淮陰二首

入署爲僚友論詩亦弟兄片雲分樹色三月共  
鶯聲酒是白衣送書應玄草成依然動離唱憫  
默不勝情

石倉詩稿 卷二 金陵集

十三

吳宮別芳草隋苑見流螢不斷湖光白微侵海  
氣青閣中思汲黯臺上頌劉伶多少王孫恨悠  
悠寄食亭

粵西陳將軍平蠻歌二首

分道徵兵入奇謀間諜聞千峰齊劒鐔八桂雜  
旗文自草陳琳檄行追馬援勳不因効死力無  
以報 明君

部落無生氣將軍負勇名蒼梧片雲起辰嶺七  
星明親受轅門縛還臨城下盟所過圖畫裏併

入凱歌聲

送趙勳卿進 千秋表

片月清卿迥前星太子明千秋逢令節萬里在  
茲行甲觀疑祥地寅賓出餞情青驪門外徃白  
鶴禁中鳴湛露階墀下涼風河漢生瑤山聞奏  
樂璧水見飛旌莫道長安遠恒思萬國貞應知  
朝會日專席拜桓榮

送孫福州

使君欲發日終朝雨淋漓定是隨車去其蘇閣  
石倉詩稿 卷二 金陵集

十四

海涯三山得所主九邑無怨咨虞愿著清節常  
袞重文詞良哉二千石千載若相期予雖歎鷄  
肋魂夢恒歸時

龍飲歌爲俞仲茅賦

俞君平生本好奇自號爲龍隨所之鍾山鬱盤  
幾千里荊洞崢嶸第一芝早歲南宮曾射策四  
海居然望恩澤鳳皇闕下盛光輝燕雀湖邊深  
窟宅時時縱飲復酣歌酒船來去隨滄波河朔  
紅塵猶未盡竹林清影更爲多境物清涼誰不

羨白玉杯行水晶殿勝友疑從天馬徠美人宛  
似春虹見此時襍穢湯相尋此地炎歎何處侵  
一醉韶光如瞬息百年身世等浮沈龍兮龍兮  
且魚服雲雨何時無反覆直視飛騰壁上梭爲  
君惆悵杯中物

答董然明

吳會浮雲起遇子姑蘇臺須臾即云別携手長  
徘徊曰歸卒不克留滯湖山隈春明難再會辜  
負桃李開同聲非不廣所思乏異才與子相見

石倉詩稿

卷二 金陵集

十五

後使予難寘懷旦夕期上征策名于天階俄然  
枉尺素悲風從之來板輿御旣失人琴怨復偕  
讀罷不能語中心爲淒淒奈何時與命造化多  
不齊人生如有情此際無津涯

茅氏刲股詩和然明作

句曲三茅嶺臨江踣上都聯翩升紫極兄弟情  
相於孰知千載後其裔在下菰茅氏有三女乃  
爲姪與姑一則歿于難一則死于夫後來愈奇  
特云是最少姝十三學機杼十四誦詩書十五

字厥配十六裁嫁褕夫婿美白皙衆中皆稱殊  
各出簪纓族相當門與樞琴瑟調既合翰墨美  
以娛有如此翼駕有如並蒂美纏綿松上蘿游  
泳水中魚奈何盛陽春景光不少紆蕙蘭忽以  
萎嚴霜被庭除夫婿病云革不能顧區區開襟  
出玉體懷刀向中厨痛絕忽在地人來急相扶  
持用和爲羹入口或強茹但能救夫婿豈惜無  
完膚悲風旦夕至形影不可俱忽就長沙賦寧  
久茂陵瘠哀哉白日光下照掩黃壚我襖有嬰

石倉詩稿

卷二 金陵集

十六

兒呱呱從此孤顧視情悽惻提携待我喃喃  
朝中堂涕泗長漣如譬猶君遠征日暮倚門間  
夫婿不來歸婦人無良圖金石猶可磨志節不  
可渝蕭蕭董生帷寂寂子雲居叔氏與我遊叙  
述良匪誣哀如原上鴿苦如堇與荼我心非木  
石能免爲歛虛願彼閨壺人置此于座隅

秋日雨後同吳允兆吳翁晉諸子秦淮觀  
漲得暉字

秋風秋雨掩荆扉幾日相過踪跡稀渡口忽思

觀漲去樓中便可取涼歸三山澹澹明潮水獨  
仙蕭蕭下夕暉何事王孫坐惆悵天涯不復有  
芳菲

中秋宴集秦淮水閣同用燈字

一時佳會集良朋試上高樓復幾層明月清秋  
度銀漢青山此夜是金陵雁飛浦口驚漁遂樹  
倚城南映塔燈何似曲江來聘望相從應識有  
枚乘

送荆民部之淮陰

石倉詩稿

卷三金陵集

十七

水色浮空下洞庭青山不斷好揚舲人過北固  
吳王寺吏待南昌楚客亭別日雁鴻俱後到望  
秋蒲柳已先零但思擊筑荆卿侶長自悲歌不  
願醒

冶城送甯民部出守成都

一片江城秋色多別離同上冶城阿使君正叶  
三刀夢治行應傳五袴歌夜月行看峩嶺雪春  
風臨汎錦江波年年送客長來此莫怪揶揄路  
鬼過

送金民部捧冬至表入京

度支使者捧龍章迢遞關山入帝鄉葭管飛灰  
當至日籬花對酒欲重陽金臺有客悲歌壯白  
下懷人離夢長正值聖人重文物應知魏闕  
盛冠裳

是時新飭  
朝儀故云

送余水部北上

余在中臺時脩方正學祠  
且善種菊惟第一故及之

奕奕徵蘭省行行辭栢臺橋間舊鳥轉格外早  
鴻催廟貌千秋在籬花九日開應知何水部相  
憶有詩裁

石倉詩稿

卷三金陵集

十八

暮秋同焦弱侯吳允兆吳翁晉俞羨長朱

文寧汎舟城南

季月理清汎在此城南曲扁舟身外閒萬事不  
中足寂路拍脩鴻芳醪薦初菊橋形對江濶  
勢奔磯束落日波遠紅臨流樹殘綠嘉會展詞  
藻閒曹肆休沐浮榮理可遺多識德斯蓄賴有  
千秋意庶無傷局促

九日同洪子厓水部招茅平仲吳允兆汪

仲嘉俞羨長陳從訓柳陳父胡彭舉吳

翁晉王太古吳非熊潘景升諸德祖管

仙客洪仲章諸子汎舟城南分賦

汎舟不隔日豈爲令節催明是登高水能緩調  
黃杯雁添一行到菊有幾枝開帝京信佳麗眺  
覽集亭臺近知幽趣勝此地未人來野色明村  
落江聲暗沿洄開襟襟事畢入暝秋光頽寓目  
已成曠何須陟崔嵬

同瞿上人往華山

秋來方外侶導我入遙岑但覺日初落不知雲

石倉詩稿

卷二金陵集

十九

已深江山表金字鳥雀下珠林欲問瞿曇意迢

迢夕磬音

送趙公司寇考滿北上二首

羊公去峴日姬旦在東時一代又人物十年爲  
士師閒遊赤松子詩興白雲司欲問關心處唯  
應兩鬢知

送送情何極依依思有餘言歸通德里行入承  
明廬論道躋黃閣橫經憶石渠應持斧斤役肯  
顧不才樗

賦得懷芳步青閣送京兆徐公入覲

萬國賀元正春光先禁城泠泠聽龍漏肅肅待  
鷄鳴百和香堪佩三朝玉已盈仙萸開寶砌御  
柳綻雕楹信史尚書履應題京兆名明良兼喜  
起此日待重賡

送張民部捧元旦表入京兼省覲河東

且勿嗟相別榮哉是此行以將覲君意還得  
戀親情萸萸堯階長桃花汾水生周南留滯者  
何日達承明

石倉詩稿

卷二金陵集

二十

許玄祐贈甫里集因訂湖上之約

甫里先生幾百年松陵笠澤有殘篇欲知何限  
幽人思開卷時時亦渺然

不因湖海一逢君大雅遺音詎可聞他日相從  
烟水上白蓮花寺弔荒墳

冬日同臧晉耒陳從訓吳非熊林茂之過

玄祐秦淮水閣

言過客舍意俱閒歲月如流柰不還却望蔣陵  
秋色盡蒼蒼十里是寒山

論詩把酒漫相親  
遊寓同爲客  
裏身渡口夕陽  
半潮水一株殘柳獨依人

集沈不傾水閣

秦淮無日不笙歌  
畫閣朱欄兩所多  
此地獨餘楊柳色  
秋來猶自鎖烟波

送汪九睦奉母還新安

新安流水響潺潺  
言奉慈親此路還  
一片白雲隨子舍  
千林紅葉是家山

題羅漢像

石倉詩稿卷二金陵集

三

蕭然太古雪霜顏  
一杖橫肩兩足閒  
坐後不知心是境  
也無山水與禪關

送吳山人還武林

武林春色白門秋  
一歲逢君兩度遊  
惆悵于今花月盡  
蕭蕭風雪別離愁

送鄧太守之南陽

南陽秦漢郡此去訪遺踪  
王業應看雉躬耕有  
臥龍淮源桐栢古潭液  
菊花濃召杜爲前後君  
當何所從

送段幻然歸楚

一官祇如寄空名  
無職務日夕閉門裏  
秋風吹庭樹在境已  
相忘指心孰知故飄  
然別我歸去問黃梅  
路

送金季孺歸西華

悵然古今事爲問  
東西華碑版已平地  
渠流非故沙歌餘桑  
落孔跡廢柳城媿觀  
易林中久殘陽一片  
斜

送張叔衡之楚

石倉詩稿卷二金陵集

三

支俸苦不給買書  
仍費錢扁舟一以發  
幾日漢江邊亭畫  
孤夫子樓名王仲宣  
由來郢中曲不識爲  
誰傳

送楊民部奉使歸滇仍赴考選

欲問關山道滇中幾  
萬重陽春青瑣詔雪  
夜白門鐘地迥連星  
宿溪寒出石淙相如  
今擁傳何似漢元封

送李伯遠北上

蕭然歲暮獨離懷  
無事書空坐小齋  
有客行行

千里道爲予一日渡秦淮

燕臺雪裏醉琵琶行看長安三月花且問征車  
何處發隔江山色是瑯琊

送李玄白下第還家

不遇還家且放歌流光京國易蹉跎令人轉憶  
荆山下淒絕當年泣卞和

此去姑蘇望白雲寒林孤館自氤氲憐予鄧尉  
山中約兩負梅花一負君

送常比部之楚

石倉詩稿卷二金陵集

三

歲晏仍離酌江寒獨去舲湘中春草綠漢口暮  
烟青畫一蕭何政真空釋氏經應看旌節出祇  
在舊樟亭

是時比部新推浙中而舊曾爲按節別駕故云

送成爲蒼歸漳河

未盡論文興俄然動別顏漢歌瓠子渡禹跡大  
伾山予臥雪中病君懷天步艱還登鹿臺上吊  
古一潺湲

後湖呈金給諫十韻

素切追依願其如隔別何此中爲禁地喜得共

恩波出郭逢長坂停車在淺沙自天頒鎖鑰舍  
凍解戙戙鍾阜虛攢翠秦淮暗入河千鳬繁露  
藻雙鶴下烟蘿已見塵氛少真云水事多登臨  
隋史散載籍慮民訛入舍榮能被方舟樂且歌  
歲寒盟可遂况乃接陽和

過湖夜歸張紹和見訪卽別

湖中有公事孤島跡難尋倚棹風雪曠到家更  
漏深明燈還有客把酌是同心遠道兼離思迢  
迢歲復陰

石倉詩稿卷二金陵集

三四

送鄢審理之襄陽

言別吳宮望楚天春風遙汎洞庭船習池漠漠  
生芳草峴首蒼蒼起暮烟酒近宜城寧設醴地  
符客姓本稱鄢試詢耆舊何人在莫比長沙哭  
少年

謝天池太公輓詩六韻

謝公返初服世網已超然白首功逾苦青山道  
自堅平生究墳典此日棄林泉楚國思猶在閩  
天計已傳烏衣懷舊巷馬鬣待新阡自媿葭莩



末徒吟薤露篇

司馬沈公太夫人輓歌三首

內德昭柔順芳徽著淑嬪傳家左司馬封國太  
夫人肅翟懸衣影孤鸞掩鏡塵唯餘長水上護  
草逐年春

瘴海孤臣去慈顏獨倚間一朝回漢詔長日奉  
潘輿白髮催殘後青山永閉餘只應雙鶴影猶  
自吊玄廬

女史傳名姓姬姜遠足儔魚軒何處去鳳履向  
石倉詩稿卷二金陵集

三五

空遊設悅知無日鳴機已斷秋聖恩深雨露  
丹誥賁松邱

茅孝若太君輓歌

太史家風在夫人閭範垂倚閭愁甫釋同穴願  
能隨茗水流餘澤吳雲表今姿無由攀畫柳遠  
道獨含悲

爲憶登堂日今成隔世年還魂寧有術截髮尚  
懷賢雲暗秋原外天寒夜雪前應知靈幌上寂  
寂一燈懸

除夕吳非熊喻未虞鄭翰卿林茂之汝載

未同賦五言律得烟字

逼歲徵羣彥虛堂開勝筵春生鄉思外夜盡客  
吟邊燭照吳宮樹鴻歸秦塞烟異方誰共賞勿  
惜此畱連

石倉詩稿

卷二金陵集

三六

金陵集卷下中終

石倉詩稿 金陵集丁未 卷之下

侯官曹學佺著

宣城湯賓尹閱

曾孫岱華重梓

米仲詔自燕登岱因汎吳越間欲遊武夷而返余作此詩紀之

家居魏闕下散意遊江湖易水別壯士秦松問大夫岱宗遙辨駟魯望昔稱鳬好客館成迹歌風臺已蕪河流竟淮甸秋色入吳趨笛步清音渺鍾山紫氣殊星依靈渚鵲風散白門烏艷妾

石倉詩稿 卷二 金陵集

一

紛歌葉真僧獨折蘆追陪無幾日離別在須臾  
薊北人逾遠江南路正紆茅山行乞藥季廟且  
停艫浣沼清泉汲金閭濁醕沽百花殘茂苑羣  
鹿上姑蘇楓落知江冷鐘鳴識夜徂虎林方入  
剡天竺本從口桂子明蟾墜潮頭白馬駢西陵  
一以渡南鎮漸崎嶇禹穴藏稽嶺姚封帶上虞  
應詢集蘭彥猶想采蓮姝山買聞支不舟過見  
戴無石梁如切玉華頂似擎桴瀑布千尋白霞  
城一片朱鳥名山作鴈花記里名吳天柱高標

景龍湫亂噴珠桴浮海外迴嶼出水中孤越嶠  
行將盡閩鄉恨不俱武夷真突起接笋罕平塗  
九曲丹流遶同亭彩幔鋪虹橋經斷續仙蛻幾  
凋枯興盡三秋日相思天一隅定看有題什何  
處成畫圖惜別應攀柳登高待插萸此遊偏學  
智歸臥好名愚

七夕秦淮燕集

秦淮多客子遇節每銜杯獨是今朝會偏宜向  
夕來林光逐河轉月影帶橋迴豈必昆明上迢

石倉詩稿 卷二 金陵集

二

迢問切灰

送陳振狂

秋月無數好夜夜明長天子在河之水獨坐不  
能眠作客亦何事開襟殊爽然誰堪帶餘影歸  
去伴江船

賦得隋堤柳送陳太始明府謁選

君在丹陽道寄我青雲箋應知渡江後獨對柳  
色前柳色青青日向淺行人攀折凡幾轉遙憶  
隋家初種時無數鶯聲啼近輦輦路千礪化作

塵長隄柳色逐年新日暮江南堪悵望誰是臨岐贈別人

賦得秦淮月送施長孺明府之剡

湯云剡溪勝聽我道秦淮山城無障蔽水閣盡空階侯家吹玉管公子挾金釵是朝皆美艷匪夕不云佳夫君青雲彥百里身所寄蕭然無宦情清譚有同志起居傍客舍僮僕付僧寺皎皎夜月明颯颯秋風至蹉跎日既久王程不可寬去爲山水縣興多竹石灘折獄未終語鳴琴日石倉詩稿卷二金陵集

三

再彈秦淮一片月携在越中看

送王民部之楚

署裏稱同志江邊作別吟總爲留滯者偏不負歸心楚色行堪遠秋風日已深相思千里外肯爲寄瑤音

江月軒歌爲石豫明民部賦

貴竹人

關山重重去入黔竹樹條條迥作林夜來月吐滄江上直照紅崖百丈深江水江花自春色江月江秋渺何極祇將空水共澄鮮不分露華偏

皎潔君家卜築倚江邊日暮江流在眼前光茫獨對一江月坐臥人疑是水仙仙塵由來異風景夜夜月明江水冷波連微滅孤笛聲嘶映東西兩橋影主人習靜自高軒焚香讀易已忘言不數漢家丞相宅寧論金谷綠珠園幾載辭家在京闕道路迢迢歸興發長江信隔牂牁水獨夜怕看石頭月

九華歌贈吳寬生

江上望九華九朵青蓮花祇謂神仙境何知是石倉詩稿卷二金陵集

四

君家君家向住老田裏眼見九華尋常爾天晴奇岫列參差日落衡門吐金紫平生故乃爲詩豪相對青山美彩毫不負謫仙稱秀氣應隨杜牧賦登高從此聲名滿人口坐使九華翻落後識者目爲天下士鄙夫結作山中友山中消息日相聞不知九華何似君君來示我以新作片片俱是華山雲

信陽老人歌爲陳別駕作

申易老人髮皤皤眼送丁男淚滂沱自家有田

磨耕作却走千里開黃河黃河遷徙非一日四  
野風烟莽蕭瑟漢武興歌責衛人鄭國行謀役  
秦卒離家半載始云旋爲雨爲雲乍息有賴得  
保全別駕力不曾多費水衡錢昔時開河云尙  
可今日陳公欲棄我臥轅民力斯已疲曳裾王  
門亦太左汝南月旦不足恃申伯無霸木偶爾  
但能借寇復一年何惜叩關懸萬里萬里君門  
不易言皎日無由照覆盆從來不識長安道今  
日方知 天子尊

石倉詩稿卷二金陵集

五

馬市歌爲陳道源作

魏尚已失雲中守相如倦向梁園遊行樂金陵  
佳麗地高談玉塞淒涼秋玉塞迢迢幾千里口  
口天驕何足擬惜無飛將在龍城坐費縣官開  
馬市春秋馬市邊庭開日見口人騎馬來白羽  
遙馳獨石界黃塵高漲拂雲堆金錢作價繒作  
賞漢家故事亦可倣魏絳和戎傳至今李牧安  
民策爲上部落酣歌飽利歸權奇蹴沓去如飛  
祇見燕臺收駿骨年年春草怨芳菲

秦淮秋怨

四序皆蓄意秋來殊可憐疎籬豆花雨遠水荻  
蘆烟忽美月中遂欲開江上船不知夫婿去仍  
曾在何年

秋閨四詠

秋海棠

不分春英襍恒爲秋露滋盈盈如欲進的未  
成枝處陰君不見是妾斷腸時

黃蜀葵

石倉詩稿卷二金陵集

六

遠遊良家子深閨黃淡妝楚腰非不細秦鏡懸  
無光但堅向日願詎惜立空牆

秋蟲

先秋蟲已至未夕語何偏霜露欲墜地聲音堪  
刺天此時不聊賴直置空牀前

秋鴈

鴻雁一聲斷報言秦塞寒能催妾淚落慨念君  
衣單文砧不須拭乘月搗輕紈

秋日題顧與秀水亭

閣以臨流置門因避俗局鍾山橫古渡茅葉覆  
空亭夜笛清于水秋燈密似星人生此爲樂不  
羨百千齡

月夜清涼寺過紹公房

獨處秋堪永相過夜欲闌僧貧移室易月好別  
山聲旋益入風動香厨雙葉殘不知心與際今  
日若爲看

秋夜謝修之喻宣仲林茂之同集分得二

冬韻

石倉詩稿

卷二 金陵集

七

他鄉秋欲半此夜客相從皎皎林中月盈盈江  
上峰遙驚紫塞鴈近映白門鍾若使生愁思關  
山日幾重

中秋夜與宣仲

一別蠡湖月三年淮水東因君問清興寧與昔  
時同竟夕共衣露長川孤蓬風淹留何所苦行  
樂自無窮

送梁民部還東粵

彩鷁辭京國神羊指郡城寒江秋雨外歸客別

離情海月兼珠迥山梅傍驛明安期如可遇我  
欲學長生

送諸德祖之南陽

離心何所似秋雨自紛紛吳楚山川接烟霜朝  
暮分臥龍行處見唳鶴夢中聞若遇登高候能  
無憶斷羣

送俞羨長載姬人之廣陵

秋江渺渺汎輕舸何事朱絃意懶撻聞道美人  
新病起不堪心怯廣陵濤

石倉詩稿

卷二 金陵集

八

和人聞所知入道

雲雨無情粉黛消六時行道暮將朝山中若拜  
蓮花漏漫憶當年故步嬌

催粧爲韓求仲賦

妾家住長干里歲歲春光黯自悲若使遠山  
秋入畫相逢不待踏青時

風雨

春來風雨妬芳年桃李催殘一夕邊無那黃花  
秋節晚隔籬風雨更淒然

過胡彭舉新移書室

一年過隱舍兩度卽深秋可見浮光速令人無暇遊閉門隨野曠移榻近林幽語嘿渾無別隨機可唱酌

九日登高

今日復重九南來已九年登高成故事與客興悠然野酌依寒竹秋城起暮烟心驚風雨後一醉菊花前

懷醉石翁

石倉詩稿卷二金陵集

九

世人皆若醉舉目醒者稀君獨有石癖秀色媚林扉而今長往矣勝韻與我違雨花臺下路春草空芳菲

送衛公中丞

開府雖尊貴憐才自性成下交徐孺子坐鎮豫章城十月霜威肅三江惠澤清新亭今日別不減昔人情

送李公納言豐城人

祗切爲憐志翻成別恨催知君有寶劍持此向

金臺卿月寒逾潔皇風暖欲迴于茲明盛世會見四門開

送劉公司成

天寒木葉落歸思滿江城悵別橋門道追隨槐市生潘輿行處樂魏闕望時情他日匡山老寧忘泉石盟

贈唐公奉常

名德如公信若何天生桂樹太山阿承家不媿云經史率職居然以詠歌南國清卿懸片月延陵季子有餘波伊予未足三冬學來向門前問字過

石倉詩稿卷二金陵集

十

送王叅知之楚

十年留滞在楓宸乞改南曹寵命新建業疎鍾聞幾夜武昌垂柳待芳春施恩不測元明主行省叅知屬重臣楚事頻仍非一日看公何以布經綸

過彭正休邸中

別邸閒無事同曹日接連圖書四壁內山色小

樓前世業爲蘭省才名自木天雖然車馬道過  
此卽幽偏

送李虎臣

年少那知別于君有不同客舟明月下書館夕  
陽中江水愁人碧春花隔歲紅豐城看劍氣耿  
耿在予衷

暮秋同彭正休方伯文騰唯遠汪仲嘉胡

彭舉林茂之登木末亭晚憩永興寺

登高乍素節出郭已紺林木末參差見山中日

石倉詩稿卷二金陵集

十一

夜深澗長密霧起谷靜遙江侵落葉不分徑流  
水斯輟吟寒蟲夾石氣飛鴻連塞陰得朋乃攸  
往無悶在散襟遇幽聊可憇聞勝直須尋寥寥  
僧寺磬自達帝城砧

喻宣仲自雲間歸秣陵

祇是遊江上不知自雲間往來無幾日已有新  
詩看楚色背千里吳門夾兩山蓴鱸高興足霜  
菊一枝殘似我苦維繫久之亦自安所思情不  
易乞假理應難子勿亟歸思且當盟歲寒

送楊元重歸建溪

君欲還建南我乃渡江北本是鴻鴈行分爲參  
差翼原日無晶輝西風作寒色絳樹向岍榮玄  
蟲臨砌嘿物候已如斯况乃傷離臆汎越信透  
迤入閩類攀陟夜火山路宿晨霜水鄉食屢薦  
無一可曰歸此終克世路時浮沉主恩元不  
測四方亦唯命敢云事休息

暮秋同韓求仲喻宣仲李虎臣柯謨伯唐

然仲林茂之過虛野王孫山亭

石倉詩稿卷二金陵集

十二

平生無所好好游獨不懶清秋入我懷便思適  
子館崑際藏崎崟林中自平坦感時草木稀寓  
目江潭滿雲觀眇若仙霜楓繡如纂孤烟被厓  
谷羣鴈宿沙渾眺覽未及周景光詎云緩買隣  
苦無資入山欣有伴相思復命駕何謝嵇中散

送周比部座師回甬東

冬日誠可戀長江惜解携談經鱸席上歸棹鮚  
亭西十月靜流水繁霜掩古隄家遥滄海近署  
冷白雲低文酒時清暇湖山厠品題積薪同在

漢聞樂似之齊去住分朱雀屏藩待碧雲  
應不遠桃李愧成蹊

香泉寺 爲昭明太子浴處

客路逢休沐泉池自有湯佳名傳太子無垢傍  
空王入室迷香霧開襟失夜霜徘徊明月下古  
塔立蒼蒼

烏江廣成寺 寺近王景逸宅景逸閩人

大唐來象教西楚見烏江敗矢遺金鏃殘經損  
石幢天涯同故里林際自幽窗更向陰陵去雄

石倉詩稿 卷二 金陵集 十三

心未可降

項王廟

久忘塞翁馬空悲項氏騅當時楚歌急今日客  
行遲物象延古意江山識餘基不堪鴻鴈度秋  
草自離離

送喻宣仲匡雲上人歸豫章

行樂今當減離情日以增我猶淹粉署君復去  
金陵歲晏多歸客江寒獨對僧定知廬岳頂深  
雪覆禪燈

送張鎮遠

何莫非王命寧須憚鬼方一麾新出守十載共  
爲郎味井嘗時別屏巖臥日長應知行部裏遍  
野海棠香

送曹民部入賀 新蔡人

捧出龍章入帝京如雲冠蓋送行旌留都慶賀  
稱隆禮同姓分離覺倍情雪夜醉歌燕市酒春  
風歸路銅陽城易和布令應能早已折梅花贈  
友生

石倉詩稿 卷二 金陵集 十四

送莊民部入賀

雪落江城送使車同曹踪迹歎蕭疎宮春正滿  
三十六 十字唐詩有作平韵明年  
戊申正萬曆三十六年也 朝席應加半  
百餘 用戴憑元旦事  
五十餘席事 廣殿茅茨真不剪下民魚  
鰲可安居不知誰向歡呼後慷慨當前一上書

送孫侍御歸沁水

執法行行驄馬前都亭冠蓋悵離筵忠嘗戀  
主歸應甚病爲思親見卽痊沁水石門猶斷碣  
介休巖廟自荒烟定知鯉也趨庭日無數蒼生



屬望年

送雷元亮還豫章

之子來相過心知是勝流昂藏猶劍氣惠愛自  
荊州乍赴鷄籠館還乘牛渚舟歸期應逼歲別  
日信如秋梅榮招寒鵲蘆根散雪鷗豫章生郡  
裏顛水過城頭奉母時行樂閒居卽校讐且無  
期會促偏得物情幽若問匡山社它時許共修  
吉祥寺同袁中郎夜宿

若謂不蹉跎聊看此會何人爲十年別寺亦暮

石倉詩稿卷二 金陵集

十五

春過夜宿語方竟竹床風漸多明朝送楚客依  
舊隔烟波

冬日過潘稚圭齋頭

今日始寒色相過杯酒深得觀古人物聊以附  
知音比德昭華玉圖形神禹金千行入雲樹一  
卷遊山吟踈散友朋趣縱橫文墨林人生無此  
樂真當不用心

輓茅薦卿水部

子也吾之友冥陽今不通談詩爲世業作奏獨

能工秋憲持三尺冬官辨四弓河修瓠子蹟臺  
詠漢皇風民免爲魚歎軍驚化鶴同勒銘三署  
裏歸櫬五湖東我本稱無用因茲欲悟空徒悲  
子雲意垂老薄雕蟲

冬夜聞唐宜之往靈谷看梅却寄一首

密室羣嫌冷空山獨探梅梅花如解賞爲爾一  
枝開病骨支危石閑情歷古苦推敲如未就莫  
便遇人來

病中對雪

石倉詩稿卷二 金陵集

十六

平昔喜看雪茲晨清興遽居然茂陵病臥掩洛  
陽扉動止與人異行藏如我非所思不但一終  
只是思歸

又

坐中見雪落臥後聞雪消門庭寂而靜几案明  
以昭尋遊限深逕獨立忌迴飈檢方孰爲善釋  
理自當超病與雪相值閒暇能終朝但願常如  
是始獲世人饒

賦得冰花

開花理或異，餓水事信傳。託根應水上，遲艸在春前。似鏡還舒柳，無舟可採蓮。倘逢虬箭發，妖嬌私自憐。

新雪覆殘雪

庭中非一雪，日下後同雲。弱質爲誰畫，新聲如更聞。竹青惟暫露，月白信難分。是物不相禱，固自得稱文。

隔雪美人和茂之作

晨妝時乍竟，薄雪已庭檐。舞影疑迴袖，歌聲似

石倉詩稿

卷二金陵集

十七

隔簾春山偏隱隱，玉手共織纖。目成如可遂，履迹定無嫌。

臘後同許無念小閣眺望

閉寒久不出，今日聊暢情。關遙山翠重，春近雪花輕。與子閣中望，有人臺上行。參差新草色，轉盼復當生。

送劉太守之承天

弟兄行欲盡，心迹與誰雙。臘酒辭吳苑，春花入楚江。先皇來自代，耆舊姓爲龐。多病猶如此，

蕭蕭對雪簷

送裴民部之維揚

三關最近地，兩載故鄉人。月上燕城夕，潮生竹里春。玉山行已遠，瓊藥吐何新。獨有淹留客，相思賦采蘋。

雪夜書舊作貽郭聖僕

冬來書法廢，袖手每嫌遲。此夜燈前興，偏臨雪後池。

夜靜同雙林上人看雪

石倉詩稿

卷二金陵集

十八

客散夜已靜，欲眠心不能。庭中三尺雪，相對一孤僧。

雪後俞仲茅入山過別作此送之

雪罷一無事，聞君清話餘。殘年相見後，開歲入山初。

山中有芳草，何日不相思。所有相思者，山中一見之。

相約復何許，多應在翠微。但失一時信，孤雲他處飛。

以子一日長閒居已數秋今云入山去我始媿悠悠

雪霽到清涼寺紹公房

積雪峰頭自渺漭渾如秋水漲平灘山僧住在竹房內寂寂經聲來處寒

雪中僧室絕無鄰只有千巖萬木春若謂此花元是雪花開畢竟屬誰真

丁未初度對諸僧作

廬峰飛錫雲猶在京口浮杯浪幾層謾言純是

石倉詩稿

卷二金陵集

十九

南宗侶還有燕山上谷僧

虛度浮生卅四年世情無日不相牽自家宿業難除去慚愧諸僧禮佛前

秦淮賦得明月照積雪送李伯遠

秦淮有積雪明月復相臨鑒此反無色冷然惟素心客程千里曠離思兩年侵應是惜知己尊

前聊鼓琴

立春日天界寺萬松菴作

春日在城南新春便可探門前一池雪嶺上萬

松菴梅藥侵晨放燈光半夜含邇來逢節序多半徬徨曇

送卜司馬北上

避客山中久之官歲暮時應知司馬法不顧野鷗期鴈盡淮南夜河明薊北漸所居猶間闊何況遠相思

除夕江上同劉元丙奉常作

欣逢知己出東臯此日還當盡濁醪樓上望江何渺渺亭前送客自勞勞春花漫擬窺新綬寒

石倉詩稿

卷二金陵集

二十

草依然戀舊袍不是踈狂能惕世由來此意近風騷

金陵集卷之下終

石倉詩稿

掛劍篇 丙申

閩中曹學佺能始著

友人陳鳴鶴女翔閱 曾孫岱華重梓

徐煥興公選

將之金谿送林應卿司理梧州

適楚已殊遠况君西粵行蒼梧虞帝杳赤棘漢  
官平木刻模糊契蘆吹縹緲笙丹砂如可訪遺  
我學長生

皇皇各問津相慰總酸辛不脫寶刀贈行將欲

石倉詩稿

卷三 掛劍篇

一

護身哀師餘涕淚作吏任風塵好訂加餐約秋  
高盧損神

留別諸同社

徂暑戒行邁揮汗成漫淫江樹吐雋色火雲無  
片陰諸子賦遠別被訝皆楚音重以哀傷感隕  
涕烏能禁云我酌剖璞胡不念斷金師友無異  
誼生死難盡心死者不可返生者能續尋願期  
秋明月同照入山林

代內別

去歲長安別經年始云歸聚驢市閱季征車復  
西馳形影已相背憂樂難並知不如僮與僕干  
役長追隨執手日將夕且復立斯湏前途約千  
里相見猶可期勿待嚴霜隕行李無寒衣

出關

所向愁人問寧驅白馬奔思孤三伏冷誼重九  
泉溫風雨臨關道江山暗縣門自憐魂已斷空  
說賦招魂

遊通谷洞

石倉詩稿

卷三 掛劍篇

二

山行不覺暑爲入洞閉幽藥澗微香度松濤亂  
影流嶂猿聲外雨野鶴夢中秋况與鄉園近無  
勞託卧遊

候官市

解纜已更市榜歌猶未殘鎮村垂橘廟拍水漂  
麻竿日瀉帆光澹江澄塔影寒驛樓經再宿亦  
覺別情難

十五夜度因關

一帆過異縣兩夜客滄洲積石高低市浮關啓

閉舟人煙寒受澗月色滿當樓爲憶傷心事三  
年淚未收

泊舟大湘

停棹投漁火人煙自一區遠山啣月淺隔水度  
螢孤夕露無聲墜寒依有淚呼臨流歸夢促安  
得涉江湖

望延津

西望延津十里程光芒一劍動縱橫我行欲掛  
徐君墓莫喚雌雄風雨聲

石倉詩稿卷三 掛劍篇

三

南浦哭座師周明府

南浦精靈逝西州涕淚垂雖非埋骨處正是殞  
身時生死不相見往來成獨悲風波如世路吾  
道轉堪疑

登觀音閣

滿徑蟬聲亂壑松攀躋高頂信扶筇樓空不散  
諸溪響林密全含遠照容山角城迴雉百維江  
心綉化隱雙龍客帆幾向滄洲寂今夜應聞彼  
岸鐘

建州道中寄家

爲客無停況朝昏惜解携山容看兩郡水色別  
三溪遠鴈衝雲外殘蟬泣雨西征途猶未半歸  
信豈堪題

永安寺

徑入雲蘿百尺懸鐘聲隱隱度諸天花深淨室  
閑開落僧老禪關失歲年曲澗潄溪鳩喚雨叢  
林迴合鳥巢煙相尋不是空投迹應與靈山夙  
有緣

石倉詩稿卷三 掛劍篇

四

贈龔建州

詞壇曾是少年登郢曲陽春和孰能作郡功名  
新渤海起家聲價舊延陵車隨碧荔千村雨壺  
瀉寒潭一道水行部褰帷堪縱目武夷山色暮  
煙凝

集陳李迪齋頭

玄室淨如水片塵安得飛書藏四壁滿佛供一  
燈微過雨沉蘭逕流雲染薜衣不須投客轄茲  
意已忘歸

丹青閣

丹青遺閣架嶙峋，爽氣凌空淨遠塵。極浦煙光吞返照，斷橋樹色引行人。鷺峰暮落疎鐘近，鳥道秋飛一葉新。南望關山愁絕目，不堪爲客易傷神。

訪權上人山房

禪房幾度訪名僧，喜得逢師最上乘。三徑蘿風鳴夕磬，一巢煙雨暗秋燈。空忘有相超人我，火滅無明斷愛憎。問偈此中高論久，恍疑身在石倉詩稿。卷三 掛劍篇 五

梅仙峒

陰洞垂蘿覆古泉，尋真雖遠意泠然。半生名姓偏吳市，一壑烟霞隱漢年。爐化青山灰亦滅，碑留丹井字無全。大還偷自逃奴去，斷壁何由索秘傳。

秋寺書懷

梵宇氣蕭森，新秋慘不禁。風傳望響急，雨濕鴈翎深。早晚山僧磬，東西鄰婦碓。旅愁無定發，微

緒若爲尋

歸宗巖道中

輿步行相半山迴，徑轉幽野亭魚並。席官渡馬同舟，樹古根盤道橋崩。石咽流日斜，人境寂谷鳥嘯啾啾。

天隱巖曹祖師故院

岩巖天隱削孤峯，說法曾經制毒龍。弟子但傳初地鉢，空王猶聽六朝鐘。一龕雨色飄危澗，幾峽濤聲響古松。證得前身渾大覺，皈依敢復愧石倉詩稿。卷三 掛劍篇 六

南宗

晚憩攬秀亭

危亭上十休，臨眺極滄洲。萬樹先凝夕，孤峰別作秋。侵痕雲氣補帆影，日光浮處處諧心賞。何論選勝遊。

歸宗寺

崑崙豎幽嶂，投跡入化城。開闔天所設，凡智難經營。流泉亂千澗，啼鳥諧百聲。女蘿纏地脈，脩竹障山屏。洞勢通窈窕，石色吐晶瑩。何以尋斧

鑿安從施卅青六朝留遺址萬劫垂幻形迴廊  
既紆曲方丈復潔清諸品脩矣寂孤磬杳然鳴  
焚香結跏坐聊以遺塵情

宿聽泉閣

蘭若依泉結繩床爽氣澄聲寒硯座磬韻暗鶴  
林燈誤聽連宵雨渾眠半室冰知無塵夢擾入  
定擬禪僧

落珠厓

歸宗有厓名落珠縱橫施設百丈餘突出諸峰

石倉詩稿

卷三 卅劍篇

一

神變幻削成群象游空虛色相參差無不有青  
黃朱碧盈萬數心經半壁欲銷磨幾代題名人  
已朽亭亭絕頂上干霄況有松影動飄搖凡軀  
欲度不可得徒令目眩心魂焦天劃崑峨列巨  
闕山前山後成嶺絕嘯鳥啼猿杳不聞日光雲  
影遮越千尋石髓流爲泉滴瀝如珠斷復連  
聊以入口消煩渴因之洗心心泠然丈夫生世  
重氣魄愛此名山長高格徘徊睥睨意無窮引  
滿一杯浮大白接離倒著嘯且歌來日苦少去

日多人生行樂向誰是青山之下朱顏酡

曉登寥廓亭

乍曉乘危磴衣裾雨露華嵐光迷雨霽洞色別  
雲霞后伏林間虎藤交間裏蛇神游無礙境寥  
廓可爲家

雲飛亭

亭敞遙天盡鐘過隱隱聞松杉巢曉日香火燒  
秋雲溪界千行篆鴻披一字文祇園凝望處花  
雨落風飄

石倉詩稿

卷三 卅劍篇

八

振衣堂懷鄭繼之先輩

振衣秋色賦登臨忽動懷賢寂寞心踪跡已隨  
雲影散留題猶寄蘚痕深諸天密樹唵猿慘片  
雨踈鐘落葉陰感慨風流先輩盡湯將結社擬  
東林

贈慧上人

一點禪燈閉戒壇休糧無事出山難雲根入定  
麻衣濕澗道觀空杖錫寒鳥下花臺鳴磬斷鶴  
眠松蓋誦經殘朝昏頂禮南宗處雪色高峰望

渺漫

武夷

冲佑丹宮古萬年松篁夾道暗秋煙十三名姓  
登僊籍百二峰巒隱洞天控鶴巖前雲冉冉投  
龍井裏草芊芊我來重結昇真宅地主難逢魏  
子騫

江蘿堪薦武夷君何事乾魚漢代焚機杼懸巖  
虛織女堯鑿挿石憶將軍金函骨冷埋青蘚鐵  
笛聲寒入白雲舊宴幔亭可哀曲依稀猶似夢

石倉詩稿

卷三

詩創篇

九

中聞

丹邱遺說不知年方外尋真思渺然仙橘堂空  
碁撤局御茶園廢竈無煙峰頭亂挿虹橋板渡  
口難移架壑船忽聽玉笙聲縹緲步虛已近大  
羅天

青山心賞未應違却爲攀躋是覓歸石筍亭亭  
天柱削雪花漠漠水簾飛雲邊玉女臨粧鏡溪  
上漁郎隱釣磯千載登臺訪遺跡魏王此地舊  
更衣

煙霞來徃任閒身訪道探玄自有鄰  
陳處士劍寒風洞白真人依依橘院堪歸隱汎  
汎桃源好問津絳節飄颻天樂響玉皇殿下列  
稱臣

縹緲仙源未有涯紅塵回首亂雲遮大王城址  
闌秋草王女衣裳落晚霞九曲漫移青雀舫半  
空遙駕紫鸞車閒緣處處随心結一枕同眠道  
士家

千丈懸崖百尺梯曾將名姓付留題巖頭人去  
石倉詩稿

卷三

詩創篇

十

空臺鶴洞裏仙居忽聽鷄毛女出家同姊妹吳  
公拔宅共夫妻乍看昇日東方色晚對峰前日  
又西

白雲猶護魏王居封祀從來跡不踈貞觀金牌  
三殿勅熙寧玉簡數行書朝元樂奏鈞天香禮  
斗鐘傳子夜初催馭鸞笙君莫問一函遺骨是  
蟾蜍

泛舟

仙源迢遞九迴波影落青山夾岸多鶴上蘆汀



舟過瀨一聲清唳半舷歌

山光隱隱岸重重雲裏輕橈度遠鐘三十六峯  
青不斷一溪流水束芙蓉

曲塢花陰寂寂秋胡麻香氣一潭幽尋真有意  
來仙窟不是漁郎誤放舟

雲樹依微欸乃殘蒼屏一道瀑飛寒遊仙羽翼  
凌虛慣偶愛壺中弄急湍

大王峯觀仙蛻歌

大王峯頂神仙僑借假修真春復秋丹成四體

石倉詩稿卷三 掛劍篇

十一

生羽翼坐解遺蛻留高邱雷文巍鵬列有五盛  
得肢骸傳來古黃心木棧相縱橫躡步開緘恣  
瞻靚髮如青絲齒如銀形容名姓難重陳白日  
青天淼茫世十洲何處尋主人主人一去不復  
返朝遊蓬瀛夕閨苑天地萬法任銷磨元氣終  
湏歸混沌君不見華堂飲宴樂未央明朝送入  
孤塚傍鴟梟虫蟻兩睥睨曲房舞席空分香又  
不見壯士志氣凌封侯長城骸骨無人收血汗  
河邊赤百里隴水爲之咽不流人生沉迷悟不

早碌碌安能聞至道朝揮玉麈語玄珠夜執牙  
籌棄靈寶短世原無千百年如駒過隙復加鞭  
咲彼揮戈駐殘景扶桑之日入虞淵

幔亭峯

曲奏賓雲與可哀虹橋爛熳宴初開我生若在  
曾孫列醉倒同亭不肯回

王女峯

玉殿遙辭下太空衣籠積翠珮搖紅月明清影  
應聞語不在粧臺在水中

石倉詩稿卷三 掛劍篇

十二

一線天

幾經迷路出方得叩山靈巖竅通呼吸天光露  
渺其古城屯虎穢法劍斬蛇腥洞口聊箕踞清  
風入耳冷

機杼巖

秋雲如練掛巖阿銀漢清宵罷玉梭總為天孫  
離別苦苔痕不似淚痕多

架壑船

千尋巖壑幾經秋問渡無人到上頭但恐風波

隨地有青山何處可藏舟

金鷄洞

莫測幽源別有天金雞啼破洞門煙世人那得尋常聽一度朝昏幾百年

更衣臺

更衣猶記故臺名千載登臨感慨生路遶雲橋孤澗盡壇開天柱一峯平荒苔斷壁龍蛇盡落日空林鳥雀聲客到黃冠驚咲語山深年久廢逢迎

石倉詩稿卷三 謝劍篇

十三

謁紫陽書院

孤松生澗中草木競芬芳窮冬被霜雪誰爲蒼與黃緬彼朱夫子致身乖時王卜向值睽遯山水聊徜徉鐫石表年代註疏研篇章權歌鼓清響曲曲詠滄浪末學起敬肅撫衣入門牆瞻覲企遺像俯仰拜中堂明訓良不易精靈猶未央願得窮至理努力崇輝光

雲窩贈陳司馬

五曲雲深處叅同注幾篇盤分仙掌露窓落隱

屏泉鐵遂山前月丹爐石上煙何如辭漢主長

揖赤松年

登接筍峯

接筍削危石衆山圍蒼屏木梯懸百級突與人面橫運趾遵矩度堅志防顛傾曲脈路徑寸當崖俯深坑鍊纜竭攀援染汗成晶瑩絕巘度龍脊磴淺步復縈繁險旣云逾聊憇仙奕亭喘息甫安定道心還復生野鳥奏深韵虛谷諧遠聲方外多法侶結廬學煉形仙理非虛妄愚者恒

石倉詩稿卷三 謝劍篇

十四

蔽明巖頭有遺蛻千古猶未局取證彼往哲于以薦玄情

題隱虛道士山房

丹房高結一峯西日到中峯暮色低世路涉將回首望艱危先在幾層梯

天游觀

孤峯迢遞鬱崔嵬客自凌風駕鶴來九曲棹歌依水轉亂山雲影接天迴澗邊紫府朝元磬鳥外丹梯禮斗臺幾度步虛探寶籙仙人掌上剔

莓苔

陷石堂

風光疑與武陵同，陷石叢陰路不通。  
犬吠斷雲喧浦口，水流落葉過橋東。  
桑麻已熟蒼茫外，天地重開混沌中。  
莫謂逢秋搖落盡，丹楓千樹勝桃紅。

鼓子峯

松橋石磴路縈紆，絳節遙飛上帝都。  
絕棧橫腰疑入蜀，空山遺骨尚函吳。  
月明影度脩篁亂，風

石倉詩稿

卷三

掛劍篇

七

靜聲傳遠磬，孤一卷玄經。  
功課罷道緣，還有俗緣無。

水簾洞

天際看泉落，何如削玉屏。  
亂飛孤澗雪，平散一池星。  
鮫淚沾衣濕，龍湫掛幙腥。  
飄然澄徹界，遠映數峯青。

贈瓊谷道士

讀罷丹崖玉笈文，水簾風捲落紛紛。  
閒來放鶴高峯立，衣上煙霞屐下雲。

贈和叔道士

來去孤雲控鶴隨，羽衣雲外度參差。  
一聲鐘磬朝元引，吹落秋風白紵詞。

鉛山觀音洞

洞門通窈窕，神技殫雕鏤。  
大士來西土，層巒出太湖。  
夕陽歸樹遠，秋水響潭孤。  
寂靜蒼苔逕，應堪坐結趺。

上清宮

宮觀入清虛，高幡上帝居。  
桂扶丹闕迥，芝產碧

石倉詩稿

卷三

掛劍篇

六

壇踈仙像頌，金詔神銘篆。  
玉書松關孤鶴返，聲動晚鐘初。

脩然亭爲三十代虛靖天師脩煉處

洞房寂寞閉斜暉，八極雲中駕鶴飛。  
澌水妖氛降煞氣，崇寧天子受玄機。  
碧蓮宴罷簫聲杳，紅藥爐殘火候微。  
隻屐有時歸峽口，仙家消息未應稀。

贈五十代張心湛天師

雲錦壇開五百峯，留侯名姓肇仙宗。  
有時圯上

懷黃石何處山中訪赤松  
篆按陰陽飛百鳥  
橫星斗佩雙龍  
丹顏不改初相識  
曾向瑤臺閣下逢

同心湛天師澄湛錦衣女翔道友泛舟

木蘭同泛列仙群  
天外蕭聲縹緲聞  
幾點江青纔過雨  
一重林黑乍歸雲  
遠村松葉燒漁火  
隔岸蘆花蕩水紋  
接引玄都看漸近  
臨流衣帶繞風風

龍虎觀謁天師

石倉詩稿卷三 掛鈎篇

壁竇曾窺五嶽篇  
清林導引鶴翩跹  
千秋公子猶韓世  
一劍神明儼漢年  
鹽井古祠寒泣鬼  
餘杭遺觀夜通仙  
丹爐不見修真者  
流水茫茫入洞天

玉題金榜映瑤壇  
妙號天師正一冠  
山下風雷封秘籙  
鼎中龍虎護神丹  
半巖藥杵春雲冷  
孤嶼蓮花插水寒  
焚得降真煙縹緲  
碧笙聲裏度驂鸞

乾厓

路向山腰轉人從樹杪過  
雖云離水遠亦自得  
泉多亂玉栽玄圃  
踈鐘動女蘿  
臨高發長嘯  
劍倚嵯峨

水厓

丹崖上百盤  
疊閣俯輕湍  
洞火松煙暗  
天光石隙寒  
轆轤垂露綆  
機杼上冰紈  
湖水微茫夕  
陽雲外看

宿飛雲洞

山爲窟穴水爲鄉  
鶴夢相邀到石床  
一點微茫漁棹火  
數聲寥落鳥巢霜  
長天夜色銀河淨  
遠澗秋風玉液香  
十二瓊樓看欲動  
飄然身世宿中央

贈別常演道士

斗大雲房曲水東  
揭來親得問崆峒  
一聲鐵笛蒼茫外  
九轉金丹混沌中  
行炁劍光凌夜月  
步虛衣帶落秋風  
相思青鳥堪傳信  
兩地無勞望斷鴻

金谿道中

滿天煙霧畫屏深  
孤兔荒阡過幾叢  
漠漠白楊遮面雨  
蕭蕭黃葉點衣風  
孤村斷火三家閉  
一水衝橋半渡窮  
門巷淒涼衰柳在  
不堪繫馬夕陽中

輓周先生明府

魂迴難招屈左徒  
傷心忍顧藐諸孤  
龍精帶雨長鳴劍  
鮫淚臨風盡落珠  
八口喪歸扶廣柳  
一官甌破見萊蕪  
不知寂寞高堂下  
尚有青蠅弔客無

石倉詩稿卷三 掛劍篇

十九

長安聞訃客魂驚  
一夜關山挽不成  
夙昔但揮離別淚  
如何能盡死生情  
風前殘燭吹南浦  
雪裏孤身慟北平  
國士厚恩酬未得  
夷門肝膽向誰傾

泉臺寂寂夜湯湯  
永隔音容想像難  
遺囑倩人傳訣別  
相思託夢接悲歡  
花滋憤淚河陽縣  
水嚇游魂黯淡灘  
敢問皇天容訴恨  
獨排閭闔五雲端

白馬驅馳楚國陰  
西州消息半浮沉  
中山篋滿

皆飛語流水絃孤  
孰賞音鄰笛一聲  
聞鴈落墓門千古  
聽猿吟餘生不盡  
酬知己寧但吳鉤  
掛隔林

石倉詩稿卷三

掛劍篇

廿

閩中曹學佺能始著

蒲 吳文潛元翰

林祖恕度 選

曾孫山華重梓

九日集諸子鎮海樓時予將南遊

陽九值令節登高諧所驩列嶂與天並層城鬱

雲連鳴鴈離古塞新衣加故園千林解繁葉萬

戶明朝寒陵谷紛不極霜露被榮鮮迅商蕩薄

景遠燒生輕煙陟巘聊以望滄海何茫然目窮

石倉詩稿 卷四 海色篇

神已傷而况行役牽忽忽飄蓬感中咽不能言

別辭效樂府體

欲識遊子情情深不可測但看遊子顏蕭蕭黯

無色

其二

別情何太長別語何太促非不念相思氣短不

能續

其三

割痛忍相背安能免怨愁淚不落衣裾飲泣在

五內

其四

此比西楚遊離腸愈難禁乃知行役悲不在遠

與近

其五

遵陸無風波行矣節辛苦南天少霜雪無忘避

瘴蠱

其六

男兒慣離獨行行事結束滴盡兩行淚難以軋

石倉詩稿 卷四 海色篇

君轂

其七

君去在海隅莫忘數寄書仰當繫鴻鴈俯當藏

鯉魚

其八

妾有相思憂夜夜到海涯不慮道路遠但慮颶

風吹

出郭別陳振狂振狂將以暮潮解纜發之

九龍

翩翩雙黃鵠矯矯雲中飛疾風一相失奄忽東  
西馳眷此同袍友恩義無乖疑春華不久榮秋  
葉乃多萎念當展行役攬涕從此辭往路何浩  
浩乃在瘴海涯答言別故林與子同一時方舟  
夙已戒利涉臨斯湏斟酌盈觴酒各致平生私  
景光不相戀良駟終難追携手念已遠出門視  
多岐凡影但附形一失俱相離幸言懷明德有  
如渴與饑心為道路樞安得不自知慎哉各努  
力勿負歲暮期終當續古歡為樂猶未遲

石倉詩稿

卷四 海色篇

三

峽口逢陳幼孺

出門識別苦登車愁路長峽口斷地脉南北遙  
相望僕夫停其綏川廣限無梁仰視浮雲馳鴻  
鴈同翱翔方舟未云涉矚險先徬徨道逢相識  
人乃為心旰當上言長相思下言適何方屏營  
周路側原野何茫茫安得盈觴酒與子同酌嘗  
大義亮金石俛仰鬱中腸吾欲展此曲列坐無  
高倡執手指欲別險阻誰相將此水淺且涸離  
憂方可量命不與願俱悲為參與商羨歎雲中

鵠比翼歸故鄉

大田驛訪陳伯孺時伯孺客越未歸

斜陽繫馬訪幽栖古驛門前渡小溪鬼火漸明  
青嶂裏人烟猶隔翠微西涼生遠樹鳴蟬斷秋  
老平沙落雁低何事王孫歸未得松雲蘿月思  
婁婁

漁溪

日落已全暝車驅猶未停亂山霜葉赤微燒晚  
烟青海市雲邊開漁歌谷口腥頻頻顧行侶慎

石倉詩稿

卷四

海色篇

四

勿失飄零

涵江

度嶺還喧市臨江復斷橋孤城雲外鬱雙塔雨  
中遙雁影微清漢漁衣濕落潮酒家應不遠隨  
意乞山瓢

莆

鬱鬱鄉關盡行行異郡 聲音微識別骨肉暗  
驚疎兵火嘉隆際衣冠喪亂餘壺山詠終隱光  
勁客星虛

奉贈陳大宗伯

出處當名世文章自秩宗秘書直金馬  
銅龍俎豆陪清廟冠裳贊辟雍舞千夷  
樂俗生典約隱貞孤尚鵷班散九重鑑  
胡歸浩蕩祖帳別從容初服裁香芰閒  
身任短筇藝蔬甘學圃種木務明農肘  
後雙丹訣人間訪赤松夢惟薜荔氣尚  
耿芙蓉青瑣日邊詔紫泥雲外封尚書  
仍曳屨長樂復聞鐘渭水齊芳躅東  
山儼令踪莫因泉石趣老却主恩濃

石倉詩稿卷四 上海色篇

五

陳子卿招遊西巖

宛曲開羊逕依稀向鹿門碧山栖學士  
芳草藉王孫鳥雀投煙語虹霓映水翻  
亂崖呈異象一澗湧靈源斜日依城轉  
西風引燒喧天寒孤衲寺葉暗古樵村  
塔補危峰缺鐘催薄荔昏遠燈殘兒嘯  
浮島毒龍吞已盡登臨興因寬旅客魂  
九華秋色裏相對倒清尊

集林村度浮湘館

浮湘孤館隔塵喧偃臥難醒楚客魂半  
壁圖書

開碧荔一龕燈火度黃昏鐘聲寂靜風過寺竹  
影蕭疎月在門我亦清癯似鶴相留但可采  
蘭蓀

林邦介招飲池亭

西園清夜美遊閒散盡悲秋作客顏魚影月沉  
青藻底鶴翎風墮翠微間落花聲暗隨流水叢  
桂香幽出小山况值主人留飲劇平原十日不  
知還

俞使君席上聽談夜郎之役

石倉詩稿卷四 上海色篇

六

渺渺盤江路幾重單車愁向古蠻封孤猿啼斷  
雲邊棧列雉飛來雪裏峰萬里長征空博望三  
年薄伐自高宗居民久已思王化遮道來看漢  
使容

其二

箐林焚道獨長驅夢斷西南天外無蠻壘亂離  
三戶少羗城昏黑一燈孤馬食瘴氣中途病鬼  
逐人聲落日呼一曲關山齊下淚尊前相對重  
躊躇



從九鯉而遊者錢林達彭興林

元翰也與余宗漢陳子卿林兆

宗康孟擔諸子率爾而別情見乎詞

曰余山水緣弱齡有深慕勝地方雲遊高賢乃  
星聚各自觀容華因之抒情愔忽就神仙期晨  
歡不及暮紛竟引高旌明月為徒御何君待已  
徐諸子別云適有如黃鵠飛步步展回顧柔翰  
信昨操大藥良可鑄豈必同一穴悟者會其趣  
此理亮不移為交金石固

石倉詩稿卷四 海色篇

七

何嶺

何君嶺上杪秋清服食躋攀六翮輕曲逕脩篁  
稀日到斷橋流水接天平雲邀去鳥微茫色谷  
應歸樵遠近聲今夜不須尋旅宿迎仙館石  
燈明

夜宿迎仙館

扶策入名山幽竒恣心賞嶺路鬱且紆投林日  
已曠脩渚留餘光玄廬此開敞止宿無別駭烟  
霞集吾意以茲流水喧遂致衆山響明月襲其

輝盈盈照帷幌幽人有遐夢夢到羲皇上金  
遶樹號東方色微朗晨起不及炊浩然乃長往

九仙

九仙自何來淮南桂樹族嗜道符趣深履危燭  
機伏軒車義不乘馳騁遵雲轂棄置纓冕華而  
乃返初服長嘯發平臺幽懷結石竺九滌丹旣  
成赤鯉飛云倏

湖間卽事四首

虛無宮闕映瑤京滿岫寒光積翠生雲度菖溪

石倉詩稿卷四 海色篇

八

何氏嶺水流丹竈漢時聲石床苔冷禽來臥芝  
草田蕪鹿下耕已覺烟霞足心賞一區應斷世  
間情

其二

仙源迢遞杳無涯拂樹齊開十月花半壁莓苔  
千古色一村雞犬幾人家珠簾暮掛峯頭雨玉  
箸晴餐洞口霞世路不堪回首望成田滄海日  
將斜

其三

九疊縣崖黯不開白雲遙護誦經堂  
龍宮冷魂難寐鳥雀山秋語易哀  
一片道心澄水月半痕仙掌上莓  
苔步處何處吹長笛無數飛花落  
古梅

其四

古木寒陰鎖石湖臨流隨意坐菰蒲  
鷄聲雲外河清淺鶴夢松間月有無  
絕壁蘿燈當戶碎斷橋煙磬出山  
孤夜闌彷彿天風起九子朝元返  
舊都

石倉詩稿

卷四 海色篇

九

古梅洞

一洞滿秋色蒼然瑤草生幾人天際望寥影月  
中行霧壑通湖沸寒鐘落澗清花邊聞露氣鶴  
睡已三更

宿水晶宮

檻外天河夜不局水晶寒色照孤亭秋虹飲澗  
疑沉彩棟樹疑湖尚滴青薄暮猿聲催急露中  
流鶴影帶疎星游魂却為清輝苦起向松窓讀  
道經

珠簾

明珠亂噴一簾幽倒掛仙人十二樓天雨天晴  
何處捲花開花落不曾收殘虹彷彿飄雙帶初  
月依稀墮半鈎隔斷瓊宮看縹緲行雲神女在  
高邱

丹竈

石竈寒聲繞轆轤白煙一道晝生孤丹成若在  
潺湲裏火候曾經九轉無

瀑布

石倉詩稿

卷四 海色篇

十

石門

遠望玲瓏近若空素華猶似月明中天孫剪就  
霓裳冷雙帶飄飄不斷風

飛鳳

陰陰夾道綠蘿繁鳥外微茫尚有村一片白雲  
深鎖處秋風秋雨不開門

曉至麥斜崙因別諸子

綵雲遙護下丹霄百鳥無聲匝樹朝明月曲終  
仙去後桐花江上冷蕭蕭

曉邊寒色響淙淙夾道花飛露氣濃杖藜湖青  
纔幾里衣雷風翠又孤峰鳥巢密樹聲堪辨鹿  
過輕苔跡未封同到題名先別去天風吹斷采  
芙蓉

### 楓亭

長亭山勢倚岩巖半壁斜陽散采樵野燒輕陰  
遙度水海門喧市乍歸潮蘆花古戍生殘角木  
葉西風過斷橋回首不堪仙路遠馬頭塵夢又  
今宵

石倉詩稿 卷四 海色篇 上

### 溫陵

路連山路城門控海門島船秋更急沙鳥暮  
能喧落葉樵蘇逕刺桐風雨村素衣塵變盡聊  
以濯清源

### 南安

涉郊猶不遠望邑已依然橋午雞聲外城秋馬  
色邊薄霞遙散彩古木澹生烟漠漠懷賢思摩  
崖九日巔

### 與袁伯益

我行如萍草隨風浮以沉忽值在他縣良緣諧  
所欽饑渴固自昔纏綿幸復今眷言有美酒聊  
以展酌酣中情不亮察各各開重襟夫君鬱自  
愛民社紛而任武城非絕響單父有遺音明德  
處令世無爲憂滯淫

### 吊周行人之舍人

唯唯和書周大郎少年起草觀明光天子召對  
賜顏色酒人和歌輸肝腸馳馬不讓列侯道闕  
雞爭勝少年場恃才橫行取衆忌橋首遠遁歸

石倉詩稿 卷四 海色篇 上

故鄉白玉爲堂紛掩映黃金刻桷鬱輝煌座上  
履填平原客房中樂作邯鄲倡錦障繡被春相  
麗寶距銀燈夜未央行樂但知心性滌沉醉不  
問頭顱蒼奄忽魂遊如逝水消搖物化若朝霜  
華筵顧曲不可得蕙帳遺令猶相將胡我三秋  
託蕭艾而君長夜成參商撫琴無聲增歎息入  
戶吊影空徬徨斗酒酌向九原下一劍掛之孤  
塚傍今辰何辰哀氣集秋風瑟瑟生悲涼

### 同安

歷盡三安路瞻茲百里封瘴雲吞獨馬海  
雙龍菑舍生烟冷松門返照重漫云秋色欲落  
葉尚遙峯

章

十月尚絺綌不知寒見侵落霞城上綺垂橋路  
傍金夷使迎哀詔番僧繹梵音今年聞海沸  
那得息氛侵

芝山

孤峯遙隱利峻嶒夾徑西風亂落藤祇謂此天

石倉詩稿

卷四

海色篇

七

多瘴厲豈知幽壑注寒外潮生潮落通西國雲  
去雲來度異僧暝色上方深鎖合翠微迴望閑  
疎燈

飲張光祿池亭

辟疆池館絕塵寰漸老芙蓉尚可攀槎影月明  
移水石笛聲風細度閑山天邊急浪鯨吹起海  
上孤雲鶴曳還不倒濁醪拚盡醉客中誰爲破  
愁顏

擬古

有美一人顏如舜華伸儀皎日縱橫  
瓊玖被服綺羅盈盈房屋耿耿咨嗟慕予寤寐  
授意匪他惠遺彤管悅懌孔多願言秋蓬託愛  
春花昔戒行露今詠漚麻執手偕老興歎晤歌  
清漏未央起視明河今夕不樂奚慰蹉跎

青雲洞

片石爲闢勢欲崩蘿懸危徑度猿升洞容太古  
無脩飾元氣渾成自鬱蒸孤獨園中千樹橘牢  
尼珠裏半龕僧披衣覺得幽香蒲曉日曇花露

石倉詩稿

卷四

海色篇

七

尚疑

哭黃霖伯

霖伯余同門友也以大行 冊晉役竣  
卒于吳江吁嗟萬里歸人故鄉未達三  
秋良友異路攸分不勝惻然矣於是用  
申四章哭焉

未央卿 命去河汾消息何期不可聞震澤月  
明人汎汎吳江楓落淚紛紛九重已達天邊詔  
千古應脩地下文窮海招魂空有賦西風吹不

到夫君

其二

良友其如隔死生肝腸一片向誰傾馬嘶已斷  
長安道筑擊空寒易水聲形影有時窺彷彿夢  
思中夜託精誠隙駒人世何須問感激由來萬  
古情

其三

朔風吹急雁分行目極雲天恨渺茫袖裏尺書  
溫不滅斗閒孤劍鬱無光游魂雨暗山陰道枯

石倉詩稿

卷四 海色篇

十五

骨霜淒禹穴傍我也巨卿應有約素車白馬過  
衰楊

其四

白日蕭蕭黃葉飛哭君悽惻欲何依半生牢落  
心猶壯一代風流調已非童僕誰收身後草妻  
孀空啟篋中衣行歌反得羣憂集客裏天寒獨  
掩扉

至日

綈室灰飛夜正闌東隅日出向南端茫茫短歲

催將盡脉脉微陽返未安梅柳漸看迎律煖衣  
冠猶記退朝寒客愁況感悲風入感發長歌行  
路難

同何穉孝儀部謝脩之明府李與熙陳宸  
甫孝蕙諸子游歐陽行周石室

數峰迴合洞門前古篆蒼蒼不記年林密乍當  
雲鎖後橋危多在水流邊孤鴻忽去衝殘雨一  
葉何來帶遠烟野暝更須留此地竹窗藜火任  
高眠

石倉詩稿

卷四 海色篇

十六

明日遊彌陀巢雲二崑風雨大作

佳會信匪常良遊亦多患零雨載其途亂流奔  
在澗巖嶇陟崇阿詰曲升絕棧俛仰戒沮洳厲  
揭濡衣欄川響備洽瀏峰形恣變幻太宇徐復  
清顏光忽適晏物象近欣私滄洲遙顧盼雲破  
出孤城天空飛一雁

曉天上人索贈用其法名

閉閤不使世人聞香氣依微手自焚覺後禪心  
誰可証一天初曉淨無雲

夜宿蘭若卽事

禪房幽夢覺寒侵起坐胡床擁衲深側耳空山  
清籟寂月中涼露滴珠林

半嶺宮

登高復視下半嶺入清幽石境蘿陰轉緇衣雲  
氣流猿悲猶帶雨雁老已辭秋漸覺寒聲近泉  
飛到杖頭

清源絕頂

重重澗道入雲登忽接空香最上層松下輕烟

石倉詩稿

卷四 每色篇

七

埋斷碣塔中殘照送歸僧遠江蛟吹千帆雨絕  
壑孤餐一片冰衣帶天風吹落盡危欄蕭瑟不  
堪憑

百丈盤望海

百丈之石何崔嵬神明劃布崇山隈天地拓闢  
方員開環中羣象森昭回仙人巨掌生莓苔猿  
鳥攀援疑以猜跳望大海臨高臺衣襟之上飛  
沿迴浮雲鳥嶼鬱如疊神山出沒皆蓬來罡風  
冥冥吹可哀奔突猶驅鐵騎迴邇歲鯨鯢苦爲

災安得樓船下瀨才蕩除萬里無氛埃丈夫功  
勛亦奇哉

贈別穉孝脩之與熙宸甫諸子

溫陵數子何太奇大雅無聞力昭揭儒術坎壈  
聊復貧宦情嬾慢由來拙邇年結社石之巔洗  
耳寒泉表孤潔沆瀣聊供藿食資薜蘿堪把山  
衣結我也閒從方外遊手持竹杖尋仙列尺  
書青鳥忽云飛片榻白雲遙已設攀躋最惜風  
雨朝亂徑人踪杳幽絕衝寒濁酒盡復傾投暝  
石倉詩稿 卷四 每色篇 六

山下口占

鳥下寒林寂不啼上方鍾磬過橋西夕陽已沒  
山陂路一片溪光遶馬蹄

歸興

夙昔戒征騾今茲理歸轂行止信靡常景光亦

云候雞鳴促晨征寒風吹謾謾客子不能寐  
香館幽郁晷短迫程途瞻言中夜宿逆旅舊主  
人問我顏何熟州邑日以親音語日以復祇恐  
投家林反爲遭局束

到家

三月事少變心驚問漸舒燈留愁嬾淚案積故  
人書海色驅衣後梅花入夢初春來更北發那  
得久停車

歲暮歎

石倉詩稿卷四 海色篇

七

滿堂颯颯寒風入白日無光吹去急生事蕭疎  
歲事紛披衣長歎百憂集八口苦寒仍苦儉木  
皮難綴榆難拾出門坎坷歸復貧衝泥何處堪  
踣立邇來移寓城之傍舊屋頽垣不復緝井上  
青苔生滿欄蛛盤冰結無人汲卽今羣盜叫四  
方千戈滿眼何時戢采金中使日頻仍縣官道  
路愁供給吾閩水旱雖暫紆覆巢危卵虞終及  
丈夫生世何不辰燕雀高飛龍蛇蟄

送鄭知事之蜀

暫爾歸仍去征衣未拭塵蠶叢行候火猿峽過  
沾巾祿薄奴從懶官閒吏苦貧西風吹短鬢又  
逐歲華新

其二

豈不念行樂重爲王事牽夕除何店裏春到故  
園邊路更過三峽人須老一年淒涼盤嶺夢正  
及子規天

初度

壯志惜年光愁從初度長土牛春遶縣蟋蟀夜  
吟床伏櫪存千里懸弧在四方劇悲慈母逝君  
食未能嘗

石倉詩稿卷四 海色篇

七

石倉詩稿 游房山詩

約陳道源參車游房山

予喜陳參軍平生見懷抱一官不得敗留滯長  
安道道上空悠悠誰憐君已老子亦風塵中相  
逢自傾倒不向酒家胡但指青山好

蘆溝

都門出入頻此度少風塵行色閒如我春光近  
看人村村社鼓急處處酒帘新爲欲尋幽去橋  
邊別問津

石倉詩稿 卷五 游房山詩

房山

上元  
夜作

夢寐何曾及經過忽自猜迷途真浪出靈洞若  
驅來雪色明斜日雲根窅蟄雷孤城環步盡不  
離此山隈

月色閒臨道人家但閉門京華百里近燈火此  
宵繁汲避龍吟澗眠防虎度垣相携寧暫捨淒  
阻異鄉魂

山路雜興四首

路訪居人遍驚言未到時老翁爲同導瘦馬任

驅馳野樹懸水溜茅茨壓石皮幾村由姓著  
語至今垂

瓦井尋何處沙溝苦欲崩斷碑猶有寺乞食卽  
無僧山勢開仍闔天光降遞升平生懷勝癖遇  
此乃飛騰

客到孤山口山家勸客休菓筐年事設茶盃冷  
烟浮穉子遠來看此翁何所求因悲在城市相  
識也悠悠

磊磊踏危石泠泠見碧潭不知身薊北宛已到  
石倉詩稿 卷五 游房山詩

江南淨色沾睂喜清流滿腹貪窮源逢側壁智  
者結爲龕

上方寺

懸崖無地車馬絕石級層層昇險躋梵出寒林  
行尚遠泉流水窟聽初迷化城直向雲邊起禪  
室應從鳥外棲爲問洞天何處是前峰猶矚上  
方低

斗泉寺

經冬草樹已蕭蕭尚掛青松百尺條斗大一區



泉不涸天高孤嶽雪難消壇前跣度當山瀑洞裏音聞卽海潮不是菩提深受指誰應此地伴僧寮

雲水洞四首

探幽來此日鑿竅識何年秘府元殊世層局已斷天莊嚴成古佛縹緲卽飛仙潭畔雙龍戲明珠故自圓

容身無剌處空濶轉難窮樓入穿花麗臺臨說法崇千重雲氣繞幾道水聲通豈有防妖劍潛

石倉詩稿

卷五

詩房山詩

三

行地肺中

山靈煩構思役鬼運風斤布置林花勝生成鳥獸群幡垂無影見鐘叩有聲聞觸目皆奇石玲瓏玉不分

僚盡促歸頻風光出洞新此身纔屬我餘興更沾人乍覺日初落翻疑夜向晨茲游如夢裏記臆未全真

石經寺

鬼戕千地剎迢迢幾林亭是界應居佛空山信

有靈火龍潭內赤慈鷺嶺頭青不構嚴爲室遙臨石作局鐘聲虛度漢旂影濕飄星貝葉翻三藏刀錐付五丁參差封列洞隱見矚疎林善護中宮勅留題歷代銘指心因見法觸景但聞聲卽此皈依切奚須物役停還持舍利子普照世途真

還自房山悼殤女二首

室謫予安免途亡爾最悲語言猶不解緘藥竟誰施花向春前落珠空掌上持關情憐乳媪側

石倉詩稿

卷五

詩房山詩

四

側下堂辭

寸骸遺北塋不傍我南遷累土聊成塔題碑自記年幾家村路側古木寺門前白首言歸後情猶向此懸

石倉詩稿

藤山看梅詩 辛丑

閩中曹學全著

曾孫岱華重校

問陳振狂梅花消息

南郊之外東道主信宿不煩惟有汝茲冬十月  
予乍回相期猶趁菊花開須臾不覺歲欲暮又  
值山山吐早梅梅花雖隔江之水却較城中應  
甚邇憑君走覓須月功消息由來日不同未曾  
放破羞言雪直到開齊恐着風延頸望君有書  
報屢未出門心在道

石倉詩稿

卷六 藤山看梅詩

渡江曲

渡頭艇子來雙雙四面臨空不作腮浪把酒錢  
拋一半倩他擺過白龍江  
水沒沙洲船壓潮看時雖近渡時遙藤山一片  
斜陽影落在江中萬壽橋

藤山

看花必逐節節往花自衰茲物有至性恒與霜  
雪偕而我歲寒友歎賞詎相違一馳尺素約好  
事紛然來渡江戒舟楫藉艸陳尊壘林檎應無

暇徑曲步屢疑鴻鴈自北至驚叫聲忽哀貞心  
寂何寄良在擢素枝

南禪

南禪山自好寺廢有名存斷壁藤成字危松石  
作根地連王殿古徑轉妓樓喧便復無人到閒  
雲掩幾村

同沈從先陳天中弟修借宿林氏別業次

日徐興公陳汝翔至又次日陳宿儒至

石倉詩稿

卷六 藤山看梅詩

二

空館寄閒身情深見主人喜于城市遠直結梅  
花鄰弟友各來處後先無定晨園邊且試步隨  
意插盈巾

下湖

此地曾分上下湖于今湖水已全枯村稀轉自  
成林密境僻真能得種殊根結有形全老太光  
生無際但模糊相畱信藉花爲主潦倒田間自  
酒壺

高蓋山

高蓋山真侶蓋亭亭徐女當年學鍊形極浦潮來

千樹白蓮村雲斷半山青鶴巢歲久移何處猿  
嘯風高入杳冥信有瑤池在天上應知此地曾  
仙靈

寺中訪僧不值見其壁上懸有洞簫作此  
欲知蘭若邈如何數畝梅園亂踏過寺向此中  
安可少人于方外更無多空香故逐鐘前落幽  
然寧勞笛裏歌試擬明珠千萬斛未分沙數在  
恒河

花下初度

石倉詩稿卷六 梅詩

三

主人懸弧辰幽壑梅花吐携酒與客飲欣然道  
平素憶自少小時舉頭不及樹只貪繁華樂邨  
解寂莫趣比長遠出門南北無恒寓歲宴天凝  
寒不與花相遇虛生慚碌碌二十七回度幸得  
歸山中幽期兩無誤興卽花下酌醉卽花下卧  
清福不易居造物亦多妬明年此日來未知信  
何處

振狂病中携潘黃王三人至夜分而別

力疾投山館支床耐石橋客携俱不惡予喜浪

相招列坐陳瑤席深更度玉簫忍分松際月隨  
爾隔江遙

梅花詩十首

嫩葉開全未疎枝吐忽新鴈飛猶謂雪蜂戲浪  
成春太素難爲色空香不受塵漢宮傳剪綵若  
個獨誇真

若取佳人比應須絕世稱月明粧未竟風悄力  
難勝笑自千金索愁緣一曲增試看玉壺裏莫  
辨貯清水

石倉詩稿卷六 梅詩

四

五出紛無數天孫費剪刀竹邊疑傍笛松際信  
生清江水浮湘早閑山度隴高儘堪文士詠何  
必然離騷

身入藥珠宮居然擬素封夜枝堪繞鵲霜榦可  
如龍的的明流水盈盈對遠峯藐姑射仙子于  
此忽相逢

臘已相將破春應遠逐歸人波魚目亂侵月兔  
毫稀步步縈珠履飄飄濕羽衣君王曾賜姓承  
寵自江妃

乍入印聞香，於久後忘。渾如金粟界，一吐玉毫光。莫分荀令粧，宜點壽陽卽。今佳處，說見雁梁。

憶昔在他邦，逢人問綺牕。後先真隔歲，南北自分江。韻勝名堪獨，枝欹影作雙。誰家怨寒夜，有淚落銀缸。

大造豈私稟，衆芳誰與羣。質癯偏肖我，交淡故尋君。東閣懷人地，西湖隱者墳。不堪供俗眼，苦向一枝分。

石倉詩稿卷六

梅詩

五

春日遊靈谷家來臥故園，一年能再賞此度更銷魂。香密難分寺林迴，屢換村野禽窺乍散猶自露苔痕。

夜來風色惡，強半惜枝頭。箇裏吹將急，尊前別更愁。夢回恒庾嶺，興動自揚州。流水空山裏，吾將老一邱。

夢徐惟和

徐生素有煙霞癖，歲歲尋梅穿兩屐。人亡柰與花相辭，千樹梅開爲誰白。梅林昨夜夢君過，問

我今年花若何醒來語君君不見明日看花淚獨多

得張林宗信

詩中有兼訊從先語故答及之

十日山中飽看梅，別君愁恨乍能開。相思未寄南枝去，數字還傳北使來。予已高眠白玉枕，誰堪携手黃金臺。閒居祇爲題詩瘦，却傍休文空自猜。

除夕前二日同從先惟起過法海寺

舊廢今復

石倉詩稿卷六

梅詩

六

歲除雖逼興翻長，得過羅山舊草堂。片石畱題看，蘇破空門燒却辨。灰藏幾竿修竹迴，僧影兩樹殘梅傍。佛香人世不從游，灩海浮沉真自苦茫茫。

人日谷振狂落梅信且嘲予不出城夢見

詠梅詩十首之作

思看梅花再出城，乍聞梅落不勝情。馬頭轉覓寒林路，但怯風前遂一聲。

問汝開時纔去月，報余落處忽經春。梅開梅落

關心事城外城中只兩人

詩未成時花已殘催詩萬點在闌干數篇也  
相酬薄未必能如夢裏看

後集卷六

卷六 詩

續游藤山詩

同趙司理仁甫葉少宰進卿集陳振狂三

棄堂

聞君秋老拂涼磯我亦長征乍得歸殘菊有花  
當酒椀古槐無路到松扉天涯芳草誰堪戀  
昨青山共不違醉向寒江覓鷗鷺詎由今日始  
忘機

答陳幼孺

一官不稱意到處得窮游行李問何物烟霞應  
石倉詩稿卷七 游藤山詩 一

遍收不堪贈親戚祇可誇朋儔善病文園者聞  
之當破愁

月夜林子真園中共坐

去歲金陵道獨先與君別清溪明月中流輝照  
嗚咽茲喜復相見故園月如雪徘徊詎能已于  
馬散鬱結鬱結者爲誰斯人非我與月明聊獨  
看夕晦亦疇語我子歸有時不辜此延佇歲寒  
維勿睽爲樂固其所

送永州游太守

子歸雖甚緩猶得送夫君迢遞三湘路踟躕五  
馬群淳邦應少訟高卧但論文最好相思夢翩  
翻入楚雲

趙仁甫芝園開社分韻

有山能傍舍因以割爲園松樹半幽壑藤蘿皆  
古垣夕陽散霞采明月切霜痕頗喜從茲集應  
添勝事繁

賦得何不秉燭游

華星鬱參差明月何皎皎逸思猶未央樂方尚  
石倉詩稿卷七 游藤山詩 二

遺巧柱上九微焚庭前百枝燎開尊映浮蟻入  
林動棲鳥廣坐留上賓曲房微竅窈窕金谷障既  
周西園益方遶何能坐惜費物外營纖眇一夕  
歸黃泉千古寧復曉

霜月

素華圓魄未應殊遙入寒空定有無團扇輕紈  
纔製漢隻輪飛駟乍歸胡鳥驚曙色渾難宿貂  
迫秋毫漸欲濡青女嫦娥不相妬深更堪慰夢  
魂孤

約探早梅

梅花開不遠走竟是何時莫使山禽見飛來無  
客知

阮司理堅之荷齋招陪唐明府美承仍同  
陳惟秦馬季聲王粹夫徐興公分得星  
字

燕市相逢俱馬首故鄉招宴自公庭漫云細雨  
能妨月宵信今宵匪聚星牆外榕陰何歷亂座  
中燈火鬱青燐論詩正值能同調對酒誰當忍  
石倉詩稿卷七 三

美承過西園叙別

以君來上計偏值我歸家良晤不如此相思應  
未涯小園虛夜月殘燭作冬花但願明朝住悠  
悠行尚賒

病中登平遠臺再送美承

天畔平臺倚城高祇似垣忍看征路迥寧使暮  
雲繁突兀松連石微茫江復村登臨扶病裏况  
乃別離魂

雨集吳客軒懷沈從先

東軒別一歲花木近能幽忽以接高會因之懷  
舊游池亭杯細把蘿幔火深篝雨集仍雨散瀟  
瀟長夜愁

送楊觀察還四明

東越幾千里浩然方拂衣鑑湖遲夜色雪竇澹  
朝暉跡登蹈滄海人猶看翠微歲寒牽別思惟  
有掩荆扉

之芋原送楊公因先過保福寺尋梅

石倉詩稿

卷七 蘇州詩

四

古驛行未到空門日云斜今朝送何客寂寂看  
梅花

再到藤山看梅四首

山形詰屈似番藤不待攀援信足登此山漸入  
游人耳結伴看梅我輩曾

炎方無雪記年豐夢覺還驚望處同江潮欲上  
浪花白梅葉開齊烟靄中

寥寥犬吠卽仙家幾段林園澗曲賒何事山中  
稱絕景松梢平處見梅花

草閣幽香署玉麟  
花開花落向冬春  
巷前幾樹垂垂老  
昔日來看尚怯人

阮司理堅之同諸公到梅塢

梅塢深無地  
花開始著霜  
伊予獨心賞  
亦覺世情忘  
好事群公接  
言尋大阮狂  
入林惟所適  
問徑屢相將  
松際傳杯好  
山中吹簫長  
白雲迷舊隱  
素艷出新粧  
谷迴留明月  
江空半夕陽  
酒酣歌吹發  
歸騎夜蒼茫



石倉詩稿

玉華篇 辛丑

閩中曹學佺著

姑蘇沈野閣

曾孫岱華重梓

元日

辛盤辛歲巧相關春信猶遲兩日間徙宅乍能  
臨曲水登樓先自見青山人情祇好分新舊俗  
禮堪嗔費往還本是腐儒甘拓落夜來無夢到  
朝班

迎春

石倉詩稿

卷八 玉華篇

一

綵仗青旂列出城春風霽色遠相迎馬從太守  
分驂去牛向前王乞土成閩中郡土牛必於閩王廟前乞土始成故  
云 匝路管絃喧自細隔簾羅綺暗還明聊從勝  
地浮香蟻還入芳林問早鶯

送女載三叔之橋李

椒花初試酌橋李遠將行總爲貧家役何如薄  
宦情雲山春度馬江樹早啼鶯漫逐蓬根轉還  
尋竹下盟

人日登城西山

新歲纔能此振衣喜於人日見晴暉隄邊曉露  
繁芳草湖上春波湧翠微好鳥欲鳴高樹盡寒  
梅猶傍短牆稀匣絃恰入韶光思携向青山試  
一揮

答陳七落梅消息且見夢詠梅之什

直爲梅花遠出城乍聞花落不勝情馬蹄更踏  
寒林路莫問風前遂幾聲

問汝開時纔去月報予落處忽經春梅開梅落  
關心事城外城中只兩人

石倉詩稿

卷八 玉華篇

二

詩未成時花已殘催詩萬點在闌干數篇祇愧  
相酬薄未必能如夢裏看

上元夜平臺眺望

今夜看明月春臺思轉孤佛堂起鐘磬人境亂  
笙竽車響遙通谷燈明可辨衢城村竟相接製  
度孰能殊蜃吐還羞彩龍升欲闢珠莫言凋敝  
甚猶不廢歡娛

鄰家失火歎

今年元夕風光新燈影家家映水濱三五之夜

月如銀正轉河橋一曲春青帝布令赤帝嘆東  
家不能戒徙薪燒林照天火樹真河中魚龍皆  
赤鱗路傍聞之愁殺人策步欲歸翻逡巡反風  
滅火造化仁震不於躬於其鄰親朋慰勞良苦  
辛風雨可蔽何愁貧寶劍驚看猶在身書帙散  
亂難重陳出門徙倚淚沾巾明月蕭蕭飛暗塵  
乍看寶騎擁雕輪煞時鬼哭來問津

水口驛聞蛩

古驛掛遙岑桃花出竹陰如何春草裏亦有夜

石倉詩稿

卷八

玉華篇

三

虫吟小物頗愆候令人增別心客舟何處泊逐  
澗遠相尋

茶洋見松樹

可惜山中業今沾驛路塵枝堪作羽蓋根任輾  
車輪野鶴少閒夢老龍多斷鱗樵歌不忍聽日  
暮轉傷神

重遊梅仙山

有引

山爲漢子真修煉處丹井尚存有碑闕  
其半郡之人不識也丙申歲余披榛而

入賞其有古趣越五年郡丞宛陵梅公  
乃祖德是念勗興臺榭於是金碧在翬  
薈中而游人之趾相錯矣予喜作一律  
貽丞

一別清都夢寐頻重來結構喜全新穩凭草閣  
千林暮盡眺芝城二月春空谷向惟招隱士青  
山今復見遊人使君故是神仙裔始信逍遙吏  
隱真

范太學宅小集

石倉詩稿

卷八

玉華篇

四

半畝名園足隱居四方奇石供庭除辛夷架上  
猶含藥枸杞盤中乍作蔬春日建溪多美麗晚  
雷微雨轉蕭疎歸來孰辨沾沾色借得青細幾  
卷書

酬謝令

泰山鴈宕我所思謝客爲官兩值之文章信乎  
有神助造化無乃偏爾私天末故人斷消息年  
來多病常栖遲相逢此日不道晚一笑把臂看  
新詩

雨發

端居僧舍寂不覺晨鍾鳴遠岸看煙色踈蓬聽  
雨聲天容橋作帶灘設石爲城但遇游情愜偏  
令百慮輕

遊梅嶠大雨放歌

梅嶠梅花開已過嶠頭之樹猶青青千樹萬樹  
不在曠野中居然穿岨盤磴掇蒼冥我來仰攀  
樹之顛坐看溪山冥漠天終朝候月反得雨蚤  
起稍晴遊興堅誰知滂沱淫溢不得住登時干

石倉詩稿

卷八 王華篇

五

尺瀑布成飛泉飛片片落洞裏洞中潺湲瀉  
流水水流直到平地上平地更有青山起吁嗟  
山中去年得意在看梅那得有此山崔嵬山崔  
嵬直待梅開我復來

重遊歸宗岩三絕句

當年渡頭天吼雷遊興粗豪不肯回今日指君  
過此渡千峯又是雨中來  
塵世深山境不同茫茫消息若爲通老僧問我  
別來事已過六年如夢中

聽泉閣中泉不鳴徘徊幾度不勝情山僧云得  
十日雨便指嶠頭春水生

美人夜讀和沈從先

誰道阿嬌屋不是子雲居分籤映瑤席明鏗媚  
綺疏指纖紛散帙眉顰深校書密析無分士成  
誦纔辨妹淺黛凝爲墨微津損作朱始音叶寶  
瑟終卷換薰爐是欲遲就寢非爲急名譽

香奩四詠爲沈大賦

桐箋

石倉詩稿

卷八 王華篇

六

門前陰乍減井上墮初繁拾來念飄泊題罷學  
飛翻穿多字欲雜紅甚淚無痕風吹入梧子幸  
自惜同根

雪裝

留君恨日短別妾怨宵長香殘羞引帶刀冷強  
縫裳冰合猜河絕雪滿願途藏兩頸不相抱凍  
殺雙鴛鴦

雨夢

望夫如望日難遣此時晴絲飄添緒亂珠滴雜

啼橫愁中不共聽夢裏只單行但須泥去路切  
勿滯歸程

月返

破鏡飛天上銀鈎掛帳傍促塗猶冒暗停鞍已  
就光臉側乍迴妾影動正疑郎照悲復照喜憐  
隻更憐雙

永安寺苦雨十六首

谷口歌聲起飄然落碧虛永安有古寺兩度好  
愁予早被微名累春慚勝事踈眼前岐路滿一

石倉詩稿

卷八

七

雨任教除

出門已不慊到寺賴能安飯後迴廊散愁邊小  
圃寬關情谿水急對面嶺雲寒自笑猶多事何  
言是宰官

吾喜看余今游心向太空眼花杯酒底頭白客  
途中社作三山長門仍五柳風每於泥濘裏策  
杖過禪宮

河上居偏得樓頭山色來臨流老榕喜宿雨落  
花催數日無書報連宵有夢回身輕雙鶴似一

寄步蒼苔

不住有何適濁泥云在途食猶貪笋賤看只到  
松孤伎佛村民聚論詩土著無晚交惟謝令惠  
我鴈山圖

社日未看燕何言傷海涯計應春已老莫是雨  
來遲寄食寧愁遠爲巢不避危我生同子命閒  
暇一相思

暝色深如此吾心愁若何風雲竟奚用沾濕苦  
應多處處山成幔行行人荷蓑浪占互照喜明

石倉詩稿

卷八

五律

外

發乃滂沱

昔日曾遊處閒來續一吟山川宛在目歲月已  
驚心最是奇相扼雖多險必尋同行推鼓勇自  
覺勝如今

常聞玉華洞再到武夷山積石陰能白連厓敞  
復殷但成隱者宅何事神仙班中路猶空返吾  
緣信太慳

晦翁雲谷記讀罷自依依谷似傳人響雲疑沾  
我衣耕桑聞頗密幽曠覺仍稀雨後翻思往看

泉百道飛

老衲悲何處談詩憶上方新墳曾作塔遺影尚  
懸堂師去自無語客來應斷腸一巢煙雨裏春  
樹晚蒼蒼

春色亦不遠還從何地求淒風兼冷日是景颯  
如秋候煖憐胡蝶隨波羨水鷗無端寒食近又  
送一番愁

幽處携棋局貧來擲酒錢兩巖圖合作五字理  
堪研著趣皆成累安排不是禪庭前媚人眼遍

五言寺高

卷八

玉華篇

九

地野生蓮

漏轉五更急雞鳴幽曙分悠悠常不寐歷歷飽  
相聞野曠漸清籟被寒多白雲起來輟梳沐禪  
誦且爲羣

聞道山中客無期盡入城遙憐渠有會偏值我  
先行興極燈前走談虛竹下盟喧喧噓百舌那  
得接新鶯

小發孤篷駛新流百尺加高深如下峽信宿可  
還家樹色團蒼嶺潮聲走白沙門前看河漲魚

釣足生涯

舟發建溪之玉華

一月閉門蕭寺雨今朝移棹滿溪晴春來草樹  
看皆老霧後山川喜再生舟遠但如鳬鴈去灘  
高不辨馬牛行延津故是還家路游興綽綽動  
玉京

延津八詠和楊太史

九峰月朗

只有一明月更無纖塵埃芙蓉片片影來向水

石倉詩稿

卷八

玉華篇

十

中開

三寺雲深

雲深不見寺遙望何空濛隱隱鐘聲起知有僧  
住中

龍津春浪

春來羣動起況乃雙龍精潭深不可測吹作與  
雲平

猿洞秋風

豈惟猿嘯苦聽之亦足悲只在秋風裏兩腸俱

時

中峯瀑布

誰家掛匹練在此千仞巒風剪斷仍合日照濕  
不乾

黯淡洪濤

如何舟下灘不見彼舟子濤正射人頭舟更穿  
石齒

梅山朝旭

亂山梅花白看與雪何別日出不會消是花斷

石倉詩稿

卷八 玉華篇

十一

非雪

演麓晴霞

山勢何窈窕霞光映其上如遊金谷中十里錦

繡障

王臺驛

俗傳爲越王葬處一名劔谷

仙路來應遠王臺迹已賒入春楊柳樹漬雨杜  
鵲花谷口故藏劔馬頭時轉桢每逢幽僻處遲  
坐日將斜

將樂道中

雲日黯無色枰欄深作寒斷流編筏渡高嶂指  
亭看溪鳥去仍息岩花白復丹尋真當不遠行  
路詎知難

寒食遊玉華洞四首

采玉乘春好披圖到夜闌倒衣不及寐躡磴一  
爲看洞暗雨何識食寒霞可餐昔人題刻處盡  
剔紫苔殘

谷口風吹急人間路信分乳垂直到地流出忽  
成雲峽迴樓臺見岩虛鐘鼓聞此中餘大藥願

石倉詩稿

卷八 玉華篇

十二

叩玉華君

鴻濛白可憐千古不成玄漫禁洞中火如逢縣

上田功終歸造化事每託神仙片石平於掌聊

當此醉眠

洞有仙竈仙田甚肖

彷彿五更後人窺白玉窓天光射絕壁月色滿

清江水似漏聲盡峰疑樹影雙丹梯一迴顧幽

意愈難降

清明過錢嶺

雖過嶺外尚聞天迢遞雄關斷復連驛路但爲

山勢轉仙都還擬石梁懸岩頭上古無花樹  
裏千尋到地泉是日晴光堪騁望幾村楊柳起  
新煙

滴水岩歌

岩有蓮花池鰲梁天柱鐘鼓明  
月飛龍墮猿諸勝

孤崑峻嶒向天起岩裏陰風吹滴水倒垂石乳  
如蓮花朝朝水滴花不死我來飲水清且涼巨  
鰲竝立成危梁千秋萬歲鰲飛梁斷山亦裂安  
知此水不爲大海流汪洋璇宮愁兮玉殿苦支  
持不得三天柱何人更擊石鐘鼓一輪明月浪

石倉詩稿

卷八

玉華篇

十三

底翻又有別出入世之黃昏蘿葛飄飄離本根  
攀援無力愁墮猿神龍變化飛上天獨乘雲氣  
以蜿蜒吁嗟乎鯨鯢之腹腐肉朽骨相周旋君  
不見真僧一夢萬事畢岩沒崑開如一日

小玉華

有驛卽名此

玉華有大小予得兩看之拔起桑田上驚翻馬  
首時入門如不盡置驛詎相宜寄謝路傍客成  
仙安可期

清溪與林子真詩四首

去歲梅林裏聞君忽掛帆居然不及送微寄亦  
無緘偶發看山興來過滴水崑因之一相訪百  
里入松杉

寂寞逢予到明鐙坐竹窓弟兄能再會父母尚  
茲邦漏急論心盡床連作夢雙依依何所似鷗  
侶泛清江

湯約來時早愁緣積雨垂歸舟乘霽色走馬入  
雲涯信矣芙蓉郭蕭然苜蓿齋出門多不愜茲  
已散幽懷

石倉詩稿

卷八

玉華篇

十四

昔日垂髫友而今忽矣髯喜看詩草就不放酒  
杯添夜靜聞溪遠山空見月纖寧知此地會已  
有德星占

送裴司空之金陵

強起東山分莫辭遙臨南國道逶迤寢園松檜  
俱千尺原廟衣冠自一時銀海卽今春浩蕩御  
屏何日錦參差 祖功好作重光詠藝事寧煩  
數進規 是時有勅南司空製錦御屏費至十數  
萬難以卒辦故云

漁滄亭同子真作

我來患睽獨惟子爲好仇  
禊事期云愆於茲亦可修  
危亭俯溪上溪水傷城流  
白沙映如玉綠草披若油  
濯纓垢既逝行觴數亦周  
漁父不可見垂釣空滄洲

林四到清溪館爲別

寂寂清溪館門前水自流  
片雲無此夜涼月信如秋  
別淚橫杯裏山光動馬頭  
爾須奉親好不必起鄉愁

林四又到東郊遊伍氏園林

石翁詩稿

卷八 玉華篇

一五

山水興已盡友朋情未休  
雖然戒車馬依舊入林邱  
今日不意住昨宵空淚流  
歸途有佳趣還爲寄書郵

上東華山

此縣登臨處東華最有名  
欹斜幾亭得下上諸天清  
暗數峰連樹坐看溪遶城  
鐘催不識暝片月遠林橫

遊廻龍崑

有興出小嶺數里疾於風  
岩以龍廻勝橋因虎

渡雄溪光分表裏林氣薄  
虛空已見荒蕪甚無人住  
此中

三月十五夜宿高氏祠堂

高氏祠堂掛碧霄尋泉看  
竹到來遙岩花老已知何  
代春月圓惟見此宵自有  
好山長作主更無他姓結  
爲寮白雲片榻難成夢始  
信神遊在沈寥

寶山 與七臺相對

百里已瞻頂越旦始窮隈  
林深鳥共息途長人

石翁詩稿

卷八 玉華篇

十六

屢催雲端指今往渡口辨  
昨來層田紛繡篆連崕信  
寶堆一區中割郡七點遙  
疑臺燈懸半夜日爐存前  
代灰寒暄時屢別神明逾  
峻開况值罡風起因之難  
徘徊

七臺

行行入天路七臺斯云臨  
草木久翳蒼山徑藏崎崕  
風高袂忽舉苔厚履若沈  
衆峰各斷去幽洞仍伏侵  
殿瓦有殊製簷鐸無緩音  
千里辨遠霽咫尺迷近陰  
半夜海日出終朝霧雨淫  
赤烏



躍欲上玄豹隱復深悵望無所見何以慰我心

三月廿九日過陳振狂吸江亭送春

九十無全數韶光大斲人卽當三月晦早送一朝春子病鶯花老子歸洞壑新相過應自切况乃值芳辰

首夏陳七園中值雨

春盡通宵坐日長當午眠夏雲生屋後江雨到床前苦菜已新長啼鶯凡幾遷以君深病理敢不爲留連

石倉詩稿

卷八

玉華篇

十七

贈吳廣文

廣文先生太不貧朝朝攬結平臺春座中九仙漢代客門下多士周家臣俸錢但給綠尊酒經卷嬾翻烏几塵請君勿笑玄尚白此官落落元古人

有贈

生少自平康知名出教坊喉間任流轉身外別芬芳一顧傾人國千金縱博場時時擲鉛粉來狎竹林狂

謝趙司理見遺印竹杖八韻

萬里西川縣携來有老筇昔隨漢使遠今佐野人情節密無過九文深自合重小園聊試步五岳定相從山月遥堪指溪雲薄可春憑將鏤作烏防却化爲龍濟勝偏資許長遊不卧宗惟應掛錢徃留伴醉時容

和徐興公春日閒居四首

舊烟纔斷接新烟隱几愁看小雨天任意欲追高士傳將身不作俗人衆遠公禁酒樽無綠楊石倉詩稿

卷八

玉華篇

十八

子談經室有玄春老柴門稀剥喙儘教一日幾回眠

抽梢翠竹古牆生風細還添幾個鳴家近平臺青嶂色夢殘仙觀碧簫聲成都擬住聊爲卜吳市曾游忽變名莫恠年來太疎嬾悠悠世路不堪行

庭前荆樹一株枯嘖嘖都人說少孤入夢不成春草句傷心最在鵲鴿圖故嗔山雨衝花塢不禁風烟接野爐萬卷床頭看未了從他擔石苦

催無

茅屋春雲鎖幾重朝陽度破山鐘詩無宿債  
輕酬客筆不停耕可代農社日遠來滄海燕花  
時喧動隔林蜂杖藜閒入塔前思草碧苔青較  
甚濃

夜發白龍江

便遠長橋外徐移短棹東江清雲散後潮滿月  
明中龍氣千年異漁歌幾處同山光如欲逼遙  
望已空濛

石倉詩稿

卷八 玉華篇

一九

東際亭

此際將登嶺深林待日迴却於山寺外便有野  
亭開靜聽泉吟石閒隨鳥步苔半岩僧已下聞  
客喜歸來

半山

斜日肩輿上諸天眼界開江光時向背嶺路乍  
縈迴暴雨非今下松風自遠來行行山已半幾  
處暝鐘催

靈源洞

古洞何年闢神僧此閉關石橋丹壑上禪室翠  
屏間絕頂垂疑盡靈源去不還娟娟江月起清  
影在前山

湧泉寺

半嶺猶存古寺名空林惟有湧泉聲僧從破屋  
雲邊住客向迴廊草裏行講席虛無山月在齋  
鐘寂寞海潮生布金知是何年事更覓殘灰作  
化城

劣削峰擬古四章

石倉詩稿

卷八 玉華篇

二一

劣削之上滄海在東眼曠物小所處不同日出  
月沒天宇金銀洪波變幻倏昏與晨不覩山樹  
以表疆域樂哉乘槎泛泛奚息幸甚至哉歌以  
詠志

右海在東

人來者稀徑生蔓草鹿觸於岩兔走於道天陰  
風生逢逢鼓聲誰其聽者山中之人我欲露處  
物匪爲害仰首高卧以承沆瀣幸甚至哉歌以  
詠志

右來者稀

羣山疊來以水辨之白沙森森青草逶迤巉巖  
五虎向亦稱雄至今屏伏不敢渡江滔滔衆流  
會於馬瀆馬如不見浪高於屋幸甚至哉歌以  
詠志

右山疊來

無諸不存猶有故城誰能一日其民斷爭以屋  
爲宮不可久處以鰲爲梁崩將及汝海上安期  
予之所師服衣上昇飄飄九垓幸甚至哉歌以  
石倉詩稿卷八王華篇 三

詠志

右有故城

洞

小洞藏深處危峰路轉西當年僧不到終日鳥  
空啼海國臨尤儼天門下屢低此中人迹少偏  
可愜幽栖

歸舟

潮落解遊纜潮平問歸渡兩夜此江中明月照  
來去

金粟臺

金粟臺前路離離青草園一峯成突石雙樹自  
同根塔近來花影江遙失浪痕應憐今夜月於  
此對清尊

閩山

一名玉尺崑宋太守程師孟嘗游有  
光祿吟臺四字原屬寺中

眼裏閩山客悠悠閱物華吟臺悲宰木古寺落  
人家玉尺仙崑曲金繩覺路賒惟應蘿薜月幾  
度照袈裟

送蕭叅知調大名

公適定諸生難時海寇

石倉詩稿

卷八王華篇

三三

數載馳驅返故園非昔春如公今又去此地賴  
何人喜見衣冠定憂聞冠賊新紛紛遮道別幾  
日發車輪

魏郡諸州鎮漳河萬里流古來重畿輔今日仗

公侯畫一無他事安危有壯猷行當銷旱魃遍

野麥風秋

是地苦旱

送楊叅知入賀

方岳新持節詞林舊吐華千秋應作鑑八月好  
乘槎芳樹離亭合層峰去路遮漫云輕此別誰

復重烟霞

賦得涼氣下瑤池奉送楊公

玉沼靈都闕金天肅氣催  
明河流下上芳樹影徘徊  
溜寫蘭舟外香浮桂殿隈  
恩魚承露躍候鴈帶雲來  
景接中秋宴光添萬壽杯  
應知王母降還羨侍臣陪

送陳使君擢常州便道還南昌

使君去矣莫蹉跎三徑依然問薜蘿  
落落宦情今已見悠悠離思復如何  
滕王閣上空江遠季

石倉詩稿

卷八 王華篇

三

子祠邊夕照多我亦秋來向南國  
驛亭維棹一相過

陳孝廉翰臣入高賢祠

舉世無公子高壇復此人人間  
想今日地下盛陽春秀矣誰能實  
孤焉必有鄰不同枯骨閉已屬北邙塵

白龍江觀競渡

龍江江水照底清五月不熱寒風生  
萬壽橋頭新漲滿越王臺上暮潮平  
暮潮新漲若爲分無

數龍舟競出羣旗獵獵連空見金鼓嘈嘈動  
地聞伐鼓揚旌分勝北來往縱橫皆敵國一時  
霸氣吐猶新千古忠冤招不得龍舟何速客舟  
遲徘徊又是夕陽時竹裏避喧會不到花間調  
笑浪相宜客散歌終行樂已蒼烟一帶橫江水  
木龍紛紛委岸傍夜深還有真龍起

江上發舟遲陳宏已不至

昨日遣人馳尺素在汝門前問津路今日橫塘  
有主人相期又向洪江去那知一雨便參差我  
欲乘潮去不遲知君厭看長江水獨坐磯頭有  
所思

石倉詩稿

卷八 王華篇

三

楊崎少泊潮至夢覺則舟去遠矣有懷陳  
汝翔惟秦不得同游作此寄之

渡口夢潺湲舟移復幾灣孤烟柯嶼上二子竹  
林間山色遙相待潮聲自往還祇將惆悵意寄  
去白鷗閒

赤壁

周郎非此地客到亦悲歌岸勢臨灣盡雲根入

不多鳥栖當古篆魚戲出盤渦坐對舟中遠風  
吹落薜蘿

方廣嶠

列石局靈境方崑貯梵宮龍蛇盤頂上鳥鼠走  
壇中香閣虛臨北珠簾側挂東近昏纔返景入  
夏屢陰風樹傍深苔起泉由倒縷通於斯懷迥  
異亦可悟真空

看雨

片雨他村白風吹高閣間遙聲先度漢積氣乍  
石倉詩稿卷八 玉華篇 三五

沉山蟻穴遷猶得螢光濕自還好看一簾水應  
得更潺湲

待月

山月期人久來遲亦可憐暝容開雨後光意動  
鐘前遠樹籠堪小幽崑到未全因之坐深處棲  
鳥屢驚眠

過葛嶺登劉氏小閣溪山目前幽清可掬  
予友從先命以橫秀之名遂奪赤壁之  
泛各賦一律題於壁上

傍嶺闌杆起夾隣花木秋白雲映山色青草赴  
溪流石峽難支險漁灣莫測幽奪予赤壁泛不  
恨此登樓

宿重光寺

未向山城去先從野寺來沼重光自合廊密徑  
俱迴竹裏禪關隱蓮間覺地開明朝復移迹勝  
事日相催

題東西室

一崑未曾斷強別東西隈屢拂珠泉落驚逢石  
石倉詩稿卷八 玉華篇 三六

室開寒潭井下湧古木是空栽一潭受珠簾水傍有倒植杉木  
亭亭谷 中故云 情境俱無着誰令客思哀

夏至日到方壺

爲問山中境空傳海上名閣臨雲樹盡泉出石  
崑清疊嶂分他縣孤僧主化城未須愁短至佛  
日倍常明

又與沈大芟除荆棘尋絕頂崑洞殊勝各  
賦短排記之

寺門斜可遶磴路險難尋空裂先疑洞荒蕪久

作林山川不能語客子少來尋寶相天俱寂苦  
碑歲與深崑中纔絕頂雲外更遙岑不是經開  
塞那能見古今

姬岩

姬岩名自好出手攬烟鬟林日到無色谷風吹  
未閒高深惟片石蕩漾是諸山何處非秋意真  
堪老客顏

歸途苦熱示沈大

名山著意便應留何事浮雲逐勝遊客路正當  
石倉詩稿卷八 玉華篇 三二

揮汗雨姬崑先已度涼秋僕夫競覓寒潭水野  
老貪眠古樹頭但到溪灘最深處直令疑是雪  
中舟

舟中八解

清哉永陽縣樂哉永陽遊山深可受屐水急可  
放舟一解 郭外卽寺門寺前卽渡口老僧送客  
歸揮塵不停手二解 我喜刺小艇如葉輕飄揚  
孤蓬令半開承此豁風涼三解 船作上下艙下  
艙沈郎坐上艙可鋪簟野夫坦腹卧四解 天地

亦迴轉奔流爭怒號槩子與石拂相去無秋毫  
五解 舟行莫憚險險處疾於箭前船望後船正  
在浪底戰六解 兩山夾爲岍岍改山俱翻山中  
有飛鳥岍上有啼猿七解 清晨永陽來日午葛  
嶺去與客言未終又是更舟處八解

問袁六病次韻

經時不相見見卽問顏顏除却貧將病人生亦  
太閒酒非齋日禁卧豈雪中關莫怪稀來信看  
山出未還

石倉詩稿卷八 玉華篇 三八

荔支歎

六月四日海風作荔子枝頭打零落五年遠道  
歸如期一夕狂飈翻阻却空招漁艇在江干欲  
得垂垂映水看紅羅之袂已毀裂白玉之膚將  
摧殘出門試聽滿街哭一半是賣荔支曲嗚呼  
豈但似我歎息餐不足

讀沈先生傳有述

以下二首爲沈野作

我聞沈先生吳門隱君子嗜酒率真性鼓琴挾  
長技荷蕢時入城因過皇甫氏偶聞操音者指

其爲下里闌人走以告賓客相駭視開門延之  
入曰儂乃解是先生據上坐興發不能已爲一  
鼓再行聲響妙入理颯如松上風冷如淵中水  
主人語賓客洋洋哉盈耳更衣請張飲恭敬一  
何侈先生坐上客笑談壓珠履持酌便至醉日  
暮座上起主人問姓名先生以爲恥從者送歸  
途解衣擲還彼竟不知何人但目爲狂士

王澄伯歌

姑蘇沈大子莫逆耳邊常有王澄伯余問澄伯

石倉詩稿

卷八

玉華篇

三十九

何人斯乃是少年長才之詞客少年有才善屬  
文未能致身於青雲其父卽爲功曹君使謁貴  
人通殷勤王生塞耳不忍聞曰此世俗事甚鄙  
大人何以教兒子王生之業終不售以此大失  
功曹喜心中鬱鬱少神理未至三十病已矣予  
與王生未有情聞之能使感慨生王生之名名  
爲清嗚呼乃不愧其名

和高季迪蘆花簾子

璇宮皇女不停梭織得疎簾映薜蘿漁父閒眠

鈎畔雪洛神微步隙中波還同魯縞穿風薄詎  
比湘筠染淚多幾度塞鴻飛不過蕭蕭月影恐  
張羅

六月十五日斗池看荷花

與宿猿洞相近

公子喜張筵佳人嬌蕩船池方如挹斗月滿不  
過蓮魚戲相爲樂猿啼自可憐淹留堪至晚况  
值涼風天

是夜步月遂過陳七亭子

亭前數日爲大風所拔

十日海風捲海至蘆磯亭子拔倒地高門廣廈

石倉詩稿

卷八

玉華篇

三十一

人不知颶母但爲貧家累我官貧過王錄事却  
嗔草堂資不寄偶因出郭看芙蓉思君乘月復  
乘醉空亭一木尚可支况乃深根纏薜荔主人  
黃昏正倚樹箕踞長吟動幽思君不見首夏我  
來江雨飛雖在亭中雨滿衣今夜何妨但露坐  
坐看青天孤月輝

小園雜景八首

釣浦

不聞潮聲來但見河水滿志不在得魚何妨釣

絲短

瓦泉

祇謂穿新池誰知得古井池水日愁涸泉水清且冷

蓬廊

迴廊秋雨飛雨聲在蓬裏我聞昔達者舟居乃非水

花逕

聞道客來久如何未見時爲於三徑裏惆悵幾

石倉詩稿

卷八

玉華篇

三

花枝

空山樓

四圍有山色朝暮入樓中天清不可卽山遠樓亦空

吳客軒

吳客歸吳去月明空滿軒主人且欲別客去復何言

釀室

試問東鄰裏知爲賣酒家好風時送醉穉子不

須臾

禪燈

寂寂聞梵起燈光欲上時一園花鳥暝驚有夜珠垂

烏石山漫題

一片芙蓉零落餘秋風懷古獨愁予天台橋上行入絕薛老峰頭過鴈疎已見女墻當路起稀聞僧舍此中居白雲似亦愁關鎖不敢飛來傍草廬

石倉詩稿

卷八

玉華篇

三三

喜女載叔歸

大阮歸來好相思秋月深轉蓬看乍息栽竹喜成陰作客但愁坐在家翻遠尋却將杯酒裏一醉動長吟

陳生招到北樓避暑

七月流火火不流屋中如飢心煩憂陳生招我何所往捲簾携壺上北樓北樓遙枕山之幽八窓涼風吹不休遠江但見一痕白却聽濤聲松樹秋



望夜陳宏已過宿蓬廊話別

明月流花影一園秋水中客清如在舫宦薄類  
飄蓬河漢斷復白禪燈空自紅無期能信宿真  
見古人風

虛光不徹展簾納新涼如此山月好正堪秋  
漏長乍虧卽來夜重滿是他鄉何事催人別虫  
聲已近床

八月朔日王元直招集南樓送陳汝翔之

東粵王玉生之清潭沈從先還姑蘇徐

石倉詩稿卷八 玉華篇

三三

興公之建溪陳惟秦之聊城蔣子才之

廣陵余返白下

西風蕭瑟動離顏一樹衰楊不剩攀秋老幾人  
猶白社月明無主是青山征途南北高樓外客  
淚縱橫杯酒間此別紛紛難聚首天涯那許夢  
魂閒

送方伯文北上

入秋苦不雨八月天新涼露下溪水白雲連山  
樹蒼西湖遙落桂北地已橫霜冉冉雙鳬影何

時入帝鄉


石倉詩稿卷八 玉華篇

三七

茗上篇 辛丑

閩中曹學佺著

吳興吳夢暘

曾孫  華重梓

茅 維同閱

別詩十三首

陳幼孺 四言古體

棠棣之華鄂不韡韡晨鳥斯飛亦以暮止四海之內皆爲兄弟我之所思不遠在邇 其二 如塤斯吹如箎斯偕其音孔和風於九垓風之被矣

石倉詩稿 卷九 茗上篇

不可以息道路間之中違弗克 其三 士隱者貧

人以爲恥亦有造物弗降之祉譬之於水其流匪齊誰爲清泚誰爲濁泥 其四 子云病矣亦既

久矣我馬在門不可俟矣執我之手與我言矣云誰之怨行其敦矣

右四章章八句

陳振狂 已下五言古體

取友良甚難勿濫道乃成知言亦匪易豈不由知心伊予既占損同行得一人而予復卜遯爲

謀嘉以貞切磋日云久猥性釋所矜古人已成古今人何獨今我故時出郭子亦間入城眷茲往來迹長恐爲荆榛

林貞起

伊余未束髮出門慕儔侶鄉人竊笑矯志其誰與子長我次之一身託天叙未及半載間州郡叨薦舉子尚樂故邱我數爲行旅聚散乃匪常浮沈歷年所游道日以廣片心稀可語念今復當別聊爲論出處

石倉詩稿 卷九 茗上篇

袁無競 已下五言近體

病色子纔起征期余未休雖然之薄宦一半是佳遊南國到何日故園空復秋石頭城下水不易致書郵

趙仁父

司理遺印竹臨行復贈詩看山與吟詠何處不相隨歸隱猶無計過從漫有期若論拙宦意君亦早違時

吳子修 七言近體

執手依然在路岐勸予行役不須悲況當白下  
閒官日盡是青樽對客時回首故山俱惜別出  
門新月便相思片鴻不斷能來往還爲題書寄  
所知

予行前一夜吳元翰陳振狂陳伯崇仲文

集小園用陳子昂離堂思琴瑟別路遠

山川分韻五言古詩得瑟字

驪駒戒在門我思暇以逸二三良友朋相期入  
我室長夜不盡歡路傍徒倉卒張燭照華樽寧

石倉詩稿卷九 君上篇

三

帷散細帙嘯歌恒分林聲欬仍促膝眷言今夕  
會行樂庶能悉惟有哀傷感依然在琴瑟聊爲  
終此音天明我當出

五言近體得川字

未忍辭三畝因之集衆賢夜愁通鶴逕秋色落  
漁川露白踈花底風淒亂竹邊明朝此爲別何  
日更言旋

湖上宴別

出郭未數武便到湖水頭離思不可盡愛此湖

上秋銜杯臨古堤堤曲草復稠白露昨夜零草  
色如人愁蕭蕭征馬鳴興言愴難留相去猶不  
遠來登江上樓所歎潮與汝晝夜往復周安得  
如湖波終古常悠悠以此論去住誰爲善自謀

女載叔能證弟至白沙而別

相送百里外猶然未盡情塞鴻應客信秋草已  
王程日落月初上潮來沙欲鳴倚篷無一語都  
自悉生平

舟中送吳元翰劔門山爲僧

石倉詩稿卷九 君上篇

四

出門各有適聚首一帆前渡水恐將盡入山推  
獨先心隨劔峯斷果與秋月圓何似金陵客西  
風吹馬鞭

送陳汝翔之東粵遊羅浮

我聞蓬萊三神山乃在茫茫大海間至今煙波  
缺一點飛到羅山永不還因之便作仙靈宅錯  
落峰巒杳奇絕老竹不搖大地風寒梅更奪天  
山雪朱明洞裏爲誰開葛令修仙向此來幾樹  
羽衣成綵蝶千年丹竈生蒼苔咄爾陳生何太

息采真未了思歸迫千莖白髮變應難一片丹  
砂尋不得今日依然去粵東我返金陵路豈同  
暮潮不覺催江上雲樹相隨入棹中棹中江水  
澄於鏡朋侶相依供眺詠五兩南風併日輕片  
輪明月中秋近奈何歡笑却成悲水陸前頭卽  
路岐劍浦分龍當此地鐵橋跨鶴定何時我今  
去去遊雲谷知君覓夢來相逐我亦有時夢逐  
君逐君四百峯頭宿

石倉詩稿

卷九

芳上篇

五

中秋夜茶洋驛同沈從先陳惟泰徐興公

坐沸雪橋看月得斜字

蕭然古驛似山家沸雪橋邊待月華竹借影過  
添歷亂亭容光入故欹斜笛聲彷彿來空界泉  
脉分明映淺沙自別故園凡幾夜清輝攬此使  
人嗟

洪子厓明府至又限韻得佳字

涼秋煙霧淨天街片月堪携入客懷海上飛鳬  
仙令到竹間爭席野人偕雪聲祇借寒流得山  
氣偏當日夕佳別後須知憐此會夢覓來徃是

秦淮

遊楊氏園四首

野色通籬落秋光閉竹關平池如束峽兩岸即  
青山閣信懸何地軒宜置此間來遊無隔日應  
是客途閒

已見天開濶誰知境轉幽松雲探竝壑池井辨  
雙流色落芙蓉晚香生桂樹秋興闌猶未已移  
席上浮邱

隱見千崑曲東西各洞門不緣窺斷堞何以別

石倉詩稿

卷九

芳上篇

六

井村鳥信生煙住魚驚墮葉翻相連主人含雞

犬寂無喧

苔深知石古竹長見牆低積翠沈波底斜陽到  
岍西搜花成小沚摘葉任分題何日漁樵老能  
容此地栖

葉坊驛雨中看木芙蓉分得蓮字

秋色辭家裏芙蓉到驛邊拒霜猶自媚濯雨更  
堪妍灼灼矜衰草盈盈間晚蓮征夫遙送目艷  
女宛齊肩微暈杯中落芳覓枕上牽故園幾枝

發腸斷隔風煙

途中有贈

素手挽香車芳容隱絳紗馬嘶妝忽墮蟬咽聲  
初斜寶鏡隨明月羅裙拂淺莎不須同出塞移  
恨向琵琶

考亭

溪白映林青文公昔考亭一邱成俎豆歷代見  
旌銘紫籙真人氣滄洲老客星棹歌今寂寂誰  
復此揚舲

石倉詩稿

卷九 古上篇

二

宿長埂

雲谷路中

山家遙借宿野氣自淒清試聽谷中水預來溪  
上鳴月殘隨曉色霜冷入鐘聲不是登臨興脩  
脩何限情

雲谷歌

君不見雲谷山幽深峭拔非世間澗傍水石遙  
相激谷口煙雲好自閒行到水窮谷始見雲爲  
客來飛片片谷中長嘯落水聲雲破山空突向  
面此山昔有東西寮藥圃蓮池跨小橋雲谷老

人不知處明月青山長寂寥寂寥千載漫興悲

試上高臺眺武夷一呼三十六峰欲飛動跨鶴

仙人猶恨升天遲升天絕頂何嵯峨雲中一點

猶青螺閩天欲斷楚天接千巒萬嶂迴層波日

光浩蕩直相迫倏忽變幻那可測老人曾記赫

曦名奪取湘西嶽無色

朱子雲谷記云予嘗名湘西嶽麓之顛曰赫曦

臺張伯和爲大書甚壯偉至是知彼不足以當之將移刻以修其勝

同諸子登霜潭閣得來風二字

疊閣倚崔嵬無期到此來一時同看雨九月却

石倉詩稿

卷九 古上篇

八

聞雷徑卽城頭轉窓從水面開誰家曾作賦應

借仲宣才

去住人雖別登臨興亦同日斜孤嶺沒霜落一

潭空野艇垂村樹溪橋度晚風鄉關從此盡回

首悵飄蓬

別徐二

出門相追隨中道乃分袂越境歎馳驅近鄉嗟  
留滯秋杪天初寒川原鬱少霧谷風飄清霜林  
間殞叢桂鳴蟬漸無聲來鴈自迢遞在物各有

情人生豈無繫何能釋此憂離居以終歲

### 望武夷

車遥遥望武夷不與他山同望之自知謂余夙  
昔來遊而今忍去之寧閉車中帷余告家人不  
能從吾言鬱鬱愁渡船一峯突來使余心動何  
日成仙住千百年

### 重陽前一日宿大安驛

驛路衣將換關山枕共橫故鄉畱雨色殘燭落  
溪聲題壁前年事登高明日情此身何異鳥風

石倉詩稿

卷九 苦上篇

九

### 急羽毛輕

### 雨後度大安關山水大發作歌

大安驛中山雨至客子清宵耿不寐拂曙度關  
關路長蹄寒毛縮愁征騎征騎仰嘶山水下驚  
濤急浪遙奔瀉九天落處直九地今日流時自  
昨夜崎嶇百折仍千盤魄動心摧無定看竹裏  
斜飛羽箭滿林間忽吐梨花寒雪山頽兮冰壑  
注鼉鼓鳴兮雷神怒當空走日渾無光半嶺斷  
雲那復渡迢迢達官道道傍流蔓草颯颯望夫

石相去不盈尺望夫石上關山險行客出關聲  
漸減此水故趨閩海頭不向楚山分一點

### 鵞湖山寺別僧

大唐遙識一燈傳誰徬荒林結老禪水繞澗窮  
纔出谷月來寺徧已中天雙鵞影散湖生草半  
偈心空沼落蓮曉露清鐘猶送客飯依何日續  
前緣

### 丹楹行

貴溪被難時楹樹忽僵復甯仍活則榮齊關之矣故作

君不見信州丞相第十二高樓稱綺麗雕甍共

石倉詩稿

卷九 苦上篇

十

倚黃金堂繡柱遙連白玉砌瓊恩寶澤錫嘉名  
睿藻宸題照日明方圓法式頒儀部多少金錢  
給水衡複道文窓開扇扇極目欲窮西楚甸靈  
山黛色稠疊來彭蠡湖光微渺見山川如故人  
事非 聖主元施不測威胥江已見浮鴟去  
表空聞化鶴歸蒐招歸來上不得寂寂高樓徒  
嘆息火燒崇墉落劫灰塵飛綺棟無顏色可憐  
歿後見精忠青史相傳貫白虹欲知血淚何時  
滅秋老榴花開尚紅

常山白龍洞

人境初開日山僧爲客言石崑雖盡態羅葛不  
傷根壁到泉邊淨朝游洞裏昏何論行役滯勝  
事亦稱繁

古樹歎

我來今日歌還覓去年樹高枝望不見祇謂維  
舟誤近前却問當何處睥睨纔知物非故此樹  
匠石視每驚區區蟲蟻安能蠹一朝造物不肯  
畱赤帝雷神相煽怒本根與土忽斷絕蟠鬱如

石倉詩稿

卷九

茗上篇

十一

龍失其固連峰疊浪勢豈存惟鳥巨蛇奔不顧  
空畱一片煨燼餘好似殘碑久應什樹乎樹乎  
奈爾何去年今日難再度

桐江阻風戲東從先惟秦作

惡風打船沙嘴坐白浪如山苦難破主人閒擁  
少婦眠篴篴一曲嬌無那方舟至近不能來怨  
煞陳生與沈大吳市空懸幾日歸釣臺却恨三  
更過

武林

蕭蕭襖被隨江雨但入武林不知苦盤中紫蟹  
出客嘗樓上黃花向誰吐持螯把酒行且歌晚  
晴不出顏將酖明日西湖仍盪漿六橋秋色較  
無多

龍井

風篁過翠嶺霜磴入珠林置石虛擬出分亭異  
取臨潭空浸寒玉湖遠湧秋金虎穴烟中隱龍  
泓月下吟棚踈隨木繞爐潤却塵侵應是流泉  
處遙遙落梵音

石倉詩稿

卷九

茗上篇

十二

湖心亭

中流開棟宇孤嶼沸笙鏞點浮疑是幻表立儼  
爲宗井幹文浪寫複道綺雲封日行光遍嶂風  
到響交鐘城連東曠住隄作裏湖重傾都游士  
女競以辨妖容

煙雨樓詩

端居驚勝想鼓枻成佳遊魚悲置筌密鴈喜遵  
渚修前楹帶郡盡後區蕩空逾光凝有夷鑒籟  
寂無奔流蓮凋旣委夏籜隕復辭秋但逢朔風

起木末鳴颼颼

和徐倉吳隔舫聞歌

未得青蛾就聊於綵鷁聯吐音純裒桂障面詎  
依蓮並囀中藏敵微停暗若牽遏雲俄溺舵湧  
水復升舷那能時顧誤祗可密尋憐

和姚叔祥賦得脚下履

裁絲恒準約置繡但從低采桑初上路鬬草漸  
縈隄似蓮旣並蒂擬鳳還雙栖雪跡尋偏膩香  
塵試復齊隱兩微窺隻當東更向西無心作細  
石倉詩稿卷九 茗上篇 十三  
步惟有仲卿妻

湖干晚步因至城東訪姚秀才邀到南樓  
寓中少酌復送之橋上而別

坐對湖水悶下樓試芒屨明霞已漸升斜陽自  
西落市上歸人喧子心在寂寞便叩墻東隱閒  
門喜欲躍雖云相訪來實如偶遇着豈惟子無  
期予亦不自度入城仍出城途途情不薄逶迤  
到我寓開尊理清酌盤中汾湖蟹雜以閩海錯  
詎能長夜留須臾卽云樂河梁惜分袂關門趁

收鑰獨立天茫茫漁燈動湖壑

同陳惟秦擇公渡練水赴茅孝若招

槩子來迎我詎須愁問津同僧更携友有客成  
三人風入枯桑暮河明早雪春離情不易盡取  
醉定經旬

瑤山寺懷皎然上人焚詩處

一艇門前泊高僧遠足論詩非焚却廢利以古  
來存極浦源無地寒林葉聚根所懷遺韻勝安  
得遽忘言

石倉詩稿卷九 茗上篇 十四

九松墳

地下無相識客來應爲誰高歌一揮手如此好  
松枝異勢不相學高蘿能互垂清風趁返棹蕩  
影過前陂

夜宴孝若霜鶴堂遲吳允兆不至分得除

君二字

宴客華堂上厭厭夜飲餘鶴鳴來野外霜吹被  
庭除但慙行杯緩那容列坐踈應知不歸去旣  
醉復躊躇



有信來期我何言更待君  
屢瞻霞嶠月未到雲川  
雲坐憶相爲樂行歌不待  
醺近聞耽白業從此遠清  
芬

聞陳仲文移居却寄

問汝移居好池園媚小春  
鵲鴿飛不遠燕雀賀宜新  
蔣徑能留客潘輿喜奉親  
祇應懸一榻爲有未歸人

移寓題主人壁因寄家

嘉禾已近金陵道欲行不  
行歎衰草延尉署中

石倉詩稿

卷九

茗上篇

十五

乞假寬主人樓上栖遲好  
南湖湖水日含煙花樹亭  
臺湧我前杳然坐對無朝  
暮不費舟人索渡錢一行  
柳樹當簷遶歷歷開窓數  
歸鳥有時枝葉動參差能  
使湖山增縹緲停舟又是  
兩旬餘不斷鄉人好寄書  
明朝更欲移家去依舊臨  
湖樓上居

之天目舟經烏戍阻風宿擇公禪房

平生故有好奇癖冒寒欲  
尋天目遊我聞東西兩峰  
拔千仞登攀手脚凍死願  
亦酬河干風色

太作惡咫尺不得移輕舟  
誰爲相送更攜手一笑詩  
成空惠休游興蒼茫無所  
寄聊向禪房討幽事枯枝  
動搖直指天薄雪飄飛那  
到地黯淡深閑松扉中兩  
朶菊花猶自媚此時乃爲  
開酒禁花前任與陶公醉  
酒酣一據繩床眠真性潦  
倒非逃禪耳熱風聲已在  
後眼台山光突向前君不  
見高峰昔曾此出家吾今  
信宿緣非賒當年覺路知  
何處明月青山空自斜

復阻風泊古山寺

石倉詩稿

卷九

茗上篇

十六

偏舟興屢違一日行幾里  
野寺無人烟託宿聊復爾  
君不見今朝風狂夜月好  
蕭蕭竹影臨窓老

初到白雀寺

兩三夜裏頻過寺五十日  
來纔見山便陟崔嵬試高  
詠一沾蒼翠開愁顏月在  
長松已自好霜飄野草何  
時閒問誰悟得西來意石  
塔久沒青苔間山有尼總  
持塔爲一祖弟子

晚發慈盦溪次日登烏瞻山成宿十首

野酌戒揚舫溪畧去復停淺沙催月白密樹誤  
峰青鐘出城中寺燈懸畫裏屏時聞清磬發風  
急水泠泠

月光來滿溪霜落月仍西兩水聽初合羣峰看  
尚迷林殘不宿鳥村冷先鳴雞欹枕渾無寐催  
人起杖藜

蕭蕭竹木村不見有朝暾問逕過田父呼人識  
澗猿橋臨澗呀險後出深溪喧一入山中路藤  
蘿信可捫

石倉詩稿

卷九 詩上篇

十七

千叢虎迹過乘興但高歌白石泉非淺緇衣雲  
更多遊人茲世外隱者昔崑阿不攬諸峰勝其  
如秀色何

鐘鳴到古巷老衲出峰南雲霧連山茗天風落  
石楠竹深成幾處苔淨自幽潭故址聞寥落荆  
榛奈可探

獨鳥向空飛登攀興不遣雲中忽漏日嶺上片  
生輝逸思堪題竹清歌信采薇谷風一以急吹  
散樵人歸

天陰望太湖莫辨是三吳山外應環練湖中乍  
有無一方深且廣此地僻仍孤明發占新霽寒  
林早集鳥

絕頂與天通攀躋逕始窮望來千嶂合祇爲五  
峰雄亂竹如青草羣川似白虹岡頭試金彈自  
昔有英風

有彈子岡相傳陳霸先所遊得名

遊者自成羣山頭南北分湖峰動雪意池劒湧  
星文豹隱應能識漁歌若有聞荒碑看欲盡感  
慨爲徐君

北菴有徐子與碑文

石倉詩稿

卷九 詩上篇

十八

門閉壑千層光明放佛燈梵從此山起月又昨  
宵升故有長吟客應添不寐僧開窓樹花白盡  
已結崑水

回舟溪上雪五首

顧太守相迎

昨日趁晴好五峰揮手遊今朝山下路又是雪  
中舟

太守來迎我有船在渡口乘興山陰雪去沽下  
簪酒

溪行二十里十九里曲折前灣雪一丈後灣雪

五尺

舉杯看飛雪雪白映顏酡如今不盡醉溪上暮  
寒多

蕭蕭卷盡溪船頭看不見畫工不可測橫絕一  
匹練

與丁長孺

子居故鄣邑我乃閩海濱山川既阻修踪迹仍  
浮沈吳門有兩士能揚千古音我子各得一以  
此慕用深子昔使我國我尚伏岩林我茲客樵  
石倉詩稿卷九 若上篇 一九

臨雲閣歌

臨雲閣上千峰集晨雪未消暮雪急玉杯雙鬢  
持且歌楚江芳草將奈何呈嬌逞媚樂未已當  
年主人爲爾死今夜那得歸客子

答顧仲穆

門前枯樹客船繫三日不歸如有情主人爲我

歌一曲何限故鄣山水聲

歸下山送施靈修之武夷

已盡長城勝雪中時返棹諸峰試回首一半在  
瑤華蒼弁人將別烏程酒耐賒臺應過釣瀨關  
必度仙霞到處可爲醉此生寧論家武夷拾形  
翠羽客飯胡麻折筍松檟直虹橋鳥道斜得子  
同去好其奈阻天涯

白雀寺長至習靜

出山更入山在境欲離境身留與寂俱徒謝隨  
石倉詩稿卷九 若上篇 二十

游沈家洞

香積罷分餐下方任散步携策出寺門揮塵指  
洞路隔嶺呼童應分林追僕誤徑委屢涉流谷  
虛亦逢霧一區疑詭成亂石駭奇吐鐘乳懸爲  
梁雲根結作樹上有天光蔭下漬青苔露入深  
必火攻事偶等沙聚興盡仍言歸岩林幾重暮

碧崑歌

法華寺裏鐘初鳴客子催人山早行深林嵐氣  
掃不徹此時那上天陰晴湖烟一聲向空裂忽  
見帆光五湖白青天高高無片雲峰頭之日照  
白雪白雪裏窺黃金容欲消不消千萬重昔在  
溪邊倚蓬望正此積雪之遙峰峰形崢嶸張龍  
口雪中虎迹大如斗白鳥射入不見影猿啼只  
在人前後琳宮玉殿連雲裏寶蓋風旛拂湖水  
一片珠簾凍不垂香爐氣濕無烟起昔有高僧  
石倉詩稿卷九 茗上篇 三

黃龍洞看太湖歌

君不見黃龍洞其深下無極視之但似蒼蒼色  
令人憂疑直相逼既有異香縹緲從風吹又何  
以白骨倒挂枯樹枝我聞老龍在此藏其軀至  
今千年知有無其靈既能興雲雨磔犬祀之無  
乃誣龍乎好睡亦太嬾我欲擲石破汝眼爾何

不翻大海波亦不潛深山裏在此區區一勺之  
湖水湖光雖有百千里吾爲爾謀應未已但見  
日自西沒風從東來舉酒酌水飲我一杯遠者  
七十二峰以羅列其近大雷而小雷有如雲屏  
錦障蕩漾於水晶之宮盈盈進我雙金罍具區  
形勝盡於此千秋吳王霸圖安在哉但聞別館  
離宮滅不見牙檣錦席開湖水暮今悠悠蒼烟  
橫今上浮羣峰杳今乍收客亦去今不可以留  
我更呼龍夢中爲我語使我空山一夜愁風雨

石倉詩稿卷九 茗上篇

三

圓證寺

我聞圓證寺即在碧崑隈積雪一峰阻看雲十  
里來僧厨流水曲香氣講經臺最喜茲幽徑松  
陰寂不開

避洞

蒙茸荆棘似人長車頓途迷白日荒故是幽深  
通地肺猶能隱見受天光空山未信金銀穴淨  
域俱爲麋鹿場莫更躊躇思此處兵戈今已不  
堪藏

別卞山三首

客問卞山境卞山境非一一峰看不遠十日行  
不出

欲作卞山樵腰鑱苦不利別汝苕溪去且尋漁  
父醉

欲別山更好殷勤此翠微東風吹作雨片片上  
人衣

夜渡碧浪湖宿顯山

湖風不可渡暝色况如斯漁火祇自照林鐘非

石倉詩稿

卷九 苕上篇

三三

有期叩門僧出問何事客來遲禪室投不穩猶  
於深夜移

曉起顯山眺望三首

顯山昏黑向人愁路滑燈微亦浪投一夕湖風  
吹雪散五更寒日上峰頭

逸老堂前生事微窪樽亭上酒人稀有風只在  
湖頭響不見蕭蕭髮髮飛

一片波光自渺冥隨風直欲蕩山青客心無限  
悠悠去興落中央浮玉亭

歸雲菴吊孫山人太初

歸雲菴前雲不歸雲歸猶戀山人衣掛瓢堂上  
瓢已空空聞淅淅吹西風孤墳片碣日摧毀布  
衣論文事已矣不作尋常酌子酒里中善夫子  
之友

苦寒

飄零隨八口留滯爲微官則是深悲日那能復  
苦寒湖風交浩浩海氣到漫漫柳觸空枝直撈  
思破蔬攢冰鱗貪聚沫陽鳥待歸翰杯澁無新

石倉詩稿

卷九 苕上篇

三四

釀厨清半減餐書籤遲過幅爐火迫燒丹脆惜  
毫輕禿堅愁研屢乾髮垂連沐廢齒擊未吟安  
烏几欹難穩貂裘敝總寬雪化猶不發霜月幾  
曾看莫惟思鄉甚其如行路

金明寺訪肱公

累日苦凝寒茲晨喜暄暖履霜訝庭素蕩湖覺  
船緩丈室旣深入迴廊匪一轉劫灰四壁古蒲  
茨數椽短依垣藤蔓上傍檐梅枝偃軀出我  
不值我坐師亦返趣諧自詩編疑釋以經卷

莫酬支似潛時赴遠則是無喧囂因之成游衍

真如寺

兩寺隔一城城外彌幽趣湖烟夕欲浮岍水時  
已錮光與修渚迴暝預重林赴勝既分房闕跡  
仍攷代故俯挹雪峰井高見長水墓老槐但空  
根石梅久移樹惟法爲不滅在物豈能固

吳翁晉見訪各賦五言近體四章

素雪欲墜地黃雲愁滿天未成洛陽卧已到剡  
溪船客裏少人事杖頭餘酒錢入門乍相見定

石倉詩稿

卷九

茗上篇

三三

識此畱連

茗上溪山好君家山更深昔遊不及到懷侶一  
長吟豈有風吹去悠然落遠林因之命短棹歲  
晏此相尋

白下憶分手秋光慘不繁當時未盡意今日許  
重論爾病須添老予歸又出門不知千古事誰  
爲一窮源

會合應難再風光信自催肯畱十日飲便道隔  
年回煙雨樓中積梅花湖上開若爲易分手兩

地復徘徊

夜雪送吳九歸

之子難留處深更雪正飄冬春幾日逼谿谷兩  
重遙出戶逢泥徑披裘上石橋燈光不見鷓鴣  
力欲欺貂宿卽河之游人先別此宵疎遂侵素  
滿遠樹雜花嬌寒醞行須備晨暎未必消仍孤  
逆旅客無恙在山樵明歲看梅候還期早出茗

茅鹿門先生輓歌二首

宿望當元老嘉徵自國祥四夷問安不天下稱  
石倉詩稿

卷九

茗上篇

三六

文章健筆何曾絕虛舟不待藏鳳笙將鶴馭達  
者返蒼茫

似公何復憾在世亦應稀七日不火食百年終  
息機行杯自荀爽問綰值胡威孝思天爲感于  
今願不違

除夕前柬姚叔祥

旅舍高眠驚歲晚爆竹風吹耳邊滿誰家課奴  
收帛錢誰家喚伎張絃管牆東有士隱且貧四  
壁蕭蕭甌裏塵心閒一任年光去祇似天涯索

莫人

除夕

一從爲客易蹉跎  
南北風煙幾處過  
自數十年除夕裏  
在家時少別家多

仁倉詩稿

卷九

苦上篇

三七

錢塘看春詩

元旦橋李寓中卽事

候鴈鳴禽拂曙來  
梅花柳色殢春回  
祗如常日人呼起  
宵許東風客夢催  
金馬門前嗟永別  
銅龍署裏喜初開  
南湖烟雨深無際  
飄泊還應媿不才

初四日過沈司馬軒子留飲

高卧青山不見人  
故將疎懶答芳辰  
門前誰道通家刺  
榻上猶懸隔歲塵  
雪片乍侵談席客  
花

石谷詩稿

卷十

錢塘看春詩

枝偏發著邊新  
借公十日相留飲  
醉裏東風直

接春

是歲十  
四立春

人日過訪肱公不值

開歲已人日  
曉起見日色  
佳辰客太閒  
行樂人俱得  
葉葉紛叅差  
梅花滯消息  
林僧方掩扉  
悠悠詎相識

穀日李伯遠見過携酒贈詩附之四言一

章

佳辰命穀素雪飄  
花隱几寂莫憂如之何  
山陰

子猷移棹見過載酒斯言贈言孔嘉  
偕登樓上  
矚湖之波城郭已暮餘光未涯  
子酒是酌子言以歌  
庶云能樂慰我蹉跎

雪中發舟南湖之武林二首

同胡仲脩  
陳惟泰

湖頭看雪好乘興  
刺輕舸入水不知色  
無山空自高  
片林林愈集  
獨鳥過仍號  
客亦翻愁緒  
停村問濁醪

年來長水客  
春興武林期  
薄雪變尤急  
北風橫

一吹不論今夜月  
還折早梅枝  
明日湖山裏  
應

石谷詩稿

卷一

錢塘看春詩

二

爲行樂時

雪霽二首

殘雪應辭臍  
初晴正值春  
韶光俱可樂  
相競是游人

湖上有青山  
山頭多白雲  
今日遙相望  
雲山雨不分

武林迎春

春情春色屬東臯  
五馬翩翩意自豪  
樓入吳山皆積翠  
江連越樹盡生濤  
射蛟若借錢塘弩  
刻



燕還憑金剪刀暫把朱弦調白雪行看芳草碧  
青袍

元夕曲六首

領得東風到妾家參差火樹盡開花春妝正照  
燈前艷女伴相過油壁車

漢朝太乙已荒祠楚俗神姑亦懶窺記得宋家  
南渡勝鳳山門外賜酺時

六橋未見縷垂烟古蕩何曾葉吐錢遂裏折殘  
無色柳火中生出 不根蓮

石倉詩稿

卷十

錢塘看春詩

三

屋上寒光積雪生簷前縹彩散燈明神仙三島  
遙堪擬騎得驪龍赴玉京

翠袖紅妝密不分雕鞍寶騎驟成群流星放處  
偏依月白雪歌時盡遏雲

魚鑰闌開遠近通滿城行樂四方同不聞江路  
春潮裏閒却湖波明月中

贈馮開之司成

一言欲贈君三年不成字世無長者行言之爲  
下淚與君相見後悠然興古思爲士日歸往何

必論在位山中芳草綠湖波相映媚琴樽時招  
携房櫬發歌吹人生亦何幾行樂庶云亟

關上遇屠田叔放歌

江南雨雪動經旬我因看雪來看春春前不得  
好消息雪裏翻成遇故人故人思故歲光陰疾  
如馳去歲雖無雪慘澹更過之是君罷官日是  
我思君時思君有時寄尺素謂君已歸林下住  
誰料隔年君未歸與君相逢雪中路問君或爲  
情親留一尊不上岳陽樓問君或對故人語孤

石倉詩稿

卷一

錢塘看春詩

四

舟空泊鴛鴦浦人情世態常悠悠造物見妬殊  
不休洞庭波起蛟龍走湏臾丹砂不在肘二酉  
奇書失蝌斗只餘腹中君所有看君髮短頻搔  
首看君舌存尚開口郡中歲俸餘幾何岍傍春  
燈照沽酒與君對酌後高歌酒酣相別寧蹉跎  
雪深不敢懸雙淚猶恐前頭闕吏呵

花朝游夾山溪同用花朝春晴四字

嬾起見遲日媚如川上霞畫船猶隱樹紅袖遠  
疑花一水牽情出群山當面斜所期空濶處行

樂意無涯

寒暄何遽別昨夜與今朝雪跡間蒼翠波光連  
動搖鴈歸空有塔虹斷已無橋是處應登陟呼  
人且繫撓

花開與花落消息問花神不見一枝出差過二  
月春瀟瀟松樹古拂拂柳條新載酒渾難醉因  
之見我真

風日他雖好花朝愛此名故知猶有閨未必再  
能晴石豈虛供醉村應盡可耕萍踪憐不定

石倉詩稿

卷一

錢塘看春詩

五

發復南征

游太湖詩

吳門訪范東生再訂洞庭之游同用盆梅

二字

十君今已定客到問胥門何處無芳草偏能有  
故園群魚穿水樹獨鳥啄花盆祇爲耽風雅傾  
心試一論

隔年予不到只待洞庭梅此地幾枝得坐看猶  
半開春風太負客落日且銜杯亦有王程在勞  
歌空自催

石倉詩稿卷十一 游太湖詩

游支硎值雨不果再集東生園館共拈澁

韻得十五咸

渡口衝朝雨氣銜東風雖好不揚帆清言未得  
酌支遁縱飲猶能過阮咸一望朱欄翠黛幾  
群游騎濕青杉山中老桧閒無事寂寂鐘聲出  
碧巖

石湖

畫船縈水曲古寺傍山阿空濶憐茲賦朦朧憶  
舊過路從絲管入春向酒杯多徙倚長橋上斜

陽卧淥波

木瀆過黃伯傳宅

已失橫塘路仍逢木瀆橋夕陽湖正滿春草岬  
俱遙餉客煩雞黍呼僮灌藥苗由來故人宅相  
過意偏饒

暮登靈巖

投岬遇林暝登山借湖色車中迤升降遙遙不  
可測吳王館娃地雕甍連綺翼采香徑旣紆響  
屨廊匪直琴亡鮮遺音井渫猶可食石池生苑

石倉詩稿卷十一 游太湖詩

二

葵采采意何極僧藏磻村研重與相拂拭藉此  
一時勝而代千古憶縱須秉燭游亦爲長歎息

許裕甫紫邏閣

湖裏人家河上津危垣陰洞鎖松筠有山相對  
故高閣無地能來非惡賓梅葉動關愁思破芙  
蓉偏落酒杯新爲予別置琴書榻移就明窗任  
意陳

曹塢尋梅

僻地能同姓游人喜乍來湖中猶有澗松際故

多梅二月春相戰東風日幾催宵令枝上雪不  
映眼前杯

渡西山

帆急但聞喧長風吹洞門浪頭分箇箇岨勢砍  
翻翻碧漢孤飛鳥晴沙亂曝龜平生多鬱結于  
此蕩心魂

林屋洞

洞天深邃隔塵凡夏后成功闕石函玉柱金庭  
稱便闕神鉦天樂自英威山川不信無歸路漠  
石倉詩稿卷十一 游太湖詩 三  
渤遙連可掛帆昔日靈威能獨往惟餘流水遶  
松杉

夜投包山

日暮下林屋密林驅遠風祇疑行洞底不記在  
湖中僧與雲俱老寺因山益空來踪雖惜秘歸  
徑却嫌通

毛公壇

毛公已飛去丹竈至今垂湖水浮光遠包山此  
路疑長松依舊窟列石抗餘基惆悵倚真地悠

然未有期

三灣

三灣誰最勝明月可盤中撥棹難爲力行時但  
信風梅花香鬱郁柳色綠蒙茸更爾能銷夏吳  
王有別宮

縹緲峰

五湖誰領上頭居縹渺仙人駕鹿車霧氣頓生  
千谷滿梅花斜覆一村虛孤如野鶴盤空表秀  
花芙蓉出水餘僧舍閒閒茶事近凝香水月有  
石倉詩稿卷十一 游太湖詩 四  
誰如

長圻遇雪

兩舷侵巨浪一葦落長圻風色連山動梅花詞  
雪飛夜厨燒木葉寒榻借僧衣水國參差候應  
難計日歸

湖上看雪

梅花喜生色拂曙遶林柯故使舟離瞬因之遠  
遡波湖風灣更疾峰雪遠能多清興殊難已  
衣獨嘯歌

莫釐峰

獨有此山頂將軍名特殊東偏自雄得遠勢併  
吞無水映幽相媚峯隣緬自孤登臨當雪後濁  
酒不停呼

阻風再別裕甫

身歷兩山勝淹留時在東未辭玄度月重醉石  
尤風梅晚綠枝發雪殘青靄籠吳門幾回首未  
得遂歸鴻

答王百谷

石倉詩稿卷十 游太湖詩、五

支公養馬澗歷歷映林梢花事能分勝人情貴  
遠交洞庭一水隔古寺衆山包祇有吳宮蹟荒  
蕪共鳥巢

答潘景升

梅花不夜色湖水及春流所惜豈無月不知何  
似秋故人方隱几聞我自歸舟忽枉詩篇贈依  
然證舊游

石倉詩稿 芝社集 癸卯

閩中曹學佺能始著

同社林光宇子真閱

曾孫岱華重梓

元旦

平生負少小倏忽已三十志意日夕馳茫然誰  
向立挂名于仕版職守不相及昔云朝無人不  
如耕自給水聲舊年去山色新年入其時匪不  
春羣動尚安蟄觀化得自然浮榮非所急

隔簾看桃花

石倉詩稿 卷十二 芝社集

偏生旖旎花盈盈間珠箔彼用妙卷舒是姿等  
開落春風如有情兩美交相薄艷姬尚處帷駿  
馬欲驕絡塞頭不可盡望望迷沙漠

洪子厓明府俞君寶陳振狂集小園同用

微字

入歲閒居生事微使君騎馬到柴扉便湏薄酌  
無供具况復平交有布衣山月已能分雨色桃  
花偏欲傍燈輝不知誰擅陽春曲一唱堪令  
者稀

子厓招集署中同用居字

野鹿走階除蕭然水竹居夜寒當客滿春勝占  
公餘火樹知時餐鐘聲過雨疎酒酣歌自起不  
是爲無魚

八音詩 以下二首徐興公直社

金風氣初厲石滿角弓鳴絲綸天子詔竹帛將  
軍名匏樽潛度水土穴暗穿營革褻尸猶願木  
就怨難平

詠走馬燈

石倉詩稿 卷十二 芝社集

連騎看燈匪一羣燈輪賸有騎紛紛似調金埒  
光俱射漫拂絲鞭響不聞日沒猶然行赤地春  
深信自踏紅雲百年人世皆如隙爲樂蹉跎任  
夜分

贈王穉玉轉運

青瑣從容侍從班獨持鹽策見時艱陋言析利  
秋毫裏多在論文杯酒間高臥夢歸臨海嶠公  
餘步上越王山此中旦夕應難借已識 明君  
早賜環

福唐送葉少宰

未得山中信來乘江上潮不辭相見易終情別  
離遙物色已開歲主恩深在朝路傍問何客  
征馬自蕭蕭

與林吏部

消息茫茫久不傳粵西薊北異風煙邨堪苦憶  
如它日縱是相期復隔年一夜驛程猶作客千  
重雲樹欲尋仙不知子晉吹笙去何似山公啟  
事前福唐有石竺瑞岩皆仙境故云

石倉詩稿

卷十一

芝社集

三

同陳振狂遊瑞嵩

海氣凝奇狀山形建瑞標虛中能不斷古色未  
曾消雲去時穿石泉來每應潮與君行復賞人  
境正堪遙

大田見梨花

千樹梨花見馬頭峽江江水向南流行人但指  
山如雪不辨和煙帶雨愁

半額園聞鶯

鄭思閻直社

山亭隔俗賢鶯語入春嬌欲覓之花底猶言在

柳條思因初霽發情寄好風遙況我稱良友相  
求在此朝

平臺閱兵

林子真直社

春遊羣彥洽曉出六師齊白羽廻明月朱旗拂  
斷霓平臺劍氣盛疊嶂鼓聲低晚際憑欄望荒  
原烟霧迷

送人

未慣出門去一行途渺然波寬無過楚臺迴必  
推燕遠別輕愁思多才仗少年所之饒古蹟定

石倉詩稿

卷三

芝社集

四

擬有新篇

送丁亨文民部赴京

門閉青山裏舟行綠水邊別離寒食雨辜負艷  
陽天禁苑鶯方細官曹杏獨然長安惟大路猶  
得直如弦李獻吉有下糧廳見杏花詩故中及

楚游不果歌

春來駿駿動楚思欲行不得嗟生事心裏難論  
今日愁眼中空蓄古人淚閉門落花橫惹烟落  
花不點洞庭船幾作洞庭湖上夢青草迷人何

處邊

花朝

二月春欲半百花朝舊名此中開已落不復較  
陰晴列燭幽林影踈鐘隔水聲他鄉行樂處獨  
有故園情

清明日西湖觀漲得微字

積雨晴偏好遊人思欲飛信移湖上棹忽入田  
間屏山翠浮何遠松根出亦微況於佳節值一  
倍使忘歸

石倉詩稿

卷三

芝社集

五

上巳登烏石山

開朔即元已天清風物閒由來好臨水今日亦  
登山石路盡生草春衣初乘蘭澄江百里外欲  
爲祓塵顏

西湖脩禊同賦七言排律得臨字

上巳西郊芳草深聯鑣接軫競駸駸浮橋直似  
通青靄高閣虛堪映碧潭借小山渾積石隄  
連曲渚亦千金簫聲松籟送將和扇影波紋近  
欲臨濯故却憐同解帶布新誰分獨開襟觴行

竹葉春無限舟逐桃花漲不禁迎憤醉魚嘉事  
集貽椒汎棗樂方尋韶光已足淹晨莫人代何  
知異古今

雙溪流觴分得四言平字體王王生王粹  
行行東郊深無人煙言登崇岡仍趨平田雙溪  
同源其流濺濺天成之溝因爲周旋賓朋來斯  
居同衿連流觴何遲隨人而遷遐思前人由之  
無愆

池亭聽雨

烏石山下月于真作

石倉詩稿

卷三

芝社集

六

翠色遙如沐橋邊徙倚看俄然半山雨來作小  
池寒鄰女安花架溪童理釣竿深杯足談笑不  
覺自更闌

送俞山人

不曾之九鯉此際有仙臺欲覓丹方去其如歸  
夢催溪灘積雨峻春月好山開亦有尊鱸興秋  
江擬棹迴

沈舟西湖到北菴得多字

黃伯龍直社

大夢山前起棹歌青青初泛水中荷乍看漲色



西湖遠却較幽陰北地多堤上有情觀士女林  
間無傷問維摩酒酣不識春城路明月盈盈臥  
綠波

### 小園春暮

春事倏將盡閒情誰與羣平池魚欲近幽徑鳥  
先分移竹迎朝雨留花待夕曛不知何處鶴頻  
送幾聲聞

初霽同林四泛舟西湖登夢山墨池之勝

山色城中滿看山亦出城却憐春欲盡正值雨

石倉詩稿

卷十二

芝社集

七

初晴坐得野亭曠到來湖水清詎湏問佳不予  
此已忘情

隔听來舟子權歌春涉烟且繁隄草曲少泊水

松邊孤嶼別成境幾家同種田遲留道不厭日

莫始云旋

舍棹之村裏人煙復一邱綠楊藏水榭青嶂鑿

山樓有業俱歸淨無期轉入幽眼前車馬道逝

水疾難留

絕頂多奇石巉巖最可登風歸松際籟天入壑

中水鳥篆苔將滿鳥栖跡尚仍欲歸翻感慨始  
識興無恒

三月晦日集塔影園送春

王元直當社

今朝還得及春遊寂寂春陰不散愁欲管鶯花  
無限思祇憑歌舞也堪留天垂古塔將分影水  
到疎鐘不隔流解却韶華真瞬息隨時行樂亦  
何憂

邀畢孟侯登烏石山風雨忽至

霽色登臨處何知風雨來大江遙見浪空界隱

石倉詩稿

卷十二

芝社集

八

間雷杯迫千峰接亭危亂石開所經多變幻能  
使客心摧

同孟侯夜集林天迪草堂

好雨能晴夜涼天出夏雲草堂初秉燭松楊靜

論文泉迸三山落鐘傳萬戶分何當坐明發忍

見即離羣

送孟侯

昔者使臣乃重詞命吳之季子列國爲聘惟股  
與僑而交斯定展彼孟侯其人則稱履道如砥

觀物如鏡來余閩陬猶晉適鄭式廬之役張及  
不佞悠悠山川以爲送迎奕奕文藻以資詠詠  
謂余一言烏敢不敬侯其行矣古人是正

初夏澄瀾閣得微字 康季鷹直社

夏日試荷衣高樓送目微水偏此地得山半是  
城園澗色猶殘雨蟬聲自落暉定知湖月好坐  
待夜深歸

薛老峰 陳惟泰陳伯孺共直社分賦烏石山一景

烏石何者最高峰僊令昇之乘飛龍龍飛不可  
石倉詩稿 卷十二 芝社集 九

以攀躡青霄一片空芙蓉我聞神僊多遊戲有  
時直拂天風至笑指人間俗事多祇認當時片  
石醉

集河口鄭氏別業 高敬和直社

此地入已僻遙望山上臺日光背營落石勢隔  
河來密竹疑無路空亭已自開漁舟何處返信  
有暮潮催

西湖觀漲 林天旭招

湖頭新水漲携棹出看時芳草全迷路青松半

偃枝已堪容醉客還欲蕩妖姬不盡淹留與山  
山暮色遲

變體三艷詩

一片香雲初覆額閨中聲動江南客生來幽閒  
本至性鉛華洗盡開霜鏡相逢却在芙蓉池水  
底新粧步步移誰知少小偏多恨抱着琵琶欲  
訴時

東風吹裊楊柳枝楊柳章臺飄作絲枝頭好鳥  
鳴翩翩一種身輕還並憐碧窻如水花紋入含

石倉詩稿 卷十二 芝社集 十

嬌却面金屏立羅衣宛轉解相親就中欲抱郎  
君泣

雨歇松棚露猶滴涼天月明皎如璧美人歌罷  
雲乍起尚隔荷花半亭水自言流落酒家胡誰  
分當年自有夫夫婿携蒲傾百萬爲妾還留明  
月珠

沉舟藕花陂歌 有序

地名北垞勝擬西園菡萏敷榮澤芝吐秀青  
山映則成黛綠葉扶始勝衣客止七人追鄴

都之飛蓋繁云三女宛越國之蕩舟各賦短歌一章余復有所代焉

五月池塘生碧荷六月花開嬌綠波呼取美人來勸飲美人顏色較誰多  
僊舟竹下遙相待綺席波間時復改一片斜陽落不分朱霞迸作青天綵

右得綵字

蓮花有艷不解歌妾歌一曲愁更多蓮花漸見舒紅粉妾身祇自蠶青蛾感君見贈雙白璧淚石倉詩稿卷十一 芝社集

比明珠爲君滴滴向蓮花倍可憐中心之苦還相覓

右得歌字

紅蕖白蕖顏色亂的的如朱復如粲錦波素足涉畏深身比蓮花纔及半荷風一動池水香猶如千斛瀉瓊漿三婦艷中年最少獨目調絃方未央

右得粲字

北山芙蓉寂無語北垞芙蓉嬌正吐可憐出水

一時粧欲開未開待何許輕舟蕩折歸復遲送客留髡正此時山頭明月乍流影不知偏照盧家姬

右得姬字

賦得白雲抱幽石已下二首趙仁甫直社白雲時舒卷片石怕孤貞蓮峰低復隱枝葉漫相縈象虛詎無着中堅斯有情幽人日靜對欲以締深盟

清風松下來

石倉詩稿卷十一 芝社集 斜日澹無色高松迥不羣驚濤一以瀉寒翠落紛紛對酌不覺滿臨流無定聞欲知何所擬謾謾爲夫君

河漲望鼓山

河水有消長山色隨近遠余家寄河上日日得疎散久雨人事絕不覺河水滿東方新氣發明月照高巘雖在江海外顧爾親何宛委巷寒已積蓬門勢斯偃既退俄復進蕩搖難得穩室家任浮去長有青山伴

鳳閣蘇林有懷

誤尋丹穴去如息碧梧陰欲奏求凰曲青山誰  
賞音

芙蓉露下落

小園直社賦

妾家承蓮女常畏及秋凋露氣俄然警花嵬詎  
可招質輕還並委聲寂不知飄漸水帷裳損啼  
珠頰暈消祇須惜清夜無復怨明朝

七夕

董未允直社凌霄臺

弦月臨高臺初商起山阿華燈盡露室林鵲不

石倉詩稿

卷十二 芝社集

十三

處柯賓僚辭筵暮佳冶上粧霞俯眎針樓燦仰  
觀龍響和調絃指星路拭鏡動雲儀叶機軛甘  
一渚天漢無兩河桂昏眠乍穩桑旭別仍俄瀟  
瀟雨灑塵傳是淚橫波其語不可聞大抵爲傷  
嗟

屠緯真至

山房留艷宿石榻印花紋夜色分羈夢涼風落  
異芬詎傷河漢女一訊武夷君定有昇僊曲清  
歌使我聞

中元放水燈有詠

連望如漁火隨風不度腥雖然當滿月亦自出  
繁星匿采應過堰衝行或避舠羣迷能一照長  
此託玄冥

瑤華社詩分得釵字

月樹初生桂庭陰尚藉槐人煙古井外客思滿  
天涯落日仍調瑟清池欲辨釵應須卜夜樂詎  
復積秋懷

園中撥悶二首末於湖頭足之

石倉詩稿

卷十二 芝社集

十四

苦從筆裏拈多句誰若牆頭露一峰入眼頓驚  
涼月柳側身堪吊石池松經時遊阻思輕棹僻  
地眠深得遠鐘莫歎爲官太雞肋向來難學是  
真慵

今朝纔覺是清秋解引詩腸一段愁神女不離  
巫峽夢故人催上秣陵舟竹中雨過俄驚斷天  
際雲來祇悟浮小步城西攬諸勝到來湖上許  
全收

送董叔允之岳陽

今歲入春思楚遊至今八月空清秋君山一點  
時在眼何必岳陽遙上樓

荷亭小集

同吳非熊謝耳伯周方叔王相如徐與公林子真林茂之諸子分賦五言古體得筵字

賓客四方至惟日張盛筵二三素心士我志默  
所專之郊未及野茲方欣云偏列雉勢逶迤湖  
水與之沿輕舟豈不具合坐情重遷發言入妙  
理要之微幽玄

與周竊六

石倉詩稿

卷十一

芝社集

一五

遷客來閩中風景亦不惡署曠偏依樹庭閒可  
晒藥談詩杯酒間悲壯故自若傷人了不顧觀  
者何落落我也一官如棄置三年歸家總無事  
踪跡多從山水畱名姓或堪朝省寄神物邁會  
亦有時埋藏千里光陸離如何昔日長安市馬  
首相逢總不知此地舍沙伺人久縱然目攝須  
緘口何如君謫我歸來海天寥廓看携手

中秋集林少保舊宅

謝傳若浮雲東山月還出劃然開中天何知處

一室嘉樹日以長甘泉時復溢昔賡在陰評鬱  
有其文質遺音不可渝詎隨琴與瑟伊余幸遊  
只堂構具云悉雖過三爵樂威儀終秩秩所保  
在良辰遐思以昔日

十六夜集平遠臺看月歌

王相如直社

昨夜月過今夜老今朝客較前朝好我輩何煩  
羽扇揮太清豈俟浮雲掃高臺崔嵬江水抱潮  
聲欲射登臺道須更海門亦疎豁月出微茫露  
瑤島平看大地盡如縞地上月在長松杪盈盈  
正對華樽倒金屋憑將團扇裁玉閨任取文砧  
擣但尋客子眼前樂那知思婦心中慄人生安  
得常自保秋序平分已衰草憂來易與同枯槁  
君不見夜月墮今扶桑杲

山中泛湖

寂寂山中湖湛湛湖中水湖水能幾何月色亦  
如此雖無盈樽酒泛之不能已自笑還自言心  
中聊可喜墳墓何累累寐者人已死中夜來遊  
斯應惜有知已

石倉詩稿

卷十二

芝社集

十六

鄰霄臺大社 阮聖之招

累日處山中茲辰厠榮宴釋彼林谷氓而洽江海彥同聲自相應何必論會面高臺行以軒在下俱可見長短互阡陌東西竟陵甸明晦詎云常乃貴景物變有如君子懷靡物不蒙眷休矣罔攸匿瑕類亦可薦謙恭力聲折流覽肆將徧衆賓既飽德猶然享豐膳感慨竭所蓄援筆爲述撰不重千金酬惟要一言羨幸哉不腆邑風雅庶云煽

石倉詩稿 卷三 芝社集

十七

吳非熊林茂之過宿

秋園空似水有客亦佳哉雙榻夕俱下一尊涼自開吟成枝鳥睡機息野鷗來迢遞金陵道憑君歸夢催

舟中有懷效古七解

繫我出郭在此水湄車馬告息猿猴相追 一解  
谿風怒號其來莫支既人我室復處我帷 二解  
人之不閒終日如馳忽焉寂寞中心多思 三解  
謂室則遐不在今日遐之與邇其思則一 四解

朝之思兮夢爲我仇今我不寐欲何以求 五解  
山月初上浦舟微浮淒淒白露惟草是油 六解  
離鳥夕宿其鳴啾啾余亦歌且以寫心憂 七解

九月朔日泛舟西湖晚登大夢山

人情多好新遇朔每更思況乃當秋時俄然已稱季閏服恒鬱蒸茲辰始秋意宇清無所着雲薄祇猶寄曷言寫滌朗湖水聊可試理棹命酌之汎汎隨所至離听雖甚徐到山不覺易薄言陟其巔俯仰同一視以喻遊者懷曠然何復累

石倉詩稿 卷三 芝社集

十八

其二

蕩湖晨已曠登山夕旋幽興不與晷盡秉燭斯可遊月之初生時猶然用晦倅崎嶇信披陟不復辨所由山中何黝眇惟見松與楸瑟瑟谷風起入樹爲激流俯視多雲烟城郭環既周湖水亦合之詎分爲沉浮處暗寔多患凜然不可留

西禪浦夜泛 馬季聲招

問津寺門路遙遙途孤鐘浦口雖云狹漸以臨大江江路亦有常但與潮汐通燭火代明月漁

者聊爾同林  
蕭風颭颭所過非一峰  
戒心告乍  
息當路有偃虹  
如此歸已矣  
夕漏聞之窮

西隄晚坐  
同謝耳伯宋永延

青山有佳色  
晚向湖心墮  
出郭步看之  
適意便  
當坐一舟  
湖中行無人  
亦無柁  
不呼來漸近  
似欲以迎我  
微風吹之去  
悠悠復不果  
隄上夕陽  
盡歸人  
自成夥  
彼幸不見譴  
予惡知不可

瓊河夜泛至鼓崎舟中限韻刻燭成五言

絕句十首  
吳非熊謝耳伯徐與公林茂之同賦

石倉詩稿  
卷三芝社集  
一九

潮平纔沒纜  
日落半橫窓  
去去登山路  
悠悠此  
渡江

白龍還在否  
我有降龍法  
薄暮清風生  
半江靜

鱗甲

嫋嫋千竿竹  
風吹動水涯  
密林月欲出  
幽意與  
之偕

寂寂雲稜薄  
月光照寒港  
譬之如明珠  
吹沙出

老蚌

美人期不至  
勝事却難兼  
所嗟江月好  
不肯關

眉纖

乍暘游樂懷復有離愁  
攬何如枝上翬雙飛  
爲巧

漸東江中路還移石下  
潭登高須日九水泊已  
更三

霜落水上寒披衣出憑  
檻歷歷峰陰遶半邊月  
色減

泊舟不能寐指點入松  
杉欲於今夜半乘興到  
巉巖

石倉詩稿  
卷三芝社集  
二十

崔嵬白雲冠林葉似衣  
絳山靈却疑我天際真  
人降

清晨到白雲廨院得陽字

叢林露曙光雲氣密蒼  
蒼淨室尋猶得飛泉坐  
可望舊遊思舊歲重到  
是重陽野草知幽意翩  
翩翾菊黃

茶園得青字

地驚能最勝跡喜不曾  
經是處雲分白偏秋樹  
損青江於斜閣散石受  
短牆扁好茗隨多乞流

泉試一聽翔雞知客異防虎託神靈野老相邀看輿人不共停冥搜非舊路空殺半山亭

靈源洞二首

古洞閼靈區中天開石扇俯峽峭以深綠厓紆而蔓澗虹既跨雙谷風復吹萬神灑詭其脉江流曠於面異哉遐與邇當身有迷見

石上題名字蒼苔爲之襲摩索雖甚艱久之亦漸習乃知遊覽懷昔人於我及出谷鐘似吼入洞月如吸岩房此栖託逼仄聊自蟄僧梵雜蟹

石倉詩稿卷十二芝社集

三二

啼客眠讓虎入

九日黃郡守王轉運阮司理邀屠儀部林

民部至賦得四言一首

彼美君子邦之司牧爲政多暇自公休沐日易斯升亦晝是卜邁以其旅樂匪云獨汎汎江舟駸駸巖軸崑高洞深雲飛嵐伏青蒼石色挂於林木旣曰近怡誇此遐矚虎以象山馬以名瀆或踞或奔以鬪我目白煙若虹截江之腹隨風蕩去其流可掬大夫作賦文哉郁郁刻石千秋

令聞有淑

王園看菊一首

同吳非熊袁無競林茂之  
王粹夫

閩中百卉早何者爲獨後黃菊無一枝空已稱月九今日好事人忽向柴扉扣告我菊花開攬衣與疾走只在隔河曲其地亦盈畝辨種誰者奇分叢某家有憔悴若舍情霜薄花不厚遠見青山色近乃登崕嶠瀟瀟微雨來虛亭無四牖主人雞黍熟歡言以酌酒豈必佳與治樽前鬱金婦若不頽然歸秋光恐辜負

石倉詩稿卷十二芝社集

三二

又過陳園

攀條每易處秋色能駭人渡河已故步其位與我鄰我鄰詎不邇要非情所親町圃畫就治詎若雜無文物性得其養較前殊繽紛魚鑰爲我啓曲徑步逡巡芳沼鑒移月高樓抗入雲花木百種繡禽鳥五色珍燁燁開若夏嚶嚶鳴如春應接實不遑亦覺怡心神浮情但逐境取舍烏能真

餽菊



寒蘭畏霜歇采桂懼宵零顧惟籬下物可以久  
芳馨額黃如式鏡翹金乍出鋤一枝何足擬孤  
鵠下幽庭

池亭對菊得寒字

同吳非熊彥先林茂之

爲擇羣枝好移來亦覺安井紋添上素波影不  
過寒低處疑秋落幽邊信暮殘須知相對恨只  
託此花看

林民部園招陳太史李工部

籍籍金閨彥翩翩粉署才德星占此地今節兆

石倉詩稿

卷三 芝社集

二十三

高臺夜色迷蘭棹秋陰淨菊杯園林得題咏應  
喜使車來

十五夜汎西湖

同非熊彥先耳伯茂之

汎鷁何時已迎蟾祗向東城灰如古雪林吹雜  
輕風頓薄前山翠微侵遠火紅今秋難再望詎  
惜夜方終

寄嵇司李

嵇公來佐郡暇日卽清談已見文無害誰云七  
不堪移舟入溪曲問寺出城南惠我盈樽酒長

乘秋月酣

別洪明府

爲政爲文兩不疑傍人誰解有心窺音稱漢室  
循良吏可是於今凋敝時雲裏飛鳬看直上湖  
頭跨鯉待相隨此情詎作尋常別漫觸霜天楊  
柳枝

鄭輅思買妾入燕賦贈

眷別深閨中言之上林苑征途萬里餘從君不  
知遠夫婿翩翩漢署郎帝京鞍馬何輝煌但教

石倉詩稿

卷三 芝社集

二十四

夜吐蛾眉秀却勝朝含雞舌香

聞鴈賦別

但得身常聚何妨跡屢移猶如雙呌鴈隨處宿  
寒枝別妬秋仍在歡驚月漸虧燈前暫相對聊  
復試蛾眉

石倉詩稿

天柱篇 癸卯

閩中曹學佺著

同社 徐惟起 閣  
林古度

曾孫岱華重梓

渡峽

渡江猶不深聞道險難臨  
濤白忽迷眼猿啼都上心  
雙門中作峽五虎側爲岑  
去去有時息所懷非故林

登石竺山二首

石倉詩稿

卷十三 天柱篇

息徒改俗轍尋仙  
騁雲轂谿路綿以紆  
山形拔而盡入初狀  
倏呈披輿境徐蓄千  
崑若累層萬樹信攢  
獨曰帷固甚密爲宇  
何其複卽此乘虹飛  
因之頽鯉伏朱鳥現  
毛質玄猿衍類族托  
命於仙靈詎爲人所  
畜我來一叩之入門  
展欽肅耳目懾靈異  
烏敢恣云欲

燁燁丹芝草所處在重雲  
攬之不可得彷彿聞餘  
芬岩巒深已暝五色呈  
靈文我欲食此草因  
可辭世人譬之江海遙  
渺渺浩無津滌情屏物

累要道得所親神仙爲導引  
靈器自然陳寄言淮南子  
八公斯我羣

黃蘗寺

朝辭石竺路透迤暮入禪林  
境始移橋下清渠爲草積門  
前古樹作藤垂諸峰翠黛分  
深淺一勾寒泉歷歲時昔日  
江淹來此地懸幄何處有題  
詩

香城寺二首

有寺如茆舍當年盛佛場  
林花開異色石乳出

石倉詩稿

卷十三 天柱篇

二

天香虎自聽經伏禽因施食  
翔誰知今日裏客子獨披荒

蹉跎成去境深阻有歸程  
遠海日爲蓋亂山雲作城  
螢光浮澗濕竹吹掠風橫  
已得前來寺如同抵舍情

龍潭

雖云七潭水定有幾龍蟠  
不礪因辭繞無梯亦輟盤  
冥冥乘氣下冉冉自空搏  
璀璨日成幔嵬峨雲作冠  
按音非一部取象亦千端  
爲雨俄爲

雪似雷復似灘簾垂不可盡珠碎更能完周姬  
耽裂繪班女恨裁絳蓄素仍舒采看碧漫成丹  
上古終無霽四序但知寒猿啼頻失響禽翔屢  
落翰盛徒喧笑入猶然覺旅單

絕頂行

高山有奇洞靈物之所處其觀多惟謫大言似  
夸詡我直持一勇於以勝百阻路長到實難食  
人有猛虎天陰日無光雲霧作細雨潭壑乍隱  
見鄉縣悉周溥仙人雞犬鳴聞聲不可覩入水

石倉詩稿

卷三 六主篇

三

成矛戟叩石如鐘呂遇物雖駭新本質實已古  
好遊不學道來此亦何補

重到鯉湖

已是行窮日翻然夢入雷惟其當夜後所以盛  
秋哀賴復何知改源深莫測來昔遊成幾歲亦  
見景光催

其二

晨起看湖水千重煙霧翻祇從天上落詎是世  
間喧竟日坐磐石有時攀樹根仙人不可見景

井自潺湲

麥斜

好遊無定迹山水送昏朝乍息聞崩湃終安處  
寂寥幽局嚴却輟偃樹卽通橋有石皆成洞層  
樓判入霄雲真從下起旭反自幽招曲澗疑笙  
吹叢篁儼珮搖蒼苔存古色黃菊表霜條已識  
秋無恙誰云境匪遙林深遲返翼谷迥早歸樵  
應洽卽中趣斯唐隱者謠

宿楓亭

石倉詩稿

卷三 六主篇

四

馬上看楓色床頭披荔陰不知投古驛祇是宿  
寒林

萬安橋

功成前太守行者每咨嗟石峻猶成堡潮平祇  
似槎奔星閱車馬成市集魚蝦獨爲看碑入祠  
傍日易斜

歐陽石室

出城遙見洞入樹却疑門昔者閒居處而今遊  
跡繁岩房任高下雲海各飛翻不朽應何以能

成一代言

宿石室

四野淒風切重林暖氣餘  
雖於岩上宿宛爾室中居  
一夜夢寬好千年踪跡疎  
栖栖日行役終媿古人書

清源絕頂

登山途已盡突兀上方臨  
未入禪扉裏聊停古樹陰  
石邊泉屢出海際地俱侵  
昔有成仙者茫茫不可尋

石倉詩稿

卷五

天柱篇

五

百丈盤

山中隨見海此地益無涯  
片石平於砥行之祗覺危  
正當潮水至便有島風吹  
羽翼何由借飄飄動遠思

南臺

列石形如削逶迤勢屢旋  
登樓纔半望望鳥或之巔  
橋路中分邑雲陰下覆田  
南山最高處還詠有臺篇

巢雲

泉到巢雲地潺湲乍有聲  
昔來衆山雨遂掩此孤鳴  
好樹俱相傍斜陽亦與傾  
屢謀諸勝宿是處喜能成

彌陀巖

躡澗何知遠爲岩喜得重  
徑幽疑篆鳥樹古若懸龍  
坐待塔中火遙聞林杪鐘  
飯依偏趣意於此禮金容

歸巢雲宿

崑分亦非遠人跡曠全稀  
泉響猶知路藤垂屢石倉  
詩稿卷十三天柱篇六

挂衣醬啼寒不徹雲懶早  
應歸欲傷殘僧宿山樓多  
掩扉

晚行見月有懷

昔別當殘月於今魄再生  
蛾眉如在眼馬首若爲情  
燁燁丹霞映遙遙碧嶂橫  
客途欣有伴遂爾及宵征

出米岩

閒行看翠嶺騎馬入松杉  
誤以橋爲洞貪茲寺在岩  
未歸林際衲惟見海中帆  
蕭瑟深堪賞猶

餘秋氣銜

梵天寺登大輪山頂望海

淨域莊嚴入梵天上方迢遞陟層巔金光盡繞  
雙行樹寶相純擎十丈蓮石比大輪依法轉海  
將明鏡借空懸此行信是閒爲客隨地猶能一  
叩禪

別興公

我去霞城道而君適海澄殘更催問渡古驛坐  
挑燈彼地無山水相過孰友朋歸期如不負天  
石倉詩稿卷十三 天柱篇 一  
柱待同登

主人館中看菊

主人假我館況此菊花叢色入月中淡香飄霜  
後空層階安有致疎幌映俱通不忍別之去翩  
翩黃鵠風

贈戴利溥

之子煙霞姿其文如抽緒志在古人間翩翩乃  
豪舉聞予好遊陟亮已得心許獨立山之阿日  
夜以延佇相見在一時竭歡固其所匪不稱寡

諧而交爲爾女展此彌戀衷聊用申一語詎慚  
瓦缶音欲因叩鐘呂

初入天柱寺

我聞學道者玄區相與成妙契在元理亦以闡  
象形曰初天柱山鬱何愁吟嚳至人所託處異  
類効厥靈煜燦燭佛火逶迤抗雲旌下上肆碑  
碣于茲拓而平滄湄與海浦麗崎勢自呈悠悠  
千載後伊予獲遐征雖昔勞夢寐乍見駭鬼精  
紫芝猶不死長歌舉其英胡為閱塵世逝水無  
石倉詩稿卷十三 天柱篇 八  
時寧

觀梅樓呈管彥懷明府

有夢不必入羅浮有詩不必題揚州天柱一峯  
拔千仞坐此使君之高樓使君高樓俯梅樹屢  
向寒梅覓佳句峰頭有月照見之客來正值青  
天暮青天暮兮明月光見梅樹兮見四方何以  
蟠古根乃在詰曲之洞門何以蕩遠色乃在微  
茫之海國何以漂素馨礪中水流清且冷何以  
置蒼屏衆山一帶圍青青青山一何久梅花不

在後花開與花落酌盡山中酒孟冬十月不著  
梅梅花為我爭先開低枝便如殘雪點冷蕊或  
得疎鐘催山月猶可遇梅花信奇哉使我高樓  
上大呌歌徘徊故是使君陽春之所被令客到  
來花亦喜不然千谿萬壑凍如水何以數株徑  
放山月裏

夜宿樓上同戴利溥林茂之分賦得觀字

我愛高樓宿深山不覺寒白雲扶榻下蒼壁倚  
簷端谷鳥為清梵風林似急湍況當有奇夢能  
石倉詩稿 卷十三 天柱篇

接眼中觀

曉望

夢逐疎鐘起披衣得早天日高山影謝雲淨海  
光鮮列邑因溪斷孤帆與鳥連下方知尚暗不  
見有炊煙

戴利藩到山中

忽到峯頭侶頻呼雲外聲雖遲一夜宿猶待衆  
山行我欲追禽向君家有弟兄豈容天柱勝但  
使客知名

石屏

隔山遙已露嵯峨百丈為名詎足多海月初生  
全覺隱江霞欲斷幾能過却疑偃蓋通高樹動  
見連根落碧蘿絕頂盤旋猶可達偏於此地得  
狂歌

象鼻岩

即道人楊處  
誠煉丹處

化象為岩望却真何年神力此能馴瑤光忽吐  
深山夜寶氣長含古洞春拂水拖雲時役鼻巖  
丹蓄火豈焚身仙家踪跡多應秘大道泮泮苦  
石倉詩稿 卷十三 天柱篇

問津

燭峰

青天懸燭景石勢生芙蓉照日俱成燄迷煙或  
似烽瘴高站鳥雀海近出魚龍欲騁無窮目猶  
然限一峯

絕頂

昧旦戒披陟清露何瀼瀼既以濡我足復以泣  
我裳我裳不足歎其志在高岡瞻彼若木枝條  
焉升初易徑海不可留上山亦太剛顧東獲所

被接西襲金芒南北各垂照豈曰位不當白雲  
起縈鬱隨風為飄颺潄汨於林樹川委而術橫  
映之成五色爛然何輝煌譬如列圖史今古陳  
采章洽蕩不可極惟天為之綱君子惡下處所  
視安得詳

觀海洞

登山務履絕入洞乃抉闕危梁信孤立連崑崙  
相制錦苔作重闔瑤石為高砌白日射以明寒  
泉流而黝靜眺滄海外山澤自通氣淒風不時  
石倉詩稿卷十三天柱篇  
興林木俱振厲纏綿古藤根未久故不替歷歷  
世外境討之用彌歲

石室歌為戴亨融觀察題

我來海上訪名山聞有至人長閉關城中欲望  
不可得乃在一抹之煙髮是處名天柱其中有  
石宇造化為大匠自然成規矩誰知至人者乃  
是子大夫早歲遊四方聲名在兩都東眇太華  
之頂今而西躡匡廬之巔北揖金門之隱今而  
南招羅浮之仙豈甘茂陵倦欲作六月息愛此

石室居尚存太古色石室中存萬卷書龜文鳥  
跡科斗餘石室中置千斛酒琉璃琥珀不停手  
石室中懸一局棋仙人對奕樵者窺月出兮頂  
上光月入兮照我床雲去兮何湯湯雲歸兮室  
中滿雲去雲歸亦自由古人今日共風流安石  
矯情還祚晉子房掉舌須興劉丈夫濟世在咤  
叱功名自有旂常述然後高卧青山萬事畢我  
終為君題石室

烏崑

石倉詩稿卷十三天柱篇

十二

穿竹時攢碧瞻崑崙獨尚玄石歌烏半立草靡虎  
曾眠返照懸如玦寒流沸似絃好奇纔誤入不  
是昔人傳

白雲

何時雲觸石祇見石如雲石在雲何處雲歸石  
不分到來驚截臬坐久生氤氲應是樵人徑迢  
迢下夕曛

瀑布歌

入瀑布兮山無路流潺湲兮釋情慮石如燒兮

水沃之中若虛兮光陸離山百里兮安知外矜  
軻隆魄兮不防噴勢湍悍兮斗入海海蕩蕩兮  
流始弛流日夜兮天柱傾天柱傾兮山與水平

一線泉

咫尺近山寺力疲斯憇爾乃有石上泉清韻聊  
此始

迷樵徑

林樹深復密白雲時掩扉樵子杳然去不知前  
路非

石倉詩稿

卷十三 天柱篇

十三

忘歸石

坐此一片石深更猶未闌只有山中月照人衣  
上寒

盤陀石

日入在何處蒼茫不可測金翠銷已盡悵然始  
無色

贈別章火苑

天柱懸踪迥逢僧訪所居夢纏流水裏手弄白  
雲餘豈以山中賦能忘闕下書終年與幾日去

住復何如

慈雲

未過嶺畔寺先識林中僧法水流香積慈雲覆  
佛燈籬分龍菊老木作假山層入此聊閒適連  
晨倦仰登

爐阜

累洞能相屬為隣亦不孤天開如土井水滴似  
金壺燒劫猶遺迹神樞有秘圖信當棲隱地何  
事覓歸途

石倉詩稿

卷十三 天柱篇

十四

虎磴

即無隱禪師  
道場

虎磴有虎法可羈禪師下山每跨之一朝禪師  
失隻手傳道中途飼虎饒我來山中看且駭禪  
師之傍有虎在但見禪師手短兮虎亦不肥鐘  
鼓不鳴兮香火微出尋無隱塔崔嵬一片石祇  
留科斗文半作莓苔碧噫我聞今年颶風發海  
水乍來山屹抗樹去其髮兮而石斫其骨泉湧  
上天如真月山僧野鹿愁汨汨予恐此山之幾  
為鼇宮而貝闕兮虎吼湏臾拔其窟欲離不離



足應蹶禪師微醒一聲咄但聞山中零落桂花  
香秘辭

鄭輅思招入霞中社

談詩開勝社結宇出塵寰霞紫城中氣煙青海  
上山一時人競爽千古道俱還不是同聲者寧  
能到此間

訪陳貞鉉遇陳元朋因遊林氏園亭鄭輅

思張紹和後至分得神宇

芳園能不遠逆旅卽爲鄰地僻幽情散樓虛遠

石倉詩稿卷十三 天柱篇

十五

態臻池荷遙駐夏林卉欲邀春巧石非關匠微  
波恍遇神經紆時接侶洞小屢添人宿醉牽殘  
夜佳招佇隔辰無期仍此會還是日相親

贈王使君

使君如璠璣其質不受瑕爲政稱神明聞者皆  
驚嗟性中無俗韻燁燁吐詞華海上芙蓉城日  
夕生紫霞使君出行部片片隨其車旣拂眉間  
秀復映筆端花借問使君姓云是舊瑯琊今在  
五湖上震澤以爲家分符之清漳閩海曠且遐

試以擬開度汪洋無津涯

顧園諸子携酒

曰余羈旅人諸子欣旣觀薄言斗酒會携之以  
相就出郭馳何疾之野步履逗何以置斟酌所  
就在園囿天勝爲我施迺可具營構門外多崕  
嶮纍纍如輻輳奇卉奪繡鮮珍木恍音奏豈曰  
無蕩思泉水在左右魚遊尾徙徙過者皆可翫  
杯到隨卽竭不知誰所授今日靳爲樂後來奚  
以又

石倉詩稿卷十三 天柱篇

十六

題主人池館

池館情能寄郊原望却舒寒波重似積野色遠  
就虛步愜惟逢竹歌喧信棹漁我來爲客日偏  
稱此蕭疎

王司李招飲汪都護園

都護園林擬辟疆使君要客共壺觴珠簾碧水  
疎浮影錦障華燈密吐光坐樹久能馴鳥雀臨  
池還欲弄鴛鴦祗緣發興來時遠故許留懽卜  
夜長

別管明府

臨發故遲遲，相看不忍離。  
應知懷我日，卽是別君時。  
況值山川好，於斯氣候宜。  
得携明月返，暗道也須疑。

送張紹和北上

爾向長安去，予尋丘壑歸。  
同心薄蘭臭，別淚滿蓬飛。  
雨雪行人急，陽春和者稀。  
征途萬里外，欲發更依依。

飲馬季聲回小園試清源霜茗

石倉詩稿 卷三 天桂篇

十七

向客誇清茗，高僧寄碧岑。  
乍然殘葉火，忽沸小松音。  
韻自月中勝，香於霜後深。  
步來微醉意，始覺不能侵。

子夜歌

叩門聞歡來，僂卧竟不起。  
歡尋僂不見，直入懷裏。  
各自有一物，根味欲相通。  
以僂懷抱，非博得歡心慈。

長至夜集諸子小園得開字

上賓初集履，小妓妙擎杯。  
欲驗陽光轉，斯看春色來。  
水絃中座結，霜月暗林開。  
競欲窺生意，携燈向野梅。

同吳非熊陳元朋徐興公林子真林茂之集羅山得寒字

強扶病骨犯危巒，此地徘徊轉覺安。  
寺裏客過辰屢換，林中僧話歲將殘。  
坐於石筍何妨瞑，行到梅花別是寒。  
漫借禪燈照詩思，東方月色出簷端。

石倉詩稿 卷三 天桂篇

十八

送陳元朋

愛爾飛騰去，令人意氣加。  
已須勤雨雪，猶欲戀烟霞。  
陽侯回堤柳，春光着苑花。  
無端曲江宴，不得醉琵琶。

送陳貞鉉

獻賦之雙闕，題詩在小軒。  
由來重意氣，况乃接丘園。  
雪裏侵年騎，山中入夜猿。  
關雲徒極目，聊與適西原。

送吳仲聲

北方地苦寒征馬去漫漫到日開花早經春度  
雪殘和歌燕市俠射策漢時官應識逢迎衆詩  
名滿眼看

送丘伯几

日送公車客惟君傷我心須知三獻苦還隔九  
重深臘破梅橫騎春歸柳上簪洛陽蘇季子何  
必更多金

同非熊茂之宿藤山館中得空字

欲卧山中雪誰堪枝上風長橋寒氣別孤館俗

石倉詩稿

卷十三

天柱篇

十九

情空林影隨清鶴江聲送斷鴻近來多勝賞無  
日不相同

初度見落梅歌

今歲山中春信早臘後梅花半衰草未愁明月  
照成空祇恐東風迹如掃憐予拙宦屢歸家偏  
遇寒梅正吐花曉起不辭寒露濕暮吟頻倚夕  
陽斜曉暮來看不能已但到梅花身似水相逢  
澗曲多農叟作伴天涯幾遊子藤山梅花名始  
傳日見遊人繞樹邊有時雜還來車馬幾處繁

華列妓筵無那花枝苦攀折游人雖喜居人惜  
香風迢遞渡龍江寒色崢嶸照烏石始信無生  
勝有生有名終不若無名我生飄蓬竟何用且  
向落梅歌幾聲

柯嶼訪陳惟秦宅

馬上迎寒色梅花歷幾村所之俱白雪不識是  
黃昏澗水仍前路人家盡後園向聞棲隱處始  
爲到柴門

宿陳汝翔山樓

石倉詩稿

卷十三

天柱篇

二十

山樓相過宿石榻絕塵氛若比前宵夢還深十  
里雲月光寒轉薄江色靜堪分去歲羅浮上惟  
驚有斷羣 女翔向客粵故云

竹嶼看梅懷鄧汝高

小橋深澗響潺潺路入寒林復幾灣竹裏梅花  
標素質煙中石鼓潤孤鬟荆門人隔層波外嶽  
嶺雲歸深樹間此日詩成仍寄遠一枝珍重爲  
君攀

華林寺看梅有桃花開

路迴城北思淒淒寺倚屏山信杖藜疎雨不曾  
辟客入閒雲元自任僧棲參差蘭若香分逕高  
下松根翠作梯祇惜梅花飛欲盡不知春色在  
桃谿

除夕酌非熊彥先茂之賦

白日掩殘歲紅梅落新池年華不可駐故人還  
在茲

石倉詩稿

春別篇 甲辰

閩中曹學全著

曾孫岱華重梓

元旦湖上書懷

元旦歷湖上以避城中誼城中沸簫鼓谷虛響  
亦傳吾生抱龍德固曰屬茲年潛見各所宜惟  
亢非自然始亦秉多願誰識爲化遷請看諸山  
色又在斜陽前

謁忠懿王廟

王光山人廟卽慶成寺王所建

翔鵬祠貌古礫獸石文斑作鎮猶茲土招覓自

石倉詩稿

卷十四 春別篇

一

故山文章窺逸韻戎馬得愁顏一代興王地惟  
存梵宇間

人日立春

今歲好邀春光正屬人斗迴星盡合絃解凍  
俱勾席上辛盤細屏間綵縷新條風入東第微  
月出西隣梅落彈花早莫開記葉頻惟應一晴  
賞庶不負雙辰

釣龍臺送陳季立之金陵訪董九

故里新知別長干舊好過釣龍臺下路把酒醉

中歌春色壯夫少江流前代多我應秣陵客行  
樂日蹉跎

十三日過陳仲文北池看桃花

是夜放燈

喧喧九陌燈出幃傍水桃花照客衣欲與百枝  
傾露艷故於五夜弄春輝波因酒色羞言綠樹  
比佳人盡着緋莫是武陵迷處所更深猶認踏  
歌歸

絕塵菴

僧演中人

一瓢營此地萬里任孤僧花竹疎如許峯巒險

石倉詩稿

卷十四 春別篇

二

最能月來動清磬雨過閑殘燈試向禪心說誰  
當比上乘

上元日康季鷹直社園中

物色殊疏豁新年此上元條風新入社明月預  
開尊水態含苔淨桃花出樹繁夜遊應更勝不  
得久窺園

夜過芝山

月出冶遊郎鍾鳴禮法王天香飄廣殿山色貯  
空廊祇樹年年長禪燈夜夜光適來歌舞處不

覺意俱忘

天秀崑

孤崑本天秀登頂似攀枝江海皎然吐崢嶸無  
已時風淒宿猿洞日暝浴鴉池欲度危橋裏隣  
僧歸照遲

邀屠緯真阮堅之諸子集烏石山亭

雙石突於眼開樽選此亭江來松際白山入燒  
中青明月懸爲幔華燈遠作屏閭閻有歌曲醉  
裏亦堪聽

石倉詩稿

卷十四

春別篇

三

法海寺送緯真歸甬東二首

別酌何妨素歸囊祇有丹山川愁去易朋舊惜  
來難雲結翻空葉烟開媚澤蘭幽情如可寄猶  
是日相看

春辰傳可樂佳節每相連鄉夢歸鴛裏溪帆落  
燒邊峯寒嚴瀨月湖煖賀祠煙若問桃將李應  
看兩度妍

上牛山

稍移官路側便與武陵通湖水浮城白桃花上

磴紅牛歸茅舍暝鴈去草烟空極望生愁思蕭  
蕭荒壘中

林天迪別業見餞

未覺離筵促恒悲別路長鴻音絃裏思林雷火  
中光浦月寒潮切池春翠島芳含情繞奇樹不  
敢問垂楊

晦日周窾六泛舟西湖

湖上新波漾碧流玉樽金管使君遊欲知晦日  
宜爲樂如此春光可放舟

石倉詩稿

卷十四

春別篇

四

中和節洪女含半額園宴別

征期尚迢遞佳節自中和月入離樽始春來樂  
事多池花爭幔發谷鳥度筵歌寄宿曾茲地能  
無戀薜蘿

雨中泛西湖泊孤嶼三絕

陳伯崇招

放棹無窮已我心喜所託誰知湖上遊亦竟成  
雨泊

開樽小山下桃樹宛幽源何忍見花落蕭蕭春  
雨繁

薄言陟孤嶼烟色迷遠近回望城中路川長不可盡

張氏園中擬古 五解

招彼河干姝言遊園中春春林啼雜鳥春花浮上津

高臺眺春色烟氣密氤氲微嫌錦石冷羅衣持覆君

庭裏貞松秀岸傍枯柳斜別是蕙蘭種會作冬春花

石倉詩稿 卷一四 春別篇

五

開窗坐綺閣憑欄如畫橋少有青天色半是綠芭蕉

池上鴛鴦匝日夕生綵雲鴛鴦交頸語流波如可聞

仁王寺

登山纔至麓最喜得招提泉出疑浮露江迴似吐霓雲陰交日亂樹色入城低自顧將行役新詩試一題

送夏給事冊封琉球

遙望海東國積水自漫漫 聖主不忘遠人臣詎避難眷言辭瑣闥利涉在波瀾冊命通夷部威儀出漢官四空惟顙氣一點似蒼巒風正帆猶駭陽升漏未殘月中無鴈度雲際有龍蟠所遇皆奇狀平生此大觀到知藩禮謹歸詠 祖功寬寧似金刀使徒携寶劍看

雨中高賢祠同社餞別

客路天涯外朋來春雨深空濛逗帆影泥濘失車音遠水平將接層峯闊屢侵同聲自相感況

石倉詩稿 卷十四 春別篇

六

復有離心

酬林太僕

處道以恬勝仕宦用競先而公在家日過于歷仕年世德日討之亦各賦自天周道直如砥伯岡驅以前奉命爲使臣持節何翩翩馭民若馭馬怕懼朽索然嘉謨日入告惟帝聽用專功勛非不爛視之等浮烟末學寡才諝畏途逢躡顛雅慕惟淡泊或可附其偏贈之承以言朝夕奉周旋庶範造父後率由期無愆

阮堅之過別

出門纔出情蹤跡難辭一去終奈何路口花飛  
增窮窳峯頭雪積自崑崙苦心不作傍人語把  
酒堪爲烈士歌寒食清明俱是客秣陵春色底  
能多

洪江發舟已下遊水西共十四首

晨棹蒹葭發春潮處處迷江中翠微澹樹杪白  
雲低遠岸惟烟火空亭有路蹊孰知游子意更  
爲訪幽栖

石倉詩稿

卷十四 春別篇

七

訪林熙工因登屋後小山一首

遠行與幽期兩事豈相違粵余尚遊適肯爲嚴  
程顧隔江有美人久欲輸情慙芳草而不樂恐  
嗟芙蓉暮遂息僕夫軫乃招舟子渡到門慙隱  
心眷焉稱良晤其中山水佳前後皆可步高岡  
枕曠野危石結奇樹禽囀日向新江聲代非故  
周迴城郭間是我來時路不見出入人惟餘烟  
與霧孰知此地游顏光猶可駐

題面壁洞

主人元好佛隨地卽安禪法水指明性山花開  
淨緣西來應有意何處一相傳猶未離文字題  
詩在洞前

游石松寺

石與松俱好名之寺更幽到門山雨下面壁峽  
泉流法磬隨清慮香臺自遠眸此生無住着纔  
得稱心遊

錦溪

溪水明於錦層波映不窮山光籠竹滿樹勢俯

石倉評稿

卷十四 春別篇

八

泉空少怯陰無日虛疑響雜風歸舟如可問猶  
待暮潮通

過王用文故居

公勝國時死節子偁坐解  
縲事斃獄子過而悲之

客到山水間山水吐生氣流泉鳴潺湲層巒鬱  
蒼翠鳥啼旣銜悲花開亦矯媚雖則無風沙祇  
似入邊塞居人不識故鄉名爲官烈叶借問烈  
謂誰亦係何官吏三百餘年間是彼□元季聞  
有達官者起家在北地叶駐爲列侯登壇建旗  
幟國運乃不良四方爭鼎沸好文不好武自變



其姓字識機懼禍及明哲保身計偶遇一僧人  
曾居此山寺此山信美境道述詳且細商可  
終隱桃源詎暫避解印從之去脫屣無以異開  
拓始甚艱營績亦稍備四圍植松柏兩楹纏薜  
荔門外開方塘池中種荷芰忽有布衣客高步  
復仰視自負非尋常咄咄出奇思定交作知己  
日日相把臂出則與同行入則與共寐已則爲  
之友子則爲之侍不知何時日併是年與歲山  
中聞改元天子已卽位四海爲一家尺土安能  
石倉詩稿卷十四 春別篇 九

外布衣慷慨言其言似遊說公非四皓流亦非  
秦人輩安有昔臣子不問今皇帝壽命終有盡  
山水祇如寄願公勿惜死從容以就義言罷泣  
數行相顧皆歔歔立呼兒子來汝年尚童穉我  
欲舍汝去汝自有父在跪問父謂誰布衣是汝  
父是我親兄弟布衣坐上坐兒子稽首拜汝  
生當太平吾志在文學切勿學汝父雖死有  
餘媿今日且別去各人勿疑貳清晨悲風生林  
木皆振厲玄猿號澗濱鵬鳥集庭際童子出門

看有客自田隄衣冠盡縞素手持楮錢至步步  
望吾家豈有不祥事忝欲報主人主人閉房內  
笑渠何逼迫雖駟不及舌肘後鳩無方匣中  
劍不利囊有五尺帛鳥經以自譬令子學文詞  
其年日長大薦舉及入官侍從得親貴曉聽未  
央漏夜草明光制嵇紹當仕晉嵇康則死魏結  
交盡名流高才衆所忌出入何輝煌同朝兩學  
士解公縉也其交如連枝豈可分榮瘁其親如  
比翼豈可東西離治長在縲絏誰識非其罪惟  
石倉詩稿卷十四 春別篇 十

有司馬遷爲陵而受繫天子下其事廷尉使雜  
治乍作杖下鳴已就獄中斃父志在文學子爲  
文學累死君與死友較之孰難易吾欲問布衣  
蒼茫杳無跡白雲東海間已牽魯連袂  
遊龍塘觀瀑布水是王孟敬學士讀書處  
宄有潛龍跡溪留飲犢名崇崑障日色流水入  
雲聲玉屑飄無地珠簾映太清結風疑石隕薄  
竹似蟬鳴學士幽棲處遊人懷古情所經能迥  
絕時入夢覓驚

訪王元直江居四首

江上看樓迥停橈一爲君祇愁書鳳字最喜聚  
鷗羣峯遠平疇瀉潮迴缺岸分入門喧笑劇未  
有俗人聞

閉戶無人到庭中絕掃除林幽藏沼密竹小護  
籬疎適趣堪呼酒端功在讀書已知成癩癖日  
午未曾梳

江雲看渺渺芳草思萋萋燕語初營壘牛歌未  
上犁卜隣惟孟氏矚客有山妻久負移居詠今

石倉詩稿卷十四春別篇

十二

朝試一題

言談皆爾汝笑謔每相侵雖雜城中事不妨雲  
外心我來真偶及客路遠將臨他日能無憶空  
勞夢裏尋

過察沙廢寺

雖然不識老僧名廢寺經過亦有情只是如來  
無着處寸田俱屬貴人耕

遊額兜黃氏山

一姓住一山一山惟片石桂作四時花松爲子

古碧松陰散蘿薜箕踞盤雲根主人始知之爲  
客開後園君不見山花年年開每早山中之人  
皆古老

陽岐

我欲新營地能符舊隱名江雲心外遠海日望  
中明松樹虛浮石梅花暗辨程故園風物好况  
此繫歸情

輓袁無競

少小負時名才高阻一鳴數符顏氏子業止漢  
石倉詩稿卷十四春別篇

十二

諸生酒共雄心盡詩多秀句成問天孤憤發臥  
雪積疴傾歲值龍蛇厄竟隨猿鶴驚出門聞此  
事行旅亦吞聲驛路愁征騎春山淚聽鶯鷄垓  
回首望察落不勝情

同陳振狂吳非熊林茂之登芋原江樓

日日登樓好悠悠行路難波光春草碧石氣暮  
雲寒平地當林杪羣峰隔水端却憐明月上正  
是夕陽殘

舟夜

欲作題詩別仍爲命酌留故人來不斷淹坐勝  
於游樹煖微葵雨星寒盡入流秣陵何日到信  
宿未移舟

雨中諸子過別

空江故人至雨色一何深似此蒼茫景難爲離  
別心衆山懸瀑布芳草遍春陰酒盡城中去淒  
淒予獨吟

寒食洪汝含携具過別

載得琵琶至橫將銀甲排食寒遲覺醉別好不

石倉詩稿

卷十四

春別篇

一三

關懷水涌魚沾佩窻虛燕掠釵情思牽錦纜花  
月度秦淮

和茂之作

本是一心人倏爲千里客妾願百年懽君作片  
時惜片時終有涯百年那許賒憶君同照水比  
妾芙蓉花夫容不向此時好祇怨東風吹蔓草  
東風兩面隔羅衣欲語翻教心意違河干女伴  
如相問爲道尋春日暮歸

夜同茂之坐石上

兀坐同吾子蕭然似野僧月斜雲縱態潮減石  
生稜遠燒依空落高樓託樹升欲尋漁艇宿幾  
點隔溪燈

寒食發舟到白沙

三月晴光戲水涯不知寒食信離家村過候邑  
名猶在江出芳洲路每斜野燒却疑綿上火山  
鷓已是客邊花一帆浪得東風力青草連天又  
白沙

清明因溪別女載叔

石倉詩稿

卷十四

春別篇

十四

返棹來時路登車去日塵江山分自遠節序感  
何頻竹夢非闌夜鶯聲不駐春家家皆折柳若  
爲贈離人

登雲際山絕頂

閣道攀危磴衣沾雲態新塔高初地日顚折百  
重春眺郡斜臨水看橋屢度人移時獨心賞寂  
寂伴松筠

大雨憩芝山寺吳非熊周方叔林茂之到

寺對溪水白門垂春樹陰雨聲下灘急林氣助

山深鳥濕歸偏後朋來喜自今雲端不相值何處可追尋

晚晴入光孝寺

雲深隱蘭若雨歇啟松扉幾樹鶯聲出千山翠靄飛薄寒生夕磬迸水近春衣更度溪橋去朦朧月色稀

劉使君招遊楊氏花園

鶯雜笙歌近綺筵鶴隨羽蓋下平田松濤併作雙峰雨水氣全浮三月天更發野花桃李後乍石倉詩稿卷十四春別篇

十五

開泉舍石崑邊坐中已隔人間世何似天台欲遇僊

與非熊方叔茂之再到楊園

野人來不速地主展相酬春餘幾許色日須百過遊石移喧水闌林缺敞山樓若使王程緩山中定可留

慈興田驛口占

古驛空山路自深萋萋芳草夕陽沈春來只是聽黃鳥今日初看度碧林

春暮遊武夷詩

問樹還知徑移舟始入山金雞千曉唱玉女片雲鬟如此芳春暮依然落日閒今朝同客興於以躡仙班

其二

不識尋真樂其如心賞遠鶯歌九曲酒花雨半崑衣夜色迷蒼渚春流遶翠微停舟多勝處畱戀未能歸

其三

石倉詩稿卷十四春別篇  
小嶺登偏疾危橋度信遲水耕欲動石亭柱寄生枝谷口雲如故泉源竹屢移風光應上代但說是秦時

其四

歸舟半夜月寂寂萬年宮兩听欲深合前山如不通寒星印沙白林火雜花紅笑殺幔亭宴人間曲易終

其五

峭壁不可越登攀費折旋孰知接筍路即在隱

房前石上松梯疊峰頭水碓懸天濤已自集何  
必慕飛仙

其六

農家荷鋤去草屋閉荆榛鳥暇有千轉山空無  
四鄰白雲花裏暝流水世間春我亦忘機者往  
來如故人

其七

乍窮九曲路已別武夷君三十六峰頂微茫總  
不分鳥飛西楚月溪入七閩雲更在洞中宿傍

石倉詩稿

卷四 春別篇

十七

看星斗文

其八

下山如峽裏山路靜彌長露宿桃餘艷風過草  
異香竹林成美箭茗葉出新槍不識青天色開  
時半夕陽

其九

憶醉中山酒淋漓滿袖痕何須杜車馬誰爲到  
閒門水滴石猶起林開鳥自喧別來經幾歲曾  
注五千言

其十

此度何如昔春衫問水簾客情渾不減山雨喜  
能添有樹還驚鳥無風自覆檐他時塵夢裏肯  
爲到漸漸

崇安遇葉少宰次韻奉答

欲別故鄉道欣逢知已來爲迎關外氣且進手  
中杯慙久家人斷譚深候吏猜武夷山下雨未  
使客程催

鉛山

石倉詩稿

卷四 春別篇

十八

夜雨生羈夢春風度別顏庭閒惟積草地迥盡  
臨關竹倒溪光碧霞蒸石色殷僕夫如識客爲  
道喜登山

費無學招遊所居山水因答吳非熊

園林相屬稱幽栖乘興扁舟試一携春思不過  
芳草上風光多在碧湖西佳人下蔡元能惑漁  
父桃源向易迷有客尚銜離恨去明朝淚盡弋  
陽溪

龜峰

百里龜峰出水涯客舟思殺到來時孤如野衲  
雲間立動似神仙海上移幾點寒星垂暗穴千  
年春雨長靈芝昔人題詠蒼苔裏崑瀆時時洗  
墨池

中有李獻吉題名

### 貴溪

歷歷看諸勝黃昏到縣中峰成五面削石作一  
橋通燈火浮沙碎城門浸水空尋仙思故道從  
此向丹宮

### 登東鄉樓

石倉詩稿

卷十四

春別篇

十九

聞是餘干地行人作古愁晨光登草閣春色送  
江州野曠沿山盡煙空傷樹浮故園千里外征  
馬獨悠悠

### 進賢懷黃貞甫

家住湖山裏之官那不遲鍾陵一片石過客獨  
題詩榻冷留雲氣橋成護柳枝平生知己恨未  
得遠如期

### 附答

黃汝亨

直是車塵劬非關山屐遲殊憐六載別快讀數

行詩明月臨壇石冷風拂素枝還將廬嶽意來  
此愜幽期

石倉詩稿

卷十四

春別篇

二十

石倉詩稿 豫章稿

閩中曹學佺著

南城梅慶生校

曾孫休華重梓

滕王閣歌

百里豫章城千里滕王閣江天肆下上雲物何  
寥廓崔嵬鉅麗宇中稀帝子乘遊歌舞飛露臺  
半壓鼉鼉背霞構全遮烏鵲翬昔時宴客聞豪  
貴王勃一帆風送至文章不屬少年人未必江  
山能吐氣四傑之名從此買翻借滕王到千載  
石倉詩稿 卷五 豫章稿 一

殘碑屢作祝融灰勝韻不隨波浪改君不見今  
西山中有仙人兮杳難攀梅福丹井已漫滅王  
喬白鶴控不還縹緲一抹之青鬟明滅變幻無  
時閒或將太古色現此頃刻間我來有意揚後  
塵無那章江妬殺人淥波不肯流新月芳草先  
期別故春春去兮何處尋日沒兮江半陰浦樹  
微兮照水深水氣浩浩以上侵似沙兮而颺疑  
烟兮而沉顧此淒淒之景兮而動予之長吟長  
吟兮舒懷抱北行不望金陵道南歸何必故鄉

好予將涉江而蕩湖兮直眠匡廬之巔峰五老

次日吳司理招宴閣上

高閣何辭併日來芳筵重爲故人開異時詞客  
還誰在千載江流祇自催山色乍生衣上翠帆  
陰遙落掌中杯憑君更問麻源谷欲向紅泉洗  
藥臼 吳新遷建昌故云

望東湖二首

我愛東湖好看之豈厭煩空青飛不着新綠照  
無痕烟破孤成塔星浮幾作墩人家能好事臨  
石倉詩稿 卷五 豫章稿 二

水即爲園

步岸憐清遠登樓愜遠臨城中任吞吐鏡裏作  
蕭森宿雨垂堤草微風度水禽客行誰與晤倍  
覺夕寒侵

龍沙寺

沙數不可盡東風吹上來山爲屏裏映寺向谷  
中開江水浮新浪碑文沒古苔客心何所寄惆  
悵豫章臺

立夏前一日集鬱儀宗侯得移字

一代占星夜殘春送雨時浮雲通快上明月入  
庭垂竹翠過猶滴鶯聲聽漸移良辰與佳會他  
日易相思

過徐孺子祠

春風蘋藻若爲情千古清芬挹此名湖上不過  
徐孺子空留三日豫章城

集魏甫佳甫得寒字

山北夕照殘湖水正宜看徙席已忘屢拂衣猶  
覺寒烟燈空裏暗月岸石邊乾不厭頻過此因

石倉詩稿 卷五 豫章稿 三

之盡所歡

章江曲五首

揮手開帆去飄飄揚棹歌一試章江險方知風  
浪多

土人不敢渡只有尋山客山色雖青青如此浪  
頭白

十里章江面如同千里程不堪橫水渡又是拘  
風行

舟似孤翼鳥離哉湖復飛衣衫經浪打石碎皆

珠輝

城頭已隔岸轉望一徘徊龍沙風送去滕閣瓦  
飛來

少憇主人 答問

主人逡巡道不備客過來今日此風色幾年無  
一回

客問西山路此去遠還近答言籬壁間已是西  
山境

山行三首

石倉詩稿 卷五 豫章稿 四

狂風吹狹路更苦江中渡馬蹄側入田巾車飛

上天

橋斷已分谿樹摧半入浦難爲今日風更是昨

宵雨

江上望西山如何得到身在此中行又是前

峯好

宿李嗣宗館

已得山中主兼多物外群溪聲眠入雨月色坐  
開雲亭館皆清氣林松落碧氛洪厓不可接咲



語或先聞

遊西山

聞道西山不易窮，千岩萬壑徑俱通。翠微已入清江裏，丹井猶藏曲澗中。夜色蒼茫銷落景，寒聲蕭瑟起長風。古來盡是神仙宅，咲把洪崖問八公。

西山紀勝一首

未竟西山遊，已識西山勢。石門必屢入，崖館非一憩。恒藏上古木，中有秦人歲。田疇成隕區，耕

石倉詩稿

卷五 豫章稿

五

穫可終計。厭原一夕雨，章江千丈流。乍別天河上，已過彭蠡秋。轉石石忽碎，驅雲雲更浮。匡廬有瀑布，對此渾悠悠。肥遁固所棲，神仙亦茲託。簫史乘彩鸞，浮邱控白鶴。咫尺山之中，何必陝與洛。陝洛幾千里，拍手信爲樂。山似垂枝秀，地爲引蔓紆。時看月留曉，豈但日入晡。剝盡萬重翠，猶然不及郭。安得追周穆，天馬飛龍趨。

歸興

夢入雲崖向有情，高歌莫謂勝緣輕。來時風浪

歸時雨，剛遣登山一日晴。

月在山中夜，夜寒雨來千仞落。飛湍他時一種相思，處祇在滕王閣上看。

依舊章江是，此聲風濤不作。撼空鳴扁舟，直下山溪急。來向中流一鏡平。

南浦飛雲片片隨，樓前還似識蛾眉。渡河不作筼筻引，回首空江唱別離。

西山古蹟入雲烟，我欲尋之已杳然。山中不見豫章樹，歸向豫章城裏眠。

石倉詩稿

卷五 豫章稿

六

樵花嶺次韵奉呈相公座師二首

寒衣章江波，策足樵花嶺。亦云在西方，朝爽夜逾靜。流泉突千級，明月得萬頃。泠泠一掬餘，匪鑿自成井。穠彼吐朱華，山形夭而靚。濯以霧露姿，洩以江海影。千歲爲開謝，何似瑤池景。丹成自結實，乃與乾坤永。

巍然夫子道，譬彼雲外嶺。開闔適衆妙，平生惟一靜。濟世功已成，拂衣在俄頃。鍊魄風雨池，洗心洪崖井。仙女跪進藥，五色容何靚。受之汎無

情祇似空中影，拙哉牛山涕。千載淪齊景，夫苟  
神理全何必較誓永。

同張文倩過洪山寺

寺爲文倩尊公別  
與子卿首同名

空門情不著，此際共依依。舊德君堪述，他鄉我  
似歸。竹抽當嶺密，花落隔村稀。少雨俄復霽，時  
時沾客衣。

章江寺

古寺臨江面，諸天曠且清。客船過柳色，僧麈拂  
濤聲。沙落迷寒漲，峯高出晚晴。浮杯如可渡，何

石倉詩稿

卷五 豫章稿

七

惜往來輕

公宴詩

丁右武熊正子二叅知招也

朱夏物相見，得升君子堂。華棖備五采，乃用煥  
德章。若榴吐丹榮，嘉樹垂蔭芳。考儀踰卽序，徵  
樂爲侑觴。非不羅佳環，冲淡尤難忘。西山采薇  
霍，醑如清露漚。曰賓主度之二三，非所將自思。  
荷特典陋劣，弗克當中坐。懷感激，變色屢廻翔。  
話言固在恭，罔不輸衷腸。從容詠既醉，斯適仁

義鄉

上藍寺魏辟彊携酌

金容暗滿月，寶地入藍天。爲問陶公酒，何如馬  
祖禪。重樓隔暑氣，清磬通湖烟。徙倚諸方遍，聞  
雲結淨緣。

徵信王孫招飲杏花樓

林過夏雲密，樓想春花明。即此隄上酌，宛然湖  
中行。鍾聲夕陽盡，波面西山傾。臨汎何能已，悠  
悠知我情。

石倉詩稿

卷五 豫章稿

八

宛在亭

不辨來何地，城頭已水潄。孤亭斷草色，三徑連  
松陰。轉是平池暑，方知落日深。老翁浮筏去，予  
意渺難禁。

夕佳樓

斜陽不在水，半落西山頭。欲暝已滿地，凝光當  
此樓。龍沙僧磬出，雉堞戍烟收。得借陶公詠，名  
之更覺幽。

署後看湖一首

高枕懸愁裏開門引興初波紋荷葉暗山色夕陽踈馬濯花間錦人通橋外車湖光在前後直可擬浮居

汎舟詩

喻公子季布招也

五月朱明驕逸樂思汎舟自昔有其然寧距後人不公子招延客爲具夙戒修方舟旣云廣何物不備周絲管隨風發江路永可游賓從何濟濟佳冶皆名謳苦心奏良伎妙識捷所投陰陽

石倉詩稿

卷五

豫章稿

九

信苞雜人事與之侔誰能甘怫鬱蕩志以

憂

涉江調不急汎泊洲渚間洲渚綿以紆宛思良可宜詢此變虧理世代亦久延投書自晉歲造繼當吳年居人城郭同子孫凡幾遷日中出將戲旋景薄西山鬱爲江上霞五采一何妍驚飈從南來詖蕩不得閒夜靜響亦息乃出視青天岸火清且寒乍與星宿連歷歷繁華境瞬息爲幽玄客問何所歎聊爲申茲篇

詠古詩

故漢豫章守陳公蕃

南州徐孺子鄉里未知賢一朝郡太守下車請門前主簿聞不察嗷嗷徒有言武王式商容何爲守不然吾應禮一士以爲百物觀其餘他賓客曷克汎周旋一榻何足異乃貴受者安孺子來則下孺子去則懸寂寥千載後此誼良足傳

南昌尉梅公福

子真抱潜德乃就南昌尉吳門爲宰時不知何姓字漢祚日以衰默移在權貴舉朝皆箝口京

石倉詩稿

卷十五

豫章稿

十

尹坐譏刺毋謂職卑微不言朝中事天子弗見納安能免衆忌洪厓古上仙雲中日游戲脫屣從之去其跡無乃閔世上多丹井莫辨孰真僞

灌嬰城

試問古城跡碧波搖空影泠泠石鏡中聞有灌嬰井

澹臺墓

在門外其門即名此

下拜者爲誰古來高士墓朝朝城外人行着澹

臺路

陳陶宅

在西山

處士家何在白雲爲四隣今朝山下客猶是故鄉人

蘇公圃

雲卿蜀人

西蜀蘇公圃南州孺子祠盈盈兩湖水明月照相思

紫極宮戲題

仙子已駕綵鸞車紫宮門前弄碧霞芙蓉之冠蒼玉佩綵綳雲涯露微黛竹軒遺韻風細聞乞

香詩稿

卷五

豫章稿

十一

來瓊葉皆銖文覺此心神得靈助落筆泠泠風可御不然人間傳我詩何以字字欲仙去

鍊柱歌

旌陽道人行且歌章江老蛟愁奈何擲將神鍊如寸七餘呀儵忽化爲水生民之害乃無恒此物大地皆憑陵安得一柱徑千里狂牙利角成山崩嗚呼莫謂道人已陳迹鍊色寒於五犀石

高橋行

東西有湖相競白只隔湖中一片石石橋湖水

照人行幽意盈盈動日夕坐來水滿月亦多月在兩湖誰作波波香羨綵采蓮曲却見長江帆影過

閒雲樓歌

碧梧之樹覆高閣江聲日催梧子落靜者心閒江上雲我自無心雲自薄東風吹動半江陰飛雨忽過西山岑日脚拖雲如匹練直掛章江百丈深

汪明府見招湖上賦此

石倉詩稿

卷五

豫章稿

十二

昔在西山碧雲寺回頭已是十年事竭來幾度到長安不得相尋泉裏醉此地逢君銷別顏爲君留着不出關細酌瀟瀟湖上雨依然對我

西山

道安永明携素見過因與匡僧訂遊

客舍蕭蕭成雨集淨几香爐煮茶汁盤中蒼耳乍摘來猶有匡山雲氣濕好游結伴是君家雨霽即汎彭蠡槎廬岳老僧向客道東林寺前蓮正花

趙郡伯同丁熊二公携酒見過且前惠

板楚辭作此奉酌

客裏日無事趙公呼勝曹已能痛飲酒况復讀  
離騷峰壓孤燈雨江連五月濤相看成逸韵安  
得不揮毫

奉酬宗良

抱病君良苦羈縻我獨吟水流詩思澹月入夢  
魂深風裏荷香遍峰頭樹色侵尺書頻見訊耿  
耿見茲心

石倉詩稿卷五 豫章稿

十三

劉元丙銓部見招齋頭賦贈

人斯遊境外節已近天中柳色通波碧榴花照  
雨紅清標隣孺子雅量比山公坐對心彌愜冷  
冷入古風

端陽鬱儀携酌湖亭感賦

客裏頻看節序驚杯中時動古今情忠如正則  
當年死俠是田文此日生素慢流雲陰乍歛新  
荷抽水葉初平故園隔別三千里腸斷章江簫  
鼓聲

游匡廬詩

步出章江門乃登彭蠡舟同侶稱好辜觸沉以  
優游倘遇長風發亦能從我不未必人人偕且  
用今日留明月從東來適之匡山頭亮不我邀  
處遺影在蓼洲江中可就泊永酌揚清謳美人  
犯霜露去去心若抽夜寒物俱昧既醉復何求

二

良友情既篤好游亦多離薄發隨所滯相過之  
水涯中云不克俱翩翩致佳詞圖記何足詳信

石倉詩稿卷五 豫章稿

十四

撫胸臆奇彼山多雲霧觀者迷所爲余先獲皦  
皦及到爲再期

三

江水良以迅入湖爲浩浩南風不我俱累泊亦  
爲好浮雲雖不同何處無芳草但作舟中客見  
月每能早

四

天宇曠昭明鑑虛隨可寫人心逐境遷誰爲滯  
留者落星已久晨瀑布想忘夏停舟亦何處悠

然南山下

五

名山何以殊一往便寂寞不知風雨來幽麗安  
所託蕭疎入長林鬱蔥在高閣衆峰氣特孤其  
文乃更錯出入肆余步處處看泉落雲霞無定  
姿瞬息不相若惟茲一響臻更勿他聲作夕陽  
已欲盡與之流大壑倘厭人世患可以免銷鑠

六

嘗聞歸宗寺舊宅爲義之往往嘉樹蔭亦能得

石倉詩稿

卷五

豫章稿

五

清池古人雖已沒佳韻良在茲繼此代不乏始  
初靡因資巍巍金輪峰下映石鏡溪湖水入我  
懷盈盈曲如規

七

白日作猛氣雷音纏嶺頭不是登山逕能無生

客愁

八

諸峰今日始峰殊澗自別石梁橫其間高高若  
天設坐石弄潺湲志在危與縈以水亦宜石何

必鳴嗚咽上善物不爭有時亦激烈所以鬱蒸  
際乃爲霜與雪

九

石梁懸云久登嶺頗悅遲仰見五老秀若乃招  
余期長日漫遊遨不覺入崦嵫飛雨灑岩際白  
雲符暝時鄙口下幽林明月到亦稀驚心但疾  
路遠近屢致疑獲投即已慰况乃爲禪扉有勝  
不及覽且用解寒饑譬如中路鳥戢羽以安棲

十

石倉詩稿

卷五

豫章稿

十六

祇林多妙侶寄此數晨夕未暇叩空理頗以詰  
厥跡功行在六時鍾磬不暫釋具作威儀觀令  
人起敬憚步出寺門逕雖外能愈僻鳴泉乃入  
溪餘花相聚石行坐信靡常各惟意所適人境  
亦如斯其妙在不迫

十一

深山無盡薪乞食作樵人山空不顧返樵者去  
已遠落日在幽林相期松逕晚

十二

潭水能幾何乃爲龍子國潛龍如不起安知  
黃色子生潭水上意與之無極一靜物俱靜龍  
今因消息

十三

言趨金竹坪乃望天池山適來黃龍寺宛爾居  
其間一日能盡暇亦可三四遷何以暢我懷所  
貴地稍寬鄙口含湖水背亦與江連九江如可  
覽楚岫橫目前

十四

石倉詩稿

卷十五 豫章稿

十七

涼風起高樹明月自蕭蕭所棲在絕壁雜影以  
相交閑處一室內篝燈周松檟夫必禪誦寂而  
乃客談超往往露真性亦自善解嘲茗椀屢致  
竭始用伐枯條薄言欲就寢清興顧亦饒夜闌  
更相過祇隔東西寮

十五

五峰如五老矯矯良足欽肆予陟其顛曰步遵  
自南柰何雲中期冥昧不可尋昔但爲瞑違今  
霧雨淫遐征何所止登高如入深平地爲四

海亂石成荒林禿豹難預防鬻人將悲吟乃知  
垂堂語日夕當備箴

十六

晨卧猶未起白鹿造我門獵夫追不及僮子溪  
邊喧神仙使導引翩翩駕我軒五老淨鬚眉揮  
手如可捫寄言謝五老跡別情彌敦

十七

行行與泉期倦則遇石憇安得兼有之是爲泉  
石會清絕欲無色鑒之乃成麗風御使卷舒雲

石倉詩稿

卷十五 豫章稿

十八

旌司啟閑應懷造化私余心有深契

十八

旣挹山中泉仍趨澗底術澗深復難行因之不  
能出春花重冰生寒暄化爲一九疊吐錦章蒼  
屏何岑崒湖光乃遠征時時深欲溢在下已燦  
然上斯盪雲日雲日倏不常彼美鳥能詰

十九

山南歷山北古木含清烟斜陽在何處大抵楚  
江邊

二十

依雲入無際步磴乃多縈山俱作邃谷地盡爲化城

二十一

千嶺行忽斷一峰突然起是名天池山中有天池水

二十二

入寺日云暮曠然臨高臺高臺平以軒其下爲崔嵬澗聲既近合江色亦遠開田野綠相接溝

石倉詩稿

卷十五

豫章稿

九

塋漫縈迴物雜故曰文井井仍自裁松栢千年古一旦忽已摧我來悲在後撫迹空徘徊

二十三

虛無入樓閣所祀爲何人長誦廬山謠飄飄乃飛仙後來續題詠援筆各自宣今古亦何如要之殊所觀性耽几席上坐卧皆蒼山山深氣自肅不但池水寒中夜明月上余將浮清瀾

二十四

昔遊天台山聞有蓋竹洞其中所出入俱是聖

僧衆茲地與俗隔竹影但相送屢屨自戾宇虹霓以爲棟日色寒欲凝江華遠疑動泠泠一滴泉因之醒塵夢

二十五

竹林不可見乃爲陟大林石澗流淨脉寶樹垂玄陰于焉自當已息影清我心何用荒所慕一日趣彌深

二十六

言趨石門澗乃從流水出水流屢迴復左右安

石倉詩稿

卷十五

豫章稿

十

可必零雨近爲患空囑區中日始若有無間沾衣乃甚密古木亦暫棲幽崑故終暱懷新未即窮道故不爲述荒唐四海外何限在一室寒泉學人語其流爲瑟瑟祗若初到時潛居易相失

二十七

下既崑石色升爲金翠容落日必在遠明霞乃雨中入林併成綺映礪皆若虹朝陽信當艷覽之以初鐘

二十八



西方有淨業東林爲始傳豈必高與深而當車  
馬前奕奕香爐峰朝夕自生烟水上青蓮花重  
開已千年平生無所依見此良自憐

二十九

栗里有醉士不辨安所爲彭澤既輕弃南村亦  
漫移何以此中意獨能當我師酒禁非不嚴一  
日爲之開昔固橫眉入茲乃頽然歸遠公送之  
出偶至溪水湄步者忘其步語嘿亦不知相別  
顧而咲嗒然人我遺蕭蕭谷中響虎嘯林木飛

石倉詩稿

卷五 豫章稿

王

三十

廬山負名勝諦視愜所聞住此亦已久誰爲共  
夕听只有山中僧不復世上人友朋相追隨逸  
雅皆令文漫言寫淺深但屬諸峰雲見前無俗  
韵久後垂清芬繡經石臺上貝葉自紛紛眷言  
與僧別回首空氤氳

潯陽泛湖

潯陽客初到湖水試清冷坐對一尊酒宛然孤  
嶼亭九江分片白廬阜送餘青泊近琵琶處中

宵好共聽

登江上樓

江山亦相曠更此一樓通芳草半斜日白波蕪  
遠風欲成千古恨不覺四天空楚塞已極目窠  
窠多斷鴻

送林茂之

遊觀喧咲日紛紛獨有離聲不可聞醉別湓城  
江上月愁看匡嶽嶺頭雲他家歌舞雖堪借客  
子肝腸苦欲分漫向西風歎零落白門疎柳更

石倉詩稿

卷五 豫章稿

王

逢君

圓通寺

翠色撩不盡清心寫有餘昔人夜話後客是雨  
來初庭鍾破岑寂簷樹出空虛勝韵一相接冷  
泠風起予

過雲居山

客愁當雨度僧梵出雲居借問何明月湖光一  
片餘馬頭驚翠落夢裏得鍾疎相伴朝將夕能  
禁回首虛

張伯常憲副惠舟併以二刻兇示作此奉

酌

分來青雀點江波更倚風前落棹歌太華日光  
爲吐筆豫章秋色靜鳴珂雲霄下士雖言少山  
水知人信自多欲向遠公詢舊社東林花發待  
君過

黃明府夜集滕王閣

夜裏滕王閣乘空會自明况於洲上月正帶水  
邊城笛作淩聲遠舟過一派明前山漁火滅宴

石倉詩稿

卷二五

豫章稿

三

坐已深更

酌嘉祐以昭齊雲昆季

移訊過閩海相逢在豫章麻衣連雪色池草駐  
春芳節序貽樽好登臨賦別長漫云入境異只  
是隔湖光

李雲將招同張明用喻宣仲叔虞集湖上

湖光一片自盈盈高樹層樓入窅清雲作錦屏  
天際合月爲銅鏡水中明芙蓉並闕粧成艷楊  
柳偏知曲罷情莫惜輕舟無可問夜深鷗鷺定

相迎

渡武陽驛

頭渡成何事重流寫鬱紆前山好明月昨夜在  
東湖平楚意俱曠空江人已孤夕陽林外盡回  
首忽踟躕

王嶺

長途已靜夜孤館得空山欲作勞歌客其如月  
色閒杯香沾露草竹影上門閑何必溪中雪纔  
稱訪戴還

石倉詩稿

卷五

豫章稿

三

過黃貞父嘯軒

退食聊無事山城長閉門以君能坐嘯而我此  
過論大樹日當含清風時在軒由來絃誦化只  
是要人存

王版居

似分中散地贏得小淇名客到亦諧趣公餘何  
獨情草幽苔欲雜林滿竹偏清坐久月明下時  
聞鐘磬聲

張氏園中

小雨朦朧月平池  
杳靄林鳥啼  
催暑散  
涼深列燭照清酒  
名香橫素琴  
薜蘿時滿徑  
坐此洽幽襟

徐氏園中

郊原秋欲到  
爽氣襲林扉  
野沼生文浪  
遙山寫翠微  
露繁知桂潤  
風曠覺蓮稀  
別作思歸引  
蕭蕭落客衣

署中對月

客邸當良夜  
觀空在一庭  
月爲片水白  
雲作斷

石倉詩稿

卷十五 雜章稿

十五

厓青砌合叢邊  
露牆過竹裏  
螢北牕時偃  
卧風起自泠泠

夜雨

夜雨涼生榻  
蕭然起坐頻  
三更雲屢斷  
孤燭樹堪鄰  
高下盡流澗  
淒清將及晨  
麻源雖有約  
未合遇仙人

陸藩伯張兵憲錢學憲三公招集龍沙

群公皆逸韵  
愛客有深情  
蓮定空中馥  
松翻江外聲  
移尊還就曠  
邀笛最堪清  
莫是龍沙會  
來

看欲過城

奉答喻邦相

僕本江海士  
得覩山中書  
書中何所道  
問我遊匡廬  
匡廬匡廬七重嶺  
追隨千里駒  
白雲何必遠  
袖裏時卷舒  
雲來百態盡  
雲去亦馬如  
日望西山下  
搔首恒踟躕  
踟躕不可見  
章江千丈餘  
桃源雖窈窕  
亦來溪下漁  
詎問羸與漢  
靜者心華胥  
祇恐雲迷路  
欲以迴俗車

建安王見訪賦贈

石倉詩稿

卷十五 雜章稿

十五

周室分封始  
剪桐漢家磐  
石著深功  
親賢自是優  
明主詞賦居  
然屬大風  
羽扇獨過雲  
毋輦豫章新作  
日華宮名藩  
已道西江勝  
豈必前朝擅兩東

孟秋二日遊宴半隱園三首

忘憂觀裏拂浮埃  
樂善庭前瑞氣來  
醴酒本從寒露降  
名花仍借早春開  
金鋪稠疊承珠履  
象席方員映玉杯  
自媿虛聲叨授簡  
何言身即是鄒枚

薜蘿三徑紫苔茵錦砌雕欄詰曲頻白石洞中  
虬水秘青松臺畔鶴巢新日斜西嶺浮嵐遠天  
入東湖蕩景勻咫尺滄波猶可達夜涼同泛采  
蓮津

青雀舟乘杳靄飛曲池偏傍列城圍荷間珠露  
移尊滿竹裏金風入管微山氣半疑沉夜燭水  
紋全欲上秋衣和歌已是知名士方外于今到  
者稀

初三夜集雙龍堂分得孫字

石倉詩稿

卷五 豫章稿

三

翩翩賓客集朱門花裏開尊露月痕漫說蛾眉  
今夕艷秋河有意待天孫

贈喻伯士

長公美文藻于世遂悠悠賴此杯中物能馴海  
上鷗北窓時枕夏南浦欲分秋他日思君處江  
邊桑落洲

雲將湖上同宣仲叔虞夜坐

踪跡雖云密蕭疎良在茲請看湖上色孰是不  
佳時人影遠俱好更聲近屢移不貪涼入夢高

枕遂無期

夜集吳隱君宅有述

涼初生此夜人得坐非秋遶塔星光出當軒河  
漢流樹知行處近花入意中幽豈必君平宅乘  
槎問石頭

石倉詩稿

卷五 豫章稿

三

石倉詩稿

江上篇

閩中曹學佺著

新安吳兆

曾孫代華重梓

莆口洪寬全閱

閒雲樓詩有序

余以七夕移寓江樓未揚東下之舸先望渡  
河之駕矣興屬秋初情深夜後鷄鳴而漿聲  
亂攤簾而帆影過不覺住復一月云爾遂成  
雜興十篇別時詠之

石倉詩稿

卷十六

江上篇

澄夕遵龍沙涼期合牛女峻閣躋上除河漢漉  
面清星月媚初輝前後多風雨奕奕七襄文祭  
祭雲步舉志驚頃刻懼豈不憂險阻天上年年  
情人間處處覩

其二

背市辭塵鞅臨江合淨綠日行人鏡裏夜語客  
舟邊秋色雖遵素吾心祇尚玄悠悠得如此何  
必擬神僊

其三

江合雙流外樓高百尺餘月明峰愈淡蛩響葉  
偏疎感物能無累觀空得自如此生安住著幾  
日詠吾廬

其四

滔滔江水流彭蠡分左右鷁首驗風勢鷄鳴識  
潮候芳草亦離離零露驚遛遁人生烏能閒日  
新以代舊居然叔寶廡坐此萬端輟

其五

所之無別地相對是禪林濕霧纔離墨晴沙似  
金鳴鐘過水濶搖艇入雲深城郭人來問迢  
迢不可尋

其六

端坐忽無緒離情起亂鷗杳然思自下正及此  
清秋山向郡中轉人於江上遊倘能逢勝處隨  
意可淹留

其七

樓頭好高臥澤畔喜偏醒漁網鋪潭影帆光上  
竹屏水燈疑渡橋浦樹類浮萍幸息椅桐裏那

堪葉漸零

其八

祝融代雖謝，葍收氣未絕。陰霞無定姿，落日有餘照。文士性愛飾，表裏自通耀。何必披簡編，天然肆堪眺。鬱如南國金，烈似咸陽燒。璀璨水中芙，礧礧海邊嶠。倘遇江淹賦，丹砂云可學。

其九

候涼先簡事，漂暑漸能清。江遠懸疑溜，山空靜欲聲。明星順流滅，疊浪遡風生。永夜無人影，惟

石倉詩稿

卷一六 江上篇

三

餘河漢傾

其十

大江易朝暮，浩然月再白。金陵繫我情，焉能已茲役。諸子出見送，興發何所適。聊問參禪侶，務展入林癖。方舟不可渡，深淺已復易。步與西山近，迴視章江隔。抽緒日紛紜，有如帆檣積。鐘清諧別韻，沙繁蓄遺跡。暇時倘再過，應爲念行客。

昌邑阻風寄豫章知已

隨分漁樵住水鄉，出門猶自共煙光。江干不少

維揚棹，只逐秋風到豫章。

其二

幾家昌邑已新灣，一片吳城尚舊山。何事客心容易感，相逢古跡自潺湲。

其三

閒行時過野人廬，物色蕭蕭興有餘。浦口西風蓮葉亂，渡頭斜日柳條疎。

其四

尊酒臨江盡復傾，別時空計到時程。相違不遠

石倉詩稿

卷一六 江上篇

四

堪回首，無限高樓明月情。

八月十五夜彭蠡湖看月

有序

夫以中秋之夜，月色開朗，誠所難也。况乎匡廬紺碧，入于彭蠡者哉。予舊遊此山，固作迴澗之人，貪看茲月，迴爲浮家之客矣。詩曰：

宮亭蕩魄古松門，聞籟悲金碧。終云秘如願，幸邀來佳節。乃相值我思，方悠哉所遇。四方人爲樂，獲茲時明月。入素波，有如浮蟻杯酌之不能盡。就寢始復頽，浩浩萬頃中，寧復論險夷。

夜登石鍾山

湖口行人曠山門入樹幽鐘鳴片石夜月滿九  
江秋洞裏懸漁網崑前過客舟醉歌仍未已清  
露濕滄洲

別喻宣仲時宜仲之閩

思鄉情有極送子意無涯明月看時別清霜夢  
後知江空茅舍靜秋半柳條衰九派何須問居  
然怨兩岐

小孤估客曲

石倉詩稿卷二十六 江上篇

五

百里見茲石小孤信自孤特矜水中態緬與他  
峯殊

其二

祇應誤一字便解小姑羞雲開妝鏡石水拂蛾  
眉洲

其三

平過小孤石穩度馬當山前途何處險湖口有  
新關

其四

與君欲相別湖口是總路君過彭蠡湖我向潯  
陽去

其五

莫作江中馬朝朝無人賣但似舟中鷄夜夜  
逐村啼

彭澤懷古

陶令八十日彭澤已千禩祗留令尹名非復昔  
縣治秫田久荒蕪菊圃永凋瘵寤寐詩書間况  
復履茲地其來無幾時所作亦何事但覺懷此

石倉詩稿卷十六 江上篇

六

公悠悠稱人意

大雷簡袁伯玉

雷港風高地勢卑馬當山固客舟危雪花漠漠  
袁安臥江雨瀟瀟何遜詩泊在驛亭愁近暮別  
於鄉國苦多時艱難心事憑誰報寂莫音書寄  
所知

皖口阻風

江風習習動蒹葭捲入雲中作浪花無數北船  
吹去盡祗餘天際有黃沙

其二

風入天門吹欲開馬當路却奔迴爰居欲避  
應何處猶有飛魚樹上飛

其三

風聲不定在何邊起視長隄樹影偏客恨不如  
風裏樹枝枝吹落向南天

其四

閣名天柱迥無涯千里江山入望賒今日客來  
尋舊蹟夕陽空對驛門斜

石倉詩稿

卷十六 江上篇

過阮堅之宅

縮地雖無術應門亦有童主人出山去客子歎  
途窮江月蘆花白聞天荔子紅詢知故鄉事差  
得慰飄蓬

江上望皖公山

好山能不斷孤棹喜仍開未事漢皇嶽遙看皖  
伯臺峯巒擬雲秀林木識秋哀彷彿浮邱侶相  
邀笙篴來

池口懷諸古跡柬羅元甫

客棹迷汀曲官樓望翠微貴池魚信美秋浦鴈  
猶稀昔者已千載而今惟落暉因君多古思過  
此自依依

遊齊山是杜牧登高處

訪古我居後登高時在前山光兩湖裏秋色九  
華邊桂樹將飛霰松枝乍宿烟江流去不息目  
盡東南天

五溪橋登玩華樓

一作登樓客斯爲采秀歌五溪流自別總在此

石倉詩稿

卷十六

江上篇

八

中過沁入梅根曲峯搖齒齒多斜陽落橋上未  
得久蹉跎

晚到九華山

奇峯招海客遠水到禪關夕照偏依樹秋雲盡  
離山芙蓉深作障彩翠疊成鬟夢入天河裏金  
鷄逐曉還

由東嶺到天臺寺是九華絕頂

千峯皆拔起九子得真源江上看花葉山頭是  
石門度溪隨去鳥歇水遍吟猿頰路元難盡非



關日易昏

其二

九峯如九子盡與我爲羣重露排開額斜陽送  
入雲偃松岩畔見香草澗邊聞已隔化城寺杳  
無人俗氛

其三

額暗露猶泫燈明烟已籠山深覺僧好天迥信  
臺空虎穴相隣處蓮花獨秀中迢迢清梵起碧  
漢易爲通

石倉詩補

卷十六 江上篇

九

其四

初日纔能照中天遂作陰  
初自終歲草木不成林僧別雲邊意客歸江外心亂峯曾宿處指  
點碧波深

憩雲峯堂

言趨青陽縣不意得茲峯絕頂迴望遠前山猶  
幾重終無出林鳥祇有臥潭龍自昔多隱士須  
疑樵者逢

夜趨銅陵追至舟中

孤棹行寂寂北風蕭颯哀山城盡夜裏鐘漏自  
空來水泊人俱厭幽尋客乍回祇驚沙雁起未  
合野鷗猜

荻港遇劉元丙志喜

荻港風聲亂銅陵月色殘客中相見日江上不  
知寒旅泊爲隣切方舟利涉安未能從魏闕亦  
可到長干

登蕪湖縣山

晝涉江中路宵登湖上丘市喧孤磬斷風色片  
石倉詩補

卷十六 江上篇

帆收牛渚青山老梟磯翠黛愁客程能不遠一  
望白門秋

過天門山簡王季重

朝日金鷄唱天門奕奕開兩山如戶牖流水乍  
繁迴霧樹帆檣濕霜空鼓角哀須知牛渚客猶  
待一星來

姑孰詠古八章

溫嶠然犀浦

客問然犀浦乃爲牛渚磯所聞未有此所見良

多奇幽明理自隔何事獨見窺其語傳之世君亦當來歸

栢溫白紵山

宣武一代豪命賞以自期秋風楚山外吹落白紵悲聞有後來客乃喜誄此詞至今栢公井而人猶酌之

宋公凌歊臺

黃山千仞勢乃與九江通高臺表雄壯前後多離宮窺晉日已久望楚在目今當時立碑頌誰

石倉詩稿卷六

工上篇

十一

知今日空

謝尚賞詠亭

寄語貴顯士勿輕估客船恐此江之側或有風詠賢明月照共語清夜亦可延彥伯固已達西良足傳

謝朓青山

玄暉抱逸韻此曲千古稀朝解宣城郡暮掩青山扉其志則如是而乃時命非自昔招隱士惆悵在翠微

丁令威靈墟

令威煉丹液在此黃山陽仙人化霍去白雲何茫茫世代久變遷乃返故鄉獨立華表上遺音空頌頌

何琦隱居

字萬倫繁昌人

昔漢有毛義在晉爲萬倫捧檄漫云喜欲以養厥親曰志何以見終身甘隱淪栢公過門歎此中良有人

李白捉月亭

石倉詩稿卷六

工上篇

十二

山如蛾眉秀水從巫峽流此中可酌客此外復何求面映青芙蓉身着紫綺裘月色不可盡與之下上游

采石吊太白歌

采石江山自今古青蓮居士長爲侶浩氣當年朝太清雄文早歲誇明主明主難禁翠黛羞泰清無意白雲浮在天爲星不免謫落地爲人復遠流東流之水何時歇太白高名猶突兀好似蔭人額上松更堪醉爾波間月八月江風颯颯

秋客來牛渚磯上遊長江風利不肯去寒林月  
晦依然留冥濛江上雨瀟瀟江月無光歎寂寥  
照君顏色不可見使我心寬黯自銷如何君歸  
夜郎道祇戀江南風物好武陵溪水空桃花丹  
石門怨芳草江邊一一吊夫君直望青山有  
古墳湯道埋君在此山精靈長懸天地間  
舟將抵金陵乃以所過爲詠

三山

高岡曉望遠烟凝迢遞江中影幾層六代豪華

石倉詩稿卷十六 江上篇

十三

應已盡三山依舊對金陵

板橋

兩岍人家傍柳條玄暉遺跡自蕭蕭曾爲一夜

青山客未得無情過板橋

新林

客逐離鴻思不禁斜陽浦口入新林林中黃葉

飄應滿白下秋光此日深

到金陵感詠四首

秦淮

不似爲官不在家長年留落在天涯秋風幾度  
秦淮水樹上三開木槿花

白門

微月斜陽影已低霜風四起夕淒淒鳥生兩翼  
不飛去只在白門城上啼

鍾山

鍾山積翠高欲浮何事行人望裏愁憶得去年  
陵上火至今寒樹不知秋

青溪

石倉詩稿卷十六 江上篇

一四

青溪水淺不通潮孤館青燈坐屢挑賓客一時  
俱散盡誰知寂寞是今宵

與茂之夜坐

共坐渾忘爾清心亦宵然暮喧枝雀裏寒薄楮

窻前

虎谿一片月相送秣陵秋歷歷江山勝言之思

舊遊

贈周比部座主

秀出丰神瓊樹枝清曹無事興逶迤爲歌六代

停杯起欲賦三都載筆隨湖上日浮青玉案山  
邊秋映白雲司應憐身是侯芭者得向門前獨  
問奇

送張職方出守泉州

雙旛五馬去從容帝里深秋更可逢霜落恁攀  
吳苑柳月明還夢白門鐘清心但飲崑崙水暇  
日應看海上峯莫道粉榆不相慶山來蓬草託  
隣封

朱儀部守揚州

石倉詩稿卷六

江上篇

十五

維揚俊彥盛當時太守陳登禮不遺八月寒濤  
偏似雪幾年瓊樹已無枝燕城向說參軍賦梅  
嶼還吟水部詩此地盈盈唯一水兼葭何以慰  
相思

九日集雨花臺登高得九佳韻

升高湯說苦無階曠覽居然有好懷蕭颯西風  
深節候許多遊子思天涯花間對奕臨磐石竹  
裏移樽到小臺聞道朔方寒信早幾時鴻雁度  
秦淮

問陳元愷乞泉水

武學地殊曠其中泉信美廣文先生貧斟酌恒  
有此湯云故鄉人不是故鄉水但在君署中便  
覺有情爾品泉要品地亦云以人始瑩心乃相  
入冷韻聊足擬若論君子交予亦稱知己

呈堂翁顏右廷尉

顏子昔穎悟聖門早見推察察雖不盡令人有  
餘思郭奕見羊祜謂何必減之古談彌信官一  
舉千里馳矧予慕君子既觀心則夷浮山出水  
石倉詩稿卷六

江上篇

十六

贈何公露

昔歲遊於越品壑紛競媚非君扶我行僻遠烏  
能致今年客豫章是君所遊地江山浩以曠猶  
然存姓字白門還君家而我棲棘寺三山自  
喋六朝舊佳麗自顧踪跡間與君能不離望  
日就隆益州妙所寄岷峨信奇絕牌版列聞記  
逸少篤此懷言之心已跂余亦雅所好願君且

先至後有尺素書勿忘此段事

題青士過爲張未發

毘陵江南地子瞻樂隱焉既買陽羨居以就延  
州賢流落在海外厥念何由宣皓首斯來歸已  
盡其天年君有子瞻興踪跡亦比連羅浮神明  
洽修耳文教傳風流相繼之此地仍左遷左遷  
得暇像更覺深有緣郡坐構茲地何用別買山  
種竹若有待爲君起翩翩碩人曰白命青士日  
周旋不聞子瞻言無此俗可憐

石倉詩稿

卷十六 上篇

一七

何中禮招集園亭

積石爲山易垂楊古木稀入來成水榭坐此卽  
崑屏竹徑舍烟潤林燈隔浦微城南鳥宿後客  
醉始云歸

邱伯凡見贈古鏡

文章垂自古神理寫能微未剝胡宮樹猶懸漢  
月輝土纔離夜壑水欲滴秋衣今日相如手難  
云壁尚歸

過胡彭舉賦茶

昔時惟視友今日乍過君野色貧家積山情隱  
士分玄言浚秋壑古思入寒雲坐久不能去應  
知勝所聞

送潘比部之黃州

試問剖符貴無如蘄竹清郡過三峽水勢入九  
江城流落高賢跡傳心佛祖名昔時臨眺處今  
日送君行

送陳使君之閩

江國逆行旌仙雲倚曉迎山城寒月色海島靜  
石倉詩稿 卷十六 上篇 十八

春聲陳紀爲兄勝胡威似父清固多桑梓念今  
以使君輕

送呂玉繩之河內

之子領衆妙羣有罔不和辟如珪璋美詎分在  
邦家鼓瑟調既均俗耳猶不諱况稱同心者焉  
契當如何眷言將行邁弃予不蹉跎嚴霜澤陽  
旆朔風翼鳴笳繁華洛陽道岌業太行車覽魏  
入鄴都涉衛自朝歌雖則盈古思亦云離念多  
所願崇德音仰用答恩波

送潘穉恭遊閩 有序

秋序告終寒威斯厲園景匿耀朔風播告  
我云適趨彼閩陞土不思況子攸征詩曰  
庭霜菊已瘁終對崇山陂山明息烟霧翠黛咸  
足窺之子去已遠涉閩海涯朝辭金陵夕  
紀留滯在好奇日余初茲後臨餐亦當悲酒幸  
故鄉里寧曠歲寒期

黃黃叔坐上聽吳公肅彈琴

石倉詩稿 卷六 江上篇

十九

長筵却試唱虛堂辟樽金客來病自淺客飲興  
復深琵琶奮逸曲要用娛客心座上有高士端  
處彈素琴大雅一以出衆音徒覺淫歛笑含清  
霜洗耳入碧濤所貴和平理而匪媮蕩侵微  
嗟久絕太始良足尋

爲丁右武觀其長君元康

羈人動秋思忍過謝庭前駢眉金鷄起凋傷玉  
樹妍清齋長傍佛綽約本疑仙在昔元難此而  
今午有馬山川留韻遠造物忌才偏螢暗書牋

裏芸枯講席邊爲龍當此日化霍是何年欲解  
西河戚惟吟雄露篇

石倉詩稿 卷六 江上篇

二十

閩中曹學佺能始著 曾孫岱華重梓  
大梁張民表林宗閱

殺光菴再過張林宗值其已歸寄之

累夜分齋過茲晨聽梵達先歸題有字臨去着  
何衣相已忘行住名應任是非浮雲雖不繫吾  
意自依依

送阮太冲

遲遲出國門搖搖卽長道寧不畏馳驅式微盧

石倉詩稿 卷二十七 潞河集

如擣哲士慎所之厥身庶能保眷言依友生聊  
與玩芳草

子有潞河之役送弟脩還

仰視南歸鴈雲間得並翔奈何吾愛弟離別在  
他方祿薄難留女時危更憶鄉孤征愁未慣密  
囑重加祥馬疾防銜勒途炎節水漿渡江舟欲  
穩泊岸伴湏良行李纔停卸平安卽寄將束脩  
函丈下問寢五更傍伉儷應諧樂威儀自克彰  
去陰宜惜短前路好思長澆俗真堪畏書生盡

學狂醉頻過里社獵每動隣生願爾銘斯戒如  
兄拙不妨遠邪嚴避蠱嫉惡切探湯夢斷方携  
手憂深此贈童從茲分袂後佩服慎毋忘

季春望日集于鮑生載游言別悲喜並焉

爰述長篇以紀其事在席者吳允兆周  
叔宗張去華黎慎之張孟奇阮太冲陳  
道源馮女金吳陽居張維誠王種民張  
克鳴邱伯凡也

祖道朋斯集芳園地復偏乍分禁城外已繞潞

石倉詩稿 卷二十七 潞河集

河邊于役聊停此追尋亦適然臨流仍藉草列  
坐卽長筵解綬沿清淺浮觥到後先野花隨意  
笑隄柳任情眠漁父乘舟處山翁灌畝年機忘  
鷗性仰境靜鳥聲便車發頻將滯歌終轉可憐  
博沙驚忽散引蔓憶斯牽易起從游感難忘贈  
別篇茲晨春可樂今夜月虛圓

孟奇嶺南人時正下第與余未平生亦出

郭從諸子祖焉重感斯誼爲賡一章

以君新見棄而我復將行閩海雖連粵燕山未

識荆一尊來送別片刺乍投名媿乏瓊瑤報何  
當千古情

送吳允兆

季札歸吳日梁鴻去國時令人興舊感持此贈  
新知憂思獨萱草離情觸柳枝五湖今老矣長  
與世間辭

送徐惟和下第還閩二首

薄言追有客信宿且徘徊默默當誰識悠悠使  
我哀眷茲分手去勉矣嗣音來後夜懷伊阻兼

石倉詩稿 卷十七 路河集

三

葭苑遡洄

君家已望至客裏始移舟未得征衣換聊爲采  
葛游寧當長路暑猶及故園秋十畝閒閒外應  
從二仲謀

舟中再送惟和

駕言以出游送子潞河舟不展追權樂終煩寤  
寐求勞勞腹裏轉汎汎水中浮此際真成別方  
看有淚流

送張叔強之循州

羅浮余夙慕令邑爾相隣爲政旣多暇  
厭煩梅花傲世客荔子故鄉人對此堪忘  
庭事事新

寄張民表

時纔得民表林陵書有歸中牟消息  
字林宗 不冲行與偕隱焉故及

秣陵遺我信歷盡園田陂此地且當隱良朋復  
遠期鴈聲方斷日螢火漸輝時竹下如相訊行  
藏亦稍移

送彭水部出守濟南

水部向爲  
歷城令

石倉詩稿 卷十七 路河集

四

使者分符去洋洋大國風爲河知慮竭鎮嶽下  
勲崇守令官雖異神明政實同前旌逢竹馬猶  
問舊兒童

送陸慕父

日歸奚所適茅屋洞庭間不到長安裏焉知世  
外閒歌隨天籟發夢逐水聲還黃綺寥寥矣清  
風尚可攀

送董制科歸省墓

四十成名日功真比下帷松楸新露墮桑梓古



風遺有夢常形此言旋已愜茲但容踈懶性化  
進豈嫌遲

憶舍弟脩到家

自爾言旋後閒來便計程經過幾水陸遲速半  
陰晴語得鄉音慣餐加海味并親闈分問寢兩  
地候雞鳴

俞羨長歸由潞河夜談而別

尺素來河許維舟在潞橋有虛會晤近況惜別  
離遙吏事雖旁午朋權得此宵清言殊未已木

石倉詩稿卷十七 潞河集

五

末露瀟瀟

送沈伯含工部之荊州

傾蓋漫悠悠萍踪任去留詞人新入郢風物况  
兼秋思迫王程裏情深祖道周荆門倘懷遠一

上仲宣樓

得徐惟起書且惠田園雜興

一行爲俗吏久矣別知權當路移文數深山枉  
訊難方謠情酷肖幽事性偏安還似將蘿薜移

來枕簟者

送柳陳父

乍作閩游客茲游復客燕雖云行役屢亦得到  
家便昔爾歌魚日逢予征馬前因思別鄉井忽  
忽又經年

送黎慎之令新昌

邑屬嚴州

一官猶足寄五斗豈辭貧初仕宜爲令于民最  
易親中孚魚亦信美政雉能馴暇日追高尚嚴  
光有釣綸

送黃貞父

石倉詩稿卷十七 潞河集

六

搖搖瞻潞水秋色曠能佳欲展相留意其如靡  
及懷驚鴻初背塞落葉半遮淮似此蕭森感予  
情向爾偕

送唐美承還吳興

時以制科  
催趙織造

使節江南去人烟遠辨吳風鳴砑作岍月映水  
爲區傳騎鞍韉秀宮衣刀尺殊倘逢桑陌婦莫  
令怨秋胡

喜得家信

家夢終疑似無如接信看驟驚函半損幸露語

平安弟學燈前苦親顏筆底歡從來望消息  
此一加餐

又信至爲先寄而後達作此志感

半歲不得字重來喜復驚後先憑日識遲速傍  
人行道遠難期候天長無限情寧拚顛倒至勝  
似阻戈共

讀陳七宏已憂漲詩述此和之

爾室臨江迥奔流實可虞携妻上小艇促僕徒  
行厨魚急無心網花類何計扶東隣賒美酒蕩

石翁詩稿

卷十七 潞河集

七

漾欲傾壺

日沒不知暝潮生益助威生憎痕上架急避濕  
沾衣濁氣流黃霧寒光湧翠微輕鷗鷺侶枕  
畔戲忘歸

忽忽城村失茫茫天地寬稻皆聞已壞人豈獲  
全安燕雀梁間照魚龍樹杪盤從來農事苦憂  
溢甚憂乾

送張叔誠民部之鴈門

出門廣邂逅孰爲平生親良緣值君子展義要

同寅瓊瑤尚所報蕙蔭悅而紉眷言中  
一不可申王事信靡監啣命河之汾豈不賡  
好畏此簡書新四駱旣云驟六轡亦厥均皇仁  
委昭沛民俗爰咨詢蹇吾當乖離往從路無因  
鴈門遯日遠雪落何續紛側身徒北望長嘆增  
傷神此心誰能獲遐思在古人

送王君密之永平

共事雖諸子隣居獨有君炊烟盤瓦透結蔓過  
垣分兩暇卽呼酒相知更定文正忻堪畧迹又

石翁詩稿

卷十七 潞河集

八

痛欲離群旅鴈携看斷黃花折贈芬悲風吹以  
散落葉判茲問碣石天邊島盧龍塞北雲夷齊  
一爲吊思古淚應紛

贈朱善侯

隱几正無事開樽欣得朋似君還意氣覺我患  
多憎吟詠已成帙江山凡幾登家居劒潭上少  
小習飛騰

送吳孝甫兼柬其姪陽居

既息游如邵還期隱似龐儀刑存夙輩感歎去

茲邦隕籜偏當候征鴻更渡江寄君猶子說珍重且寒窓

贈鄧汝高

莽託薜蘿外攀躋霄漢間清漣挹潞水紫氣傍孤山神理自長久古今能往還何須習仙吏採藥駐童顏

聞言

寸舌惟應卷雙眉未許描閉門秋易老高枕晷閒消敢調餘波及深知孟浪招坐看庭際菊昨

石倉詩稿 卷十七 路可集

九

夜任飄搖

楊園

風塵叫四野疏鑿有茲園傲吏忽停駕山翁纔掃門泉行不厭曲果熟更應繁消息南遷遠頻來倒綠樽

登潞子城

通潞亭荒猶薄酌漁陽掘急自狂夫秋城朔氣連平谷夏澤寒聲到直沽鴻鴈一行看乍有菊花雙髮插全無當時塞虜憑城下慷慨王公保

此都 公諱仔太倉人

聞弟脩病

聞女沉痾日逢子負謗秋一時爲子患兩事勳親憂方藥須防誤文章數取尤魂驚已悞切况聽葉颼颼

送萬中丞經畧朝鮮

日光昏巨島天意祚危邦羽檄催移鎮樓船渡江部中兵不億門下士無雙指顧鯨鯢困城築受降

石倉詩稿 卷十七 路可集

十

董崇相過別

西山高卧久潞水一過子去國雖云繫閒身頗自如小園落木後薄雪覆庭餘聊日同延佇何知別意疎

聞大司馬吳公仙逝奉輓 諱文華連江人

故老國之依年來天意微無論當局少日見在家稀屈指公猶健迴頭事已非混茫元氣散赴海何時歸

喜陳道源生子

半百生男子相關倍至情夢占猶自感墮  
分明慶宴仍南土懸弧向北平少姬無那弱懷  
抱迭爲更

歲暮移寓

一身謀不定八口怨頻遷近市知風俗間居得  
歲年緝垣聊蔽雪祀竈未生烟但足容箕踞長  
吟處處便

悼懷

詎以情能惑直爲義所欽曰予奚不信非子孰

石倉詩稿

卷七 臨河集

七

知心夢見形猶隱中情寶屢侵祗愁倦膏沐誰  
意忽銷沉旭日空云旦玄雲但作陰泪痕交襟  
佩哀響傍幽琴樹背無萱草傷離奈棘林欲同  
天上住恐復作商參

贈別包參戎

對客雙眸爛懸河滿腹餘老成過宿將風雅似  
通儒勒石留勲姓登壇傍禁廬邊烽看乍息早  
計在衣柳

過揚山甫答贈

無營當歲晏方許客閒過破帙存風雅空  
笑歌始知相見晚尤勝所聞多車馬煩囂地若  
家自薜蘿

胡元瑞訪子寓所因有同舟之約

挈室移居井遯跡跨驢歌輶笑尋幽且將邂逅  
文兼酒未息風塵老一邱遼海干戈何日靖潞  
河水雪向空愁相依聊見同舟意我已南遷子  
倦游

吳陽居張維誠印伯几追至潞河而別

石倉詩稿

卷七 臨河集

七

春明門外唱離歌匹馬追隨到潞河莫歎平生  
知己少轉忻岐路得朋多山因近塞關愁甚柳  
未垂條奈別何咫尺臨空看月暈掛帆東去易  
風波

石倉詩稿

武林稿 丙午卷之

晉安曹學佺能始著

新安汪道會仲嘉開

曾孫岱華重梓

龍江關吳非熊林茂之吳明遠宿別共韻  
旅泊猶依寺離情重出關友朋俱已散之子未  
言還京口明朝渡盧龍此夜山相思值潮水應  
得寄潺湲

直州過潘穉恭園館二首

逸士夙命駕千里爲相思矧此江之水與子有

石倉詩稿

卷十八 武林稿

一

深期舟途戒云始朋侶未乖離晨起涉波濤揚  
帆何其危夜與故人遇中心旋覺怡朔風一何  
疾忽然自南來尊酒且爲樂詎在亟云歸揆之  
行與止兩者非所宜但當適志意焉用炳

幾先

麗公不入城子猷深好竹夫苟固斯誓烏能諧

所欲適舍閒以清浴徑紆而曲寒池畱夏潦餘

花表冬煥智者契在水愚叟各其谷出門逢斯

人可以澹榮辱予懷千里道彼戀一邱足儻從

仲尼游老圃請可學

題李季宣閣上

十年和過長安陌一片燕臺雪花積三載南遷  
到秣陵六月長江吹鬱蒸之南之北無定邊一  
寒一暑成幾年曾爲秦岱峰頭客濟上綰符應  
咫尺恨不齊歌飲魯酒空覩秦松與漢栢此日  
踟躕思海嶠過向邗江問漁釣子爲陶令歸去  
來我迺馮唐甘不調有才固非百里流祇合高  
臥百尺樓山色烟雲何變幻江潮旦莫詎淹畱  
結交四海盡風期舟帆來往密如絲此間但有

石倉詩稿

卷十八 武林稿

二

名下士便當來賦樓中詩

宿范東生池上二首

白下思千里吳門到一尋預知片榻上緩我故  
園心良夜不復寢清霜時在襟除將杯酒外直  
許是長吟

宴坐已終日其如言別難鐘聲來寺靜池水落

霜殘似有一村遠冷然雙樹寒不知歸客棹猶

自泊河干

過沈從先

幾度過吳苑情親問所居相依昔日久但覺此時疎踪跡飄蓬外詩篇脫草餘自知苦不足於子意何如

荅別徐仲容

海內論交誰屈指姑蘇之地有徐子漫云心許延陵劒須知目攝長安市回頭已是十年餘相見其樂當何如不因下榻爲傾倒好自閉門長著書杯酒寸心猶未竟揮灑長歌出相贈詩中莫漫誇我才別後祇是憂君病此時相別若爲石倉詩稿卷十八 武林稿 三

徐季長邀遊天池舟中阻風作

徐卿邀我遊天池飛廉大叫驅馮夷詎論支公養馬澗難渡吳王闔鴨陂客興何清絕勝緣嗟薄劣錦帆涇裏帆避風百花洲上花飛雪河伯自作意不與海若遊禹王震澤疑未定伍相長江怒尚浮白浪失蛟龍荒臺走麋鹿驛前古道無人行嶢嶢虛舟漫相觸嬾聞少嬾彈箜篌但

把酒徒汎醺醺君不見野夫興長畏日速就飲人家貪信宿

遇徐鳴卿

同門稱我友異地遇夫君十載茲晨接清言到夜分武林寒度雪燕市遠看雲何恨新詩興旁人未可聞

初到虎林遇黃貞父貞父卽往吳興

武林相見罷卽欲往吳興兒女方爲累僊舟未可登携來天目草削就剡溪藤因識近來趣過石倉詩稿卷十八 武林稿 四

從有老僧

臘月朔日聖果寺訪戒山上人

客裏嘉平始山中歲序殘樹呈羣石巧花雨一江寒明月臨禪壑清霜覆戒壇應知西向咲不是爲長安

沈伯閣招汎西湖到孤山

歲晏來湖上移舟亦覺閒言從二三子相對一孤山祇負青牛去誰令白鶴還今年霜雪早莫問六橋灣

貞父自吳興歸見訪

獨客閉門久故人相會賒清晨思返棹昨夜已  
歸家若汎茗溪水應携顧渚茶悠悠何限意及  
爾度年華

過貞父宅

聖主徵蘭署幽人問草堂到家無邑俸引帶有  
書香花墅湖頭出河橋屋裏藏應憐逢叔度能  
使俗情忘

同貞父過定光寺訪明宗上人

石翁詩稿卷八 武林稿

五

林下詢開士蕭然野色闌竹移今日翠松作古  
時寒喧市過成寂貪心捨卽檀勿疑聽法處原  
是散花灘

夜宿顯教寺有華嚴徑

橋頭山森森柵口水漸漸月沒來時盡霜濃坐  
後添教原分顯密徑自入華嚴今日遊仍息能  
於勝地兼

括蒼太守鄭輅思見訪一訊舊遊

今日軒車過長時旅舍局行春憶梓里滯雪醉

樟亭客驛君應置仙都予舊經縉雲爲綺障麗  
水作金屏瀑布霜中折石帆風處停清猿枯蒼  
嶺白鶴紫芝庭康樂窮幽勝軒轅託杳冥而今  
三易葛猶是一浮萍地豈依王粲人非避晉寧  
還從大夫後爲問少微星

遇甬東太守吳季駒訂普陀之遊

故人方領郡五馬去驂驪季子聲名遠吳公治  
行堪樓閣時見旭市曉未開嵐石竇千花出湖  
光兩曜含禁庭移桂密仙墨灑桃酣皓隱商聞  
石翁詩稿卷八 武林稿

六

一臣謀越用三鮑郎空納履賀監已抽簪象教  
應棲島鯨音忽沸潭育王湧塔上大士落迦南  
欲究無生法還從禮佛龕

寄吳允兆

予去年夢到五臺允兆久抱此志其生亦在閩中故端述之

君欲五臺去天花千葉香語時猶恍惚夢裏得  
清涼束嶺疑無地危巔尚逼蒼投身向猊座懸  
額是龍堂喜舍金錢會防過雷雨傍入深惟覺  
暗瞻頂忽生光水滴千尋下天垂一線長自言  
隨北極猶問屬南方何日別茲境此生同故鄉

鴈門徒有雪刷羽不成行

茅孝若餉米戲荅

厭索長安米還來就所親龍蛇厄賢士虎豹讓  
饑人好似菜蕪甑徒云汲黯薪嬾亾那復巧僕  
病轉堪嗔雨雪空飄粉風沙祇作塵耻爲安邑  
累寧問洛陽巡乞向謝仁祖求如第五倫脩書  
應有待推食豈無因炊異游秦玉糧逾入楚珍  
既貪充口腹仍免折腰身

過張維成山居夜宿

石倉詩稿卷十八 武林稿

七

錢唐門外潮聲喧昭慶寺前遊侶繁欲向澄湖  
蕩桂楫何如僻徑入桑園行行景物轉蕭瑟結  
廬其間爲隱逸但聞仲蔚居蓬蒿復道龐公挈  
家室四邊野水環既周時時把釣臨清流到此  
詎非剡曲棹登來已是雪中樓欲知客興何清  
絕雪霽天清氣逾潔孤塔眞成寶粟堆兩峰好  
作瑤華屑層陰背日雪消遲却料西溪應倍之  
言尋竹色無窮盡忽驚梅藥紛參差穿雲屢度  
寒林裏步月偶聞清梵起始知佳壑多幽僧不

問爲隣者誰氏夜闌託宿向梅花歲暮寧愁天  
一涯宵與世人逐顏色由來眞性重烟霞

同吳德符吳非熊林茂之到雲居寺非熊  
茂之旋寓僧房

天寒吳山杳蒼翠山中還有雲居寺寺在雲關  
盡日幽一往彌令長禪思我聞釋者曰中峰經  
行時暇手栽松松葉松枝漬甘露一卷法華一  
株樹卽今松樹長青青世人誰覓中峰路空門  
未惜人代徂形勝居然但不殊層房各置巖仍  
石倉詩稿卷十八 武林稿

八

古詩四首茅孝若同賦

凄其歲云暮陽氣將憤盈游子悲物候鬱抑不  
獲征誰爲置言念惟我良友生  
舟楫戒已豫悠悠涉川水夜行以繼日人泊我



未已所懷喻饑渴欲以慰吾子

人生如石火知者不再計子思在經綸我則耽  
文菰相見未盡言言之心逾契

我馬駕以南君馬駕以北詎不一心腸而乃異  
行役命運各有時勉之通與塞

立春日過雲居菴訪非熊茂之益公

虎林爲客日驚嶺復春風山色一朝隔梅花兩  
歲同世情紛剪綵禪思合真空應識松扉掩冷  
然清磬中

石倉詩稿卷一八 武林稿

九

除夕柬非熊茂之

度嶺穿林境孰如懷人遙望片雲居應知寂寞  
禪關裏一樹梅花共歲除

和聞梵

山下層層起暮烟山中一點佛燈然僧家功課  
如常事只有朝昏無歲年

聽雨

錢塘門外春潮至微雨瀟瀟夜渡江最是客中  
愁絕處不堪欹枕在山窗

元旦旅懷 武林有客兒亭

薄宦歲復歲浮生三十三鴈歸幾行北花發一  
枝南謝客久相傍嵇康多不堪踟躕何所適負  
却是驂驪

人日同吳非熊吳德符胡仲修徐興公宗

上人林茂之過訪若公蘭若

客居傍僧舍相過意偏清欲究無人相空知此  
日名海雲流講席山月照經聲迢遞年華去春  
江何限情

石倉詩稿卷十八 武林稿

十

西溪看梅短歌

春雲忽渡西溪水溪畔梅花從此始殘僧寂寂  
時掩扉微滅禪燈山雨裏山雨逶迤沉暮鐘梅  
林此去幾千重渡頭客問餘杭酒衣上雲來天  
自峰數年夢想遊天目誰云路接梅花屋今宵  
驚嶺無他夢祇向龍池看飛瀑

詠墨紗燈同吳允兆胡仲修吳德符吳非

熊林茂之分得十灰韵

質裂橫疑水光生薄似苔憑將彩筆畫認作錦

刀裁鳥向空中度花從鏡裏開細看若無力不  
畏曉風催

十五夜雨中放歌同諸子分得語字

武林元夕天風雨遊子紛紛氣欲沮錢塘江水  
入琴聲吳山蒼翠浮清醕龍口千層空醖醖漁  
陽三過亦楚楚已無明月在今宵何論勝事足  
千古且分梅花春色早不然落盡一枝誰寄許  
亦有賓客相喧呼不然坐對只是兒與女放歌  
行欲何所人生萬事盡如斯時不可出聊當處

石倉詩稿

卷十八 武林稿

十一

春日西湖臨眺四首同吳允兆非熊德符

胡仲修林茂之胡休仲張德懋賦

清曉正佳色春煙開幾層漸黃知柳細逾碧見  
湖澄此際獨啼鳥來時同梵僧平隄不覺盡還  
問有山登

已是梅花發幽人不可俱客來林下勝山入水  
中孤春靜鶯求友年深鶴養雛所懷栖隱意見  
此詎能無

乍覺慵扶杖欣然此放舟波光自憐好野趣任

尋幽處處入雲寺家家臨水樓金沙灘可泊歷  
盡古隄頭

棲鳥在林樹移舟還復深清風出湖水微月帶  
橋陰春樂遞遊目夜歸生澹心松房仍寄宿一  
點石燈沉

蕭憲副招遊湖上八韻

闕下捧天書湖邊接使車應知今日會共是十  
年餘水合煙光遠峰開雪迹踈雨隄皆樹影片  
石有僧居閣倚渾無着舟移亦自如落梅珠半

石倉詩稿

卷十八

武林稿

十二

委垂柳帶偏舒古寺來寒磬春燈出夜漁他鄉  
行樂地惟此得躊躇

晦日西湖泛舟同用昆明池體得十五咸

韻

蕩櫓臨湖水行杯迴石出初年矜晦節麗景上  
春衫疊浪平于熨浮圖直似剡花驄過冉冉翠  
女出慘慘細草輕烟度垂楊落照銜寧須問賞  
英依舊宿松杉

春日過馮開之孤山別墅十韻

太史閒居地孤山有一園雪中期過宿春至不  
開門田父詢何客舟人識此村明湖俱在境古  
塔獨當軒磴路林間接雲光閣上屯栽花初刈  
圃移柳未過垣日落猶啼鳥鐘殘乍嘯猿妝池  
虛委黛淚竹已成痕湯許西州醉恒栖峴首魂  
平生山水意寂寞與誰論

湖上雜興八首

湖上遊未已借屋將安居既與阡術背乃視隄  
塍紆柳垂漸濛密花開日不疏四鄰多別業隔

石倉詩稿卷十八 武林稿

十三

水見行車衆皆競馳驚孰肯獨躊躇予樂與之  
異恒惜曉夜餘

古木已千祀層樓將百尋潭現金牛影窗開寶  
石陰兩峰限南北列洞亦崎嶇咫尺不可盡何  
暇逡搜尋夙有好奇癖茲惟樂會心不知山水  
綠較之誰淺深

秦王繫纜石葛洪煉丹井戩戩有遺跡輓轡尚  
垂綆尋仙固茫昧客游賴成境湖水湛虛明風  
光著桃杏鳥鳴如有求魚戲非由警今日不盡

懽陳事已俄頃

故人不可見山水難具論幾日爲吾有典刑猶  
能存重湖日滉漾扁舟相對門搖時亂塔影泊  
處當樹根俗流曠津濟文士開琴尊苟欲託餘  
興何暇知慨怨

秀色若可餐烟波亦堪宅其語嘗聞之舍此恐  
難復春林衆卉繁矚入湖中碧司花有清禁選  
樹踰常格禽來競致響鷗逝妙無迹茲意等欣  
厭庶不爲物役

石倉詩稿卷十八 武林稿

十四

客居匪一朝但覺恒有事風日漸悠長三春已  
稱季逶迤歷舊堤莊嚴到淨寺香臺自般若法  
身爲舍利看花雖不殊遇物多古思斜陽半塔  
中羣峰映蒼翠

夜靜步隄上花月豔相嬌佳人去已久馨香隨  
風飄悠然觀物態有客魂俱消漁浦吹笛出鷺  
嶺鳴鐘交西泠一何遠松柏復蕭蕭宴坐孤山  
下乃聞錢塘潮

今古事既異喧寂途信分詎緣好事少愧我非

揚雲貧客俱來集山僧或相聞舟人慍無酒園  
丁笑獻芹湖面微風至花草時紛氤何必杯中  
物令人思已醺

送黃貞父北上二首

日在西湖上聞君事北征幾多行樂趣能慰別  
離情遠听移春草芳林接曙鶯仙舟從此遠詎  
不重聲名

一望長安道浮雲萬里餘但聞新政好誰識故  
人踈爲客日無事還家惟讀書此間花正發貪

石倉詩稿

卷十八

武林稿

十五

作武陵漁

遇無窮上人因憶去年雪浪之遊

錢塘門外來尋見雪浪山中記得曾欲問春光  
誰負却年年花發對殘僧

江上送內歸鄉五十韻

予昔聞古語婦人唯腹悲與卿別終歲不能成  
一詞慨念平生好曷嘗暫乖離祇是登臨日便  
爲獨處時獨居猶可合永訣應無期昔者諱不  
祥而今反懼之不若兒與女幼小未有知不若

奴與僕收淚卽笑嬉厨下有茶湯他人可代爲  
心中有苦樂入房還告誰非無慰勉語聞此轉  
不怡猶如膏肓病藥石安所施非無新人懽未  
若故人宜不得心情性徒用飾容儀去歲陽春  
日行樂方無違芳草被庭內林花忽以萎黃昏  
至夜半棄我疾如馳親戚無一在風雨空淒其  
燈輝何黯慘鄰鷄一聲啼徬徨四顧急強止家  
人哀開筍誤偏鑰出門惑東西衣衿豈適體膏  
沐異畫眉設靈雖如在就木難重窺兒眠尚未  
石倉詩稿

卷一八

武林稿

十六

寤客來俱已遲歟者事甫定存者恐神虧相送  
出郭外輓歌翼靈輻旒旒從風捲笙竽臨路吹  
晨征暮不返孑然寄荒祠左右皆樹林先秋動  
涼颼燈前集蚊蚋座上走狐狸壁暗蝕遺容草  
長沒履墓明月照獨寢嚴霜入空帷眷此時節  
變多爲物態欺乞得在官假與子俱旋歸大江  
揚帆去吳越境逶迤逶迤幾千里十載長追隨  
來匹往已單寓目成涕泗武林歲云暮三春復  
如斯奈何返白門與子各路岐非予好淹留兒

女病當治非予耽宦情鷄肋誰克遺昔爲比翼  
鳥今爲南北飛錢塘風濤壯金華灘石危闔閤  
如天上建水噴流漸舟子性多忌役夫力難支  
莫比予在日卿當自護持遙望故山壠墳墓中  
累累予祖卿及事祖母眷我私妯娌欣有伴先  
姑性尤慈黃泉且相保慎勿煩怨咨

語溪舟中寒食同吳非熊何玉長林茂之

女載叔分得晴字

爲客途中春欲晚語兒溪上雨初晴孤魂獨背  
石倉詩稿卷十八 武林稿 一七

錢塘路十載空題粉署名思殺桃花新水漲貪  
看楊柳暮煙生已知今日無窮恨何事還添弔  
古情

過金明寺

客棹行不息朝朝厭臨水翻愛此清池湛然僧  
舍裏

上已到吳江分得深字

乍過寒食客愁侵復見韶光上已臨隄樹盡催  
鶯囀曉海雲偏逐燕飛深長橋澹澹新煙起震

澤茫茫夕照沉若負此中山水調更於何地覓  
清音

松陵遇關中僧一絕

湖邊古寺入松陵演法還聞最上乘春至不知  
秦樹綠八千里外水雲僧

姑蘇遇吳允兆俞羨長王曰常黃伯傳同  
訪沈從先因游鄰園范東生送酒至分  
得齊字

三月過吳市相逢信杖藜園分茂苑上石出太  
石倉詩稿卷十八 武林稿 一八

湖西存竹林堪入殘英路或迷鄰家通夕照池  
水裂春泥忽至白衣酒偏當黃鳥啼來時無少  
長方稱賞心齊

夜集史辰伯館中得山字

客問專諸巷寸心杯酒問方池亂竹響深戶片  
雲關入此已近暮安知無遠山得如今日興談  
宕可能閒

送戚山人之內黃兼東鄧遠游明府得山  
字

三月鶯聲別故山  
萋萋芳草照離顏  
春光白下無多日  
夜月黃河第幾灣  
置驛正當賓客盛  
弄琴遙識使君閒  
閨中易作刀頭夢  
珍重休過博望關

寄趙凡夫山居一首

故人猶在望誰復叩柴扉  
芳草成碧地白雲空翠微  
瀑泉掛石下花柳映空飛  
祇恐入山去一時難得歸

同諸子汎舟金閶城下分得雲字

石倉詩稿卷十八 武林稿

載得金昌酒言招麋鹿羣  
錦帆漁父識茂苑庶民分  
花發春猶見鳥啼夜豈聞  
胥江一片雨震澤萬重雲  
梅福成新里要離沒古墳  
欲知繫馬處猶自隔氤氲

寒山寺別沈從先

舟泊寒山古寺前  
楓橋楊柳暮生煙  
不因今日重過別  
邨記鐘聲已十年

過錫山

梁谿城外錫山前  
小店垂楊慣繫船  
好是故人

情不淺往來隨意汲寒泉

過毘陵同月潭上人尋永慶寺不遇

舊寺松枝覆幾層  
昔年聞說住毘陵  
飄然一笠無尋處  
數里人家明夕燈

丹陽道

潮水無聲暗到家  
門前高岨半欹斜  
風光三月踏青去  
榆柳陰陰度鹿車

石倉詩稿卷十八 武林稿

石倉詩稿 巴草 戊申

閩中曹學佺著

曾孫僊華重作

寒食沙市行

欲識岩臺高幾丈聊看楚國沙堤上田疇似繡  
爲交錯堤路如城作保障縣官捍堤猶捍腹農  
叟治田仍治屋余家兩度入西川居者行人同  
碌碌昨日出遊三月三屈拍春光一百六不問  
他山與故園但指桃紅兼柳綠人生若此卽歡  
娛眼前且勿愁崎嶇

石倉詩稿 卷九 巴草

宿浣市僧房

澄江浣作市古寺席爲門借宿減厨傳聞香清  
夢魂平沙迴意溜高柳上初暝如此爲行後遊  
遙何可言

到江亭寺

昔日江亭上曾留杜拾遺一遷爲此地半折是  
殘碑僧老猶能說風清若可期高唐子再入有

愧讀君詩

公詩云一柱全應  
近高唐莫再經

一柱觀

常聞一柱觀其地亦全非羽客依名住神功在  
世稀松聲當峽出山翠似城圍惆悵高臺畔玄  
扃半夕暉

清明日發松滋之宜都

松滋晚及宜都縣已在山中一日程楊柳幾株  
烟乍起棠梨千樹雪初晴廩君務相猶道穴陸  
遜屯兵有故營回首家林時節換不堪腸斷是  
清明

曉發宜都望獮亭

石倉詩稿 卷九 巴草

晨興卽問渡洲上有烟痕古木分夷畛清江照  
縣門麥青經過雉蕨長自啼猿此去獮亭畔空  
懷陸伯言

過青草菴索齋

森森黃牛峽離離青草菴松風當閣上溪水過  
橋南石佛儼相對山僧聊與談莫辭香積供此  
味子能諳

過劉元定依雲閣清明後二日

峽州奇絕處平曠卽爲稀此地江偏遠他山雲

不歸茶香出火細松韻入風微花事雖云過猶能着地飛

題劉元定山中六景

無心致通顯有道成古今今日東山下白雲春

草深

右東山祠

江意雖乍違溪光亦可美人行大堤上步步來

相送

右清溪堰

青青柏子樹蘭若攝于斯夜來承法露日長是

禪枝

右栢菴

石倉詩稿

卷十九 巴草

三

幽然響不絕一泉清且冷不是山中人未必知

來飲

右碧潭

群卉相關妍春光此堪託幽香一亭內坐對西

月落

右林香亭

草閣眠時穩無人到款扉只有山中雲朝暮來

相依

右依雲閣

劉元定王公權招集楚塞樓

巴蜀羊腸路紛紛對此樓葉尊雖暫展山水莫

非愁花落無生意猿啼不肯休何時出巫峽而

得再斯遊

出桃花舖上嶺

仕宦車生耳家人行戒心荒途開石淺細雨入

山深溪水日流處桃花非故林三年魂已斷那

得續於今

大小壩

山似鑊甕鑒水如金僕姑一夫堪戍守四塞成

方隅前後不相及形神何太孤直須停泊處纔

得其嗟吁

石倉詩稿

卷十九 巴草

四

相交舖有一山家

獨居真斗絕危徑復交加斷石讓栽麥編籬純

用花門前臨道路客過乍誼譁應想開荒後從

來未別家

白沙驛

驛雖移近地路更遠明晨且爾輟疲策前頭無

主人厨湯需采葛婦女代揚薪踈略君休厭由

來此意重

發鄂州坡



青山如有意不欲使人行故作千層險全無一段平長林錯星漢聞宿望州城片片芙蓉影咸趨水際明

鬼見愁桃花盛開

山中氣候寒桃李未開殘頑石借粧點征車方轡盤因愁應暫笑人面若爲看忍負韶光意棲棲事一官

白沙驛驛

委蛇窺地脉俛仰託山靈土看無二戶溪光在石倉詩稿卷九巴草五

一庭少時供客憩終日是雲扃更有前峰路食幽未許停

花橋鋪入歸州界歸州名歸鄉出水經注

所過人境好惟有是花橋林竹最深色溪源凡幾條停車傍離落啜茗借山瓢問是歸鄉界離魂不待招

大鴉坡望峽

雙峽亦何事眼看流去溪天然洞宇闢古有神仙棲身處劉殊能蒼蒼天未倪無人好奇者到

彼得留題

建平驛

漢時建平郡本自領巫山此日空名在斜陽古驛間懸流瀉馬腹疊嶂逼人顏徒御雖辛苦猶能得代還

九灣坡

出門田畝際又已陟崔嵬數武肱三折一時腸九迴前車對水陣高觀避風臺細察淳龐氣山中猶未開

石倉詩稿卷九巴草六

峽口坡見紅梨花

峽口紅梨樹何如絳雪堂昔看詩裡画誰比醉來妝詰屈因岩石輕盈類海棠予將移此種聊以續芬芳

栢子巷望小峩眉

給孤當鷺嶺相對小峩眉獨夜禪鐘起三春瀑布垂峽風吹日冷林木帶秋悲扣柴窮巔處應貪反面奇

荒口鋪

地與施州近山開百里長未應能吊屈只合此  
投荒燒過厓俱黑春歸草尚黃南流溪水急那  
更入巴鄉

石門

山盡見江好孰知江路危單車馳漢王積甲符  
吳師義在寧同死時乎不可支永安有遺詔讀  
罷使人悲

屈原祠

屈原生此地千古調應稀蒺藜苑爲宗匠居人識

石倉詩稿

卷九

巴草

一七

秭歸江潭雖旣放日月與爭輝一片嬋媛石猶  
傳舊搗衣

秭歸署中寄家信

秭歸一  
名歸鄉

列障壓庭庭欲低庭前戶牖亦攀躋行經宋玉  
招魂地枕向明君浴手溪月到天中看乍有風  
來峽內聽難齊歸鄉未得真歸去却把鄉書對  
客題

巴東縣

巴東縣治枕江濱直接瞿唐灩澦津嶺後夷關

迷日月灘前使館動星辰詩臨絕境能無助夢  
近陽臺若有神鳥道猿啼花落節不堪重度客  
中身

發巴東入夔門界

沿江路折入雲根雲氣薰蒸峽雨喧力損舟車  
窮楚服心驚烽火近夔門往來候吏經三黜寥  
落居民只一村昔日杜陵爲客處題書無恙問

東屯

烽火舖入  
夔州界

巫山縣感懷

石倉詩稿

卷九

巴草

一八

休官苦不決未必念非真再至少顏色一行多  
病人地當胸臆瘴歲豈龍蛇辰寄語錦溪畔來  
遊戴角巾

白帝城戍守官軍多閩人過而悅之

江聲三月近瞿塘白帝城中多故鄉但覺耕耘  
享成業何知編籍在戎行開國年來二百五聲  
音猶是故鄉土大男小女齊出門喜道同鄉有  
官府我久離鄉欲就之區區一官何足數相逢  
鷄犬新豐樹不問公孫舊樓柱若恐吟詩太寂

寥步出東屯詢杜甫一兒習書一孩抱任作宗  
文與宗武

夔府竹枝詞十首

相公泉眼小於錢門外江流在眼前青鞵素足  
朝行汲來往人看似水仙  
早看東南暮看西蜀天只怕上頭低東邊日出  
純無用雲暗上頭三尺泥  
赤甲白鹽高刺天東屯相接草堂邊杜陵老叟  
是何物口裡吟詩來課田

石倉詩稿

卷二 巴草

九

君居北井妾南沱對面相看隔路多須趁漁舟  
過急峽還隨鳥翼上斜坡

丞相行師說有神陣圖開處畫圖新新歲踏青  
來磧上誰家潔白勝於人

刺花黃白鬪妖嬌香氣聞過七里饒刺似儂針

花似錦髮邊樣作手中挑

吳舡越舫富錢財鍊索橫江檀不開販鹽惡少

截開去不識瞿塘滬瀨堆

今日峰高雲束腰平平一掌在明朝朝來出門

又如是儂是好言郎莫焦

君莫畏途途不危世途回首一看時人心屈曲  
如駒駉癰氣衝人人不知

沿江坎上卽田疇滿店燒春酒氣浮我眉五月  
雪消水剛讓儂家割麥秋

雲安舊縣三絕句

馬噴沱前水急流桐花落盡綠陰稠一翁來向  
清溪立滿眼兒孫任兩溝

路直雲安古縣前平栽小麥幾坵田田舍較於

石倉詩稿

卷九 巴草

一十

城郭好隨他遷換却依然

也是山青水碧時客懷何事動深悲春林三月

無行迹君未前來聽子規

下岩寺

病中入寺情相得雨後看山趣亦添片石僧寮

無結構一春崑崙自垂簾題名刻像成今古皆

路臨江恰見潛我已忘稅來此地白雲鷗鳥莫

猜嫌

雨發萬縣寄題太白岩

疾病但爲好光景山川還記昔留題路當瀑布  
斐橋上石點秋屏萬縣西祇似魚遊鮓在藻從  
知馬性惜障泥青蓮魯直皆曠士坐處讀書行  
杖藜

再宿分水驛

夜雨亦何恨朝來是險程以茲爲客久何日錦  
官城館窄傍山臂溪深分縣名吟詩頗無緒歎  
枕聽風聲

蟠龍山看瀑布

石倉詩稿卷十九 巴草

一 二

春水三年別寒聲十里聞鶯花流出洞樹石掛  
成文有意同高潔無心作使君前車行度險余  
且坐斜曛

發梁山至袁垠

暫平三十里又已陟危岑俯視縣城內微茫雲  
樹林谷風異寒煥磴路達高深停策問流水何  
其傷我心

夜雨

到驛任山雨雨多山翠重伴厨三月筍蔽榻數

桡松汎泊如舟浪招搖在筆峰明朝沾濕處已  
覺夢中逢

再上筆峰

霧到此中止分明要客登水田開四野松石閉  
孤僧步入禪鍾慣詩題綵筆曾少紆行後苦惟  
有勝緣能

大竹縣夢分賜龍團茶餅應制

旅眠過大竹清夢賜新茶采摘當時候裁成出  
內家薄雲春作月碎葉印爲花最解相如渴承  
石倉詩稿卷十九 巴草

一 三

恩未有涯

瑯琊館

不識瑯琊館因何在宕渠禾乾龜坼盡果熟烏  
含初村落變烟起人民賓水居長年看髣髴只  
爲旅塵踈

廣安晤黃州守

騎闕升高峻渠江出廣安長人何代見杜主又  
春殘石繖流成白山櫻顆已丹情深此相見頃  
刻敘悲酸

岳池縣見黃葛樹有感

岳池黃葛樹何必減榕城庇屋幾間地臨溪無限情根株盤石固顏色耻春榮雖在深山裡時聞車馬聲

岳池舊縣

清溪如綫石橋邊新麥將收舊邑遷城郭不知何處是二三喬木起荒煙

三月晦日到嘉陵

二月春光在客程不知春盡尚行行卽今半日

石倉詩稿

卷一九 巴草

三

差堪戀坐聽嘉陵江水聲

卽事

子魚榮老吏腐鼠嚇莊生以此爲相戲時云非世情青山多事業白日懶逢迎賸得江花笑隨人到錦城

武僖署中書懷

無期能解縛觸處亦蕭條草色閉門靜鶯聲歸路遙比丘同一夏吏事不終朝五月城南路江平萬里橋

中巖寺

再過中巖寺彌添乍到情泉源因委曲雨氣益淒清橋險必當度樓虛何所成便於石笋上安坐悟無生

宿月波驛

月波來夜宿月色似波明遇景一相湊觀空聊復情寒蟬吟向懶水鳥去何輕借問渝州路還家近幾程

巴署登樓望塗山

石倉詩稿

卷一九 巴草

四

登樓憶江水隱隱度層雲峽迴亭臺圯天晴樹石分古先經摩畫時序別耕耘日暮清風起冷然拂席聞

禹廟

水北書銘舊橋南瀑布新巖扉淹歲月石帳閉風塵遺像聞口服初音識候人自非明德遠何以涉江津

覺林寺

分途至覺林捨曠得幽深落葉稍寒色流泉聞

古音僧居留宿霑香積施來禽祇有鐘聲發迢迢下水尋

登途山絕頂

百折來峰頂三巴此地尊層城如在水裂石卽爲門澗以高逾疾松因恠得存瑤階金翠色人世已黃昏

崇因寺遇湛公

見江纔入寺上嶺久聞鍾法到巴中說僧來白下逢藤蘿開入水金碧傍孤峰寂靜身心次焚

石倉詩稿

卷九 巴草

一 圭

香出古松

同楊文弱遊洪崖洞

城腰分作洞懸溜出城中與客登臨屢咸言造化功月生已子夜磬出梵王宮歸路愁昏黑冷然一葦通

同陳美用登巴子樓

獨上每愁思何能常對君巴山秦代月禹穴夏時雲水亦流成字人其可不文扁舟懷往路誰忍望中分

墊江舟行同范東生寫懷廿韵

潯陽時賦別雪裡登匡廬便有蜀中約頗看林下書那知萬里道已是一年餘此樂誰能說他愁若待祛文翁重教化楊意恠吹噓落落旣難合遲遲行遂初所知應見訝非子孰明予何日穿巫峽玄冬泝宕渠衙參譚未已舟楫更相於歌向巴渝起人連水霧居未離城有洞一片石中虛牽纜行無地銜杯對彼硯峽風時峭急江樹但扶疎數里驚洄洑清波寄鬱紆沙痕明漲

石倉詩稿

卷九 巴草

一 六

溫塘寺

入寺泉聲落能令境不寒烟生隨磬曲年久共僧殘過鳥空中疾遊魚釜底安上層那可到十里縉雲看

沙溪別東生

幾夜舟中語沙溪便有程忍將離別淚一酒分  
州城小雨入江暮微陽穿樹明曰歸何不得歲  
晚事孤征

濮岩

濮岩多古意佛像與題名何事今人作使無如  
許情湖光當日好樹色片雲傾洞閣請安坐君  
應悟此生

龍游寺

一徑懸林杪孤雲地就平山雄連郡勢谷巖送

石倉詩稿

卷十九 巴草

七

江聲石上浮香剎空中息化城何當秋月夜禪

客此經行

安居甫發夜深投大佛寺

安居何不遂歲晏乃栖栖有雨便無路登山仍  
涉溪愁雲疑旅店饒猿作人啼到寺那能睡晨  
鐘聽不迷

柏林寺夜月

巴中難得月偏照此山櫻林密鳥多暇寺僧僧  
亦幽暗泉疑復雨孤影卽爲儔却與涪江遠何

時到遂州

遂寧廣德寺

城西岡嶺屬落日滿蒼林有水坐堪挹無塵來  
到心僧寮極清淨古迹自高深風動禪師塔全  
非世上音

長江廢縣望賈島祠

長江無復縣城郭久爲塵以子詩名在令子異  
代親喬林望顏色片石得形神明月山頭咏年  
年浩水春

石倉詩稿

卷十九 巴草

六

過客館鎮

舊館自唐興爲文屈杜陵客來一相訪卅子意  
尤矜敗徑交叢莽清谿帶石稜欲窮幽僻處指  
點入雲層

通泉縣懷郭代公

脫略郭元振交游偏有情雖然一縣尉却寄千  
秋名大浸今爲寺空灘時過城遺篇傳寶劍歌  
歌向人明

宿廣漢驛

俗訛署爲廣寒  
同舟子始知之

三度宿茲驛，纔知廣漢名。當時蜀先王，從此向涪城。江岸招寒色，鹽泉汲曉聲。長年疑隱者，莫湯責逢迎。

白崖陸使君廟老學菴筆記云：廟中以杜子美詩爲籤，往往有驗。予特過覽之，已非杜詩，愴然有感。

射洪使君廟久廢，少陵詩世俗將何用？神明詎得私江光，明疊嶂苔色上豐碑。若問行藏事，予心無所疑。

石倉詩稿 卷九 巴草

九

牛頭寺有杜工部草堂

東蜀西郊外，名藍壓郡門。虬枝蟠石透，鳥道向人繁。寺盡江纔見，山深洞或存。草堂千載後，燈火照黃昏。

廢涪城縣宿海會寺

漢業寧須問，涪江到處逢。城荒惟有迹，山遠始爲容。寂寂寺前月，飄飄林下鐘。夜深不能寐，強起復支筇。

予向不知楊用修墓及出新都南門小徑

可達成都，指點森然者是也。大寫

過涪望涪城

名山藏骨處，閭閻盡草中。客相憐地，下人堪名。光祿墳，宜厚摩莫說成都近，迂迴亦可親。

過天目錄學射山諸處

雖行平地上，復愛猶逶迤。不爾前朝迹，茫然那得知。毘橋經石折，杜宇自天墮。再入松林際，悲風學射時。

石倉詩稿 卷九 巴草

手

嚴君平祠堂落成同諸子過飲

朋侶惟求舊祠堂，一取新舉林成韵。事卜肆閤遊人世，久已相弃德孤誰與隣。可知今日會落，落動星辰。

出成都晚次新津

風日何淒緊，予行在仲冬。平林烟已盡，近郭渡猶重。估市沙中火，僧樓水際鐘。東西雖不辨，彷彿認前峰。

眉州謁三蘇古榆書院



江鄉到來晚猶及謁三蘇宅內惟芳草門前失  
古榆衣冠淳祐盛著作古今無且勿悲零落從  
知道不孤

訪張玄羽

君平一隱者身世本應疎爲問百錢卜何如五  
柳居酒杯拚共老禪理不閑渠宴坐林園內看  
君好著書

發舟至青神

客情殊厭路百計欲來江水寒逾碧山原斷  
石倉詩稿卷九巴草

卷九巴草

主

復迴勢輪馳急箭態似美蒼苔偏喜梅花勝青  
永渡日開

復游中崑

莫謂客來數以無塵務牽岩光浮落日梅意入  
新年手榻碑文古身行洞穴連白魚灘最急且  
宿在灘前

同張使君到凌雲寺

半江如綠玉不忍使舟過其若凌雲上崢嶸秀  
色何天寒川谷淡日暮野烟多一處獨飛雪分

明是大巖

次戎州

朱提多峭壁何地不盤泉偶爾來驚坐囚之一  
蕩船成深郁鄢月樹冷女貞烟莫聽夷歌起溪  
山好寂然

用過尹恒曲園亭

祇羨君歸好重過覺有情薜蘿團暮色棋局換  
更聲二子來相見新樓且問名今宵江上泊能  
使夢魂清

石倉詩稿卷九巴草

卷九巴草

主

同年侍御遊龍騰寺

驚嶺禪宮圻龍源古戍平連岡雉梵起隔水一  
葉橫松影皆投壑江烟欲抱城涪翁游此後今  
日與君行

江陽梅花盛開

江陽梅正放春信渡江前若爲天涯思多應物  
候牽風香無定處夜色獨含烟靜聽舟人操飄  
飄學水仙

合江舟中閏十一月晦

獨坐舟中趣無人對寂寥讀書猶不覺問路便  
成遙江水屢云合離魂何處招非緣今歲閏除  
夕更蕭蕭

臆月之朔過江津

似此嘉平月言過險惡灘春光臨路近夜雨入  
舟寒酒禁開云乍梅花惜已殘遠津如可問休  
作隔江看時予午  
撤齋素

臆月十五日迎春

江州水初落又是報春陽田鼓入公署已歌聞  
石倉詩稿卷九巴草

此方氣衝明月峽響應北城倉欲識豐年兆捫  
得幾行

初度同淨公一公藏公坐西閣

歲歲逢初度今知亦強名問渠三不朽何似一  
無生入眼新春好閑情舊習輕山僧閒坐已欹  
枕聽江聲

賦得落地梅

登床久欲卧兒女更相扶擲地金偏碎開花葉  
尚無真成小垂手戲作演連珠文刀疑剪綵斗

帳續流蘇欲盡欣還有頻來恐不敷倘非明的  
的何事惜區區

賦得火樹

二首俱和  
汝載叔

試將九微火散此一林葩搗藥非靈兔吐焰豈  
神鴉根株煩固結枝葉復交加功殊別雨露族  
本頌烟霞郛筒疑釀酒川峽類燒畬天女衣頻  
下狂夫鼓亂撾不待遲明盡其如落地賒誰能  
具實相呵斥是焦芽

正月八日同范東生到鎮瀾寺

石倉詩稿卷九巴草

郭外人家斷岡頭古寺連行春七日後問法一  
江前桃李催時節禽魚悟宿緣細看民樂處豈  
必會參禪

薄暮到江北觀音寺

沉舟已及暮北岬更須移橋喜初成日江憐欲  
合時桃紅含落照雲白映流漸入寺不停駕山  
僧未有期

治平寺同方次卿范東生龍藏上人散步

時予將  
發渝州

古寺留僧住殘花送客歸誰能出世法已辦入  
山衣敗徑來蒼蘚虛臺得翠微幾人識惆悵祇  
是爲芳菲

五福官胥民部張侍御倪奉常諸公宴別  
巴子臺何處神仙宅一邱行車過洞背斷磔卧  
峰頭草樹千層起春江幾段流登高耐留酌明  
日是扁舟

倪禺同奉常園中同胥民部張侍御覽眺  
園中與客望橋下過仙館翠色開當面江光到  
石倉詩稿

卷之九 巴草

幾層峽程行向月巖瀑坐垂冰夢寐期相過誰  
云卽不能

石倉詩稿

蜀草已酉

卷上

閩中曹學佺能始著

曾孫岱華重梓

初入錦城

入蜀途方盡殘春日有三橋斯稱駟馬市已過  
初蠶化俗文翁後分司武擔南如何成寸補肉  
食免深慙

三日謁廟卽文翁石室也前代學中祀及

周公

百代先師像西川石室中聲名由漢守俎豆並

石倉詩稿

卷三

蜀草

一

周公夜照岷山月春生錦水風追陪多士後何  
敢薄雕虫

草玄堂

揚子宅何在蜀人聞草玄墨池猶故址竹邇  
新烟鄰里誰相接文章不可傳聊能稱好事來  
此一潛然

萬里橋送吳無奇學憲歸吳中因遊我眉

萬里橋邊路三吳歸思多雖然今昔感其似別  
離何啻壑青神縣雲霄白水波此游一乘興湯

學接輿歌

王稚子墓卽漢詩所稱雒陽令也有石闕

画漢衣冠人物湯滅尚存新都界中碑

云新鄴人

洛陽有賢令此語漢時題平地墳林起孤雲石  
闕低衣冠猶昔日邑里自新鄴何事千年後人  
來尚不迷

嚴君平卜肆

古有沉冥者成都此姓嚴蒼苔尋卜肆落日想

石倉詩稿

卷二十

蜀草

二

垂簾莫問平生事誰能出屢兼百錢直足矣此  
外卽無厭

五日泛錦江

錦城當夏節扇市出林叢水接青羊澗帆開黃  
雀風九歌無屈子百戲有巴童莫問天涯石吾  
生任轉蓬

七夕立秋

今歲蜀中游偏逢七夕秋雙星尋舊匹一葉減  
新愁水濯天河錦人通織室舟不同他處望祇

覺夜悠悠

百花潭吊杜工部

同舒尚孺審詩卿

悠悠一邨外步步百花潭昔有獨吟者今來客  
共談江聲四野去秋氣片林舍生事如寥落當  
時自不堪

北郊

北郊車馬地茲意獨蕭蕭送客非無觀昇仙第  
幾橋空村流水近古跡白雲遙今日秋光勝偏  
成物外招

石倉詩稿

卷二十一 蜀草

三

昭覺寺

仙橋迴俗路梵宇是幽期入樹愈難盡鳴鐘凡  
幾時看山恒百里過水卽渡池物力當年盛來  
游始得知

中秋夜無月汶川王以詩酒見餉奉答

秋陰生客館月色待王門步入東阿句憂忘北  
海樽桂藂看子落竹逕掃烟繁若問天涯思高  
眠夢峽猿

奉答內江王長予

大雅聞朱邨題詩寄碧箋不貪茅土貴應廢蓼  
莪篇照客中江月傳家蜀國絃王風猶未已沒  
世有親賢

寄信

家居閩海上寄信兩都中道里雖然隔逶迤或  
一通人生皆逆旅歸念甚兒童無計堪相慰淒  
其落葉風

聞信

有信遭洪水無端出建溪浮槎通市上散宅在

石倉詩稿

卷二十一 蜀草

四

城西早稻應無粒殘花儻着泥此中仍苦旱何  
乃數難齊

咏署中古栢

古栢何年有蒼苔晝不開似分丞相廟詎美大  
夫臺汶嶺通霜雪秦城應斗魁

用蜀守李水事虬龍時

想像烏鵲信飛迴勢大無新竹文深有古苔欲  
從赤松子服食愧仙才

移竹

祇有官爲累非無竹可移方名聞九種遺法見

交枝傍牖恒相拂過簷返欲垂已驚能碎月得  
看是閒時湯作臨邛客還吟淇水詩用思高賢宋事  
猶相就不負入林期

荔枝

物色藩王致仙珍荔子丹驚如巫峽回用白樂天事  
喜作故園看味豈三朝變心將六月寒非君獨  
憔悴與客助悲酸昔到長安遠曾經蜀道難  
清朝元罷貢不羨漢時官

錦

石倉詩稿 卷二 蜀草 五

蜀錦無消息徒然異代論江城猶不改杼軸幾  
能存月暗三巴字雲空九壁村國泉憂蜀相葛公  
云國之所需梳石廢天涼成都有萋菲人情甚  
懷歸客思繁用不歸故鄉語金簪遺塚在訪古一潺湲

黃長史贈菊

蜀國閒無事陶家興欲狂幽人輕綬冕左相擅  
文章贈我明珠貴因君滿座香用簡文坤維元  
正色太白自西方漢苑歌隼鵠用太液池事閩開接  
五羊天涯且爲樂何必怨投荒

理菊

第一稱幽事黃花爛熳天衆中須剪拂佳處任  
攀緣有以少爲貴無如遠自偏枝枝皆向客又  
久自感仙坐對郡筒酒詩題薛氏箋賞心有如  
此不負在西川

園內亭成四首

日行錦城內未見有華居茅竹頗成趣人家猶  
古初得非少陵咏莫是子雲書用茅堂竹事不覺性  
情合何妨結構疎擾民非所欲惜費固其餘

石倉詩稿 卷二十 蜀草 六

此地非吾有同寮到自還不分人我念取適須  
吏閒稼圃明東作城樓近北關吏人抱牘返稚  
子學弓彎松小和禪韻池枯似客顏

居官無暇日旦晚一來過平地沾霜厚西山落  
月多汲泉漢叟意種豆達人歌而署林皆見殘  
碑字獨摩此時惟看竹明歲擬栽荷

詩興亦何似茲亭當落成但知巴蜀地未得晉  
書名東坡見人讀晉書孤樹葉落滿衆禽來不  
驚難逢三日沐喜是一冬晴肉食雖云鄙塵心

聊復清

有懷四首

易作無期別，難爲觸境愁。去年當此夜，旅殯在孤舟。湖口魂難寄，巴西淚獨流。幾時歸去路，兼得省荒邱。

生少自吳下，追隨來蜀中。一官何太遠，半道不相同。石鏡經霜月，琴臺入夜風。蛾眉從古恨，今日轉難窮。

吳蜀雖萬里，音書未覺稀。祇因一長往，經歲未

石倉詩稿

卷二十

蜀草

七

云歸學繡餘青，鮮含情信翠微。不因魂夢裡相見，始依依。

年來住空忍，萬事已知閒。無可奈何處，猶然疑信間。埋香非客土，投老是佳山。終日風塵裡，蹉跎容髣髴。

已酉初度二首

四旬虧四歲，三月到三巴。列職虞廷牧，浮生漢使槎。簿書淹日久，山水渺鄉家。一種還相似，寒梅正著花。

吾生亦何恨，此度信傷神。少小別慈母，房帷無舊人。歲侵杯不樂，月蝕鏡生塵。誰識行歌意，瀟瀟江漢濱。

芋燈

吐鳳由來說，蹲鴟亦自誇。水田爲火種，秋實作春華。斗室魁初轉，風輪蔓愈斜。繫而人不食，或恐是匏瓜。

橘燈

把酒傳柑節，張燈剖橘房。虛中明可用，遠表談

石倉詩稿

卷二十一

蜀草

八

猶香雕飾承，君子嘉榮頌。后皇試詢巴，蜀火何似洞庭霜。

支梳石

一片支梳石，傳來牛女津。客槎何處所，卜肆已生塵。較似昆池古，長從漢月新。每逢秋夕裏，吟眺倍相親。

武侯祠

武侯爲蜀相，祠廟四方同。宅作乘烟觀，碑言在日功。唐裴中立撰，柳公綽書，舊碑也。江流夷里外，自南而西，草日夷里。

色惠陵東想像千年事何人及我公

石犀寺

秦代石犀寺傳聞猶至今香泉通海眼錦水過  
城心鄧艾空祠社隋王有竹林此方多古意暇  
日試登臨

金沙寺

寺門前後水竹栢復蕭蕭路接五丁石鐘過萬  
里橋金沙天子湧用湧貝葉侍臣標貝葉文  
題觸處江南景閒游癖未消

石倉詩稿

卷二十

蜀草

九

二月十五日青羊宮宴集

獨訪青羊肆相從綠蟻杯仙期千載逝民俗四  
方來藉草皆爲席因丘此作臺春陰松栢裡今  
日向人開

上巳雲臺宴集

三月重三日雲臺客似雲豆花蝴蝶出楊柳綺  
鷺聞路向繁田去春從灌水分麥秋應可望何  
惜與微醺

玄對亭成

湯蒲一亭趣悠然見古今揚子草玄里庾公山  
水心江表傳云元規密雲因樹遠池月得花深  
不許塵俗事來茲几案侵

送谷憲副入賀

奉使昔稱榮同官殊有情看雲行色遠喜雨別  
愁輕蜀路青泥險由閑紫氣平祝釐成禮日早  
到慰蒼生

送毛大參入賀

巴蜀東西漢流先去住間仙舟浮錦水使節出  
石倉詩稿

卷二十

蜀草

十

巫山函奏叨名字趨朝想珮環回圖應已達好  
再說民艱時進歲

寄荅鄧遠遊侍御

入蜀年有半未曾作古詩簿書信爲累不習山  
川奇有時而吟味近體偶及之便隨音律轉豈  
是性情宜滇中持斧使十載心所期投我以篇  
什恍若晤容像正逢金風至一葉落庭垂友生  
此云賴寧知秋氣悲

玄秋日生子



旁午公無暇添丁慶有餘  
僅承迎養日節應立  
秋初仕宦分微祿家藏有刺書  
此方誰可意犬  
子是相如

不育

一旬猶不足七日亦何爲  
無與死者事徒令生  
者悲園中聊散步意外卽題詩  
世事盡如此非  
由今始知

庚戌七夕

秋雨連綿甚天河若更深  
恰當今夕霽聊慰一

石倉詩稿

卷二

蜀草

上

年心濯錦橋邊望  
支棧石上吟此方揖星漢何  
事復登臨

初八夜月

一自天晴後相連好月生  
騷人情淡蕩牛女怨  
分明草際路當合松間雲漸傾  
錦官城夜半欲  
起禱衣聲

初九

樹散空烟碧鐘鳴野韵和  
翩翩鴻雁影早何月  
中過種竹經年老浮萍隔宿多  
却憐爲客日容

鬢易蹉跎

初十

月色輕雲裡秋聲細雨邊  
經旬移節候洒暝作  
涼天烏宿明河斷蛩吟古塞連  
子心耽寂寞耿  
耿不成眠

溫江道中

溫江離省近民俗向稱饒  
處處是流水時時當  
度橋漚麻成白雪釀酒比紅蕉  
底事歸心發驚  
聞估客枕

石倉詩稿

卷二

蜀草

上

蜀州道中

蜀州亦平野風日曠兼涼  
候吏入青竹農夫收  
白杭子河經幾渡官柳上千行  
復與西山近翠  
微沾我裳

蜀州署中

外州任幾日轉憶錦官家  
近寒雨常有遠山雲  
半遮城秋江色靜署冷烏聲譁  
夕漏那堪數愁  
心未有涯

蜀草卷之上終

石倉詩稿 蜀草 卷中

蜀中書學作能如某

曾孫岱華重梓

武侯八陣圖一在夔府

鼎足三分事已成圖開八陣舊知名喧騰峽浪

終難破錯落江沙若不明人日尚傳來踏磧

風俗以七日游將星遙映在行營至今千載無

人識獨有桓溫鑒別精

一在新都弥牟鎮

廣漢南來近蜀都江城辨色已馳驅曉雲不散

石倉詩稿 卷二十 蜀草

弥牟鎮春草橫生八陣圖自魏書生行部日得

知丞相苦心無由來沃野稱千里處處桑麻望

不孤

子美草堂一在夔府

夔門三載客東屯寂寞江天自一村入峽始知

風景異題詩空負簡編存城連白帝生春草路

感行人有夜猿謗說王程爭日月還從下馬薦

蘭孫

一在浣花溪

子美羈栖在益州百花潭上草堂幽不

名當著何事中原亂未休片石荒林卻入

山流水適添愁我來已屬千年後祇覺依依似

舊游

太白讀書處一在西巖

石品湖水片雲端落日輕風生碧瀾祠對江山

千古絕酒酣棋局幾時殘

渡去名猶在

陵問消息無人指向萬州看

石倉詩稿 卷二十一 蜀草

一在匡山

彰明小邑有光輝太白書臺倚翠微家向隴西

傳虜遠星從天上謫來稀一溪踪跡聞龍飲

空憐白首不能歸

送王方伯入覲

霜淨秋波濯錦文千官出饌盛如雲江流萬里

東歸海方出三年北覲君塔上登高愁望遠

橋邊把酌惜離群蜀中民物凋殘甚當寧應須

橋邊把酌惜離群蜀中民物凋殘甚當寧應須

一奏聞

從來同舍說爲郎何況同鄉在異鄉騎馬日過  
揚子宅放衙時陰召公棠半年祇覺時光易三峽  
偏驚道路長嚴武重來須鎮蜀題詩還識少陵狂

已酉除夕

下車春日錦江干歲序悠悠復殘敢謂賢勞  
非一事須知民業許多難屠蘇酒裡聞天遠古  
相庭前蜀雨寒最是相親揚子宅市橋空鎖墨  
池乾

石倉詩稿 卷三 蜀草

三

庚戌元旦

庚新布令祝年華民物豐登樂有加但詠遺風  
在江漢何須嘆雨學樂已履端向曉群趨邸迎  
餐何時使到家汶嶺我眉此中勝不堪吟望片  
雲餘

偶詠宮燈

五夜承恩盡賜緋自憐光采世間稀翩翩丹鳳  
秦樓下拂拂青蛾漢殿飛彩筆花開 天子詔  
珠簾風颭美人衣無情刀尺雖輕擬看看分明

戀禁闈

料絲燈

空愁斷續不須黏若爲寒凝也附炎古后煉成  
元是石新人織罷謗云縑金繩隱隱開迷路綺  
浪層層上隔簾分得滇池雲五色七星橋上一  
星添

同范宣卿舒尚孺二叅知魏省甫學憲鄭  
太初儀部集淨因寺

春遊多在少城西細雨輕烟任馬蹄玉壘峰明  
石倉詩稿 卷三 蜀草

四

殘雪徑珠林地占浣花溪同聲不媿求黃鳥異  
代空聞祀碧鷄穩是天涯無住着歸途何惜醉  
中迷

口占寄舒尚孺

嘉州山水昔稱嘉隔岬凌雲泊使槎却寄海棠  
霜後萼定烹岩茗雨前茅我眉僧下重來楊象  
耳人題乍醒花 題太白語 媿我簿書成潦倒不知  
春半錦江涯

雨霽園中散步寓目外林

杏花爛熳柳枝長，隔斷人家又女牆。遠近不知誰地勝，陰晴偏釀滿林芳。蜀人以二月間闢極目民徒困時序，關心日載陽擬就春農問生事。錦江元逵白沙庄。

送范宣卿歸四明

同事天涯弟與兄，可堪離別在春明。文君井上花徒發，望帝祠前鳥欲鳴。叩竹携歸都九節，蜀江吟處是雙清。應知世上風波險，三峽瞿唐浪得名。

石倉詩稿

卷二十 蜀草

五

送范君材謫酉陽

千載論文揚子居，暫時相見不爲虛。別來湯作臨邛客，謫去還看大酉書。猿叫巴山當雪盡，花明蜀路在春初。必須游遍峩眉後，始信江南景不如。

送鄭太初謫蘭州暫住嘉州凌雲寺因游

峩眉諸勝

漢庭乍溫賈生襟，蜀道曾聞太白吟。別後禁鐘嫵夢淺，坐中仙梵出山深。寺接白水休歌楚，接

輿城傍紅崖半入黔，四十年時今不遠。相看華髮欲抽簪。

汶川府看牡丹

去歲入川花事闌，今年花發倍尋看。王家好客來浮白，國色傾城是牡丹。風景不輸洛陽盛，雪漸遙映汶江寒。沉沉歌舞日向暮，壁月金燈明画欄。

蜀府園中看牡丹

錦城佳麗蜀王宮，春日游看別苑中。水自龍池

石倉詩稿

卷二十 蜀草

六

分處碧華言龍也

花從魚血染來紅。蜀中牡丹以魚血紅

爲第一平臺不到林間日，曲畔時迴洞口風。盡道

今年當大有，何妨行樂與人同。

丘摧使宅賞牡丹

玳瑁筵中蘇合香，能言鸚鵡鶴飛翔。花開映酒大如斗，月出當歌清遠梁。何事蕉紅誇市價，蜀中以物之極紅者曰蕉紅曾經李白配宮粧。少城不道東西隔，鐘漏數聲春夜長。

過內江郡邸園中賦贈

暮春啼鳥已啾啾步入園中境自佳似雪  
枝拂瓦因風書帶草盈階亭前待水成  
外看山有遠懷父子况能稱述作人  
塵埋

題陳梓州蜀道重游卷

蜀道難行九坂長鹽亭山月出蒼蒼身閑但  
宜君塵夢斷還依閣尉桑湯喜題詩追子美故  
羞言利似弘羊當年栽徧桃花樹春日閒時溪  
水香

宜君山出塵劍閣有別居  
桑下桃花溪皆屬梓州

石倉詩稿卷二十

七

送婁都事歸養贛州

錦里垂楊夾道間岷流千文出江關不遑將母  
從來嘆却羨遺榮便得還鄉路但尋章貢水別  
情空向武擔山因君寄與匡僧說自到巴中不  
暫閒

送田司理成叔赴京考選

嘉陵江上游不愜與君相見錦官城累月沉沉  
詩思動高人在在世情輕扁舟下峽即仙境公  
車赴闕是王程蜀中凡事皆非故豈但揚雄與

馬卿

寄題筆峰

似筆挺然秀山川亦好文宕渠花裡出秦嶺竹  
間分石臼生春水香龕積暮雲經過難久住日  
後覺離群

送鄭康侯

時同家大人南還

湯說故園好聊云蜀道難山高猿鳥背水疾魚  
龍灘上下皆千仞詰曲非一蟠縱然到平地魂  
夢猶未安吾父日歸去猶勝日承權且得良友

石倉詩稿卷二十一

八

伴何愁物候闌驛程見雁早江寺鳴鐘寒霧開  
多遠勢霜落稍輕湍別酒漬園菊秋衣吹峽蘭  
字水橫書案陣圖列棋盤夔門井塩白郢國楓  
葉丹家林與海近春光先歲殘莫能同往矣早  
寄信來看

送王相如游義眉

今知山水事作宦不相同屈指已年半義眉猶  
夢中君來無幾日其去若乘風川水豆花滿峰  
雲蓮葉工人歌接輿鳳殿鑄漢家銅古雪照天

白聖燈當夜紅嘉州詩思勝絕域梵音通若隱  
無生理秋眠聽漏終

寄吳非熊

之子一無事平生惟苦吟出山期不久入蜀信  
來深好古有遺意依人非寸心寥寥宇宙內誰  
處覓知音

寄林茂之

與君期入蜀珍重尺書回祇索詩篇寄不同朋  
友來益州香來熟官舍菊花開敵却巴中路猿  
石倉詩稿卷二十 蜀草 九

聲一段哀

寄胡彭舉

每自公之暇思君便覺幽青山終老伴白業幾  
時脩草色華林暮江聲蜀國秋更聞移懶石未  
肯事行遊

口占嘲黃長史索菊

一日俗一日自身猶不知但看黃長史九月松

花枝

池亭對菊書懷

西川兩度已黃菊官舍恒憂看不足今年苦旱  
再苦雨似君憔悴容可掬欲將池水作明鏡池  
水湏臾亦可盡昔時汎沒朱欄上而今難度浮  
雲影其中靡靡皆藕根妬殺黃花開酒尊

寄謝在杭

今年頗豐熟古跡恣搜尋玄室有奇字琴臺無  
俗音讀書知夜靜采菊見秋深粉署多清暇應  
知同此心

汶川府菊花有艾葉白者口占代索

石倉詩稿卷二十 蜀草 一

菊花已稱淡此尤淡之極非白亦非黃不離復  
不即譬彼靜者姝欲語還自嘿移之我庭前問  
其何所憶

薛濤井

七八百年間陳事已俄頃西川錦江畔猶有薛  
濤井朝發春花豔夕沉秋月冷所以可傳故問  
人人不省但云造彩箋直貢君王前

聞信

聞道潯陽岸移喪到秣陵吾家無信使若弟共

閒僧世俗情如此音書阻不能往山歸老意寒  
寂對孤燈

禱詩

優孟化色笑相如工形似二者誰淺深不是中  
乃是子無少君術乃惑食桃子觸處有餘悲離  
之則震美忽畧在濃纖寫照以神理所思豈不  
達相見猶甚邇自君之白門烟波復千里夢中  
一倍勞勞心倍于此

立冬二日與梅子庚

石倉詩稿

卷三 蜀草

二

移菊在房內而無風露寒每開清夜思多得教  
朝看如此立冬易不知行路難與君且相守人  
事一無干

久陰

昔聞蜀犬能吠日九月天陰萬事畢市橋米價  
復何如比屋炊烟不肯出出門欲游何處游薄  
雲籠雪西山頭晏短但消眠食過不能作事常  
悠悠吟詩久失杜陵叟浣花溪畔無人愁

喜晴

久雨獲晴霽寓目皆殊觀日月有恒照亦覺下  
云旋三冬既暄煦人民少饒寒苟無終歲計子  
何樂爲官蜀方與外異旦夕烟霧攢始疑恐陰  
晦後乃爲晴天事稀稍晏起閒行始晨餐竹影  
在壁上以寫中心懽

悼菊

黃菊吾所好願言長千秋時節忽已易安能爲  
子留不如春之花隨地皆相投顏顏日衰靡見  
爲人所羞色相非不異名類亦有儔而今俱莫

石倉詩稿

卷二十 蜀草

三

識埋藏同一邱經月雖云暫晦朔亦已周眷茲  
惜清夜秉燭時來游每逢就寢後惟念嚴霜稠  
情親尚如此何況世悠悠

樊真公到小亭

十年曾識面此地共爲官不作世情想而尋文  
字惟亭中日盡到池上水初寒隨意拈書藉聊  
供茗酌殘

喜第修到

欲問弟來好惟看杜老詩傳聞人即到直喜不

須臾邸舍如家內容顏非少時何緣此數日  
食却遲遲

可喜家常語無端老態生課兒分我力問舊  
人名遇雪聯雙影看雲遠幾程不知去任意  
在錦官城

再聞潯陽信息

予樂匡廬勝歸隱期暮年埋玉九江側布金五  
老巔潯陽有信來聞之可驚訝之子喪已移老  
僧坐而化作客在天末預愁無主家山色雖如

石倉詩稿

卷二十 蜀草

三

故人緣則已賒誰信有情痴轉向空門篤迢遞  
吳楚間何時出巴蜀

雙流

萬里橋方度雙流徑過存薄寒成翠色疎雨點  
黃昏竹柏密他樹水雲平過村群鳥棲欲盡經  
到縣西門

郊行

今歲農功好郊行亦可憐新茅添屋角晚稻泊  
林端井稅已輸後邸童來看官依然古風在不

是日

應天寺

客問應天寺不辭雲路遙山爲瞿子宅水到將  
公橋瞿子鵲夜靜聖燈出風清貝葉飄湯勞車  
騎入景色自蕭蕭

白塔寺

寺向青山起雲依白塔垂雙泉通般若一樹認  
菩提澗雪梅花早溪風竹筏遲由來事行後熱  
得赴幽期

石倉詩稿

卷二十

蜀草

古

新津

結束爲津口分明作秀顏雪峰俱映水天社舊  
名山客自荆吳外民其叩蜀間昔賢有佳句磊  
落動人寰新津李杜高  
岑俱有題咏

修覺寺

漢時修覺寺唐代上皇題蒼翠驅津筏虛空轉  
石梯江聲文井外山色武陽西寂寞僧房裏曾  
容名士栖

夜泊彭山江口



錦城平日暖旅泊始知寒健蜀中分地岷峨相  
向看岡連三女塚小疾二郎灘蘆葦風吹急蕭  
蕭漢將壇彭彭遇害此地

孫仲復憲副招游平蓋觀

晚來平蓋觀風作石楠聲忠孝橋邊路以張綱李密詩

名神仙江上城雪依丹洞化燈照墨池清湯說  
區中賞而非物外情

送魏省甫校士之嘉州

嘉州好山色文士稱江鄉以君持識鑒千古

石倉詩稿

卷三

五

精光鼎鼻牽舟路我眉寫筆床春花可人意一  
種海棠香

夜雪

薄雪枝上消不到清池內照成江夜寒歛手一  
相對

看梅子庾禮佛

明月出寒夜清磬浮孤烟看君一佞佛作禮梅  
花前

送王吉甫茂才還家

客去渝州川路遙歲寒官舍益蕭條謫尋佳事

一相別共坐梅花三兩朝

梅花

殘冬不冷近春光古樹月明山夜長一亭環着  
數書屋無地不作梅花香

校書

在官猶喜得抄書每日偷工校魯魚莫謂風流  
成罪過此中原是子雲居

兩年

石倉詩稿

卷三

六

一語不相訣兩年何所之無人逢我笑有事爲  
君悲白下已新土燈前仍舊時雖云愁歲月不  
覺疾如馳

庚戌初度

月色連宵好春光幾日賒池分他井水梅作故  
林花在蜀兩年矣浮生初度耶日歸猶戲說何  
處是真家

迎春

蜀中好游樂况乃競春朝在古爲江漢看人過

市橋土牛知歲事歌曲雜風謠遠愧名流者無  
情問翠翹

歲暮雜咏同子庚

梅花蜀國早開殘寂寞其誰伴歲寒又是取閑  
孤客思一枝留在帳中看  
水仙清韻世間殊但得梅花並也無香色一般  
身較弱盈盈還倩綠衣扶  
瑞香花朶不勝簪點綴佳人作錦衾只是憐他  
根蒂淺雕欄時取片雲陰

石倉詩稿

卷十 蜀草

二七

蘭生空谷若爲芳朱郎懷人折寄將春入瓶中  
都不覺校書時俸有餘香

除夕同子庚汝載叔證弟

主客成三五杯中無一長祇將閒語咲度此好  
年光雨裏百枝映春前群卉香在官聊好事便  
道不尋常

辛亥元日書懷

四十年當近開正日不閒錦城惟逐逐華髮漸  
斑斑民物將何補身心無所閑宦情既如此吾

欲謀歸山

人日卽事

歲華僥樂事人日最宜晴開七珠囊磨無雙彩  
勝盈花香來筆思水淥涌歌聲但道韶光駛何  
嘗不有情

石屏寺離微上人見過

參學之吳下依親在蜀西署中太拘東方外喜  
招携漢味流蒟醬秦形刻石屏經行多古意亦  
足見幽栖

石倉詩稿

卷十 蜀草

二八

桐燈

高懸雀彩映鮫綃遠出虛檐近碧霄若木枝頭  
迴日馭赤城山上起霞標明河文士空流咏華  
表仙翁若可邀謗說金屏堪中雀直疑銀河欲  
盤鵬

壁燈

誰能無着寄茲身縱使埋光也不真獨照潘安  
遺挂恨相隨司馬在家貧行人逐逐觀如堵有  
女蕭蕭歎隔隣莫道牆東孤僻處碧苔青蘚暗

成春

闔雞燈

陳王詩思夜光寒錦隊憑空作羽翰上辣兩行

齊奮距

影蠟炬二字

先登若個是雄冠

影觀燈二字

金鏡

曲裏翔朱鷺玉鏡臺前舞彩鸞賞勝良宵殊未

已家禽休唱五更殘

謎燈

竭將目力與心思觀火叢中未息機燦燦迴文

離復合姍姍步障是邪非任他百戲超三昧透

石倉詩稿

卷三 蜀草

十七

得準關在九微真謂夜光多按劍由來我貴是

知希

閱蜀通鑑因作懷古詩六首

蠶叢開國及蒲卑杜宇聲哀亦可悲何事金牛

通道路空將石鏡堊臙脂宿渠故有長人見秦

苑能無愛子疑車出咸陽淚如雨憐他城關付

張儀

右秦

秦亡如約入關中天漢高名屬沛公歌舞不離

渝水上雲山偏向渭陵東文翁倡學風猶在武

帝開邊事已終千古美新寃不白浪傳投閣是

揚雄

右西漢

黃牛白腹五銖還隴蜀經心頭髻斑聞道湯云

一日裏安軍宜在七星間健兒氣決空留劍隱

士情堅祇閉關底事春陵遺恨在方山流水自

潺湲

右東漢

五諸侯著亭星文一國何曾有二君白水關頭

纒定計中原鼎足竟三分錦車夜度夷陵月鐵

騎朝驅狄道雲可惜天心不留漢空令鄧艾立

石倉詩稿

卷三 蜀草

三

功勛

右蜀漢

金運陵口散玉衡白雲終繫范長生祇緣建業

無臣王湯說巴氏有弟兄逸少具詢碑版事相

溫偏識陣圖名最愛荊州醉山簡能令西士盡

歸情

右晉

褒斜劍閣獨鳴鑿細雨零鈴憶所歡萬里橋頭

渾夢寐長生殿裏舊衣冠錦江築柵防南詔玉

壘籌邊控吐蕃却憶翰林李供奉行歌蜀道上

天難

石倉詩稿 蜀草 卷之下

閩中曹學佺著

曾孫岱華重梓

寄黃昭素

此邦富文學揚馬炎代與君平抱隱德亦以詞藻稱不知當茲日其誰可與能新都翰林彥相繼爲嘉陵我來巴蜀地西南云得朋錦城何迢迢龍門未獲登良晤一以垂簿書徒碌碌相思在芳春淒其秋草綠嚴霜隕凋零青帝忽迴軸離索何時已居諸不可復適枉瑤華贈開緘再石倉詩稿 蜀草 卷三 一

喜吳元翰至

蜀國春常早他鄉客思盈朝來新柳色薄暮故人情酒氣解長路山光橫少城來遊江漢地不淺是詩名

石犀寺訪元翰

古寺空林裏天涯誰所親草堂時出郭卜肆卽爲隣以我幸公事思君無主人乘閒一相訪錦

里便行春

李觀察園亭小集

錦里皆平地君家獨有山若言移石得<sub>不覺上</sub>苔斑花事從茲始林情洽此間無人問奇者終日閑玄關

署內雜花盛開賦咏一首

去歲離功成今年花事爛一官聊免俗三女未爲繁<sub>蜀地不久寒</sub>元集上半撰日舒蓓蕾相風長儀幹灼灼猶自矜佗佗始爭亂垂如鹿客

石倉詩稿 蜀草 卷三 二

綬蔭譬蜀賓幔石鏡明西臺錦里妬南岬朝霞縹緲映夕露沆瀣盥恒恐竊脂食故張逐肉彈初終相際接晦明無間斷開殘鵝鵝鳴落盡子規嘆空祠炎代鷄柱獻晨風翰何以寫我懷悠悠在江漢

同王蓋伯卹部泛錦江時余將入賀

天使來僻壤地主有餘榮况以弟兄好十載離別情預拂天涯石同聽蜀國鶯柳花飛欲盡江水漲微平汎舟恣游衍濯錦逾鮮明東山月初

上眺望何盈盈沃野極千里古戍橫三城形勝  
聞自昔民物屢訛更西南豈不達朝廷廣好生  
去歲既優賚今年復詳刑覆盆遺照及幽谷薰  
風生堂下齊牛釋閨西楊雀鳴南冠免幽繫北  
極躋泰清願祝無疆壽不憚萬里征子也叨茲  
役因君報禮成

蜀中古迹殊多偶閱岑嘉州詩集所作十  
首輒和之

鼎足已不存雄圖委草莽君臣魚水歡依稀一

石倉詩稿

卷二十 蜀草

三

堂上今昔固然殊使人空俯仰右先主武侯廟

文翁爲蜀守倡學自西漢斯道既休明千古如

一日來者聞其風能不起咏嘆右文翁講堂

成都子雲宅寂寞草玄時玄成待後世後世無

人知雕蟲君所薄何事動深悲右揚雄草玄堂

文君絕世貌相如倦遊心滌器此溪水調絃空

谷音陵谷未更改風流難重尋右相如琴堂

君平賣卜肆秋草在一庭垂簾註道德終古嘆

沉冥不謂世間人徒言河漢星右君平卜肆

巴蜀相攻時乃爲秦所併經營少城內制與咸  
陽竝從來張儀樓江水不能近右張儀樓

征馬在我門相送之北郊當時題柱語聞自昇

仙橋壯哉相如氣凌雲何飄飄右昇仙橋

費禕使吳日孔明送之行乃有一言贈遂成萬

里名扁舟子待發臨流空復情右萬里橋

爵爵金牛道闐闐石犀里秦時有明月照此蜀

江水功成天地間神物不可毀右石犀

龍女來聽法鄉人往祈年迎送曲未已風雨滿

石倉詩稿

卷二十 蜀草

四

筵前惟有摩訶池古木祠蒼然右龍女廟

偶有持筴以岷山十景索題聊爲詠之

大塊有噫氣深山爲壑穴日夕清風生吹出千

古雪右風穴

身入蒼翠中落日無人影步步踏松根不覺到

前嶺右松嶺

泉向空中落星從水面稀歲旱泉不竭天明星

未稀右星泉

野狐來聽此樵子去看曾盛夏或流水長時一

片水 右水欄

百草風霜勁千場日月新  
羗兒休牧馬知有射鵰人 右鵰場

隱士如隱豹藏身在雲霧  
寂寞還自憐文章空毛羽 右豹韋

靈氣所鍾地拾芝如拾芥  
行行持作糧浩歌乃長邁 右芝圃

却種山中玉來畊石上田  
石田春日煖玉蕊吐成烟 右瓊田

石倉詩稿 卷二十 蜀草

五

搖艷南峰上芙蓉生火裏  
所以岷山雪化作蜀江水 右火離峰

世俗非吾侶神仙自有情  
欲記來時路芳洲渡若生 右水若渡

予向欲作蜀中竹枝詞而未就  
也有使者自長安來以途中所過之境作爲畫卷

索予題之雖不盡沿其體大抵蜀事過半矣

早沐恩光出紫宸  
蘆溝芳草幾回新只今一片

桑乾月猶照河梁泣別人 右蘆溝橋

不識人間行路難朱樓綠樹古邯鄲  
才人此地知多少錦瑟聲中漳水寒 右邯鄲道

河陽縣裏百花妍不見栽花人  
可憐謬說花開與花落潘安年少自年年 右河陽花

浪聞西蜀不通秦曾逐周師出  
孟津驚殘靡靡商家樂曲裏巴渝舞何人 右孟津河

函谷關前紫氣浮終南山色在秦樓  
此日碧鷄持漢節他時訪道度青牛 右函谷關

石倉詩稿 卷二十 蜀草

六

不信褒中猶有路還疑劍外卽無天  
潺潺流出巴江水獵獵燒殘漢代烟 右連雲棧

三雅池前浮大白八蠻村裏浴新紅  
錦屏山截嘉陵口人道城南是閬中 右閬中縣

覽勝牛頭寺裏行梓州形勝舊知名  
更從東蜀過西蜀鳥道層層上五城 右潼川州

行盡青山不復山停車綠水意俱閒  
武擔石鏡瑩於月妬殺春雲損玉顏 右武擔山

岷上游人來逐境帆前歌舞盡開窗  
濯錦錦成

當九壁過橋橋盡是雙江 右濯錦江

江村曲曲白雲封門逕依然對碧松千古吟魂

誰爲答草堂中寺一聲鐘 右草堂村

嘉州山水寂稱奇絕頂凌空面界夷雪嶺湯湯

無處極中天開出是峨眉 右峨眉

漢家武帝遣唐蒙犍道西南自此通謫留給橙

筇竹杖無人解道喜邊功 右戎縣城

涪陵李渡寂繁華不借詞人狂自誇荔支一騎

趨秦嶺古木千章入漢家 右李白渡

石倉詩稿 卷二十 蜀草 七

春林紅血染山青孤客中宵把淚聽何處蜀山

不啼徧雲安偏有杜鵑亭 右杜鵑亭

瞿唐峽盡見巫山神女襄王一夢間惟有朝雲

依舊在等閒飛去又飛還 右十二峰

### 濟南孝廉劉君廬墓詩

孤鳳淒斷歸昌曲忍向空山瘞寒玉哀雛銜土

起青匱竹花不食聲啾啾山東劉生文章士十

上長安心未已萱枝零落鵲湖濱茅廬愁傍鮑

山裏精誠所至天公知往往綠階產紫芝墳前

百畝皆躬稼門下何人不廢詩紫芝燁燁生光

彩猶似沾襟啼血在鷓鴣五色翩飛翔持將此

瑞薦明光君不見泰山梁甫新封道他年清廟

頌芝房

### 留別玄對亭

客去已空亭携歸但一經夢中來後夜池上記

初星宿鳥暫同處歌驪誰忍聽錦城西向望惟

有遠山青

### 得王二固侍御所寄詩集有作

石倉詩稿 卷二十 蜀草 八

岷川高不極上峽有雙魚剖得玄言在吟成俗

念疎剡中子猷興柱下老聃書欲問我尸雪清

新孰不如

### 錦江發舟別諸寮長

江源坐三載今始涉其流釋此纍纍印乘之渺

渺舟玉輝山氣動錦色浪花浮願以群公意稱

觴達冕旒

### 武陽 今彭山縣

士夫稱此郡使者獨埋輪甘露黃龍瑞清風白

虎仁天山通舊道江水出新津回首開明祀邦人尚怨秦

游象耳山

人道謫仙才冰壺濯魄來語無經意處跡有讀書臺水甃蟹螯見山驅象耳迴千秋空悵望石壁長莓苔

眉州

江上望峩眉州名雅得之家傳蘇氏學堂刻杜公詩綠水玻璃色青山茵蔯枝他時嘗夢寐拍

石倉詩稿

卷二十

蜀草

九

點問舟師

青神

不忌蠶叢教青衣更看神江門初命峽縣治屢通津且喜山水好莫言風物貧羨他梅氏尉借景問居人

中崑

青林維雀舫綠杖喚魚潭境向蓉溪入櫓從木鐺探流泉隨地有石筍與天參若作此山長于心無不堪

嘉州

洞穴龍泓隱雲霄鷺嶺開諸峰成九頂沫水讓離堆片月平雉戍千秋爾雅臺清音殊未已應待後人來

又

明月湖邊路流花自有亭津頭銜壁素水色濯衣青佛峽高僧鑿神房玉女扃峩眉還有約未可卽揚舲

游峩眉歌

石倉詩稿

卷三

蜀草

十

語不見太行誠險阻西蜀峩眉羞與伍又不見雪嶺長晶瑩來映峩眉一段青禹貢蒙山此稱首梵語勝峰傳日久洞天列在位之七秀色甲平州有九君不見軒轅氏跪謁皇人叩玄旨又不見鬼谷子著書瑤琿藏洞裏隴西仙人宿山圖採藥山中顏色殊曷由賣羊從此去接輿歌鳳胡爲乎君不見子規啼處實誼悲夜啼竹裂人不歸又不見崑崙伯仲未可分逸少曾詢周撫軍唐蒙子昂稱詞伯青蓮居士李太白往往



見諸吟咏間白頭欲返青山宅豈是我眉善妬  
人江水茫茫難問津我今來遊亦偶爾不然惆  
悵蜀國將三春三春花已謝木冰猶未嫁五月  
披重裘四時無一夏娑羅鬪雪開松枝受風亞  
山僧如故常客子驚云乍乍見湯迴迴人生不  
再來足篆符文水身居光相臺并絡金莖下天  
門玉蕊開願言獻北極千秋萬歲杯

我眉頂銅殿敬述八韵

此山已多勝金殿益奇異覆南價懸殊四照開  
石倉詩稿 卷二十 蜀草 七

罔墜絕頂寂無上西方復相配雪嶺來蕩滴雷  
洞映蒼翠日月互光明鳥獸相隱避璀璨皆五  
色貞堅惟一氣雖云陶鑄能寔由顛力致古今  
不壞相世間稀有事

健爲

健爲古郡名歷此覺含情況乃神仙令自言山  
水清伏屋灘下出大鹿縣前鳴已別子雲宅欣  
然聞舊城有子雲城

戎州

夏月葵榴盛戎城籬落間人行五尺道郡對七  
星山綠荔綠岷霞黃魚映水還使君筇竹杖貽  
我意能閒

南溪

昔日嘉州守南溪有別廬至今詩尚在懷古意  
何如也參問渡騰龍上還丹景崔餘此山多木  
葉隱隱自成書

江安

魯直來過此曾題偶住亭鏡山綿口白天谷漢  
石倉詩稿 卷二十 蜀草 七

陽青井市多于縣蠻碑半失銘撫綏今日政無  
愧是江寧結爲令君

納溪

縣驛地相對中灘流雪漸宋江逢吐納唐俗舊  
羈縻鹿石通芒部魚漕接蘭司邇來稱結局何  
以起瘡痍

瀘州

壯郡過三蜀中流出兩資龍沉伯奇死鳥落武  
侯悲獠口含茶葉鄉心觸荔枝是日王侍御方以此菓見餉

山恨不轉東漢是蘭祠

合江

鷄鳴已解橈瞬息早烟橋

合江橋名

巴俗符閑近

歌歸部逢江明先絡渡石掛許由瓢不盡懷賢

思臨風采昔謠

江津

通播州向時駐師于此

錦里遡江源江中有七門牧羊人已去征馬士

偏屯香草登樓氣金釵渡水痕逢望夜郎道應

有未招魂

石倉詩稿

卷二十

蜀草

三

渝州遇龍應禱太守同登城樓

三年居蜀郡茲日見巴人閬白迴成字流黃出

是塵縉雲山際合明月映中新海內論形勝天

生此地真

諺云天生重慶

太守風流者相逢揖古今橋官依北府塗后始

南音結舫爲居室催粧有墮林政閒無一事日

日上樓吟

長壽

下邑過長壽遺風詠樂溫眼青巾子穴頭白老

人村倒洞魚遊急高碛畜牧繁魯暴多惠政今

日可能存

縣令魯君也

涪州

枳縣當三峽巴梁對兩渠丹臺秦婦築刀斗漢

軍書李渡牽詩思涪江咏謫居

爲太白所舟如魯直也

可入便問武陵漁

酆都

平都稱福地隔水有仙潭白鹿迎佳客青牛度

老聃嶺頭天爲拭林氣午猶含爽者何時已風

石倉詩稿

卷二十

蜀草

十四

吹落石楠

忠州

客問雲根驛名之自少陵淙淙鳴玉礪白傳到

來登樓上陰垂荔杯中淥引藤南賓不寂寞詩

賦共峻嶒

萬縣

水陸所會

魚泉爲舊縣騎路亦曾過片石雙渠隱方池萬

頃多峩眉雞子卜銅鼓竹枝歌不識何年代岑

公隱薜蘿

雲陽

胸臆炎方盛來時馬首盤記留隱士識泊在使  
君灘樓似仙居好燈明鬼火寒羨他爲驛宰名  
署五峰看

夔府

江山夔子國禍福益州門天鎖三巴盡雲開八  
陣昏魚人基始見象石諺無存揮手鳴榔去飄  
蓬無定根

瞿唐峽

石倉詩稿

卷三 蜀草

五

白帝城頭望瞿唐在此中哈牙雙石黑袒臂一  
山紅五月行舟忌千夫破浪碓猿聲聞漸近知  
是楚王宮

巫峽

連連巫峽起茲峽獨逶迤朱鳥無中日亥猿有  
四時峰巒咸恠狀樹木盡交枝神女知何處無  
由夢見之

秭歸峽

秭歸峽稍減復苦有新灘遠望如牛狀中開似

馬肝放舡須惡少過廟卽平安久屬荆南郡猶  
云蜀道難

下牢

極目望南郡驚心聞下牢雖然出瀧峽仍復戒  
風濤物色皆殊致舡形亦改操山根不見岬何  
得水痕高

荊州別吳元翰

右軍思入蜀何事空躊躇欲識故人意宛然當  
日書壯遊君得遂光景嘆奇絕行樂錦江水高

石倉詩稿

卷九 巴草

六

卧我眉雪予歸君亦休五月下荊州瞿唐如馬  
大巫峽近猿愁湘水暫留滯家林應早至迷與  
山中人知有世外事

哭袁中郎

荆巴稱接壤不久訃音聞沙市白如雪泉臺渺  
若雲題名山吏部歸塋左將軍誰識金陵寺存  
亡便此分

別吳明達

客問後來秀余聞當此人禮于床下拜詩去筆

間塵巴峽同歸路瀟湘獨問津千秋吊屈意詞藻每能新

遇葉循南

欲游武當挽其東下

送客去瀟湘仍留客在杭詎將吟席冷轉覺酒杯長暑月非遊候江風且納涼金陵徵舊事夢寐不能忘

岳州

湖水入江處都無分別時幾村成斷岫小艇待家移一抹君山小三湘客思悲岳樓難再上祇

石倉詩稿

卷三

蜀草

七

味上樓詩

陸口

陸遜屯兵地東堪望武昌烏林樓月黑魚岳插波涼幾夜家相失孤舟泊一方向來經戰伐安得視尋常

泊舟漢陽歐惟玉邀上晴川閣

漢口月上時武昌鍾動初故人携酒至同且上樓居隔江燈火密映此松篁踈浪喧渡斯絕颺動扇已除山明大小別水帶巴蜀餘境雖有仙

俗勢盡凌空虛芳洲正平賦咏罷復躊躇

游潯陽崔問湖

有浸月亭何邵伯作

此去匡山路南湖欲泥人月中倒影下靜裏愈相親崔問烟霞族魚游楊柳津使君落成日心境已超塵

送汝載叔先歸

從來送我叔早是望荆扉卽此嗟何及寧論意有違九江寄家室匹馬走京畿付託將書卷安心得所歸


石倉詩稿

卷三

蜀草

六

卷三下終



石倉詩稿

雪桂軒草 壬子

閩中曹學佺能始著

海陽邢懋禮典卿閱



雪桂軒花開得語字

桂樹山之軒予昔擇而處顧此山中雪盈枝何  
楚楚去歲花開時山川蜀道阻臨風祇相思馨  
香落何所暮春歸林下棲息淹時序月明花正  
發露下清且滑飄飄入人衣採摘盈筐簪料全  
久要義形影盍相與隱者信可招胡愧騷人語  
石倉詩稿 卷三 雪桂軒草

栢蓋

積翠宛成規亭亭向客披隨風過鄴下避雨學  
秦時衛足同葵智凝香待鳳窺長生如不謬寧  
惜寸陰移

桂幕

雙桂貌輪囷重陰密似春中秋纔落子盡日可  
留賓帶拂蘿應長鈎懸月尚新石家金谷妓何  
事覓香塵

僧寮梵唄

客徑日留客客多僧亦多經行時獨往禪誦亦  
相和夕露爲之引秋雲並一過魚山卽此是何  
必謝東阿

村舍松燈

城村奚必問寂處便成村夜火掛深樹貧家無  
復門似螢長滯冷疑燒不生痕明滅何時定觀  
空有相存

澆花噴壺

錯認沽來醞詳觀器乃欹入池蓮在手映月雨  
石倉詩稿 卷三 雪桂軒草

成絲有法堪同潤無言若慙遲雲霓何必望卽

此是秋期

缸中小山

雲疑生處巧水似積來深獨樹見山活四圍何  
路尋月明無倒影魚戲或穿心別有人間世應  
從物外臨

空中樹影

平田樹影落山口月初上相望復何許但有臨  
空想微塵爲聚墨幽渾似垂網秋霜若漸零不

覺日疎爽

嶺外鐘聲

客到平臺上鐘聲若有期但從蒼嶺發已被白  
雲知明月來相徧空江去獨遲老僧跌坐久亦  
似不聞時

盆中小桃

彼姝何綽約猶喜詠將鵲微影不着地臨風苦  
落珠青陽如未歇素靄宵相扶倘遇金門隱還  
偷入漢都

石倉詩稿

卷三

雪桂軒

三

初秋潯陽客園鍾叔靜見過同郭衛邦吳

明遠分賦得我字

閒居絕人事門逕生蓬顆林鷺時復啼秋雲不  
有墮之子勞見訪扁舟自江左紀游無俗韻談  
詩具風雅嵇生懶已成郢客和云寡樂此新相  
知渾然爲故我知君有歸思欲發猶不果持將  
平生歡信宿焉能寫

江州七夕同郭衛邦吳明遠分賦得聽字

豈必乘槎望臨空有一亭渡頭分八派木末動

雙星楚色侵雲白煙鬟隔水青誰家向明月哀  
怨曲中聽

登曠然亭

湖水亦何遠之江循此亭群林皆映雪孤嶼若  
棲星楚竹洲邊緣湓雲驛畔青試看飛鳥路此  
去幾時停

送畢貫之入洛中請社

石門已宴坐其趣莫能窮復徧求良友偕來學  
遠公問予耽寂寞爲法厭虛空送送匡山色清

石倉詩稿

卷三

雪桂軒

四

波百里中

答鍾叔靜

客園借佳詠卽壑有餘音應識舟中趣繫余林  
表心竹籬關月色蔬圃落秋陰別後還聞去入  
山知更深

鍾居易過訪

伯氏久相慕秋來逢次卿扁舟自江漢一鴈有  
音聲徑倒中郎屐人知第五名白門尋舊侶偏  
喜在湓城

喜林茂之至

之子秋爲期八月始予嫁庭鵲代人言山猿出  
相逐會晤猶在茲景光廻云謝波濤一何廣林  
樹漸多許熟徑任苔生新亭自鳥下露重感蕭  
長月益惜佳夜理詠久寂寥聞蟬日銷化邱壑  
喜獨存習觀悔遲罷可與智者道不然愚也詐

中秋對客共成短歌得弄字

江月欲來山意動千林萬樹影相弄客園秋色  
最關情今夕平分誰得其金陵有客乍云過對

石倉詩稿

卷三

雪桂軒草

五

月開樽爲客歌月光如照離人面寧可衰楊及  
敗荷

十六夜步月共用輝字

清宵不看月誰忍負秋輝林壑欲相亂江風來  
甚微各香生道念落葉點山衣池上枝枝鳥天  
涼同客歸

十七夜待月得深字

欲缺意猶淺待來愁已深未堪煩入戶聊可一  
微吟露沸茶盈盞風香桂襲襟江城足幽韻猶

自動歸心

十八夜待月得呼字

月色相連好今宵年有無已看夕陽淨寧畏秋  
雲孤落葉因風起征鴻入暝呼分明臺上望不  
覺映菰蒲

惠山泉烹羅芥分得緩字

暑徂秋旣涼吳船亦何緩云自錫山過載水船  
幾滿余久懷此味肝脾爲病瘡况廻陽羨茶收  
藏固甚罕何幸與之并忽如得佳伴僑居信寡

石倉詩稿

卷三

雪桂軒草

六

營日久可相款勿謂九江側不容一人懶

和吳明遠霜降日憶內同林茂之賦

春明祇暫出誰分及秋深花時感蓬鬢霜氣襲  
蘭襟錦字行行淚文機縷縷心楓亭樹變色溢  
浦鴈初音昔作臨邛客遲歸季子金聊因青女  
降一寄白頭吟

九日潯陽宴別

桂樹花殘復作陰輕霜幾點落衣襟自然要到  
登高會何事能忘賦別心墻內梧桐成古色沙

邊鴻鴈亦清音秣陵有景不東下歸向閩山烟  
霧深

再別茂之居易

僕輩知難別先將卧具携江城隔水次露坐在  
林西夢勿過湓浦歸當入建溪春明期見訪端  
的是幽棲

答樊山郡邸孟嘗

若識世情澹似吾今兩人匡山思結夏斬水間  
迷津僧到無言別神將有道親悠然不盡意持

石倉詩稿

卷三

雪桂軒草

七

此欲歸閩

潯陽南湖同喻宣仲林茂之陸赤侯散步  
夏日棹湖水入冬寒草生漫論花鳥態轉覺山  
川情一鴈浴殘壑雙峯銜片城友朋此相就稱  
意是閒行

館中看月

夜談僮僕寢餘興出門看明月入心好清霜對  
面寒雖然一亭裏恰似半江殘群動且復起鳴  
雞聞幾番

同宣仲赤侯到吳君掄山館

偶因冬日暖覽眺在城南仙館題文杏書齋倚  
石楠湖光疑有迹野氣坐成嵐好鳥信幽獨寒  
花惟兩三人家幾層見古寺亦相參小頂欣斯  
陟平岡步復談暮山開向紫霜木卧猶酣歸路  
有新月正須行未諳

范東生陸赤侯雪中游匡廬予壯之作詩

以送時東生復有滇南之役因寄鄧遠

游侍御

石倉詩稿

卷三

雪桂軒草

八

疊嶂自嚴冬游人徑已封洞中僧長髮嶺上雪  
過松寂寂匡君意蒼蒼五老容不能偕客往微  
興一支筇

其二

再游非不可吾志欲終焉子有勝情者能無征  
路懸南雲池水上西塞夕陽邊若對同心說毋  
忘叢桂篇

初度日送鄭季卿林茂之往金陵

初度聊相慰玄冬復問津邇來年歲長祗覺友



朋親林樹烟迷晝江關雪際春無論去與住總是未歸人

雪桂軒晚霽同宣仲叔虞作

人心喜晴霽夕雨始知之萬事盡趨歲早棲同此時雪消纔到僻月出不妨遲坐對空軒裏茶烟裊桂枝

復雨留喻叔虞

山雨無時至空中帶雪飛歲殘苦泥濘晴穩謝寒威池淺不勝水林重更作扉猶能一事好客

石倉詩稿 卷三 雪桂軒草

九

子阻言歸

辛亥除夕同梅子庾喻宣仲叔虞陸赤侯

時予方舉次兒

潯陽重度歲山館勝江邊兒輩有兄弟朋來無後先故鄉猶此味旅思亦悠然徙倚稻亭畔予懷林竹賢

壬子元旦和宣仲叔虞作

派渚傳春至山扉曉開客懸巴蜀路館借豫章材舊禮豈盡廢新詩聊一裁少年能美好漸

不鏡中來

同梅子庾喻宣仲叔虞陸赤侯過邢典卿

長松館

卜居何以勝勝處在深潛且有里云美其于子也兼蔽幽梅已露山翠竹能添似子爲偕隱定無猿鳥嫌

立春移柳

開籬作韻事移柳見春陽乍得臨池上猶驚在路傍嬌催鶯意動絲借燕形藏便可古風轉偏

石倉詩稿 卷三 雪桂軒草

十

宜其日長隔林疑束素就鏡欲舒黃別後王孫思非徒芳草傷

春夜試新燈

百花相競節定有幾枝開錦色分湓浦瑤光自鏡臺祇堪闕初月猶未落寒梅乍見容何怯橫陳畫更催梁間爭恨遠掌上且徘徊若謂無情者偏應妬後來

燈後月好過長松館

客行蛇徑裏人卧鳥枝邊上下竹聲動微茫山

影玄梅花近池水月色帶江天清夜此云樂不知心境遷

元夕

久雨晴偏好更逢三五宵繁華乘月吐佳勝爲人招林氣羞燈燄池光學舞腰行時皆樂境坐處卽仙橋谷靜隨群響花鮮集故條潯陽江水濶從此到春潮

送龔克廣內弟北上

自昔悼亡後見渠兄弟親且禁十年淚來謁九

石倉詩稿

卷三

雪桂軒草

士

江春遇物懽應減知予老是真別時看桂樹願擢一枝新

新樓成題別

十載江湖夢此樓樓成誰信在江州匡君卧處渾無恙陶令歸來可自由日遠楚波芳草思春深蜀道杜鵑愁登臨幾度卽離別別後依然夢裏游

別喻宣仲

林居猶未熟欲出客先歸蜀路重行懶交情半

世稀他山存晚計此別記春衣棹入章江去輕苔狎釣磯

錄戊巳江上詩

采石登太白樓

我行巴子國再上謫仙樓此去長江路公多遺跡留洞鳴如水樂雪積遍山郵西蜀彰明里應爲訪故卽

蕪湖二首

客問鳩茲地蕪湖七里長春秋惡征戰吳楚故

石倉詩稿

卷三

雪桂軒草

三

封疆館驛臨江左僑居盡洛陽尚餘赭山石猶屬古舟楊

樂府湖陰曲王敦夢日窺君王乘駿急將士玩鞭遲晉壘相持處吳波不動時空聞可兒歎說與塚傍知

同郭聖僕過後太學齋頭

齋頭別有徑不使里人諳竹影閉幽獨梅花開兩三出門尋故蹟宴坐得清談著若猶新摘寒鑪沸雪潭

嶧磯吊孫夫人

夫人遷故土西蜀不思還俎豆多魚史駭乘有  
鶴班頌爲靈澤廟泪盡大江關先主園陵在無  
因想珮環

魯港阻風東王水部

昔時魯明仲寄跡在瀟陰漁釣無非隱風波負  
此心石碇分小渡江吼出層林署裏梅花發能  
無費苦吟

扶港

石倉詩稿卷三 雪桂軒草

三

伐荻風聲亂舟行指顧迷三山成市集夾港互  
橋梁成對瀟瀟瀨塢灣臨春溪漲痕高幾尺強  
半樹梢齊是年江岸多被水災

銅陵

葉谷山崗堰轉根渚少烟爲魚從古歎置治迄  
今傳大小牛欄固東西鵲岸連五松山下媿能  
醉李青蓮

池州望九華山

九華山色好盡落貴長池彩翠真堪掇圖經若

再披立于官渡側恍與仙游期采食昭明地蹇

蘭吊古祠

樅陽

桐栢分流出樅陽古鎮過曾聞漢武帝來作盛  
唐歌月出雲稜小山浮水面多惜陰亭尚在豈  
得復蹉跎

皖城訪阮堅之

舟過山口鎮屢作石尤風縱是一帆好將無三  
語同集賢名敢負吹黍律應窮安得相携手凌  
石倉詩稿卷三 雪桂軒草

古

寒問皖公

大雷

高岸居人少窮廬水鳥猜峰頭皆積雪池界忽  
驚雷欲吊匡君墓廻看皖伯臺鮑昭書與妹情  
緒豈堪裁

泊宿松江

桑洛洲中盡松滋邑處偏小孤寒更峭彭蠡闊  
將連野泊憂殘歲巖居識古仙仍聞數千里纔  
得到西川

彭澤

禹貢稱彭蠡昔多陽鳥居縣山全跨鳳洞石半  
番魚雪港茜花苑春洲楊葉疎淒涼陶靖節五  
斗歎歸與

湖口悼妾

人生七情具哀怨獨我優妻妾無一在孑然此  
身留卿年纔二九適予方四秋形容既婉變性  
質亦溫柔雖爲閨人婦里名知未周雖偕蜀中  
役半途相棄休罔念予母單兒女誰分憂永訣

石倉詩稿

卷三十一

雪桂軒草

五

無暇及吞聲泪橫眸平生多拘畏歿後豈自由  
金陵辭故宅湖口成荒邱芳魂不予捨寧隨三  
峽舟

因錄憶悼婢詩

婦亡三載後一婢不能存薄宦少情況新衣多  
泪衰來從螺女渡堊卽鳳臺門但作空花相斯  
爲報佛恩

應叅知招集龍池寺

亦遠公道塢

泊舟對寺口一徑似垂藤院內雨聲暮門前池

水冰津途誰捨後暗室或傳燈爲問東林社還  
開酒禁會

莊民部招集庾樓

江州稱勝處最是庾公樓月照七層嶺霜澄九  
派流後先同署誼寬解異鄉愁新歲春花發還  
陪錦里游

湓浦舟中除夕

客舟除夕傍寒梅廬阜高僧復見陪靜聽蓮花  
殘漏滴誰傳栢葉一樽開半生踪跡有成幻三

石倉詩稿

卷三十一

雪桂軒草

六

婦粧奩化作灰但道春光不相負明朝還逐九  
江來

元旦立春

元旦逢春是故鄉十分行樂始相當如何旅泊  
孤舟外坐對屏風九疊傍蜀客懸懸閩地夢新  
年轉轉舊愁腸香山白傅風流盡寂寞匡山有  
草堂

上元紀事

月出東南五老峰上元燈影照重重謝端螺女

江邊見曹著匡山廟裏逢若爲粧成較清淺縱  
然心妬未從容應知後夜夢魂好不怕西林前  
澗鐘

發江州別廬山僧

呱呱辭山僧行行之蜀道因歌蜀道難愈覺匡  
山好老僧寂無言隨機爲向廩山光信有情遠  
向帆前倒

蘄州

地首居三楚山應辯四流梅花猶夾岍蘄竹此

石倉詩稿 卷三十一 雪桂軒草

七

名州郡圃多環翠江源出大浮禽言使君好勿

以死爲憂用蘇子瞻禽言  
輒王元之事

蘭溪驛

陸羽耽茶癖蘭溪石下泉風香值時巧雪色望  
中玄古驛春雲積空亭夕照懸所期王逸少濯  
筆鳳山前

富池

曾聞富池水不減武昌魚監卽孟宗宅山爲平  
子居種荷彌覆望捲雪入空虛旅泊斜陽後開

行隨所如

道士泐

山名西塞險石壓大江流未得移舟近空然招  
客游寒林遮土泐春雪散花洲歸買磁湖隱應  
懷蘇子由

黃州謁東坡祠

二月過黃子孤舟繫客亭江平舒凍柳石險礙  
春星芳草淮西綠群山夏口青子瞻祠尚在應  
爲叩巖局

石倉詩稿 卷三十一 雪桂軒草

大

望武昌

遙望武昌縣西門柳色長龍蟠聞片石鳳集見  
茲鄉寺向寒溪入亭因廣宴張廻颿擲甚急已  
過釣臺傍

團風鎮

古戍三江合岐亭分鎮來七磯巴港口二別漢  
川隈石罅皆生草風前盡落梅南堂遺徑在誰  
問海棠開

陽邏

相傳蜀先主約孫吳合  
兵日久遣人偵邏于此

風濤苦不息陽邏泊臨澤過此卽清夜冷然望  
楚山東流三峽水北拒五胡關夙昔孫吳契和  
依在此間

江夏懷古

鄂渚城邊欲暮春登臨隨地布花茵編來楚服  
多吳戍望去江關對沔津石鏡懸崖升費禕蘭  
亭曲水做蕭綸仙踪物態俱陳迹好慰相思采  
白蘋

朝宗江漢合流清三國雌雄決戰爭節使儼臨

石倉詩稿

卷二十一

雪桂軒草

尤

江夏郡衣冠僑立汝南城東山月出茶烟裊南  
浦烟籠柳色輕海內流傳鸚鵡賦至今猶自憶  
狂生

赤壁

曹公戰敗處黃祖計應微燒發鳥林岸江連赤  
壁磯空枝無鵲遶殘卒似星稀遙憶樓船盡蒼  
茫吟緒違

解洲苦風

地形迴複風色不常  
常俗名拘解洲

客帆辭鄂渚神洞出荆泉四顧皆高岼經旬無

好天樵風誰利便郢雪或迴旋最羨爲漁者安  
心逐浪眠

由鴨欄至巴邱登岳陽樓

欲問巴蛇塚先過鬪鴨欄山名天岳固湖取洞  
庭寬郡邑如沙聚帆檣若樹攢平生懷曠達今  
日逐游觀

瀟湘水事多漁父去成歌碧草先春漲浮雲竟  
口過岸卑懸邸閣關迴傍干戈今古登臨者誰  
爲吊汨羅

石倉詩稿

卷二十一

雪桂軒草

手

岳陽風土記閱久到來語吏課漁爲業民編戶  
作潭沙頭浮嶼九城脚滙江三千載湘娥怨宸  
游不更南

石首

楚望山何許芳亭倚繡林石湫龍穴峻春雨鹿  
湖深竹塢猶堪入槎灘何處尋獨有陽岐隱能  
諧高尚心

公安訪袁中郎不值

屏陵爲重鎮先主號公安細草倉城煖重湖邸

閣寒堤方如斗步水碧似油看寂寞東山宴經  
時起謝安

江陵懷古十絕

楚子名聞自鬻熊中原霸業迹稱雄荆山筆路  
無尋處坐聽笙歌沸渚宮

城郢遺言出子囊叔敖碑版亦相望漫云楚國  
多賢相自是春秋惡啟疆

楚王陪塋幾多墳獨有樊妃諫獵聞欲酌椒漿  
何處是萋萋芳草覆寒雲

石倉詩稿

卷三

雪桂軒

三

漢壽亭侯百戰灰樊城力盡漢江隈糜芳已作  
降吳虜擲甲山頭恨不圓

江陵城脚遶靈溪杜預來攻血作泥行人但說  
陳遵巧聽鼓聲中辨築堤

南郡桓溫幕府開西山爽氣自朝來王猷漫說  
參軍事手板時時挂頰圓

龍山九日此登高落帽何人氣最豪宣武已亡  
賓從散荒臺無主長蓬蒿

脩竹亭西畫扇峰十間花屋亦春容湘東好事

稱蕭繹楔飲山堂起暮鐘

宋玉誅茅故宅基羅合庾信亦居之詞人氣類  
多相許又見悲秋杜甫詩

亭臯花月咽沙頭極目沮漳二水流吊古依人  
無限恨當時王粲獨登樓

三月三日同喻叔虞袁小脩夏道甫集章

臺寺脩禪

不到章臺寺春光信若何閒行大隄上聞是古  
城阿異代思荆楚遺風迴冰和沱香猶故井脩

石倉詩稿

卷三

雪桂軒

三

楔恰清波古樹開新葉紅花出碧蘿畫分林衲  
餉時聽路人歌意似孤峰盡天隨四野多賞心  
能再至竟日足蹉跎

江陵別喻叔虞

不信風波事舟中相對看心過破家碎春入渚  
宮寒巴蜀無平地行藏日兩端期君來見訪未  
敢復言難

寄答鍾伯敬二首

蜀道難行久鍾期復見今相思能命駕獨恨失

知音月峽秋光遠星橋夜色深無人窺寂寞去

對草堂吟

信達匡廬隱情同江漢流征途凡屢改夙約不能酬  
李過時憶風波當日愁荆門一回首惟有仲宣樓

寄答蔡敬夫

時分部  
澧州

歸計蕭條行路難匡廬山下卜居安殘冬過我門如水  
今日思君澧有蘭三楚烟嵐稀晝景孤舟風雪耐春寒  
此身只合投巖壑何事棲遲戀

石倉詩稿

卷二十一 雪桂軒草

重

一官

荆門題信

虎牙江上石突出是荆門漸入巴人語能銷楚客魂  
征途隨落日別思問啼猿已隔潯陽館題書況故園

題臨海王公老師定播東征冊子

太守單車入虜營夜郎君長願輸盟苗民逆命終來格  
聖主何心欲用兵縱使蠻荒成漢郡空留鬼火照江城  
至今聞有巴渝曲只誦王堂

政治聲

其二

島夷猖獗擬天驕假節觀軍遠度遼左氏春秋推杜預  
漢家弓矢賜嫖姚揚旌晝掩扶桑日奏凱晴喧鴨綠潮  
自昔功成辭上賞東山高處赤城標

寄題左蠡神廟

宮亭漫說會分風左蠡揚瀾勢更雄隱豹自然成采色  
相烏真覺轉虛空留題日月瞻明主

石倉詩稿

卷二十一 雪桂軒草

活

月明中



石倉詩稿 湘西紀行

候官曹學佺能始著 曾孫岱華重梓

題延津邸中

離家無幾日風物黯愁顏當戶曲迴溜驅車時  
上山兒童皆早卯女嬃亦尖鬟婉彼雙龍劍長  
藏窟穴間

咏樵川八景之一

停車赴酌上巖阿曲磴千層繞薜蘿臺傍熙春  
人境遠時當首夏麥風和鷺池水引樵風入鳥  
石倉詩稿 卷三 湘西紀行 一

坂城經輦路過桂嶺湘源何日到鄉關回首暮  
雲多

寄徐興公

昔感謝公夢茲爲佳士樓草生迷故處穀積見  
斯邱水木動清興雲山兼勝遊時聞何次道過  
此一淹留

和徐興公見別韻

棲遲十載共夫君追送情深詎忍分路指衡陽  
難計日心期樵水逐歸雲不堪驅出逢多難祇

可探奇廣異聞此去麻姑應有約寧須惆悵石  
榴裙

杭川令尹翁應祥以扇索書因拈一律

閩地行將盡杭川客思多夏雲彌晦節山雨長  
新禾攬勝堪棲鳳臨池豈換鵞君居言偃里化  
俗自絃歌

與汝如別

儘可招攜到豫章其如同侶動相將關前悵別  
空回首煙霧微茫失故鄉

石倉詩稿 卷三 湘西紀行 二

新城道中作

千尋瀑布掛危巒翠竹輕煙點碧湍信是名山  
奇絕景途中祇作等閑看

不覺離家已兩旬層層流水逆車輪出關已背  
閩南路今日溪聲始逐人

朝 益殿下賜宴贈送有加呈之一律

入邦聞道有賢王授簡相如愧未遑麻谷聲傳  
名不朽盱江流與慶俱長謙虛頓覺崇階近述  
作重看奕代光拜賜五絲蒲節值寧須弔屈入

瀟湘

安義奉新二郡郎俱以詩見投余各答之  
朱郎清閒鵲不喧輕風蘿薜上雕垣名推月旦  
人倫重分著春秋叔父尊受絹豈應爲刺郡曳  
裾真可自王門湘西更比長沙遠賈傅空勞弔

洞原 右安義

洞府幽深晝掩關紅泉石磴瀉潺湲  
千人屋分土遙臨百丈山蛟蜃畫圖時想像龍  
蛇筆陣恣迴環馬卿早已游梁倦不待文園病

石倉詩稿

卷三 湘西紀行

三

渴還 右奉新

答游不弔見贈

枉贈詩篇思絕塵路傍偏覺夜光新別家久作  
蘭臺客接壤時逢梓里人雨後麻姑添翠黛湖  
南帝女泣斑筠卽今邂逅成惆悵長夏情牽楊  
柳津

赴鄭愚公宴席間有索贈者爲賦一絕

春雲垂臂壓輕紗指爪纖纖背可爬  
惟得朝來風雨急麻姑先降蔡經家

又和短歌

南豐溪滿濃陰積若榴藥漬誰爲襲  
合歡盃薰風微透烟中液見此能輕萬戶侯  
郎原是東家郎爲奇關門遲下錦浪花寒覺枕  
邊頭

偕同社游麻姑山

未觀雙瀑勝數里已先聞高下各因勢  
爲分杖頭皆濺沫衣上有浮雲稍霽來攀陟聊  
紓夢想勤

石倉詩稿

卷三 湘西紀行

四

其二

石城天作險流水此焉經飛鳥倖難度潛虬應  
自靈力雖攻阨塞氣欲上蒼冥但可周旋處偏  
宜置一亭

其三

吾喜神功水冷然一勺多隔離無幾步喧寂本  
殊科以佐山中釀能紓勞者歌美人羞獨立含  
睇此山阿

其四

神仙降集地踪跡使人猜七夕芳樽設清秋羽  
蓋回空壇易風雨故宅生莓苔惟有孤松在吟  
同客思哀

答玄同建武舟中同吳去塵諸君之什

前後離家晦朔過客懷官况兩蹉跎登山只慮  
晴明少入坐奚妨伴侶多款乃數聲回旅夢石  
尤無計敵詩魔滕王閣上應攜手鄧雪湘雲奈  
別何

盱江夜過鄧遠游齋頭有作

石倉詩稿卷三 湘西紀行 五

昔人云命駕千里慰相思到及明燈候忻言命  
酌時小山裁曲磴幽蕙發盈枝寶劍伊誰贈床  
頭光陸離

端陽鄧遠游招泛盱江載妓到驛亭張宴

和風令節正相宜公子同舟樂可知綵縷辟兵  
懸此日雕欄喚妓立移時雲山初霽如膏沐洲  
渚層林欲蔽虧新月一彎花外見清光偏似妬  
雙眉

鄭元運太守招宴同去塵孟磨賦

雨色淒其開一峰何當文酒此過從忻同太守  
堂前讌愁隔麻姑觀裡鐘佩取名香皆苴蕙燭  
開層燄似芙蓉昔人曾道新知樂屈指今宵不  
易逢

陳侍御招飲賦

客中何事羨飛仙晨陟青山暮綺筵柱後藏書  
周太史花間奏曲漢延年賦成湯取黃金酒醉  
罷還題碧玉箋共有王程分遠近秣陵東下勝  
湘川

石倉詩稿卷三 湘西紀行 六

抵豐城縣劍江驛亭午以颶風泊舊縣移

時蓋卽雷從事掘得寶劍處

我從劍津來雙龍化猶未茲陟豐城道望此獄  
中氣無復榮光寄牛斗古縣高岡似龍首張公  
有意留客行荒祠習習狂風吼

劍津別友

下馬復登舟長江湍急流遲回真不厭清景得  
同遊趣暇淹棊局談深換茗甌劍津風雨後明  
月動離愁

憩金川館

舟中坐如甌，況乃迫河灣。少憩金川館，遙望玉笥山。微吟芳草合，對浴白鷗閒。忽報檣烏轉，涼颺掛席間。

出門書懷

林臥十餘載，除目未經覽。沈酣載籍內，今昔顧多感。世運不常泰，予生乃習坎。止足貴自知，明志薄而淡。胡爲山公啓，誤及賤子名。鐫秩雖云厲，起家畧爲榮。粵西僻遠地，取舍奚逕庭。尼父石倉詩稿卷三 湘西紀行 七

有明訓，君子無所爭。

其二

初聞投荒信，衷情慘不怡。親朋咸來賀，厚薄何由知。屢投移病檄，往返空復滋。且有忠告言，恐貽擇地譏。予非安石流，夷然固不屑。歲晏棲邱園，蹉跎易時節。簡書旣云被，文告亦更迭。釋菜閒曠懷，聊以就羈紲。

其三

桂林與象郡，著名秦漢氏。湘灕曰同源，吾欲觀

其始。陽朔多奇峰，俱聞平地起。洞穴何玲瓏，探歷無窮紀。峩峩獨秀詠，見諸顏刺史。昌黎篤奇嗜，騷鸞庶足擬。伊予甘頽廢，久負平生心。弱冠事遠遊，行邁復自今。懷賢豈不切，恒懼物役侵。

其四

攸征固云勞，携孥益增累。山川渺脩阻，景物多憔悴。斯言祇充耳，誰能解微意。涉途寧苦辛，在家省怨懟。古來謫籍人，妻妾恒相存。矧予忝方面，猶荷聖明恩。薄祿計升斗，差足資養殮。去石倉詩稿卷三 湘西紀行 八

去勿踟躕，車馬戒在門。

短歌行

三十年來交已久，別離日多稀。聚首但逢芳草動，相思誰信垂楊生。左肘君言識我朱顏時，胡然素雪盈鬚眉。舍人若不預通刺，乍見應詢是阿誰。

題西昌驛

滕王閣上賦猶懸，白下題詩旅食年。一路隨君踪跡去，廣南搖舸入龍編。

憶石倉森軒池荷

負却山中景物多最憐初瀾綠池荷森軒憶對  
佳人語香氣微風入綺羅

偶懷陳磐生寄題其夕菴

行行入章貢兩川合成文奈何吾與子常患在  
離羣臨岐云慨慷匪爲兒女仁津途旣迴複寤  
寐胡其勤予征日以邁子歸不逾晨素室異華  
棖文史紛然陳讀書以自適肯念風波民

山行苦熱

石倉詩稿 卷三 湘西紀行 九

山出萬安險途乖一尋直赫職既張重巖氣  
逾塞林焦蔭匪涼馬疲行無力涉澗泉水清側  
耳恣眠食觀其嘶鳴意似不受銜勒而我胡爲  
者馳驅時不極投臥寄空山悲歌嶺雲北

贛州 中

兩樹夾一牕樹陰生碧蘚烈日淡無色冷冷澗  
聲淺

吳門彭興祖豫章喻叔虞信豐黃九洛過

予寓少頃吳汝鳴携盒至因與共坐

臨江王筍向南分客路迴環喜見君共道鄉關  
猶甚邇汀州祗隔數山雲

其二

重岡複嶺絡縱橫少有人踪遇虎驚細聽家僮  
解相慰明蚤還會故交情

其三

聞道官閒客亦多鬱孤臺上任觴歌我今爲爾  
停三日還向潯陽問尉陀

虔州署中示兒孟嘉四首

石倉詩稿 卷三 湘西紀行 十

吾家雖微薄山水實贏餘粗立門戶計使汝攻  
詩書終身願已矣寧復羨簪裾不意誤推用日  
月良居諸慈親髮垂白乖離忍云遽少壯宦旣  
歸何曾違斯須爾善爲承順兒女多歡娛毋令  
風人感陟配常嗟吁

其二

行年四五十聞道在此時徑情放禮法安望無  
過菑予所後來悔汝必預度之親知竊有云阿  
翁不逮兒此病在膏肓扁鵲烏能治謝公逼桑

榆絲竹雅自隨恒恐兒輩覺忻趣損不怡予亦  
就行樂與化任推移

其三

席間衆客坐一人適先行叢詬互及之用以佐  
杯觥世俗固常態吾聞斯已甚但有鄉紳發動  
必遭貝錦或言其覆溺死亡與亡幸羣鷺聞若  
新靜觀付一哂稍俟旬夕聞其說漸消寢東山  
志不堅此咎余當引

其四

石倉詩稿卷三 湘西紀行

七

憶昨出門時茫茫無定着兒言萬里游豈更容  
疎畧取道在豫章馳情向衡霍江湖曠以遙暢  
志斯寥廓奈何雨潦淫舟車爲屢却依然趣炎  
方汀蘋壤相錯祇似返故鄉胡爲鬱不樂五嶺  
間崎嶇大火虞銷鑠何日泛離江清秋慰飄泊  
省唐中丞

別家今幾時晦朔已載更午違千里夢空遵一  
月程迴環亦不怨見君諸所願勿論後會賒但  
此前言參此去適投荒桂海期茫茫未陟梅嶺

嶺聊憩召公棠形容老大意氣還如昨在言  
任愛憎素心守寂寞

答喻叔虞見懷

日在清江寺橋頭望信還行藏何計得朋侶至  
情關倘在家中晤應無旅次閒眉山尋舊蹟多  
寄水西灣

黃九洛招同彭興祖吳去塵喻叔虞鄭孟

磨吳汝鳴喻子奮集光孝寺之濯纓亭

爲宋蘇子瞻夜話處

石倉詩稿卷三 湘西紀行

七

山門旣閒曠池水復淪漪頓失南州暑重修祇  
事期亭空宜遠色樹偃得幽姿夜話名賢盡風  
流又一時

贈南康尹

日昃始就道夜深猶渡河所過村舍靜遺跡古  
疆多露氣銷殘暑香風逼早禾投車甘寢息晨  
起聽絃歌

幼兒甫周歲者憚熱不肯入車彊而後可

炎方赤日嶺雲西何事馳驅孥共携也是止啼

黃葉意車中難免小兒啼

自新田至橫浦熱益甚便成數絕

新田良苦旱橫浦亦山多此際心旌指搖搖大庾關

曩涉泥途深今畏火雲熾旱澇雖不齊客行巧相值

石上焦斯甚車中坐亦煩僕夫俄不見爭飲澗泉喧

歷歷前車度楊塵幾處深偶于亭障裏坐對古

松吟

引澗入田內高下勢相懸火雲耕不破黎頭空向天

趣行無那熱貪坐柰途長行止予無着安心入瘴鄉

謁張曲江祠有作

層層梅嶺役丁夫丞相祠堂自一區風度朝中明主憶雲封寺內聖僧俱嘗聞詩品多邊幅誰信謳歌在道途今日爲霖思轉切忍令崖草盡

焦枯

入關書所見數絕

鑿岨患不深關途患不廣當時守險意豈容一人往

叩關如塞上羣峰盡覺低涓涓楊圃水流去入湏谿

破吳成霸業盟主狎中原誰知臺嶺側散處越王孫

南海多衣冠纍纍拾青紫客里名珠璣文風從

此始

折梅逢驛使遙寄隴頭雲如何庾嶺上空覓折梅人

昔有梅山院冷然見祖風攀緣迷自性此際頓成空

法豈傳衣逝泉因卓錫甘欲將無垢水洗此妄

庸談

種松在路傍行人蔭其下高枝干青雲卑枝拂車馬

交廣多香物肩摩互唱謳祭神南海廟習伯東  
揚州

題驛壁

勿忻修仁渡及厭斜堦流願添三尺水泛此一  
扁舟茅深虎踪秘溪涸魚數周祇嘲襦藏子觸  
熱無時休

英州登南山寺東江令君正中

鳴絃舜已還宓子今復來竹逕遍飛雨旱魃詎  
爲災山僧狀如鹿卽此禪扉開湏石捧猊座虛

石倉詩稿卷三湘西紀行

三

檻浮欄隈名賢數題詠千秋委莓苔披別時已  
瞑秉燭觀徘徊令君稱好事表章合羣材蛾眉  
如可寫長拂鏡中灰

鳴絃峰蛾眉峰皆寺前後之勝

過湏陽峽

昔時過瀧源茲每度湏陽觸險從知慣貪奇不  
覺長山根俱融二湏氣欲飄香蕩漾舟難進猶  
如泛羽觴

題峽山廟

風雨淒其嘯斷猿一區遺古瞰江門粵人香火

金猶盛秦代犧樽已不存峽口有神同姓氏瀧  
頭無畏異鄉魂海雲尚隔浮湘路兩月離家未

足論

神姓曹氏予以四月十二日出門故及之

平浦驛瞰荔枝

炎日辭家度嶺瀧荔枝新得瞰雙雙開元妃子  
空知味作賦誰能買曲江

相傳張九齡故宅在平浦又曲江亦有荔枝

枝賦故云

清溪驛宰朱某里人也以荔枝名緣扶包

者見餉爲此方佳種

石倉詩稿

卷三湘西紀行

六

三灣亭子寄山坳夾樹人家似鳥巢謾說故鄉  
相見好荔枝先識綠扶包

橫石驛荔枝絕類閩之中觀喜而賦之

荔枝原不是山枝味子甘酸到頰知欲問側生  
眞面目絳囊籠取玉琉璃

同遊七星巖

臺峻詠維崧名篇自李邕星河疑錯落文酒幸  
過從洞腹飄荷菱巖音辨鼓鐘舟車時互用明  
暗歷雙重磴或林根代雲將石竇封瓊來珉盡



素畫取管爲形滴溜增寒氣斜陽迫暝容醉歸  
江上宿猶夢此奇峰

抵羊角堡

千巖萬壑總乘空盡日如行洞府中點綴煙雲  
成彩色穿過星月爲玲瓏銷憂豈必誇王粲躡  
屐還須共謝公坐信天涯有知己寧須招隱桂  
山叢

予同籍兄弟在粵西者四人而甯顧寅丈

與予同官吳蜀茲復聚首桂林今昔之

感淒然賦此識之

粵西荒僻古難堪爾我何緣此盍簪同籍弟兄  
偏有四步趨中外却成三已將無競看身世尚  
有閒情付手談甯與予常以奕角勝爲問桂州巖洞勝何  
如錦水百花潭

石倉詩稿

浮山堂集 癸丑

閩中曹學佺著

曾孫岱華重梓

擬古詩

蘭芷生春陽風吹何宛宛忽被嚴霜摧欲采不成  
卷達人善愛惜取譬奚在遠行年四十問誰  
復其偃蹇榮利若浮雲棄捐不復返墻東可避  
世詠歌娛旦晚心志苟無傷自必加餐飯

其二

蟪蛄尼至聖黃鵠悲無雄所遇少諸合何人顧

石倉詩稿

卷三 浮山堂集

一

始終曰行古之道世俗本難客絃歌喻此曲對  
酒來悲風撫劍以長視誰辨西與東崔嵬有青  
山羅列我庭中託趾淪深淵仰首磨蒼穹晦明  
雖代謝寢食聊爾同一心結綢繆其爲皓首翁  
金仲栗洪汝如林異卿過集浮山堂分得

古體

卜居務卜隣卜隣虛無人無人誰與處與處惟  
一身匿藏非不固聞見亦懷新薰風自南來好  
我有嘉賓

浮萍託清池鳴鹿思野草凡物不自知皆由天  
所造莫言頃刻權而匪終身好古思良綿綿今  
人恣幽討

七夕

脉脉猶河漢人歸已故園夕林淹露坐夙駕詠  
星言隔歲佳期緩臨空巧思繁追尋兒女事藉  
此洽朋尊

梅子庾將歸建武過別

君來望旣久臨去復何言此夜松間月新秋池

石倉詩稿

卷三 浮山堂集

二

上軒杉關愁徃路麻谷夢尋源若問維摩詰誰  
知不二門

池上汎舟

碧波能待客盡舫喜初成近得門前渡閒於谷  
口行樹無基尚活雲滿載猶輕汎汎何時已吾  
將達此生

水松

凡十二株在水中央  
不階尺土觀者異之

遙望青青樹波心寄跡賒勢千雲縹緲根比石  
含研白日中流失清陰半畝斜畫圖成對壘枝

葉拂浮槎避漲游魚上排空去鳥遮宇松原傍  
水別本寄生花歷飽風霜得頻看歲月遐伊人  
如可擬一爲詠兼葭

中秋全金仲栗洪汝如龔克廣林異卿鄧  
道叶作

亦難事淹留當一旬月哉生到滿客以好  
忘貧山水澹無物秋空寫似人昔時逢轉恨辛  
苦向誰陳

送金仲栗

石倉詩稿 卷三 浮山堂集

三

初無入閩念隨路到三山夜月亦殊適秋雲了  
不關平分黃葉落一寄白鷗閒漠漠風烟隔何  
曾改別顏

葉園看菊因贈主人

子猷性愛竹不問主人名肩輿來復往汎汎甚  
無情予也青山客興爲黃花劇東籬有主人相  
視乃莫逆斯人詎草草花事耐探討苦盡一年  
心纔成九日好九月霜滿園霜明菊正繁秋光  
如不薄長此問江村

冬日山園晚步

日薄澗容寬風吹林氣偃三復考槃章伊人不  
可援丹楓射霜陂黃牛下夕坂比屋炊未齊田  
家久成飯晤語者爲誰無期成往返回望隔江  
山此身疑在遠

春日蔣國平使君偕王粹夫徐興公鄭思  
闇高景倩諸子集城西小園分得一先  
韻

城西小圃足幽偏不到論文有幾年若借鶯聲  
石倉詩稿 卷三 浮山堂集

四

來舊好從知柳色妬新篇林間禮數渾忘却酒  
裏春寒尚宛然必定山公扶上馬銅鞮一曲始  
堪傳

蔣國平招全粹夫與公思闇景倩諸子集  
洪汝含半嶺園分得十一游韻

山意截城頭層層面客遊牽衣拂雲磴徒席上  
林邱鳥寫池光淨花藏洞隙幽倘非公暇日那  
得此優游

西園牡丹開一朶如斗大招國平興公過

看分得一東韻

今歲花開好孤標出短叢團團矜海日灼灼染  
春風詞伯添毫絲鍼神讓女紅似憐人寂寞故  
自慰飛蓬

初夏國平使君邀全胡白叔洪汝含登眺  
西樓分得八齊韻

把酒聽黃鸝春林接夏畦奉陪吳苑客來眺越  
城西山翠能遮雨湖光欲上堤連晨游尚倦吾  
意返陶栖

石倉詩稿

卷三 浮山堂集

五

送金明府擢工部

邑有使君賢閒居得早眠琴聲山雪下錦色海  
雲懸 帝曰徵三異人思借一年莫嫌工部冷  
願讀少陵篇

石梁行

予昔天台路上行深崖斷處石梁橫背銳腹廣  
莓苔滑下有瀑布聲哀鳴飄颻從此度神仙云  
可遇罡風俄一吹冥漠不知處以之寤寐十五  
年蹉跎難割區中緣且喜有山能傍宅不愁無

水堪乘船船行固盡興暇日或由徑一片石梁  
成彌增山水勝水色勝巨羅垂楊夾芰荷花香  
窈不散月色較誰多月中可容百人坐管絃絲  
竹迺相和風氣清涼九夏微星文錯落三更過  
天明露未晞不醉定無歸請看丈人樂早息漢  
陰機

夏日蔣國平使君見訪

卑栖不與世相聞誰信招携得使君入座忽來  
峰外磬移舟時載谷中雲清池蓮葉應堪比亂

石倉詩稿

卷三 浮山堂集

六

石松根若不分欲識忘機人已久野鷗無恙下  
成群

題來江亭

入茲山已深眺彼江逾濶孤亭倚崔嵬八荒來  
洞達烟景落人間濤聲起木末宴坐心泠然何  
愁世緣奪

臨賦閣述懷

可嘆臨流閣先君命此名賦詩堪廢筆易地不  
勝情貴在出門見何曾隔日行開襟殊覺爽受

濕最能輕突兀驚虹卧孤懸似斗橫月中翻畫  
色松杪沸濤聲澗雨千尋迸江雲一段平心期  
無負此浮世懶逢迎

全柯無瑕包一甫到山亭作

碧沼移舟入松陰斷續寒一卮非不足十畝較  
云寬樹密來江遠亭危取石安自家煩結構最  
喜客携看

送吳明遠歸省

閒居寡儔偶日夕見情真底事難留汝言歸盍

石倉詩稿

卷三 浮山堂集

七

省親巖松落吹遠水鳥滌毛新吾欲詠歌此三  
秋無一人

石君亭作

亭成客問名予曰石君好此君具本末立身非  
草草山川凝結成天地同壽考七尺良自矜千  
鈞未足道夙昔無人知曷以舒懷抱泥塗任轆  
轤卽澤其枯槁大物難久淹一朝應探討轉移  
誠不易毫末愁崎倒雖藉人力扶寔微神功保  
位置本渾成淳龐去華藻漫謂愚公愚真堪老

吾老

中秋喜前羨長至因宴山池全胡白叔俞  
青甫包一甫諸子作

有閣懸虛空有橋作津筏經營淪居諸若爲茲  
明月之子赴心期能不爽毫髮別來成幾載相  
對猶倏忽命宴挹巖沼移舟動林樾松際飛鳥  
還苔面游魚撥美人羗露坐汲紋上羅襪須臾  
吐一曲音響清且越遠近看如堵揮手何不發  
賓客皆盡歡尊壺罔愁竭應知秉燭遊視此猶  
石倉詩稿 卷三 浮山堂集 八

多關

洪汝含携具全羨長白叔青甫登妙峰寺  
分得山字

予家青山下有寺共茲山非伴客登眺好看僧  
往還徑惟松石際村雜水雲間惆悵斜陽暮蹀  
鐘又閉關

螺浦送客

江潮一以上浦日何其深脉脉問潮水孰如離  
別心

絕世有佳人同陳泰始賦

雖在世間住世間誰與倫  
直將異代詠來比今時人  
玉珮聲何遠金釵色倍新  
清歌猶剩枝淺黛出橫陳  
是夜可憐夜非春祇覺春爲問  
傾城子方知一顧真

洪江發舟全俞羨長胡白叔

日日陂頭泛不知江路秋沙平  
吞古渡潮落送輕舟幾點村中樹  
孤園塔上邱以茲閒適意偏可入群鷗

石倉詩稿

卷三 亭山堂集

九

同泰始羨長白叔宿陳振狂樓上

樓成予未返及宿已秋殘  
林下人何懶吳中客趣看野藤皆上瓦  
明月故擎盤愧爾蘆磯畔長年閑釣竿

閏月中秋集雲中君山館

佳節何妨再良遊亦屢遷  
松聲疑夜雨月色近寒天  
聽曲心逾細行吟地復偏  
後來雖可樂端不似今年

過戴上舍園池

今日看賓從移過林野間  
幾亭連着水十里到來山  
客與何時盡秋光亦與閒  
湯同安道宅一往便云還

九日首舉石君社分得六麻韻

客爲俞羨長陳誠將

胡白叔俞青父鄭汝交趙十五李季美李明六陳可禮包一甫舍弟能證

陶令愛重九桓公嘲孟嘉  
遺風猶足想此會詎云賒  
人社可無酒開籬先有花  
水紋驚楫碎山影壓欄斜  
率意省携具登高仍傍家  
松根藏石壁亭杪出江沙  
細步姬人作新衣客子加當筵

石倉詩稿

卷三

亭山堂集

十

奉詞賦一任答韶華

重陽後一日全諸子登佛樓山因到上園  
有所遲不至分得二蕭韻

何處非幽處今朝異昨朝  
欲窮山際勝不惜步來遙  
皎皎明秋色層層隔市囂  
巖將梯作逕江借塔爲標  
林沼雖然換亭臺亦有超  
開尊猶傍菊載筆豈題蕉  
洛浦神空賦淮南隱更招  
當歌無皓齒便覺意蕭蕭

山池夜泛少憩語江亭

遊汎尋常事可如今夕懽坐中猶此客興發已  
更端棹却松聲滿池因月色寬空亭誰共語翠  
袖俯闌干

再舉石君社過葉園看菊

從遊那可輟遠近復招賓况此菊花好言開蓮  
社頻月明黃鵠下江迥白鷗親欲問陶潛醉東  
籬共幾人

九月十五夜社集高景倩宅爲其郎君楚

材賦花燭詩

石倉詩稿 卷三 浮山堂集

土

誰倩催粧好詩成粧自成不知詞客意何預阿  
嬌名望夜月華滿深秋涼吹生此時交頸語多  
是喚卿卿

鄭汝交宅賦得美人題竹

修竹倚湘娥芳名寫薜蘿心知猶恨少刻畫較  
誰多風動疑人至宵長秉燭過試詢入林友把  
臂定如何

羨長白叔一甫同脩石君社賦得燈下菊

影

移菊分明見燈前意轉迷聞香惟一處顧影忽  
雙栖垂手偏宜小含毫苦欲低潘安有遺掛今  
日共提携

送吳仲聲北上

予家在江許不繫孝廉船量隔幾村樹驛亭何  
處邊地煖苦無雨春寒知隔年林居何所事民  
隱頗相連

送胡白叔之清漳

日歸念殊切此去豈歸程但以看山趣而將送  
石倉詩稿 卷三 浮山堂集

三

子行荔枝當夏熟橘樹入冬榮飽却南中味津  
津句已成

結交行送蔣國平運使北上

結交行堪鳴咽不用署門譏徒勞著論絕意氣  
難持久功利恒相傾孰如談藝者結交殊有情  
春山歌伐木黃鳥鳴嚶嚶騷人挾秋氣所悲無  
友生節序由來遞相感誰分人前匿肝膽但舉  
一篇頭欲白吟成五字功何限眼中懸着古今  
人域外不分秦楚產即使幽居在戶庭勝于四

海爲延攬予也乏文藻丘澤其枯槁使君一相逢相逢恨不早此時薦士無人收惟有使君能款留此時談詩爭獻媚惟有使君堪直遂使君辭我以北征因君爲賦結交行結交行期後日君當再來予終不出門前陂水長青山掩蓬壁

咏美人蕉

石畔思君處風前助妾吟寧辭卷衣役不替守宮心滴露將成淚非花亦作林誰堪摧抑怨扶起待春陰

石倉詩稿

卷三 浮山堂集

三

雨後移竹過山池菰植有贈

山池新雨後移竹定無嫌願得青青色長歌昔昔鹽拂壇隨地淨抽筍擬峰尖蕩漾孤舟意輕風日捲簾

長至其室移成有述

愚公纔徙宅太史正書雲體制雖然具風流不可聞衆思通樹色磴路疊波紋日夕林僧接因之謝俗勞

至日張紹和過訪浮山堂同俞羨長談菰

言別

勿論違時久偏逢至日長愁須聞信破咎乃得朋亡雨徑遊雖阻寒山坐可望烟雲生疊疊松石露蒼蒼把酒紅粧待談詩素席張心期振風雅跡略任行藏一壑無人境公車白帝鄉若酌知已問嬾更勝嵇康

春草亭獻歲二日同俞羨長陳誠將王粹

夫修明玉翰二校書小酌

客思憑誰發池邊草色青不因春並駐誰識雨

石倉詩稿

卷三 浮山堂集

十四

堪聽酒內斟餘柏階前指兩賞衆山無限意只是遠孤亭

人日到妙峰寺

開歲晴後雨今朝再見晴半山雖近寺屢約始成行松色入江遠鳥啼隨澗清勝人當此日學佛是無生

泛舟池上

忍負蘭舟意新年泛幾回春醪留凍住池渴涌泉來石岬已如削松陰不肯開參差桃李樹花



落濕青苔

池上偶成

池上微波起松濤聽漸賒畫欄影容與紅藥態  
交加獨鳥掛長蔓群魚爭落花門前無剥啄故  
是隱人家

送胡白叔歸長洲

隱士不出門一心盛肝膽乍試干謁途彌堅世  
情淡憶昨君來遊景光逝何遽寒暑歷回環方  
物脩飲斂厥懷故翩翩所遭殊坎坎三春花事

石倉詩稿

卷三

浮山堂集

五

過首夏綠陰黷山雨滌烟雲江關漲葭茨告余  
且云歸園池恣遊覽鷺聲膩若脂苔色厚於毯  
欲別既難別欲留仍不敢詎論主人情石君亦  
增慘家住楓橋側荆扉去長掩芳草日以滋石  
榴開尚蒼屢屐數炊藜羹飽一糝君既樂棲  
遲余亦倦延攬但指孤松間盤桓易生感

夏夜池上偶成

荷葉已田田清池近暑天薄衣穿月透曲枕抱  
雲偏萍動知魚樂林垂臆鳥眠夜來無遠夢祇

在石橋邊

匡雲上人過山池別之鴈宕

近日懶出戶高僧會亦稀林間飛錫到陂上放  
船歸鴈宕尋樵徑龍湫澗衲衣諾那禪定裏誰  
不願飯依

端陽苦漲二首

聞道水來急悽遑免此身琴書皆累念鳥雀倍  
依人豈羨樓居好難周巷泣貧不知造物者何  
意困斯民

石倉詩稿

卷三

浮山堂集

六

避地嗟無術滔天勢未降寒聲來灌瓦積氣上  
橫窓節日不成五災年恒苦雙詎須仍吊屈處  
處汨羅江

水退後登長至臺卽事

予家到園纔數武一日廻環有四五奈何世事  
不可料溪流暴漲成乖阻狂濤怒沫幾千丈天  
地蒼茫迷所向兀坐空然作遐想咫尺江神不  
相讓妻孥跼踖愁共眠山池寂歷限各天今朝  
水退若寇退便覺登臺如登仙此臺最高不易

擬漲痕幾欲嚙其趾周旋檢點化卉間溺者悲  
傷生者喜松聲謾謾差自雄八窓洞達吹長風  
登臨謾誇身力健來日還憑造化功

竹醉日移竹新亭

竹醉非關酒傳堪此日移但逢最勝地何必獨  
醒時得雨雖云速成林尚恐遲新亭來避暑若  
箇不稱宜

雨中望隔岬荔枝

驟雨來青嶂千林醺碧波却驚流火駛已覺洗

石倉詩稿 卷五 浮山堂集

二

紅多沆瀣盤爲玉流蘇帳作羅薄言將采采臨  
眈意如何

石君亭噉荔嘲俞羨長

累累荔子實采采動盈抱湯論市上錢詎秘林  
間寶克茲石君羞展彼山泉澡量腹受幾何百  
千恣傾倒齒牙沁甘露毛羽生難老嘗聞丹經  
言效驗良可弘使人美顏色長似少年好爲問  
羨門長何如瓜大棗

羨長暫別之建溪

歸來猶故我客久莫如君亮得平生意非關旦  
夕聞分携螺浦月旅食建溪雲何處長林下堪  
棲麋鹿群

荔閣初成

傑閣跨雙荔荔陰廣盈畝勢以奔流疾聲爲搏  
風吼綠烟蔽簷楹朱實垂戶牖天宇內昭明外  
密似烏有雲霞幻世界禽魚樂淵數太古色長  
存炎蒸氣不受昔時種樹者懸知今日否以此  
相成意千載爲良友

石倉詩稿 卷五 浮山堂集

六

送陳白室遊鯉湖

池上新秋色銜悲去住同星河漸欲白楓荔乍  
銷紅島影三山隔湖波九滌通月明何處夢多  
在水晶宮

七夕荔閣上聽施長卿彈琴文媚玉翰小

雙三姬度曲

理曲復鳴琴無非寫此心橋邊波澹澹閣上荔  
陰陰向夕乍云淺入秋如已深天孫渡河急那  
意聆清音

宿春草亭

水宿更宜近月斜，纔向幽半峰來倒影。  
群籟遞相，酌夢裏穿松快吟邊，警露愁湧。  
云蕭瑟早風物近新秋。

潘我嘿孫還初二客到山池

風雨出城隈，招携二客來。  
新流過片石，爽氣滴層臺。  
舉奕松烟落，當歌水鳥迴。  
江干潮屢上，舟子湯云催。

洪山寺遇一徑上人林異卿仝看施茶

石倉詩稿 卷三 浮山堂集

元

寥落不成村，橋廻卽寺門。  
逢僧殊偶爾，對客亦何言。  
坐見諸天靜，行聞一水喧。  
茶寮同赴飲，應是給孤園。

荔閣後開池得泉志喜

開池爲種蓮，誰意得清泉。  
現在非關雨，虛無別有天。  
樹陰過歷歷，石竇出涓涓。  
夜靜山中月來，茲亦湛然。

中秋夜池上看月

久晴思雨陰，亦得却在中秋景。  
不宜借此一宵。

明月好兼之，五色浮雲垂。  
江魚入筵，倍增價。山鳥識曲群來窺，欲驗人情歡樂否。  
雷填空谷應山池。

石君惠後關一小池，引泉自遠而至，值桂

花初開

石間泉忽到頃刻，有池光竹瘞寧知遠。  
花開倍覺香聲寒如佩，玉勢曲可浮觴歷遍。  
亭前後猶然在此方。

詠籬內白槿

石倉詩稿 卷三 浮山堂集

十

皎潔容疑雪，輕盈質似漚。  
湯云朝夕謝，已自敵三秋。

來江亭桂花盛開

亭危不易到，空林桂花馥。  
上有江風吹，幽香遞巖谷。

詠醉芙蓉

拒霜猶自勁，向日已頽然。  
借問獨醒客，空歌漁父篇。

菊有早開曰報秋者

武陵洞中叟桃開始覺春春過秋復老黃菊一枝新

陳汝翔謝在杭徐興公到園內

選勝如談薤天然趣較饒水心難在樹月色盡於橋信宿朋來樂淹留隱可招請看松菊意秋老肯蕭條

送在杭北上

城村已迥隔何況是山川會晤無幾次言歸及半年朱陽驕海國素雪甚幽燕今日行藏者誰

石倉詩稿

卷三

浮山堂集

三

能俱泰然

荔閣後築坡種菊

荔過仍綻菊節序亦從容對客成三徑看秋落幾重香傳亭畔水露濕嶺頭松千載陶公後誰希物外蹤

題畫贈僧

匡山有瀑布落在玉淙橋投入林將近言歸寺尚遙閒行何用錫乞食亦無瓢此意誰能解秋空葉正飄

送匡雲上人

更欲知予懶作詩無韻吟雖然離宿習亦不近禪心冬煖便行路江空卽故林白門參學侶若箇入山深

同丘德長到石倉山

興若到園盡幾人猶問山不從橫水渡轉以窮源還石質有玄致樹身皆古斑遙看亭榭勝半在白雲間

送德長歸寧化

石倉詩稿

卷三

浮山堂集

三

閩地富邱壑昔曾探討之更餘未到處問自隱人知暗谷朝光瀉寒林夕露滋漁舟如可入多是落花時

送李侍御還朝

雖不閱除目頗關離別心持平在言路高卧得山林久雨思晴霽嚴霜壓歲陰長安花爛漫夢裏解相尋

周虞卿陳伯雨過別

見客依然喜空傳遊客名祇寬來往禮不盡晤

言情池上春流早途間宿凍輕一杯聊枕石謾  
謾下松聲

正月初九日集林必全宅因過永明山全  
燈節上偏早梅花落較遲鄉風併物候異地不  
同時谷暝江猶見林開月始知新年詩思澁隱  
隱動新詩

寄題徐昭質江上草堂

結廬在江上回首白門城客以停雲至詩多快  
雪成居然半市隱何謝北山英予想金陵友因

石倉詩稿

卷三

三

君遠一程

送蕭損之方伯

內召已居先名藩更借賢通人無不可別意獨  
留連春樹濃如墨晴溪淡欲烟此行誰得擬應  
問湯亭仙

韓壁哉使君過訪因同陳白室眺來江亭

洞裏違廳事移時始出迎由來城騶從纔得恣  
鶯聲草綠春將晚山青澗倍明况逢方外侶從  
此狎鷗盟

送李都閫之惠州

臨行不具述曾爲序佳文南粵風烟接西江部  
曲分釣龍臺上別白鶴觀中聞好是壯夫事乘  
時獨建勛

送俞材官之清漳

分符出虎阜振旅入龍溪才屬良家子星當太  
白西柳營騰士馬桑島遁鯨鯢暇日登天柱好  
將名姓題

送俞宣仲

石倉詩稿

卷三

三

林居遙見訪已覺歷冬春坐每得閒理語應無  
累神鶯酣暑漸永沼渌漲初新汎汎蘭舟意誰  
知別問津

雨後池漲堪以進艇

累日不窺園但聞池上喧俄然新水到已沒舊  
苔痕松色遙堪映船舷半欲吞不因游汎意晴  
雨湧應論

荔閣前砌石臺成少憩

石欄雙荔覆坐處可垂綸鶯語臨流碎波紋觸

物新樹陰雖漏日暑氣不侵人羽扇純無用惟應戴角巾

聽泉閣成留僧住持時四月八日

高閣聞泉落泉聲入夜虛月隨佳客話僧作主人居暗谷天光未明燈佛誕初昔時曾供養今日敢云疎

久不登荔閣晚霽與客臨眺卽事

敗葉半堆閣主人來亦稀蕩擗青雀舫辜負釣魚磯曲沿荷難吐高原亭却肥翠屏如欲晚相

石倉詩稿 卷三 齊山堂集

三

對更依依

崑崙

崑崙爲山意含研似洞形尚能容月到多是借雲崙蓄水成雙照憑空役五丁人來傳勝景無過石君亭

荒亭

說文荒大也始也志水源也

欲作窮源者中途礪屢橫崇山連霧塞遠樹共陂平觸石參參響分砂瑟瑟明幽人真可擬不愛此間名

夜卧聽李痴和彈琴

以君似多技又似出無心卽此絃中意全非指上音悲生秋已動靜入夜方深聞倦雖然寐依稀緒可尋

聽泉閣小景廿詠

趾託雲根固形疑棧曲同不因來處險那識境懸空

右棧道

以指喻明月月爲第二指臺上坐忘言烟銷一

江水

右指月臺

石倉詩稿 卷三 齊山堂集

三

朱欄曲如篆碧樹陰可掇聞客下胡床酒更猶未達

右閣道

古梅移嶺側其勢益崑崙花發湏明歲根蟠非一朝

右古梅岡

開士有古像不知是何代若云由心造今昔詎相待

右大士古相

齋室無幾許半間爲石得將石來作供飯僧百千億

右石供

片石何雷震芝生與洞連洞中趺坐處流水助

安禪

右石芝洞

斷壁絢人目天工人巧分削成雖自異相雜故稱文

右錦繡壁

梵落如貫珠燈明正當屋三池相左右此境上池獨

右上池

僧有峨眉至泉如匹練垂伏天仍瀉雪應是小峨眉

右瀉雪澗

上池承既溢纔向下池往祇一輪轉間喧寂分爲兩

右下池

石倉詩稿

卷三 浮山堂集

三

一峰何處來不似人間世欲將擬作雲騰有飛動勢

右飛雲峰

雖然狎群侶獨立儼爲容若在武夷曲應名玉女峰

右石筍

携琴入洞彈水落指中寒似別有天地來茲聽事寬

右冰廳

跳珠不成圓墮地迸而走恰有半鈎月映此小垂手

右小珠簾

對月情已深障塵意猶淺何必雲母屏然後具

牛喘

右石屏

峽口無多路時時礙鳥飛白雲休鎖盡留着待僧歸

右石峽

幽居竹林內坐此盤陀石山僧入定時衣桁春苔積

右盤陀石

竹樹雜群樹小園仍在園關情風雨過幾點苗龍孫

右竹園

分泉出洞口方池爲之注樹色與泉聲何者能招暑

右洞口池

石倉詩稿

卷三 浮山堂集

三

懷喻宣仲

與君正分手偶然值他客彼此各周旋寸心烏能獲縱有所欲吐惟當一二摘對面尚如此何況山川隔賴得平生懽久已輸肝鬲嘗聞昔之人相視成莫逆野性樂迂緩世情多逼迫追思不可言草草爲離索

風雨

園林風雨後料理得無傷自覺煩勞甚難將適意償奔湍時敗徑折木故崩墻在境爲欣戚何

如付兩忘

李珈和爲予寫照賦答

四十媿無聞形容託似君誰人窺喜愠獨立想  
清芬色入層層淡神從楚楚分不須頻問影身  
世本浮雲

苦漲

江居苦昏墊久雨不曾停枕席移殘夜房櫳漾  
曙星鳥嫵歸樹濕僧穩卧山青欲借安心法心  
中故不寧

石倉詩稿

卷三 浮山堂集

三九

洪濤勢拍天兩歲此災連故老所未見漁人亦  
駭然民生日向覺氣數每逢偏百尺高樓在誰  
堪恣飽眠

一任陽侯虐難通上帝閤人增百倍苦水襲去  
年痕小劫恐如此災荒何待言不堪重理屐頽  
廢半丘園

荔枝歎

去年荔枝初營閣今歲工成風雨惡他處蕭疎  
尚可言忍在閣中看荔落

雨色淒其六月寒平池無處不飛湍舉頭瀑布  
山山白失却林中荔子丹

轉圓未了弄紅漆節候相催坐可占不信此時  
過小暑荔枝還是兩頭尖

十八娘家粉黛殘玉肌羅帳淚闌干楓亭三日  
無消息馬上空歌行路難

嬌羞十五閉房櫳風雨無端妬守宮玉鏡臺前  
倚惆悵郎家不送荔枝紅

閩俗女子將嫁男家  
先一年送荔枝紅

丁亨文偕其仲氏過宿

石倉詩稿

卷三 浮山堂集

三十

雨霽愜所思友于咸戾止沉憂滯中腸渙釋良  
有以天道恣回環人情亮傾否吐詞曰同心馨  
香等蘭芷睠茲歲月周豈不殊行止明德如轉  
圜由遇非由已奈何世俗人所工乃讒毀一身  
但區區眾口烏能理相信無嫌猜惟有山與水  
山水匪我私將以事君子展此平生懽臨觴清  
且肯登陟信風日信宿連床第羨彼游魚樂洋  
洋何能已蔭彼連枝樹纏綿有葛藟暢然樂子  
心亦足洗吾耳苟希沮溺流耦耕從此始



送陳誠將歸姑蘇

林中方散髮有客止巖扉再聽泉聲別獨携秋色歸建溪流曲折茂死跡依稀今歲登高候家園好授衣

送朱參戎還吳

海內客遊閩其誰問主人以君仍解綬令我欲沾巾風土三吳舊星河七夕新但留雙劍在知必會延津

送趙十五

石倉詩稿

卷三

浮山堂集

三

但得詩中畫何論客與歸秋聲懸雨夢別思點秋衣旅次交情在家林生計微刈禾同噉荔今歲事應非

石君池引泉復到

泉與石相親泉乾谷似貧却因重到日恍接故知人倏忽三秋滿潺湲一澗新也無纓可濯祇合卧閒身

立秋

今年無伏日已是立秋期縱脫炎蒸苦其如節

令虧潦餘仍恐旱疫止便憂饑林下悠悠老歡情欲對誰

七夕遇雨

苦憶看星會翻成對雨吟小鬟聊倚席無意復持針消息明河斷淒涼此夜深今年寒事早幾處促秋砧

送李茂實

閩中不可處况乃寄微官子舍言歸切王程得借寬月明江路白楓落渚宮丹誰念林間卧悠

石倉詩稿

卷三

浮山堂集

三

悠獨歲寒

別小鬟

道人挾冰心湛然已無欲園林山水間猶未能兔俗追隨有麗妹點綴成金谷移船就花影入洞尋棋局夏日頃忘暑秋光到何促臨行意欲敘含啼不成曲何以解儂悲必待茲遊續

送施長孺民部北上

曰余歸衡茅門徑苔欲積夫君篤幽尚時時問蘿薜且締兒女姻濶畧在形迹二十五年間交

情追白昔奚愧同一身詎止欣三益眷言丞王  
事嚴程秭朝夕難枉入林駕爰祖臨江驛江水  
既虛明烟巒映丹碧際此休明世天路何其闊  
丈夫酌知遇亦惟意所適亮節抗人群勛名被  
金石莫比悠悠者流光坐虛擲

寄贈一天上人

作福人天果觀空祇樹林雖知壽者相難測化  
人心閩海風期遠崇川月色深何時禪榻畔揮  
塵一長吟

石倉詩稿

卷三

浮山堂集

三

送太如上人

偶爾相留處茲當惜別時停舟持夜課到寺結  
冬期定後泉聲落空中鴈影馳東林詢舊社何  
日復攢眉

寄懷龍君御

時備兵蒲州

廿載論交者心期永不蹙俗仇雅道甚晉用楚  
材多塞月臨蒲坂津雲度絳河夷齊高隱處遙  
憶首陽阿

送將子才由姑蘇入晉謁洪民部鄭少府

好閒爲素性閒極復思遊吳下行雖慣雲中路  
更修地寒催近鴈江熱滯殘秋片刺非知已居  
然不浪投

送孫子長北上

里向多民部紛紛使抵家以君偏好我室邇奈  
人遐對酒蓬俱轉開離菊正花徘徊不忍別端  
只戀烟霞

九月望前一夜宴集山池全陳振狂諸子

日入綺霞收月明銀露洗長松無遁影清池咸

石倉詩稿

卷三

浮山堂集

三

徹底泉來聲逾近魚躍次當幾隔林燈火微禪  
扉猶在啓佳冶何翩翩名士多濟濟歌喉激若  
秦鼓容狂似禰席地紛成行拜飲饌古禮湯云  
有旨酒尚不如兄弟

携小雙觀泉

旱極見泉喜泉聲卽雨聲苔花藏尚活菊蕊綻  
何輕溜溢移時決渠空幾處成得逢湘漢女還  
似弄珠行

小雨

雨候紛紛集，猶然到地稀。  
林花疑浥露，嵐翠誤沾衣。  
夏潦相懸絕，天河已息機。  
物情如不厭，終覺賞心違。

甬東應仲鵠到予山恩贈以佳什賦答

車馬歸來付買山，輕輕點綴水雲間。  
引泉一意隨高下，看竹何心獨往還。  
袖裏擲詩來戶牖，齋時問偈入禪關。  
伊予愧乏瓊瑤報，却倚逍遙望玉顏。

新都程相如入閩投詩賦答

石倉詩稿

卷五 浮山堂集

三

將軍意氣獨橫戈，問我閒居興若何。  
一片江村迷晚照，數聲鐘磬下烟蘿。  
人情落落逢僧淡，世路悠悠損俠多。  
敝布單衣猶不惡，南山且聽飯牛歌。

福廬游稿

閩中曹學佐著

曾孫岱華重梓

莆口洪 寬閑

發洪江泊舟小金山同社陳可權包一甫諸

君過別

此山故長臥入江乃飛動潮生縉有期月明獨  
相送浮圖踞中央奇樹接飄棟少泊見客心清  
言損僧供寥廓夜鍾鳴深潭墮如甕倘希清淨  
理津梁亦何用

石倉詩稿

卷二十四 福廬游稿

一

夜行舟中颶風大發

來游日莫春誰識遭陽九江海雨冥冥氣鬱聲  
如吼固然驅熱退何乃拔山走呼吸變安危全  
在舟師口漫云無事人風波能不受心旌獨搖  
搖欲挂舻傍柳

芹洲守風 清明日

擁絮舟中坐還思昨解衣風潮屢迴褰雲日失  
芳菲田舍藏深樹江門鎖斷磯中洲如不遠應  
賦采芹歸

過五虎山懷吳布衣

五虎巉巖甚行人有戒心開田逢石淺避世入  
山深几案遙相望雲霄或見侵幽人稱賞後誰  
復是知音

相思嶺奉簡華相公

習懶如今日良遊數改期因風來問訊越嶺慰  
相思楊柳新烟暮鶯聲伐木時泰山如在卽何  
必更探奇

福唐塔寺喜遇靜安上人話舊

石倉詩稿

卷二十四 福廬游稿

二

逢僧已自好况乃爲故人緬懷十八載何論昏  
與晨道貌恍如舊法席喜從新高樓結海市寶  
塔搖風輪坐見前溪月行引他山雲不是同源  
者誰知來問津

三天門

門徑隔塵凡天然不用剗重關迴日馭遠海見  
風帆久闕欣初啓中虛類太函盤栢不覺暮石  
氣冷青衫

詠石芝

平地一拳石宛然三秀草肖形固甚奇無根屢  
云寶疑結不知年願言以終老何必赤松遊迢  
迢在遠道

宿相公石隱山房

浮海徒虛嘆開山有宿緣居然采芝操勝讀養  
生篇夜雨基將罷春雲榻更連朝來遊歷處尚  
繞夢魂邊

榕臺贈何惟榮

榕臺稱最勝高處復能幽樹與巖相抱雲將客  
否倉詩稿二

／卷十四 福廬游稿

三

並留清陰長却日經歲祇如秋地主心期愜還  
當白葉脩

壁間讀韓壁哉使君詩有懷

視師滄海上揮塵碧崑陰悵莫從公邁欣先獲  
我心留題山月照履跡澗雲侵醉倚天門石懷  
賢獨一吟

異香洞

名山多秘藏開鑿始聞香拂袖有餘氣避人居  
一方有仙來對奕無事卽休糧竹影蕭疎甚偏

宜傍夕陽

飲虹澗

泉意雖然急盤旋出洞遲虹光深處卧駒影隙  
中馳語客留清聽延僧好任持上頭還可達妙  
在不窮時

古仙崑

虹澗出逶迤雲關入險阻踴彼巘之阿獸立以  
延佇漫謂今游人而非昔仙侶天風吹我衣軒  
軒此霞舉

石倉詩稿

／二四卷 福廬游稿

四

靈巘

形容巘不了祇可道爲靈石室居千騎天工役  
五丁花枝垂冉冉松蓋上亭亭最美山僧好焚  
香日誦經

留月臺

松風來不厭洗耳入潺湲憶我浮山上何如亂  
石間僧衣穿峽破客席覆苔斑咲問留明月誰  
入待月還

躡雲山房飲罷看月之作

夜酌雲深處歸途月色生却因海上近一倍世  
間明散入崑將遍渾如雪乍晴客酣有餘興更  
向谷中行

山房聽雨同范穆其林異卿

山中已再雨日夕氣蕭騷禁步同僧懶恢諧讓  
客豪松門吹不開麥隴望如膏隨意匡牀卧聊  
分登陟勞

鳴玉洞贈施蒙冲

跨礪爲橋外誰知有洞懸繡文生積蘚玉珮比

石倉詩稿二八卷二十四福蘆游稿 五

鳴泉小築聊因勢閒居不問年關情今夜雨相  
對話巴川

玲瓏洞

洞壑世間少茲山獨狀餘開時應占勝陟彼漫  
云硯無字碑誰識玲瓏玉不如白雲堪躡處還  
有上頭居

聚星洞

同穆其異卿作因  
寄施長孺民部

遙望石如龕行來洞已合偶然星聚五不速客  
成三礪塊胸中失機鋒語外參誅荝還有意于

此學瞿曇

奉題相公別業假山

胷中具丘壑暇日一摹寫匠心極雕鏤移步迷  
恥舍達人善自適文士不忘雅花木長成時誰  
復辨真假

葉君節乃予襟友汝習之中郎也去歲偶

閱其送客詩而歎賞之因和予石君池  
引泉復到詩見贈予賡和以此什

吾與爾爲親相依何患貧寧當進取日來向倦

石倉詩稿二八卷二十四福蘆游稿 六

遊人景物看如故詩篇証益新弄泉兼枕石差  
博一閒身

葉君錫北上過浮山堂話別

泊舟芊原驛好我入林莊花雨助池漲松雲穿  
峽長興狂纔著屐緒發即離觴期爾成名後時  
時過草堂

飲虹澗中咽石弄三字奉甥葉君聲書道

勁有法予頗賞之雨後異卿更往聞澗  
聲逾壯予以足瘍未之涉也每思及此

輒以爲憾偶 相公書來亦以予記中  
叙此段稍畧復拈一律志之

雅有臨池興曾書咽石泉詩中摩詰盡碑下率  
更眠夜氣燕山動濤聲得雨偏追思常寄詠不  
待損雲箋

石倉詩稿

卷之七

福廬游稿

七

石倉詩稿

聽泉閣稿 戊午 巳未

閩中曹學佺能始著

同社吳潛元翰

全閱

曾孫岱華重梓

陳宏已振狂

聽泉閣歌

湖中光景雖聯絡對面不見聽泉閣石倉山背  
盡于此幾樹扶疎露巖脚泉聲遶閣日潺湲棧  
道欹斜閣道灣閣上僅留僧半榻窓前絕列水  
西山江流不可盡層層上欄楯湖光一片澄泉

石倉詩稿

卷五 聽泉閣稿

一

脉幾迴引引泉歸上池池滿又他之疾徐無定  
響分合有常期予所愛兮山中樹樹裏泉鳴若  
風雨予所愛兮洞旁石石上莓苔染金碧碧水  
丹山日在門高臥聞泉非世喧莫言塵事堪塞  
耳自有泉吟清客魂

茅亭引水至芙蓉池

泉意隨人往茅亭接到池行時俱不見響處始  
能知瀑掛斜陽短蓮開刻漏遲坐閒一無事宜  
是好風吹

荷花堤成試步

獨步沿堤去時逢荷鍾還近泉交遠澗平壘見  
他山散髮長林下披裘五月間無過隱者貴時  
事少相關

送方伯陳公擢留都中丞便道之豫章

舊遊同考績清德是吾師南國稱佳麗中丞肅  
羽儀春雲留去轍江月照相思定過東湖上振  
衣孺子祠

蘇以家壘卿過予石倉偶以他務遲返遣

石倉詩稿

卷五 聽泉閣稿

三

兒子孟嘉陪侍更枉大篇寄答一律

林居人事少偶出負君期留題無鳳字陪侍有  
豚兒茆亭涼氣早荔閣午陰遲薄酒山公醉狂  
歌倒接離

夏日同周虞卿范穆其孫還初丁亨大饗

克廣薛念順葉伯英證弟到北樓避暑

大地盡成暑松陰偏作寒山光連堞古郡勢遙  
樓寬簾掛斜陽薄棋敲翠靄殘憑虛一以眺江  
海氣漫漫



過吳汝鳴齋頭

昔到求羊侶重過徑屢移新林漸以長古塔向  
能垂禮佛最深處讀書多暇時魚遊知甚樂萍  
藻滿清池

閭閣題贈鄧道叶

茲山有仙氣閭閣構其巔開鑿窮今日留題盛  
昔年劫灰千地出秋信大江懸洞峽皆棲鳥城  
壕半種蓮人疑天上語徑向樹中穿月色來滄  
海鐘聲落碧州松濤息復起竹翠斷仍牽命安  
石倉詩稿卷五 題閭閣

過薛老莊贈主人君和

此地昔稱勝居然占一峰倒書三字秘俗眼幾  
能逢石勢樓相倚雲光徑劣容攀躋湏竟日陰  
絕必扶筇坐見空江鳥行聞隔寺鐘方池成獨  
照削壁有千重片雨林間色殘霞物外蹤不愁  
歸路暝遲月出深松

同誨公宿長至臺

擇宿重堦上炎歊盡入池我眠僧獨坐夢夢

偏知午夜星皆倒晴天露欲滋檀欒窓外  
有拂壇枝

月下放泉

山泉久蓄聲一決衆山鳴松籟起相和荷香濯  
更清夜深聞不寐月白看尤明爲問枕流者何  
如孫子荆

范穆其宿別崑局二首

信宿岩局裏閒情勝別情月論何夜好泉作幾  
層鳴野泊需來夢秋衣綻去程如君同調者無  
石倉詩稿卷五 題崑局

愧薛蘿盟

入閭餐荔子歸謁武夷君客路饒清况奚囊有  
白雲汪因生事廢懶與世情分半百行將近窮  
通何足云

贈侯官長孫太叔

侯官古邑越江頭此日榕陰樹影稠甌裏有塵  
終未掃籠中無藥不堪收三年美政馴郊雉一  
種閒心狎野鷗不是使君深覆被那能高枕臥  
林岬

立秋日集陳太始侍御齋頭因贈校書

秋雨乍過蓮葉香輕風遍襲羅衣裳喧呼角枝  
興初發坐中女客稱最長神情宛似冰帶映翰  
墨親將寶袂藏病夫蹙躄卧復起爲聽清歌獨  
倚床

山堂初徑

不覺成初徑蹣跚強一行片雲移石斷新筍出  
籬生曲折因山勢高低繞澗聲長時應却掃予  
意懶逢迎

石倉詩稿

卷三 德泉閣稿

五

新闢山堂未有名稱階前土忽現光見者  
異之因目此堂曰夜光

忽破松間暝何須秉燭遊山空能不夜跡勝自  
千秋雲物昭靈貺風期萃迫流築成安道宅終  
不事王侯

大士巖前下池荷開作供

列石圍雙沼栽蓮在下層空花誰幻出香碧遞  
相疑喜溢添新礪閒偏似老僧倦遊追往事此  
境到何曾

茅亭前池荷花秋日始開

漲後花雖減秋來葉乍長波藏無倒影風定始  
聞香避石根多曲疏泉勢益張喜無人採摘惟  
有浴兒央

用寒山體送瑞光心和二上人參方

衲子不參方渾身瓏裏藏拚將筋力健放却眼  
睛光梅子經時熟蓮花隔水香不知何會下緣  
首肯承當

七夕山池宴集有贈

客爲孫還初洪汝令  
龔克廣薛君和蔣子

石倉詩稿

卷三 德泉閣稿

六

良林異卿鄧道叶葉君節君馨二甥祥  
姬近姬阿瓊侑觴余贈其少者

今年逢七夕微月帶三星最少名紅玉尤堪立  
畫屏開尊迎翠靄度曲見秋螢試問當筵客其  
誰願獨醒

同客到夜光堂

河畔橋成夜山中落此堂客來三曰益賦就七  
爲襄下上樹相接微茫月出光文心何所寄分  
得巧盈箱

何瓊倩紅有雙壁之稱陳太始代之索暗

巧咲何曾吐幽姿未肯降後來應最秀獨立更  
宜雙荳蔻防春雨芙蓉涉暮江香車從此盛那  
得秘雕窓

烏棲曲

鵲散河仍廣烏棲夜向分破瓜猶怯怯詠絮豈  
紛紛阿姆觴頻進軒皇樂可聞東坡曾似我四  
十娶朝雲

武燕卿過石倉別後有懷

幽棲來遠景殊貴遠來朋不意卽投合忘情誰  
石倉詩稿卷五聽泉閣稿

七

日能臥山如恰好行水亦多層觸緒時相憶窺  
人有老僧

福唐相公初度奉贈一律

相公年六十致政五年餘不問世間事惟看方  
外書野人爭坐席海氣結成廬最羨登山興爾  
翮鳥不如

瓊兒侍書墨汚其袖

皓腕牽素絲臨池興逾倍偶然漬墨汁幾點落  
衣袂濃淡着春苔朦朧滴秋靄惜此不成泥辜

負群魚符

題王伯和墳上九芝卷

昔人馴白兔今見產靈芝春雨俄然長秋霜永  
不萎禎祥分地愛孝感自天知濯濯徵三秀層  
層類九疑坐來堪小隱拔出是新枝太末多仙  
氣吾將寄所思

送韓璧哉

投分良非偶論文有宿盟予懷布衣義君尚古  
人情爰阻三年續言歸八月程掛冠無不可分  
石倉詩稿卷五聽泉閣稿

八

袂亦何輕古驛連雲暗離鴻帶雨明東吳遙傍  
宅故里復班荆陳跡空浮世悲歌上固城不知  
山水際何處着蒼生

十四夜同陳振狂山堂望月

今夜月當早山深出較遲銜盃猶可待兀坐卽  
相思巖罅已虛白松林復蔽虧此中幽絕處何  
減習家池

十五夜山堂宴集紀事

山水宜寂莫節令非所論及時體猶健爲樂趣

彌敦美人愆我期企望歷朝昏坐中頻起視谷  
音悸神魂香風何鬱郁玉趾臨高軒賓客咸稱  
善顧此酒盈樽絲竹既凌厲歌喉妙吐吞初進  
覺羞澁興劇聲乃繁浮雲蔽明月俄爲剖其藩  
葛藟寄長松清切亦可援歸鳥罔宿枝游屨已  
填門夜分零露降氣溢尚餘暄泛舟清池上澹  
蕩如湘沅

十六夜

月圓過昨夜歌勝出前溪合部煩登降幽情問  
石倉詩稿卷五 聽泉閣稿 九

滑稽看場明似水坐客醉如泥解得韶光駛胡  
然抱影栖

共學書院呈岳兩律文衡

閩海雖一隅昔也稱鄒魯夫子不我遺儼然蒞  
絃土穆如者清風襲人澹而汙掄才旣已暇章  
教欲其溥曠遠謝塵囂睠此城西墅堂構非不  
備廢欽罔脩舉良會開自今邁志薦千古詩歌  
喻中懷鹿鳴良可取青青多子衿周旋中規矩  
有美曷克藏無疑不盡吐微言爲折衷妙義恍

傾注黃鐘叩屢鳴赤幟拔而豎雲霧豁中天化  
工妙時雨虛往咸實歸迎機隨所遇孰充子慎  
炊願寄梁鴻無詎惟得學半展矣云教父

感舊述懷與岳兩律

橋李城南處余曾寄宿馬湖光雖可戀地主更  
多賢想像如今日蹉跎倍十年眼看兒子長喜  
得立門前

二

下士初聞道伊予久觸藩烟霞成痼疾桃李待  
石倉詩稿卷五 聽泉閣稿 十

何言講席橫秋色歌鐘斷世喧寧須誇設絳唯  
有素心存

送關學博

廣文先生意蕭索日夕恒思潤其橐問誰不受  
弟子錢惟有嶺南關學博滿笥詩書腹便使人  
道何如邊孝先杯浮綠蟻常留客家傍神羊本  
是仙三載一遷何偃蹇雲橫壁水隨君憶烏石  
平臺秋色多正值登高兼送遠

贈王永叔中丞

閩中洵受王家福夫子輶車亦載臨潘縣桃花  
開向實召南棠樹坐成陰才優文武斯爲憲世  
篤忠貞有此心著作居然當大雅吐哺原不厭  
高深屬寮趨府皆成列譯使來庭各効惋片榻  
公餘堪坐嘯三山興發乍披襟降申此日謗爲  
烈嘲孟遺風續可尋霞起赤城標在望雲生滄  
海頌爲霖通家文舉曾投刺遇爨中郎獨賞音  
助業佇看鐘鼎上還添勝韻在詞林

石倉詩稿

卷五

聽泉閣稿

七

答一律

客散如相避那能免客嘲出城迴俗轍在礪負  
窮交別後何時見山中有日抄小扉眠不穩風  
動竹頻敲

送陳用吉

聚首長安道追思廿載餘蜚騰寧恨晚風味恍  
如初仰屋憂農部籌邊待使車遼陽方告急何  
以實軍儲

送程憲長

臨江人

玉筍雲方蔚金臺雪向晴蒼生茲屬望騶馬舊  
知名榕省扳轅別楓墀曳履行 聖明東顧切  
賴爾似長城

送秦川殷州守

專城連遠海按部有名山飲水味何淡臨池心  
自閒銓衡注高等入覲躡清班覺彼攀轅意誰  
能願復還

孫邑侯以署中雙鹿見贈

鳴鹿興呦呦同心若可求昔分廉吏俸今與野  
石倉詩稿

卷五

聽泉閣稿

七

人遊適主無新舊忘機等去留龐公已成隱何  
必更菟裘

送邑侯太叔孫公

欲識民歸戴傾城出送官一年難再借良頃亦  
爲歡頃覺空江隘相依古驛寒紫雲青瑣上翹  
首望長安

送蔡達卿

已下三首皆奉廉

時事可於邑因君重此行長星誰勸酒短劍欲  
論兵薊北燿三日遼陽哭幾城閉門天險在只

少葉繡生

送鄭汝交

今歲賢書上欣看有故人乃知不寐者自昔已  
情真古剎開興復雄文歷苦辛此行堪吐氣長  
可夢松筠

送趙仲貢

甫脫章縫跡公車便有程觀光之上國論價自  
連城年少推燕駿春明聽御鶯單于驚五餌何  
讓洛陽生

石倉詩稿

卷五

聽泉閣稿

七

送吳光卿廣文北上

無諸訕漢士唐宋纔辟舉前有薛令之後有謝  
臯羽薛君著耿介苜蓿堆盈盤謝子負慷慨長  
嘯嚴陵灘厥生問誰地長溪峻以寒兩崖如壁  
立千仞落飛湍夫子粵中彥來茲寄一官橫經  
既以遍尚友亦何難談詩追古趣好客減朝食  
長溪留不住挾策上長安

冬夜集夜光堂聞鶴

陳振任王玉生周喬卿陳克端徐興公鄭

孟麟併予七人

幽禽能好客清響度崑隈自覺天機動非閑露

氣催近人如有意遠俗便無猜澗水翻爲瀑松

陰疊作苔入林增勝美于野轉悠哉谷晦臨冬

節池光照却灰隱隨支遁去遊續鄴中來不是

同聲者虛言好爵開

寄送謝在杭之滇

萬里滇南國迢迢使節臨親朋稀見面夷漢共  
傾心有水皆稱海無花不作林碧鷄金馬跡到  
日一披尋

石倉詩稿

卷五

聽泉閣稿

七

寄熊郡丞如承

汀水獨南流群山在上頭不因圖裏見多向句  
中收雅道何曾病賢聲如此優更聞有詞客千  
里復依劉

藩臬諸公到石倉

閒居一園久欣厭亦相忘何意軒車者來茲喜  
欲狂濯纓聞孺子命駕訪稽康谷隱無如水山  
浮有此堂松根純入浸石髮不梳粧岼澗舟平  
過林踈閣半藏猶龍將問禮瘦鶴已休糧漫逐

赤松去纔傳辟穀方

吳元翰在國懽寺作此寄之

聞君初薙髮寄跡在禪林久已言超俗今纔愜素心  
飄懸巖樹老筆點石雲深未得相從去居然嘆陸沉

葉機仲宿別山園

宿別此巖阿伊人共嘯歌楊移泉至近寒逼歲無多  
鶴逕雲俱掩松門月正過四旬看下上不朽事如何

石倉詩稿

卷五

聽泉閣稿

五

贈徐參知

殿中執法動星辰一片冰壺不受塵西蜀大夫皆北  
面南州孺子是前身談鋒頓覺千人廢意氣能令四海  
親漫道春光隔消息武陵花落有漁津

贈沈參戎

平生意氣邁戎行太史家風舊慨慷然諾不曾侵  
季布威名何必減龍驤橫戈海上看雲淨欹枕山中  
覺日長咫尺冶池神物在夜深明月照

蒼蒼

迎春日贈陳郡丞時攝離司候邑二篆

夫子粵中彥雙旛佐我閩雄才三握篆閨歲兩行  
春喜氣寒爲煥歌聲暮接晨試詢陳仲舉懸楊待何人

葉君節以石岵萊見遺

溪畔生無地盤中覺有香根寧煩漑濯味盡脫膏  
梁石髮憐予短山情似汝長歲寒添韻事聊以慰枯腸

石倉詩稿

卷五

聽泉閣稿

六

除夕

悠悠度歲華真乃是空花泉卓生公錫雲迷少婦  
髻尚留三尺水堪載一浮槎若謂趣應損誰能齒不  
加

元旦題梵高樓

聞梵意已適登高神亦舒伐鐘千樹杪禮佛一  
春初嶺秀獨棲鳥江空纔斷漁山中有此樂人世  
亦焉如

臨帖燈面

開歲惜陶令臨池學右軍青燈自有字白練固  
非裙蛾飛認蟬翼鳥跡吐龍文祇恐時節易連  
將筆硯焚

歌者德孚殊未有名予在林給諫席聞而  
賞之

翩翩明下童誰解暗中索不知曲調悲翻使性  
情樂宛轉有餘思自然無造作誤時亦自佳故  
與周郎謔

戲題

石倉詩稿 卷三 聽泉閣稿

七

孤鶯啼上別枝新誰向粧臺拂舊塵爲問湖陰  
王處仲平開後閣是何人

送潘游戎

豪爽將軍事偏云得趣深易辭身爵祿難舍我  
園林溪路皆丹嶂春林半綠陰往還如快意祇  
作是登臨

同一齋上人到絳月蘭若

入寺更逢寺同僧來訪僧岩分牆一段月掛樹  
千層古意幸無恙幽居誰最能安心如有法何

苦復攀藤

木公珠公汝翔同到施太然池館

琴掛壁間久爲僧聊一彈更携香茗供來就水  
雲餐野鶴叫清夜籬花開薄寒石橋分宿去此  
會却成歡

山木已訂結夏聞其師兄病瘡驚湖亟歸  
省視作此送之

同學卽兄弟山川何間焉在原真急難坐夏輟  
因緣頭怖無端走心安卽是禪驚湖峰頂月一

石倉詩稿 卷三 聽泉閣稿

六

倍出雲鮮

送李玄同

梅塢宅邊隱出門時爲貧不知塵世內何處買  
閒身異地物情別乍遊聞見新休將彈鋏意說  
向路旁人

陳元朋到石倉與陳汝翔同游分韵

城中雖晤語不若在巖阿尚未傳書到却先乘  
興過入林逢勝侶煮茗有禪和岍缺舒新柳池  
乾蓄故荷引泉更竹木放鶴踏松蘿澗草穿山



駛籬花上樹多留題雖已遍招隱竟如何肯負  
相求意春山伐木歌

二月十一日同山木珠泉二上人到妙峰

贈新燈住持

佛會尚云早爲晴先一來懋於巖石上盡見我  
池臺舊衲重泉閉新燈覺路開喜逢龍象侶松  
杪踏蒼苔

浮山堂架上雜花開盡

架上花繁甚無非貌此春迎風纔一咲漏日有

石倉詩稿

卷五

聽泉閣稿

九

千身壁角垂珠網池頭吐錦茵他方曾供佛衣  
械濕清晨

長至臺看白長春

長至臺前路長春花正開懸空無採摘似雪少  
塵埃祇作諸天供恒持照世杯香風如解意時  
逐素波來

岳爾律題聽泉閣偏爲別

去歲君來遊許題聽泉閣今年子臨發果不負  
然諾淙淙閣畔泉清聽了無着卽其飛動勢雄

聲爲少却丰範詎類然意旨存丘壑棲遲在其  
間坐臥欣有託勗此千秋期別仍數日惡絲竹  
妙陶寫山水獨領略風昔情既敦要終豈懸度

汪善卿過別山園觀妓聽曲盡興而去

行路昔云難游情何處愜所懷魯連矢尚彈馮  
生鍊詩句問荔枝篆文攻初素來把入林臂泛  
此方塘楫清蛾魚影沉麗曲鶴聲接臺榭旣屢  
登松泉乃稠疊隔岬有斜陽暑氣不相涉下楊  
連芭蕉入洞眠胡蝶且當一夕留何減千秋業

石倉詩稿

卷五

聽泉閣稿

三

鼓山湧泉寺重興啓土

泉湧無今古山開有廢興布金如地廣薙草見  
臺層了此一多義續將明滅燈劫灰猶幻迹何  
必問胡僧

同徐興公倪柯古鄭孟慶陳叔度趙子含

高景倩林守易靈源洞夜坐

題刻半苔蘚名公多紀遊石橋橫洞腹茅屋掛  
泉頭林氣初迴霧江容轉入幽昔時宴坐者應  
喜客淹留

寄鮑儀部中素

林下問知己意中惟此人純然無俗念纔得有  
閒身世路不堪涉交游誰免貧緇衣爲宿好何  
必改從新

送王用立

邇來立功士無不談遼左廟謨已決勝天心未  
悔禍渡河師不利入穴測仍巨尸骸積如山斬  
獲餘幾顆遙望醫無問片片黑雲墮七萬義軍  
喪孤城誰守塚坐遺霄肝憂拊髀思牧頗王君

石倉詩稿

卷五

聽泉閣稿

圭

負奇略平生多坎坷願借席前箸堪寄北門鎖  
上將在伐謀斯言豈欺我彼皆烏合衆勢如燎  
原火撻伐雖用張臨機貴知可夫子行三軍不  
與由也果

送喻宣仲還豫章

氣候驚偏速清秋在夏間易生游子感坐趣故  
人還強出無餘地含情有故山不知猿鶴意平  
昔最相閑

送常僉閫留守鳳陽

驪歌把酒別情酣壯士行行一劍堪闢海妖氛  
連嶺北鍾離王氣在淮南春秋赴闕班爲兩湯  
沐稱都列有三聞道遼陽猶轉戰肯將韜略付  
清談

羅星塔啓土同陳方伯侍御二公

清旦陟彼咀四望渺無寄海風自南來令人有  
遠思浮圖立中央遙峰映蒼翠靈光誰獨存修  
舉當闕墜相承見古今踐迹度方位鞭石賴神  
功團沙豈兒戲匪辭物力煩且喜人文萃一簣

石倉詩稿

卷五

聽泉閣稿

圭

此云始千花終表異夫子論爲山往也以平地  
十五夜由峽江乘潮而上月色大佳同舟  
者陳太始徐興公鄭孟麟方佳士張鴻  
肩林守易陳德案張道羽也

峽路不知遙空明在此宵櫓聲全擺月樹影半  
遮潮遠火來江口微雲出嶺腰居然人境絕何  
必待仙招

十九夜同鄭孟麋林守易方佳士蔣子才

山池汎月

晤後隔三日形神覺尚道聊携江上興來向谷  
中遊妙理談微析清歌思轉幽恐驚雙鶴意林  
影蔽山樓

念一夜浮山堂月出光景奇絕漫作宗語

叩藏公茂公

曲罷酒闌音尚嫋半輪月掛蒼松杪粉壁紗窓  
暗處窺恰似五更天弄曉天曉未月華澄此是  
宗門最上層信步水邊巖下路何須深樹覓殘  
燈

石倉詩稿

卷五 聽泉閣稿

重

池內荷花盛開

豈似若耶溪荷花夾兩堤空香凝露住翠蓋壓  
雲低開落千層別聲歌幾處迷謾論高潔者原  
自出污泥

二

衣上皆荷氣遙遙未到塘風須兼日好葉勝似  
花香喻法應如是攤書牘欲狂萌亭半在水何  
必倚胡床

陳叔度過宿浮山堂聽德孚曲

久雨却宜宿前山真若浮昨朝晴半晌十里步  
來遊壁漏難眠鶴林疎尚喚鳩銷魂檀板裏時  
得醉清謳

送孫還初之清源

坐隱苦難隱手談誰與談六朝崑論品百勝詎  
云貪苦雨天應漏清泉地近南去詢裴道者遺  
蛻照燈龕

寄丁亭文

因君纔薦客客去更思君林下未無事朝中誰  
石倉詩稿 卷五 聽泉閣稿

重

解焚早禾偏損雨秋月不開雲予欲江湖去鴟  
夷好作群

送周司理景文

風行被無跡喻德唯曰清詩人詠羔羊以爲仕  
者程夫子理予郡七載恒持平苞苴絕不入聽  
斷誰能榮葛公心如枿隨物云重輕泉貪故可  
酌石隱依然明興言荷內召驅車以比征高風  
被逾廣寧但在七城四海起頑懦千秋同此情  
七夕王永叔中丞招宴新樓同林給諫陳

侍御池廣文賦 公自署軒軒霞舉四字

詩情令節每相關霞舉軒軒對客閒把酒欲催  
牛女渡登樓先見越王山鳥啣秋色來窓外風  
送潮聲入座間幕府清高塵不到幾人能聽雅  
歌還

贈別歌者德孚 四首

歌喉絕一世當歌如不欲強之以再三始爲歌  
一曲曲中像昔人其人溫如玉思清秋月明腸  
斷春草綠有意無意間掩抑斷仍續匠心故深

石倉詩稿 卷三 聽泉閣稿

五

賞里耳難入俗此道原舒徐何用相刺促

園居頗幽勝物情多動遷來遊曰好事誰暇復  
留連以子故善病同類所棄捐光景逾九夏漸  
入秋涼天林開乍調鶴月出時放泉晨鐘僧飯  
罷高枕猶晏眠閒時學禮佛夙習如現前縱疑  
非鶯子亦恐爲伶玄

虎頭有三絕癡乃居其一彈碁何事手角巾咲  
沾溢正當得意時倘若有所失心計如轉粗涓  
城歌不出從來擅絕技造化乃憎嫉坎坷違所

願非由在今日了不解予意何事與親暱有才  
但足憐其餘曷遑卹

夫子與人歌亦有稱善者逸少紆別懷絲竹烏  
能舍詎必識西施然後知美冶一往有深情差  
足存風雅卿當棄我去孰可爲陶寫晤言山水  
間秋光滿林野

石倉詩稿 卷三 聽泉閣稿

五

石倉詩稿 夜光堂

閩中曹學佺始著

同社陳 鴻叔度校

曾孫岱華重梓

中秋夜招集諸子汎舟山池因宿夜光堂

分得五言排律體四豪韻

客爲陳汝翔  
陳振任王粹  
夫張維成崔徵仲徐興公高景倩陳叔  
度趙子含李明六吳明遠張粵肱爾瘠

人上

由來翫賞地難得金風騷白露秋居半青松月

上高巖深時露火水澗可容舸蟾魄映波滿虬

石倉詩稿 卷五 夜光堂

一

枝扶岍牢村童喧逐懶詞客醉持螯入洞雲方

闕聞泉夜益豪藤蘿牽若綬桂子落方袍豈必

枚乘賦遥觀八月濤

社集高景倩齋頭談及遼事志感

歸田六七載未曾閱邸報從容談宴間忽及遼

陽道邊庭如敗葉隨風疾而掃開原被圍急鐵

嶺傳賊到羽書馳刺閨一日三四告 主威既

不測臣年將及耄安知統袴士陰不爲向導所

以墜城下其斃應茲倒狡仇遂啟疆僭立偽年

號窺我山海關恐漸入堂與人謀實不臧胡然

誘天造召兵自遠方風氣異寒燥鯁糧有饑色

沒陣寡音耗居人盡流離枕藉紛相蹈彼無所

依歸祇折入寇盜何不招撫之曰以仁易暴壯

者隸尺籍老弱守田稻訓以坐作法因而添賊

竈借筋若可籌卮酒聊慰勞

九日登高石倉因憩妙峰寺同陳叔度吳

汝鳴龔克廣二優三妓共成九人

九人值登高三女稱曰粲將以娛志意詎惟免

后倉詩稿 卷五 夜光堂

二

災難浚壑巖巒聚衝飈木葉散時序既奄忽行

樂猶衍衍昔云重粉榆鱗次皆里閭人稠物漸

稀沙長潮欲斷隔岍有青山翠色遙可翫寒磐

落雲杪清尊來澤畔入寺訪高僧叩途纔及半

石齒屢鉤衣松根或礙腕嵐氣乍深肅江容亦

迴換塵念喜蠲除梵聲聞誦讚蔬食茹我腸奚

用攢眉嘆

寄答譚友夏

妬爾金陵渚同聲日有群那堪予獨處總得一

相聞作者作皆合神交神已分使乎與之生隱  
矣焉用文楚岷迷楓葉闌山易夕照居間誰最  
便吾欲托匡君

王永叔中丞過石倉山池賦答

由來直性狎烟霞山簡傳呼到習家苔徑不妨  
衝雨侵秋林半吐拒霜花但留白石清泉供豈  
效青山翠幕遮最喜江天成晚霽芳樽還對夕  
陽斜

沈遠心郎丞自莆調淮安索贈

石倉詩稿 卷三 夜光堂

三

防海旌旗耀日紅綸巾羽扇詠秋風轅門乍解  
降奴縛中路還收斬獲功華萼雲霄聯步遠木  
蘭陂水片心同九仙漫已尋高躅更向淮南問  
八公

翁君崇選合州守乃予備兵巴東舊轄地

也賦此送之

驛亭樽酒映雙楓情景相關迥不同文舉通家  
原奕世韋宏領郡自仁風寺名夜雨巴山麓城  
倚春江石鏡中笑我舊遊無遠夢空留詩句在

川東

監司費公初度爲立冬日賦贈

穆穆清風賦一觴人如冬日愛偏長分司最近  
芝山麓合劍猶懸斗漢傍好士真如羊叔子延  
年何必費長房屯田黃海籌軍實公暇還應過  
草堂

徐興公入滇訪謝在杭過石倉山房宿別

去歲臨冬夜山齋遞唱酬今宵聞鶴唳偏感別  
君愁地遠變寒燠山多在上頭涓陽情更切豈

石倉詩稿 卷三 夜光堂

四

但爲依劉

友人以芝卿二字易女郎名索予詩將之

曲調已從新名稱未絕倫聊將三秀草移贈一  
枝春腰帶幾時緩歌喉難重陳檀郎乍相喚猶  
恐喚他人

吳興茅孝若到予正爲生孫彌月作湯餅

會因借光首席志喜

我昔在南湖生子乍彌月今歲復生孫垂肩半  
華髮君意自千古交情同肉骨命駕慰相思停

舟興逾發我正集親朋視刺猶髣髴勿擬在盍  
簪方來曰未紱眷茲湯餅會香氣何鬱鬱徵歌  
隨俗音充筵惟海物但令車公樂誰喚子雲吃  
老翁忽漫成吾道豈終訕有酒聊盡觴無生終  
佞佛

冬夜同孝若振狂明遠步月到石君亭

興發在清夜舍舟而且徒山光分外好月色此  
中孤水鳥索群戲嚴僧應客呼煮茶分佛火悟  
法得心珠鶴夢閒時有林香覓處無自非招隱

石倉詩稿

卷三 夜光堂

五

客誰復問潛夫

胡以會憲副假館潯陽自都下還宿予山

房賦十二韻如數答之

匡廬及故園予並構林軒所在期適志獨居聊  
省煩夫君有同好攬勝必窮源千古此朝夕寸  
心惟晤言青山欣在榻白鶴願開樊菊影留花  
塢松聲撼簾門谷泉探倍冷冬日負餘暄仕路  
同棋局生涯任酒樽行藏十洲記疎密一江村  
居里但爲客省家聊抱孫國離深未復肉食鄙

堪論誰識狂歌意西風吹斷猿

詠美人含胎二首

燕姑微蘭日王昌始嫁年乍停飛燕舞將叶  
熊篇似病腰寧瘦無書腹亦便欲行頻顧影自  
覺費周旋

豈謂妾無子那容卿有勛懶吟楊柳絮添製石  
榴裙洛浦難迴雪巫山不作雲倩誰問名字驗  
取手中文

題孝若像

石倉詩稿

卷三 夜光堂

六

十年不見君相對誰相親今朝覩君像對君成  
三人白雲護離舍流水遶松筠安石拄手板林  
宗塾角巾時名方籍甚古誼還重陳入山何必  
深展矣稱山民

孝若題予石倉六言絕句十首短長不諱

曲盡其妙予答以古風一首聊稱解嘲

云爾

閒居已數載門可張羅尉林壑多烟霞平生此  
經緯饑斯泉水樂寒則木葉衣田瘠鹿代耕厨

空僧轉乞亭臺劣有之高閣初猶未離棘無編  
限遊人日如沸目前誰主賓留中寡涇渭晨興  
視朝瞰高松上已既有客倏忘懷疇爲供廩餼  
其餘多率略信如君所謂細繹詩中旨居然林  
下氣

杜集薛老莊邀吳興茅孝若各賦排律分  
得八庚韻是日主客十四人姬子三人  
季札之魯漫云周禮在茲謝傳登山自  
覺晉風未遠

石倉詩稿 卷三 夜光堂

七

薛老留遺跡無諸傍故城塵囂絕隔斷別墅此  
經營曲磴臨無地層卽陟再成石渠寒溜積海  
邑暮烟平上客耽詞賦佳人識姓名論交非一  
日度曲有雙聲座煖觴行數山寒月上明千秋  
今夕會詎作漫逢迎

姬人各分一韻予代長君卓氏賦得三肴  
翠管時調鳳珍珠暗泣鮫香車停碣側別業在  
山坳曲隊尋芳侶詞場託素交梅花含嫩蕊竹  
箭長新梢酒氣遙相人琴心未許拋張燈疑煖

閤欵袖怯寒郊自昔應謗粲從今解免嘲夜深  
簾外燕忘却覓歸巢

次日再集平遠臺時主人稍有增減客子  
亦動離懷卓氏長君香車獨步定生野  
衲清供同筵是集也燕厦方新喜朋樽  
之輻輳驪歌欲罷盼仙路以逍遙請更  
投籤仍題八韻予得漁字

會以連朝勝臺斯命宴初兩山沿列雉一水見  
歸漁曲自分銑吹幽徇待綺疏松根成下上石  
石倉詩稿 卷三 夜光堂

八

勢出空虛境寂隣于寺笏來近所居佳人能獨  
立開士悟道如頓覺離情滿那堪雅道疎白駒  
有遺歎可不嗣音書

宿定生禪房

月白臺空後松梢歷幾層晉無一客寄宿傍  
孤僧紙帳居其潔詩瓢掛未曾山中禪誦早霜  
吹射寒燈

叅知魏公以長至前初度賦贈

按部咸稱大有年開尊正值小春天籌添海國



中書省宴借虹橋魏子騫啟事聲名猶籍甚考  
亭山水自依然聖明東顧心方切夜半還須到  
席前

柳南新居值雪同廖淳之商孟和陳可權

陳有美芝卿分得潭字時孟和有吳姬在因開

薄雪覆深潭圍爐入夜談已須墜戶北不信在  
閩南柳短枝猶潤梅香盡更含姬人一水隔獨  
寢意何堪

聽泉閣送淳之共用泉字時定聞華茂兩

石倉詩稿卷五夜光堂

九

上人至

香茗結清緣無期坐聽泉蚤梅和澗雪午日弄  
厨煙閣煖重林覆江寒去路懸山僧同此別猶  
足記殘年

浮山堂看晴雪同淳之孟和芝卿分得堂

字

自有浮山景終成對雪堂坐來錦步障放出玉  
毫光枕上千聲失松間幾點藏却憐多變幻猶  
得映斜陽

初三夜復雪喜陳叔度女即長君至同用

君字

晨昏同一候雨雪未曾分喜得心無累熱之事  
有文山訪安道波上度湘君徙倚長林暮鐘  
聲尚可聞

泛舟見早梅全淳之叔度孟和芝卿長君

共用六魚韻

棹發越梅發風餘兼雪餘依然臨水曲何必問  
村墟過岸防枝損迎香出扇初弄珠纔可擬漫  
石倉詩稿卷五夜光堂

十

許落裙裾

移宿夜光堂得咸字

池頭新月落谷口白雲銜寄宿隣支遁清言得  
阮咸拾薪供茗粥鳴磬出松杉未許江風息遲  
明帳去帆

初五日浮山堂見新月喜鄭孟麐路以狂

至而孟和長君以前後行

會已淹時日自然成去晉鷁飛投水驛鶴唳憶  
山樓解佩人何遠當尊客善謳前林徒極目新

月掛如鉤

陳叔度宅小酌因過宋鄭丞相園看古碑

奇石

折簡偶相期驅車問所之馬卿徒壁立鷄骨有  
床支罷酌捫吳石登樓見宋碑兩山寒色在猶  
向露臺披

臘日同駱以狂陳叔度林異卿吳汝鳴飲

喬氏諸姬閣上分得雲字

小閣簾垂滿青山露幾分開尊逢臘日有女喜

石倉詩稿

卷三 夜光堂

二

如雲曲向花間度香從茗裏聞欲知春色早惟  
有醉紅裙

冬夜集吳汝鳴齋頭分得霜字

銀燭閉流黃鉤簾出盡廊梅花清似水月色淡  
於霜恰有佳人並能容客子狂溫柔鄉可醉何  
必白雲鄉

踏月廊喬美人蘭分韻予得二蕭

廊頭無幾步踏月趣堪遙清淺盡良夜依稀似  
畫橋蘭香凝翠袖石巧闌纖腰豈必誇銅雀總

能閉小喬

贈憲長洪公

古栢亭亭肅憲司漢官原自有威儀法星獨望  
垂天上化雨三經到海涯中外共推行秉鉞弟  
兄相見每談詩閩南春色梅花早已傍瑤觴吐  
幾枝

初度日集臨賦閣得八庚韻

凋零蒲柳質欸洽薜蘿盟妓飾凌波照朋尊對  
石傾歲飛華表鶴春度綺疏鶯隔岸梅花發還

石倉詩稿

卷三 夜光堂

十三

應待月明

雨後同鄧道叶到石林看梅

山將石作林梅向石邊尋遍歲幾能暇多君同  
此心色連雲外白香似水中沉宴坐空亭上寥  
寥聞梵音

次日雨甚安蓋卿將軍復招集石林分得

晴字時女郎長君在坐

尋梅不厭數憚雨幾時晴今日登山裏尤須着  
屐行佳人堪比素醉尉舊知名彷彿藏閹戲分

籤酌兕觥

初霽過薛老莊看梅因訪董宗相大理時

主人薛君和携尊

石壁孤懸處梅花最勝時既容三徑闢那靳一  
尊移積雨矜初霽群峰映滿枝爲詢嵇叔夜今  
日慰相思

洪汝含招集半嶺園看梅女郎長君喬蘭

小雙同遊

度嶺復窺園初晴遊思繁殘流皆赴壑一樹獨  
后倉詩稿卷五 夜光堂 三

當樽寒意遍城市幽香凝晝昏美人偏解事携  
手上高原

夜宿吳汝鳴齋頭紅梅一株開未及半時

同鄭孟磨鄧道叶女郎長君喬蘭秉燭

索觀予因賦之

梅花偏耐雨未作洗紅看裊裊藏金屋遲遲待  
玉蘭春前迷蝶易燭下辨枝難何忍一攀折吾  
將贈所歡

返石倉移舟到語江亭看梅

山園梅放早久雨恐應稀誰信移舟至  
主歸樹交兩岸合天閭一重圍忽訝池波漾  
痕出釣磯

聽泉閣紅梅盛開

嵯峨疑無地梅枯尚有花泉浮香一掬壁掛影  
俱斜深樹隱殘日踈鐘催落霞歲寒無可戀惟  
比共僧家

荔閣枯梅一株爛熳如雪

園中列諸景茲地不相連故有一梅樹莫知何  
石倉詩稿卷五 夜光堂 古

歲年清池祇獨照碧荔時纏綿林下饒風韻吾  
將曰老焉

長至臺左右皆梅有一樹與竹並生予見

而異之

竹裏有梅樹臺前無別花綴香成帶同詳玉映  
山家鶴柵將迷路魚陂尚可櫟玲瓏八窓啟坐  
此閨年華

臘月二十八日同陳叔度林異卿吳汝鳴

道叶女郎長君再到薛君和山庄看

梅分得仙字

春當二日近花已十分全爛熳真如雪遊閒卽  
是仙不然愁遂裏何似樂樽前縱得重來看人  
皆老一年

除夕同僧坐聽泉閣夜歸

歲去行將老僧來不厭頻落梅分半樹雙鶴妬  
閒身谷邃聞街鼓泉清却市塵那能遽免俗酌  
酒復烹鱗

庚申元旦書懷

是日迎春

石倉詩稿卷三

夜光堂

五

正旦人多暇傾城出看春蛾眉分甲乙鳳曆啓  
庚申聞道千場競從渠百戲陳誰知寂寞者抱  
影在江濱

遼事

遼事聞方棘林間痛癢均害成應有以逕度詎  
能真法必煩司寇謀誰及野人丁錢催應募不  
敢齒鄉紳

初春五日同陳振狂陳叔度鄭孟麀吳汝

鳴登石倉山觀江中落照

磐石夷且廣寒塘靜垂釣顧視崑谷暝斜陽有  
遺照諸君適見訪文藻稱同調厝身旣以高極  
目于雲表丹砂賦江淹綺霞詠謝眺隔歲梅尚  
榮當春草猶小何必羨飛仙行空徒縹渺

石倉元夕行

石倉元夕有燈事詞客城中聯袂至夜光堂上  
光陸離聽泉閣前泉鼎沸蘿爲帶芳烟爲籠高  
下垂兮西復東忽訝芙蓉先夏吐還疑躑躅映  
山紅斜陽猶未落月明羞閉却寶積如來座黎  
石倉詩稿卷三

夜光堂

六

然天祿閣形似皆云戲機巧偏成謬憑誇學士  
已焚魚謾言廷尉堪羅雀古洞青霄不知曙斷  
崖彩石行堪補女伴相過油壁車狂生獨試漁  
陽鼓鼓吹聲喧出畫屏凌波羅襪拂春星松下  
已無堤可踏棹中還有曲堪聽

呈畢方伯

還珠自昔有雙門此日依然頌漢恩閩海春來  
波面濶方山午對岳形尊橋梁政立人皆濟桃  
李蹊成自不言若聽鶯聲求友思林間還擬駐

高軒

二月初九喜雨集倪獻子園館

從來春不早二月雨方新樹葉遮簷溜池痕侵  
釣綸梵音傳隔寺香氣醉佳人盡日有如此曾  
中誰着塵

雨後過倪獻子山房

石路何其險山泉不厭多穴開疑務相室隱似  
維摩雨隙剛知霽春分正及和臨池有佳興時  
換右軍鶯

石倉詩稿卷三六夜光堂

七

集王永啟池館同用一先韻

閒居門巷但蕭然餉客恒愁乏酒錢碧柳鶯聲  
酣霽日清池塔影墮寒烟交游早已還初服筆  
研多應有宿緣眼底春光容易老寧湏惆悵落  
花前

城西小寓架上薔薇花紅白二種交加盛

開因與卓氏長君賦之

亭亭欲上勢偏賒二月春光盡着花隔日雨晴  
紛不定幾枝紅白巧相加凝粧恰對奩前月取

醉驚分盞底霞豈必相思堪折贈留儂原自有

西家

丘克九吳大旆遠訪石倉臨別賦贈

東風習習柳垂條書掩岩扉坐寂寥命訪特來  
溪上棹落成初記竹間橋門前舊沼添新澗霽  
後千花迸一朝此別應知求友思鶯聲暇日出  
林嬌

雨中王主生康仙客招集洋尾園共用池

字

石倉詩稿卷三六夜光堂

六

亭臺掩映柳垂絲堤畔開尊欲暮時雖獲野情  
還傍郭待占山色倒看池青苔白鶴行偏慣片  
雨踈鐘到每遲檀板底湏催客散西窓剪燭坐  
談詩

安蕙卿招集西湖泛舟予因雨不赴仍用

諸君所拈平字韵作以解嘲

春流臨泛畫船輕雨裡千峰入座明爲問驪珠  
誰句得空傳琥珀有杯傾開門咫尺如天遠湖  
水微茫接斷平我亦迷花最深處不然何以破

愁城

上巳薛園修禊分得三肴陳泰始直社

楊柳時依依竹節亦始苞暮春服既成行樂與  
時交游魚習在水飛鳥戀其巢凡物有恒性于  
人匪獨滄聲氣自求合奚啻漆與膠四海皆兄  
弟何者爲同胞

吳光卿徐興公康季鷹集浮山堂共賦五

言古風分得展字

墜戶時讀書開尊爲迎客不逢快意事浮光祇  
乃倉詩稿

卷五

夜光堂

九

虛擲媿予拙草玄展侍橫經席綠楊牽畫舫青  
苔納游屐宿雨重林閉新流四岫闢異卉耀芬  
葩仙禽拂羽翮合坐揚清風披陳皆古昔眷言  
今日會友者獲三益

同陳叔度薛君和登道山絕頂

登高而遠望環城亦皆山東際極滄海潮汐自  
廻環山川祇如故人生倏頽頽疇能秉遐尚匪  
戀頃刻歡欲踐青雲梯媿我乏羽翰行年四五  
十無聞徒慨歎

吳興華大生清漳黃維良廣陵駱以狂及

社中徐興公陳泰始陳叔度李子山陳

磐生吳汝鳴林異卿商孟和女郎長君

再集石倉初憇琴香榭泛舟宿夜光堂

分得徑字

芳辰恣宴會有容亦初訂虛室聞妙香曲堤鎖

幽徑鮮花牽柔蔓點綴疑綵勝白雀林間鳴空

谷乃相應畫幟弄湖水當晝轉明瑩茶竈揚輕

烟山堂拾危磴美人遠如期臨觴發佳興松翠

石倉詩稿

卷五

夜光堂

三

增薄寒江光稍遲暝華燈燦以繁縞帶獨有贈  
寄宿雖隔林流泉乃同聽

興公叔度孟和再宿浮山堂分得春字

忽復池頭暮都忘月色新燈幽時驗雨花重故  
勝春濠濮此間想禽魚恒覺親但能留客宿便  
不是家貧

送陳道掌之夏津省其少尹伯父

真與予友  
舍故及之

少尹綬仍黃題詩一寄將新交爲小阮舊友憶

東床貨酒榆錢薄攤書草帶長閑歌齊右地知  
必駐高唐

曾用晦工部招同陳泰始侍御王未啟督

學鄭汝交孝廉徐興公諸子登平遠臺

臺成朋侶數招尋喜在城中憶遠臨觴妓登山  
安石興江湖戀關子半心流鸞碧草原同候落  
日歸雲共一林遶左于戈猶未息東望滄海氣  
陰陰

送吳汝鳴入太學

石倉詩稿

卷五 夜光堂

主

以君將話別相就到城中問字慚揚子通家美  
孔融金臺聞買駿玉塞竹來鴻自有劉蕡策誰  
和魏絳戎

送潘郡丞之任關封

春深古驛亂鶯啼芳草連天沒馬蹄毛義欣然  
承邵檄王尊親自捍河堤城臨汴水秋光遠路  
迷梁園月色低試向夷門問朱亥千年俠氣有  
誰齊

三月晦前一日集李于迷黃晦之陳叔度

石倉臨眺分韵

春徂漸交暑流光歎何冉池面荷團團草際螢  
點點茵褥將去榻南窓欲鋪簾門徑隨荒蕪書  
帙靜堪檢有客東越來攜詞工琬琰賞我園中  
勝質不為華掩點綴如有情位置曰無玷登樓  
快矚江移舟疑入剡仰攀松作蓋俯遵石為戶  
飛雨忽以過山光為乍歛雨歇峯逾淨螺黛青  
若染變幻在頃更人工詎增減浮名付東流斜  
陽薄西崦時舍考槃樂而就世途險

石倉詩稿

卷五 夜光堂

主

四月望日社集西湖泛舟共用七言古風

分得八霽

時沈仲含李于  
述自越中至

楊柳津頭木蘭桡笛鼓齊鳴隨風逝經旬雨潦  
飽新流首夏清和暢初霽有客居停歎蓬梗主  
人席饌調蘭桂東湖西湖雄越疆此地粗疎無  
點綴繁華自昔聞偏安風景于今尚迢遞孤嶼  
中央有殿基高城北去連山勢芙蓉翠黛闕鮮  
粧水面峯頭稱並蒂試聽滄浪歌濯纓共醉鞦  
韆唱連袂何處王孫歸不歸斜陽芳草柴荆閉

夜來寧湏秉燭遊月出餘權爲可繼

寄懷潘郢白憲副時備兵南韶

往歲山公牘予曾到始安以君之鎮日翻作有情看遠俗歌來暮遺篇誦到難燕臺明月下猶夢昔鷄壇清遠峽有到難篇故云

臨賦閣小集同芝卿長君賦

水滿閣彌空山浮到水中陰晴兩持會南北不分風竹色侵杯綠榴花映袖紅佳人欲度曲催向板橋東

石倉詩稿卷三夜光堂

三

閩俗午前一日度節沈仲含詫以爲奇因

宴浮山堂話別

閩地殊風候端陽兩日分人情安舊俗客思駭新聞鶴舞欣初霽菱歌隔暮雲蘭舟勿遽發伴取石榴裙

梵高樓觀漲同李子述陳叔度鄭孟麟分韻

五月江聲壯山山瀑雨飛登樓孤客望問渡幾人歸林密光初過沙平跡尚微方池幸如故穩坐釣魚磯

納軒初成同子述叔度孟麟夜坐

茲軒似隱者踪跡自沉淪蔭有百千樹坐宜三兩人轉於僧舍近堪與鶴巢隣山雨瀟瀟外詩成此夜新

甬東李惟遜隨父游閩喜在烏石山讀書

予社中因作烏石讀書歌以美之

世間極多文選樓與夫太白讀書處前哲高風自可想何必遺踪有公據子瞻論人亦草草小兒強解成名早謫仙醉狂乃服舍黃鶴樓詩讓

石倉詩稿卷三夜光堂

三

崔顥四明李生好讀書行年不滿二旬餘斑衣膝下歡承舞烏石山頭願結廬此緣未必能輕遂子云父在觀其志予也三山社中人社中作詩美其事

題商孟和畫送李子述歸甬東

夏日林樹榮高低復蒙密蒼蒼雲霧裏多少山水窟何處結茅茨其人想遺逸君但住山中山中無得失

卓氏長君欲嫁王郎過予石倉話別偶檢



案頭有唐人絕句因與李子述陳叔度

限字作四絕送之

行行別我重行行欲嫁王昌事已成來時十里  
洪江路步步皆添去後情

苦思吟詩帶笑看幽情能觸意中歡從今流水  
彈無緒漫道陽春屬和難

不下當年玉鏡臺內家粧束任誰催縱然青鳥  
能銜信畏看檀郎不敢開

藕花初發盡橋邊喜得幽香一夕眠漫說花開  
石倉詩稿卷五夜光堂

人不見尚留清影在波前

送沈總戎之登萊

遼陽烽火近東萊選將無如頗牧才文士山中

魯勒石神仙海上此登臺三秋巨浪因風破不  
夜孤城向日開聞道膠西師捷後契丹心膽化

成灰

送洪中秘汝舍比上

因君復上長安道憶我閒居八九年借書可是  
帳中秘醉酒每從爐下眠御苑鶯聲無夢到離

柳色有情戀東山且盡謝公興後世誰知揚

子玄

森軒初成宴集分得七虞韻偶裴翰卿王  
龍居二客到故未及之

遠岸已模糊人行辨有無水心一行樹閣面兩  
重湖皓月中宵映南風永日俱裴王來眺詠何  
似輞川圖

茗陰坐月

古荔濃陰下前山忽吐光似烟似露破幾葉幾  
石倉詩稿卷五夜光堂

枝長月出分諸影風來不辨香石欄扶不盡彷彿在東牆

竹醉亭避暑同陳泰始小蘇美人

園內應銷暑時時隨坐遷若論全日好惟有此  
亭偏荔子堆紅雪芭蕉漲綠天美人羅袖薄搖

曳在風前

臨賦閣聞鐘和陳叔度

山閣鐘初動聲來水閣中纖塵無隔處片月此  
時同表裏八窓徹清冷萬慮空客竟悄不寐長

步石橋東

王龍居過別聽泉閣

重林閣已暝閒坐問生年予忝鄉書辟君當孤  
矢懸老因渠輩覺狂得壯夫憐吳越遨遊處應  
多山水緣

徐興公鄭汝交鄭孟麀直社平遠臺避暑

分得五微韵臺傍亭榭時盡修復

法界清涼暑氣微招尋無恙芰荷衣層層粉堞  
穿林出面面青山對雨飛江海廻環成匹練亭

石倉詩稿卷五夜光堂

毛

臺錯落似珠璣酒酣臥向仙床上消息應同靜  
者機

讀李四可給諫疏草感賦

幾點秋霜傍使車囊中諫草出焚餘直于言路  
求還有法到邊城敗始踈長孺淮南謀乍寢賈  
生宣室問何如讀終掩卷應三歎草澤狂歌祇  
媿予

劉抑之勳卿信宿石倉遊汎甚適于其別

也情見乎詞

累夜松房夢涼風桂棹生水鄉遊乍愜卿月照  
同清道氣寧關俗神交不問名無論去與住戀  
戀薜蘿情

同米彥伯陳叔度鄭孟麀陳道掌趙子含  
高景倩到妙峰寺

園居雖自勝古色讓浮屠秋漲江流亂山深暑  
氣徂雨過妨蠟展澗出溢香厨欲與窮名理松  
風有韵無

贈勞郡伯

石倉詩稿卷五夜光堂

三八

青鳥銜書度絳河黃堂樂奏自中和開尊壁月  
飄香早下榻松風薦爽多公暇三山時蠟屐民  
間五袴復聞歌湖陰邂逅俱年少今日誰看鬢  
髮皤公與予同庚予早衰且  
神明遠不逮故及之

安蓋卿七夕直社平遠臺偵因

國喪移期八月初七日始成各賦八韵時米  
彥伯

在座彥伯  
楚蒲圻人

國制嚴初解騷壇席更移雖然非巧夕總不外  
秋期馬石隨江漲鴉池似月規登臺迎野盡飛

蓋惜荷衰漫學何仙訣驚看楚客詞峰巒連不斷晴雨互堪疑妙曲投清籟新涼起濯枝何須憚泥滓理屐任遲遲

酬贈熊良孺食憲

觀人匪一端重在其所與操衷惟耿耿摘詞乃楚楚風流魏晉間直置諸裴褚清通擅當時陽秋妙不語伊予邱壑姿獨立寡儔侶夫君有微尚金石謬云許既見心則夷山川胡甚阻霍童與太姥神仙夙居處何時並遨遊翩翩以霞舉

石倉詩稿

卷三 夜光堂

三

送王永叔中丞還豫章

夫子拂衣去閩中無二天不知豐稔樂惆悵別離筵籌海竭諸慮論功非一年聖明方眷碩林下豈長眠

九日石倉移舟登高同廖淳之陳叔度高

景倩林異卿鄧道叶匡僧恒度羽士臥雲美人芝卿小蘇各賦七言數絕句任觴茗之自如信色空之不二用卜其夜誰悲此秋

石倉池上試新舟汎汎輕波逐去鷗兩岫芙蓉花似醉樽前誰分獨醒遊

雲邊澗水落淙淙携手烟霞物外蹤欲覓秋光何處是一層崑壑一層松

結社偶同匡惠遠雲遊何似費長房別無塞北江南客不省登高望故鄉

東籬寂寞竟如何畫舫時時送酒過留着一樽還有待菊花雖晚却能多

路入崑崙羅薛垂禪燈明滅望堪疑聽泉閣畔石倉詩稿

卷三 夜光堂

三

無多地月色全堆一小池

籬邊古井片雲橫鶴睡人過了不驚落月半橋聞梵起敗荷深露覺香生

憩洪山寺訪惺公

途間苦熱已深秋作計尋僧此暫休但聽濤聲來滿寺不知松際與潮頭

米芾伯孝廉還楚中到森軒言別同社陳

子行高景倩陳惟秦林異卿陳叔度出江渚送之

予賦五言絕句四首屬諸君和焉

別緒常草草誰能復躊躇臨行君偶病多得數

朝居

菊葉自新移蓮香猶不退齋頭淨如洗兩點泉

眼碎

秋光信可步叅差來友生握手此相送以君無

世情

薄遊難久住況乃是歸心體內乍云愈天寒前

路深

送臥雲羽士

石倉詩稿卷三 夜光堂

圭

偶爾相逢非有意飄然別去亦何妨此生本是

孤雲客遙指孤雲是故鄉

石齋前礪地得泉一勺許予見而悅之同

客陳惟秦叔度陳子行高景倩林異卿

各賦六韵

秋光已自遠泉意何其近開鑿詎人爲位置本

天分石齒媚清姿齋頭添逸韵香從蓮下生跡

類牆東隱祗可來涓涓不堪受汶汶匪徒篤予

好聊以荅客問

吳光卿之柳城瀕行出其長溪小亭序

予已爲塞白仍作七言古風送之

昔日潯江八龍見江南別置龍城縣至今晃漾  
有玄珠射入澄潭光一片聞道龍城卽柳城柳  
州刺史舊知名種樹江邊今幾換省形祠下尚  
如生桂林象郡名何古馬援南征擊銅鼓舟洞  
尋真遇逸人烏蠻感化歌吾父君携行卷光陸  
離媿我殊非黃絹詞獨懷千秋一掬泪臨風洒  
向羅池碑

石倉詩稿卷三 夜光堂

圭

甬東李子述以詩訊予新樓消息作此荅

之兼以志懷

新樓踰半歲尚阻落成期有客詩先到無霜草

後衰去帆孤影浸來訊片心知雨雪淒其暮貧

交安所之

山色見早梅六絕

梅花性喜枯枯梅偏早放相隔未一朝枝頭忽

三兩

山色望早梅猶如候佳客不恨梅開遲恐辜寒

月白

向月來影踈勝寒覺枝重予也獨看時更無有人共

詩腸久閉塞觸此動清興且勿論色香居然以韵勝

予亦逢初度梅開若有期樽中誇北海句裏覓

南枝

自有船來往江亭到亦稀梅花相接日堤上步忘歸

石倉詩稿

卷三 夜光堂

三三

安蓋卿署南日寨索詩爲贈

去歲梅花發携樽到石林而今當折贈誰復慰離心番舶往來訊海城朝暮陰軍中吹遂曲早已度遙岑

趙十五還莆將發舟矣邀同包一甫陳有

美諸子集長至臺看梅而別

且緩莆中路來從梅下遊登臺因據勝積素已盈眸寒色有今日山光環此邱却將幽絕思持贈入江舟

予石倉中由語江亭至梵高閣崑崙崎嶇

籬落紆迴皆梅花也歲晏無營獨賞成詠

歲晏少塵務林花皆素顏徑諳雙鶴引坐久一僧還迢遞水雲外參差籬壁間更無他處樂寧但片時閒

跡寄形骸獨年將新舊雙花繁穿入竹池澗借名江積素偏籠月輕香欲透窓南村可終隱擬就鹿門龐

石倉詩稿

卷三 夜光堂

三三

似雪亭臯上懸空閣道西一枝皆手植幾歲出簷齊彷彿故人遇飄飄孤鳥栖惟來貪信宿真不忍分携

東風催候煖微雨復沾衣膳得香如醉祇愁花欲飛景光誰解惜閑暇始相依不負山林意何妨人世非

一夜雨如注枝頭將柰何旬餘看不足陽九厄偏多夢去携燈照悲來吹遂過眼前開復落寧得常蹉跎

風狂纔得霽花落倍堪憐枕藉疑無地  
在天已應期隔歲誰與伴殘年縱有桃  
將李開時不接連

石倉詩稿

森軒詩稿 辛酉

閩中曹學佺能始著



同社 李 岳子山 閔

曾孫岱華重梓

鄭 紱孟磨

詩

元日石倉書懷

昨朝坐至晚獻歲早仍過世故經心澹年華傍  
佛多池乾舟屢避泉細磬偏和猿鶴窺人慣相  
隨到薜蘿

石倉詩稿

卷二十七 森軒詩稿

春日遊金山塔寺

全陳叔度李子山

入年纔幾日兩度挹春江小汎不論近孤標誰  
與雙千花皆委浪片石獨浮砥結構從茲始玲  
瓏啟八窗

送鄧愧前侍御還朝

二月桃花發乘驄赴栢臺春光次第好言路此  
時開四海誅求困三韓羽檄催更聞徵戰艦疏  
草待君裁時遠左徵戰艦八十艘于閩頗懷系梓之憂故及之

送鄧道叶北上

入春無意緒燈事復闌珊老憶他時樂生耽片  
刻閒心旌懸綠樹別夢遶青山易水荆卿輩悲  
歌一壯顏

孫還初山人話別

病裏得清夜別時延及旬寒添爐伴話與茗  
相親草色審前路桃花嬌上春應知游子意原  
不涉風塵

送林符卿赴闕

掖庭高覆井梧寒二十餘年草色殘尚重依然  
一石倉詩稿 卷二十七 森軒詩稿

趨漢省賜環今復見周官壯猷元老稱方叔高  
卧蒼生起謝安聞道

聖明東顧切祗應談笑靖三韓

寄括州守施長孺

昔望南明陟上方危橋深洞鏢斜陽巖花幾點  
垂僧寺水霧千重遶客床暝宿石門憶康樂苔  
生銅印類文房知君政暇題詩日風物令人妬  
括蒼

送陳磐生

池上柳新發山中花盛開欲尋佳事伴急召美人來歌舞盡歡別舟帆無遠催相思不道遠游徑生蒼苔

雨夜集浮山堂兼贈朱士美之延津

客到逢今雨歌成遇斷雲燈輝和黛淺酒氣閣花熏候漲舟應滑呼盧座已分延津知甚邇若箇是龍文

送高景倩游匡廬

作計浮山隱匡山計已非以君新興發恨我故

石倉詩稿

卷三十七 蘇軒詩稿

三

情遠逆漲三溪險巢雲七嶺微白蓮詩社在只待主人歸

贈別吳嗣仙

家散萬金產囊餘十五城由來心計拙轉入手談精滯別寧閑雨當歌總解情人生貴適志何必問浮榮

別吳連叔

與君勿遽別別遽傷心魂處世淡無味耽詩癖尚存行藏消白業山水配清言也不嘆歌舞應

知不二門

偕恬卿宿鄭汝交齋頭

老大爲行樂翻牽兒女情生憎來日短就宿少年輕竹壓春霜綠燈含繡帶明那堪枕玉臂子夜聽歌聲

積雨初霽龍巖少尹何湛如過惠酒貲賦

此少尹名濂武林人

初晴欣著書遂阻出門望坐對名香熟俄聞故人訪差池十五年別懷能不忘楚然已足喜何

石倉詩稿

卷三十七 蘇軒詩稿

四

期拜珍貺舊好情慙慙新流意澹蕩綠陰既滿園青蚨亦盈枝醉看荷鋤者田頭飽炊餉

送鄭汝交孝廉北上

就試南宮早携家北路遙名須魁一榜政已易三朝觀闕浮雲起園林積雨消明年春色好花滿御河橋

送王二南大參之任贛州備兵

少年曾識洛陽才章貢江頭憲府開問俗已知虔化地看雲時上鬱孤臺過家却效萊庭戲寄



遠徧逢庾嶺梅聞道城東天竺寺  
睂山父子共題來

閏月花朝集祿軒 同鄭孟磨陳叔度

今日喜看閏不然爲暮春花開漸欲落  
霽發更疑新月色行堪汎泉聲坐覺親  
客來同理詠纔不負佳辰

葉君錫應試北上泊舟洪江信宿而別

旅泊遲所親江行得佳趣明月吐深岷  
芳草溢前路沉潜寓至理淡泊見平素  
首應求賢科

石倉詩稿 卷三七 蘇軒詩稿

五

新君始踐祚

江上送龔克廣內弟應試 時與葉甥同行

作書子善楷對奕予屢負相依骨肉親  
託契平生友江舟坐吐雲河橋行折柳  
出處懸自今存亡感已久

送邵制科赴選

雖然已發達雅志在潛脩白社開何處  
青山寂上頭鴛聲春月盡馬首夏雲稠  
此去承恩寵

新君正冕旒

林守易以新舫載予同遊鼓山

木蘭舟旣成圖書載亦備匪資登山興  
疇信涉艸利渚花垂岸榮沙鳥近灣戲  
浪洶峽門束帆側巖影墜密林屢移村  
疎鍾遙傍寺微月出浦口澹然見游思

湧泉寺落成有期同守易省視志喜

去歲榛蕪地今已離塵垢莊嚴成大千  
困厄思陽九檀那新發意慳囊看漸剖  
俗情多憚難禪教乃空有卽如佛說法  
當機爲緣首咨請固上

石倉詩稿 卷三七 蘇軒詩稿

六

足隨喜亦善友孟夏暑漸長重泉脈逾厚暑氣  
卻蟻阿江光來戶牖慧性匪獨增清福此同受  
還乘般若舟詎醉聲聞酒

夜宿靈源洞

席地看泉久移時作想偏去來迷所向靈異語  
應然翠壁千尋合銀河一段懸日華爭噴薄風  
力恣迴旋喧笑時相雜煩苛此盡蠲今宵移短  
榻就宿水雲邊

奉和葉相公石倉阻雨觀漲同諸相知分

日携觴角飲之作

小築雖堪喜招携益破愁不妨乘雨屐稍緩濟  
時舟林密皆沾灑尊開任拍浮倘非名下士安  
得與斯遊

其二

坐眺三江漲行當十日留南溟不辨氣北極掛  
危樓野老遊何適蒼生望不休徵書已再下五  
月好乘舟

原倡

石倉詩稿

卷七 林軒詩稿

七

名園洵可樂滛潦亦堪愁所見無非水吾居  
卽是舟池荷經雨亂江樹帶烟浮猶喜二三  
子能爲載酒遊

其二

偶爾乘潮至翻爲苦雨留客來皆汎艇江漲  
且登樓河朔飲偏劇山陰興欲休經旬不得  
去渡口久停舟

時聞遼報危急相公轉次原韻見示予再  
和之

遼陽方萬里聞警輒生愁爲問伊周倡誰同  
越舟安危關出處消息更沉浮願保金甌固纔  
成汗漫遊

其二

縮地將何術憂天不暫留孤懸空壁壘高卧有  
山樓藿食雖無用葵心肯卽休三韓諸將士若  
箇遂焚舟

原倡

石倉詩稿

卷三 林軒詩稿

八

涉江方適意聞警忽生愁烽火頻年事烟波  
何處舟艱危無彼此踪跡共沉浮杞國心終  
在因茲輟勝遊

其二

揚舲將問渡下榻復淹留江水全吞屋山雲  
半入樓遊情如阮籍禪理媿裴休知汝憂時  
意難同不繫舟

端午後一日同王君衡侍御陳叔度鄭孟  
磨諸友小雙女郎集鄭爾調少尹樓居  
分得尋字

一月幾成陰樓居將十尋園花藏小石積翠掛  
遙岑吊屈有遺些論交無俗心不知採蓮女誰  
解寫離襟

夏日石倉晚眺同王君衡侍御賦

林巒烟霧半蒼蒼簫鼓聲喧過曲塘山際登樓  
當落日江干競渡續端陽荔支色奪殘霞艷荷  
葉盤擎片月光勝友未來歌妓散清言偏許兩  
人狂

送董宗相廷尉還京

石倉詩稿卷三 蘇軒詩稿

九

廷尉舊知名隆中比孔明匡時須妙略曷暑亦  
當行感憤遼西將親隨帳下兵□□應破膽從  
此慰蒼生

奉送葉相公被召還朝四十韻

里門相公出三山氣增聳行人宣詔書在官  
趣騶從止足詎不知休戚定云其累朝恩遇  
隆四海人望重匪但狂寇逼始發

明王夢昨聞遼陽陷有心孰不痛髀髀成邱山  
戎騎皆飛狂雖然一戰敗何異拱手送華表無

歸崔古城空集鳳漸次窺廣寧京師亦震動賴  
有榆關險山海此交控相接鑿無間聲息如一  
縫撫臣新任事擘畫理多中師克固在和權分  
則無統奈何大廷中相爭如聚訟賊緩怒以張  
賊急懽而恐詎惟新進然老成亦交訐

主上示優容造物疑播弄頃聞東省荒赤地火  
雲烘流離塞道路劫掠居然縱昔云饑人口甚  
干虎狼衆不畏□□合轉恐鄒魯則郎今薄海  
內十室而九空加派了不停德意誰感誦吾聞

石倉詩稿卷三 蘇軒詩稿

十

歲頗登夏潦秋不種寧論賤微貴將慮粒懸甕  
遠邇鮮樂郊出處漫相哄大厦譬將顛倚毗在  
梁棟聖聰自天啟公言必當用須憐有盡財  
速罷無名貢休休如有容群言爲折衷可否寧  
立斷勿令隱譏諷油其強陽氣使皆就磨礱散  
小成大群滅□始朝饗媿予無用者泉石事幽  
供行槁真如木處卑誰采葑所恃言無罪聊以  
規代頌有懷徒抱杞欲泣還顛雍此行勿自輕  
伊呂堪伯仲遙看浴日功還期躡雲洞

送葉淳甫奉差北上

從來冷幕寄名流，意況蕭然似薄遊。  
官舍重林堪傲暑，客程無地不逢秋。  
誰憐戍婦遼西夢，祇益孤臣薊北愁。  
自昔單于驚五餌，憑君何策破□□

水口山寺同法光上人

近日予行逕林中，無所爲詩書閒自課。  
山水不相離，理機迎秋早。  
聞鐘待月遲，逢僧問開剌。  
但記古松枝

石倉詩稿

卷三十一 蘇軒詩稿

七

小武當山再送葉相公

秋來微雨作新涼，閒步招提最上方。  
浴日補天功不小，登山臨水興何長。  
平沙渺渺橫江渡，曲澗淙淙架壑梁。  
此別更深羅薛戀，何時對奕且飛觴

寄酬慈法師爲予小像題讚因次前韻

褒詞異所聞，締好託匡君。  
珠玉形無穢，芝蘭性有芬。  
幾瞳猶自炯，五乳豈終分。  
吸盡西江水，應堪嗣法雲

七夕同僧夜坐

今夕輟娛宴，留看天上人。  
兩山通法鼓，一水隔靈津。  
指事雖云故，觸會輒懷新。  
怨睽已成歲，言懽不及辰

贈鄭十丈

亭前春草釣魚磯，湖面寒星映少微。  
已具冠裳添氣色，却憐山水媚清輝。  
酒杯但使歌常滿，塵世何須悟昨非。  
客至不愁題鳳去，鷗群相對日忘機

石倉詩稿

卷三十七 蘇軒詩稿

七

萬別駕刺遼州過予石倉言別

烏綠遼陽今已失，儀州偏喜有遼陽。  
明公決勝山西勇，指顧收回塞下疆。  
秦壘斷雲連闕與，黎城明月照交漳。  
角巾羽扇功成後，還憶浮山話草堂

送林中區學憲之滇南

霜落秋深惜解携，南中路指夜郎西。  
馬千伯樂超驪駝，使豈王褒祀碧雞。  
洱海水如初月狀，點蒼山與白雲齊。  
知君法眼爲衡鑒，多士無愁五

色迷

送留用晦侍御之金陵

金陵十載憶徘徊，棘寺還依御史臺。  
玄武湖頭明月近，太平隄上好山來。  
留都清議由來重，言路新朝喜漸開。  
聞道遼西師轉捷，東南民困疏堪裁。

秋夜懷謝耳伯因作古風輓之

秋至思友生，夜靜步林樾。  
荷香迫新露，燈影避微月。  
時運久不常，容華坐消歇。  
家貧隔首邱，兒

石倉詩稿

卷三

蘇軒詩稿

七

長耻干謁他鄉有，片石藁葬鐫碑碣。  
藏書佚四方，神魂想飛越。  
平生費搜討，視此同肌骨。  
余家山水間，清音日以發。  
願事絲竹歡，心性多所伐。  
假化且冥冥，書空徒咄咄。  
聊爲述此懷，仰視飛鴻沒。

中秋前兩夜汎月石倉王玉生爲美人恬

卿作畫予因題滿其扇

秋樹漸蕭疎，池荷猶未敗。  
高軒臨水面，明月出山隘。  
石梁卧若虹，蘭舟渺如畫。  
欣同美人汎，兼

以佳客話穿林，旣成行，聞歌復幾派。  
松枝拂蘿蘿，誤向簪裾掛。  
巖隙吐禪燈，中流聞梵唄。  
夜深露氣濯，疎曠心境快。  
須臾成變幻，別自有世界。  
色空不二門，此意誰能解。

蘇軒有懷葉君節

園中列諸構，茲軒爲最後。  
陂頭草樹攢，天荒云始剖。  
好風自南來，正對盈樽酒。  
忽思彼美人，于我奚獨厚。  
詩篇主唱酬，形神兩無負。  
曠遠非世情，高明乃天授。  
斯文欣賞心，投合仍不偶。  
魚目

石倉詩稿

卷三

蘇軒詩稿

十四

溷珠珠亦誰執其咎，吾因與子謀閒閒者十畝。  
兼之可樂，饑泉源在左右，胡然返故山。  
兩地分重九。

次答

夫子契玄冥，豈居古人後。  
文雅自千秋，肝膽可爲剖。  
呼童瀉素樽，其意不在酒。  
雖與世緣薄，日於道情厚。  
片語俄相投，生平諒靡負。  
何當遂其私，靈秘爲予授。  
愧乏寸所長，徒然似木偶。  
駑馬不逢時，詎繁相者咎。  
牢落歸故山。

其奈此十畝殷殷教誨之誰能出其右回首  
望森軒雲夢吞八九

森軒對菊

秋菊雖多種無如白與黃所遭今閨歲纔有此  
重陽色映松棚下香過澗水旁東籬意瀟灑不  
欲傍雕牆

其二

一年如瞬息九日復經過不見白衣酒空憐黃  
鵠歌層層皆入畫寂寂可張羅惟有佳人在携

石倉詩稿

卷三 森軒詩稿

十五

燈拂黛蛾

時美人恬卿晚至

九日石倉登高喜謝在杭自滇中遷粵西

憲長至各賦五言古風分得屑字

客爲

卿陳汝翔周喬卿高景倩陳叔度徐興  
公李子山商孟和康仙客

君爲碧雞使我隱玄豹穴相去萬里餘中心何

鬱結茲歸欣明陟百粵長群集春言會晤辰值

此登高節黃菊開素秋白羽銷殘熱締綌已再

御山泉供一咽三方氣候同大抵少霜雪紛如

洞壑竒卽園奚足屑簡書信當畏行行遽云別

曷以寫我懷絲竹聲斯絕

月夜聞梵志感

連夕停歌舞惟聞梵唄聲空山誰互荅老衲自  
經行霍病形將化荷疎影易傾却憐淒絕趣來  
逐境中生

贈鄭吉甫大令

每有園林約惟君得早來筍輿停白石芒屨踏  
蒼苔有興拈詩句無營付酒杯世人徒碌碌青  
眼幾時開

石倉詩稿

卷三 森軒詩稿

十六

其二

未得常無事何爲速罷官陶公饒此趣之子領  
餘歡散意遊蓬島科頭戴簪冠同袍今已貴誰  
復念雞壇

將樂林幼聲孝廉過訪爲其曾祖母丐貞

節詩賦此荅之

林君如玉立早歲發賢科與客談山水令人廢  
蓼莪涓涓羅月泪沉沉栢舟歌試比三華石貞  
堅不是過

重陽後十日鄭孟麀招集謝在杭積芳亭

兼送顧世卿陳季琳奉使還朝共賦

七言律分得一東韻

名園秋色冠林叢文酒偏逢別緒中  
九日已過佳節後雙星遙映使車同  
夢迴燕塞初聞鴈家傍吳江正落楓  
此去王程轉迢遞月明愁隔冶城東

世卿季琳泊舟芋原見訪石倉因索觀所藏書畫仍賦七言一律

石倉詩稿

卷三 孫軒詩稿

七

三山並轡出江頭更爲荒園駐客舟  
書畫一櫺求鑒定林泉幾處足淹留  
波心雲氣濃如墨石竇松枝曲似鉤  
此會人生詎多得最難清課與良遊

送魏澹明憲長

林卧故已久軒車寡逢迎藩臬聞多賢  
大夫事當敬同籍有四公一時稱最盛  
奈何俛仰間去我成孤憂此行覲

明主知必筦樞柄壯猶定邊計減賦蘇民命坐

見致太平舍哺以游咏

送方伯閔公

間閭加派苦今歲詠其蘓賴有賢方伯多端爲  
彼圖遼陽空與敵海內竭丁夫思詔時時下  
民沾涓滴無

送張維誠之漢陽

漢陽名勝地聊說與君聽二別皆當郡雙松迥  
作亭汎舟乘月白吹簫隔江青湖上郎官醉人  
傳是謫星

石倉詩稿

卷三 孫軒詩稿

六

小雪日吳去塵商孤和康仙客同集森軒聽雨遲恬卿笑人不至予得聲字

江舟遲不發山雨官教晴似雪仍無色添泉却  
有聲重林幽枕雜淺簾暮雲橫夢裏空相逐陽  
臺一處行

超宗上人建六度堂于支提之說法臺欲

招同志入社頃予與去塵孟和仙客一

甫共上人正湍其數忻然有合因作五

言古風送之還山予得社字

猶存日脚露寒意雲根藏水源徘徊竹深處歸鳥下黃昏

送譚兀同學憲擢登州備兵

時閩中召募  
遣戰艘公抗

言其非余有  
感而及之

衡文席撤赴邊陲寶劍腰橫光陸離萊子關山  
祠日月秦皇飛輓起黃腫遼陽拱手□□虜海  
島寒心宿重師鴨綠烽烟晨夕接朝鮮貢道往  
來資非公保障憑誰寄竭力忠貞衆所推召募  
中原終失策餽糧千里恐難支津途騷擾幾成  
石倉詩稿卷三十七 蘇軒詩稿 七

變風土剛柔亦異宜抗議真爲金石畫登壇早  
副簡書期折衝尊俎平生事恢復封疆指顧時  
漫道之罟堪勒石論功麟閣畫容儀

同吳去塵包一甫陳可權笑人恬卿集陳

有笑齋頭

垂柳似垂簾天光露短簷橋通兩池水門對一  
峰尖客子談微中佳人字曰恬銜杯湏秉燭寧  
惜夜厭厭

至日送吳去塵還新安

閉戶空山裏開尊野水濱不堪長至日偏送欲  
歸人雨得溪灘滑春從邑里新布衣無請謁何  
處着風塵

其二

相逢更晦朔猶恨不同居別意淹留見交情曠  
淡如新安江徹底嚴瀨月明初此際多吟詠無  
忘寄鯉魚

詠女優作男劇

妾本秦羅敷教人喚子都無心調越粉作意效  
石倉詩稿卷三十七 蘇軒詩稿 七

吳趨顧影疑郎至臨塲束帶俱文君如見就若  
個是當壚

其二

朝妝同女伴夜思迫新郎翻覆成雲雨雌雄失  
鳳凰人皆窺變態蝶更戀餘香綽約誰堪並其  
爲張子房

連見朋陳叔度宿蘇軒適林亭初成各題

四韻

山中足耽賞茲地獨爲甚林稠冬尚爾遙想夏



時蔭懸岨澗客寂薄雪梅眼沁夜寒猶未眠聞  
鐘倚石枕

初度酬徐興公見贈之什

昔云誕日不爲樂張宴留賓轉覺煩自料生涯  
惟草澤空懸弧矢在蓬門紅粧屢把新聲按白  
首還將舊好敦四十九年來歲是知非應早似  
蘧瑗

原倡

綺歲因君不失親白頭俄見老成人玉皇香

石倉詩稿

卷三 蘇軒詩稿

七

案前爲吏金粟如來後有身勝水名山時樂  
志藻江文海日留神兕觥滿酌梅花下夜夜  
笙歌醉錦綉

酬葉君節

選伎徵歌列錦茵何如山水趣清真梅花影瘦  
偏隨我霜月光寒不近人荏苒五句爭幾歲蹉  
此十日况初春伊誰不負成仙骨詩思如君已  
絕塵

酬印私淑

憑君逸思寫烟鬟置我應于邱壑間半世行藏  
酣妓籍幾人名姓閱仙班梓芝此日歌三秀煉  
藥無期到九還若爲迷禪空色相漫將鑪鼎問  
香山

酬陳叔度

浮生碌碌不如人問道汪洋未有津序及梅花  
堪記歲尊開竹葉許留眉舊遊蜀國繁兵氣近  
報途西有口塵惟殺東山謝安石祇于談笑卻  
符秦

石倉詩稿

卷三 蘇軒詩稿

七

崔徵仲有長汀之行薄暮過訪卽別

長汀訪舊去短棹歲將殘不出閩關內亦多風  
雪寒僧居巖壑老雀寄水雲餐曉此林園勝徒  
勞秉燭看

原倡

到此日云夕相過未掩關雲深揚子宅烟亂  
米家山去棹丁流急殘燈內夜還困江將發  
夢應伴白鷗閒

又用前韻

野逕雲常懶柴門晝不開亭開三面水澗隔  
兩條山飽墨供人乞輕舸送客還能無生妒  
爾林下忒清閒

張紹和孝廉北上談別因及時事

林卧予十載公車子三上戒途期若愆射策氣  
仍壯國運正昌明邊庭奈多喪遼陽日無光  
海蓋彌戎帳僅復鎮江城士氣猶未暢戰守詎  
分曹轉盼爲易狀經撫持意見盡定不相讓危  
事等兒戲何以責兵將推諉自今日敗亡與分

石倉詩稿

卷三 孫軒詩稿

古

謗召募盈四方蜀中亂斯倡狼子野心生端  
乃奔放稽彼又籍間操刃以相向大吏冤橫屍  
無人近收葬蠶叢與魚鳧州邑遭焚蕩成都雖  
沃野瀘叙皆巖嶂何不據上流迅速搃其吭地  
利已輕失天險無可仗廣寧需川兵計日出巴  
宕從征到中途聞變色惆悵思歸不可遏犄角  
無復望所慮河水合日見口塵漲東西既交訌  
時事安可量聖明首臨軒多士咸拜颺子應  
吐奇謀平昔懷忠亮遭逢不世主指顧救時

相漫云洛生詠非應傳巖像勉旃在此行出處  
豈殊尚田野獲偷安無窮受明貶

有贈

春華旣灼灼秋容亦宛宛獨有艷中清乃爾近  
而遠地靜轉相宜情深不顧返祇合處房櫳琴  
書娛旦晚

磻室初成喜靚紅美人過訪因同宛秋小  
坐

傍磻軒初落香車到已新若爲尋女伴不覺訪

石倉詩稿

卷三 孫軒詩稿

古

幽人兩日尚殘歲一枝無限春昭歌猶可樂何  
必獨傷神

歲除日獨坐林亭

獨坐在林杪閒行之磻濱此時無一事殘歲始  
依人薄有詩書債居然山水身孰窺歡樂祿  
竹競芳辰

林亭詩稿 主戊

閩中曹學佺能始著

同社林 寵異卿

陳 竹磐生閣

曾孫岱華重梓

元日登梵高閣

江上春初至園中地最高雖然具丘壑復自見  
波濤利涉非吾事沉冥任所遭新詩吟漸穩不  
欲更稱豪

元夕森軒雨霽觀燈同陳叔度商孟和陳

石倉詩稿 卷三八 林亭詩稿

可權包一甫喻子奮陳有美賦

久雨驟聞晴元宵喜氣盈雖然山谷隱亦動冶  
遊情燭照千重樹天含不夜城人間詎多見或  
擬是蓬瀛

鼓吹入雲中燈光映水紅由來意在遠所以樂  
無窮簫雜崑邊溜濤生松際風欲將淒絕趣點  
綴百枝叢

前船載絲竹相遠沆松陰昨雨不爲害春池還  
借深酒衝微靄散妓畏薄寒侵淡月憐人意堤

頭步可尋

事偶故云勝朋來約未曾村張方賽會古佛有  
燃燈花果先時見禽魚傍水何論非實相世  
法本難憑

雨中森軒觀火樹六首

錯落華燈雨色霑東呈何事着人嫌欲把春光  
半遮却巧垂簷溜似珠廉

着屐青苔興已頽倚闌紅袖故相陪笙歌隱隱

憑雲墮火樹層層冒雨開

石倉詩稿 卷三八 林亭詩稿

二

寶塔搏沙千相出金刀裂巧幾聲同祇似秋河  
銀露洗流星穿過月明中

梅花春早落庭柯徑裡雖殘笛裡多更向尊前  
傾入水愁人點點是烟波

蘭菊爭芳不自持東風吹得柳垂絲佳人心恨  
憑誰寫祇是梨花帶雨時

周殘寶炬歇銀缸神女相携入洞雙羅襪漫噴  
雲雨濕夢中雲雨宵教降

答蔡敬夫見簡原韻 時住石倉

憂樂何曾判兩情東西氛祲幾時清春來有客  
堪同住月下尋僧一同行佳冶當前聊適意山  
川隨處畧知名酒杯棋局尋常事又聽空林梵  
唄聲

月川山人爲予作石磯題贈六韻

嘗聞諸夫子爲山以平地倘無所取材何由見  
思致石鑿泯斧痕泉流分品字斜月漏層陰微  
風漾空翠數點汀花發一群沙鳥戲祇似客游  
時泊舟在水次

石倉詩稿

卷六

林亭詩稿

三

勞郡伯葉貳運見訪因遊石倉以有芋江  
之行未遑款留作此代意

春寒猶喜在林居誰意高軒枉敝廬供具咄嗟  
無可辦趨陪禮法已全疎桃花雨歇吟偏懶柳  
色晴催畫不如日暮扁舟江上發白雲依舊遶  
村墟

同蔡敬夫步月

君宿我園中步月今方始林影委在地峴容傾  
于水遶火樹深移微風浪徐起心寂相俱忘色

空何所指

聽泉閣試新茗

草閣聊同坐烹泉松火生濤聲分大小茶事近  
清明谷鳥知春暮籬花映雪晴山僧時出定幽  
磬偶然鳴

送蔡敬夫方伯之晉

艱難天步日紛紛戡亂持危定屬君牧領河山  
新入晉望來宮室舊臨汾關愁獨石多一種塞  
指雙峰有鴈群報國許身男子事憑將肝膽立

石倉詩稿

卷六

林亭詩稿

四

功勳

其二

王程離思渺難裁水榭山堂隔雨開柳似有情  
遮路過鶴因無偶覺聲哀敢言高計終忘世自  
料助勳故乏才底蘊數時君盡見有何蹤跡使  
人猜

寶刀行贈葉君節

客有金錯刀携來自易水淬礪發精光照人不  
敢視常佩燕昭臺勝挾荆卿七世俗詎堪售惟

應贈知己四顧何茫茫君才適相當丹青懸意  
氣白地墮肝腸東陸憂未釋北上路偏長中原  
正多故此物幸相將

宿蔣子梁池館時主人將之綏安

但就君家宿朋來聲所懽游魚啖花片池水生  
微瀾遲日綠蕉下移時紅袖看留連主人意滯  
此發江干

送商孟和游天台兼寄張克雋憲副

積雨家林內出門應倍難忍將離別苦博得冷  
石倉詩稿卷六 林亭詩稿 五

遊歡霽壑滿群影春江流急湍因君買棹去寧  
免滯留歎

天台名勝地洞穴倚丹梯爲訪故人去且多靈  
物棲茂先稱博洽康樂好攀躋華頂如相憶蒼

苔別舊題

送連晃朋還大田

城西雖逼側架上亦多花君每稱同賞予應暫  
別家溪山淹日月崑洞蔚雲霞坐此懸歸思吟  
詩理釣槎

和鄭孟磨石倉紀事

客游無定蹤僧居庶獲常歌舞有時散隨處皆  
道場按昔經典內佛號稱六方東南與西北下  
上各相當池水旣充滿林樹亦成行禽鳥宣妙  
韻蓮花發微香水軒歛朝霧山堂垂夜光游者  
嘆希有久處渾相忘

原倡

石倉盛亭臺迂迴間脩陌川谷旣殊態意至  
隨所適到處僧逢迎主人反如客茗供以時

石倉詩稿卷六 林亭詩稿

六

具菓蔬亦互列裨誦無彼此鐘梵遞晨夕行  
者類頭陀孤衲瓢一隻隨喜恣淹留登降飽  
遊最所快方外期不獨林泉癖

廣寧行

廣寧最爾地四海調兵食□□欲渡河將士失  
顏色撫臣傳號令左右皆奸惡經畧馳入關虜  
騎猶未逼平時談戰守于此不得力旣有尚方  
劍何不自加頸背義失封疆貪生保首領國  
憲固有常殘師圖再逞祇恐驚餘魂無暇踰山

嶺慷慨大司馬行邊乃自請督臣爲犄角併力  
守薊未 朝端猶聚訟封章日抗聞不畏□□  
合居然門戶分迹回既無罪佐閫復紛紜安能  
鼓士氣決死立功勲

脩禊西湖晚歸城中觀雜劇共賦五言古  
體分得蕩字

積陰既盈旬乍晴恣欣賞詎惟風日佳湖山亦  
開朗遵彼楊柳堤泛茲木蘭槳命侶樂克偕載  
姬心斯蕩迴環無常期一惟意所往清歌屢告  
石倉詩稿 卷六 林亭詩稿 七  
闕頽陽在兩壤入室興未闌開筵資宴享重以  
絲竹競淵然金石響維此晝徂夜爲樂卜云兩  
迴睇永和年風韻差足想

同叔度孟磨來江亭觀漲晚步月到聽泉  
閣見薔薇花盛開因有贈

觀漲步月兼放泉令人胸次殊豁然十三小妓  
如花面花枝正發幽崑前等閒只仗東風力暮  
靄朝烟籠不得非紅非紫看無定別有一種妖  
嬌色看君凝睇倚雕楹慧性多從山水生何用

延年歌絕世自有陶公賦定情

南安令王淮生過訪談宴彌日因賦八韻  
綰綬臨花縣開襟問草堂相看猶白下憶別幾  
青霜水石關飛動烟雲藉薔蒼嚶其求友思郁  
彼令公香淨業資蒲供清流汎羽觴莓苔俱破  
屐薜荔半過牆高士應迎致新詩幸寄將寧須  
詢製錦家世自縹緗

森軒觀荷花贈別吳元翰

遙望森軒水浮島似紅雲葉滿百千數花妍三

石倉詩稿 卷六 林亭詩稿 八

八

四分珠光盤裏颺香氣座間聞不染污泥者惟  
應持贈君

送閩清蔣令尹擢端州別駕之任

自昔蒼梧有帝丘相連鄉郡是佳遊三年但飲  
梅溪水半刺遙看桂嶺秋脫贈佩刀應左券卧  
攀車轍豈終留眼前民困東南甚軫恤如君政  
最優

陳彥質以詩箋見遺具有風致因招遊石

倉汎江觀競渡宿森軒于其行也賦此

答之

暑熱薦紈扇見君所題詩清風自南至涼爽如  
相期檀欒既被徑菡萏復盈池明月出山阿照  
此園中姿名流才罕匹佳節會有時循塘紆而  
曲入江曠以夷楚歌吐芳氣越艷逞連眉朋儻  
詎云厭禪誦亦足怡良夜耿如許信宿爰在茲  
鄒有年過石倉觀劇

聲色傳詩篇具見風人旨神明約昭曠吐辭斯  
達鄙子爲達觀者于予謬相企把臂期入林汎  
石倉詩稿卷三 林亭詩稿 九

舟復臨水作使皆名倡携來亦佳妓情愛苟適  
均何論鷄與雉銜杯樂賢聖奏曲辨宮徵荷香  
浥新露松陰覆長晷所願云匪他世泰身常否  
山居計已定河清安可俟

送藍別駕之高梁曩爲信宜廣文故未及之

憑君佐郡赴高梁漢法于今遍越裳幾處江流  
成電白深秋瘴氣吐雲黃昇仙丹竈埋前嶺奉  
母斑衣舞後堂別去舊遊應不遠更客多士論  
文章

端陽後二日汎舟洪江登小金山觀競渡

風雨大作各賦排律用七陽韻客爲吳惟秦陳叔度林懋禮林異卿龔克廣陳子行鄭孟麋李子山康仙客包一肅小雙宛秋文娟三姬

暫捨園林趣來遊澤渚長山孤名島與水夾似  
瀟湘屈子歌終放佳人浴更香凌空偏有閣欲  
濟詎無梁笳鼓正當競風雲忽變常兩軍迷漢  
幟列坐隔胡床恐是逢龍怒愁應墮馬粧廻舟  
采蓮曲底事復迎郎

石倉詩稿卷三 林亭詩稿 十

陳泰始五句索贈

半百日方午人生稱始衰但能聞道早寧悔入  
官遲坦志延年術雄才用世資愧予步趨者空  
望絕塵時

山木上人結茅武夷過別

武夷羽流壑今亦多僧居習靜漸空有經行隨  
步虛蟬聲滿林樹月影澹芙蓉君逐浮雲去予  
應戀敝廬

池上開並蒂蓮有贈

池上雙蓮吐來遊自錦鴛含愁非隔水直喜是同根有美真堪託爭妍詎足論匪君念幽獨對此恐銷魂

送竺都閩之粵西

援遼防海日紛紛閩內調停賴有君士卒每將甘苦共川原其柰去留分蒼梧象郡何時設八桂猿聲取次聞爲報王孫但相憶故人憔悴老

江濱

公以荆府將軍仲良書爲介紹

胡存素見訪談蜀亂志感

石倉詩稿

卷五 林亭詩稿

七

蜀亂何時息人情念舊遊相持過半載轉盼已新秋貴竹連戎馬巴江斷客舟日歸猶未得此地且淹留

存素將北行予悲其來之遠而別之遽也

因敘蜀中舊事十載如夢寐間今者亂離又非昔比揮洒長篇塞卷幾滿情見

乎辭

予昔在蜀猶小康亦遭採木兼旱荒千章如雲有程限六月不雨無朝糧流離十無一人在何

忍民間說加派子運當前母運停坐稅聊將行稅代持斧使者不相成瘡痍未復皆取盈瞿唐威憂雪水漲丁夫闖浪哀縱橫紛紛飄流塞川瀆百姓膏脂委魚腹予言不用徒爾爲牢落一官輕放逐水西土舍似豺狼咆哮荐食侵邊疆者氏老嫗矜貴壻割愛纔得宗支強隴事全由闢事起逆酋崇明心已死當時孤寡爭仇殺性命猶如肉懸几羽翼旣成奄有爵朝廷大恩敢負却去秋應募赴遼陽正當齒報効蛇雀柰

石倉詩稿

卷五 林亭詩稿

七

何倡亂在巴渝官軍被戮人民屠江平未見魚麗陣天險徒資虎負隅成都受圍亦幾殆沃野彌漫皆戰壘兵機先發可制人何爲閉門而坐待雖然圍解奔其巢川貴連兵忌遠交播州再失牂牁困安危未審占何爻巴子城頭賊尚據代者及瓜遷者去銓曹不爲地方謀長官只切身家慮予今十載雖投閒痛癢那得無相關憐君辛苦爲敘述進退維谷身維艱明經此見天子半爲邊陲半桑梓西方太白幾時銷東省



揭竿路多枳間關應自達君門慟哭披陳動至  
尊蕩平會見吐奇策漁舟仍可訪桃源

葉國貞運丞還慈谿詩以送之

秋色催人入會稽芋江明月照分携殘碑再讀  
曹娥廟靈藥猶存大隱溪嵯政數年勞擘畫石  
倉諸景借留題公有石十詠四明雪竇時相憶何日  
從君一杖藜

澗室早秋

澗室無尋丈臨流獨考槃但知塵世狹敢謂碩  
石倉詩稿卷五林亭詩稿三

人寬秋意泣垂早日光樓樹寒山深絕來往此  
樂語應難

立秋日汎池上喜叔度至

秋來氣足悲宋玉已先知鷺汎清凉境蟬吟斷  
續時薄雲長掛樹幽磬曲通池有客云何暮忻  
然到不期

送余元遇鴻臚北上

薊北星軺催遠道城西秋色映離樽含毫每得  
山川趣束帶時交賓客言燕寒秦關猶傍險

邦周禮可能存應知待漏金門下夢斷樵溪遠  
故園

吳兆聖陳叔全同余元遇寓芝山將行作

此送之

蕭寺寄新秋琴書作遠遊官閒身似隱交勝味  
相投詩句瓢中滿雲烟筆底收艱危時漸及何  
處可依劉

七月望夜獨遊金山寺

江行當此夜壬戌及茲秋月動鼃鼉窟山連鳥  
石倉詩稿卷五林亭詩稿四

鵲樓僧迎如客共代往覺人幽幸接家園近無  
勞作楚遊

竹醉亭值雨同減幼惺李玄伯諸君賦長減

人典

陂上來秋雨猶如罨畫溪竹亂芭蕉響烟籠石  
壁低初看水中樹何以植無隄漁舟輕似葉作  
意過庭西

池荷幾敗香氣郁烈拉侍兒宛秋少憇

水淺露荷長荷殘葉更香坐于碧欄上如入

雲鄉汎汎雙鳬適媚媚微月光試詢趙飛燕何必浴蘭湯

山居以婢自隨

結構山居備閒情亦取新亭臺秋爽坐筆研夜涼親果熟南隣摘禾生北里陳學書聊戲婢豈遂作夫人

同宛秋到碧泉菴由後道登荔枝閣

禪房通閣道啓閉只僧知泉性恒資汲林陰最喜垂白雲隨塵尾初月映蛾眉如此清秋意相

石倉詩稿

卷三十八 林亭詩稿

七

携燕宛時

中秋集陳泰始漱石山房遇雨分得寒字

五株松樹立雲端登陟何愁避雨難倚石臨軒聊共語銜杯望月強成歡鐘聲已報諸天暝燈影空懸古塔寒詞客誰同枚乘賦廣陵江上待潮看

代宛秋分得魚字

山房秋日落成初柱下堪藏柱史書雨後姮娥空有約食前賓客豈無魚上方步畏輕羅濕遠

瀑看疑匹練舒何事黃金誇取酒已多詞賦是相如

石倉醉芙蓉感閒而客在江上者偶集至

十許人夜分各尋伴侶別去留者惟陳伯禹范穆其陳叔度張範之三四君作此記之

江上客咸集籬頭花滿局秋光凝野吹月意動軒檻櫻柳根如寄芙蓉醉復醒忘憂同下箸蠲渴比中冷載妓過南垞離群返北汀孝廉舟尚

石倉詩稿

卷三十八 林亭詩稿

六

泊童子曲堪聽爽氣多如許朝來坐竹亭

聞渝州復賊黨尚有逸去者城中空無一人因柬余司理

聞道渝州復悲歡俱足論出來天設險豈使賊常存猷困還思闔戶啼易斷魂可憐巴字水只是遶空村

呈贈曾璇石兵憲兼柬張孟奇

祖德自閩中人傳稷下風詞林稱吐鳳京洛避乘驄月照寒潭碧霜飛木葉紅稽康如命駕千

里就山公

林季豹招遊西湖觀妓

君處溪山幽樂茲平曠遊孰非調馬埒却羨釣  
魚舟秋色有餘致韶光不可留聽歌已適性縱  
酒復何憂孤巖上寒日重林蔽密溝鴻聲散野  
外烏尾通城頭汎汎苔泉近層層荻岬修忘歸  
何必奏乘醉挾青樓

送林咨伯以春卿管國子監事四首

胄子稱師禮遇隆詞林千古有宗工環橋踞聽

石倉詩稿

卷二

林亭詩稿

七

皆名下八座瞻依屬侍中水遶圓塘成壁月陽  
回幽谷動春風如公盡撤藩離意絳帳何須設  
馬融

憶昔秦淮悵別筵賜環今日髯皤然不堪故國  
新君感又見重熙累洽年禮樂已應誇盛代干  
戈何意傍幽燕折衝尊俎由來事豈使金錢怨  
實邊

漫道林泉盡得閒許多清課在林間南溪誰信  
無家住九淞今聞有磴攀此日夔龍方被召

清宵依鶴苦相關竭來收入莆陽乘携去長安  
卽故山

停轡三山戀景光驪駒彌趣舍人裝閒情尚可  
開湖社餘興還期到石倉竹葉醉時堪累月籬  
花綻處欲經霜却憐風雅蕭條甚詞客追隨日  
幾行

咨伯先生枉過浮山

浮山久入公詩句今日來遊思宛然僧舍乍開  
崑石上王程遙倚水雲邊桂枝香觸微風候菊  
石倉詩稿

卷二

林亭詩稿

六

藍寒禁九月天好景便言看不盡應須題遍碧  
梧箋

送李子山襲揮使北上

祖宗開創本艱難何敢辭勞薄一官揚子雕虫  
稱小技劉生驄馬上長安天寒獨石誰爲守雪  
霽西山最可觀自古聖明無外化閉關寧忍却  
三韓

送陳叔度林懋禮同遊燕四首

雨雪路漫漫關山日幾盤北遊固甚壯佳侶實

稱難得句呵冰續離懷托酌寬折梅逢驛使廣  
為寄長安

治亂雖無定言游亦有方河清知 王聖塞固  
任□強鄒魯中華地青徐百戰場到時氛祲息  
安穩過高唐

易水向南流金臺但一坏蛾眉招衆妬駿骨問  
誰收鄒衍吹窮律軒轅上古丘倘逢燕趙女且  
莫醉筵篴

予亦承 王命西征未有期歲寒爭幾日春雪  
石倉詩稿 卷六 林亭詩稿 九

待流漸舊隱匡山在新愁湘水知東林尋惠遠  
寧用復攢眉 時與叔度懋禮約  
遊匡廬因東藏公

莊羨若翰撰被召還朝枉過山莊以其令

先德世畧見示賦此贈行凡二十韻

嘉靖年間事倭奴寇海壇承平時既久聞賊膽  
俱寒賴有鄉先達捐生衆獲安讀碑應墮淚生  
子盡名韓坎坎神猶悅蒼蒼夢實歎南風終不  
競再世尚艱難倬彼曾孫秀能廻百頃瀾首開  
唐甲第東渡晉衣冠雅志仍歸隱徵書趣入官

雖然不俟駕猶及此交驩谷靜泉逾碧冬初葉  
始丹松喬行控鶴稽呂喜騫鸞 國步逢多故  
憂心日鬱盤川首連貴竹塞□維烏桓充郡遭  
屠戮徐州復揭竿登陴誰固志遍野盡塗肝官  
守逃無罪朝廷政尚寬空言難取効袖手祇旁  
觀祖德行堪述奇功立不刊寧須魏公子奪衆  
救邯鄲

送陳泰始民部赴 闕

兩朝人物已從新海內彈冠獨後閩若爲含香  
石倉詩稿 卷六 林亭詩稿 十

淹粉署虛勞開閣問平津南村已有梅花發東  
省能無戰伐塵我亦投荒迷去就送君寧免淚  
沾巾

芋原再送泰始

蘭舟汎汎岳江湄梅樹橫斜三兩枝載酒已成  
原上別携朋如赴社中期空村雨氣迎潮早古  
驛更聲報夜遲回首故園風物在祇愁不似舊  
遊時

彭正休見訪 莆田人舊爲  
貴州憲副

巾車乘興訪山家菊圃松關絳葉遮苔同官  
陪翰墨今看異地領烟霞輕盈女妓能供酒長  
大兒童可侍茶回首舊遊黔蜀境不堪戈甲亂  
如麻

吳去塵借寓梅花館時值花開題此

禁館傍寒梅梅花速客來非無池上樹愛此石  
邊開箔小由編荻厨空欲染苔以君耽紫癡何  
處着塵埃

臺江汎舟到藤山看梅夜宿天寧寺四首

石倉詩稿

卷三

林亭詩稿

三

臺江無甚險咫尺亦乘潮近海通千瀨尋山隔  
一橋閒居時已久勝侶每相招不果茲遊意梅  
花太寂寥

昔日曾遊徑居人闢作垣花應知客誤路但聽  
僧言片堦時平廢禪鐘日暮繁白雲何事切曳  
雨過江村

此山梅易古不問幾時栽鳥鵲忘機住虬龍作  
勢迴臨空皆素雪席地半蒼苔小妓行應怯猶  
能逐伴來

入林何憚密投寺卽如歸江月梅花瘦山園菜  
甲肥圍爐分佛火襖被借僧衣幽夢杳何許應  
隨青靄飛

長至臺看梅

登臺與樹齊花遶身在邇枝繁欲傍人池涸借  
臨水素質近朱欄幽香貯靜几卒歲應有資願  
爲保終始

除夕全范穆其吳去塵臧幼惺孟嘉孔表

二兒守歲

石倉詩稿

卷三

林亭詩稿

三

樂茲一歲滿見其二子焉各陳風土異賴有世  
交連爆竹喧庭內梅花澹水邊故園誰入夢宿  
處傍僧禪

元日潘公理過訪登長至臺賦贈

歷歷江村歲事濃軒車元日忽過從祇堪方外  
稱司馬誰解雲間識士龍梅已隔年看去好峰  
因初霽望來重眼前何物寬人意對客銜杯傍  
冶容

二日往樓下看梅赴林必全招因憶武林

西溪之遊

花發已盈枝言遊意恐遲夜來風不妬香與凍  
相持歲事芳樽過春光僻焉知西溪有樓下亦  
似看梅時

送范穆其遊天台兼柬張克雋

開歲月幾望入林皆勝流景光知戀惜行樂慰  
離憂火樹春寒薄香醪夜思稠明朝耐岑寂江  
渚一孤舟

昔年云半百今日始相當易得空花夢難消髮  
石倉詩稿卷三八 林亭詩稿 三

髮霜時危驅我出俗薄謂君狂好覓桃源路天  
台問阮郎

鍾太翁挽章

先生古名德遐思代以上冥身君子林多士賴  
弘獎澹臺徑不由太邱道斯廣振鐸在延陵淵  
然金石響郢中遂初服元始歸無象典刑痛不  
存餘音猶足想

竟陵有三彥于翁實誕出夢寐數載間周旋亮  
非一客歲月維夏長公表閭率神交欣罕遽升

堂後入室宴笑未及終哀毀忽云卽撫念存沒  
餘臨岐意蕭瑟

伯敬以石倉詩見枉作此答之

漫說詩篇廢蓼莪故將門徑問蓬蒿寒山久已  
懸雙屐春水纔堪刺小舸鷄骨支牀形本瘦鶴  
鳴于野調彌高年年花事愁虛擲開遍林扉幾  
樹桃

讀臧幼惺塞下曲

塞下□兒款與爭曲中征戍若爲情良家慷慨  
石倉詩稿卷三八 林亭詩稿 三

能降□時政艱危不諱兵三尺防身惟短劒五  
言無敵是長城應知太史觀風者樂府新編第  
一聲

送陳公奉常之任

邊庭雄畧累千言 聖主方深側席恩上世旂  
常推宿望中朝宰輔屬公門高懸卿月新堂照  
獨挽淳風古縣存祇爲儀刑看漸遠驛亭芳樹  
惜離樽

贈別陳汝翔

土木形骸俗慮捐神明如故髮皓然著書而外  
無他好學道其間有宿緣揚子太玄需後世向  
平婚嫁畢當年愧予又逐湘西役未得隨君石  
上眠

集鄭爾調宅分韻

豈必逃林密居然載石回有懷同客賞無日不  
花開案上堆清課池頭挹雅杯暮山應更好一  
憇納涼臺

石倉詩稿

卷五

林亭詩稿

三

石倉詩稿

桂林集 癸亥

卷之上

閩中曹學佺著

曾孫岱華重梓

出門書懷古風四首

林卧十餘載除日未經覽沈酣載藉內今昔顧  
多感世運不常泰余生乃習坎止足貴自知明  
志薄而淡胡爲山公啓誤及賤子名鑄秩雖云  
厲起家畧爲榮粵西僻遠地取舍奚逕庭尼父  
有明訓君子無所爭

其二

石倉詩稿

卷五 桂林集

初聞投荒信畏情慘不怡親朋咸來賀厚薄何  
由知屢投移病檄往返空復滋且有忠告言恐  
貽擇地譏余非安石流夷然固不屑歲晏棲邱  
園蹉跎易時節簡書旣云被文告亦更迭釋茲  
閒曠懷聊以就羈紲

其三

桂林與象郡著名秦漢氏湘灘曰同源吾欲觀  
其始陽朔多奇峯俱聞平地起洞穴何玲瓏探  
歷無窮紀我獨秀詠見諸顏刺史昌黎篤奇

皆駢驚庶足擬伊余其頽廢久負平生心弱冠  
事遠游行邁復自今懷賢豈不切恒懼物役侵

其四

攸征固云勞勞孥益增累山川渺脩阻景物多  
憔悴斯言祇克耳誰能解微意涉途寧苦辛在  
家省怨懟古來謫籍人妻妾恒相存矧余泰方  
面猶荷 聖明恩薄祿計升斗差足資養殮去  
去勿蹢躅車馬戒在門

題延津邸中一律

石倉詩稿

卷五 桂林集

二

離家無幾日風物黯愁顏當戶曲迴溜驅車時  
上山兒童皆早卯女婦亦尖鬟媿彼雙龍劍長  
藏窟穴間

石谿朱又郊館中洪汝如偕其門人盧若  
木輩見迎有遠至王臺者因賦謝

離別此多日蹉跎俱五旬出山山路悔遇子異  
鄉親溪響應環石村幽爲植筠榴花開忽徧節  
序感何新

其二



授業諸門第周旋一動容因師而及友執禮亦  
何恭越境來三舍停雲出兩峯顧余慙薄劣奚  
以答章縫昌有驛名雙峯

盧若木索贈

領畧溪山趣論文迺入微衙門青玉案紉佩綠  
荷衣善病觀身妄多才與俗違古來明哲士應  
不蹈危機

順昌縣尹張公永嘉人有書樓在積穀山  
俯瞰池水傳卽謝公池也因名之曰池上

石倉詩稿

卷五

桂林集

三

樓何无咎入城時嘗憇宿焉張公屬余詠  
之

昔感謝公夢茲爲佳士樓草生迷故處穀積見  
斯坵水木動清興雲山兼勝遊時聞何次道過  
此一淹留

昭武朱郡丞劉司理招遊熙春閣

停輟赴酌上巖阿曲磴千層繞薜蘿臺傍熙春  
人境遠時當首夏麥風和鷺池水引樵嵐入烏  
坂城經輦路過桂嶺湘源何日到鄉關回首暮

雲多

次韻別徐興公

棲遲十載共夫君追送情深詎忍分路指衡陽  
難計日心期樵水逐歸雲不堪疆出逢多難祇  
可探奇廣異聞此去麻姑應有約寧須惆悵石  
榴裙

杭川令尹翁應祥字兆吉常熟人以扇索  
余書因拈一律

閩地行將盡杭川客思多夏雲彌晦節山雨長

石倉詩稿

卷五

桂林集

四

新禾攬勝堪樓鳳臨池豈換鶯君居言偃里化  
俗自弦歌

杉關題壁上絕句

行盡閩山接楚山十年曾此度杉關而今更作  
湘西客不審閩中幾日還

出杉關至新城二絕

千尋瀑布掛危巒翠竹輕煙點碧湍信是名山  
奇絕景途中祇作等閑看

其二

不覺離家已兩旬層層流水逆車輪出關已背  
閩南路今日溪聲始逐人

盱江夜過鄧遠游齋頭有作

昔人云命駕千里慰相思到及明燈候忻言命  
酌時小曲裁曲燈幽蕙餐盈枝寶劍伊誰贈床  
頭光陸離

林憲副招集盱江樓

驛亭堪眺望惟有此江樓五月寒光積千山黛  
色浮鷺海翻照檻虹影卧橫洲素酌調芳芷朱

石倉詩稿 卷三 桂林集

五

明滴若榴賈生時弔屈王粲欲依劉况味鄉中  
洽風光物外幽浮湘何處是極目客途脩

午日鄧遠游招泛盱江載妓到驛亭張宴

和風令節正相宜公子同舟樂可知綠縷辟兵  
懸此日雕欄喚妓立移時雲山初霽如膏沐洲  
渚層林欲蔽虧新月一顰花外見清光偏似妬  
雙眉

益藩賜宴贈送有加呈之一律

入邦欣道有賢王授簡相如愧未遑麻谷傳聞

真可采盱江流與慶俱長謙虛頓覺崇階近述  
作重看奕代光拜貺五絲蒲節值寧須弔屈入  
瀟湘

安義奉新二郡即俱以詩見投余各答之

其一

朱邸清閒鵲不喧輕風蘿薜上雕垣名推月旦  
人倫重分著春秋叔父尊受絹豈應爲刺郡曳  
裾真可自王門湘西更比長沙遠賈傅空勞弔  
屈原

右安義

石倉詩稿 卷五 桂林集

六

其二

洞府幽深晝掩關紅泉石磴瀉潺湲庇人奚啻  
千間屋分土遙臨百丈山蛺蝶畫圖時想像龍  
蛇筆陣恣廻環馬卿早已游梁倦不待文園病  
渴還

右奉新

游子騰宇不弔蒲田人王門客也見贈二

詩答其一云

枉贈詩篇思絕塵路傍偏覺夜光新別家久作  
蘭臺客接壤時逢梓里人雨後麻姑添翠黛湖

南帝女泣斑筠卽今邂逅成惆悵長夏情牽楊柳津

鄭元運太守招宴草堂全去塵孟廖賦是早欲遊麻姑因雨不果

雨色淒其閑一峯何當文酒此過從忻同太守堂前讌愁隔麻姑觀裡鐘佩取名香皆荳蔻燭開層燄似芙蓉昔人曾道新知樂屈指今宵不易逢

愚公席間有索贈者酬之一絕

石倉詩稿

卷三 桂林集

七

春雲垂臂壓輕紗指爪纖纖背可爬  
惟得朝來風雨急麻姑先降蔡經家

愚公去塵孟廖先成七言短歌以贈新破瓜者要余和之

南豐溪浦濃陰積若榴藥漬誰爲袞含羞持取合歡盃薰風微透煙中液見此能輕萬戶侯  
阿郎原是東家郎爲寄閑門遲下鑰浪花寒覺枕邊頭

全游不弔去塵孟廖遊麻姑山山在府城

西南十里綠蘿岡十三潭三四里其最勝者雙瀑懸崖而下良久始合俗名雌雄水瀑之上石城數仞水所徑也石梁跨之橋左有泉方圓徑尺靜深不測其冽殊甚釀者汲之卽俗傳麻姑酒也橋頭此酒可沽是日辰稍霽登山至午復雨僅不廢遊同侶以爲山神之賜余先成詩四首

未觀雙瀑勝數里已先聞高下各因勢雌雄誰爲分杖頭皆濺沫衣上有浮雲稍霽來攀陟聊

石倉詩稿

卷三 桂林集

八

紆夢想勤

其二

石城天作險流水此焉經飛鳥倅難度潛虬應自靈力雖攻阨塞氣欲上蒼冥但可周旋處偏宜置一亭

其三

吾喜神功水泠然一勺多隔離無幾步喧寂本殊科以佐山中醲能紆勞者歌美人羗獨立合瞻此山阿

其四

神仙降集地踪跡使人猜七夕芳樽設清秋羽  
蓋回空墮易風雨故宅生莓苔惟有孤松在吟  
同客思哀

陳侍御招飲

客中何事羨飛仙晨陟青山暮綺筵柱後藏書  
周太史花間奏曲漢延年賦成漫取黃金酒醉  
罷還題碧玉箋共有王程分遠近秣陵東下勝  
湘川

石倉詩稿

卷五

桂林集

九

答李玄同建武舟中仝吳去塵諸君之什  
前後離家晦朔過客懷官况兩蹉跎登山只慮  
晴明少入座奚妨伴侶多欸乃數聲回旅夢石  
尤無計敵詩魔滕王閣上應携手卸雪湘雲奈  
別何

抵豐城縣劔江驛亭午以颶風泊舊縣移  
時葢卽雷從事掘得寶劔處

我從劔津來雙龍化猶未茲陟豐城道望此嶽  
中氣無復榮光寄牛斗古縣高岡似龍首張公

有意留客行荒祠習習狂風吼

別喻宣仲

下馬復登舟長江湍急流遲回真不厭清景得  
同遊趣暇淹基局談深喚茗甌劔津風雨後明  
月動離愁

午至新淦縣熱甚對河有金川公館往憩  
其中浴焉頗適

舟中坐如甌况乃迫河灣少憩金川館遙望玉  
笥山微吟芳草合對浴白鷗閒忽報檣烏轉涼

石倉詩稿

卷五

桂林集

十

懸掛席間

短歌行爲湖西道張雨若

三十年來交已久別離日多稀聚首但逢芳草  
動相思誰信垂楊生左肘君言識我朱顏時胡  
然素雪盈鬢眉舍人若不預通刺乍見應詢是  
阿誰

泰和縣名西昌驛名白下故王勃有白下  
窮交日昌亭旅食年之句余懷以一絕云  
滕王閣上賦猶懸白下題詩旅食年一路隨君

踪跡去廣南搖舸入龍編

未至萬安六十里有新樂鋪小池一區荷

花開落者相半因憶余石倉森軒前此際

荷花不知當何如盛耶

負却山中景物多最憐初滿綠池荷森軒憶對

佳人語香氣微風入綺羅

偶懷陳磐生寄題其夕菴

行行入章貢兩川合成文奈何吾與子常患在

離羣臨岐云慨慷匪爲兒女仁津途旣迴複寤

石倉詩稿

卷三

桂林集

上

寐口其勤余征日以邁子歸不逾晨素室異華

懷文史紛然陳誦讀以自適肯念風波民

自萬安至攸鎮皆山行疲於登頓復苦炎

熱一首

山出萬安險途乖一尋直赫曦燄旣張重巖氣

逾塞林焦蔭匪涼馬疲行無力涉澗泉水清側

耳恣眠食觀其嘶鳴意似不受銜勒而我胡爲

者馳驅時不極投卧寄空山悲歌嶺雲北

贛州府離城二十里有鋪名火坑亭午烈

缺相觸殊可憚畏乃鋪前有一石橋樹陰

覆之橋下水聲潺湲翻得清涼之趣

兩樹夾一橋樹陰生碧蘚烈日淡無色冷冷澗

聲淺

省唐美承開府呈以古風

別家今幾時晦朔已載更乍違千里夢空遵一

月程廻環亦不怨見君諸所願勿論後會賒但

取前言券此去適投荒桂海期茫茫未陟梅銷

嶺聊慙召公棠形容俱老大意氣還如狂狂言

石倉詩稿

卷三

桂林集

上

任愛憎素心守寂寞

喻叔虞有見遲詩二首余答其一云

日在清江寺橋頭望信還行藏何計得朋侶至

情關尙在家中晤應無旅次閒睂山尋舊蹟多

寄水西灣

黃九洛招全彭興祖吳去塵喻叔虞鄭孟

慶吳汝鳴喻子奮集光孝寺之濯纓亭爲

宋蘇子瞻夜話處

出門旣閒曠池水復淪漪頓息南州暑重修禊

事期亭空宜遠色樹偃得幽姿夜話名賢盡風流又一時

汝鳴時爲虔州郡幕余賦三絕句

臨江玉筍向南分客路廻環喜見君共道鄉閭猶甚邇汀州祇隔數山雲

其二

重岡複嶺路縱橫少有人踪遇虎驚細聽家僮解相慰明朝還會故交情

其三

石倉詩稿

卷九 桂林集

十三

聞道官閒客亦多鬱孤臺上任觴歌我今爲爾停三日還向潯陽問尉佗

虔州署中示兒孟嘉四首

吾家雖微薄山水實贏餘粗立門戶計使汝攻詩書終身願已矣寧復羨簪裾不意誤推用日月良居諸慈親髮垂白乖離忍云遽少壯宦旣歸何曾違斯須爾善爲承順兒女多歡娛毋令風人感陟岵常嗟吁

其二

行年四五十聞道在此時徑情放禮法安望無過舊余所後來悔汝必預度之親知竊有云阿翁不逮兒此病在膏肓偏鵲烏能治謝公逼桑榆絲竹雅自隨恒恐兒輩覺忻趣損不怡余亦就行樂與化任推移

其三

席間衆客坐一人適先行叢詬互及之用以佐杯觥世俗固常態吾聞斯已甚但有鄉紳出動必遭貝錦或言其覆溺死亡與亡幸羣輩聞若新靜觀付一哂稍俟旬夕間其說漸消寢東山志不堅此咎余當引

其四

憶昨出門時茫茫無定着兒言萬里游豈更容踈畧取道在豫章馳情向衡霍江湖曠以遙暢志斯寥廓奈何雨潦淫舟車爲屢却依然趣炎方汀贛壤相錯祇似返故鄉胡爲鬱不樂五嶺聞崎嶇大火虞銷鑠何日泛滴江清秋慰飄泊自九牛驛秉炬行四十里至南康縣凡渡

河者三縣令陳璚字璘玉粵西宣化人脩  
地主禮甚恭又非以余承乏之故乃爲同  
調相向往云

日晏始就道夜深清渡河所過村舍靜遺跡古  
牆多露氣鋪殘暑香風逼早禾投車甘寢息晨  
起聽絃歌

小溪驛壁間有王文成公詩扁和者甚衆  
余亦賡一律以柬太守孫公公名同倫南  
直隸靖江人爲德化令與余有平生

石倉詩稿

卷五 桂林集

十五

別若酒記在淦城此日相看五嶺橫驛傍古梅  
奈地信管閒垂柳漢時旌用梅青山高卧能終  
老白首投荒更一行日暮火雲應漸捲娟娟新  
月馬頭迎

幼兒甫周歲者憚熱不肯入車強而後可  
戲題一絕

炎方赤日嶺雲西何事馳驅卒共羈也是止啼  
黃葉意車中難免小兒啼

自新田至橫浦熱益甚偶成數絕

新田良苦旱橫浦亦多山此際心旌指搖搖大  
使開

曩涉泥途深今畏火雲熾旱澇雖不齊客行巧  
相值

石上焦斯甚車中坐亦煩僕夫俄不見爭飲澗  
泉喧

歷歷前車度揚塵幾處深偶於亭障裏坐對古  
松吟

引澗入田內高下勢相懸火雲耕不破犁頭空  
石倉詩稿

卷五

桂林集

十六

向天

趣行無那熱貪坐奈途長行止余無着安心入  
瘴鄉

車中爲南康陳大尹題大士贊

過去佛身現在菩薩間聲得度如響斯答淫坊  
酒肆鬼國羅刹隨機應變何處覺察以方便心  
具光明相婦人女子亦知供養捨却機鋒弄拳  
打杖誦普門品歡喜無量

梅嶺謁張曲江祠卽舊雲封寺

層層梅嶺役丁夫丞相祠堂自一區風度朝中  
明主憶雲封寺內聖僧俱嘗聞詩品多邊幅誰  
信謳歌在道途今日爲霖思轉切忍令崖草自  
焦枯時苦旱故云

入關書所見數絕

鑿岨患不深關途患不廣當時守險意豈容二

人往

叩關如塞上羣峯盡覺低涓涓楊水去入

湏谿

石倉詩稿卷五桂林集

十七

破吳成霸業盟主狎中原誰知臺嶺側散處越

王孫

南海多衣冠纍纍拾青紫萬里名珠璣文風從

此始

折梅逢驛使遙寄隴頭春如何庾嶺上空覓折

梅人

昔有梅山院冷然見祖風攀緣迷自性此際頓

成空

法豈傳衣逝泉因卓錫甘欲將無垢水洗此妄

庸談僧家向有六祖神秀爭衣鉢語

種松在路傍行人蔭其下高枝干青雲卑枝拂

車馬

交廣多香物肩摩互唱謳祭神南海廟習估東

揚州

英州入南山寺觀蘇長公題刻因柬江令

君正中

鳴絃舜已遐宓子今復來竹逕遞飛雨旱魃詎

爲災山僧狀如鹿卽此禪扉開湏石捧倪座虛

石倉詩稿卷五桂林集

十六

檻浮欄隈名賢數題詠千秋委苒苒披剔時已

暝秉燭觀徘徊令君稱好事表章合羣材蛾眉

如可寫長拂鏡中灰鳴絃峯蛾眉峯皆寺前後之勝

過湏陽峽

昔時過灩澦茲復度湏陽觸險從知慣貪奇不

覺長山根俱蝕浪樹氣欲飄香蕩漾舟難進猶

如泛羽觴

題峽山廟

風雨淒其嘯斷俱一區遺廟瞰江門粵人香火



今猶盛秦代猗櫛已不存峽口有神同姓氏瀧

頭無畏異鄉竟海雲尚隔浮湘路兩月離家未

足論神姓曹氏余以四月十二日出門故及之

平浦驛噉荔枝

炎日辭家度嶺瀧荔枝新得噉雙雙開元妃子

空知味作賦誰能買曲江相傳張九齡故宅在平浦又曲江集有荔枝賦故云

枝賦

清溪驛宰朱某里人也以荔枝名錄扶包

者見例爲此方佳種

石倉詩稿卷三桂林集

三灣亭子寄山切夾樹人家似鳥窠謾說故鄉

想見好荔枝先識綠扶包

橫石驛荔枝絕類園之中觀喜而賦之

荔枝原不是山枝味子其酸到頗知欲問側生

真面目絳囊龍取玉琉璃

登峽山寺寺據北岡與南岡對峙爲峽前

後峽水溜惡獨當寺處渟泓紆緩故蘇子

瞻有地轉凝碧灣之句寺無正殿其與山

門相直者曰涵碧堂由涵碧堂東陟數武

有定心泉出牆壁間以石孟承之乃蘇長

公唐子庚所數稱清遠峽水也初梁時西

域三藏法師建精舍于獅子臺以乏水爲

慮忽有老人指曰但定其心何慮無泉師

遂鑿石得泉其名本此稍上數十級有挹

泉亭折而左爲二聖殿卽山海經黃帝之

二庶子曰禺陽禺號也又左而百級有嘉

會亭徑多新植之松而頻大江又上百級

爲半雲亭松益老逕益崎嶇西山之瀑布

石倉詩稿卷三桂林集

時射光松罅間其水聲有時與松濤相亂

又上百級有奇爲雲蘿道援蘿而行不滿

五十步有巨石中橫石頂松陰翳之其下

鑄有蒼雪崖三字又二十步所額曰天城

固爾雅所云梧丘也又上百七十四步卽

古飛來寺寺記梁普通元年峽神徙自舒

州者故曰飛來有一僧一髮徒主之西逕

之首爲釣臺去江尚遠初疑亡謂邑諸生

朱學熙云近得長公釣磯石刻收入志中

但不知東坡所刻釣磯石作何語耳釣磯之上爲振衣亭又上百級爲葛仙亭水乃自其左脅出又過百級始與江背面直高山有瀑布懸空而下凡二層始度壑去其下層高廣三四丈作飛喉之狀觀者犯其前涉其委始復緣崖拾級高低相半大率匿左而趨右右窮于淙碧軒軒面有小石臺始見瀑之全體瀑高廣倍于簾微有限闕者七故其勢若墜又復濺而飛多所變

石倉詩稿  
卷元 桂林集

羽余觀瀑無逾閩之九鯉巨廬之香爐峯及鴈宕之大龍湫爲最然九鯉水簾則自上頻下偃僂岩曲不暇安舒而香爐峯之瀑布自開先寺仰視尚隔數峯也大龍湫雖獲正觀然太無磴折坦夷似院落中不能與兩奇相扼未若茲峽者無俯仰之勞又有飛動之勢斯未易得也淙碧亭小記  
鯨壁間爲趙子昂畫東坡像以公遊寓時教壽公作水閣壽公爲公建此亭公手題

日淙碧亭久廢朱學熙卽其址重建之余拈一律云

凝碧灣頭未出瀧泊舟扳磴入崑窓玉虹落處光千丈金鯉浮時尾一雙寺本飛來爲佛國禺分南北號神邦投荒欲繼名賢跡賸有詩魔不肯降

江左岸有釣魚磯昔趙胡于此釣得金鯉魚重百斤古者數魚以尾故云

同鄭孟麀游七星巖而兵憲林公游戎蔡公爲適主以先後到余賦八韻云

臺峻詠維崧名篇自李邕星河疑錯落文酒幸石倉詩稿  
卷元 桂林集

過從洞腹飄荷芰巖音辨鼓鐘舟車時互用明暗歷雙重磴或林根代雲將石竇封珎來珎盡素畫取管爲形滴滴增寒氣斜陽迫暝容醉歸江上宿猶夢此奇峯

自端溪舟行遡漓江至昭平驛十首

行行小湘峽言趨晉康州蒼梧漲初發浩浩皆黃流已非濤似鷺祇有石如牛南風顧甚微不能敵瀧頭刺篙固遺力痛苦蠻音咻奈何悅江口翻足令人愁媼龍空致禱祇恐爲神羞 國

家既多難山澤難優游雖然處遐壤猶冀分微  
愛援黔之奇策與粵匪易壽母貽肉食鄙不如  
此同舟

祇謂迴江苦詎度乘漲危中流不敢入曲渚寧  
逶迤昔人表隄岸日久樹離披舟行穿樹裏高  
檣掛飄枝此境等兒戲匪涉那由知邦君餉美  
酒其名爲寄之品超賢與聖別具出世姿余生  
少根蒂斟酌尤相宜陶公解種秫奇方惜

溪漲數日後其流始變清羣山鬱蒼翠倒影來

石倉詩稿卷三

桂林集

三

空明視此頗怡目俄聞喧囂聲林風遇午息灘  
石無時平晨霧毒於瘴赫曦勢崢嶸伏日不受  
暑稍慰羈旅情今知卒難免揮扇汗復盈回思  
北窓下羲皇亦再生

封川隔一舍暝就黃茅歇避瘴詎不知舟人氣  
云竭且近羅傍村徃徃多出没邇來稍安枕昔  
固勤征伐太平飾文具迎送勞戍卒夜深閉蓬  
窗所隔僅毫髮蚊蚋集燈膏草露侵肌骨不寐  
聽雞鳴江流漾曉月

身如蒼梧雲聚散原不定身入蒼梧鄉縹緲升  
雲徑所有平生歡移書早見訂媿乏瓊瑤報已  
優綽帶贈黔江乍入灘其氣相連亘朔風聲颭  
颭蘆葦與之應祇恐昏黑到難畢登臨興嘗聞  
越王劍埋藏吐光瑩隔片望火山不隨煙

霧

之子承明彥余昔忝參藩吳蜀萬里道涉江誰  
邇源覲面雖則乖神交誼匪諉好奇有同癖骯  
髒歸林樊偃卧十載餘起家荷主恩主恩固

云厚且獲求我友謾謾林風下坐對盈樽酒遂

石倉詩稿卷三

桂林集

三四

遊徧名嶽著述繁二酉大雅道久蕪乃爲挾其  
節虛往而實歸茲行信無負

灘江水清淺頗與情性便盥食皆取用不待資  
山泉譬如離塵垢乍得尋幽偏况乃長風發掛  
席何翩躚沓岸雖廻環前峯亦屢遷沙淨蘋輕  
篠林陰聞鳴蟬舟人指將暝泊處投人煙遠近  
余惡擇久已知隨緣

江行百里平灘石今始高舟行相頡頏永日亦  
云勞祇有一力攻更無他術操聲如迫湯火形

乃顛倒得失距霄壤所爭在毫毛展卷不成  
誦坐卧心鬱陶乃知遷謫地難免波與濤何時  
仍捨後遽得解天弔

俗儉猶可使歲歉難爲言况以行間戍逃歸尚  
蜂屯米價溢逾倍民生艱自存桂林忝分部聞  
之賊心寬撫綏恐無術曠官向誰原所幸時雨  
需微惠皇天恩收成可計日庶足甦元元簡點  
同行入食指亦稱繁中道罔棄捐費力謀食

出門患離索常與二客偕有時先後發旦夕亦

石倉詩稿

卷三 桂林集

三五

云乖聚首復談析風物孰爲佳讀書廣聞見述  
異多恢諧何如親歷之宇宙斯無涯寧論官與  
地但須有好懷山川恣探討造物隨安掛瘴癘  
雖足虞久已捐形骸

昭州途中遣興

十九首

昭州祇隔兩程餘問徑咸云已第除臨發更無  
堪叱馭羞稱千騎上頭居

雪浪銀濤沸馬灘傍城蒼翠映危巒移時立在  
虛棚上覽眺都忘興味闌

鎮日江行不耐愁詎知登陸尚臨流惡言雷聲  
灘頭過八口同乘一葉舟

深林密箐路纒通斷壁猶存斧鑿工忽失前山  
何處是斜風吹雨入車中

昨宵狂雨吼深更長短千條瀑布橫橫濤乍漲  
過三尺馬腹沈沈度木罌

高田不見有畊鋤荷戟殘兵日落初達官傳舍  
當何許一座煙墩對草廬

浮生宦跡太支離不到川西卽粵西粵地峯巒

石倉詩稿

卷三 桂林集

三六

猶未見路難偏與蜀中齊

隔溪山色響蒼蒼竹葉西風戰女牆四壁空虛  
同破甑祇愁炊不熟黃梁

堪憐戎婦逐戎行赤足麻裳大耳瑤夫壻援黔  
何日返導余行過望夫岡

彳亍遑迴莫計程山無休歇徑無名爲詢何事  
前驅阻雨急崖崩不可行

登頓曾無頃刻安車中假寐夢歸殘耳根忽爾  
聞雷震木馬成行上竹灘

孤營寥落倚山巔向晚征夫不肯前常說竹籬  
茅舍好請君今夜且安眠

流螢一點弄初晴遠舍啼蛩不住聲燒燭題詩  
聊遣興斷磚移取作燈檠

忍飢中夜宿空床悔不先傳辟穀方欲備晨炊  
無可買差分升斗是軍糧

乍聽晨雞下戍關絲絲微雨入愁顏蒼屏一抹  
層林擁偏是行人住好山

炎車怒馬欲何之千尺懸淙界路岐  
石倉詩稿 卷五 桂林集

營壘密戒心時度板橋危  
泉谷幽深足嘯歌出門應識悔時多自維十載

常行樂今日方須一折磨  
有僕曾隨入蜀還沿江路指似巫山苦無神女

陽臺下却恨朝雲暮雨間  
西隴原不是中華尚待流人及罪家宦術不精

君自咎空愁賈誼哭長沙  
昭州東胡瞻明兵憲

二十年前粵少叅 君恩未拜負深慙煙雲漠

漠桂山北風雨淒淒湘水南謫籍幾人稱善地  
鈴齋何客會清談石倉湓浦君俱到兩處誰容  
七不堪

陽朔山中東謝在杭方伯

千巖萬壑總乘空盡日如行洞府中點綴煙雲  
成彩色透過星月為玲瓏銷憂豈必誇王粲躡  
屐還須共謝公坐信天涯有知己寧須招隱桂  
山叢

題分司署壁  
署在東江門路  
縣靖即前過

石倉詩稿 卷五 桂林集  
峯過獨秀崎千尺樓倚逍遙達八窓飛蓋謾須  
遊鄴苑分司猶得近東江叢生桂樹看招隱濤

起松聲似出瀧政務稀疎民俗靜向來風氣自  
淳龐

桂林集卷之五終

石倉詩稿

桂林集 甲子

卷之中

閩中曹學佺著

曾孫岱華重梓

詠桂平分司松樹

孤松已足撫前後況成林泄事日云淺入山如  
更深涼颺生木末空翠積庭陰忍使刑名累辜  
余靜對心

邀吳去塵鄭孟磨入署中

洞壑達江潭連晨得遍探顧余官况劣料爾客  
遊酣設榻近廳事休衙時坐談短垣明月入藹

石倉詩稿

卷无

桂林集

一

藹桂陰舍

雙桂三卽事

庭中占兩桂尚有一區存酒掃常令潔淹留暫  
可言汲泉澆石活移架導花繁自矢林居日何  
能久閉門

署後砌一小臺避暑

樹陰交屋角日午霽炎威疊石爲臺坐占雲見  
鳥飛在官憂米貴聞語覺鄰稀惟得庭前桂清  
秋葉尚微

攤書

攤書無定所每以納涼淹茶熟剛移竈雲輕半  
入簾倦勤時假寐點晝誤頻添欲起看明月床  
頭擲錦籤

仝孟磨過謝在杭署中

衙齋不數武相過夜生涼明月此同照幽林多  
幾行驕愁消粵酒逸興倚胡牀仰視星河出秋  
期滯一方

遣興四首

石倉詩稿

卷三

桂林集

二

雨氣薄成秋涼生汗復流祇妨蒸作瘴恒以疾  
爲憂蠹食床頭柱蠶歌帳下籌自然成反側寤  
寐亦何求

出門奚所爲西粵富山川及至之官日來遊興  
索然見聞誰者勝體勢亦相沿詎若庄廬隱巢  
雲五老巔

客子日同居提携亦有書境緣都不惡神氣未  
安舒強出無關世浮名肯問渠林間麈尾好悔  
食桂江魚

不雨秋常甚如雷夜始聞  
政毋成害馬術更切  
驅蚊溢浦明秋月湘江隔暮雲  
音書勞覓取回  
鴈已成羣

寄答陳叔度

一官徒自晒貧士阻相依  
太末傳書到幽燕失  
路歸夢竟榮桂渚生計掩荆扉  
爲憶浮山上誰  
過問釣磯

逍遙樓餞送袁武部行取赴選

東莞人

乍時相見却成歡惜別尊前把劍彈  
泗水到家

石倉詩稿

卷三

桂林集

三

方盡處柱山當棹幾迴看  
諸夷漢法羈縻久越  
境黔師待收難建白應言天下事  
勿忘民困嶺  
西端

遊疊綠巖

三都圖

雨氣團蒼壁霞光散綠屏  
暮江沙更白秋壑草  
偏青滉漾窺陽海岩堦上越亭洞  
須窮止瞻衣  
欲動南星峯接城頭起舟過渡口  
停叱羊皆化  
石調霍似棲矧乍爾乘軒蓋相從  
泛醪醑還須  
息塵累靜展法王經

棲霞洞龍隱巖在東門外二三里諸公

都閫於其處

山水如星錯棲霞境最優洞深難計里  
雨劇不  
妨遊肖物維天巧恢諸散客愁空潭時  
莫測聞  
可達湘州

右棲霞

水出彈丸溪漁舟入屢迷正堪娛廣宴  
誰爲寄  
幽棲滴溜疑聞漏懸崖更接梯眼前雲  
物晦飛  
鳥度城西

右龍隱

送三都閫之虔州

石倉詩稿

卷三

桂林集

四

林

鼓枻下狎舸秋雲曼薜蘿江趨南海盡  
山人簞  
州多料敵皆長筭投壺自雅歌鬱孤臺  
上月惆  
悵別離何

登榕樹樓

樹以何年植門因異跡留霞根蟠孔道  
密葉覆  
層樓陂水臨空闊荷香逗早秋却因樽  
酒寄暇  
日一銷憂

方伯在杭誕日

百粵安危繫羣僚率領堪堂開八桂北  
極指一

星南廡下欣茲寄公餘接緒談秋深諸洞壑  
擬共幽探

喜雨

累日紛紛雨前青始有聲生來民食足滌去客  
愁輕草樹週期潤星河往路明桂州環洞壑躡  
屐快新晴

寄茂上人

兩粵皆行遍何嘗遇一僧顧茲山水窟誰續法  
王燈跡繁塵中累心期物外澄衣珠應不遠豈

石倉詩稿 卷五 桂林集

五

必問南能

喜王玉生至

遐荒驚客到相見一開顏空問故園信後行旬  
夕間桂林環八樹湘水歷千灣几席皆奇狀寧  
須貌遠山

芟草 和客作

獨有階前草愁心對爾傾欲行偏礙路留客豈  
無情砌密吟蛩出天寒濯雨生纖纖痕尚在新  
月映微明

陪賈侍御閣武南郊謂余曰嘉會也曷志  
之以刻諸石

羣山四面列高牙令肅霜寒鳥不譁決拾盈場  
誰占勝超陪此會却成嘉雉旟習習長松靜騎  
路翩翩細草斜應識 聖明無外化寧論刻石  
在瑯琊

送王玉生之柳城

相留衙舍內不復任經旬更作他方客可知  
宦貧地偏居柳宿汀險出龍津爲拜羅池廟

石倉詩稿 卷五 桂林集

下

迎太守神

丁游戎招全謝方伯胡叅知游隱山六洞  
時出麗澤門已暮不能窮其勝聊爲紀之  
以俟他日

候涼翻苦熱冒雨入林血絢席同鄉舍金方麗  
澤秋隱山何避客明月已盈疇歸詠吳章記令  
人憶重遊

竺都閭招遊華景洞

巖巒圍谷口陂澤寫秋容已上中天月初聞華



景鐘亭因隔水望石豈爛柯逢孰置意憂草長  
懸倒植松堤頭迴俗轍洞腹補城墻穴暗方將  
炬天光忽倚筇人聲驚蟄燕梵唄雜鳴蛩詩特  
荒祠在千秋憶卧龍

遊伏波巖

一名伏波

臨江形矗起惟有伏波巖雖在洞中坐遠看天  
際帆魚龍侵几席日月宿松杉不少名賢蹟恒  
留姓字鐫

中秋公請直指公于棘苑

石倉詩稿

卷三 桂林集

二

陽渠流水遶林塘欲攬清輝綺席張持斧詎須  
云砍桂當空真已覺飄香禮容秩秩情彌洽長  
夜悠悠境漸涼愧展追隨猶差後獨携心賞入  
臨湘

問去塵孟慶二兄

月色照華筵杯盤已狼藉何似清真人耦酌桂  
花下

桂州風謠十首

楚粵流皆仰湘漓水自分易生階面草難度嶺

頭雲素節龍舟競冥搜鼠穴熏水東街最盛  
女咽羅裙昔人七夕競渡其遊樓霞各洞多持炬而入

零陵入始安桂海地漫漫節令無冬夏陰晴  
燠寒茗舍煙氣重蔬裹礫沙乾癸水東城入兵  
戈幸不殘諺云癸水入東城永不受刀兵

自古云荒服分藩亦懿親銀章懸國信朱印錯  
居民城外寬文網車中吐錦茵他方傳好尚厭  
罷此纔新

物候中華隔高寒轉苦卑桂花多晚實松樹每

石倉詩稿

卷三 桂林集

八

樛枝蠹粉時侵面冰風易切肌嶺西饒藥物病  
嬾亦誰醫

簫鼓沸中秋肩挑水族稠饕餮臨頓辦節序競  
時修月兔燈俱上風鳶瘴易收官街青石路醉  
倒滑如油

不住檳榔嶼相傳好辟嵐喉乾如轉磨葉響似  
銀蠶棄地皆脂澤逢人若醉酣生年無半百黃  
面老瞿曇

偏安聞此地漢法已全疎塞迥書違鴈溪清弩

射魚穿山爲孔道放陡下靈渠待學桃源村  
村盡可居

坐多蚊母秋成半芋魁寄桑傳釀法文石中  
神材成飽資橋稅山田仰糞灰廣南商販到鹽  
雪盈堆

從糧難倖辦村老未全馴風俗傳雞卜春秋祀  
馬人法依山側峻歌疊浪花新嬾婦田間過忙  
將織作陳嬾婦山緒也食人田禾以機杼之物陳設則止

退食衙應放長時印早函衙孟誇瑞露燒筍出

石倉詩稿

卷三

佳林集

九

靈巖更隱吾何媿人言或息讒豈如元祐世黨  
籍至今劍龍隱巖有宋時黨人碑

喜喻子奮陳有美至自潘州

端州別向嶺西涯膩雨荒田走鹿車乍爾離羣  
纔信客重來聚首復如家千峯陽朔蓮爭吐八  
月江城桂未花最羨北流山下過可從勾漏覓  
丹砂

送孟磨之興安

紙窗筠几檮書牀清况衙齋亦飽嘗桂下煮茶

煙乍裊亭前垂袖坐微香江含細雨銷殘熱峽  
指千秋落早霜更向湘灘分處望令人開鑿憶  
秦皇

送張孟雨

前時帥司貴多以幕官重追隨有倡和鐫刻諸  
巖洞顧余未免俗兩月此棲遲不知張孟雨風  
雅宿稱詩楚中袁儀部其言少許可乃序孟雨  
集天花忽飄墜君今歸瀨鄉征馬在路傍兩懷  
吐不盡離思寄三湘

石倉詩稿

卷三

佳林集

十

伏波廟

傳聞馬伏波遺像寄山阿昔日威名盛南征此  
路過歲修溪藻薦俗唱浪花歌薏苡能興謗令  
人感慨多

同鄭孟磨遊水月洞

卽方信孺構雲巖軒處

雲巖構一軒水月兩重門休沐來茲地臨流挹  
彼樽舟輕乘漲入谷靜應聲言欲識前遊者留  
題兩壁存

汎舟金蓮港因游白龍洞

的的水蓮金舟移入港深孰知平野上轉  
幽岑穴膜分僧爨泉高落梵音秋光渾不減餘  
處乍堪尋以早苦熱惟洞中較有秋意

劉仙巖

昔日之官路誰知隱者棲林重成翠幄閣迴歷  
丹梯曲澗偏番竦前山似鬪雞黃冠能導客仙  
跡在巖西

木龍洞

桂中稱最險城外有重局匪藉丁夫鑿能穿突  
石倉詩稿卷五桂林集

十一

水亭坦然車馬路宛爾木龍形却喜沿江望堯  
山一抹青

魏禹卿盛誇東江驛前景余特過看之有  
懷禹卿

過驛不喧先自異漾渾澄碧便成幽止臨秦嶠  
猶雙壘東隔漓江祇一洲驛舊名聖泰竹逕步磯猶  
可想藥方鑄石豈能留用柳子厚范宣公事入林况聽鶯  
聲好良友叅差不共遊

虞山恭謁舜帝祠有感

昔日南巡狩蒼梧入已深漫傳虞帝跡  
如心洞豈聞韶處山如負晨臨長松千有立  
竹泪痕侵皇澤叨餘潤薰風憶好音民財何  
阜兵氣未銷沈

明月洞

在立魚峯傍

斜陽已半壁危磴直千盤平野看垂盡移時立  
未安洞周如繭室峯峭類魚竿更欲邀明月令  
余宿廣寒

靈川道中

石倉詩稿

卷三桂林集

三

行部靈川縣途中屢問津喜于山乍遠能與水  
相親桂馥因風碎禾登汜露勻千秋巖峽在誰  
為訪遺民

興安道中全孟慶登署後臺

大小融江水云從洞口來風聲亭午息松色早  
寒催越嶠浮雲起靈渠遶郭迴節應重九近為  
上最高臺

山棗驛見石榴丹桂並開

署內肩雙桂開時不在家却于山棗驛併見石

榴花隔葉紅霞映飄香金粟斜眠時論物候真

已別中華

全州道中

全州稱巨鎮越嶠迥臨關演漾皆湘浦微茫及  
楚山松根如布髮石筍巧堆鬟漸喜親農事田  
間荷市還

九日清湘署中卽事

隱几靜焚香公餘覺日長登高違令節飲水是  
清湘送酒衣猶白開籬菊未黃達夫曾寄詠搔

石倉詩稿

卷元 桂林集

三

首憶家鄉

同曾大叅陪賈按院遊湘山寺

夾徑松陰晝色開上方宮殿陟崔嵬塔中僧化  
仍如昨眼底江流去不迴省俗觀風聞八使登  
高能賦屬雙裁爲言賓主渾無着但指青山數  
舉杯

柳山贈孫守子桑

結構因前守風流復見君千山遮粵路一鉢貯  
湘雲氣韻還相接詩歌若更聞三江迴合處真

可慰離羣

興安全孟磨泛舟靈渠觀湘灘分流處

數里舟中路浮湘更涉灘稍看停蓄處纔得並  
流時代已更秦漢民猶重報施屠睢今已矣祇  
拜伏波祠

夜宿興安再夢陳磐生兼寄李子山作

往來經此地重接夢中歡應識故人意念余湘  
浦寒園籬當采菊山水一憑欄頗有茲幽事離  
懷冀少寬

石倉詩稿

卷元 桂林集

十四

全孟磨遊乳洞

在興安

溪淺褰裳涉巖高拾級登洑流因屢見乳洞有  
三層已少來遊客仍無掛衲僧却于巡省暇幽  
興一堪乘

初冬招米彥伯趙光掄滕伯倫張錫仲遊

城北疊綠華景巖洞

城中洞壑最稱難有此惟應在始安行歷兩山  
猶覺暇坐携諸子倍成歡潭空正對巖門立江  
遠能兼野色看曉日弄晴微靄散幾林楓葉着

霜丹

冬日邀米彥伯胡仁甫趙光掄滕伯倫張錫仲遊西山六洞

昔時巖下卽湖光此日收成見滌場觀倚千山  
朝羽節人穿六洞濕霓裳石窓細竹搖清影潭  
壑佳蓮餐異香誰負明時招隱客依然龍卧在  
高岡西岡各卧龍故云

送米彥伯還永州

看山興盡馬蹄忙賸有煙霞納客裝瀟水入湘  
石倉詩稿卷元桂村集 十五

終古碧零陵生草至今香月明不見孤峯鴈菊  
信遲開十月霜歎息愚邱人已逝空聞欸乃過  
滄浪

永寧州守關誠要調安吉作此送之

竹馬向烏程桃州候吏迎雖然之澤國總不外

山城瘴癘已須免詩歌應更清西巖多隱者爲

問郭先生郭文晉人隱于州之西巖

送慶遠府黃司理轉廷評之留都

舊署新知入話偏鐘山倒影後湖邊君今預辦

登臨興我昔曾遊汗漫天入楚豈無歌鳳德援  
黔猶自夢狼煙粵西司理南廷尉却與清貧太  
有緣

和喻子奮荔枝盆小山

丙穴生來巧丁夫拙可藏祇堪巢鵲徑宛似卧  
龍岡一壑雲俱白微霜樹亦黃故山如可望何  
必果園坊

寄懷林懋禮

強出旣多事不才徒積薪每逢拂意處便憶快  
石倉詩稿卷元桂村集 十六

心人坐立久無語詩書猶可親愛君期發達早  
晚入平津

次前遊西北二山韻答贈張晦之

詞林耆舊昔稱難避世寧如管幼安生長桂州  
山水勝蕭條蓬鬢歲時歡尚留寶劍燈前快時  
取方書肘後看立德立言俱不朽奚須九轉服  
神丹

歸然魯國一靈光不逐金丸年少場有道先生  
今月且無懷人氏古衣裳門前賸載侯芭酒坐

上應留荀令香聞道琢磨成大匠幾多良玉出  
崑岡

張夷伯者故京兆羽王先生之孫也隱居  
高尚人罕識其姓名余入桂旣慕羽王芳  
躅追之而不可見又高夷伯之隱德因贈  
之一律以表緇衣之好云爾

藝林聞爾祖高尚有孫枝謫宦可三已借書還  
一喚文明甘澤飲淳樸見芝眉里內知君子問  
名人不知

石倉詩稿

卷三

桂林集

七

甫後全謝在杭方伯開德甫學使邀鄧立  
度念憲登逍遙樓

蕭辰風雨早休衙霽後登臨駕鹿車寒葉已深  
城上見暮山無數霧中遮豐碑尚有平原字隔  
水長浮博望槎但得同官時載酒豈妨流滯在  
天涯

送蔣司理擢守賓州

粵西巖洞本稱奇路接滇南隔屬夷捲幔隨身  
防露宿行厨敲火備晨炊休言洱海無花處但

見蒼山有雪時五馬行春今正好計程應已達  
昆瀾

清湘至日孫州守折梅見贈

物候何其促湘江早有梅南枝逢日至朔鴈望  
峯迴信豈來閩嶠人猶隔漢隄客心何事冷不  
及管中灰

洮陽送賈按院還

朝平度州人  
古卽墨地

攬轡湘南過萬峯寒空回鴈正相逢都亭真見  
埋輪息鄉國猶聞卽墨封赴關霜稜飛白簡臨

石倉詩稿

卷三

桂林集

十八

岐風色引蒼松無端隔斷洮陽水不及匡山共  
倚筇

全吳去塵胡仁甫滕伯倫張錫仲遊礧巖

迎送聊將世法諧歸途猶可約扳崖前山不覺  
日將暮後洞杳如天一涯誰種芝田無尺土渾  
成蓮座擁層階塵緣難遇修真客流水涓涓寫  
鬱懷

夜過滕伯倫齋頭

天寒木葉下初酣半在亭臯半入潭院落未成

賓屢滿籬根雖曲野情諳生平已悉無長物  
覺方歸作細談聞有高僧同住止色空那許二  
門參

全吳去塵胡仁甫舒延年趙光掄滕伯倫

張錫仲遊師子巖

石骨何妨露山情任爾迂江煙籠客袖洞壑隱  
僧厨野燒痕如篆空林葉更鋪燈高憑足力得  
似少年無

過寂照禪師古堂

石倉詩稿

卷五 桂林集

十九

昔日經行者誰知不住心佛鐙如未息僧牕此  
云深雨氣浮空谷煙光歇暮林危欄頻徙倚相  
對有高岑

胡仁甫趙光掄滕伯倫張錫仲招全吳去

塵遊磐石寺

曉霽生遊思臨期伴始呼寺因磐石設閣倩水  
煙扶曲棧泉仍溜懸崖木易枯誰知幽絕處不  
遠在津途

泛舟羅江至城南驛

清淺羅江渡沿城半涉鄉梅開多近勝水濫未  
通湘下瀨停巴唱前山抱楚疆此中無雨雪偏  
感壯風涼

粵西久不見雪故余有此落句然越  
大日即雨雪亦大異也聊爲記之

雪中舒延年夜談

忽覩盈階雪言開小甕春深杯寒色破殘燭夜  
談親子也稱縫掖余其返角巾聊將千古意商  
榷一番新

寄答李子山

南遷誰識滯留情微祿君應可代畊世路悠悠

石倉詩稿

卷五 桂林集

二十

青眼少向人何處立功名

題王玉生桂州四景畫軸

綵翠交加勢欲傾洞中華景悉生成疎林杖屨  
閒來往半里山光一日程

逍遙樓上望星巖點點晴霞落客衫灘江不覺  
立將暮極浦燐光收布帆

巖如象鼻捲深潭水月雙層洞有三更指前江  
兩雞與風生濤涌鬪將酣

老君曾注五千言六洞玲瓏衆妙門一八函關

終不返空山遺像蝕苔痕

送鄭孟麀

投荒半載歸無路肆力千秋念豈灰強山預知  
今失計送君偏感昨同來登臨已信山川美  
病還憂瘴癘催爲問故林泉石耗幾番風雨閉  
蒼苔

送喻子奮

遠伴歸將盡浮踪歎獨居知非年殆過無可學  
焉如淥水移孤棹蒼山繞故廬微躬難自遂祇

石倉詩稿卷三

桂林集

三

美在淵魚

冬日南薰亭落成邀諸公過酌

是日天氣暖甚

南薰久矣背玄冬亭構新成恰爾逢洲跨江中  
分二水日斜林外有千峯居民莫挽蒼梧馭羽  
客時聞碧落鐘此地興衰經幾換摩崖碑刻盡  
苔封

林養異大行以齋 皇子詔至兩粵奉邀

遊湘山寺是日爲寂照大師誕期

寒谷春光到欲暄松陰空自鎖黃昏使車夾夾

漸星覓僧臘綿綿此日存百粵城頭遺漢管三  
華峯背連湘源知君更有羅浮興應宿梅花第  
幾村

五十初度答諸公

五十初年問君子余欲知非何者是故園遙夢  
石倉山八口同依桂江水灘上水已又湘濱四  
千里外空一身春光半百尚須惜浮生那有百  
年人

全州迎春

石倉詩稿卷三

桂林集

三

東皇遙渡哈江門五馬翩翩駕以軒坐見樓臺  
臨粵嶠粧成男女賽從村梅花漸落無全樹雨  
霰微飄似故園歡喜於年逢使節更添湘酒注  
芳樽

癸亥除夕

廿年曾注粵參藩前後趨承並 王恩嶺外民  
蓬空杆軸遼陽兵氣咽開門私憂國計無歸着  
屢到家書亦厭煩半百已過彈指頃尚留殘燭  
照黃昏



甲子元旦奉和謝在杭方伯

江藩清旦逐鷄羣四海昇平祝 聖君甲子千  
戈應首紀西南荒服尚同文謝池吟處生春草  
閩嶠瞻時隔暮雲自媿蒹葭長倚玉升沈聲價  
豈難分

人日集逍遙樓爲吳季升憲伯公宴

樓臺高迥接煙霄列雉晴光一水遙席捧法星  
明獨坐勝傳人日展相招暮雲不覺迷深洞春  
月初生在畫橋共道西南喜安靜寧須馬援立  
石倉詩稿 卷二十九 桂林集 三

銅標

上元夜吳憲使關學使招集榕樹樓觀燈

上元聯駟出城陬山色蒼蒼繞桂州點綴花燈  
新五夜攀躋榕樹古南樓土風尚識民間樂香  
霧還迷晝裏遊綺席瑤階人已醉不知寒色在  
坡頭

十五夜閭司公宴觀火樹

燈輪不住駕羲和公宴堂中說止戈平地百枝  
開爛漫東山獨秀失嵯峨看場更逐雙聲艷喝

采偏容小隊過共荷吾 皇安靖福寧拚樂事  
與人多

十七夜吳憲伯招集齋頭聽曲

五夜乍過燈事闌不妨清坐洽朋歡莫階兩葉  
當春落柏署三峯入暮寒醴酒若爲知己設雅  
歌偏惜賞音難遲留不費燃官燭任取東窓月  
色看

送關學憲掄文之兩江

春日啼鴛靜裏聞簾垂香篆坐衡文兩江自昔  
石倉詩稿 卷二十九 桂林集 三

稱南選一顧應須盡北羣勾漏洞中無俗跡羅  
池廟裏有斜曛知君行部兼遊覽幾處題詩別  
蘇紋

二月雨後過廣壽菴觀前代碑刻

昨宵雷雨至生意動勾芒耕省春郊始墳侵古  
路傍巡行看草綠題刻蝕苔蒼因識前賢者悠  
悠興味長

登雉巖相傳卽雉聽經化處唐宋人多于

此送遠亭榭久湮余爲興復之

江水入陽渠春流曠有餘巖空靈雉化穴小之  
僧居出餞聞茲地歌風陟彼祖久無軒蓋到荒  
徑爲誰除

再遊七星巖古風

桂林有奇境紛布諸几席所遇多瓊瑤恒歎少  
膏澤層樓望鬼峯動與星辰迫蒼翠何獨饒中  
乃施朱碧春水溢浮梁芳草橫阡陌在公庶云  
暇謀野興斯獲俄已易巾屨倏然理杖策林莽  
互蔽虧梯磴相委積時禽發妙音流泉沁丹液

石倉詩稿

卷二十九

桂林集

三五

西

談經訪緇侶導遊偕羽客顧視叢薄間輕煙裊  
如璧城郭何逶迤王侯多第宅處仁誰則然遺  
世罕攸擇巖光易傾曦洞晦如向夕物象森以  
錯神仙戲方劇理外容探尋暗中可摸索側足  
臨深淵僕夫爭墜石恐逢蛟龍怒豈憂腐鼠嚇  
玄風自冥來炬火爲之辟徑窮不復返室幽自  
生白洽洽溪澗中清淺隨所適遠村雜花竹平  
疇廣蔬麥長洽肥遁流益痼煙霞癖山水固如  
斯升沈淑今昔倘乏清輝娛投荒復何益

登獨秀山

藩邸有一山鬼然稱獨秀畧倣中人城詎同孝  
王園玄崖似圭挺彤宮如宸負梯磴皆劃成尋  
丈安能究樹屈乃獨全藤老因多壽庠序跡久  
湮牌版代云舊昔鑄賢聖容茲瀆神明祐伊余  
竭扳躋步步聳肩脰捫蘿踐古苔褰衣避懸溜  
禽囀啖芳春風和豁清晝曠然此大觀遐荒頓  
忘陋川原互相經卉木信維茂靈渠自北來層  
峯障東驟桂林饒名勝此足當領袖瞻昔顏光

石倉詩稿

卷二十九

桂林集

三六

西

祿出爲始安守在公日云暇讀書卧雲竇緬懷  
五君詠風期溢前後有賢志足欽乏才簡虛接  
石榻棲便房琴亡歎斯奏

聞報量移備兵秦州

看山興未了聞報轉秦州不憚之官遠堪尋古  
跡遊隗囂宮作寺諸葛壘成邱故郡名天水湖  
光在上頭

過蘇橋驛

眉山兄弟苦飄搖到處還將姓字標獨是桂林

稀故蹟空聞此地有蘇橋

宿橫塘

橫塘隸永福縣余家里名橫塘距縣永福亦只兩程

余家江畔住橫塘耐可乘潮到永陽今夜橫塘江畔宿夢迴猶說是家鄉

離容縣

兩郡咽喉地百家同一城中無市肆堡上有防兵山色當春暮江容見離清平原皆沃壤只是少人耕

登柳州城樓

右舍詩稿

卷五

桂林集

五

象郡遙連一大都春城雨過長藤蕪蒼蒼山色平如几疊疊江流曲似壺夾道煙光猶不散羅池月影已模糊東亭徙倚林邱上得覓河東舊碣無

登立魚峯

雨霽重林氣未明巖局一帶白雲橫孤峯恰似魚形立三洞還從品字生倚樹盤旋香閣盡扶筇高下石牀平寧須再問神仙奕宴坐能令歲月更

羅池廟弔柳河東先生

永州司馬已歸朝何事南遷路更遙藻思但令文卉化芳顏寧委瘴江銷殘碑城下經埋沒占墓林間罷采樵山水可遊曾有記肯容踪跡太蕭條

聞被留之報

蠻煙那可一朝居豈謂恒情獨及余臺使苦留頻削牘家人過發復迴車敢云何有夷方陋聊覺相安漢法疎獨使少陵千古恨秦州城北草

右舍詩稿

卷五

桂林集

五

堂墟

陸足吾掌科奉使來粵臨發余始回省邀遊七星巖因呈一律

荒服驚逢上客難山川文酒藉交歡風期不爽臨行值星聚還能對景看匹練遙懸江外白叢花偏發洞中丹爲詢昔日神仙侶何似雲霄借羽翰

再到昭州王心抑參政昭飲小教場亭子

綵鷁初停接錦筵地看平野興悠然亭亭古樹

連雲直灼灼新荷濯雨鮮已信昭州重作客誰

當杜老獨懷賢仙宮嶺下詢遺跡猶有忠公感

應泉六句用杜集云薄內忘形惟昭州使君敬超先耳

過王心抑竹亭避暑

乍過鈴齋景物幽清談彌日坐忘憂已如渭畝

千竿出時余有閑中之役斜見恭江一段流旱極杯中

猶泛蟻時懸屋角有鳴鳩爲言看竹偏逢主不

美卿家王子猷

午日王心抑招遊印山觀競渡

石倉詩稿卷三桂林集

无

五月榴花照酒杯龍舟爭過碧潭隈雖非屈子

沈江處亦自昭州試死來日落青松行帳列風

吹白紵和歌迴民間尚不賒行樂底事愁人節

序催

其二

方山如印對花封傍水人居屋幾重此日傾城

來出戲千秋競渡訪遺踪時當苦旱頻占鵲客

願翻江有蜃龍平地何能添尺潦收成真可慰

三農

題制府何公冊子

夕郎封事叫重聞國本安危信此分白日豈容

魑魅黨曾天惟仰聖明君建牙處處臨治亦

戀闕時時望綵雲勞動在東寧久佇會憑麟閣

勒功勛

題陳鄰玉山房雜詠

游神向太清羣峯在其下自有此山來誰能長

住者

右太清峯

欲探世外趣問取菴中僧解種千竿竹其餘一

石倉詩稿卷三桂林集

三

不能

右竹味菴

山房少結構團欒似銀甕甕中貯白雲片片堪

拈弄

右銀甕山房

泉井既宜淪沙淺仍可掬幽人坐飲之一飽淡

無欲

右勺泉

茗生畦圃內勝自遠方致若逢桑苧翁品不在

三四

右茶畦

春來種一石秋還釀幾斗不有彭澤田焉取步

兵酒

右秫田

柏巖歌小引

去白沙舖里許有一山自平田突起純體  
皆石玲瓏空透有似罅孔從未有名土人  
但以石山呼之巖中古柏五株蔽石殆盡  
尚及于洞口之清潭香碧兼之是不足名  
柏巖乎明經趙光掄父子偕余遊因書以  
歸之

粵地宜松不宜柏此巖五株皆百尺上枝已自  
摩青雲趾下雙垂潭水碧礪礪漫云非棟梁幽  
石倉詩稿卷五桂林集 三

寒早覺侵杯席四序風吹作麝香幾道泉流界  
丹波洞形頗與桂林殊疊巖玲瓏似鄒嶧穿橋  
度壑亦屢盤盤旋不盡山之石以此但名爲石  
山辜負羣林寄巖隙余謂當名作柏巖巖今與  
柏相開闢勿問山靈知不知山中老宿笑云宜  
陶穉行携具雉山

城南吟賞地最愛雉山秋若現雲中景仍爲水  
上丘携觴翻累客扳磴始成遊漸及鳴鐘候蒼  
煙繞郭流

喻宣仲招遊木龍洞

石壁雖千丈居然坐可親雲垂蘿蔓迥露宿草  
花新入洞逃秋熱占風望雨晨情知言別近不  
欲視江津

送卜南仲

與君同病者况乃涉風波胍胍意相語悠悠行  
且歌前山分北桂故里返嘉禾路指湘川畔爲  
文吊汨羅

中元日克紹宗侯招集隱山

石倉詩稿卷五桂林集

三

郊行當節候野酌自林臯勿憚秋多熱須邀月  
上高果園垂晚實松嶺起寒濤此地堪招隱閒  
情寄楚騷

送喻宣仲

早入秋無底田禾恐害收序涼翻衣綵溪涸詎  
勝舟天愈高難問郊無樂可遊此時南國恨不  
獨滯成周

君來客此久地主甚相安舍館名川繞追尋永  
日歡僅能稱免俗無計卽休官洲渚多黃葉愁

應獨倚欄

中秋前二日集諸子與文祠翫月

宦興闌珊苦不強佳辰賓從賴相將已誇西粵  
多文會絕勝南樓在武昌閨後秋分時覺駛望  
前月出早舒光瀾山恰有盈盈思一曲澄湖夜  
始涼

叔度五旬初慶爲八月望前一夜賦贈

中年偏得近中秋明月明宵魄始周此度一樽  
同宦卽他時十畝與君謀閒談屢剔燈花盡露

石倉詩稿

卷五 桂林集

五

坐還依桂樹幽莫怪平生爲客思向來弧矢未  
曾收

署內見僮輩燃塔燈有作

雖然頑戲亦莊嚴層累相因始合尖老有童心  
看去喜蕭然官况學趨炎果筵席地紛成列松  
蓋垂陰接步檐過此良宵尋樂事清風明月豈  
能兼

同喻宜仲何瑞之克紹湘伯二宗侯遊白

龍洞劉仙巖諸勝

入洞穿巖總勝場城南十里不知長江連洲渚  
蘆花白路遶山園桂子香漠漠煙光成細雨淒  
淒風景似重陽無端最是深秋熱薄得閒遊蚤  
晚涼

宜仲初到劉仙巖喜甚因悔其遊之晚也  
每逢人輒誇其勝余爲一詩述之

穿穴天光露臨崖樹影遮步時探隱跡宿處傍  
仙家石臼蒸雲熟江煙迫日斜客來猶恨晚作  
意向人誇

石倉詩稿

卷五 桂林集

五

湘伯勞酌白龍洞

渾水卽江源澄泓照洞門港花嚙去鳥巖樹墮  
來復且有泉宜茗非無酒注樽清言堪永日不  
覺遂黃昏

署內桂花盛開招客談奕至晚

叢桂側公堂清陰過女牆豈無鵲遶樹應有蟻  
浮觴折簡邀賓至敲碁落子忙似迷香國裏魂  
夢不思鄉

同諸子遊省春巖卽古彈丸溪也

秋陰宜散步野色恣平看巖列爲屏障溪流出  
彈丸拒霜花掩白照日桂成丹少憇空潭上游  
魚助客歡

喜雨過漓江

入秋已乾旱颶塵颶平陸田禾資堰水焉能飽  
所欲西郊起密雲祗恐成小畜卧聽簷垂溜洵  
爲天雨粟俯仰窺物情旣困甦而倏農夫較取  
盈腰鏹候晴旭余過漓江上新流亦可掬楓林  
稍變丹桂樹微銷馥且欣萊甲肥于以代梁肉  
石倉詩稿卷三桂林集  
肉食無所謀年豐願斯足

苦雨

雷電憤交作九月匪所宜農夫恰收刈亦非望  
雨時昔固樂沾濡茲且爲淋漓連宵竟更漏平  
陸皆汚池蟄藏旣不周泛濫相因依竊聞旱潦  
患今歲重京師遐荒隔萬里餘波尚及之  
王言重修省天心或轉移誠此蚩蚩氓慎勿煩  
怨咨

同喻宣仲陶穉行滕伯掄呂仲吉何瑞之

雉巖登高

桂州巖洞插亭臯又可乘舟恣所遭籬下黃花  
開曉露江間白羽湧秋濤鴈行衝峽來聲斷雉  
尾凌雲作勢高僻地了無纓組累偕遊縫掖與  
方袍

同宣仲叔慶穉行伯倫再遊劉仙巖

城南十里路逶迤疎密寒林若有期信日淹留  
巖洞裏斜陽棲泊暮秋時清泉待汲他山遠美  
醞偏誇此地宜蘆荻花開衰草亂未應愁絕在  
石倉詩稿卷三桂林集

天涯

到彈丸巖省工遇鄉僧應公因同泛舟下  
訾家洲新菴招喻宣仲談奕至暮而歸

客到重局裏緇林喜出迎雖然方外侶亦見里  
中情點點垂巖溜淙淙作磬聲庀材乘小泛割  
稻趁初晴燒葉厨煙冷呼舟野渡橫觀碑鑱碧  
落閣道列丹楹竹箭驚心駛蓬窗露眼明尺竒  
猶漲在里許亦江行楓樹霜初染蘆花雪漫繁  
灣頭稍纜欵空界韻鐘清取次呼朋至悠然坐

隱名楸枰愁舊習蓴菜熟新羹嫩筍難時客  
霞落處輕寒砧催萬杵秋菊傲羣英最羨僧歸  
洞仍憐騎入城人生閒適趣能使薄浮榮

榕樹樓克紹宗侯携酌全喻宣仲觀徐大  
將軍使劇

榕樹爲門可度車樓將百尺蔭扶疎繞林未半  
石階盡對局方終更漏初秋老花殘悲願曲天  
寒波闊羨爲漁中原水旱聞多故此地偏安畧  
有餘

石倉詩稿

卷五 桂林集

三

同宣仲穉行伯倫到省春巖

已辦出門興正值渡江雨衝泥展山屨滴衣皆  
石乳巖構欣漸備僧寮此云聚薄暮澗雲收平  
原麥秋吐

次日又同宣仲伯倫穉行瑞之到皆家洲  
風日今朝勝非遊莫可償江空看去霽晷促訝  
還長洞壑遲秋月楓林帶曉霜邇來僧舍就客  
過免荒涼

又同諸子過虞山廟

虞山松樹古野曠亦成幽香火脩孤衲亭臺  
一邱洞中韶樂應水際練光浮最好橋南望雲  
屏萬丈秋

菊花盛開偶有奇種數本移在客廳  
宦久人俱厭庭閒菊漸佳但添籬落趣應與性  
情偕僻地多奇種殘秋駐小齋天然成位置直  
可事安排

翩翩黃鵠下渺渺白雲停暮色疑當寢燈光照  
上屏最宜承曉露畧似綴秋星欲待焚香坐幽

石倉詩稿

卷五 桂林集

三

香已滿庭

壽徐總戎

門出雙榕古旌開八桂雄誰知帳中帥卽是河  
上公肘繫皆金鵲腰橫有玉虹烽煙銷漲海樽  
俎詠維嵩對奕淹花墅分題徧菊叢羣材歸記  
室何減建安風

詠菊二絕

籬菊比佳人其容太憔悴惟有玉樓春堪稱金  
谷妓

右玉樓春



黃鵠集君庭十五自成匹未必洛陽中姚家爲

第一

右牡丹黃

送叔慶還閩二首

遊以茲方勝官應此日貧俸錢皆佐國巖洞底  
留人歲餘聞吾里江寒悵客津却因離別會祇  
自見情親

坐看諸客去始信一官非道固憂將喪時猶不  
任譏瘴煙歌站站雨雪歎霏霏那得從商綺西  
山賦采薇

石倉詩稿

卷五 桂林集

三九

送能承兄還閩二首

吾兄一日長生世百愁寬頃任炎荒久纔知冷  
局難病中煩見慰勝處指同觀尺布休嫌窄縫  
將禦客寒

買山支遁隱誓墓右軍文遐想當年意之人樂  
與羣家風元淡泊世故漸紛紜若問同源者湘  
漓水已分

再送仲宣二首

此時君定發安得復蹉跎鴈信南來少鷗羣北

去多芳洲雖可涉寒月竟誰過餘興乘冬暖江  
行踏淺莎

經旬猶唱和變響忽歌驪旅岍楓皆合朋樽菊  
尚携袂分蠻徼外信隔大江西明歲相思字應  
于上國題

寄懷陳有美

時歸  
喪妻

宦邸相依日三年獨有君去時憎寂寞夢裏記  
殷勤已失鴛鴦侶長隨麋鹿羣窮愁那解免惟  
有著書聞

石倉詩稿

卷五 桂林集

早

桂林集卷之中終

石倉詩稿

桂林集

乙丑丙寅卷之下

閩中曹學佺著

曾孫代山華重梓

登清秀巖

巖在西清門外掩映塘水上有石孔可通天日極目遠眺陽江

過下庄而入清如帶之繞宋隱士朱元順所居杜帥張安國時征旌麾過之因

名其閣曰附云云

出門何事喚西清千仞巖巒映水明表裏天光誰鑿透續紛物像自生成長江日落飛虹遠僻塢秋深異鳥鳴爲語當時雲卧者紫微旌節可曾迎

石倉詩稿

卷五 桂林集

遊中隱巖

舊有福緣寺在巖中今廢

人煙初斷木林村溪澗潺湲遶洞門隔別全因垂石乳高寒猶自受朝曦鐘殘尚憶凌霜響像古應知閱世存極目長空飛鳥外堯山西去是湘源

遊荔枝巖

偃僂洞口揖溪聲贅石疊嶺似側生八齒居然水雪味低頭還憶故鄉情幾層樓閣煙籠滿三界仙人玉琢成游興漫論今轉劇細看苔壁有

題名

琴潭

琴聲絕妙如流水誰識琴聲卽水聲解到此中俱寂寞試聽終日自和平潭花倒影何年發石筍如林夾道生野老併忘爭席事由來此地少簪纓

遊中隱巖歸途飲張孝廉園內時全滕伯倫諸子以北上將別

穿巖餘興入芳叢饌設居然費王公江淺竹深

石倉詩稿

卷五 桂林集

二

饒野趣石高松矮受人工野鷗個個忘機住林衲雙雙指寺通門外孝廉舡久繫人傳劉尹晉時風

全楊方伯飲犀潭宗侯西園

逍遙飛蓋出西城設醴全因待穆生朱郎正逢朱橘熟畫樓偏對畫峯晴寒林綻葉知春早掘地爲濠見水清漫訝客來幽徑數未過三日再班荆

送鄭子庸還家

庄廬相訪杳如期到自浮湘返涉漓遊徧桂林  
巖洞勝說于桑梓友朋知一官數篆難留客千  
里孤身欲傍誰夢共石倉池畔坐不堪春草復  
離坡

滕伯倫孝廉北上索詩送之伯倫在省内  
有所遇云

多君意氣溢中原對客時開北海尊削草便成  
文苑傳看花先入武陵源世無美玉應增價家  
有明珠欲報恩勉矣行爲天下士前時曾撥榜  
石倉詩稿卷五桂林集  
三元

喜弟修至因同守歲

杜甫詩中喜弟觀異方同氣類相看驚心似覺  
時猶泰聚首偏驚蠟已殘酒映百枝銷暮色簾  
垂孤樹逗春寒時已立憑君一問閩關路五嶺  
愁雲隔渺漫

元旦全能証作

弟兄何者是難爲歲月頻過不易追余已老成  
君匪少官雖遊戲俗相宜纍纍却數腰間印憤

憤應留日後思一任故園春草長寧煩歸夢謝  
家池

送能証弟還閩兼答李明六

弟兄俱半百形影忍睽違官下相依切忙中退  
食稀歲時思故土山水泥清暉值此春江漲悠  
然買棹歸

其二

歸舟仍載石薄俸少贏餘村野無營甚從村亦  
晏如雨深花事柳春去鴈行疎爲答同心者來  
石倉詩稿卷五桂林集  
四

篇一起余

雨中吳仲聲過署齋小飲

積雨堪淹坐浮雲斷故鄉但能長聚首何事畏  
投荒地瘠民猶村官貧士則常傳杯仍度曲宛  
似昔林塘

東萬涵春司理

別久還相念無如蜀大夫折肱猶故我賦性本  
來迂景物于茲適詩腸較昔枯草堂春雨後西  
瀼定難鋤

送朱雲龍還楚

閩楚隔千里，況之西粵遊。風期原自達，意氣莫能酬。積雨巖光暝，浮湘江路脩。汨羅應弔古，正值采蓮舟。

其二

恃有寸心在，何妨知己稀。繞朝空贈策，歐冶慎藏輝。世道如常泰，吾生任息機。東湖煙水濶，同子緝荷衣。

同范穆其滴江泛舟登雒山巖

石倉詩稿

卷五

桂林集

五

綠樹開芳洲，蒼煙捲水流。巖僧開化雉，野客狎浮鷗。豈是沾花雨，居然報麥秋。何當晴霽後，遍作賞心遊。

和葛憲副武綠屏水江二首

漢止戈縣地

江水清如許，靈犀一點分。止戈因曰武，不繪自成文。豈必鮫人泣，還沾鹿女羣。犴從此起，曾飲伏波軍。

草木皆新色，煙霞狎舊盟。綠雲千陣合，珠宿一囊傾。清固能容物，涼因可洗兵。葛公揮灑處，羽

扇颺風輕

署內搭一松棚避暑，范穆其過而詠之。架上新松色，移看一段青。月來分點點，雲覆共亭亭。稍息簿書累，聊將心境寧。幾番涼雨過，爽氣逼疎櫺。

又和穆其夜涼一首

入夏固多雨，未秋生夕涼。姬人怨團扇，客子問衣裳。明月過庭際，流螢亂竹傍。休衙時寂寞，應住水雲鄉。

石倉詩稿

卷五

桂林集

六

訾家洲亭成飲而落之

芳洲綠草已萋萋，恰似滴江障一隄。巨浸始知浮地上，東城偏欲遶溪西。舟帆影裏看雲遠，琴筑聲中聽雨迷。待擬襄陽醉山簡，兒童爭唱白銅鞮。

夏學憲招飲虞山松風堂

炎歊洗盡白雲封，堂構宏開倚列松。受爽易于消酒力，獻奇爭以敵詞鋒。江干地湧流千頃，雨後山添翠幾重。但使遐荒知禮樂，虞庭今復見

變龍

全唐無阿呂仲吉叔大趙光掄諸子漓江  
泛舟至雒巖

漓江清淺刺輕舸乘漲安流不受篙品藻盡如  
懸水鏡簿書閒卽解天鰲漁歌款乃過青竹鷺  
嶺光茫動白毫豈爲留連忘分樂吾生與子屬  
同袍

漓江書院落成全陳顯卿李玄鑰遐齡宗

侯李汝大小集

時顯卿應武閣會舉

石倉詩稿

卷五

桂林集

七

洲渚亭開竹院通尊前還喜賞心同星光帶雨  
穿巖白漁火燒雲映岸紅避暑可如河朔地論  
文猶是建安風謾云開塞多戎馬談笑平胡魏  
謝公

水龍洞七夕宴遊

天然巖構傍城隈賸有江流照客杯樂奏雙文  
河鼓應泉垂一縷夜珠來行穿洞曲疑龍闕架  
得橋成值鵲回却恠渡頭人似織空懸機杼思  
難裁

席上送孫元鼎還閩

曾聞三黜使人悲直道難容柳士師地主但驚  
秋駕蚤天孫猶恨夕梁遲久拚拙宦寧須巧祇  
恐重逢未有期謾說閩南來信遠衡陽歸鴈已  
參差

雨後漓江觀漲

閉門但覺秋多雨出郭纔知漲滿江對奕客談  
真細細忘機鷗泛已雙雙芳洲草樹浮虛檻亭  
午涼風自北窓漫說羲皇人已近由來風俗本  
石倉詩稿

卷五

桂林集

八

淳龐

送沈僉閫齋捧北上

樓堆萬卷揭蒼旻翰苑家聲就李分投筆可如  
班定遠苦吟還憶沈休文粵西閫外宣猷見薊  
北車中戰伐聞好向湖南秋夕望老人星祝少  
年君

全穆其赴庄盧藏公約看張家園池千葉

白蓮

白蓮遙憶東林寺異種今看仲蔚園片片瑤華

似堆積層層香氣倏飛翾時當大火偏凝露望  
欲生寒却負暄更向荔陰濃處坐摘來應可注  
芳樽

薄暮全移其藏公泛舟西溪到象鼻山而  
歸

對奕斜陽沒山下移舟分水自城南青蓮結社  
賢誰最赤壁從遊客亦三隔舫笙歌歸後浦近  
江煙雨入空潭渡頭候火秋林外徑轉橋橫步  
却詣

石倉詩稿

卷二

桂林集

九

昭州印山上有點翠亭制度狹小殊不稱  
玩余屬平樂令鄭孔眉爲開拓之見報以  
七夕落成復有盈盈一水之憾聊和其來  
作一首

印山亭詩已重興節值初秋水氣澄橋斷却嗟  
河甚廣樓成須待客同登城頭落日團金翠空  
界毫光耿玉繩聞說西湖了公事似君幽興一  
堪憑

中秋前一日招范穆其周又新陶允一仝

趙光掄唐無阿李汝大集水龍洞新亭

澄江一帶遶巖扉兀坐空亭似釣磯秋雨乍來  
賓席却晚涼如許渡船歸城頭已掛青銅鏡水  
態輕搖白紵衣素節追歡俱此地心驚猶覺到  
時稀

鬱林楊州守以保留不獲又喪內于水濱  
因其行也詩以送之

邊俗遙憐借寇難孤舟欲發重盤桓載書聊當  
鬱林石扶櫬還過灤瀕灘白髮鏡中霜乍染丹  
石倉詩稿

卷三

桂林集

十

砂竈裏火將殘愛民處處求良劑賸得仙方肘  
後看

送周又新還甬東

薄宦追隨地通家兄弟行紀遊在巖洞別思向  
瀟湘祇訂入林約全無適粵裝莫因來鴈斷音  
信阻衡陽

送吳仲聲之筠州

筠桂地俱堪量移那免貧郡名猶近雅民俗可  
能淳卧閣日無事上書時有人紛紛門外屢

益飢中塵

二蘇來粵境但未遡湘源向月吟藤峽分途入

桂門即鬼門關後易爲桂建山環古寺蜀水遶前軒爲問

東坡老前因可再論

余亦投荒者聊希古昔流山川時眺詠風物且

淹留歌舞同民樂壺觴與客遊因君解此意臨

別轉生愁

雒山青蘿閣全吳仲聲周夷玉周又新李

汝大鄉紳徐五管宗侯遐齡落成時仲聲

石倉詩集

卷三九桂林集

十二

夷玉又新將行

嘗聞高閣頻青蘿桂帥風流信足多巖下幾時

曾化雉雲中一點似盤螺窓虛尚露石垂乳渚

曲能令江有沱正爾落成歡宴洽尊前休爲唱

驪歌

贈別周夷玉

吾師稱小阮風氣自飄揚乍見欣同調言歸憶

故鄉猶聞顧曲誤應是入林狂櫟社能無恙登

樓挹瑞光

夷玉善干製曲故云

喜陳叔度長生弟嘉兒全到

居官賓從悵難隨况此聯翩集弟兄別後豈忘

于友篤近前方信是吾衰門無孺子空懸榻俗

笑山公倒接離何事衙齋詢勝槩路傍巖洞已

參差

西南地暖菊花頗遲投荒三載不知此中

有善本頃乃得之值軒伯長生嘉兒到留

與賞之

衙齋前地僅咫尺也有藤陰覆盆石編竹爲欄

石倉詩稿

卷三九桂林集

十三

蓄綵禽其神不王如我心消息行人猶甚遠桂

枝零落青苔晚園翁餉菊纔半開肯駐秋光寧

可緩諸君來此十月間應識登高江畔山入座

黃花更相待經旬護惜無人攀鵲爲裳今金在

冷積雪凝輝良可寫其餘紅紫雖不貴論品豈

在中之下只道遐荒一物無東籬寂寞秋思孤

三年始見菊花好凡事詎宜常草草

初度

嶺西三度憶稱觴此會親朋集我傍酒託寄生

堪自老丹求不死是何方雖無曲譜傳花與猶  
有書聲出草堂休訝朔風吹樹直此中寒思逼  
蕭相

乙丑除夕紀事

五旬仍過兩年華四千惟留一在家眼底儘堪  
娛日夕官中矧不乏煙霞客來未必皆驚坐歲  
去寧殊不繫槎酒罷空庭時起立遙看斗柄欲  
西斜

觀鰲山燈

石倉詩稿

卷五

佳林集

十三

蓬萊誰道隔仙宮鰲柱分明桂海中馬躍未能  
踰咫尺雞栖猶自鬪雌雄上乘詎可云旂動下  
策應須藉火攻此景本從元夕現欲資遊賞兩  
年同

丙寅元日

曉鐘趨府逐人忙入署清談已夕陽霽色夷猶  
偏向嬾遐荒禮數僅成章寅寅當建歲欣逢首閏  
在炎天預計長幾換星霜煙瘴地量移消息更  
茫茫

開正二日遊棲霞洞謁老君像

出門思叩老君玄喜有林僧導客前縱是行春  
除七日恍疑終古闢先天物惟太肖翻嫌鑿道  
在虛無豈落詮樹色巖光何不可冥搜空自費  
松煙

薄暮遊木龍洞見堯山爲煙霧所蔽

村墟渡口幾人家傍岸來迎客泛槎江洞石浮  
如鴈鷺山深澤隱有龍蛇已看細草生巖罅尚  
折殘梅趁日斜好事更逢賢地主開樽亭畔不

石倉詩稿

卷五

佳林集

十四

須賒

觀穉子放起火

亭亭直上駛聲聞廨舍牆垣了不分爲有一枝  
剛脫手定教餘焰冷燒雲林鷺尚怯驚殘夢塞  
鴈將歸怨失羣興譔未闌喧矢盡隨風落地已  
紛紛

人日楊方伯招遊省春巖卽古彈丸溪也  
洞境奇特自公發之

楊公呼我行東郊是日何日爲人日不特遊巖



兼省春土膏欲動羣卉茁巖中有洞人不知我  
來差後公搜畢神奇變習言似夸必定從遊始  
知實公仍賢勇導我前手撤藩籬招入室徧地  
俱作荔枝盆丁夫欲琢山神叱泥乾裹石似彈  
丸夏潦流去溪應溢濯濯松根散不收卧龍鱗  
甲堅難匹幽姿耻作耳目翫圖經紀傳其遺佚  
隣僧指點猶自疑以意爲遊乃可悉中間虛圓  
像滿月表裏無光返玄質茫然如此將安歸歸  
途已自他山出

石倉詩稿

卷十九 桂林集

十五

車中有擲詩數紙乃靖藩王孫卽席所作  
因率爾酬之

翩翩諸玉牒同氣復連枝酌罷盈樽酒吟成卽  
席詩青山寧借客黃鳥欲呼誰總爲春光至欣  
從物外期

穀日迎春

桂海東皇到薇垣百戲陳豐年期似昨穀日應  
茲辰覽物風猶古投荒俗久親土牛如解事還  
看一鞭新

靖藩鰲山燈宴全諸公集其書堂爲正月  
十一夜

燈火吐青熒長筵泛醪醴藏書生帶草應律指  
階莫秘戲詩清禁羣芳集滿庭夜無分去丙山  
豈鑿來丁宮觀仍模寫飛潛盡肖形鳥驚叢樹  
月魚泳一池星授簡才非匹吹灰術更靈蓬萊  
應不遠何必涉滄溟

元夕開社邀諸王孫詞客集李參軍汝大  
江樓觀火樹分得山字

石倉詩稿

卷十九 桂林集

十六

結社賓初集休衙吏早開洲橫高閣外城出盡  
橋灣茲夕催燈上輕寒召煥還輝開千樹火雨  
映隔江山俗接三湘畔龍蟠一室間時楚戎以  
龍燈來獻  
落梅分戍曲叢桂卽仙班縞帶輸情贈詩籤率  
意頒驪珠誰已得光彩動人寰

正月十五夜與文祠問司公宴

蒼屏如畫雜雲松漓水中開象鼻峯夜雨平池  
添幾尺春燈隔岸照千重煙籠葉生初滿瓦  
濕梨花落更鎔豈必金吾傳不禁由來樽俎自

從容

黎總戎席賦得柱燈

堂前羅列晝氤氲若箇飛來更出羣石室書明  
周史氏銅標字映馬將軍膏凝礎潤非關雨樹  
擁臺層祇似雲十二雕欄皆倚遍金樽玉燭送  
微醺

全叔度詠魚燈

豈因留客待烹鮮願得提携末照前遊泳不離  
梁上藻東西並戲火中蓮明珠欲報銜來遠尺

石倉詩稿卷五 桂林集

十七

素相思字宛然爲語碧山唐學士休將焚却玉  
堂邊

菜燈

誰將綠焰映朱扉聞得園公火種肥歲稔閭閻  
無此色雲深甲第借餘輝客因醉眼看時醒僮  
識空花摘處稀永夕盤中甘棄置隔簾春草咲  
芳菲

紙燈 改白門  
舊作

洛陽聲價重千緡皎潔懸空不受塵歲歲人情

看去薄纖纖女手出來新羽衣漫爾歌遺韵魚  
網惘然認細鱗莫訝山堂光似雪一枝原摘剡  
中春

龍燈 改江州  
舊作

浪清爭渡弔靈均五夜行遊不在晨已有光芒  
離尺地寧論首尾只三人涎垂縷縷成香飲甲  
動喧喧入暗塵雞唱未聞休卧却應須踏遍九  
江春

嘉兒告歸口述五言古體四章送之

石倉詩稿卷五 桂林集

十六

強出彌歲月隱退念常有虛糜鮮實益素性謝  
扳援時清仕路廣瘴海恒棄捐但思一稅駕何  
敢驚前軒兒來差足喜別去仍悲酸遍察僮僕  
情人人思故園留者憚無期行者不及食余非  
戀茲土顧亦難爲言

憶昨出門時行年正五十茲焉已逾三衰謝端  
非一朝視鏡中髭和光返素質夜披燈下簡冥  
濛如霧密川逝貌云徂峯攢思多室爾來修定  
省覓神覺寧謚懷土念旣榮待留慮嬰疾始知

水石姿偏宜山水窟

西南垂氣候寒暑匪有常起居貴知節調伏無  
他方瘴煙亘庭戶蒸毒浮水漿俗人顛獮猴胥  
吏多木彊惟有巖洞奇一美百可忘韶光狎杖  
屨賓從連杯觴春林釀微雨祗餘蘭桂芳空齋  
時宴坐惻然離別傷

夙昔自蜀歸結廬匡山下睠彼雖有情居之則  
無暇家園十畝餘泉石秀而雅別離更歲序歸  
夢常不捨茲地悉營度庶免傷質野以斯世俗

石倉詩稿

卷五 桂林集

十九

見遂疑爲久假不知宇宙間誰爲長任者去去  
勿復陳余衷悉輪寫

春日全諸王孫李參軍廬山人陳叔度長

生弟嘉兒集南薰亭共賦分得浮字

倚石穿雲到上頭酒樽綦局任淹留亭前山色  
隨妝點島面春光顛拍浮虞野薰風來玉軫漓  
江新月上銀鈎呼兒挈友雖云樂祗讓前賢盡  
室遊

送葛憲副擢苑馬卿之任平涼

綠柳垂絲映使軒高高卿月動邊垣河山百二  
秦關險駉駉三千漢苑繁黍谷尚吹鄒衍律空  
同還詠廣成言獨余辜負洮州檄不得西循五

丈原

寄林懋禮

懋禮前與叔度入燕  
頂惟叔度過此故云

之子昔遊燕題詩共一篇分餘閩嶠月夢破嶺  
西煙草色連書帶花魂卧翠鈿嚶鳴雖自好無  
計割情緣

寄葉君節

石倉詩稿

卷五 桂林集

二十

桂州多洞壑亭榭安此地人難到無由子  
共看投荒三載過與幾時閑既已饒行樂那  
兼得美官

寄倪獻子

暇日思園館因思到爾園一池迴曲榭雙樹陰  
前軒穴壁安茶竈篝燈照草門女郎同戲返芳  
草濕裙痕

送長生弟還家

此地饒山水君來已盡知因多登眺日稍減

言時惜別聽鶯蚤行歌采葛遲余宗門祚薄努力爲支持

其二

林園常繫念寂莫悵煙霞聞客遊之喜矧君長住家欲行頻致托計日莫教賒到以殘春候猶飛不盡花

寄倪柯古

寥寥尺牘語物外見茲心不是情閒甚那能性癖深有時探韻澁無計止書淫婚嫁他時了還

石倉詩稿卷五 桂林集

主

期作向禽

寄徐興公

屢言遊粵西使至但空返覺爾近日來離家不能遠余年差伯仲一官猶偃蹇豈獨夷獠邦有緣長繾綣念彼山中薇采采未盈卷芳春倏云邁畢計需歲晚不復重致辭前書已敦懇

送嚴簡校遷巴郡司理

五羊文學舊知名佐幕優閒况味清兩謫豈因銷意氣三巴今復見持平彼中形勝何殊粵亦

有巖巒却傍城愛我無過蜀父老驚聞亂後不勝情

二月晦日遊雒山巖

入春纔到雒巖遊歎息春光強半休山店數家生事少林塘幾曲野情幽百層磴盡踏雙樹四面水多環一洲去歲來時梅尚葢今看垂實在簷頭

雨後過李汝大水樓

積雨乖聚會初晴何見招客從樓上美人度水

石倉詩稿卷五 桂林集

主

邊橋日色浮花氣鶯聲掛柳條江村多寂莫徙倚望堪遙

送晏左州遷嘉興二守

字季復清江人

峻嶺扼寒流二年住左州檄書移半刺橋李豁平疇已免居夷陋應知佐郡優懷人烟雨裏切莫上高樓

雨中獨坐東叔度

公暇思晤言霪雨苦不止雖云同署居恍隔數重水芍藥空一枝折贈將誰以架上花未開祇

恐漬殘蔬滴江霽可遊何必溱與洧

題星家雷玄同冊子

圖緯紛紛異遐荒聽亦榮 聖明脩德勝占候  
遂無靈亟破關前虜方犁漠北庭長逢太平日  
甘作老人星

書事

薔薇初發兩三枝已入天嬌鬢上施余欲暫供  
書室既不應先與女郎知

湘南樓送楊長源憲副齋賀

石倉詩稿

卷二十九 桂林集

三三

皇子表赴

京

時得寧遠捷報

同官一載奉清談春暮分芳月已三極擁前星  
明薊北水環陽海出湘南捷書露布關前羽賀  
表雲從闕下簪賜宴若磨麟趾詠我公原自慶  
多男

送奕者盧生歸南海三首

客有盧生稱善奕每于公暇得相將爲詢局內  
千番變何似邯鄲一枕長

桂州亭榭多新翬晴霽全無兩日工對奕每從

風雨裏李參軍宅水樓東

盧生別我買歸舟乘漲瀉江百尺流此時聊罷  
枰中奕他日還期海上遊

莊奚若翰撰奉使到桂林仝楊鵬達方伯  
魯雅存憲副招遊七星巖有述

遐荒使者來無物可用享彼美在山川聊云恣  
遊賞步出東江門巖巒紛競爽聚星雖有七論  
奇實無兩景物互晦明應接煩俯仰丹梯尚且  
峻玄潭深而廣古篆紛千行深情在一律松燎

石倉詩稿

卷二十九 桂林集

三

敵夜光石乳乘春長繞繚懸玉繩蒙茸綴珠網  
如龍以腹鳴似鶴舒頸吮感歎人世外此別有  
天壤俄收變習姿復爲閒暇想濡毫篇什酬率  
意清言獎庶不負山靈于茲答明貺

送莊景說翰撰使畢還閩

君向時見訪石倉共坐森軒觀

荷故及之

雨惡瀉江漲遠城杖藜猶未快遊情何當初霽  
催人別獨有前星傍使明綵筆傳宣黃紙重輜  
軒問俗皂囊輕因君却憶池頭月正照新荷出

水平

喜喻宣仲到假館瀉江

朝朝出郭渡橋灣小築瀉江職事閒有客來居  
稱舍館無錢可買是雲山幾行樹影沙灘上千  
仞潭光石闕間乘興更從携小艇柳公亭畔聽  
潺湲

送王心抑擢南通州總鎮

君以狼山記總起家故未旬及

之狼山有栖雲閣五代時建

今時用武勝于文君况能詩思不羣粵微屢調

石倉詩稿

卷五 桂林集

五

蠻象使吳陂遙映水犀軍校壺雅自稱多暇運  
甕時猶不厭勤感激起家裨將地狼山閣上舊  
栖雲

李沒大叅軍水樓和心抑元戎話別之作

漫云錄事苦無資若箇休官橐不垂國計總憂  
泉府涸僑居偏與水鄉宜篝燈對奕分林影聽  
漏銜杯惜路歧最是離情難寫處畫橋如帶鎖  
江湄

魏道安余鄉人也以善奕遊兩粵間雅負

其才畧有封狼居胥之意頃與心抑總戎

同行詩以贈之

故里迢遙未得歸還荒相見倍依依宦情老去  
無過淡奕思閒來較入微豈但昔人推坐隱還  
從名將喻兵機美髯自負君非淺爲向邊城看  
鐵衣

吳弘之襄陽人也奉使歸故里余素慕此  
邦多舊蹟因作一律送之併志慨焉

西來漢水接襄樊賸有賢豪感慨論峴首風蒲

石倉詩稿

卷三元 桂林集

五

碑字沒鹿門煙雨釣磯存滄桑眼底須臾變雲  
夢胸中八九吞何日檀溪尋故友與君同泛柳  
山源

全喻宣仲包一甫到雉山

薄暮入山寺翠靄積漸深連晨雨中對常懷不  
盡心矧我携良友鳴鳥欣在林幽興與目遇語  
默時相尋危磴不覺遠石窗開以臨三江一何  
曠高閣踞其陰傾嶢少日月蘿蔓垂古今何當  
謝職務于此懸朝簪

雨途雜興八首

宦情等嚼蠟留戀寔無因未遑遂初服猶作祇  
候人况茲暑雨月出門尤苦辛耳目幸清曠禾  
稼亦懷新松根蟠瀑布長短遶車輪烏鵲弄晴  
喜飛鳴如索羣白雲亘山帶皎潔無纖塵潭邊  
立問渡浩然非舊津

息鞍投別署幽意頗有獲密竹在庭陰蒙茸覆  
奇石移牀直就之攤書盈几席且復焚香坐不  
知事行役晚霽或適然環空漏穿碧坦腹試高  
石倉詩稿卷五 桂林集 七

眠仰視蝸行迹却聞占候家濃星忌當夕變革  
固有時紆徐妙勿迫  
晨起亂峯晴日雨仍催發僕夫爲趨起咫尺步  
難越行趨叢葦間荆棘亂頭髮寧辭青草瘴稍  
避黃泥滑亭午日色來雲陰破倏忽蒸暑不可  
耐螫人勝蛇蝎雨甚愁傷顏雨退毒侵骨遙遙  
大路傍望彼松陰歇

山口雨復至谿谷皆怒號須臾溢官路奔流爭  
度橋輿騎涉足喧不辯言譊譊在杖測深淺沒

肝防及腰田疇既沾足太甚恐傷苗農夫心中  
惻所憂等涸焦邇來節宜意造物紛能譏安  
且勿計去去隨所招

涉險逾數重計畫之無復力倦難挽頭減車  
當覆田父導我前茅茨聊就宿門逕不復知但  
指炊煙熟僂僂入廬舍兒女嬉相逐日暮雞豚  
歸棲處同局促四顧何茫茫一掌如浮陸偷眼  
覩輕波風來淅林竹

雞栖人欲眠吹燈息環堵曲木皮空床神酣不  
石倉詩稿卷五 桂林集 天

知苦詎料莊周夢蝶來亦栩栩乍醒呼童僕行  
止將焉取起視籬落間水痕消尺五驅車意何  
疾欲去還掛樹侵曉望康莊達時已亭午乍獲  
晚舊途祇復愁今雨

客到始安嶠買舟易行裝溯洄盈三載今日始  
浮湘雨宜蓬窗聽洲生杜若香隱几妨巨浪看  
書借隙光瞬息經村埠草樹亦飛揚有時歌吹  
發隣女立短牆折花心欲擲願彼思徬徨歎息  
江漢濱解佩流風長

候渡江樓寄答秦千秋桂林見贈之什

遐荒稱吏隱文法豈應拘  
注考隨中下行遊以  
自娛客來饒意氣別去  
重踟躕忽枉明珠贈因  
之一繫襦

文人雖善病逆旅豈相宜  
卧處山多瘴看將水  
入漓夢魂驚戍柝樂餌  
損游資候渡江樓上沈  
吟寄所思

過曹介之山房

客路水聲苦山房聽獨宜  
轉于澎湃處想見靜  
有舍詩稿

卷三 桂林集

壬

閒時離內猶通碧床頭  
欲噴澌文心如可寫一  
爲詠連漪

夜泊興安陡口

傍陡幾人家移舟泊水涯  
樹痕頻記漲石勢並  
生牙門映夜漁火離開  
朝槿花荒祠隣史祿下  
食有秦鴉

出陡江行過千秋峽白石潭諸處甚駛

潭添皆稱險江雄勢轉平  
祗看雲樹改一任峽  
流傾石角浮花徑巖陰  
重桂城蒼茫身入暑難

悉乍歸情

全喻宣仲坐嘗家洲亭子

亭中坐半晌景物勾匪  
常雨過空江淨徐聞蓮  
葉香

東門江月軒爲偶栢先  
生構者落成之日  
朱瀾仲置酌于其上余  
喜而詠之

魚史卑而小臨流韻自  
超因懷高曠士每託

聖明朝置酒落成會登  
樓形勝饒東山遲月出  
夜靜過江橋

有舍詩稿

卷五 桂林集

壬

陽亭獨坐東念室宗侯

隔水望君家清波遶岸  
斜庭垂書帶草架綴若  
榴花白石明于鏡朱樓  
鬱似霞人生行樂耳奚  
必餌丹砂

送王都閫擢惠州參戎

粵西名將敘皆優悔作  
書生獨滯留始信周官  
職方氏猶懸漢法示諸  
侯驅溪雨暗愁兼暮鷄  
嶺風高喜及秋君去登  
臨多暇日懷賢應爲薦  
珍羞



九節何當詫雙溝垂欲盡流泉春射間幾刻亂

復整

右清溝

片石爲基局林僧共手談個中迷悟境不許二

門參

右基盤石

蒼梧送胡瞻明憲使入賀

鬱江垂漲繫龍洲極目能無浩淼愁秋瘴漸深  
君已免函關欲度我無由日從黃道明超閭雲  
起蒼梧戀去舟把酌天涯成潦倒幾人同籍早  
通侯

本舍詩稿卷三 桂林集

九日虞山送吳憲使入覲

桂城山水鬱周遭半歲追陪挹綵毫欲別不堪  
頻望遠當杯猶記共登高平原草色多含露空  
谷松聲易作濤此去雲霄君自致寧須荒服歎  
賢勞

送謝在杭方伯入覲

昔年同調結婚姻近歲同官復比鄰每恨在客  
猶少會却憐之粵得相親三年計最應殊擢荒  
服粗安賴至仁老我滯留煙瘴地何時西上遂

遊秦

時余量移秦中被留不赴

邕州守張兆甫以詩見贈作此答之因送

其北上

邕桂雖分管西南本一方如公操古調惠我有  
新章氣奪崙關壯流經鬱水長五花生綵筆三  
嘯倚胡牀交趾兵多象田州子是狼空拳談戰  
畧安堵賴循良欲別難爲緒重來早屬望莫因  
高世想濯足詠滄浪

送桂林江太守入覲

本舍詩稿卷三 桂林集

八桂君居首嘗吟杜甫詩宜人偏此地作宦且  
同時臭味芝蘭合探尋水石奇公餘賡五詠不  
朽立三祠頓洗遐荒習言脩述職期行隨琴伴  
鶴倚立殿頭螭土瘠停方貢民貧荷聖慈廻  
輶須計日莫遺怨湘漓

寄家

半載無家信云余已入秦誰知煙瘴地猶有滯  
留人六象懸雙肘千瘡集一身歲荒仍苦疫何  
術救斯民

其二

武夷溪九曲兩岸盡峯巒此地朝兼暮尋常臥  
復看反將多起厭不以巧爲難隨意堪粧點風  
流擅一官

其三

豈不思朋友其誰涉險難傲霜猶骨力辟瘴始  
生還帶水青羅遠參峯碧玉環昌黎詩句在一  
死直堪扳

其四

本齋詩稿卷之九桂林集  
第宅無常主林園更待人間聞新客到誰計衆  
僧貧架仄妨行藥橋崩許作薪應知猿鶴怨難  
免北山文

仝王心抑陳叔卿王用晦遊雒巖

移舟成暮酌出郭兄霜林溪瘦聲逾壯巖深實  
更深平蕪多返照朔鴈少來音極目天涯思誰  
應歎滯滯

又仝心抑諸君遊北牖洞

我欲頻遊地君尋未了緣板窮雲外磴穿透洞

中天石似蓮花吐江同竹箭懸酒杯與棊局隨  
意可留連

寄題南思受中丞渭南瀑園四首

讀君泉石記佳境似經過俯仰諸山盡迂迴受  
水多曲欄行藥返高閣聽松歌詎得辭軒冕安  
然卧薜蘿

登臺何所見渭水遶中原樹古新豐道山高半  
日村息陰同漢圃濺瀑類河源目送飛鴻度迢  
遙自塞垣

本齋詩稿卷之九桂林集

輞川久漣沒渭上若重興僻性耽名理爲宮恰  
右丞曼殊同一室空有悟三乘華峯岡頭月依  
稀尚可登

余得關西報征途沿渭南川環秦苑入峯壓牛  
陰三桂管仍拘繫嵇生重不堪何時離苦海林  
下接清談

桂林集卷之下終



石倉詩稿 丁卯 上卷

侯官曹學佺著

江夏黃養正閣

還家雜詠

曾孫岱華重梓

仲春始還家去冬茅茅胡豈樂滑滑留不  
自便雨雪未云降必先集維霰夙昔詠斯言當  
幾苦迷眩 主威幸少霽親顏忽以變雖苟園  
中活已無膝下戀時卉非不嬌竹木亦葱蒨觸  
懷但悲傷入目何所見惟助我哀聲檐禽日數  
石倉詩稿 卷三 更生篇 一  
轉他人若聞之反稱以爲善親朋枉相存恒匿  
不見面恐或詢厥由齒頰禍仍煽但獲首斯丘  
安敢夢楹奠衣塵未遑浣俯仰淚堪濺

其二

憶昔蒙難日先遣二雛歸長男竭奔赴死力脫  
重圍次兒乍游泮親憂喜則微形容既就木不  
復倚門扉余孫已九歲頗能述音微尚不知禍  
釀但懇歸何遲存亡判頃刻骨肉暫相依人生  
驗露草豈必朝日晞牛羊一蹊躑終歲無芳菲

不如北山蕨采之慰朝飢

其三

家中有不祥在物固先兆鼠憂歎于房雞啼滬  
昏曉所行多拂亂欲出屢纏繞嗜好甘如飴孰  
知乃荼蓼事後語皆驗憂心復悄悄包胥哭奔  
秦相如間歸趙前罪尚未除後艱仍不小徧地  
盡坑谷彌天爲燼燼時哉色斯舉徒羨山梁鷺

其四

自昔中官橫毒流被縉紳國祚將隨之寧復爲

石倉詩稿 卷三 更生篇 二

一身旁觀好議論痛癢何能均余已嬰重禍尚  
云休美臻老氏有明訓名與身孰親杯酒且不  
易况以七尺狗所賴成周世在下多頑民德風  
草斯偃蔽網期日新豈如漢唐末糜潰遂不振

憶昔詩十首 憶昔者因獲歸而思昔也

蓋天啓六年丙寅歲十月望後事

朝令期畫一不欲煩是非觸憲有多士緹騎下  
若飛伊予投荒微姓名誤 主威本當寘茲典  
姑留善者機 皇仁洵浩蕩俯察文字微譬若

嚴霜隕猶不悵陽輝中心懷感激逢人爲歎歎  
一官如秋葉孤魂耿何依逡巡需後命羈留未  
許歸

其二

日歸旣弗克遣帑庶累輕且勿悼傷離尚難保  
死生小兒牽衣裾啼哭不住聲慰以三五日事  
竣便起行作書與大兒鎮靜守門庭母得遽奔  
涉令而祖母驚遠邇皆風波會首何時寧生當  
重相見死則招魂迎

石倉詩稿

卷三

更生篇

三

其三

亦有兄與朋先發已逾日忽聞茲音耗倉皇叩  
我室備述道路言凶險狀非一舍此事長途誰  
能罔聞卹所願子爲人上天頗陰騭人謀俱不  
臧鬼謀或云吉余強不相顧揮手使之出塞耳  
謝紛紜一身抱空質

其四

癖性喜奕棋得失隨人手已爲机上肉徒羨橘  
中叟此時門下士弃我如敝帚設局招何君聊

與角勝負劇務等蝟毛自辰芬至酉寒山  
暇以試心安否吾慕嵇生琴曲終命方按列子  
亦何知垂楊生在肘

其五

里中有一衲勸施來窮荒但欲言歸日夢余偕  
故鄉余亦漫相訂索莫伴空房頃旣受羈繼詎  
能奮頡頏目前境俱實安知刳非常茹蔬代席  
菜懺悔祈解殃永夜不能寐仰視室中光跌坐  
難久耐披衣起徬徨千方莫余療稽首大醫王

石倉詩稿

卷三

更生篇

四

其六

晨起將有行輿隸無一至臺檄如雨下勾稽罔  
譙黷士曹皆爪牙文法窮雜治稍稍欲持平重  
拂上官意上官何仇讎冤抑苦不避夫有所受  
者相期保有位納諸罟罟中豈曰稱余智

其七

著書能賈禍甚者殺其身爾何故效之坐致今  
紛紜弁言旣服認亦不爲無因奉 旨付烈焰  
誰敢爲控陳祇恐聞消息黎黎已灰塵追尋無

所獲何以復 明君重關隔萬里 吠者皆信信  
爾罪甘自受胡乃累及人 亟欲首丘愿右臂爲  
子申 羴羊視生辣斯可爲問津

其八

宋代王汝玉貶竄居傾方客問侍兒言心安卽  
故鄉茲時賓州守復有江夏黃愧余非蘇公臭  
味不相忘遣吏來問訊援救苦無方但求所著  
書力爲深匿藏先生如就木死後責應當答云  
子大夫自謀胡不減古人重義烈慷慨激中腸  
石倉詩稿 卷三 更生篇 五  
吾將述此曲感泣于路傍

其九

羈留七旬餘一冬頗晴燠偏當臨發日寒飈動  
川谷行色旣蕭蕭間道趨臣僕亦有遠送人魂  
夢如相逐夾路多松林霰霏結冰玉小者撒鹽  
下大者飛電簇不惜抱頭竄恒恐折車軸昔也  
松下歌今也車中哭上天布嚴威宜于罪人酷  
其十

嘗聞齊史言太公封管丘晨趨暮就國智者不

及謀余旣遭竄逐何敢遠咨諏涉湘輟高詠面  
嶽負寔搜忽忽恐追及皇皇如有求春光不着  
眼夕軌無時休心將道路競跡與山川仇從來  
蒙譴士不易歸林疇痛定方知痛援毫以代謳

石倉絕句十首 有引

余歸之日春色正舒裊情悲慘不復有窺園  
想兒子輩慮有傷生之感乃扶持而強一涉  
歷不勝其委頓矣先慈喪解嚴後始追憶之  
且復得盤桓焉因于諸景之次各吟一絕云

石倉詩稿 卷三 更生篇 六

言歸草堂上籬花正當發柳枝過牆頭堪補前

峰闕

右浮山堂

呼舟水尚涸曳杖在石橋樓臺深樹裏燈火露

山椒

右石橋

畫閣虛且明面面皆臨水獨有茶蘼花成陰架

相倚

右臨賦閣

石壁橫岬口長廊春草生愧無謝家詠宿此空

含情

右春草亭

昔人累拳石藏書至萬卷寥寥空山中誰者爲

墳典

右石倉

陂頭信浩淼對客語仍立宛似春江上煙波搖

漿入

右語江亭

種梅已成林綺窗拂前後歲暮折寒條濃陰當

夏覆

右長至臺

蒼茫太古色獨立豈無情主人如不返負却石

君盟

右石君

老僧已歸寂閣畔空斜暉獨有泉聲在邀來與

客聞

右聽泉閣

右倉詩稿

卷三 更生篇

七

入山如已深冥坐意疏豁長風作松濤瀟瀟起

天末

右夜光堂

絕頂豎高閣晨昏鐘鼓鳴諸菴梵唄起相接利

羣生

右梵高閣

荷珠傾十斛池月受千頃當軒望石梁遙遙不

見影

右菴軒

山館無煩構編籬似鹿柴梅花開伴石壁卧

為階

右梅花館

春夏多聞鶯茅茨罕見日遊人總未知此際林

應密

右林亭

晤歌誰共適澗水亦清漣蓼莪雖乍廢一語考

槃篇

右澗室

渴止玉漿寒倦眠紫雲錦相期閣上來勝于河

朔飲

右荔枝閣

東泉人汲五西泉人汲三月出東山上先期照

此菴

右碧泉菴

密竹垂清池波光澹而汙何必科與跣終朝不

受暑

右竹醉亭

右倉詩稿

卷三 更生篇

八

浪作投荒客歸來境界忘携琴人已遠空自覓

感香

右琴香社

南池種白蓮蓮花映月白人行池水東魚戲荷

葉北

右南池

石牌菴卽事四首

黃勉齋墓所也

先賢遺碣在釋子傍脩齋處處鶯迎路行行虎

及階客休杉下蔭泉跨竹中埋惟得曾遊者偏

云此地佳

其二

寺前分澗水截取放生池覺彼悠然逝信爲方  
等慈行門紛作務功課合科儀髣髴驚峰頂相  
逢昔日師

其三

一雨懸秋意孤燈接夜談道糧資茗笋僧爨雜  
煙嵐法叱山神護禪客石丈叅開堂人已老休  
念學瞿曇

其四

危巢憑點綴平几列陂陀戒鴈安徒衆支更警  
石倉詩稿 卷三 更生篇 九  
驅魔攀緣時覺少野意自能多欲驗菩提長惟  
應竭愛河

七夕諸子過集水閣各賦四律卽景客爲

鄭長白王龍光程晉孺曾波臣翁壽如  
黃鳴卿莊和君林懋禮陳叔度凡九人  
今夕云何夕針樓次水漬乞應難聚會巧不過  
星文柳路橫槎影鷗波映鵲羣一番涼雨過若  
爲洗塵氛

其二

雲錦天孫織風篁野客吟欲將千古思會取一  
時心黛色迎秋早啼痕驗雨深良宵此同夢稍  
得慰離襟

其三

山川已如繪粉壁乍淋漓對境亦難似抽毫隨  
所之生成虎頭瘳酷肖右丞詩應接雖無暇神  
閒了不知

其四

蒲柳被塘邊凋零此月偏我生同託質賓客幸  
石倉詩稿 卷三 更生篇 十  
周旋却老應無術披圖可識年聊將七襄詠以  
代百憂篇

王龍光森軒宿別詩以送之

浮雲來自敬亭山訪戴從容盡興還往事尚傳  
開酒禁餘生祇可閑禪閑月斜故使松枝墜谷  
靜偏宜鶴夢閒眼底芙蓉易銷歇西風休更趣  
離顏

小金山同諸子坐月

兀坐空亭久羣峰起日斜云何成暝色幾許離

人家漁火燒江月帆光染石霞更深覓歸路汀  
露濕蘆花

送蔣郡丞

海上方多事名公復乞休詩情如舊識別意見  
新秋蔣徑知誰預吳門想續遊此時難動脫宴  
坐共緇流

送程晉孺

君言石倉沼形勢似西湖若較中流樹尤爲彼  
地無朝來別我往秋色在前途此過嚴陵瀨煙

石倉詩稿

卷三

更生篇

二

波狎釣徒

建武鄭長白過訪卽別

避客而今久杜門憐君高誼特相存請看一徑  
蓬蒿滿何似當年仲蔚園  
爲俠爲儒事已非憂貧憂道總知幾於陵仲子  
能逃世長白山中去不歸

朱湘伯見訪言別

臨岐曾致語有暇可相看何意君來過爲言心  
不安家貧無物飽館窄賴池寬回首三湘路秋

光亦渺漫

乍歸門卽杜不速客來三執志烏能久逢人且  
浪談荷香時透骨虫語漸相諳何事西風急吹  
將雨過潭

卽德長以詩見慰答之

時在春草亭

鬱結皆詩思吟來足慰勞吾衰彌覺甚爾興尚  
能豪露草垂珠密秋山疊翠高幾回移棹返秉  
燭在亭臯

題王廣文輓章冊子

宣城人

石倉詩稿

卷三

更生篇

三

王君遊三山忽聞廼公訃豈不欲馳驅晨昏競  
津度閩地多交游風雅亦云聚長跼乞詩章以  
爲光泉路況昔永陽溪桃李皆密布德風尚未  
泯忽隕嚴嚴霜露情文篤相生拙毫若平素歸去  
詠茲篇蒼蒼敬亭暮

李子尹過訪因以淼軒處之

兩東人善繪事

作客難今日閩中客倍難鯨鯢橫海怒燕雀處  
堂歡早稻猶昂植秋霖已薄寒憐君方失路投  
館乍能安



小軒君且任情境畧從容勿以歸心惡令  
思慵夜禪敷忍草朝慶拾枯松更喜林間月娟  
娟逼霽峰

石塔寺點燈

浮圖初建自貞元埋没人間廢址存石室尚鐫  
朱仲晦碑文曾讀使承宣百枝燈火懸空界四  
顧河山遶郭門漫囑老僧勤課誦向來興復苦  
誰論

述神光寺與照上人話舊

石倉詩稿

卷三 更生篇

十三

孟氏監軍舊草亭地分南澗水泠泠向聞賜額  
優明主恰有祥光遶殿庭樹石層層丹壁倚樓  
臺隱隱白雲扁北邱對話滴江事心境于今苦  
未寧

石梁館訪曾波臣

架石懸崖狀鵲橋天孫遺跡自岩堯亭邊慣弄  
青田鶴峰頂堪望碧海潮花徑步時蒼蘚合筍  
輿停處白雲招因君却憶秦淮勝水閣蘭舟幾  
度搖

渭南祠宴集周章甫招

于山初上渭南祠幕府論功自島夷好士絕無  
心望報罷官那有策逢時臺臨平楚煙雲匝  
倚虛崖薜荔垂携手更過嘉福院攬鼇峰頂遠  
如期

徐興公綠玉齋少坐喜其幼郎存穎

余歸已緩在君前得到齋頭卽是仙字體忘時  
看薛壁文機熟處驗花磚槐生鬼目如窺客月  
映蛾眉乍上弦簡點琴書多故物承家真有季  
方賢

石倉詩稿

卷三 更生篇

古

循歐冶池到北樓因入華林寺

池邊冶竈却成灰名劍空傳有五枚左近人家  
相習住但聞風雨不時來登樓已盡諸城北入  
寺還從越嶺隈滿院松陰長日閉清霄鶴夢可  
曾迴

林懋禮陳仲謀招遊西湖觀文昌閣

湖波點勝歷西門茗榭蘭舟漸覺繁翠靄隨風  
過畫閣白鷗吹雨揖芳樽周圍竹木成花巖依

約城濠作水村司命文章真不爽清朝猶自拜  
昌言

法海寺淨業堂

淨業門中好是閒塵勞俗念不相關誰爲長者  
稱流水更約高僧在半山惠遠昔傳開祇勝遺  
民何意值時艱舉頭萬綠陰濃甚墮向僧房片  
不聞

宿開元鐵佛殿

投荒數載隔天涯信宿僧寮遂此懷月出東山

石倉詩稿

卷三

更生篇

十五

來半閣雲移深樹覆層階木魚喚醒塵中夢金  
蟬傳聞穴內埋寄迹空門滋味久相宜無過是  
清齋

過慶城寺因謁忠懿王有述

河山非復昔儀刑廟貌居然異代靈日照丹甍  
常懸關衛騎白馬獨行庭枝頭怖鳥依禪定池  
上遊魚習誦經底事前王皈法後居民猶自薦  
明馨

遊鼓山湧泉寺再訂博山無異禪師

此山荒廢已多年愧作檀那力不前佛殿甫容  
瞻相地僧寮初啓誦經筵學人雖有通霄路開  
士能無卓錫泉應待法輪重轉處正當時節與  
因緣

過玄沙寺東林守易

寺沒爲田生野花曾無一掌曬袈裟重興功德  
真稀有乍感滄桑亦足嗟半衲頭陀稱苦行五  
宗酬唱最當家空門固是無長物餅鉢蕭蕭度  
歲華

石倉詩稿

卷三

更生篇

十六

昇山全善生上人茗話

廢址頽垣古道場祇餘喬木有千章山多一任  
支公隱茶熟先經陸羽嘗眼界忽爲煙霧晦心  
期難得伏天涼比丘更指前朝刻泥濕青鞋踏  
上方

靈雲寺志勤祖師卽見桃花悟道者村民

每遇旱必昇之禱雨往往有驗

塔院雲封鷲嶺隈祖師遺骨長莓苔明明大道  
無人識歲歲桃花一度開輪轉象王羣里社峰

如獅子伏經臺僧家半作樵漁侶晨起腰鐮日  
晚回

龍潭

兩山中斷是龍潭橋上行人乍解驂三峽路窮  
無此險千尋索盡可能探已看野鳥飛難渡欲  
問驪龍睡豈酣洗耳不聞塵俗事一僧相訂結  
爲龕

雪峰

衰云今日盛前朝祖地風光未寂寥月蘸方池

石倉詩稿

卷三十 更生篇

一七

無盛夏雪迷深巖在層霄異香堂上留殘絮枯  
木菴中挂一瓢石卵盡時聞有識重來說法是  
何朝

舟行至桐口橋詢靈光寺已不存而晏國  
師塔還入上方者久之

大江南下水湯湯折入桐灣限石梁行矣故應  
無病涉歸然不復有靈光漸看早稻黃雲熱誰  
煮胡麻白石香塔院祖師遷去後居人猶說鼓  
山庄

仝融上人雨後到妙峰寺

深宵苦熱不能眠晨起清涼陟樹顛澗雨一澆  
山磊砢寺門初做水之玄綠遮谷暗疑無路白  
滿田豐似有年下上鐘聲催暮色步歸池館已  
蒼然

西隱寺訪源上人

西郊蘭若學無生雖在衝途少送迎淨域豈容  
車馬溷新亭猶記鳳皇名隣園有樹分來蔭空  
谷無風靜處聲但使熏脩能不退玄龜看上藕

石倉詩稿

卷三十 更生篇

一八

花輕

西禪寺創自唐咸通八年鴻山大安禪師  
主之頃者續乘上人亦自楚別山來號  
別山長老觀其荒廢因謀興復余與馬  
季聲徐興公林懋禮林異卿黃三卿諸  
子力贊其事因作此以記之

江潮日上浦雲邊蒨子陰中接市廛近郭遊人  
來避暑留題詩卷蓄多年開山衲子唐偏盛說  
法禪師楚有緣今日議當興復如渠成水到疾

如弦

印初上人之浙求造旃檀佛像詩以送之  
求佛本自心心與佛無兩以相見如來是見等  
虛妄師既名印初初心作何狀祭願出門時欲  
造旃檀相嘗釋法華經功德海無量繪畫與書  
寫成佛皆可望矧茲佛化身光明無倚傍讚歎  
匪諛辭我昔曾供養

雪峰原列二十景茲乃撮其尤者十二景

各占七言絕句一篇以紀之俾覽者獲

石倉詩稿 卷三 更生篇

十九

知其槩云爾

千仞崑巒積雪重高寒六月氣如冬祖師一語  
酬王問法嗣于今指雪峰

右雪峰山之總名也原名象骨峰閩王問真  
覺大師曰峰有何異師曰六月猶有積雪王  
曰何不名雪峰因此大師法派皆名雪峰云  
凌空遺影鮮依枝千載瞻烏獨立時漢家亭障  
休圖畫自信雲霄振羽儀

右烏石嶺在山巔石色純盧不生樹木

一泓深注衆峰巔二六時中應候偏世俗相傳  
爲海眼寒潮微湧月明前

右應潮泉在絕頂一壑澄泓廣二三尺水纔  
數寸進退深淺與潮候無差又名海眼

偶期清興上高臺何事乘雲去不廻要使比丘  
除我慢坐中難測化人來

右乘雲臺昔希運禪師與一僧共登臺上轉  
盼之間其僧忽冉冉乘雲而逝

若爲遺臭更遺香不二門中淨穢忘莫謂匡牀

石倉詩稿 卷三 更生篇

三

空敗絮誰人拋得臭皮囊

右留香堂嘗有僧敗絮百結臭穢不可近僧  
衆逐之獨隣榻僧相留送去數里謂曰荷君  
意勤適留香相浣比還坐處異香襲人經時  
不歇

寺門環遶徑逶迤月出深山蘸影遲澗水平田  
高下去僧寮猶數萬工池

右蘸月池在山門外方數頃閩王役丁夫所  
開曾費萬工云茲已犁爲田矣寺中有亟當

興復者此其一也

古樹篩雲漏日光俯垂平陸仰凌蒼閣是禪師  
就手澤一枝分植與閩王

右萬松開闢傍有古木二株一爲真覺大師  
手植直上參天一爲閩王手植穆而連地  
心如枯木木中枯枯坐無心但結跏不滅不生  
難測量木猶如此況人乎

右枯木菴原一巨木凡十圍外簌內栲昔大  
師趺坐于此至今枝幹雖盡而本根不朽岷

石倉詩稿

卷三十 更生篇

三

然若小臺也木文堅膩刻有唐天祐乙丑造  
菴及宋雍熙四年知郡事何允昭來遊題名  
在龕內龕之外又有元祐韋子鑒紹興任士  
安開禧陳景俊及鄭昂諸刻  
門庭高峻語難酬箇裏機鋒豈浪投堂中苔蘚  
深三尺更有何人滾木毯

右木毯相傳祖師接物利生時每欲度衆輒  
滾出一毯示之傳燈錄云玄沙偈頭陀見師  
滾出毯來仍卽安在故處師便入房

石卵層層遶塔輪相傳遺識習今真塔門閉後  
師無語難覓前身覓後身

右難提塔大師生時所預造全塔皆石四周  
琢作卵形仍有識云石卵爆盡我當復來

橋蹴金鰲作勢雄水門聞與洞門通千溪萬壑  
爭流去久立不住吹長風

右金鰲橋本山谿澗之水皆于此出灑水處  
相傳有洞穴深廣不可測

檀那六度最稱先寶所雲庄地接連長者昔曾

石倉詩稿

卷三十 更生篇

三

三捨業福田端只屬藍田

右藍田庄乃長者藍文卿所捨

九日城西邀諸子登高

塞遠秋殘未到鴻城隅高館入商風樽前對菊  
凝霜後林杪看山在閣中祇解彈箏憐少女誰  
嘲落帽向桓公鄉園滿日差堪戀絕勝天涯憶  
斷蓬

送二主考衡文事竣還

朝時見子孟  
嘉夜還

太史王覺斯孟津人

誰傳郢曲擅陽春太史新篇迥絕倫  
室有圖書裴玉軸門臨河渚采珠津  
王喬祇好升緌嶺子建空勞賦洛神  
一自掄才過海嶠從茲聲價重  
既聞

給諫潘亦式宜春人

秀江清澈照人寰瑣闥名流百代看  
雷廟文傳韓刺史雲臺編繼鄭都官  
光垂僻壤文星切誼屬通家禮數寬  
聞說連翩門下士春明爭騁九  
雷翰

石倉詩稿卷三十三 更生稿

爲朱大令題陳元愷畫卷

雲山水石互參差枯木寒林夾雪時  
畫裏有詩吟始見生前爲友觸堪悲  
閒情偏是相關切絕筆應能獨賞誰  
漫說主人參悟後空詣所有更  
鮑奇

送吳季升方伯入覲

行省中書劇海濱掄才計吏金茲辰  
東南半壁安危倚鄒魯遺風過化神  
待濟時艱資慷慨獨標風格尚清真  
朝宗未有重來日曳履應須在

宋宸

胡憲長厚菴

何事閩天雨露私起家州郡歷監司  
碩庸方白來朱紱清節真無愧素絲  
宿學淹通周氏禮新朝重見漢官儀  
遙看雲漢爲章者多士初吟  
棧樸詩

陸太守中台

剖竹春生澤國先虞廷執玉慶班聯  
雲間賸有文如海日下親承寵自天  
露冕風遒花載路隨

石倉詩稿卷三十三 更生稿

三

車雨溢稼多田吳公治行推居首  
洛郡才應得少年

贈候官來令長 蕭山人

綺歲鳴琴思入神雍容民事日相親  
花栽滿縣如潘岳宅傍名流有許詞  
秋菊遠籬初載酒雁鴻遵渚正來賓  
應知夙昔神仙侶薛老峰頭眺  
詠新

送陳昌期孝廉北上

偕計南宮奏賦成如雲射策向承明  
新朝最

重臨軒試古識應符首石鳴卿月向來懸禁籞  
仙曹端的屬蓬瀛行看逐電神駒遠何事燕臺  
駿骨名

送周章甫

皇家濟濟自薪樞 明主初從寤寐求國士無  
雙寧易得才名第五向來優早梅意動鄉園別  
春杏枝垂禁苑遊 聖世未忘吁咈戒豈如家  
父誦相諄

送陳仲謀

石倉詩稿 卷三 更生篇

三

阿翁耽癖寡相宜物外論交不我遺禪種依稀  
留血脉文心超絕見鬚眉春明關向先趨曉日  
暮間應獨倚時千里可容追驥足差勝豚犬景  
升兒

寄贈同安曹令尹方城

銅魚城外苧溪連海月光生几案前政似割雞  
絃誦滿情因舐犢感恩偏地無頑石稱文圃嶺  
對高亭接梵天昔日晦翁題詠處一泓松畔湧  
靈泉

送李義民還清漳

字以義民氏真無愧此生篆書通古學畫理得  
深情霞氣蒸蘭塢江光射柳營家山登陟處不  
負紫芝盟

題葉君節曙戒軒

泉石皆新趣階庭匪外尋池霜凝夜玉菊露綴  
秋金木枕時驚曙花磚每惜陰中郎何日遇解  
賞爨餘音

玉融塔寺南亭

石倉詩稿 卷三十 更生篇

三

塔寺對橋三孤亭闕向南舟橫當斷浦潮到似  
深潭汲澗疎籬隔臨池宿霧酣巖前新種柳拂  
地已移移

過靈鷲廢菴

石山不宜樹古語豈誠然此際松林密覆于菴  
地前層階橫壑斷荒沼卧城偏捨宅為蘭若空  
聞徃代賢

華嚴院觀李陽冰篆刻

當塗稱四絕巖頂蹟蕭疎雖勒唐人筆寔為秦

代書完全無斧鑿密邇有禪居珍重山靈意寧  
愁蘇剝餘

雷擘巖爲林守勅茂才新建大士閣

巖曾經霹靂閣自俯嶙峋古相甚完好良工無  
損真奉持安一衆眼界歷由旬作意爲興辦于  
茲有夙因

宿北禪菴

蘭若當村盡人煙任亦稀墓田何可戀慈地信  
堪依紫竹移來瘦黃蕤飯後肥微聞說法處花

石倉詩稿

卷三十 更生篇

三七

兩日霏霏

宿神光寺僧房全洪汝如吳仲緯奕

昨朝北山北今夕南山南未解傳心印聊云共  
手談霜華宜薄攬雲寶恣幽探明月斜階下半  
爲林影含

過李明六山房

世緣難解脫幽興每相妨但令無機事居然有  
勝場詩書分日課泉石待時藏最愛籬邊菊枝  
枝盡帶霜

全自性心融諸上人琴香社看月

六度初成社琴香社晚成分栖林鳥迹不斷木  
魚聲磬統籠雲密窗虛向月明阿誰稱供養拂  
袖底堪行

孝廉張範之再過浮山堂話別時浪雲瑞

谷二上人陪

幾載離仍合含情在數峰暫停舟北上聊問偈  
南宗野籜行當隕霜華尚未濃却憐今夕話猶  
聽昔時鐘

石倉詩稿

卷三十 更生篇

三八

送林道孝歸溫陵

素壁忽生雲誰題白練褰芳年誇子敬逸句倣  
參軍乍雨塘猶溢微霜相始醺綈袍分手贈范  
叔不如君

全林道孝陳雪樓陳有美礪室看梅

涉礪香氣盛梅花開礪西僧將爲秘瓶樹亦愛  
幽栖至後隨陽發南中趁暖齊幾枝蟠屈處多  
是傍簷低

全徐典公林異卿宿白雲驛院



日歸雖屢晤未及夜深談况此名山際他無俗  
客參松風吹雨數溪月出更三坐卧禪燈映分  
明傍佛龕

到湧泉寺呈博山無異大師

此山每一上輒勝昔來時泉石欣留客僧徒慶  
得師鐘催深谷瞑梅覺下方遲屢欲酬高唱當  
仁不讓誰

憇圓通菴

小菴清淨好路左得徘徊泉夾雙叢蔌巖疎幾  
石倉詩稿 卷三 更生篇 三九

點梅參方魚貫上所熟蟻盤來道俗門俱攝圓  
通理自該

題越山上人靜室

古意存新構偏宜靜者栖鑿坑龍避水助築燕  
銜泥翠滴島成列白茫潮長齊祖師宗派遠暇  
日一尋稽

石林寺看梅少集仍過神光寺宿

共用  
清字

亂石如林遶戶庭開樽先自覺芳馨梅花近歲  
初來白山氣迎霜晚更青古寺相隣貪信宿層

臺未上夢清冷從來秉燭行遊者直爲韶光不  
肯停

游字

集諸子西峰池館看其盆中紅白枯梅得  
孤根擁腫似懸疣生意猶存箭自抽先有一枝  
呈素勁尚多微蘂蓄嬌羞寧須東閣來詩興爲  
是西峰當卧遊近玩目前猶未已衝泥還約到  
林邱

夜深忽夢少年事爲黃三卿賦

石倉詩稿 卷三十 更生篇

三

當年誰分有離衾小小相投解佩深此夜此時  
魂欲斷爲雲爲雨夢堪尋依然悄悄驚人迹祇  
自悠悠寫我心落月烏啼休太早驚膠纔續斷  
絃吟

初度承諸同社招集高景倩館中得羣字  
併有贈

朝來佞佛夜論文人道何妨淨業分索笑燈前  
宜女伴忘愁館裏得朋羣人經患難歸家好悔  
落依稀傍遠聞一抹遠山如黛淺淡煙和雨濕

松雲

贈祁司理幼文

才名遠邇獨誇先帝里看花自少年家本春秋  
祁氏邑部分閩嶠漢時仙柯亭夜宿留玄賞葭  
管陽生祝壽筵異代風流誰可擬看山父子古  
今傳

林采公移家予里

家本水西村移來傍客園不嫌貧里住纔可寸  
心論歲序淡如許春光偏向繁梅花零落處猶

石倉詩稿

卷三

更生篇

三

有幾枝存

送柯無瑕還莆

浙浙凍風吹杯空橐更垂却因鄉邑近故使客  
歸遲內顧投林切邊防際海危春明占筆思仍  
發舊花枝

答徐存穎

之子後來秀鮑奇有父風百城堪自樂五字復  
能工講肆慚盧植通家美孔融但精吹黍術詎  
畏律將窮

歲除日全采公浪雲上人閒歷園內諸君

鶴輩看舒暖魚羣喜放生池光猶淡汙歲序已  
周更處處僧常住閒閒客共行聽泉過此會又  
是隔年聲

輓悟宋上人二首

在巖洞時甘寂寞興道場處苦奔勞不知天上  
人間福師在何方走一遭

無是無非林下客奈因婆子熱心腸臨當回首  
真消息坐對靈龕一炷香

石倉詩稿

卷三

更生篇

三

除夜走筆示次兒表

去年蒙難長兄俱今歲而兄在客途予劣安康  
欣對汝人皆以汝肖翁癯汝今已冠成人列明  
年婚娶多歡娛及今蹉跎不努力彼時數倍爲  
工夫吾今至老猶嗜學但覺胸中一字無人生  
克肖亦匪易神情爲尙刑骸粗夕云除矣聊示  
汝惜歲愛子全勞劬願得在家課兒讀勿謂老  
翁無遠圖

石倉詩稿

更生篇下

右京師覽古及西山紀遊詩余在桂州甫作而難起復簡金陵戊申稿皆屢佚者也亦如其人濱九死而幸存故題之以更生云爾

京師覽古詩十二首

文皇昔定鼎詎爲龍潛謀上古軒轅氏蓋嘗都薊卽垂衣非樂戰所以服諸侯

右軒轅丘

虞舜十二州分冀爲幽始上應南箕星下連碣

石海廟貌儼云茲規畫猶不改

右虞舜廟

石倉詩稿

卷三 更生篇

一

宣王事畋獵吉日攻車馬刊爲石鼓文致自陳倉野濟濟辟雍士古意良可寫

右石鼓文

燕人用樂毅下齊七十城但聞故鼎返誰知讒

間成魯連一矢入解甲淚縱橫

右燕鼎

昭王重復仇用士先郭隗帝道今無外羣彥四方來行歌百里外易水遠金臺

右黃金臺

光武徇燕薊河北應王郎鉞期一啓戟披靡衆莫當後騎猶不知蹀躞湖溝傍

右洗馬溝

荀裴幽州彥亂云爲得玉石恐俱焚衣冠猶

別識旦夕君子城惆悵之襄國

右石勒君子城

慕容有奇駿奮逸妙難言範金以爲象其神乃若存至今燕城下秋草嘶王孫

右銅馬門

茂先博物者遺象桑乾河河流不可沒封識如

山阿狐兔日奔走松柏將如何

右張華冢

子昂感北征薊樓此登軫目覩鄒生遊有懷終南隱往昔興亡間但寄詩人吻

右薊樓

竇氏建書塾在此燕山陽仲淹述厥事篤志于景行誰信昭明世乃爲首善鄉

右竇氏書塾

石倉詩稿

卷三

更生篇

二

丞相旣被執三載坐一樓黃冠歸未得白骨知誰收往來柴市上義士獨涕流

右柴市

西山紀遊四首

山遊已足佳况以湖爲逕復聞燕昭池懷古動清興潭泊非一源中流滙諸勝大隄脩且治方軌路猶剩士女同時遊絺綌亦相稱願彼芙蓉花采采誰爲贈祇恐易凋落秋期不堪訂眷予留戀懷遲遲此川暝

蘭若皆暝度憇宿碧雲中雖近夕山北如聯清

禁東金碧何璀璨雕繪難爲工規院月光入迴廊霧氣通泉水詰曲流源委靡易窮遊魚尾縱橫蘆葦泊飛鴻卓錫事既往挂瓢鮮希蹤龔茲潺湲響猶寫寂莫衷

連晨處平陸坐卧恣遊行茲峰累梯磴攀陟非所憚過寺亦不留恨無生羽翰崔嵬太行山西來無際听紛然翠色攢仰矚箕星散 睿藻錫嘉名宸題揭雲漢祇合拜首颺莫能游夏贊比印意似矜以爲諸峰冠

石倉詩稿

卷三

更生篇

三

飛泉漱鳴玉在此甕山陽泉流何瀆激注池仍越梁色比崑山璞規全明月光歷代備巡幸亭臺鬱相望金元雖駐蹕誰復滌祐腸明興好文藻猗與頌 宣皇穹碑紀金石觸目爲琳琅至今功德水循繞入宮牆

金陵戊申元旦書懷

粉署爲郎無盡期新年閒思入題詩帝京佳麗猶如昔宦况闌珊獨不宜曙色已分殘雪徑春光偏入早梅枝 龍飛甲子頻頻見鍾阜青蔥

隱几時

上元夜集董崇相陳元愷鄭翰卿林茂之

賦得紙燈一律

五明苔映九枝青文酒相過夜聚星歲歲人情同此薄纖纖女手累曾經燭花落處疑鮫淚帶影飄時似鶴翎從此洛陽聲價長漫須人問草玄亭

送吳廷尉歸閩

開情不欲語開歲復悲歌世路難如此閩人去

石倉詩稿

卷三

更生篇

四

較多白門思夜月章水怨春波我亦生鄉思因風到薜蘿

送史民部考滿北上

相見雖非遠難爲朝夕情馬頭新柳色鶯語故山聲俸以抄書盡官因會計名知君能早達不久戀陪京

天界寺看玉蘭

閒曹無所事春日屢幽期人已十年久花如今歲遲長檐枝更上小雨葉偏滋欲向論高潔休

過桃李時

送趙駕部之衡陽

久懷南嶽想早識衡陽人今日聊相送他時好  
結隣青楓江上月白鶴嶺頭春五馬門前待君  
無遠去津

過何元隆園中

此園曾夢到今日恍重遊雅會自多勝清言時  
一酬好花應赴節密竹已成坵池上欣新霽春  
鶯啼碧流

石倉詩稿

卷三 更生篇

五

送吳肅卿之閩

與君離別日起我故鄉思花落惟桃葉林垂有  
荔枝官閒情況似地迥主賓移不見陶元亮誰  
堪五斗炊

送張民部出守廣信

數年同漢署今日守鄱城山以珍奇著州應信  
美名驚湖春草綠驚嶺夕陽明我欲歸鄉里因  
君問去程

送王水部之汾州

三月草萋萋輕煙拂馬蹄行宮汾水上石室隱  
泉西雀鼠應同谷龍蛇祗獨栖梅花他日發相  
憶有詩題

移寓

一官久不調何限卜居情借得隣家樹言遷禁  
苑鶯山光薄暮合河水幾時平倘若論風味蕭  
然門徑清

石民部園中小集

三月暑氣早披襟聊與同不因來竹下何以拂  
石倉詩稿 卷三 更生篇

六

清風鶴立池水淺鶯啼山月中誰妨一取醉徒  
倚百花叢

喜茂之到

忽復芳春盡經時遊跡稀正逢花發候兩地賞  
心違驛舫尋僧徑湖光對客衣毘陵千里道今  
日始云歸

三月晦日梅子庾林茂之過宿聽雨

晦日春先邁清宵雨可聽友朋相過處官舍寂  
然局新水便當祭垂楊依舊青不堪論意緒藉

此得泠泠

悼婢

悼亡三載後一婢不能存薄宦少情況新衣多  
淚痕來從螺女渡葬卽鳳臺門但作空華相因  
之報佛恩

喜柳陳父至

作客何應久相思幾度頻猿啼石門月花發越  
山春旅食芝偏老家林杏已新不知歸日與能  
免昔時貧

石倉詩稿

卷三

更生篇

一

新居種竹和子庾茂之

種竹事事好幽人徑已分夜眠驚客夢中食與  
僧羣自願非揚子寧須避右軍東家休冶地一  
日可無君

喜陳幼孺至同子庾茂之女載賦

蹉跎漢署久卧病文園深不意來相見清言向  
一吟溪聲遶白下雨色滯淮陰况復同諸子時  
時入脩林

訪郭聖僕到彼菴

朝來思過子獨自問僧寮祇謂出門是誰知去  
路遙鶯聲過半渡草色映雙橋不證無生忍誰  
能此寂寥

秦淮雨泛葛震甫招

渡口冥濛野色來輕波淡景遡行杯扁舟正對  
青山暮畫閣初生碧澗苔楊柳故干煙際合榴  
花偏向雨中開白鷗流水知人意何事笙歌處  
處催

和葛震甫觀漲來韻

石倉詩稿

卷三

更生篇

八

青溪幾曲水爲到旅人家未暇臨流釣先愁傍  
岸花重關皆不夜半閣乍驚霞馬飲城頭窟漁  
歸市上槎徒傷漆室嘯誰浣越村紗不審三秋  
後如何度歲華

陳幼孺見嘲即中無曆日作此答之

閒曹退食自逶迤歲月悠悠兩不知春去久掉  
花已落君來但記竹初移汲薪自古嗟徒積鄒  
律何人巧解吹惟有新詩吟最好千秋直許是  
同時

贈別納言王公

白下拜新命麻源違舊山見賢如不及好學無  
時閒古道依然在繁文自可刪願予漸薄劣何  
幸得追攀

其二

銀臺明月白粉署照人幽會晤良非偶清光不  
易酬雨聲消永夏涼意動新秋正好相從日那  
堪賦別愁

其三

石倉詩稿

卷三十 更生篇

九

四壯歌方起千秋鑑獨持身充慶賀使職是納  
言司內帑如山積陪京苦下滋去年畿輔內聞  
早被恩私

送姚園客之沂州

君去鄆那郡單車度馬陵且須離水患寧復憚  
炎蒸疎傳同辭祿王祥獨剖冰不知千載後此  
事竟誰能

答吳非熊

拙宦栖遲思宛然憐君歸去又經年新秋乍得

新詩讀猶是落花溪上箋

把釣吟詩度歲華夢魂空遶舊琵琶一痕野水  
沒溪閣舟泊秦淮無酒家

哭沈從先

歎息此人逝沾襟一慟予少微星已沒高尚事  
應虛絕不通干謁真無愧隱居禪僧開酒禁  
聖主問方書夜月垂虛幌秋風到敝廬死生心  
不二妻子累何如淮浦雁飛日吳江楓落初所  
思今不見吟望更躊躇

石倉詩稿

卷三十 更生篇

十

送陳幼孺之蕪湖

出京去他邑百里亦難同日落三山外河明七  
夕中秋花應帶露夜竹自吟風未是還家路相  
思淮水東

送澹居上人歸浮渡

明月思浮渡清秋出秣陵江波漾深壑松色閉  
禪燈此地聞多勝何時待一登遠公應有約漫  
卽問南能

答蕭季馨大將軍

征西車騎盛光輝百戰功勲在鐵衣列戟風生  
供坐嘯孤城月落憶重圍強□久已知名遁多  
士今當慕義歸此去賀蘭山下路肯令千里寸  
心違

寄葉相公

人間今復見伊周嘖嘖三公尚黑頭東閣招賢  
仍此日南山獻壽不知秋九重定有金莖賜七  
月偏當大火流無數蒼生應屬望相從漫說赤  
松遊

右倉詩稿

卷三

更生篇

十一

送周民部之淮關

洪水爲災歲不登此時關政最難能焦心未已  
如流火受命何妨但飲水入境空祠懷漂母到  
家秋月問延陵清淮一帶分南北他日登樓到  
上層

答潘穉恭見問移寓

客問遷居興何如遷一官積薪雖不用隨寓亦  
能安河上交秋早林間過夏寒祇應慰寂寞相  
見在長干

新軒與尤時純作

世情已早料那得無交游愧我長一歲看君爽  
似秋小軒意全豁高樹成別幽但願車馬散清  
言來獻酬

送幼孺還閩

別日祇傷從來時方抱疴平生知己少前路傍  
人多隱瀨堪垂釣仙山易爛柯應于故園近莫  
久歎蹉跎

送梅子庾同幼孺之吳越

右倉詩稿

卷三

更生篇

十二

從未到吳越此行因友生交情今始見山水舊  
知名夜月正佳色秋鐘多遠聲秣陵回首望應  
有憶卿卿

送姚民部之武林

江清沙白漲初收第一征鴻傍使舟三晉河山  
迷落日六橋楊柳寄殘秋薰風自逐虞絃至好  
月應隨屐展遊我亦有懷歸未得憑君南去夢  
悠悠

蓮花井訪雙林上人

即法眼祖師道場  
此宗爲高麗所傳



祖師說法處井上湧金蓮真子感遺跡山翁犁  
作田徑多藏樹裏江半在亭前不意鷄林邑遙  
遙宗派傳

惟心菴

幾多江上寺俱在石頭城但得惟心訣寧論名  
不名莓苔侵梵宇蒼翠濕鐘聲笑指林光說禪  
風如此清

上瓦官寺訪高原上人鳳皇臺在其中

誰知瓦官寺卽是鳳皇臺勝境不妨金法筵因

石倉詩稿

卷三

更生篇

三

此開月知今夜好僧似隔山來古意殊不淺高  
吟凡幾迴

錦衣倉與董崇相夜坐

積儲雖俗務心境自相宜列岫此當舍餘潭便  
作池秋風早蓮落夕露衰草滋况值明月出夜  
談無已時

十五夜秦淮看月

月明風雨後水落樓臺前惆悵方未已繁華如  
昔年笙歌出渡口塔火入雲邊黍預文酒會淹

留皆宿緣

烏龍潭送郭汝承孝廉還閩

我欣一潭水君占兩秋光月色分松碧雲陰似  
竹涼人皆知折角妓有泣離觴若遇丹陽尹還  
驚得大常

送袁伯益歸嶺南

金陵佳麗地詎可賞心違我已十年客君仍五  
嶺歸殘秋添別淚近里減征衣若到羅浮說行  
將別翠微

石倉詩稿

卷三

更生篇

古

暮秋小軒集諸子分韻得門字

冷署對喬木因之構一軒閒時惟隱几客到亦  
開樽細雨沾黃菊殘秋映白門應知四海內雅  
道肯相存

立冬日集葉淳父齋頭送客之鳩茲

庭館有佳致相期來暮天酒香浮野菊別思斷  
秋煙座煖明燈候江寒去路前勿言聚會易便  
輟此留連

送范東生之荊州

片帆之楚邑十月靜江流客思水雲外人家楓  
橋秋野煙分漢口峽影落荊州何以銷憂處應  
登王粲樓

寄唐奉常

我公前日去轉覺意無窮善讓廷陵子能忘寒  
上翁淡然秋色裏密邇故園中從此紅塵事應  
門不許通

被命蜀藩留別少宰宛陵趙公六韻

星宿三台上天官四序初獨懸明鑑照元是敬

石倉詩稿卷三下更生篇

十五

亭居海若知難學山濤量有餘白飛柱史簡朱  
識岳神書自愧常披褐何緣得曳裾提携承教  
誨銜別意躊躇

司徒解梁趙公

世識司徒教人瞻君子威士風三晉古卿月兩  
重輝學闡麟經閱書工鳥篆微春溫 and 日麗秋  
憲帶霜飛吐握追姬旦遭逢薦陸機山川萬里  
外難遣寸心違

司空宛陵徐公

司空稱亞相望族自徵君學業水西盛清操天  
下聞齋居近東阜絃詠得南薰結襪煩張釋生  
塵歎史雲常時瞻北斗別日戀斜照應待玄珪  
錫來看神禹文

同社宴別

金燈銀管促飛觴惜別偏驚寒夜長四海交游  
全作賦十年京國此爲郎筵開朱雀帆前月路  
指黃牛峽上霜回首秣陵佳麗地錦江春色斷  
人腸

石倉詩稿卷三下更生篇

十六

臨行衲子乞詩因題一絕

性內本無文字障縱就山水亦支離我曾二宿  
鷺湖寺湖頂禪師不要詩

石倉詩稿

賜環篇

庚午

閩中曹學佺著

廣陵冒起宗閱

曾孫岱華重梓

戊辰元旦

元日爲春日崇禎始改元慶當三善備頌乃

一人尊浩蕩沾新化棲遲感昔恩東風如解事

早亦到柴門

二日過夜光堂及來江亭少憩

山堂稱稍僻轉入草亭賒梅晚枝猶健江春色

石倉詩稿

卷三十一 賜環篇

一

漸華鶴糧資拾橡僧菜學燒畬林擇看初改簪

前萬笋遮

送施叅藩入賀

獻歲王程迫啓居不遑寧

聖皇登大寶川嶽趨羣靈望處真如日行時亟

戴星應知御溝上早見柳條青

心融上人以箋索贈

去年歸里後同學至于今璞玉誰能識衣珠豈

待尋觀空隨野馬施食下池禽察我行藏處無

言每寓箴

崔徵仲過石倉以其隱處秋谷要余作序

時徵仲爲權璫所厄乍得脫歸

昔時稱死友今日乍生還何必談秋谷此中皆

故山桃花嬌水態石氣澹煙鬟爲問林棲樂長

如鶴夢間

正月五日卽事

新年已五日煖氣乍云回誰問柴桑隱方言節

假開朝霜猶在草池水欲生苔近且耽禪悅山

石倉詩稿

卷三十一 賜環篇

二

僧數往來

過張元敬園居

過余園數里又有辟疆園樹影曾棲宿江湖此

對門壁間藏一洞樓上散諸原已見桃花發雞

聲傍午喧

人日到法海寺傷悟宗上人

開山功德大謝世俗緣輕風解空門理曾無下

榻迎韶光人日勝法雨梵天晴愧我爲檀越徒

存外護名

初八日到神光寺

城中無所往亦只問祇林誰種豐田玉鋪成大  
地金王春當穀旦禪月上花陰刹宇有與廢悠  
然見古今

初九日還洪江試燈

俗以十一夜張燈  
早于城中兩日

洪江燈事好歸客倍閑神別此數年內裁成幾  
樣新吹灰來月暈解結膩風輪何事先城郭春  
光不讓人

洪江元夕曲十首

石倉詩稿 卷三一 賜環篇

三

上元初夜賽鍼工設色爭奇迥不同滿市有燈  
人似織樂遊無礙里名洪

崇禎頒曆運初長朝政清明俗太康胥慶元年  
作元夕燈光爭徧及恩光

料絲顏色勝玻璃辟易光芒萬丈齊錦字分明  
人不識迴文織向寶家妻

寶炬金煙散入雲誰家排設最新聞轟轟鼇頭  
山岳勢離離魚目水波紋

海上烽煙柰不收米珠薪桂任遨遊小醜蕩平

終有日大年端的屬今秋

古佛燃燈往劫前人間樂事遞相傳暖風醉拂  
雕欄柳皓月晴開寶座蓮

彩暈重重照碧虛簷前疑是水中居翻填橋路  
橫如帶閉却燈輝不放舒

吹笙伐鼓綺筵陳曲奏迎神與送神 聖王當  
陽如燭照大家齊唱太平春

屏風面面瑩如流花鳥零星過十洲喘月吳牛  
嘲滿奮明珠彈雀笑隨侯

石倉詩稿 卷三一 賜環篇

四

關鷄走馬少年場老去渾應夢裏忘宴坐經行  
隨野衲色空明暗費商量

和喻子奮墨紗屏燈詩

既可涅而緇徒然詠素絲非煙聊足況無地始  
堪疑裊翼迎風際魚遊在藻時寄言副墨子休  
使後屏窺

送宋運使北上

前任柳州太守  
余有同事之雅

淮揚鹽策已凋殘何況閩中一彈丸公到關廷  
蒙顧問披陳職掌動 宸歡江南織造俱停止

海上逋逃亦望寬  
島寇更兼猖獗甚  
師行無米待炊難

其二

宅傍淮陰漂母城  
王孫寄食舊知名  
誰爲國士千秋意  
却羨明公萬里行  
草色渡江連野綠  
桃花湧浪與雲平  
柳州交義由來重  
忼慷中山易播情

謝燈夕陳泰始京兆招集草堂是春始得雨

石倉詩稿

卷三 賜環篇

五

城中樂事每相仍  
宴會依然舊日朋  
信宿不妨投處轄  
食看最向謝時燈  
春寒乍薄杯薰煖  
夜雨纔過旭遞升  
爲問遠山如黛秀  
也逢京兆畫眉曾

雨中集諸全社舍弟能證西園觀桃花

誰憐雨色在亭皋  
淥粉啼紅有碧桃  
谿下無言春乍歛  
犁頭方指土成膏  
林寒一任圍珠箔  
燭燼頻教剪錯刀  
老去笑從時節換  
饒燈門外叫兒曹

集倪獻子宅得人字

多君一榻久生塵  
未及堂階認四隣  
折簡偶然邀舊好  
纖纖工否問新人  
柳枝日見垂金縷  
花葉時聞落錦茵  
莫訝少年輕就宿  
却嗔行雨滯香輪

集倪柯古園得看字

綠陰長覆荔枝欄  
雨氣初晴釀薄寒  
連夜雖然燈未撤  
回首春祇似局將殘  
隙中駒逝無心逐  
名下姬來着意看  
何事哄堂堪一笑  
藏閨原索解人難

石倉詩稿

卷三 賜環篇

六

題贈邵肇復冶池園

築土成山似斷雲  
九仙相揖避塵氛  
冶池時辨新潮色  
丹井還存古梵文  
惟石形模皆作侶  
靈禽胎息已離羣  
知君賡有庄時思  
日取山公啓事聞

其二

薰風解愠阜民生  
靜日携琴入洞鳴  
鑿井未能忘帝力  
瞻天何處是神京  
暫宜取醉邀山簡  
豈

卽爲園學邵平我欲留題非故悵臨淵往有羨  
魚情

晦日再集柯古園因疊前韻贈葉君節

何事臨風獨倚欄辛夷花發耐新寒落莫有意  
徵祥瑞煨芋無心問懶殘曉箭却愁迷處入夜  
珠多得掌中看不知誰擅陽春曲應使巴人索  
和難

雨中飲張元敬洪江煙舍

今日始雷電瀟瀟蘋上風春江湧浪白時并啜

石倉詩稿

卷三 賜環篇

七

離紅隔寺來清磬荒煙隱斷叢月明照殘雨滴  
瀝深林中

題三友墓

桑溪流水遶林臯同穴三君意氣豪修禊更多  
人酌酒采風應有史爲曹不同秦穆歌黃鳥詎  
比齊嬰殺二桃玉盃珠襦何處所西風回首戀  
綈袍

吳元翰見寄詩謂余難後少憇潯陽久之  
始知其誤頃自莆來訪仍錄舊作見示

次韻答之

嶺表炎蒸天雨霜數應逢九厄居陽傳來消息  
渾如夢薄得生還賴彼蒼淨業難消文字債閒  
情猶寄水雲庄可憐全難諸君子優卹徒聞姓  
字香

元翰有續余夢中詩仍次韻以答

十畝閒閒如此園交交黃鳥集晨暄到家易作  
相親夢在澗猶傷獨寤言粵嶠已無留滯跡湘  
江還有未招魂與君問道靈源畔日出扶桑望  
海門

石倉詩稿

卷三 賜環篇

八

題元翰蘆溪精舍

家在南山南山光映一潭夢多臨水濶足豈向  
城諳夜月懸高壁秋雲補舊庵主人旣佛理枯  
坐閉品龕

送元翰歸

暫遊時見訪歸卧老能堅世趣澹無味詩情深  
入禪芳春漾柳月異代宿松煙漫叩吳公隱無  
名應更玄

寄祁幼文司理

使君爲政暇草澤間遺賢古有巢由隱今無揚  
子立談霏玉屑吟詠屬天然鄭國緇衣好風  
人首此篇

三月三日西湖修禊

安蓋卿直社

清明上巳并茲辰洵奇特孰知津口神靚粧妒  
寒食風雨何飄搖終朝未云息方舟夙以戒川  
塗望如塞臨汎弗克諧行庖移岸側亭觀軒以  
崇琴樽此焉拭豈必河之魴徒羨雲間翼有美  
石倉詩稿

卷三 賜環篇

九

朋樽俱毋虞氛氣逼絲管從中起聊用寫胸臆  
行樂久蹉跎日晏誤方晏  
林和之過余石倉以何穉孝詩卷見示因  
送其携家之建州

微尚如君好我優叩門相見在林陞瑤篇縞帶  
爲留贈碧水丹山屬上遊世講通名非一日故  
人開卷自三秋鹿門何似龐公隱妻子相隨過  
渡頭

陳更生招集鱗次山房爲吳海布衣隱處

片石崔嵬足嘯歌布衣微尚慰蹉跎時當  
賢人隱日後登臨感慨多遺韵詎因絃柱促顏  
顏寧惜酒杯醅青山無恙韶光好生計依然在  
薜蘿

過文山橋爲隱士鄭育所居前太守黃裳

時步訪之

年年上塚過文山誰識遺賢此閉關五馬過橋  
看冉冉孤雲隨步去閒閒已無野鳥窺行迹尚  
有江潮認往還久矣緇衣違此好高風千載杳

石倉詩稿

卷三 賜環篇

十

難攀

送黃魯仲奉差北上

憶我歸家纔一歲而君兩度入長安延中吁咈  
時方盛海上兵戈苦未闌王事賢勞言別易金  
錢輸輓路行難常懷采芑詩人思傳舍何曾視  
一官

蘇幼霞過訪石倉賦別

年來余覺懶鎮日不窺園客在林中駕言開池  
上軒好風黃鳥熟初夏綠陰繁不謂登臨趣能

銷賦別魂

劉孔門見訪

最喜能文者通家美少年入談無俗韻投贈有  
新篇雅挾臨池癖誰堪面壁傳東風吹柳絮黃  
鳥自翩翩

讀新喻志因憶蕭貫之未第時事

一幅雲箋是衍波禁中曾賦曉寒歌綠衣乍對  
蕭郎語百刻香殘燭燼多

浴佛日送無異禪師還博山

石倉詩稿

卷三 賜環篇

二

法門凋謝顛興隆時節因緣近湊中體浸瑠璃  
傳佛日手提如意嗣宗風溪名弋字形勾曲山  
巖香爐氣鬱葱晏祖道場須護念靈源一脉意  
無窮

全曾爲憲到昇山寺營度修造

昇山凡屢到徑熟省扶僮匪但登臨趣兼多相  
度功雲開歇梅雨竹閑引茶風會見峰頭月金  
輪湧海東

一星仙史以扇索書口占贈之

新花發處催時節喜在美人頭上看帶粉嬌  
疑傳始和衣香氣似薰殘葵榴滿枝刺火出水  
統猶自逼人寒

余爲賦詩一首

首夏陳倚玉以支提茗高楚白以所畫雨  
景竹見貽仍全陳有美和濟上人到園  
茶產名山巖石上竹披疎雨畫圖中新烹尚挹  
清和候飽看能驅驟暑功讓客行園微癖懶送  
僧歸寺覺緣空池頭坐對餘花落亭午黃鶯囀  
石倉詩稿 卷三 賜環篇 十二

不窮

無異禪師過別浮山

無論緇素士板送有同心暫爾還山日令人悵  
望深流泉喧石壁曲沼遶松林師謂天然趣人  
間不易尋

寄贈六雪座首

體性稱純瑩詞章乃吐葩翻空爲六出度世有  
三車錫杖皆泉遠繩牀半石遮可如巖首座仍  
夢舊曇花



夜卧池亭聽雨

簷溜下池聲  
窓虛滴滴明  
乍然煩渴解  
徐入夢魂清  
宿霧移來重  
殘花落處輕  
魚羣牀下近  
喜躍有同情

送呂叔大還桂林

雨雪余方別  
風波爾更嘗  
世途多昨昨  
天意淬干將  
松色連空碧  
荷花濯雨香  
寧須悲屈子  
流涕過瀟湘

江陰徐霞客以其先太君秋圃晨機圖索

石倉詩稿

卷三 賜環篇

十三

贈

君山突兀婺星明  
壽考難兼是令名  
有子遠遊歸奉養  
諸孫遶膝課兼程  
園籬尚覩垂垂實  
機杼猶聞軋軋聲  
好事名公爭寄詠  
千秋牌版已縱橫

王而弘北上過余石倉次日携其友吳房  
孺弟而容子寧子清二子至余作二律  
紀之兼以志別

爲訪幽居者經年跡甚稀  
夫君有微尚于我獨

相依山水與人洽  
禽魚皆息機  
寧知周鼎上

壯詠騁騁

驛樓停隔日  
鼓枻背江行  
子弟皆同好  
古今無此情  
寒蘿朝雨重  
染翰夕苔輕  
柰陟崔嵬上  
看是北程

龔克廣招遊桂園

夏日尋瀟爽  
無如此際多  
近堤花蘸影  
對鏡鳥酣歌  
四面臺俱露  
無時水不波  
東山新雨後  
翠色滿庭阿

石倉詩稿

卷三 賜環篇

十四

贈陳泰始京兆

山齋無所事  
漱石且吟詩  
淡泊堪明志  
風流尚蓄眉  
鍾傳南澗近  
席對北窓宜  
明主還求舊  
寧須讀楚辭

雨霽全子奮有美汎舟池上

石橋初掛月  
如鉤啓柵移  
舡便得遊樹作  
屏風長在水  
雲橫衣帶淨  
疑秋重扉草  
濕尋僧路絕  
壑鍾催喚雨  
鳩累日攤書  
同好在畧將疎散換  
眉愁

復雨

三日已爲霖何當匝月陰鵲占皆不驗蟾影亦  
銷沈祇自焚榴火全非雨粟金披裘當五月懷  
惻動長吟

晚霽

池漲如腹滿咽溜願少停山中流白乳雖霽猶  
損青明月照濕岸空水逝冥冥魚羣曝腮出石  
橋聞浪腥

竹醉亭坐月

五言詩稿卷三十一 賜環篇

十五

松枝橫半畝半畝卽池心皎皎何明月悠悠似  
薄陰竹交千影亂魚秘一灣深坐久無人語涼  
風襲我襟

南池白蓮盛開

蓮花盛開如拍浮祇在中央避岸溝寧可蕩舟  
損花葉不堪坐致行人收

陳泰始招飲山亭

曲磴傍層林長筵夾石陰郊原分雨霽丘壑妙  
高深直可衣冠廢初非襜褕尋東陵瓜最美鉤

帶每相侵

陳警生姬人以茉莉花攢爲雪毬屬余詠  
之

積雪復盈盈炎天愛此名故將華髮飾擬似鏡  
臺情密縷縫纖手空香解宿醒人君懷抱裏妾  
意始分明

張文弱司席過訪賦贈

桂水論文意氣偏余遭竄逐爾窮擅乍驚縮地  
來何遠得觀遊山記在先風雅豈容淹海國妖

石會詩稿卷三十一 賜環篇

十六

氛今已散奎纏北窓無事常高枕不數義皇以  
上年

林弘伯以錦荔見貽賦此併推其才致云

蒲陽生荔好亭畔憶多楓祇謂分江綠誰知出  
女紅三朝無色異千古噉名同剪綵訓家尚天  
然讓爾工

全徐興公倪柯古龔克廣林懋禮林異卿

登于山避暑

日色非不盛陰廊自有苔城頭銷暑地木末避

風臺傍舍朝朝上，携壺款款來東南。山關處絕

目馬江廻

寄荅李公起

甬東人

年過五十卽閒身，豈必揮戈返日輪。惟有詩書能伴老，况兼泉石易娛人。行參不二維摩詰，孰繼風流賀季真。擬四明山下，任雲南雲北結爲鄰。

洪汝舍內翰招集蓮花樓避暑

東山洋尾幾人家，江上平臨點綴賒。雨歇正宜

石翁詩稿

卷三

賜環篇

十一

開奕謔風來，偏欲亂綠車。行看翠鳥棲蘋葉，坐數遊魚啖落花。南面百城無過此，人生何事擁崇牙。

南池人家

水底蓮花潑岸香，孤飛白鷺啄花房。人家住近碧雲島，露坐木排乘晚涼。

見射雉者戲贈

哺子斑斑下錦田，文章耿介氣誰先。無端欲博秦姬笑，中取如皐一矢邊。

送崔徵仲北上

繫馬三山別友生，村居聞信副心旌。王程正及新秋思，隱谷還尋舊日盟。漢室循良稱繼響，皇家臨照喜重明。近傳召對平臺上，首及民間疾苦情。

七夕立秋陳磐生社集槎園，分得三江韻。文園酣讌酒盈缸，漸見明河射綺窗。憶別去秋期已再肯賒，今夕會成雙橋橫渚畔，將填鵲柳暗垣邊。豈吹庖尺，佳人羞薦寢空，携雲雨度。

石翁詩稿

卷三

賜環篇

十八

湘江

夜宿槎園

水氣入冥冥，時過竹裏螢。浮槎斜倚月，列樹倒棲星。夕杵漸當急，颺輪無暫停。野花似菊意，滴露乍聞馨。

詠小雙團扇，內風爲一絕

畫扇爲鳶放，碧空佳人掌上。有清風，莫言咫尺飛難去，已入團團明月宮。

松石圖贈厚峰上人八泰

蟠石有雙樹買山無一錢因緣時漸廢戒律老  
彌堅坐卧白雪裏經行芳草邊宗門看直入不  
在語言傳

颶風

晨起颶風急驚誰開板扉蓮凋翻雨葢竹亂舞  
秋衣聒耳水聲合仰頭雲影飛偶來高閣坐似  
泊釣船磯

喜雨

漏終簷溜續醒夢喜相尋苗槁欣仍遂民飢免

石倉詩稿

卷三十一

陽環篇

二九

再侵鐘催新澗白池渥舊苔深 朝政清明其  
應同此快心

黃三卿以扇索贈

生少當吳越分來秀色裁提携皆勝具歡喜作  
禪那采艾期如許徵蘭夢若何書成余自喜豈  
是爲籠鶯

寄周又新

逐景連章詠四明古來皮陸兩先生與君他日  
披雲籍雲北雲南占姓名

陳季良蔡季承張起孚林道孝集浮山得

雲字

秋來涼燠已平分山澤何緣氣似焚中散竹林  
無餽迹元規羽扇避塵氛酒酣着屐歸途雨興  
發揮毫滿壁雲夜月僧寮堪寄宿流泉聲裏咀  
歌聞

七月十三夜仝鄭爾發陳有美從子允登

聽雨

兩月已無簷溜響偶然今夜共聞時未半更天

石倉詩稿

卷三十一

陽環篇

三

仍已息何當相繼濯花枝

侍兒以蘭花置余筆洗中值其當寢紀而

詠之

香似沈波底花疑生筆端餘英非所貴佳夢是  
徵蘭綺葉流雲縠金莖出露盤朝來安額上勝  
作畫眉看

避漲新樓讀書二首

樓爲看山構誰知避漲招旬餘猶苦旱樹色始  
回焦節物皆無序陰陽每致驕讀書雖自適猶

恐壞江橋

高處聞人語喧囂出浪頭蒼崖石板築白日抱  
衾稠雖與寸陰競殊非獨善謀園蔬纔得活奈  
復苦漂流

錄前苦旱詩

早穡纔堪穫三農更望秋雨惟生背汗火却在  
心流曲笠懸無用圓荷蔭不周已拋巾服久豈  
爲懶梳頭

空自歌雲漢何曾有片雲江秋眠早熱葉槁墮

石倉詩稿

卷三

賜環篇

主

先聞龍豈皆魚服雲應竭祝文盈盈河渚近寧  
待架橋湮

水退

不寐携燈照燈光漾水渾再難添少許仍恐沒  
前痕缺月流津舍歸潮挾海門羣蛙爭躍竈何  
處寄餐殮

水消猶未穩簷溜滴寒心感歎空浮海棲遲近  
在林僧居移蟻穴鳥翼抱虫吟幾日柴扉掩絕  
無人到尋

詠美人踟躕

不用手纖纖全憑脚下拈疾如獅子滾秀比鳳  
兒尖宛轉腰宜細紆徐意復恬迴風值飛雪遙  
捲出珠簾

詠美人習碁

漫倚娉婷勢還須問指歸情深耽後着面熱破  
重圍有子功誰預猶賢訓不違燈前思覆局未  
肯解羅衣

社集西園觀美人對局拈得一東二冬韻

石倉詩稿

卷三

賜環篇

主

歌舞渾無緒縱橫若有功陣圖翻繡譜坐隱出  
芳叢燈照看顰翠枰敲指甲紅秋波含睇意應  
是戒通風

二妙誰高手爭先肯讓儂機閑藏錦臆勝敗露  
芳容竹外聲俱透花間戰始濃傍觀真不厭奚  
必爛柯逢

效二蘇體送陳太學

耻爲局促終轅下挾策長安欲見奇家世淹通  
公穀學 朝常重親漢官儀肯因市玉酬燕犢

已免醵金建魏祠他日之官如受綱胡威清不  
要人知

福唐吳几峰先生以十月之誕爲百歲其

孫孝廉履卿索贈

青山如几日當門皓首龐眉齒德尊金帛側聞  
頌 大內瓊枝喜見祭諸孫遺榮未俗應難老  
滿百昌朝正紀元歲歲稱觴寒信至讓開花藥  
小春繁

龔玄之義烏高士也曩歲客閩甚久歸隱  
石倉詩稿 卷三十一 楊漢篇 三三

于其雲黃山淨修之暇工于象緯以余  
之招遠道相赴因喜而作此時八月初  
八日爲白露節

久離閩嶠隱鳥傷千里相期似故鄉水際客衣  
驚露白山中僧舍憶雲黃林丘靜課藏韜畧分  
野妖躡吐角芒海內厭兵無遠近長庚何事祭  
西方

喜鄧道叶歸自金陵

三山舊社長靡無之子言歸狎釣徒鼓世入城

秋水大看杯把劍暮雲孤別來書信經年少難  
後形容減昔無爲道故鄉風味好天涯時展荔  
枝圖

八月朔日飲鄭維寧草堂

古樹橋橫問爾居通江曾憶釣鱸魚乍看雨色  
輕陰外已減秋光一月餘千古道中時玩索少  
年場裏日蕭疎余今老大徒枵腹悔不從前早  
讀書

靈犀行  
石倉詩稿 卷三十一 楊漢篇 三四

薊門東去檀州西有妓少小字靈犀妖姿豈必  
論飛燕百戲傳來自瘁奚聲價從知不輕許妾  
貌應須金屋貯一朝消息漏長安百斛明珠賣  
崔府崔家尚書天下傳大閹寵愛誰當前門闌  
盡設明光錦牀頭堆朽水衡錢石崇金谷寧足  
數八尺屏風珊瑚樹不愁房老見皆羞祇恐殿  
爺聞却怒殿爺富貴伴至尊笑道崔家父子恩  
莫惜纏頭倍相贈明歲生雛爲我孫侵晨車馬  
填門賀盡道來遲能取禍日高尚書擁妾眠偷

眼窓前花影過朝歌暮舞樂且都電光石火成  
須臾祇爲百年長壽命誰知轉瞬無完膚勢如  
冰山乘日潰尚書耻更煩司敗玉杯碎擲十二  
釵妾最承恩復何待寧向君前先頽首少時頭  
亦非君有茫茫何處復相從自有靈犀一點通

樂府體和之

殘膏照水傍吞餌魚亦香況此寸絲弱分明吐  
妾腸因之小垂手宛然躍深篴玉盤珍鱸味歎

石倉詩稿

卷三十一 賜環篇

三五

息羨河魴

復憶西湖堤上薛濶君走馬放彈意甚壯  
之追詠是作

妾貌比桃花能乘白鼻騮昔人曾取換今日係  
君家疾雷重堤遶流星幾樹斜紛紛黃雀落真  
使看塲諱

秋日張明甫龔玄之黃帥先陳叔度林異

卿鄧道叶集春草亭

羣山如黛列瑤簪水溢池塘客解襟秋熱尚疑

河朔會晚風端貯竹稍吟杯中瀉淥佳人髮奕  
裏鉤玄靜者心行樂向來須秉燭柳邊斜月避  
微陰

中秋陳泰始招集鱗次山房觀塔燈分得  
五微韻

秋暑何曾試袷衣輕風羅幃上晶屏三山月色  
無雙夜七級燈光燦九微笑語喧譁人似織王  
盟驪雅客如歸莫辭今歲歡娛甚  
帝德中天首出輝

石倉詩稿

卷三十一 賜環篇

三六

喜阮堅之補郡樵川

新朝爲政重民時應念循良有素絲 召對平  
臺成日錄中和古樂頌春熙杉關雲鎖巉巖固  
樵水風生暎帶奇獨有三山懷舊澤建瓴千里  
下流澌

雨中集堅之浮山堂共用歡字

兒僮遮道競來看二十三年識舊官折簡偶爲  
今雨集銜杯仍似昔時歡畫梁却遶吳歌徧銅  
鼓曾聞漢法寬滿擬相留投轄罷誰知鷁首駐

江干

重陽前二日邀李玄龔而雅洪汝如過

浮山適鄧元少至鄧李龔皆樵溪人也

余前約蕭中周方叔亦以是日至因同

南城王姬淮右闕姬銜杯度曲頗稱盡

興

已過風雨澹晴煙興屬登高九日前信寄幸無

沈石瀨棹來多半發樵川漫云客子非關速雖

有佳人亦偶然苦樂相尋何者是著書聽曲盡

石倉詩稿

卷三 賜環篇

三

忘眠

九日社集于山野意亭登高分得九佳韻

陶公九日最舒懷山氣偏宜向夕佳處處煙江

迷白雁層層雲樹踏青鞵霜凝夜玉寒生袂菊

吐秋金色奪釵兩度登高皆故里飄蓬不復歎

天涯

開府熊公過石倉小酌

觀兵江上肅威容折簡相邀一過從揮塵入林

全任達停驂當市謬爲恭衆星乍列迎疎柳明

月初生出古松何事池頭虛酩酊畫欄空倚醉芙蓉

贈候官來澤蘭令長

兩邑神明美政兼時猶多暇覺情恬芳春繞郭

栽桃滿季月開樽課菊嚴寢寐故山尋許棣風

流千載繼陶潛民間祝頌無窮意海屋籌聞處

處添

寄答茅孝若

時余爲次兒畢姻故及之

好友書來問我時心驚甫定尚齊衰祇緣黨籍

石倉詩稿

卷三 賜環篇

天

相連潤敢謂文章得禍奇落月久懸千里夢微

霜偏着數莖髭中年婚嫁粗堪畢奈復牽衣有

少兒

送李玄龔還樵川時有寇警

才儁方能造語工薄遊長枝見雕虫林林搖落

新衣換燕燕于飛舊社空 聖王當陽消宿靄

遭民近古有淳風如何羣盜窺隣壤撻伐猶勞

我馬同

送龔而雅工繪美人故篇中及之



莫笑余詩多麗人君家圖畫更爲真不須寄信  
來青鳥却省相思采白蘋露泣芙蓉爲粉臉月  
臨秋水是丰神誰堪離別無窮思鴻鴈翩翩已  
作賓

海防吳光卿以督艘駐洪江見訪石倉小

集談舊余與光卿皆自粵西來故及之

脫離煙瘴卽生還何況夷猶山水間特爲賢勞

諸樂趣每因公等恣偷閒泉聞尚帶殘秋韻松

映偏宜太古顏巖嶼堪遲江月宿未應中夜度

石倉詩稿

卷三

賜環篇

无

城關

陳泰始齋頭觀白菊因有所贈

佳人額畔已塗黃秋菊偏宜縞素粧早向籬根

尋雪逕宵從席上奏霓裳青蛾欽處產京兆白

鵲飛來自建章寒思侵人眠不穩溫柔直取醉

爲鄉

到西禪寺口占

非纏世網卽編摩役役形神枉自多同伴比丘

林下坐身名幾歇是枯河

浪雲上人往溫陵謁張相國

僧家干謁莫爲僧不謁猶云我慢增冥坐蒲團  
三十載幾人回首望溫陵

陽生月昂宗起大行見訪

四牡駢駢信節過幽人薜荔在崑阿朋來恰值  
陽生候意欸偏宜雨集多暮入初寒燒燭飲風  
傳微靄扣船歌因君爲問揚州署東閣看梅興  
若何

宗起席上索贈口占

石倉詩稿

卷三

賜環篇

无

山感石鄰鄰追陪着展新四隅皆是水一座覺  
如春屬國推良使維楊有俊人有懷常靡及知  
爲廣咨詢

潯陽吳君索贈

花甲甫週日春秋殊未高在家稱孝友結客盡  
賢豪醉卧陶潛菊行偷方朔桃佇看令子綏安  
得久蓬蒿

至日送龔玄之還山

并序

玄之風氣高嚴神情簡古水清丹漱早志枕

流山近赤松少希辟穀方其送懷千載求志  
雙林研通理于陰符得參同于道論然脂夜  
撰自珍數卷之書抱膝朝吟笑止百篇之賦  
窺圖磧上石勢能明測候海中星芒獨辨總  
其才藻足調英奇余千里欽風兩函招致揭  
來閩海貢止石倉董威葦就孫楚之車戴仲  
列止竹林之舍徒聞高隱方此茂如也玄之  
行無轍跡與野鶴而爲羣坐厭瓢聲處山僧  
而不忤青冥何極恒多騁衍之談紫氣如浮

石倉詩稿

卷三 賜環篇

三

時露雷章之識至于長纓欲試巨瓠無容橫  
說玉霞未逢啓齒頰言黃石誰復心開時既  
歷于素秋氣又更于玄朔慶雲下送瓊葉爲  
之書祥景締東廻珠華於焉綴采蘭栽荏苒  
節物多芬荔挺蕨蕤仙方可驗爾乃倦遊思  
返韞櫝言歸延浦倚飄攬梅花之夾岸霞關  
歇馬愁雪色之侵衣玉水北流便浮潑淥粉  
榆東望卽是雲黃客子歸來方棄葛陂之竹  
山靈無恙仍炊寶鼎之丹于斯時也何其樂

歎羣公素尚奇情咸曾倒屣賤子備聞高論  
寔愜開襟惜別義有贈言臨岐將無屬詠清  
風朗月或佇想于他年臨水登山且留連乎  
此日共題四韻限體五言云爾  
書雲常此日臺上最高層去路千村閉離愁一  
線增韜鈴雖近武踪跡每依僧白昔英雄葦長  
懷兩袖冰

至夜集高景倩齋頭甫中黃楨甫章甫在

焉

石倉詩稿

卷三 賜環篇

三

偶作圍爐會能無倒屣狂徑惟添二仲律有逕  
初陽栢煖烟生液梅寒萼向芳微嫌今夕漏便  
爾減分長

黃章甫爲興公寫照作此嘲之

寫照良不易甫中技入神無將綺歲筆迫肖老  
來人意氣存先輩文章孰後身南枝將破臘杖  
屨莫辭頻

盆梅已綻葉余爲詠之

盆裏梅花吐枝頭尚未聞蘸波魚日亂下食鳥

情欣瘦影憐孤竹，膚陰取寸雲。貌姑射仙子，倚欲爲羣。

送王久亨之漳南

三山適漳浦，臨發傍年餘。島寇雖克，斥游人自卷舒。櫛丹籠袖火，霜白薦盤魚。好事家多有，行爲覓異書。

黃帥先以卷索詩

家居傍武夷，巖洞飽耽奇。更作遠遊想，三山任所之。隱囊時坐適，行卷日携隨。朋好那相贈，惟石倉詩稿。

卷三十一 賜環篇

三

吟縞帶詩

送林道孝

霜華添逸韻，畫裏儘多詩。楓染參差色，梅開爛漫枝。背寒歸里速，迎閨覺春遲。寄迹空門久，無如陸季疵。

送周方叔

相期來適館，朝夕詎應違。以子工夫密，知余宴坐稀。梅寒慳節，旅家近迫年。歸霞薄征裘，重潮廻擁漏。微書窓時靜，憶燈火共依依。

臘月望夜社集陳泰始漱石山房看梅值

余初度承諸君抬韻見存余得蒸字

犬馬俄驚齒已增，舉頭崑石露丰稜。歲殘月色猶成望，氣煖梅花乍鬱蒸。但喜百年常聚會，漫云三壽可爲朋。况多佳麗堪娛老，痛飲休辭力不勝。

荅陳昌基

山中日月任居諸，爲佛爲儒術兩疎。發憤下帷慚已晚，慳食積習墮猶初。煙霞痼癖將成我，塵

石倉詩稿 卷三十一 賜環篇

三

世功名肯間渠。祇有梅花消息穩，南枝開盡歲方除。

荅徐興公

少小相期意氣真，逝川誰復挽芳辰。讀書未破三千卷，轉盼皆成五六旬。難後豈思仍用世，生前難得是閒身。看花詠柳渾無緒，惟有空門寄跡頻。

郭秋聲以楮索贈微有過時之嗟，因及之約看梅花兩月前至今，消息尚茫然，路傍忽遇

人攀折爛漫南枝似雪天

梅花雖傍美人居小友何妨載後車但須傲雪  
爲肌骨豈必凌雲賦子虛

安蓋卿開社平山草堂得十三元韻

城迴僻似村山迥築爲園社占殘年勝梅開此  
日繁人煙祇自遠古意尚能存樹雜吟風冷亭  
高落照昏輕雲籠翠袖淺黛溢芳樽玉潤林中  
臂香幽月下魂雙歌應激楚一石可留髡更訂  
隣僧宿霜鐘到寺門

石倉詩稿

卷三十一

賜環篇

三

贈蔡生府閫司兼謝過存初度之什

公京

京口三山枕碧波英風慷慨得茲多時危橫槩  
皆詩思日暇投壺自雅歌老我凋零惜蒲柳憑  
君安穩卧松蘿臺江正有梅花發早已翩翩小  
隊過

明真庵看梅

洪汝  
含招

明真庵前梅已老却憶向年初種時豈爲江流  
翻雪態全因山勢屈霜枝羽觴列坐傳呼惡螺  
髻粧成點綴奇何處便知遊興淺斜陽渡口恐

歸遲

除夕

自笑中年已素髯非開霜雪屢驚添無心與世  
相馳逐有子承家察孝廉歲飲分將三日設盤  
餐何必兩人兼圍爐一種幽香迫烘得梅花滿  
屋簷

石倉詩稿

賜環篇卷

石倉詩稿

卷三十一

賜環篇

三

石倉詩稿

西峯集

辛未

卷之上

西峯集

閩中曹學佺能始著

移居西峯社有述

時予乞休得請

昔慕林野曠卜築依岩耕衰齡思風露携孥入  
巖城漁釣屏不事詩書閱餘生雖在窮巷內尚  
得西峯名露臺峙物表平地爲再成登覽周四  
極翠微列前楹花卉旣雜蒔梅柳冬春榮遊魚  
逝梁內數尾縱縱輕友朋日相過室邇易合併  
未學免孤陋閒居荷

石倉詩稿

卷三十二

西峯集

一

聖明豈待投荒苦始鑒止足情媿非謝安石雅  
望誰爲傾

臘日

甚早

諸子過集西峯草堂得十四鹽韻時苦

遷居不改井涓滴苦難霑解渴人呼酒貪涼坐  
近簷已看中臘到未見小寒添花發全無次塵  
飛不隔簾五更聞雨點西月墜峯尖水涸遊魚  
避雷翻白鳥潛園蔬驚日瘳海錯逆潮淹祇恐  
春霜候東皇今轉嚴

社集東郊華嚴寺看梅因訪王玉生共用

東字

梅花消息自城東越壑尋邱逸興同疎雨乍催  
千片白晚霞微映幾枝紅蕭條古寺無支遁耆  
舊人家並德公誰向樽前不盡醉嬌歌一曲度  
芳叢

華林寺看梅是日范佩蘭彈琴吳仲緯對

奕

扶筇寺裏陟蒼巒喜梅花此地看疎密松林

石倉詩稿

卷三十二

二

相間色遇遭城郭不遮寒世情變幻閒中夾山  
水清音僻處彈况值主僧深好客早將燒菜作  
春盤

約遊藤山梅塢因雨不果

入冬皆苦旱微雨濕田疇未足禪農事祇堪礙  
客遊虞人期已失野老席誰收惟有齋頭樹焚  
香坐對愁

石倉梅花盛開有述

幾日尋梅塢自家園不窺每逢亭與榭却亞樹

兼枝石沼浮香遠仙禽叫月遲主僧正惆悵問  
客欲何之

精嚴寺看梅

因過前代寺得看數村梅風日薰蒸遍川原合  
春開石爐從地湧浦樹漾潮迴故有匡僧伴應  
無野客猜任眠香雪裡畱悵法雲隈何日彌清  
淨空門聘辯才

宿精嚴翠栢軒

月到山中深雲堆谷口清靜夜開禪扉階前一  
石倉詩稿

卷三二 西峯集

三

疎散機隨栢子參臥向梅花煖心清本無寐夢  
逐晨鐘斷

庚午除夕

煖風池面拂輕瀾紅白梅開尚未殘雖爾移家  
猶似客特蒙 俞旨免之官衰年省已多成誤  
生事逢人更說難莫問城村風景別老夫原未  
出門看

辛未元旦

忝從清世大夫名在籍鄉紳候曉盈寶地儼然

趨闕路玉珂偏識戀 君情元正啓篆勞人誦  
老大吟詩率意成獨是友朋相過好漫携雙屐  
向郊行

邵聲復還浙中憲長詩以寄之

蜀吟開卷滿琳瑯喜是還官復近鄉兩浙並推  
人獨坐孤山時與客同觴風清好憇堤邊柳日  
出遙看海上桑吾郡縉紳寥落甚羨君猶白鬢  
靈光

枕上作昭君詞

石倉詩稿

卷三二 西峯集

四

妾入龍堆古塞川蛾眉宮裏尚三千蚤使君王  
一回顧莫教惆悵玉階前

仝徐興公諸子過真公禪房看海棠共用

花字

海棠雙樹繞清淨屈僧家閱世不知老迎春先  
作花容來如入幕酒熟似蒸霞竟日爲歡賞吟  
詩待月華

仍用前韻

高僧移手跡故不蓄于家恨乏詞人詠疑爲天

女花因風飄絳雪映月有丹霞共約春來興連  
晨競物華

陳法瞻往固原謁楊少保贈之四絕

良家六部氣雄壯豈是名家子弟才篋篋和得  
涼州曲方露詞人本色來

節度尚書雅好文通家投謁禮殷勤須臾手授  
平胡策領出蘆川白草軍

秦晉饑民乍揭竿蜂屯蟻聚路行難身經群盜  
園中過百戰纔能抵賀蘭

石倉詩稿

卷三十一

西峯集

五

功成方可勒銘還切莫刀頭屢顧環欲向安西  
尋舊磧射鴈親上六盤山

詠墨紗燈屏

園林如暫寄花卉亦空飄豈以公超術能令子  
墨驕踐苔人跡斷映水燭光搖路上尋春女翻  
身拾翠翹

寄衷釋生

武夷崑洞客相見似重遊社集蓮花漏詩題桐  
葉秋雲隨山展岫月掛水簾幽遠勝在都市修

朝事應酬

途謝茂才歸山陰

謝家庭院裏玉樹秀連枝豈預平戎策還陪賭  
墅基山陰行道上聞海借才時媿乏兼金贈爲  
吟五字詩

詠永燈

玉壺清艷九枝開火齊分明照鏡臺把酒欲爭  
時刻賞遊人疑自廣寒來蓮花滴向朝光盡銀  
箭停將夜漏催豈似淖沱追騎迫倉皇漢主睽  
石倉詩稿 卷三十二 西峯集 六

中回

夾紗燈影照粉壁上因詠之

素壁映燈花隨風故故斜暮來幾枝影隔着一  
重紗蕩颺載巖石分明棲夕鴉恍疑窓外曙尚  
不辨雲霞

詠琉璃燈

清供原從佛界看垂堂今始侑君歡瑤階月露  
渾疑浸銀海光生倍覺寒長有仙人毫似玉寧  
須齊女織成紈時時拂拭無塵染莫遣風前墜

剝竿

羊皮燈

同異寧論白與堅形毫能使朽姿鮮媚媚玉質  
留餘潤滴滴金膏豈聚羶叩處有聲同驚鼓張  
時無力借鵲絃海西留伴蘇卿節皎潔長疑漢  
月懸偶觀元微之集琵琶歌有纏絃不敗  
彈羊皮之句予第六用事頗與相合

送趙司理赴京考選因省覲

七年司理似君稀此日承 恩入禁閤價重連  
城原趙壁清持一絹等胡威臣時定有千言疏

石倉詩稿

卷三十二

西峯集

七

省覲應裁五色衣不是瀕行多沮滯士民情意  
忍相違

洪可遠招集池館看蜀茶因懷汝舍中翰

漫切人葉痛叨招綺席連花如含笑日節值釀  
寒天手植傳來遠孫枝綵處妍影蛾池面小濯  
錦雨容鮮宛爾叢觀火胡云俗禁煙杯光浮琥  
珀黛飾間珠鈿贈豈同蕭艾啼空有杜鵑青雲  
思翰墨白雪競詩箋物候春將晚悲歡事隔年  
還持欣賞趣寂寞慰窮泉

送忘機道人

三山城中人來往逐聲利添一道士行如入華  
陰市施藥與孤貧持卷索文字我疾在煙霞日  
深不能治安得更隨君閒遊無所事武夷九曲  
中扁舟弄雲水

送胡獻卿之金陵

久雨坐幽鬱初晴動遊想金陵佳麗鄉玉樹參  
差狀果擲潘車中書題練裙上知君風氣迥深  
情在一往

石倉詩稿

卷三十二

西峯集

八

辛未三月西湖脩禊倪柯古直社

勝友依辰集長筵就水寬美人從後至春色未  
應闌風候頻看變晴光乍作寒鷗波生曲渚鳥  
道出層巒衣帶垂芳草亭臺藉上蘭車塵猶隔  
畛鏡象在澄瀾郎閣三眠柳漁家一釣竿浮觴  
傳洛下禁火憶林端遺俗雖堪吊前賢已達觀  
但當金谷酒滿酌不辭難

鼓山舟中

半江風力健舟子峭帆過洲勢成紋疊山光撲



翠多連營喧戍角出浦逝漁歌予亦閒遊者吟  
詩向薜蘿

魁崎夜泊與朱山人夜飲

濛月雨來澆江空正落潮沿隄皆可步遇石且  
停橈麥浪平看秀茶香頗忌焦酒中真率趣長  
朽木爲瓢

再遊天鏡崑試新茶

崑漏當春雨人行戴笠斜天然成古刹火熟試  
新茶竈石非全劇江雲只半遮主僧能好客每

到卽如家

卷三十一 西峯集

九

過南院有感

院名渾不識地在湧泉南蔓草未侵盡崇基尚  
有三王峯作窰窰坏土和伽藍縱欲謀興復無  
僧足荷擔

夜宿天寧寺

晨與山僧訂黃昏叩道林却非因雨宿爲是數  
年心霽月猶當檻燼雲復作陰不須尋問答鐘  
磬有餘音

過南禪廢寺

從來龍象所興廢亦隨緣邱塚塋何益子孫  
願遷燒痕開院址隣舍汲庵泉昔日曾遊此蹉  
跎三十年

送吳光卿還潮陽

去歲辭官謂我非茲看計典服知機海中露布  
收奇捷天上星文逼少微途已三千倫接壤囊  
無一物可携歸祇須韓相祠前木百尺藤蘿覆  
故衣

石谷詩稿 卷三十一 西峯集

十

送黃三卿

金陵有故居此去奉滯輿折筍茶香細來禽果  
熟初銜杯愁少伴回棹載多書建業城頭水詩  
腸一軟餘

林懋禮新居作

移居春已暮美麗勝花朝願預玳筵會寧煩繡  
簡招當歌偏有屬注目遂無桃詎學明河詠方  
秋遲鵲橋

贈開府熊公

聖主從來善用人天聰猶不廢咨詢留公畫  
胸中畫視我如傷海上民播穀今年農事早  
桑初日貢航新欲知仁者偏多壽自是嵩高祝  
降申

送徐魯人海憲擢東省臬司

曩時曾向石梁行遙望真人紫氣橫特簡來闕  
收劇盜雄文登岱示諸生家當孔道應停騎候  
值清和好聽鶯人自賢愚相去遠媿予猶自說

同庚

石倉詩稿

卷三 西峯集

十一

全素秋到石倉索贈

林園久不御聊復伴姬遊崑雨曉初霽谷泉鳴  
更幽偶因迷問徑常指勝移舟索我齊紈扇沉  
吟未及秋

唐宜之石倉雨宿

林園不避客雨際斷來遊清興唯君發無人到  
更幽石間分磬路閣上似澌舟更作通宵話方  
于宿願酬

題林熙工八十受封

八十受封雖足貴早年聞道已遺榮日薰錦水  
成華袞人在礪溪釣素璜芥納須彌成法喻杖  
辭鄉國識身輕君家父子真天授百歲應兼兩  
瑞名

送顏同蘭給諫奉使還朝

奉使斑斕日正長王程催上露輶光剪桐昔見  
周天子起草今聞漢夕郎交未面時如故舊水  
成文處是清漳相逢不盡班荆意漫向河橋賦  
別觴

石倉詩稿

卷三 西峯集

十二

賦得綠陰

遠隨芳草色萋萋不管殘紅杜宇啼費氏壺中  
藏日暗寶家機上繡天低黃金漫復誇鶯羽碧  
玉惟須趁馬蹄游子青衫揮欲染却疑身在杏  
林西

送劉孔門之河內省其婦翁吳汝鳴

聞說南陽地冒黎有世家城盤河內固山入太  
行斜暑盡分荷葉晨鞍撲柳花水清與玉潤都  
向衛人誇

陳振狂過西峯池館

偶有餽酒者  
因留共飲

君每乘潮到浮山有草堂城中別懸榻水上浸  
扶桑桃已過牆實茶初出洞香白衣人餽醞何  
必待重陽

送林益謙給諫還朝

三山文運半興衰猶喜垣中兩拾遺 國是至  
今難畫一交情從古樂新知梅風直送回青瑣  
蔡日常薰在赤墀別後漫增離索感封章傳到  
是丰儀

石倉詩稿

卷三 西峯集

七

送薛恒簡儀部謁選

秣陵佳麗舊儀曹何事歸心折大刀過里已知  
休假樂趨朝還謁 聖明勞擢花五月開亭障  
粟米千艘過運漕功令此時雖畫一還將優格  
待賢豪

詠蜘蛛網

腹裏經綸任卷舒簷前結構豈容疎已驚當戶  
堪羅雀誰信臨淵不爲魚煙雨一竿收寂寞光  
陰雙隙度居諸曝衣樓上如張掛謂是佳人乞

巧餘

寄樊致虛辰州兵憲

憐才啓事豈相閑盡以遐荒作賜環或爲文章  
雄八代故將威望鎮群蠻伏波銅柱標奇蹟大  
酉丹砂駐少顏暇日武陵溪上棹桃花流出水  
潺潺

其二

爲茂才林  
履基遠訪

功令時常欲獎恬誰知恬者故多淹讀書已自  
堪娛老辭祿全非爲矯廉數載神交逾浹洽通  
石倉詩稿

卷三 西峯集

七

家禮調霽威嚴何時慰我雲霓望三尺堂高不  
隔簾

輓茂上人

三山氣運薄漸次及禪閑但爲時欽仰難留在  
世間自從辭草座不復到芝山盡惜師勞苦人  
生幾得閒

送林履基

昔者士稱貧栖皇惟一身今貧八口外尚有啼  
饑人在家祇坐困出門費資斧更損客中囊草

草爲內顧予少多淹滯能識寒士苦相周力不  
逮欲展意彌阻君言之楚遊節鎮平生優孔融  
應御李王粲正依劉入湘蘭作佩莫屈芷爲羞  
此去逢知己寧須歎蒯緱

寄長沙蕭郡丞

昔自湘潭過醴陵長沙嶽麓阻攀登邊州與我  
同離瘴劇郡聞君更飲水岫嶂禹碑花下榻洞  
庭仙棹月中乘清時敢道賢人隱願作孤南老  
也能

石倉詩稿

卷三

西華集

圭

送葉民部

文忠相  
公猶子

五馬峯前作意看光苴列宿動郎官度支時正  
需劉晏勝奕人猶說謝安草色千重經雨綠葵  
花一點向陽丹魄予疎懶因成癖獨自江頭戀  
釣竿

董履恒叅軍舉子

善人必有後况乃保障功百洞精英降三山瑞  
氣通弄璋幽邑古獻策漢廷中曉日扶桑起華  
筵海色紅

寄李玄白

樵川太守類能文早歲窮交喜得君河潤豈惟  
稱九里山居祇自讀三墳中孚已及豚魚信舊  
奸長懷鷗鷺群見說北岩有奇樹春來幾許醉  
斜暉

題葉君馨中翰春晝堂

相門勛業在玄成堂構新開麗晷晴絲筆三都  
曾有賦秘書千卷不知名野容綠處留遺蔭鶯  
羽黃時巧囀聲旦夕驪駒催上道祇從蘿薜訂  
幽盟

石倉詩稿

卷三

西華集

圭

送蔣道圭之白下

夏日蟬聲傍水涯葦衣如雪拂涼颺不愁客路  
無芳草忍別家林有荔枝海內交遊多執友画  
中禪理或前師停杯顧曲君知否昔也周郎異  
少時

送徐伯朗明經北上

祖制成均重積分析逢今上注斯文家從孺  
子南州著人舉賢良北闕聞白社無期盟白石

青袍有路達青雲笑予老却山中眼猶向芸窗  
校典墳

過董崇相樓居

未向山橋度先從石骨行新樓無百尺高臥此  
時情竹日交牕影松風雜磬聲應知相視笑不  
着世間名

全唐宜之鄭爾調葉君啓蔣道圭荷亭避暑

暑

湖水本澄清何緣蔓草生欲酌臨汎趣彌動古

石倉詩稿

卷三 西峯集

十七

今情湛露荷香徹斜陽柳色傾邇來銷暑處已  
驗葛衣輕

寄贈徐太守

上虞人舊爲松  
溪令茲守建州

恠得溪頭噴雪花使君應是雨隨車家風雅著  
南州楊宦况清如北苑茶管領八城新惠澤重  
吟五字舊煙霞曹娥江上穹碑在此後誰將絕  
妙誇

送鄭映昆之陪京

以龍泉令  
遷光祿

勲卿今不借山郎豐鎬由來是帝鄉昔日花封

優製錦他時粉署待含香榮親展讀恩綸語祝  
聖躬調御花湯相望長虹時耿耿龍泉曾淬舊  
干將

黃伯雄嚴子如寓石倉爲予畫壁

有客自吳門移居在我園開軒面荷葉掃壁見  
苔痕靜得忘機侶閒將盡理論雖停幾日棹如  
入武陵村

再寄袁穉生

所思風雅士長揖武夷君釣落高峯月吟開滿

石倉詩稿

卷三 西峯集

十八

筍雲三秋鐵笛遠九曲水簾分未遂重遊興裁  
書寄鴈群

送陳叅知擢江西憲長

宣猷督餉兩稱艱指顧如公祇覺閒已極苦心  
禪國計尚留寬政在民間台垣法曜輝南浦歐  
冶清波蘸北山惆悵豫章何太劇奪子慈父去  
難攀

七夕倪獻子招集槎園

雨過涼生日已昏坐臨空濶此開樽漫窺雲縷

求新巧且得星槎繫故園罷釣已知魚樂遂填  
橋一任鵲聲喧年年詩句凌河漢今古誰人爲  
遡源

茅止生過宿浮山

故人相見歷星榆飄泊何妨一寄斲研非不知  
誰是主宅南相讓未爲孤聽松尚憶秋濤壯觀  
權方悲歲運徂聖世金雞朝夕下肯將金齒  
困新都

潘昭度申青門唐宜之全過石倉因訪茅

石倉詩稿

卷三 西峯集

九

止生全賦

草堂其寂寞芝蓋問沉淪執轡寧知賤藏書祇  
覺貧崑依松色古池照槿花新從此千秋意無  
憂委路塵

右過浮山堂

青壁映垂楊蘭舟泛石塘中流無暑氣隔扇有  
荷香鶴過陂頭立魚跳水面狂應知莊叟興不  
減在濠梁

右泛舟到祿軒

荔子時雖過濃陰蒲閣中頻流如匹練映日似  
丹楓沆瀣漿堪挹欹斜磴不窮清歌猶自媚已  
快洗粧紅

右荔閣少坐

獨是稱良會言談日易晡松枯寄水活竹醉要  
人扶棲鳥驚鐘動流螢濕火無白雲何限思片  
片戀菰蘆

右自竹醉亭夜歸

送練元素

石倉詩稿

卷三 西峯集

二十

秋暑猶未退建溪熱如湯之子告言邁俾予心  
中傷好尚徵人情古道今則亡雕虫不足貴金  
石韞斯章古人何可作姓字畱餘芳好事獲一  
面豈不重珪璋今人務苟簡朝夕計匪長譬彼  
糞上英萎落隨晨霜沉碑千載後彌憶杜當陽

送王醴貳擢永昌郡伯

滇中舊日到皇華軾已塗朱駟有加聖畫不教  
裁玉斧恩波寧使遍金沙家傳最著三經學國  
計能通七郡槎百尺橋成嵩水上與人來往頌

無涯

仲秋四日社集荷亭爲止生賦

介此寅賓地多君沍止勞三山猶負郭八月待  
觀濤執戟嘲揚子開觴詠楚騷且無論去住風  
雅慶斯遭

其二

北信鴻將到西流火未殘永條垂玉腕雲笈閱  
金壇酒已耽中聖歌寧寄遠歡但容臣節逸溪  
荷 王恩寬

石倉詩稿

卷三 西峯集

注

其三

四望何空曠湖光接遠天雉飛過百二鵬奮激  
三千木葉亭臯下煙雲閣道連登高能作賦何  
必慕神仙

其四

盈盈波上島泛泛竹邊舟翠滴山城暮炎銷澤  
國秋欲歸辭旣醉餘景限清謳爲語金陵客能  
無如此遊

中秋石橋看月

中秋月出稍遲遲正值橋邊徙倚時山口乍離  
雙樹影波心忽湧萬花枝微茫遠火飛螢度斷  
續疎鐘過鴈知祭纓不聞簫鼓競數年閒作放  
生池

贈謝寤雲元戎

芙蓉幕下雅歌閒歐冶池頭映碧山待月中秋  
酣客席寤雲成雨去人間奕棋會取淝州捷訪  
隱那令剡曲還天作長城閩嶠外未應相顧大  
刀環

石倉詩稿

卷三 西峯集

注

古田令楊南仲過訪併見呈詩賦答

逍遙林下雀羅開門徑春風長綠苔看竹主人  
曾不問栽花令尹故能來人經出處隨年異道  
在文章致俗猜趨府時常過此地石塘蘭舸任  
遲回

鄭汝交招集南園仍過萬歲寺看塔燈

繁星燦燦出邱陵落葉商飈思不勝太白已驚  
能敵月中秋雖過尚燃燈東西塔似雙虹遠今  
古潮爲匹練澄客散獨歸林際宿知君踪跡半

依僧

福安大尹梁楷林調繁海澄詩以送之

牛刀初試七絃張丰采翩翩自五羊佇見新猷  
環海淨已留餘澤似溪長分携尚在閩都內遠  
近無分漢吏良別後相思何處望遙看日出是  
扶桑

送杜仲純還清漳

時有乃郎侍行

前身好畫王摩詰垂老耽詩杜少陵價重南金  
家是實人爲東道主誰能涼秋已詠無衣客早

石倉詩稿

卷五 西峯集

三

晚隨堂有髮僧此返故鄉成豹隱行看令子奮  
龍騰

唐宜之僑寓金陵烏龍潭因其行也送之

雖云僑帝里猶是傍潭居喜客無題鳳齋僧不  
釣魚山光含翠黛楓葉照丹書諒得閒中趣應  
慚獻子虛

徐興公林懋禮陳昌期携樽過訪茅止生

全賦古風一首

有客曷介止越宿仍踰信曉惟同衣者載轡追

古人窮交式携具聊用覘情真佩服皆詩書撫

几焚然陳譬若渴與饑飲食邀佳珍又如十玉  
區環視肉好均杯觴告在御旨酒懌我賓筮鏞  
何必作和樂風謠新華燭照座隅虛徐猶未伸  
卜夜云既永勿使中尊塵

李玄白茅止生同到森軒少坐

有園性懶窺月餘不至止因客歎其佳心復生  
歡喜每亦與客遊祭興不縣已昔來荷尚榮俄  
驚葉已毀昨日颺風摧欄干不勝倚僮僕莫予

石倉詩稿

卷五 西峯集

四

告誰爲一聊理二客皆吳人性情最宜水開軒  
俯層波微風襲肌體樂茲群勝滙庶無孤立恥  
奈何去住間瞬息分衣背獨有青山暮相送情  
難已

小金山送唐宜之時予有鼓山之行

別思亦從容言携孤嶼筇江流亭面濶塔亞樹  
枝重淪茗秋濤小披衣夕露濃五更分棹去予  
欲策東峯

候潮



江上移舟時潮生已尺許舟過第二橋猶待潮入浦

登黃石廟

黃石去不返遺踪雲樹間鄉人晒谷石疑是穀城山

子房溪少憩

溪聲瀟瀟鳴聽之自忘倦中有小洲橫清流屢迴轉

夜宿白雲廨院懷興公汝交

石倉詩稿

卷三 西峯集

五

舟車一日倦借榻下方眠遥思二三子坐月湧泉邊

聞鐘枕上作

梵唱寂不聞鳴鐘尚知節月落海潮生村雞啼不歇

九日上湧泉道中見運材者

晨曦已出林客病強登臨遠瀑穿巖竇孤亭代樹陰江門時向背雲路入崎嶇那許相逢處聊爲慰勞吟

喝水岩同興公汝交器之少坐

兩壁若相拒其中宜礪流豈因礙跌坐遂若割鴻溝秘壑浮江遠題名雜蘚幽祖師下轉語應使水迴頭

到國師岩

徑穿樵子跡岩有國師名曾受人天供偏多郎怒情蒲團猶掛壁火食斷炊羹對面看松樹當時爲降錫

鼓山上院法堂臺前登高全興公汝交懋

石倉詩稿

卷三 西峯集

五

禮器之屢徵上人

籬菊初含野菊開天風祇隔石門隈客嘲老友携孫至人憶叅軍落帽回海岳此時看去淨沙門若個辯爲才憑君借得如椽筆記取同登舫若臺

方丈小飲懷博山禪師

相傳九日會忍使一樽賒海月當空正松風向壁斜儘容居士榻却做戴逵家小影燈輝徹能無去住嗟

佛殿苦漏鄭汝交捨錢脩之志喜

有漏非功德無期發意新空山禪誦罷匠石運斤神讚歎全耆宿成功賴吉人生還皆瘡痍努力致前因

余先以舟歸江上口號二絕

猿鶴山中認故巢喜於相聚怨相拋方嘲有客來何暮今日先歸轉自嘲

老大深知筋力疎一程猶自嬾乘車舟行未得潮風便且展蓬窓半日書

石倉詩稿卷三 西峯集

三

陳泰始直社演彩毫記余因病不赴分得

二簫

季秋之望雅盟招似惜秋光在此宵觀樂獨迷供奉曲承薪偏負上皇焦擬陪遠客開樽笑閒坐匡牀對葉飄分韻題詩煩見及呻吟猶不廢推敲

余社中再演彩毫俱不值

病中戲簡星史仍代荅

美人怨我老其意良不薄今老不多病何時諧宿約君家溫桑鄉老去亦何妨當年攻著述佳

冶盈兩傍君言夜長夢多天欲曉賤妾年華非

少小卿其有意能相就莫使柴桑落船後

與叔度有美夜飲

老識陰陽患談深可卻魔青燈泛醺酥白首任婆娑來病似爲癯三杯仍致和浮漚等身世吾欲問維摩

病後與吳仲奕戲述

性不耽痴奕相嘲雜笑談已饒君一病祇訝我新參玉局機堪隱金花燭半含路迷思不出忘

石倉詩稿卷三 西峯集

天

却後三三

鄭肇申過存亡兒殯嘉因同止生藏公少

坐

世講雖云四美俱人生闕蹈豈能無憶君相見猶童穉惟我多愁不老夫墓間故人皆宿草饌全開士且伊蒲千秋情誼過從意况乃高陽舊酒徒

送申青門參知齋捧杜上

祝釐楓陛屬昌辰塞外烽銷淨虜塵御極四

年當夕月呼嵩萬歲及新春

是歲有閏立春  
在聖誕前

盟風雅應誰氏世篤忠貞有幾人別後相思情  
不淺長洲鴻鴈佇來賓

送施四明憲副齋捧

千官闕下候晨鐘日出遙瞻拜袞龍薄海

聖明知疾苦臨軒召對自從容還家不媿錢清  
渡攬勝應扳玉女峯金鑑錄成當靖獻漫言徒  
效祝華封

送鄧啓周將軍北上二首

石倉詩稿卷三

西峯集

三

軍需寧但實金錢更有征袍幾百千珍重女紅  
鍼線密遼陽霜雪白於縣

君家先祖漢元侯功業今看潛水流聞道關西  
群盜起一時豪傑問誰收

興公直社無菊星史不至

一枝寧負酒杯空笑煞東籬酹酹翁祇爲美人  
慵喚起故將秋色閉簾櫳

韻  
恤冬朔日社集西峯草堂看菊共用一東

朝來躡屐過園東采得幽香入座中數點粧成

青女候一枝高出白屏風乍疑黃道初頒曆爲  
奏新聲始叶宮秋駕已歸逢歲閏依然留駐小  
春叢

謝  
孫泰玉制科過存山兒世誼殷勤走筆賦

畫錦衆欽羨夜臺誰與論高情令感激老病更  
扶孫世講千秋合文章雅道存離離墳上草零  
露遍郊原

石倉詩稿卷三

西峯集

三

送杜給諫冊封琉球

草奏曾如杜拾遺濟蹕猶是報君時星經候得  
東西景風信便於潮汐池禹貢原包荒服制夷  
人重覩漢官儀直聲海外相傳久不用通名譯  
使知

送楊大行

主恩爲重此身輕慷慨聞君一請行漢使却金  
亭尚在人生腰玉遇姝榮家居滇服原稱海島  
近蓬萊似到瀛漫道無期嗟此別長風應卽是

歸程

荅陳叔度見詠草堂著述

自晒藏書在石倉移舟夜半壑中藏崇禎已後  
編圖史新署西峯舊草堂

四庫菁華不易窺欲將哀選盡災梨休言點綴  
憑君手鶴短鳬長各自宜

老去分陰惜漫過祇應航奕稍蹉跎較讐半晌  
雙眸倦轉借楸枰警睡魔

兒孫私塾暫相移聲有吾依出小池秋菊春花

石倉詩稿

卷三二 西峯集

三

時代謝長年帶草自垂垂

少陵行逕自陶公里曲多爲田舍翁安得似君  
爲益友每將疑義叩墻東

洪可遠修菊社因試小優時興公懋禮俱

病不起

小池初浸木芙蓉寂寞秋光似再逢肯伴陶公  
彭澤醉絕勝孫叔寢邱封簾前燈影琉璃淨社  
後杯傾琥珀濃底事今朝歡趣減二君因病不  
相從

詠隔簾黃菊

輕霜數點隔雕楹香氣能過几席清金絡動搖  
誰繫馬綺窓無語自流鶯篩風似竹姿添老  
霧和松色更明幾度欲將纖手摘玉人還畏曉  
寒傾

鄧周生園館看菊其子孝廉緒卿侍

羨君喬梓樂種菊應時芳待入金華彥如含粉  
署香芝蘭森玉立圖史悉珍藏願以忘年契無  
拘父執行

石倉詩稿

卷三二 西峯集

三

星史病後再贈一絕

兩人全病愈彌覺爾芳年坐對樽前菊經霜色  
更妍

月下小臺全采公看菊十月初九日

踰月已重九今朝纔見花小池堪蘸影別圃不  
如家石態雲疑嬾桐陰月向斜漫云除架日藤  
蔓正交加

贈候官李明府

省中兼攝亦恢恢兩處棠陰覆訟臺今歲稱觴

猶泛菊他年調鼎定和梅馴看雉野中牟跡峻  
指龍門八及才似雪肝腸資建白清朝言路正  
宏開

名王枕骨杯行

豪飲不可量取出名王額當時大如斗指顧人  
辟易戰潰失兜鍪魂亡寄杯杓猶疑在帳中飽  
嚼葡萄汁既醉顏匪醜中枯貌猶澤寧付莊生  
枕勿煩天女擊但能漬骨香奚暇數頭責所爭  
俯仰間感慨已陳述

石倉詩稿

卷三十二

西峯集

三

邵園全徐興公高景倩陳叔度林懋禮葉  
君節餞別茅止生得十一尤

君於湖海盛交游謂我三山氣味優儘可相依  
修菰菰漫云歸去減鄉愁客程紅葉初酣晝籬  
落黃花已謝秋欲遣離情渾不易何如盡醉習  
池頭

送陳毓海令吳縣

初矧祭處乃堪游宿學聞時仕最優茂苑近逢  
新茂宰花封遙羨百花洲星程別去遵功令晝

錦歸來敢滯留忝在同心無以贈東南民因待  
分憂

寄荅周章甫傲莊定山體

東吳司理事堆山剖決如流也不閒况有清糧  
非舊管督催功令更新頒寬嚴得體良非易學  
問施爲第一關漫切倚閭人係戀賢聲傳播慰  
慈顏

仍用前韻荅章甫興復天寧寺事

天寧名勝占江山吊古尋幽趣亦閒尊甫晚年

石倉詩稿

卷三十二

西峯集

三

曾自號御題當日豈私頒風吹香片和梅塢月  
湧潮聲上竹關忠定至今靈爽在肯將胡騎動  
愁顏宋紹興初忠定李公謫居于此有海月來  
薰二亭於風堂故址時正虜警故未及之

再送止生

成所何曾夢故園携家僕僕戒行軒數奇亦是  
尋常事不灰堪酬浩蕩恩冬煖閩南非正令陽  
生雪後始回溫凌園未解關門振拊髀應思李  
牧存

題吳中秘冊

諱懷賢休寧人以楊都憲理  
初觀瑞廿四罪疏大爲稱賞

退加旁註  
下獄拷死

縉紳奇禍起昭瑞事後纔知隔死生君作杜郵  
新鬼伯子慚玄晏古先生時子爲序野史紀畧被譴幾殆彼時  
尚覺披鱗易何日能教觸肉平肯把丹心託青  
史應看千載有芳名

全吳子野汪穆如茅止生到園內時止生  
欲行

幽陰天氣作寒輕落葉芒鞋遶徑行遍地有泉  
看水蒲高山亂石向雲傾荷凋不辨玄黃色松

石倉詩稿

卷三 西峯集

三

老空傳斷續聲咫尺家園寧在遠年來深識倦  
遊情

江上復送止生

昨日泛塘中尚云戀餘景茲辰涉江上離緒已  
耿耿况此江上風日色其淒緊惟有一樽酒暫  
對猶堪乘眷言登浮邱俛仰聊自省聚首十旬  
餘人生已爲永詎能無變遷常若形與影丈夫  
志四海所期王難靖困憫嬰一身大義胡可屏  
予雖在林壑懷憂苦難整敢學巢許流忘情赴

箕穎臨別重躊躇江山此昭炳

社集石倉吳子野全叔度步到

豈惜肩輿費閒行得趣多立於橋上望來向樹  
邊過濤白寒汀鷺峯青曉黛鵲應詢考槃處獨  
自晤成歎

屢顧山僮問家出景致如松皆天目種石豈洞  
庭餘蕩閣垂陰密楓林綴画疎欲知盤礴興雲  
氣濕窓虛

長至前一夜陳京兆宅看黃白二菊得十

石倉詩稿

卷三 西峯集

三

四塩韻

陰氣初回不用占朝來小雨已廉纖黃花近臘  
猶霏屑白雪迎寒似撒鹽漏靜莫教官燭短晷  
長堪試女紅添梅梢欲與幽香接待放南枝出  
步檐

吳子野過別

初霽誠可喜相過柰云別不有月成問還家歲  
逾迫况乃建溪灘上水勞牽拽嚴陵入新安更  
有灘三百擔囊足圖史度嶺分閩浙一冬已晴

暖前途恐雨雪晨炊餽箸香夕眠寒燄結所忻  
見底江粼粼表孤潔遠勝長安塵昔年曾汚類  
人險增波濶灘高不用設買山苦無資之官仍  
不屈睠茲四海內宦途絕干謁惟有貧賤交帳  
戀爲悲切願言敦詩書皓首成三益

送林異卿兼柬林守易

潞邱萬里外送子動深悲況是相知約言歸未  
有期州城曾禦虜河水遶京師廿載倉曹吏猶  
存賈島詩

石倉詩稿 卷三 西峯集

三

黃文學心源六十雙壽

積善之家慶不迷壽星高處正經奎春秋彈指  
方週甲早晚修行但向西虞氏一夔堪樂典河  
東三鳳待名齊太常有婦今同志肯惜清齋醉  
似泥

泛舟

人世那須頃刻愁看山興盡復登舟睡時卽是  
行時路况對霜天皓月流

送吳仲緯之長汀

節過陽生子人行水遶丁閨猶寬歲假歸及戴  
春星雪戰詩皆白風期眼倍青陶家元有客寧  
問幾時醒

興公傳帖郊外看梅次泰始韻

梅花歲寒姿所競非艷冶繁衍江之南逶迤湖  
上下越壑復登邱之郊未及野人家有亭館盡  
可以相假漱齒尋白泉聞香赴蘭若閒結鷗鷺  
盟不受蜂蝶惹雖云事遊娛還期振騷雅但不  
媿古人寧憂乏識者近則師陰何遠亦追揚馬

石倉詩稿 卷三 西峯集

三

敢效淵明達攢眉遠公社當其適意時相與傾  
杯竿人醉玉山頽月來金波瀉眼前卽千秋詎  
必論多寡

看梅到天寧寺

梅花開未十分齊興發來茲樂與偕盡放煙雲  
歸島嶼剛留石壁在亭階錯携供具呼僧爨遍  
陟巉巖損客轅何日檀那還寶所免將門逕積  
如柴

宿天寧贈印初上人

一年終始是冬春兩度來遊寄宿新隔塢梅開  
仍作主片園蔬長未爲貧潮喧浦口消塵利月  
到天中轉法輪喚醒松風堂上夢許將消息問  
前人

題真武廟壁

山高遊到難僧苦住能安勝集臺前境禪開壁  
後單望江唯匹練去地有千盤稍隔梅花塢風  
吹竹數竿

松坪

石倉詩稿

卷三

四峯集

三

松坪一以坐四望皆瓊瑤香氣欲零亂遊人偏  
寂寥留連成野酌真率有山瓢不敢肩輿過欵  
枝恐動搖

周邦甫携酌分得三肴韻

梅花如雪映松梢山學垂藤徑易消舊賞可無  
新賞續南枝時有北枝交殷勤地主來相款九  
玉慈親爲治肴真率會中真率句詩成全不廢  
推敲

白泉看梅用泰始韻

時予先歸

簡寂人家徑路繁有時徑出顏垣花光已見  
香成國泉脉堪尋玉一痕似僻馬過仍孔道乍  
喧蜂採落殘樽歸時隨興爲前後問爾多尋有  
幾村

弔脩明墓

蛾眉粉黛已成煙馬鬣斜封作墓田我亦無情  
來過此梅花香雪共清緣

梅塢董履恒招陪熊心開中丞賦贈

昨宵微霰冷禁花際曉晴光益吐葩日映枝頭

石倉詩稿

卷三

四峯集

四

猶是雪風吹香氣入流霞古來相國應謀野近  
郭明君屢獲嘉小隊粧成影舞徹隔江星月  
送清笳

洪可遠園館看盆梅水仙共用十四寒韻

金樽綺席易成歡况復晴暄變昨寒林下恨無  
佳冶至盆中兼得雜花看柔姿不比南枝勁雅  
操休吹短笛殘

樂府有  
水仙操

池面無波樓鳥睡却驚

斜月照簷端

鄭汝交南園新居落成余攜具至仝築



會稽趙孟遷同安楊能玄霍童崔玉生社

中徐興公陳叔度林懋禮陳有美諸子分  
得八庚韻

山僻能隣寺亭開乍列楹塔輪稱萬歲崑體辯  
三成宴衍朋樽樂蹉跎吏隱情鬱林無石載扶  
荔尚冬榮雅奏吳趨曲言尋越社盟林僧時雜  
楚海客不談瀛寒吹徐徐滅燈花朵朵傾支提  
仍有約茶筭近清明

臘月朔日安蓋卿直社屏山看緋梅分得  
石倉詩稿卷三

九青時余病足未赴

梅花如雪遍城垆遠次山樓近有亭霞際乍消  
千片白春來依舊滿林青霜毫揮處渾疑綵臘  
鼓催時尚未醒媿我不諳尊足術南華空自擁  
殘經

趙孟遷省基三山仍歸會稽詩以送之  
生長知君自我閩社中添得一詩人重過馬鬣  
沾新淚乍到鷗群覺倍親梅樹已殘嵩嶺雪歲  
華應待越江春鑑湖一曲清如許爲問風流賀

季真

送謝簡之總戎歸山陰

遙憶山陰道上行川岩映帶亦多情薔薇依舊  
花爲主薏苡當時謗卽明何計閩人遮去轍空  
傳洛詠有遺聲欲將戈甲易農具歸去尚無田  
可耕

題左孝婦刲肝冊

勃谿俗所惡孝順神爲格左氏有春秋爾婦明  
其節姑病莫求醫操刀剖胸兩寧知物有無一  
石倉詩稿卷三

七庶能獲難止血痕流但取荻根塞存亡純任  
天非由疑與決寂寂身後名賢者代昭雪豐碑  
豎路傍過者徒心惻

送周君憲還金谿

寒溪正蕭瑟喜是客囊輕祖德行堪述通家規  
用情杉關爭歲度縫掖擅時名應識雲林好春  
光着處生金谿一名雲林

仝龔克廣長至臺看梅

梅花將一月開落半枝頭未入家園看方同內

第遊臺高如踏雪岸淺復臨流在在皆香氣  
中亦可求

冬夜高景倩宅仝楊南仲并汪穆如徐興  
公小集分得聞字

杯傾名酒細論文自笑蹣跚對使君離席豈宜  
常踞坐柳梅何必有聲聞時以梅詩名社集人  
猶少語露鄉音客亦分明發洪塘江上路三山  
回首隔層雲

題山響堂

石倉詩稿

卷三

西峯集

四三

解得絃中趣方知響在山一虛含衆妙上古道  
無還與子論心境全非運指間不然滿堂客何  
處覓煙鬟

南園梅社分得暗字

欲探梅勝處祇在山之半清樽對月光素壁橫  
枝幹峯疑積雪明蘿覆諸天暗梵罷起踈鐘超  
然悟禪觀

臘月十五日迎春值予初度仝社招宴東

第共用春字七律

犬馬生來屬賤辰時當行樂與斯人半生虛負  
千秋業一歲忙看兩度春微雨乍晴籠月色東  
風解凍濕歌塵社中雅有相憐意華衣還將慰  
病身

送白都閩之登萊

坐聞閩南有重名東方千騎復專征劍從歐冶  
池邊淬人向蓬萊頂上行蜃化空中作樓閣烏  
飛不夜駐關城奴酋乍解凌圖去犄角還期掃  
穴平

石倉詩稿

卷三

西峯集

四四

詠朱畫竹

雪壓煙籠逞絳姿寧須灑墨更淋漓就中寫得  
湘妃怨血淚多於斑點時

陶淵明像

義熙寧復記春秋典午江山盡入劉琴上無絃  
巾漉酒晉人元自擅風流

西峰詩稿卷之上終

八

石倉詩稿 西峯集中 壬申 卷之中

閩中曹學佺著

曾孫岱華重梓

吳興吳夢陽聞

辛未除夕

歲冬病足返浮山乍息塵勞意較閒豈有文章  
千象締祗憑箕踞傲人寰市喧不避三更雨名  
利無過兩字關眼裏兒孫年盡少舉杯恒與說  
時艱

壬申元旦

石倉詩稿

卷三 西峯集

家筵度歲庶牲陳留得荒鷄唱曉春茶竈幸承  
簷際溜硯池初洗筆間塵桃花驟發非時令爆  
竹稀疏爲俗貧已是村居兼雨色悠悠日與懶  
相親

初四日集楊南仲諸子張園共用初字

園林喜是接隣居況去行臺五步餘野服不妨  
過日瞑椒盤猶可續春初池頭積雨生青蘚松  
杪輕濤散碧虛吏隱知君山縣僻更從趨府狎  
樵漁

初五日永陽令王右仲過集西峯草堂

抱膝長吟與俗疎新年誰復問閒居  
報言令尹雙鳬到坐看仙萼五葉舒  
濯濯可如春月柳寥寥祇是歲床書  
休論湖海行藏異總爲元龍癖未除

初六日贈鄭汝交誕辰

今日初逢節假開群仙因得下瑤臺  
主人自有南園樂逸足原非百里才  
寶瑟乍調冰下指玉樽遙注斗間魁  
東皇寄語長生客爲叶熊羆入夢來

石倉詩稿

卷三 西峯集

二

元夕陳泰始宅觀燈時玉蘭花盛開

人生好遊須秉燭况值上元燈影續  
夜當三五此爲中杯倒百千猶未足  
灼灼花開出畫欄寧須羯鼓催新寒  
華堂共賞人如玉名卉偏稱玉作蘭  
此花江南春之半閩地燈宵已爛熳  
龍鱗千片銀甲生鶴砂幾時丹頂換  
伊予病足苦途巡嬾向街頭踏軟塵  
庭前幸對揮毫客簾內應無笑斲人

詠夾紗燈屏

隱約穿吳縞分明出剡藤迎救惟半面隔燭已  
三層碧草貞堪染垂楊力不勝一春花鳥思寂  
寂聽何曾

偶閱桑民懌集有老人燈詩二首余爲和  
之

白毫光裏影翩跹拄杖行過星斗邊雖是元宵  
三五夜如逢上世百千年似將心火還丹熟何  
日頭風愈檄傳寄語兒童嬉笑者霎時髭鬚總

石倉詩稿

卷三 西峰集

三

皓然

其二

豪華不向口中談氣燄雖存已不堪 聖世未  
應居海北星躔只合在弧南萊衣戲綵何妨五  
商嶺圍棋尚欠三歲歲來看仝爾健千金一刻  
也須食

鬼燈

故人空自嘆恍恍此夕相看白首情但對一輪  
常皎潔寧須三窟復屏營金光盡是毫間吐玉

漏頻催杵下鳴寄語梁園詞賦客誰人授管阮  
先成

鰕燈

水族安能受火攻畫梁千疊素波通垂鬚欲掛  
珊瑚樹掉尾時遊閭闔風斷續似看金鎖甲彎  
環凝拂玉雕弓春光如海君須記莫遣殘宵怨  
落紅

次與公韻寄雪關長老

逃禪不用更逃名白石清泉可結盟聖箭直從

石倉詩稿

卷三 西峰集

四

霄路入天風吹度海濤迎辯才若個稱無礙世  
諦應知熟處生漫道宗門今絕響博山猶自有  
家聲

送許玉史北上

王聖時危局屢新知君百爾慎持身居官似覺  
難今日將母猶然勝昔人鴻藻千秋郎署業當  
花三月禁城春茂陵封禪原無草敢道相如四  
壁貧

題雷九華冊子

天習豈是私書遭際明時禁已除爾自  
知與妙予因國步叩盈虛狼星何事逃金矢龍  
德依然護玉除昔日布衣親顧問衡山元有郭  
侯居

玉華石三獅圖爲開府熊公題時有學生  
公郎之應

玉華仙洞毓精英石肖狻猊品字生氣可食牛  
仍食虎瑞鍾難弟復難兄崢嶸雪嶺元同色奮  
迅天山競一鳴縱使畫圖猶不盡最奇人物本  
石倉詩稿卷三西峰集  
天成

送潘昭度擢江右方伯

泣我閩疆一載經早膺殊擢自明庭巡行幾處  
棠猶赤惜別茲時柳已青朝不諱文如炳日人  
當執法是台星知君雅有懷賢意公暇常過孺  
子亭

花朝鄭汝交南園宴集

八年四十五春光惜此佳辰爲舉觴花向美人  
如解語茗分僧供到來香林陰演派看盈畝月

色微茫憶上方試問今朝晴雨意幾翻游興  
仍狂

大西洋綿嘉饒巴禮華石國師行日索贈  
有宦無婚減却憂知君不爲子孫謀字通鳥跡  
沾王化髮長螺絲上佛頭禮失故應求自野爵  
班仍似等於周東溟盡處西溟接始信星河已  
倒流

宿金山塔寺贈住持浪雲

金山小道場賓主亦相當日覺浮杯懶時聞潑  
石倉詩稿卷三西峰集  
六

墨香石紋穿樹葉簷影迥舟航夜靜浮漁火微  
茫幾點光

送鄭漢奉北上

佳節行當三月三更携春色度江南 龍顏喜  
望登州捷雞舌香期粉署含芳草相隨書帶遠  
垂楊折贈玉鞭堪君家好客當時盛置驛今猶  
作美談

送東林無外覺圓二上人歸

師行不忍別南亭三宿俄然半歲零廬岳夏蓮

開處白臺江煙柳折時青丁東水滴雙林清彩  
翠雲生九疊屏每讀潯陽司馬記教人慚負草  
堂靈

三月二日舍弟能證西湖直社分得十三  
覃是日熱甚

楊柳陰垂綠鵲含山光如黛水拖藍西湖此是  
景中景上已復過三月三家有壺樽猶適主手  
携棋局當清談春衣不用裁單袷日與劉伶裸  
飲堪

石倉詩稿卷三西降集

七

送汪穆如還四明

歌魚底事缺空彈投贈惟存縞帶看  
不意遊園淹歲暮薄言歸越悵春殘傷心詞賦供愁易滑  
目干戈行路難爲憶風流唐賀監時當天寶已  
辭官

立夏前一夕宿鄭汝交南園

崑石層層古雲蘿裊裊新倘非信宿客終愧賞  
心人塔影墮清夢鐘聲來近隣更云堪戀處茲  
夕尚殘春

壽熊開府

時陞總督兩廣有鍾林秀之提

中丞司馬寵兼之獨荷忠忱結主知  
山歸飾制千秋助業壯襟期驪歌欲動稱  
鳳詔親承奏凱時壽國中樞應更普東南那  
得久恩私

送雷九華

家在衡陽更遠陞浯溪流水入湘時堪輿早已  
遊三昧虞帝曾聞葬九疑惜別暮春當折柳重  
來何日啖离枝追隨兄有郎君伴到處名山好

石倉詩稿卷三西降集

八

問奇

和王明初

時以備兵登萊謫戍來

紫氣西來獨尚玄問君何事却南遷馬援蕙苒  
車中載呂氏春秋國內懸榻爲徐君何日下琴  
追陶令已無絃東方多難思良佐且夕金雞下  
九天

贈尤溪令

尤溪源出大湖頭惠澤如旒自仰流案上文公  
常對越里中朱邑是前修秣田不減陶元亮竹

徑時過王子猷團扇題詩煩見贈仁風應得奉  
揚休

訪商孟和新居

素性元耽寂移居韻覺新空青澆宿雨濃綠  
殘春魚鳥誰爲主江山盡可隣知君讀書罷祇  
是戲垂綸

靈石和靜和濟二僧招遊答之

僧誇靈石勝何日遂遊從爲待新秋候先鳴報  
雨峰安禪鷺子室迎客鹿麕蹤蒸藿如人長材

石翁詩稿

卷三 西降集

九

堪截筆筒

題裴性之小像 名養清

獨處寧須更閉關蕭然松石意俱閒顧名家內  
無金穴論貌人前有玉山鳳字君曾題在牖漁  
滄我昔釣臨灣孝廉船泊應何處劉尹風流迥  
可攀

送高君鼎之姑蘇

江雨初消碧漲餘清和仍是夏時初袖中漫挾  
通家刺篋裏常翻太史書茂苑鶯聲拂楊柳長

洲鷁首覆芙蓉詞壇冠是吳門盛豈謂今人遂  
不如

答林豹生

年來病足苦躊躇梯磴難移咫尺間造物有情  
隨播弄人生無事始安閒幾多山水堪乘興漫  
道神情了不關快讀新詩如健翮雲霄萬里莫  
能攀

五月朔日直社西湖觀競渡懷陳泰始京

兆

石翁詩稿

卷三 西降集

十

越調矜揀進楚些雅舉並近俗重遊嬉遺哀實  
爲喜值此天之中午日方茲始千艘若遊龍旁  
觀如聚蟻伐鼓震金石旂標紛錦綺冒雨鱗甲  
濕破浪酒兵使競驚尺寸力可掬千人指予招  
社客看枌榆樂可擬空對橋中仙不見柱下史  
彼地戰方酣局內劫猶亟喧寂雖懸殊勝負亦  
如此漫云無所爭其爭也君子

初二日新亭邀郭闇生林懋禮鄭爾調

亭成招客飲簡率趣偏長不待微風到先云此

地京預畱栽竹徑聊試泛蒲觴四座霏談屑應兼蘭芷香

金山塔天杆落成和陳偉卿天宇韻

時值江漲

流水襄陵勢巢居或此年更無雲着地况是日中天儵忽枝生肘吟哦葉聳肩禪機誰問荅鈴語墮風煙

午日黃汝邊陳偉卿小飲浮山堂

汝邊萬石山人

爲吊三閭客偏逢萬石君榴花燃岍火葛屨度江雲簾溜鳴何惡池萍密不分局中休苦思聊

石倉詩稿

卷三 西峰集

十一

爾狎鵑羣

觀王欽佩集有詠銅雀硯詩因和之

炎祚何能似瓦全篆文猶識建安年池穿不注漳河水松古惟畱上谷煙北苑風流誇學士西陵寂寞怨嬋娟故宮謾復思鱗次自有才人筆似椽

真姬病起索名于予因以曼卿贈之

翩翩五綵縵繫臂一何輕密邇能呼至憐渠更乞名病添秋水色雨響淥荷聲別後相酬意傳

言字曼卿

送李生石憲副仍擢江右

中臺執法本相連豸繡承恩自九天閩海乍沾新德澤匡山重續舊因緣門因御李繇來設榻爲延徐每獨懸欲寫離心此時節麥風吹散建溪煙

臂山樓避漲看月

月光不在地搖淥淥波深似此陰晴際難窺造化心石山如臂繞草樹驗痕侵萬瓦晨煙少淒

石倉詩稿

卷三 西峰集

十一

淒動越岑

其二

咫尺樓居穩移床似蟻封鷄啼驚曙速魚戲上階重星雨何相問蓬麻到處逢夢中起絕處江外有奇峰

翁君發君實招遊金山觀競渡

江漲朝雖減天然景愈嘉漸當崑骨露不厭水聲譁疊鼓開煙暝輕標拂浪花龍舟何處鬪半爲樹陰遮



仍用前韻嘲商孟和

乍構禪樓巧何如託宿嘉預愁閨裏婦隔日見  
時譁聲却春山翠拋將夜合花空江明月共只  
是片雲遮

宿金山禪房

次日招城中客

客散奕方休僧貧榻僅留語于禪處寂坐比臥  
時幽圓滑雜飛雨對江迷古洲明晨開霽好勿  
再不成遊

邀杜言禪師到金山觀競渡風雨大作仍

石倉詩稿

卷三 西峰集

七

用前韻

折簡問湯休碧雲何地留涉江寧憚遠入寺便  
能幽錫乍飛閣嶠情猶戀沃洲采菱風浪劇莫  
爲妒斯遊

京兆陳公刺史鄭公目擊舟楫風濤之險

發念助余興復橋梁作此實之

風惡鼓聲休危亭不可留靚粧津婦妒持呪納  
僧幽安得千間厦平鋪百里洲因生功德想不  
是爲空遊

是日社中諸子多不見赴作此

塵事出城休如何跡每留翠微流澗白  
亭幽羊胛淹清夜鸞駮誤十洲垂簾注易者亦  
願放身游

十一夜待月歸仍用前韻

三朝興未休欲別意仍留縱是乘風快無如待  
月幽人家如罨畫漁火出汀洲無念園林在還  
期作臥遊

送開府熊公赴兩廣總督任

石倉詩稿

卷三 西峰集

古

遭逢公寵盛益見帝心勤雖在深官裏常周  
薄海濱封疆有慎託疾苦必先聞體國知誰  
亟安民靖彼氛鯨鯢皆掃穴鴻鴈已成羣載陟  
中樞位仍兼兩粵軍旌旗俄變色文象盡成文  
欲釋東南顧何曾畛域分啓行當此日扳送蔚  
如雲赤芟賡周雅立珪錫禹勲終當干羽意稽  
首答明君

送何半峨擢建南大叅

絳帳談經漢道昌叅藩仍在建溪陽瞻

處當南斗愛日勤時戀北堂閩海士林傳玉蕊  
慢亭仙部侍瑤觴應知東閣梅花句若比楊州  
興更長

送王鳳來運長擢滇中大參

三載閩嶺惠及商叅藩真見 王恩光祠當金  
碧滇池上樹指家山漢水陽行服近停荷作蓋  
別樽遙捧荔爲漿伊予出處相依久短詠何能  
敘意長

顧箬溪集有僧鞋菊詩因和之

石倉詩稿

卷三 西峰集

十五

人世能消幾兩屐高僧行住等空花折蘆漫爾  
塵踪繫對景何曾色相差不學楊妃留襪錦怎  
如西子浣裙紗落英倘在黃州見堪與蘇公訪  
道家

枕上

老年寐常早炎宵亦不耐五更枕上思薄可完  
詩債

重過孤和

入君庭戶內幽事不期逢石每令人拜耕猶課

僕懶種蘭皆玉質孽荔到金鐘天末濤聲起微  
風在谷松

過林永和梅菴有贈

一樹根蟠古橫斜素壁新應知題館意慰昔種  
梅人梁燕初成羽林鷗不受塵江妃誰得似寂  
寞是前身

昆玉美人粵西人問予索詩

美人雖獨處亦貴有時名一唱雙棲曲寧論十  
五城席間檀板靜掌上舞衣輕我爲并州感非

石倉詩稿

卷三 西峰集

十六

關下蔡情

安仁王孫談及楓亭荔枝偶有見遺因招  
過噉

正爾談楓荔俄堆几案前綠分江處遠紅濯雨  
中鮮玉液津津勝丹砂顆顆圓何君爲留客邊  
向慢亭仙

槎園雨後

遍園俱是水着處可乘槎樹樹交珠網山山吹  
瀑花

北樓安蓋卿直社

避暑聞知飲興狂却疑河朔在高岡坐看松栢  
層層碧吹入荷花冉冉香是日翻噴一片雨重  
樓不顯十分涼北山何用仍移檄猿鶴窺人有  
數行

邵武朱節淮湛旋擢任長沙

持平湛比石間淙先哲相承道義邦畏似楊公  
常有四治如朱邑信無雙樵川民臥行時轍岳  
麓雲迎到日幢漫道衡陽鴻鴈少夢魂來往自  
石倉詩稿卷三西峰集

十七

湘江

七月朔日徐興公直社九仙觀賦得定光

塔興公誕辰也

于山東南勝寺觀亦縱橫際此新秋候來詢古  
塔名千花朝影合片雨晚旁生社酒原無禁長  
歌介壽傾

題倪柯古壽意

古杏軒前晝景垂美髯猶未易華絲圖書儘富  
何嫌繼交態雖貧也不辭月旦汝南無諫許春

秋左氏有微辭年年乞得天孫巧老去還堪補  
拙遲

客過對奕書贈勝者

老年耽奕理最喜客相過才面時開局山中足  
爛柯周防能益恣取數自云多白黑平分處還  
添兩鬢皤

送鄧先之任廉州司理

廉州封域接南交君去持平屬士曹五馬峰前  
文筆健十賢堂上德風高出劓飢氣冲牛斗照  
石倉詩稿卷三西峰集

十八

乘珠光起鸞清仕路漫須論險易政猶舟子貴  
能操

送莊和君

七夕天孫思新秋客子顏全仍莊氏擊珠向孤  
嘗還片月隨行李浮雲出故關東君時倡和退  
食且閒閒

七夕方性之招遊金山寺用林履基韻

且勿論河漢愁難渡此江波紋上機杼樹影密  
軒窗問巧誰家席觀空有法幢瑤琴君莫拭彈

罷不成雙

寄浦城令楊伏菴

丹碧飛鳬到尋仙路不還圖書皆二酉絃誦已  
千家遠眺江郎石重開綵筆花湯云勾漏令只  
是戀煌霞

芋原驛晤徐在廷令君因贈

驛樓秋水欲揚舫天際分明泊使星異代循良  
光漢史三年考績自虞庭家標風韻應懸榻澤  
邇源流似建瓴聞道政成多嘯詠城南高閣有

石倉詩稿

卷三

十九

丹青

送蔡子威北上

冠裳戎壘日勞殺故里何曾是樂郊君有王  
程輶已發我如調瑟柱仍膠中郎學問繇師古  
晏子平生善與交聞昔殷憂能啓聖齋宮語  
默盡成爻

送杜言上人

一段才情賦得優尋常花酒不開愁以詩說渡  
何曾法今日欲遊無處遊白露蠶啼方此始青

青蠻觸幾能休媿予不是張無盡坐斷人間空

舌頭

題夢瀑齋

青蓮居士絕塵氛五老峰頭白鹿羣爾祖瀑泉  
名占勝多君魂夢欲巢雲時添百尺樓中望夜  
入三更枕上聞我亦蹉跎負心賞不知何日臥  
匡君

寄崔徵仲

離署多竄爾獨清寄衙惟在武林城賜環未

石倉詩稿

卷三

二十

見優強項前席虛勞問賈生三竺每聽僧梵遠  
孤山時看鴻來輕浮沉吏隱猶堪樂漫道閒居  
遂稱情

寄來澤蘭爲諸生林崇高

茂宰能令比屋春閒居無事樂天真每思昔日  
和平福愁作今時板蕩民秋月吐華浮水面重  
陽載酒過岡身階前倘賜從容問縫掖書生豈  
諱貧

八月十二日鄭汝交直社南園看塔燈

四照江山百尺梯開尊仍傍古招提塔輪萬歲  
光常轉曲部箋文調始齊日月珠囊垂處合雲  
霄綵筆望時題民間需雨方如渴何事輕陰忽  
吐霓

十三日社集高景倩升堂

三山風雅喜能存不肯空將一日樽邂逅詩人  
宜白社平分秋色易黃昏客須盡興雷喧座予  
已先歸月在村若使龍鵝應滿袖臨池猶自覓  
釵痕

石倉詩稿

卷三

王

臨賦閣宴集送商孤和林履基之具下杜  
言上人之甬東

陂頭秋水向人清色比滄浪可濯纓不負先君  
名閣意請看諸子賦詩成行藏細素雖然別吳  
越關山其幾程欲問離愁何所寄柳枝蕭颯看  
霜輕

浮山堂社集小引

八月十五日宴集浮山堂是夕也桂魄  
初升微雲點綴蓮花漏動泰宇澄清皎

然金鏡之懸通遍畫欄之照長廊似水  
促席生寒對客圍棋界路有如白日倩  
人分韻機閑微露紅粧

月出初看翳未收若爲辜負此中秋天應有意  
驅雲淨山似無根向水浮鏡面圍棋空秉燭袖  
中分韵戲藏鈎笑人但怯通霄會檀板聲敲爲  
阿侯

十七日金山塔湖放生紀事

秋江休問釣魚磯坐覆如來法鎧衣優鉢花中

石倉詩稿

卷三

王

多寶現芙蓉洞口一僧歸洋洋已見欣生命局  
局空勞戲然機時與客夾今夜月來應漸減孤圓還  
借塔燈輝

泛舟江上觀塔燈作

浮邱塔夜放花燈江上看時倍幾層向月金莖  
承沆瀣中天玉柱勢憑陵遶枝鵲駭珠彈落照  
水犀燃寶藏興舟子亦知功德事指予回顧兩  
三僧

汪君酬大令吳湯日孝廉陳德案明經全

到石倉

無期始出城有客竹林盟境涉方成趣心知不問名秋容山翠淡月意水波輕應接偏無暇相持半晦明

其二

雖然來較晚臨泛頗能兼樹豈池中物泉於旱後添荷穿如敝衲山暝隔重簾暫且淹歸騎江橋欲吐蟾

題自怡齋

石倉詩稿

卷三 西峯集

三

昔日陶弘景怡情在一岑誰知朱邱客祇戀白雲深墨跡還添潤塵蹤了不侵雖然欲持贈若個有閒心

送沈君聚觀察齋捧北上便道省親

宦途踪跡一浮萍忠孝兼全乃正經昔改南都爲迎養今瞻北闕復趨庭 賜環仍是循資轉守拙何須更乞靈近事不妨多變異乾坤元自真清寧

贈張紹和

玄纁於我亦何加祇事蓬蒿仲蔚家詩句哦成皆白雪杯觴流出是丹霞晨曦近海桑惟樹霜信交冬菊始花予齒少君才一歲相將文史度韶華

送陳伯武之南刑科

七年司理在祥刑南省依然見法星仲舉到時懸舊榻謝安吟處對新亭日明紫氣青龍闕秋落滄波白鷺汀敬誦 高皇游詠勅何如三祖信心銘

石倉詩稿

卷三 西峯集

三

壽雪閑長老

獅子霜林響徹天家風應自傳山傳以文度世元無量捨筏爲津遍有緣善九將爲重九節前三通及後三邊漫須索和陽春句雅思翩翩似湧泉

秋宵卽事商孤和陳偉卿具仲緯陳有美

張子畏鄭君發在坐時孤和贈石二枚老大羞爲少小緣客來微露夕間筵正須縱飲喧呼趣博得新昏宴爾篇欲拜丈人猶是石况

如雙玉總成田入宮見妒尋常事貯在林園妬  
更專

移石

鴻飛終日漸於磐鑿坏真如昔段干聞法點頭  
元自易側身懷古向來難待施伏虎降魔呪祇  
似鮎魚上釣竿到得此中閑撥轉千鈞一黍也  
全般

石亭十詠

兀坐孤亭對此君參差品石已成群祇謂雲根

石倉詩稿

卷三十一 西峯集

主

能致雨誰知一雨旋生雲

浣石

憶在湖邊叩石鐘冷然幽韻此應同何事五丁

誇斧鑿生成人喚小玲瓏

扣石

石轉江流去不還側身天地向人間五侯七貴

俱荒宅莫倚冰山倚玉山

倚石

縱橫辯士舌空存日誦詩人傲莫捫若使捫心

徒自愧不如捫石更忘言

捫石

非關而壁學參禪邱壑閒應置我便恠得層冰

生脚底坐時忘却舊青毡

坐石

鷄骨如床尚可支遺安不在錦茵施幸無塵夢

來相擾一枕羲皇是此時

臥石

主人杯勺量非賒爲爾開襟飲獨加五柳先生

催釀黍將過一月有黃花

醉石

過從日夕興堪乘不是高人卽韵僧底事北朝

溫內史荒涼一片覓韓陵

語石

鈍根終是要磨礪脫落岩頭見數重須識主人

牙後慧不教微露少機鋒

漱石

寧須五嶽真形佩自是三乘長者車欲認此中

石倉詩稿

卷三十一 西峯集

主

磅礴趣東君仍倚舊煙霞

圖石

周爰繁長兄枉顧悲喜交集

久莫追師範見兄如見師好吟爲小許題壁瀾

義之予往三湘日君來二子隨通家存沒感能

不動深悲

寄尤溪令鄧燮五

定產文公地美君初剖符山川猶重學功令欲

尊朱俊士農先造疲民賦善逋下車有仁政方

不媿吾儒

季秋聽泉閣雜詠十首 有引

友人陳偉卿黃汝遴讀書於聽泉閣時  
泉不流者久之偉卿責園丁以疏濬而  
泉復至聽泉之名始不虛設閣之右脅  
竹林桂樹雜植其中且有磐石可坐余  
晨起浮山堂僮子折桂一枝入硯頭始  
知花已開而泛舟登岼香氣頗襲人衣  
是日也兀坐一室尚苦秋熱池陂水滿  
鼓棹風涼而客子甬東周爰粲豫章朱

石倉詩稿

卷三十一 西峯集

三

安仁適至林有道周君章因訪爰粲遂  
共入林乃先一夕則安仁寔携笑人曼  
卿宿於納軒故美人亦從焉但謂此地  
久缺僧居韻亦頓減偶有禪衲照公自  
尤溪松山來正如優曇鉢花不常現也  
余袖中取秋露茗旋汲泉水烹之茶若  
無色香亦不烈是入空空耶偉卿又索  
永明家早菊名報秋者已綻二三分大  
爲東籬破寂時距重九猶五日耳吳仲

結將有事於尤溪余兄能永與偕以雲  
毋笑索余書口占十絕句以紀茲遊且  
爲塞紙

其一

水滿重陽近移舟兩岼風此中自涼爽不與外  
邊同

其二

草閣來寒聲一泉偶然復倘無此涓涓何以慰  
幽獨

石倉詩稿

卷三十一 西峯集

天

其三

桂花八月秋已遲在九月花開尚未觀一路香  
不歇

其四

秋光信遲暮猶云報秋早寂寞東籬翁日夕舒  
懷抱

其五

泉生白露後茗爲秋露白清韻兩相宜轉覺妙  
無迹



其六

片石淨於掃坐此心逾淨蒲團與青氈二物俱爲剽

其七

悵無僧肅客幸有客僧來松山寺中境於此豈殊哉

其八

笑人能好事隨客移步屨昨夜宿雲軒微寒意中怯

石倉詩稿

卷三十三

三

其九

秋葉時紛紛乍逐棋聲落此際爲手談居然有勝着

其十

數局猶未已臨池興忽動如欲徵書法懸蘿在巖洞

送朱安仁還豫章

君在三山不愜意便須過我石倉園友朋易得閒中起佳冶應銷別後魂渺渺東湖思孺子萋

萋南浦憶王孫明年重赴匡廬約携手仍之白

下門

洪可遠宅看菊


韶光瞬息此經過社酒東籬復醉歌何事黃花傷客思今年憔悴去年多

石倉詩稿

卷三十三

三

石倉集卷之中終



石倉詩稿 西峯集 癸酉卷之下

閩中曹學倫著

余洪江社中有硯蟬詩未之和也甬東周

爰榮以四箴徵書因廣爲研頭四詠書

以歸之

任擇一枝安何緣泊研端欲分孔壁潤去博漢

時官鳳豈連毫吐龜猶用墨鑽詎須愁點染原

自戴玄冠

右研中蟬

待取印累累安能出範圍休將池畔水認作石

石倉詩稿

卷三 西峯集

一

間磯白日空傳信黃金不作衣南華齊物論感

爾意何微

右研鵲

吐水自鮮芳田田豈就荒持來雖一葉寫出已

千章露漾玄珠色風遺雜佩香他時能結實終

不離文房

右研荷

捧自貴如來青蓮笑眼開還添一斗酒難罄百

篇才對此花王豔從渠力士猜奈何嗟落井尾

石任同攜

右研瓶

舟中雜興廿首

翩翩黃鵠羽來下青雀舟舟輕如一葉載得幾

枝秋

欲喚姬人賞辭云疚在身不識鴟夷棹原合西

子輩

解纜時已暮孤窗閉幽獨搖搖燭影中強抱殘

編讀

候官昔縣基今作臨江戍潮平沒峴痕汲者如

歸市

月照沙水淺前行未可貪臥聞舟人語住在白

石倉詩稿

卷三 西峯集

二

石潭

蘆葦風蕭蕭未眠客心動飄泊水東西不隨人

意夢

東方尚未明舟性與潮習林低霧露中微帶殘

星濕

蔗洲何逶迤竹崎亦對峴居人屋上炊舟子沙

頭飯

上水船載鹽下水船載貨問予何爲者又手船

頭坐

樹外連連密村中稍稍寬相逢津吏語已通  
沙灘

有客方舟來隔窗不相見哦得新詩成爲君書  
便面

桀閣江之滸傳聞祀馬仙遙看崑石罅香火雜  
松烟

潮回溪逾清石髮坐堪數日午東風來一帆挂  
疎雨

乍見船頭濕漁翁已着簑江鷗如適意點點戲

石倉詩稿

卷三 西峰集

三

新波

磧分上下岐溪水聲尤駛念彼觀音力觀音名  
此始

客問閩南候誰應異浙東深秋鳥相樹不肯受

雲紅

月出江路白舟行還去否上頭灘益高且宿梅  
埔口

櫛罷問詩友和來能幾篇爲道吟難就有如上  
瀨船

小簑溪門峻可擬昭君村如何巫山女祇作陽  
臺雲

獨起三秋歎愁過九日天黃花真可妒幾夜伴  
君眠

九日困關携妓登高

縱登高不遠一到武夷菴俗僻無重九樓危每  
及三江分衣下帶山入髻邊簪惟有松杉色天  
光似蔚藍

過毘盧殿聽僧家談住山事

石倉詩稿

卷三 西峰集

四

酒闌過別院寒落此僧居幽曠互相致溪山仍  
寂如平階行鼠雀空谷卧鐘魚不肯爲抄化堅  
持戒似初

宿五通樓

樓以神居峻天因佛界寬厨烟蒸澗煖船火映  
沙寒雪意懸朝牖雷聲響夜灘中宵問明月纔  
得到簷端

贈住持心空

好客支公者清宵菓茗勤僧寮連石住人語隔

溪間方衲來趨鉢門徒戒用葷鮮然閭闔  
寂此應分

清興菴贈惟石上人

惟心無所住惟石亦崑崙欲托城中鉢時開江  
上帆墨池濡筆渴隣舍餽漿饒最喜塵勞際閒  
經一兩函

蘭室贈素娟子

禪房香草茂恰應美人過霜後生枝少離根受  
蔭多助予浮白興問爾踏青歌解道儂名姓娟

石倉詩稿

卷三十二 西峯集

五

娟影素娥

省朝天橋導行者

省視橋成日人行左擔肩已看鼇並戴何事鵲  
空填夕度杉陽月朝橫櫺口烟相如題柱語咸  
道是昇仙

憩塔嶺石珠菴

蘭若臨官路松聲蔽梵筵塔標孤月峻石北戒  
珠圓野火雖遺燒山僧不乏綠布金有檀越香  
火祀能專

送周爰榮之古田訪楊南仲令君

縣治嵩溪裏人行鳥道邊岩陽驕正暴視水漚  
堪憐且莫厭窮路譬如耕薄田臨邛能好事况  
值令君賢

送吳湯日還桐城

來非干謁去蕭然祇結三山物外緣竹裏浸過  
揚子宅江干猶繫孝廉船授衣乍覺閩霜薄登  
柱常看皖月圓別後相期應不淺千秋惟在片  
心傳

石倉詩稿

卷三十二 西峯集

六

送王翰卿還金谿

多君才氣自噴噴清白家風世所稱杜甫詩篇  
工集句郝詵科第待聯登折來霜菊傾離盞夢  
入雲林續慧燈客裏和子移石詠丈人行得拜  
良朋

送鄭爾調之采石謁樂郡丞

秣陵寒事早采石月明多圖畫東南勝江風下  
上波使君懸一榻與客眺三峩少尹當塗貴樂  
誇太白歌

送桂方伯齋捧北上

時值皇二十二年而崇禎之五年也

聖人德與天地參數五能令億算合金鏡錄呈  
曾 御覽華封祝致亦多男周家孫子如瓜瓞  
王業根基在葛覃大慶禮成頒節鉞須公半壁  
障東南

立冬日浮山堂社集再送朱安仁

不雨已三月立冬猶未寒預知溪水澀有似別  
情難所以友朋至依然文酒歡臨岐卽此是勿  
厭百杯寬

石倉詩稿

卷三 西略集

七

寄贈撫州守蔡豈凡

與君同調本同鄉漫道荊州識未遑擬峴臺成  
懷叔子書經石滿似中郎心常忠厚存詩教職  
在中和頌樂章爲問稱觴門下客游仙亦許繼  
曹唐

題洪可遠母汪孺人軸子

小春叢菊尚團圓天氣微暄月色寒雅操鹿車  
懷舊隱名門垌里出新安晝灰教子時操袂剗  
薦留賓日饌蘭他日承恩來翟綬漫須王母遣

青鸞

送王仲美還豫章

民貧官復擾俗亂客何遊去躡仙人鯉來招海  
若鷗千灘愁客路一葉喜空舟歸有東湖宅漁  
竿未可收

送周曼容之粵西永淳

昔未之邕管因君一問津五花洲似繪八桂嶺  
連困王化銷夷漢民風識永淳蒼梧雲起處知  
必望而親

石倉詩稿

卷三 西略集

八

周太夫人九十

世祿尤兼隱者稱年來耄耄已咸登縣縣氏  
宜周盛裊裊松蘿主壽徵晚景龍章娛雀髮暇  
時形管寫青綾稱觴一月梅花候願借山中不  
老藤

姑蘇頌君藥薛楚材太末唐禪一清漳王

子實全興公叔度集西峰草亭

有客吳趨與越吟開尊猶對菊離金繁霜幾夜  
寒侵瓦冬日無雲午汗余三石爲朋堪比壽數

竿如玉碎成陰莫言海錯筵間少東望扶桑十  
綠林

君藥楚材爲余題壁因賦

近年携孥城西住少構亭臺讀書處移來湖島  
三塊石借得隣家一株樹吳門有客寫游踪遂  
覺雲山烟樹重不然寥寥數間屋此地何以名  
西峰

陳泰始招集洪氏山樓補夏日作

避暑袁公飲乘風列子車更當樓曠處俯有綠  
石倉詩稿卷三 西峰集 九

陰遮白鳥翻空下青山映郭斜隔隣鐘磬發知  
是化人家

又

累日計炎蒸誰應減復興苔垣衣漸卷荷盡蓋  
初升頤曲雖云屢留詩愧未嘗因君有高唱遂  
削剡溪藤

鄭汝交宅有美人蕉吳客薛君許爲作畫

右丞畫蕉多畫雪中時見芭蕉擗間或有人  
蕉下眠夢醒忽驚白雪白閨中無雪蕉轉新別

有一種名美人歲歲紅顏空自老見人猶自可  
憐春

長至日西峰草亭小集適次兒孟表移館  
今日稍寒色似因冬至催先王曰關閉客子歎  
尊開絲筆雲堪紀黃鐘律始回好將添線意移  
向學功來

安蓋卿督陣粵東詩以送之

會勦 明旨切吾 君閩粵封疆並島雲紀載  
不搖山岳筆追奔應仗水犀軍樓船拔地旌旗  
石倉詩稿卷三 西峰集 十

繞烟火漫空玉石焚不使鯨鯢歸巨壑海門從  
此淨妖氛

古水上人壑頭居冊子索題

支硎一壑內聞有古水居日色豈不到霜稜堅  
厥初攢眉睨破酒行脚異歌魚邂逅胡云別禪  
交故自疎

林守易新園全林莊特曾用晦盧蔬才看

梅

花木向陽早城北開應遲不意屏山上爛熳也

盈枝花開間疎密客行任參差席地便當坐  
觴聊共持微陰靜風日恰與花相宜茲園子乍  
構日來費修治木石有真性斧鑿了不施言開  
功德水分自歐冶池鉢僧與餉客取給恒于斯  
展墓良近便瞻天詎遠而昔爲君捍禦今遂  
恤吾私奚必商山曲悠悠歌采芝

守易納姬索贈末以自嘲

世間萬事總由天邂逅相逢卽是緣生長深閨  
人不識少春時露一枝妍

石倉詩稿

卷三 西峯集

七

繫臂羅巾護守宮良宵幾度散輕紅雙眉頓覺  
開如許一點梅花落正中

嫁得檀郎是省郎王程相伴豈辭長程唇嚙處  
甘如蜜雞舌合時不用香

清齋何必太常頻清課朝昏悟宿因佞佛肯容  
爲弟子習書偏欲擬夫人

明年六十予將老豈似君家尚壯年近日同爲  
游戲事覺予終自費周旋

雁字

鴻寶誰云獨秘收迢迢銀漢是懸鉤風前陣勢  
成何巧月下留題韵更道羽化自無塵俗態筆  
畊非爲稻梁謀從今寫得深閨恨不用迴文寄  
隴頭

送黃汝達歸萬石山

但逢客子別寒色動征衫問渡此江寺近家多  
石巖常看夜半日遙映海中帆春艸明年長無  
忌社草剗

西峯館全周方叔陳偉卿小酌敘別

石倉詩稿

卷三 西峯集

七

園林新雨霽猶得入城看客有後先別梅禁風  
日寒問程俱不遠呼酒且爲歡除却酣歌外人  
間行路難

全周爰衆周方叔薛當世林恬生諸子過

綠玉齋時與公客古田未返其子存賴

孫器之陪侍

客到偶成社梅開僅一枝斷冰沾履跡寒日上  
書帷春信追殘歲主人歸尚遲見孫能好事不  
令歎妻其

陳泰始山莊看梅

石土有亭臺城中寓目該雨容猶帶雪客數更多梅僻可尋詩句寒因戀酒杯莫辭沾濕苦携得暗香回

題天素畫蘭

天素近日畫山水洵稱美茲幅雖畫蘭亦寓有山水建蘭世所珍葉葉故相似性與蘭同芳復住建溪裏溪南閣丹青應爲校書起

鄒中丞平寇凱歌十絕

石倉詩稿

卷三 西峰集下

十三

海上軍書插羽毛縱橫狂寇似狂濤逡巡將士無長策慷慨中丞袖短刀

公行勇決不商量授袂晨興出室皇號令三軍如挾纊應知今夜宿溫湯

定海小埕皆賊衝連江間井廢朝春自從節鉞親彈壓氣壯干城百二重

賊踪分哨到雙龜銃列城頭莫守陣胸縮材官奔入鎮不思回首落旌旗

咽喉關嶺賊潛營饋餉安能達小埕血戰但聞

龍哨勇衝鋒未見虎衣兵

三衛選抽一等軍行糧鹽菜倍賤殄何事鄉關仍怯戰曾經明主勞臨軒

鄭師劉叔決雌雄水戰無過是火攻忝作鄉紳憂喜共天妃廟裏去祈風

擒虎擒龍各豎旂先聲恐喝使人疑如何交手渠魁遁舴艋潛奔向島夷

上下其塘列陣雄雷霆衝破月如弓敵船殲處鯨波赤我卒收帆入鎮東

石倉詩稿

卷三 西峰集下

十四

聞道中丞奏凱回兒童爭看擁牙臺霽容不敢言功德但囑明年備賊來

賣水謠四首

乍聽街頭賣水謠得來辛苦荷來遙城中有水家家竭鑿飲方知詠帝堯

有水寧論品好低只須河畔近東西三山十萬餘人戶一日澆腸五石泥

初猶換水用糠糟酒價無如水價高輓轆轉處無涓滴勝似農夫望雨勞



半年不雨雖微雨側耳未聞簷溜聲明朝起視  
無消息反礙肩挑路上行

初度答洪江社

諸君好我似羊何雲錦篇章足和歌許可漫云  
千古易知非已負十年多平交未敢當盟主密  
邇尤堪共切磋覆轍在前須早誠勿如垂老歎  
蹉跎

立春日周爰粲陳叔度諸子小飲有贈

世締文章舊時逢節序新雪珠將照夜霞暈已  
石倉詩稿 卷三 西華集 十五

生春細問閨中俗閒吟客裏身水仙花綽約宛  
爾洛川神

除夕前一日爰粲治具全新姬作

客况雖寥落郁厨亦自携頻將煖歲酒注入辟  
寒犀地煥天桃早春新葉甲齊東風應解事吹  
信到香閨

壬申除夕全爰粲叔度能證諸子

漫云六表明朝是真覺韶光瞬息過寧以校簪  
窮日力不將憂慮伐天和早休豈似夜行客往

事其如春夢婆但使顏顏映紅燭尊前聊復慰  
蹉跎

癸酉元旦

雞鳴義利不同趨况值新春正啓途 聖主六  
龍符曆數皇天一雨望來蘇浮生自喜登初壽  
努力尤當勉後圖儘覺邇來歡樂減惟將文史  
代笙竿

過綠玉齋爲雪關上人書字

新詩吟甫就試筆在山齋正值高僧乞欣然當  
石倉詩稿 卷三 西華集 十六

我懷藤蘿垂玉筍池水落金釵爲問宗門肯能  
禁幾度排

初二日過叔度秋室

新春無俗事連日過貧交但敕中厨饌何嫌隔  
歲肴籠烟桃欲綻移石竹初苞社燕翩翩至應  
須覓舊巢

初三日同爰粲叔度飲能證宅

阿弟常齋素西方祀頗專但聞兄有客亦乃爲  
周旋行樂耽垂老談新更入年門前河水廣時

詠伐檀篇

初四日楊南仲過小園全爰聚作

去歲與君杯酒深茲辰仍得奉車音盤盤無兼味  
山中況客有同鄉海畔吟問政問書難置答種  
梅種竹未成林愧余遲暮全樽散拜賜時時損  
俸金

答雪關禪師

開士吟詩得靜功有時言下見真空祇緣老子  
婆心切恰與維摩病症同滄海白雲開霽影崑  
石倉詩稿卷三 西峰集 七

花野艸笑春工愧予六十成衰懶問道無由拜  
下風

送雪關還山次韵

公來度衆徧人天意似嗔予不上船成佛久拚  
靈運後阿蒙猶是子明先蕭蕭錫杖江浮葦燦  
燦燈花火吐蓮時值上元待到湧泉相憶處孤峰海  
月幾回圓

人日陳泰始社集艸堂

新年開社競韶光七日偏宜在艸堂花以水仙

標素質人于春勝占紅粧獻酬有客爲吳越樂  
事遺風邇晉唐此去上元還幾夜已看燈燭照  
輝煌

輓王曰常爲雪關故友

金陵結客與君同垂老翻悲歎逝中酒肆在吟  
邀賀監茶山幽趣傍文公三生已作夢幻泡四  
大終歸地火風但向禪師求轉語不將鉛槧礙  
虛空

雪關禪師過浮山堂正月十一日也余里  
石倉詩稿卷三 西峰集 六

洪江上燈時遇雨因成兩絕

然燈本是西方供師到山堂正放燈恰似摩尼  
珠已現風旛何事問南能

當年遊騎咽如雲底事今宵寂不聞莫是因師  
來說法座中花雨自繽紛

十三夜城中張燈雨甚同客飲池上

春城雨色更飄飄辜負遊人第一宵新水池頭  
燈影倒薄寒簾外酒痕消三山勢欲連溟渤太  
乙名聞祀斗杓曲巷笙歌聲自咽不知門外馬

蹄驕

正月十五夜邵肇復治園觀燈

元夕名園樂事并也須天意順人情燈初上口  
猶多雨月到圓時始放晴火樹魚龍相競戲  
山鸚鵡自呼名薰風怡坐薰亭裏吹徧九衢連  
袂行

孫子長宅觀燈

祗謂燒燈樂事賒誰知玄室倍晶華文成素綯  
陳詩意度合濃纖習禮家劉向藜分天祿閣孫

石倉詩稿

卷三 西峰集

九

公賦就赤城霞最憐三五元宵過待得蟾生影  
早斜

林守易園館社集

連日杯盤覺泥人招携同調豈辭頻微寒尚帶  
前宵雨雅謔應添滿座春柳線臻臻垂雀頸松  
枝隱隱學龍鱗退居更有禪龕好經卷初翻不  
染塵

贈杜拾遺

風傳樂善自東平閩嶠欣瞻漢節榮壽日正當

春日永台星遙傍使星明祗憂時事丹衷切漸  
覺霜華兩鬢生今歲封藩應報命廟謨虛席  
待持衡

余里洪江以廿四日謝燈因開社招張玄  
逸叅戎共用洪字

談兵原與說詩通席上雄生八面風老去不知  
文字力春來尤藉發舒功尊開良會頻浮白燈  
謝殘宵趣落紅閩地桃李此開落相半漫道洪江暫樓止  
君家故郡亦名洪

石倉詩稿

卷三 西峰集

十

廿六日翁君起招飲公林有道商孟和林  
永明觀妓共用璵字

通家間里復相連釀熟招呼半社賢燈火續殘  
元夕景桃花開早豔陽天新聲翠挹尊前黛舊  
物青看座上璵却笑六旬于我是每逢歡宴輒  
居先

送沈公子歸普陽

其尊人自武陵司理遷余郡丞

司馬曹中識面疎忻言玉樹長階除啼鶯古驛  
間關切垂柳離亭折贈初節值中和堪入詠地

過辰西憶隨車五溪蠻長來迎日猶向而翁間  
起居

送王虞生擢河南叅政

分猷南北總王程極盛春光正啓行海嶠恩波  
雖自澗中原岳牧更知名十年計及如坻積幾  
度躬將似燎平君到洛陽訪年少朝無絳灌易  
公卿

林懋禮招飲野意亭

亭成文酒幾追趨每一登臨感歲徂春服既成  
石倉詩稿

卷三西峰集

廿一

風侯早野容將綠水田鋪稍嫌土木虧真勝尚  
喜烟雲溢後區身道僅堪畱一髮東風休更長  
藤蕪

送熊別駕擢滇南

時署邑校士

滇海專城出漢關清風一道使轅攀行當桃李  
芳春候士及門墻化雨間神蹟未銷諸葛鎮詩  
家偏近盛唐山呂虔已叶三刀夢那遣天涯屢  
願環

送董德受國博之任

之官雖愛建溪清半是三山畫錦榮再命始爲  
觀國士一經原屬下帷生東萊兵氣看疑屋內  
苑蕭韶聽若鶯亦有故園時在念好將籌策獻  
承明

社集間風樓兼送顧薛二君還吳時郭聞

生劉魚公至

間風吹自蓬萊島二月不寒天氣和登樓已能  
踞勝會飲酒遑復卹其他千山漸失蒼翠色歐  
冶潮生猶自波稭言入社如燕喜誰知有客賡  
石倉詩稿

卷三西峰集

廿一

驪歌驪歌且勿動深悲相逢更是新知樂仲宣  
有賦歎嗟此杜曲無嫌甘寂莫交情膠漆盟自  
今輪奐文章盛于昨花飛茂苑卽相思不待吳  
江楓子落

送林益謙兵垣還朝時有典試之望

歌驪梓里盛稱榮使節翩翩指玉京帝室剪  
桐方報命士林振藻待持衡采風入告輪丹悃  
多難殷憂啓聖明莫謂虞廷干羽邈清朝  
元不樂佳兵

花朝後一日邀申維烈憲使顧君藥薛楚

材徐興公社集西峰草亭得峰字

海上干城賴折衝  
席前樽俎甚從容  
夢游昔演邯鄲道  
詩興今推縹緲峰  
白社草成看燕度  
清池花落聽魚鳴  
春光半去猶堪惜  
莫更蹉跎隔歲逢

清明前五日社集浮山堂見新燕

君不見春光已過百  
有一相傳禁烟為此日  
人生窮達自有期  
底事焚林終自匿  
諸君修社在

石倉詩稿

卷三 西峰集

三

浮山綿上風光猶足述  
五蛇惆悵漫興歌  
雙燕翩翩自成匹  
去秋別爾情含淒  
今歲來歸路不迷  
新衣尚沾滄海色  
舊巢仍覓畫欄西  
封侯但擬將軍領  
穿幕寧論戍婦啼  
年年王謝堂前見  
豈必空梁詠落泥

送劉魚公之南雍

籍甚才名劉孝標  
觀光上國不辭遙  
鐘山綠樹明馳道  
壁水青溪帶板橋  
方物詎惟陳海錯  
詩情兼欲采風謠  
月中丹桂君應折  
豈待淮南隱

爲招

送王右仲之任涪州

祗謂雙鳬入九天  
誰知五馬駕東川  
平生雅有文才癖  
宦跡故多山水緣  
易學尚傳程叔子  
詩名應識李青蓮  
永陽去後思彌切  
白雪陽春被管絃

三月三日荷亭修禊

歲序感恒陰  
春服已卷袂  
山川符人思  
皆欲承朗霽  
城西湖址沿孤亭  
在水泝葑菲  
云可采豈

石倉詩稿

卷三 西峰集

四

必蘭與蕙解紳肆  
除垢列坐猶擁篲  
清談亹亹然興羽觴  
邇流次俯仰成大觀  
今昔等一契  
客來何參差  
尚以他日繼

暮春安蓋卿直社平山州堂

昨也荷亭會  
天陰傍水涯  
茲辰續修禊  
乘霽一板崖  
友盡者英似山  
當日夕佳笑言曾  
熙典童冠亦云偕

又

頗怪于閭嶠  
冬春候不分  
朝霜猶作冷  
午日已

成薰游服隨單袷浮觴鑿篆文時新鑿一石籬池可流觴

送花事晚偏自競芳芬

石谷林建侯直社賦席上二物送周爰榮

還甬東

願曲憐公瑾清言預阮咸松花蒸珀醞竹箭啓  
瑤函唱豈量沙磧投因應石崑願茲添百斛勿  
遽發孤帆右酒籌符十五咸

小姬分韻到刻燭限春宵薄取羅衫掩虛疑貝  
葉飄吟時翻掌易別後致聲遙獨有松間月清

不分詩稿  
卷三 西峰集

豈

光慰寂寥右韵牌得二蕭

蝶菴爲爰榮題

莊周名偶仝君姓卽以菴名化蝶身栩栩來時  
猶似幻悠悠夢去果誰真家園久別魂應戀花  
柳雖過思出塵故有鯁鵬齊物論奚云斤鶚擬  
非倫

楊青六冊使招飲卽席賦

古驛皇華傍使星開尊與客對芳亭石間綴艸  
參差碧竹裏看山遠近青繞座薰風鶯度曲揮

臺明月鶴梳翎仙槎指日凌牛斗還似酣歌過  
洞庭

題海國長城贈于溫麻

百里花封乍綰符那堪寇至在須臾指揮左右  
鍊如意命中先聲金僕姑海島氛開看去淨民  
巖日照望來蘇公侯自有干城畧糾糾寧勞說  
武夫

申維烈憲使招集烏石山園同文啓美徐

興公賦

不分詩稿  
卷三 西峰集

共

白蓮社裏今重見烏石山中此一支坦率便成  
布衣飲幽深堪詠葛覃詩崑樓雨氣初晴日海  
國烟光欲暮時莫忘賞心吳會事詭來空負十  
年期

文啓美至自吳門社集西峰草亭同用二

蕭韻

亭子寬于一掌饒西峰原不在岩堯社中客繫  
吳門驅曲裏人吹洛浦簫月意任教梅雨濕燈  
光尤忌竹風飄晴明選勝無窮思豈必歡娛竟

此甫

同文啓美集陳京兆弟更生新宅共居十

二侵韻

君家有弟奏篋音堂構新成擬鬱金白社邀歡  
今日興紫荆分痛昔時心歌僮舞妓前筵盛古  
木方崑後圃深漫道催詩雷雨急一鈞明月對  
清吟

文啓美入洪江社雨中臨眺石倉同雙林

似愚諸上人集浮山堂共用八齊

石倉詩稿

卷三 西峰集

七

雨裏煩君出郭西林間社客亦招携江山盡入  
新詩句泉石如逢舊品題池滿綠苔舟似展閣  
臨丹荔樹爲梯坐中只少如花妓賸有名僧過  
虎溪

酬贈文啓美二首

文家詩乘予曾識後發連翩更有人祖德每瞻  
衡嶺月友于賡詠玉堂春老聃去日千言隱季  
子遺風十字新作計遊閩先見訪歸途方問武  
夷津

君來問我亦何爲出處惟應野雀知難後有身  
偏自惜林中少事正相宜詩書便可尋知己造  
物空煩作小兒海內風塵無着處汚人寧避塵  
元規

送莊學憲奉諱還毘陵

夙訂班荆會當干檄棘時相將惟日望瀟灑共  
秋期卿月俄塵鏡文星乍掩帷天何遺一老士  
已失芳儀去水偏乘漲過山不問奇啼鵬空濺  
血聞崔益傷悲同命猶憑几趨庭罷訓詩長畱  
石倉詩稿 卷三 西峰集 八

不盡意雲樹鬱凄其

癸酉五月朔日西湖觀競渡八絕

虛臺占勝俯西陂伐鼓淵淵競渡時越國無諸  
城尚在釣龍何似跨龍嬉  
東西擊楫在中流把手招呼不自由八面旌旂  
隨意轉却噴風力太輕柔  
紛紛境社各書名尺寸相爭不礙情總是三山  
城內外何須辛苦鬪輸贏

許多青艸積湖中淺水容舸作勢雄祇謂神龍

解飛舞誰知鱗甲借人工

酒船客與泛波心插入龍舟影欲沈對語風吹  
聽不見美人空負繞梁音

去歲劉香壓島門鄭家龍虎蕩烟昏若此水軍  
成犄角那令窮寇尚游魂

戰場雖沸戰塵銷文士來看力士驕漫道儒風  
純不競秋闈還擬奪高標

汨羅江上葬湘纍閩俗相傳楚俗遺今後不須  
仍弔屈湖頭新建二周祠

石倉詩稿

卷三 五峰集

七

初二日鄭汝交招宴河樓觀競渡八絕

谷口高風亦見招東南龍舸盡乘潮利津開啓  
排山進第一爭過德政橋

夾听人家列冶容虛臺曲榭影重重玄黃下閤  
蛟龍戰紫翠遙飛丹嶺峰

泥融五石上輕湍伐鼓何如詠伐檀聞說拔河  
原有戲誰騎八駿更來看

河直形惟一矢多東風偏送采蓮歌龍舟來往  
真如織跳擲誰爲壁上梭

良家子弟各爭強威武軍爲百勝場旂上獨標

忠懿境潮頭白馬有三郎

樓懸扁額有輝光利第相仍自福唐借問鄭家  
書帶州何如九節泛蒲觴

誰家載酒復笙歌潮落舟歸興奈何楚調陽春  
歌白雪天花散出是瓊河

一年一度須臾樂潮至潮回有淺深若個急流  
稱勇退空教舟子嚙橋心

午日啓美直社卽有清漳之行兼以送之

石倉詩稿

卷三

五峰集

七

簫鼓城西未息機琴尊相與入林扉已看午日  
賓朋盛祗惜南遊倡和稀佳石誰當袍笏拜綵  
雲惟逐綺羅飛三山尚隔吳門遠前日重來卽  
當歸

送潘輿偕海憲之任豫章

三山屬吏與青衿載寫板轅見此心鼓角聲銷  
閩海外墳麓曲奏越山陰丰標孺子亭前豎憲  
節滕王閣上臨漫道建溪乘漲發如公遺澤較  
誰深



題許湘晚香雪齋夢研圖

大中丞湘晚許公守越州時夢蘊文忠與語  
良久輟寐而起命僮子治圖舉鍾而覆一研  
天然石質玲瓏飛動不事人工而覆其背視  
之則有東坡小像四字衣冠鬚眉儼然坡公  
也因憶公年譜有十二歲自紗縠市宅內掘  
地而得一硯者豈卽其故物耶于是四方之  
詞人銘而讚之者積帙幾寸乃彙成冊刻畫  
精婉爲余年家子張葆生手也余僻處海濱  
不省詩稿

朱三西峰集

世

聞之頗後又以循例起家爲公屬吏疾疚在  
躬而不克赴旣捧侍之無緣徒歎羨之不已  
謹拈一律以志神違

天然介石貌玲瓏付與名賢醉墨中昔日遊山  
尋許探清宵夢研授披公千言賦就磨礪熟六  
出香飄點綴工遠近詞人傳韵事媿余頑質尚  
塵蒙

送葉君節北上應試

清時才士慶良遭綺歲如君品第高千里定售

燕市駿十年重親鳳池毛延津劍氣衝南斗淮  
浦舟帆尾北漕聖主臨軒清問及爲言巢許  
也心勞

送胡獻卿陪冊使之琉球

日出扶桑迫在東樓船高駕侍名公觀于海者  
難爲水囑彼蒼兮送好風重譯車書王制外遠  
遊人物畫圖中知君韋布存清尚應與胡威問  
網同

送趙餘不給諫還松江

不省詩稿

朱三西峰集

世

栽花當日見潘安一疏朝陽有鳳鸞檻折朱雲  
猶表直人歸趙璧倍加完壺漿父老頭俱白荔  
子神仙穎正丹自是不堪棲枳棘豈因鱸膾憶  
張翰

北崑奇樹圖爲李玄白太守題

北崑奇樹較誰佳南國棠陰未有涯今日携觴  
同客飲何如聽訟使民懷中枯已似庾公賦葉  
茂還過王氏槐聞道使君喬擢去尚畱餘蔭到  
清淮

集鄭汝交維摩室避暑

不問維摩疾來乘列子風樹衣浮湛碧芳  
輕紅下上諸天直微茫滄海東奕棋疎簾看何  
似杜陵翁

送李玄白擢淮陽運長

東南財賦困征求轉運今須第一流際海金錢  
輸九塞隔江歌吹是楊州春風芍藥堂前宴夜  
月瓊花觀裏遊舊治如臯行部處水絃猶自韻  
高秋

不倉詩稿 卷三 西峰集

世

題趙玉淑父母松石圖

金莖露下絳河秋福曜當空大火流入白華封  
三祝徧士依廣厦萬間優連城瑞叶承家璧菽  
邑風清載道謳繞座南山如畫裏青青松柏映  
觥籌

酬凌初成見贈之什

吳興山水自清遠入我閩中不耐看荔子色香  
時正美沈郎消瘦強爲歡著書但得窮愁易結  
客空嗟行路難不見當年嬾真子一簑烟雨戀

漁竿

贈鄒匪石開府

雙星遙度法星光錦繡詩腸奪七襄坐鎮南天  
如岳立行令滄海不波揚金甌乍動欣秋爽玉  
粒初收十歲穰漫效華封三致祝但歌民壽爲  
公觴

再過林守易北山別業

昔到猶荒壤重來已可家松膏初沐雨荔錦欲  
舒霞井底潛通脉空中習作華惟應支許過鉢  
杖是生涯

不倉詩稿 卷三 西峰集

世

贈申憲長

詞壇雅調屬宗工栢署星懸獨坐中家學盛傳  
黃閣老士林爭羨黑頭公白雲冉冉來吳會青  
鳥翩翩出漢宮漫道冠裳競趨謁一樽時與故  
人同

七夕集安蓋卿聞鐘館

近得庭前月遙看渚畔星津塗欣載啓機杼思  
方停幕映芙蓉艷樽合薜荔青乘槎如有客奚

必涉滄溟

又

牛女悲交喜騷人奚以歌言遵秋駕速遞惜歲  
華過良夜披襟少殘更掩淚多支機仍片石空  
自伴雙蛾

七夕後三日社集賦得清風從南來

大火日西流清風泠然善長廊架峰矗層欄學  
水篆天孫隔河漢三晨思猶淺佳人感此懷秋  
期恣游行微覺酒尊涼徐看歌扇轉灼灼籬上  
石

不食詩稿

廿五

花盈盈零露法及時不盡歡孤蓬向空捲

贈林有道

結社論詩喜得朋雲林奕葉故相承行當君子  
知非日不愧中郎有道稱霧隱山川深似豹夜  
看文字細如蠅聽泉閣畔抽毫倦半醉佳人半  
倚僧

席上贈福娘

一艇載秋色嬌歌揚妙芬似將建溪水過我浮  
山雲朝槿如粧晚風吹画棹若無清福分泉

石豈容君

陂上同客作

明月乍看好主人歸在洪山光與竹暝併入一  
塘中數影鳥棲樹聽歌魚躍空石頭猶恐滑乘  
棹過橋東

弟脩誕日茹齋宴客走筆致之

予年六十已衰暮弟少幾年亦重五足頗先知  
馬少游老不如人燭之武西峰近日余移居去  
爾河邊百步餘圍棋笑擁東山坡席帽聊乘下  
不食詩稿

宋三西峰集

共

澤車今當七月涼秋始主人有酒清且旨蟬翼  
微沾露氣新月輪斜倚桐陰徙客散何妨醉似  
泥清齋佞佛猶禪棲更羨齊眉孟光氏寧須怨  
作太常妻

獨樹軒落成

雖營斗室內坐此亦冷然樹密藏山影池清得  
乳泉抱書觀半豹息響似窮蟬衆謂秋方熱惟  
茲扇可捐

送林永奇之吳

鶴鳴其子和好爵不能加司馬爲良史儒林有  
世家似君年尚少美質更無瑕別思隨明月清  
光兩地賒

寄許玉史

爲關有善政度世卽立津山徧遊吳下人今說  
許詢彼中多載籍爲我訪先民千里能嘉惠都  
忘四壁貧

筮我貞郡守約遊石倉雨阻同蔡孝來商

孟和館中少坐

子詩詩

卷三十二 西峯集

廿七

使君登覽思超羣問我林園在水濱飛蓋何須  
風雨如拂崑空待品題殷提携尊酒難爲興只  
尺城居尚論文猗是重來堅有約汀州欲發預  
相聞

送文啓美

清漳不欲速歸輪少憩三山卽問津綈帶豈忘  
投贈者青尊偏戀別離人吳江到日驚楓落劍  
浦經秋渚月新垂老交游俱應跡斯文意氣獨  
能真

送邱克九濟南訪朱開府

傷親已不返泣玉終見售何能在家坐去之齊  
魯遊隨身有行卷滿意成七州正逢知已在詎  
作東家邱

寄朱中丞

聖朝推轂掌東征坐見烟銷不夜城文武憲爲  
周吉甫詩書庭謁魯諸生千層華吐峰頭萼兩  
派泉流地上聲遙憶嘉隆當盛際咸推歷下主  
聯盟

子詩詩

卷三十二 西峯集

廿八

送張長正北上

三百風人指無雙國士稱開情尋野老幽意傍  
山僧秋月明千里春花發五陵相門衣鉢在應  
續慧元燈

中秋社集浮山堂喜張長正邱克九至仍

送長正之京克九之魯

皓月筵初啓浮雲蓋始傾觀濤成七發異郡亦  
同情船擬丹陽泊泉遡白石鳴三人分洛社時  
二客與予一妓抱秦箏江上蘋花老離邊槿水  
皆白頭

榮鳬鸞欣既泛鴻雁肅初征擊筑過燕市芝庭  
問魯生秋光憐去住長使別懷縈

劉漁仲直社漱石山房

丈夫生世間出處道不共處則爲泥蟻出則振  
龍鳳安能低眉目兀坐如懸甕古俠有劉生樂  
府所傳誦今日復見之文心寄豪縱周行待鹿  
鳴求友思鶯鶯駕言崑穴間烟雲勢飛動選彼  
美少年度曲遠梁棟佳肴與清尊客反主人奉  
餘珍出細君纖手作精供知君富才華定發

石舍詩高

卷三 西峯集

廿

明王夢他年金馬門毋忘割肉送

送綏陽令鄭鼎殷北上

多君五載令綏陽治冠閩南第一行赴闕諫章  
囊已滿過家書帶草猶香冰絃玉柱流風美雪  
巖金鏡映日光公等太平須早致余將鼓腹詠  
時康

梁孟陟遊石倉有詩紀之并画扇頭見示

予答以古風一首

人皆謂我園有山兼有水君遊獨擅長詩情與

畫理詩宗王摩詰畫學長康氏與余園中境三  
者迫相似余頃携竿來却在西峰住城西與洪  
江二十里相距尚恨歸日少不若曩時聚幸得  
觀君詩日涉以成趣

陳元者何瑞徵過訪少坐

客至便留坐應知忘我踈老年寬禮節暇日有  
琴書吳越語音近燕秦游興舒雕虫雖小技終  
戀子雲居

題九松圖爲余母壽

不分詩高

卷三 西峯集

早

人生壽考誠難得九十稱觴取數奢昔日衛公  
歌棗竹茲辰余母采黃花經眸世態幾升降繞  
膝兒孫皆樂加惟有岡頭老松樹青青相與閱  
韶華

雨後西峰亭小集

園扉遲至午乍啓客來過怕更言今雨愁應似  
隔河聲兼林竹亂瘴把木犀多盤礴如佳興爲  
余灑薜蘿

仝陳泰始林守易集陳玄度池亭

手推昂望自玲瓏若謂生成出化工沈水香  
龍吐紫分秋艸樹雁來紅八窗啓閉朝昏裏三  
雅縱橫几席中許掾較多山水癖豈因名字偶  
相同

茂之至自金陵因招興公叔度同集西峰

艸亭

君來雖意中相見亦意表三十餘年間覓夢常  
縈繞邇從建溪丹天旱灘聲小篙師莫計程進  
寸如獲寶何繇副所思空中羨飛鳥前夕抵洪

卷三

四

四

江風雨連昏曉溪漲已無用祇阻入城道只尺  
會面難翻今信音杳俄然覩君刺子屢爲之倒  
招呼二子來衝泥不待燥非無他親賓聯讓平  
生好羅羅四顧坐骨肉情相保蕭蕭燭影前照  
見鬚眉老銜杯不下咽語言兼欲悼持螯海蟹  
肥鄉味令人飽歷歷詢故知零落成哀艸爾我  
數人外存者何其少漏深各散歸長途恐疲擾  
連牀願相違吟詩興未了吾欲申斯篇起視東  
方皎

初八夜偶有月色志喜

地濕不堪步月明看漸移重陰何計出常照亦  
稱奇乍覺煩蒸解如逢隔歲期所遭風雨夜幸  
是魄甦時

九日神光寺登高

初晴轉覺雨霏霏與客登高入翠微喚妓不來  
虛錦瑟浮觴猶自綴金衣菊名樓臺木石成花  
界園沼禽魚總化機移席更于橋上坐月明看  
已熒禪扉

卷三

四

四

四

答柴吉民

主人歸何遲客來主不知楊柳條方脆芙蓉葉  
已萎一經風雨過草木盡離披桂花發崑際幽  
馥猶不移始浮上下澗漸以及清池池上微波  
起輕風來蕩之入君心與目寫出爲真詩旣肖  
園中景與余林間事了無不盡懷但覺有餘美  
君原楚國騷復得風人指是故高與深寄于雅  
澹裏倘欲叩余衷無奇而已矣

贈熊夷庚郡守

文章慧業本相因，夙企高風一問津。  
濁世誰爲青眼客，黃堂獨坐素心人。  
杯中正泛陶潛菊，甕裏常生范史塵。  
雨澤田疇今已徧，民登萬寶祝千春。

集商孟和山居新閣共用陶體

季秋天氣炎露寒，頗垂節入林尚思裸飲酒。  
庶無數同社三四人，且有遠來客笑把黃菊枝。  
問此蒼松色艸閣，雖新營位置不可易，何必會稽峰。  
始爲安道宅，江霞旣吐紫，山月仍生白。俄然雷電至，變幻胡匪測。  
雖欲秉燭遊，銜泥詎終席。始信籬徑廷，質與市廛隔。  
惟有顏然翁，不復受拘迫。

浮山堂雨中吉民茂之有道永明古直汝

載長生共用十一尤韻

累日皆酣宴，青山觸處幽。已應成舊雨，直欲送殘秋。  
燈入松林黑，聲添澗戶流。菊花漸消瘦，相對使人愁。

送楊南仲應朝

嵩溪爲宰頌神明，苑壇中狎主盟。  
趨府每過朝夕話，臨歧何限古今情。  
虞廷覲后仍頒瑞，周室求賢重以旌。  
豈必漢家徵異政，山城漸起讀書聲。

送福唐大令費仲言

看君材質自天然，領劇何曾困少年。  
治蹟循良真漢吏，表章風雅盡唐賢。  
雙鳬冉冉趨雲際，五馬騶騶向日邊。  
漫道貴陽生美箭，更須增重在西川。

石谷詩稿

卷三

西峰集

四

集陳京兆山房

江上聞脩社，城南路可尋。  
烟霞堪坐隱，泉石慣行吟。  
隣寺鐘過便斷，蓬秋去深惟應陳酒頌一見古人心。

林間仙携具綠玉齋看菊

籬花風雨後，顏色復何如。  
蘿薜幽叢映，柴桑處士居。  
薄霜寒始受，亭午暖仍舒。  
好事能携酒，非徒問字餘。

送徐龍溪人

覲江都人

糾糾何曾武士勞干城今日借吾曹身經安  
功無二治課循良績最高製錦已成滄海色  
絃渾是廣陵濤入朝諫草囊應滿白簡凝霜出  
阜袍

獨樹軒對菊十詠

菊值重陽後月來已不早每于夜分時晚見顏  
色好

永陽有佳種致此非人謀千谿萬壑裏爲損數  
枝秋

石倉詩稿

卷三

五

白鷗何皎潔黃鵠復翩翩無心拍始下遠志不  
受憐

霜林異春苑枝葉何相似既道洛陽花依然魏  
家紫

古樹清陰斜不知非我有平日散空階茲爲黃

花覆

小池本新鑿便有清泉注離畔涼風生墮影微

波遡

耽幽恒護惜對局亦關情殘英雖不落下子本

來輕

墨君已滿孟雅有臨池興但覺毫楮間幽香遞  
相沁

十日不出門對菊省人事知爾解相酬特矜遲

暮思

爲問萬卷書菊名焉如一杯酒陶公頽然時此

意亦何有

禽朱宗遠

曉予林下卧忽覩雲間書書中何所道神交跡

石倉詩稿

卷三

五

則踈盡以千秋事商畧一紙餘不甘時俗好直  
欲還古初出世世間事問我當何如誰爲不二

門誰爲丈室居予將一置對腹內慚空虛聊憶

莊生言忘筌始獲魚

周伯瑾年丈就養潤州過予石倉

同省年兄弟寥寥我兩人好遊如昨日重到十

三春京口懸迎養江頭緩去津園林舊光景一

一記猶真

又



老試登臨力情深感慨多步趨忙地主顧養順  
天和失得皆無論憂危可奈何願將堯舜世擊  
壤自興歌

浮山堂社集賦得白菊映素屏

盈盈立畫堂莫辨色聞香皎似齊絃月寒添雲  
母霜玉有人俱隱金無雀並翔獨對南山晚一  
片猶蒼蒼

吉民宿予聽泉閣早梅花有開者因與全  
社詠

石倉詩稿

卷三十一 四時集

四

常時小春候幾點漏梅花楚客驚初見猶疑笛  
裏賒叢桂香凌亂離菊影交加未須愁歲暮板  
折在天涯

送鄒兩敘孝廉北上

俟知堂艸屬先公奉世傳來大小馮月露吟收  
行卷內山川寫向隱囊中授衣正值離家日下  
榻虛慚問道風遙憶漢廷親射策好將籌畧獻  
宸聰

送林孔碩

凌風玉樹本翩翩登第猶當美少年祖德每依  
青瑣夢父書時讀貝多篇掄才已獻明光殿度  
世堪乘般若船莫訝臨岐深致囑功名惟可助  
因緣

送陳昌基

秣謂閒來看菊花那知別我向京華過江以北  
客行慎遵海而南民未家宵旰但聞勤極表恩  
膏未見徧天涯憑君好對臨軒策未必劉蕡放  
逐嗟

石倉詩稿

卷三十一 四時集

四

送汪君酬入覲

閩中首邑今維艱雅尚能尋物外閒浮海已看  
虞愿石過家仍問皖公山重來不偶關人思此  
去長留侍 聖顏直北風烟異今昔簡軒詩艸  
又當刊

賀鄒中丞征夷奏凱

自將先令賊膽寒山川攬轡若爲看鯨鯢難得  
藏深穴風雨猶知避灌壇蠢爾東夷慚肅慎勝  
于西域取樓蘭從今直徹扶桑表共道軍中有

一韓

訪陳元者寓館

相傳傳木虛山人故居存焉今爲陳啓生別業

日夕校讐倦偶然心想閒言尋吳下客一叩竹  
中關樹暎上弦月臺依丁戊山猶存古人意楮  
屋兩三間

送樊紫蓋太守入覲

憶昔移舟楚江側晤君猶是一縫掖茲當五馬  
臨諸侯曾艸千言誅叛逆直聲原是舊家聲三  
朝御展皆列名試看 聖代元良正何必商山

五言詩高

卷三 西峰集

見

羽翼成君才富足傾八斗綠字玄文窮二酉八  
百數符龍沙識二千石寄風流守溫陵島寇時  
縱橫聞君有道咸銷兵朝天振輟不可得老我  
蓬室徒屏營臨別無一言心事還商確泰清固  
非清塵世亦非濁漫傳方外有神仙予聞神仙  
無不學噫嘻神仙固以讀書爲真樂

送姜季捷憲長

季捷吾師翼龍先生之季子也初以總憲銜  
治屯鹽水利事洎予闕卽署兵海二道時正

調兵南征而福海報警甚急一切兵食咸藉

公爲調度未幾而監試棘闈兩旬餘竣事而

歌鹿鳴之章則公已正位臬司又當有祝

釐入 計之行昔詠賢勞茲復見之然公之仲

氏正值枚卜候 命命下之日而公到京聚

首相賀足樂也予因爲詩送之并以紀其盛

云

自昔賢勞感歎生因君復見古人情軍興未已  
賓興繼報禮先將典禮行解豸班中看正席雁

五言詩高

卷三 西峰集

三

鴻天外羨蜚聲師門今在頭俱白愧我曾叨孺  
子名

送程文伯罷官歸楚

卑棲枳棘羨高飛采菊傾杯正授衣楚國天長  
隨雁落秦川月冷抱琴歸官方陶令期云久書  
效虞卿願不違眼裏逢人俱困甚此時惟有掩  
荆扉

送朱方伯入覲

政如冬日足謳吟三池閩疆惠好育 聖主用

恩元不測明公施澤固能深邦人此際攀轅送  
朝望雄藩節鉞臨寸管愧予成草野緇衣聊見  
好賢心

答文漪殿下以朱爾玉來致書

十年銜命到湘東曾荷招携盼矚中負罪再過  
肝水驛悲歌徒憶大王風詩仙草聖棲雲榻碧  
磴紅泉映雪宮不是朱家能任俠有誰千里代  
鱗鴻

送陳道掌之清漳

石倉詩稿

卷五 西峰集

五二

百尺樓頭卧千尋焰入雲雖攻舉子業那得送  
窮文志不因而餒游堪廣所聞漳江龍起處靈  
氣自氤氲

送海澄令梁若木入覲

使君圭壁向神京兩地攀轅一樣情觀海居然  
成勝算殲夷元只是書生朝廷中外分勞逸宇  
宙安危係建明善後閩疆今夏著應須補牘慰  
蒼生

送松溪令徐維翰入京

讀書好古諸韻事一行作吏便須廢此語古人  
已歎之豈昔爲難今反易予謂好尚皆繇心但  
問其根深不深苟具深心與疆力何用蹉跎較  
古今不見松溪徐大令清光逼人如水鏡目中  
似覺無全牛案上攤書癖尤甚三年奏績入鵷  
班應識名依日月間臨岐脫却純鉤贈思君遙  
望湛盧山

社集分得新粧爲林聲侯賦

簾外三星巧欲逢臺臨玉鏡意偏慵梅花點處

石倉詩稿

卷三 西峰集

五三

應成媚柳葉開時不要濃一抹遠山凝翠黛半  
規秋水照紅蓉画堂坐客詩成久何用笙簫奏  
曲重

黃汝遴林建侯汝載三叔過浮山堂少酌

欲剪燈前燭言開竹下庖偶因遺海錯便可當  
山肴池酒知魚舍林疎見鳥巢歲寒時欲速惟  
有戀貧交

姬人有喜種菊者憶其爲侍兒時抱衾獨

入林軒適並頭菊開志瑞今十年矣予

喜晚菊滋茂因以詠之

姬人年尚少，籬卉晚方榮。  
夜玉皆新種，秋金若鉤成。  
匪因資首飾，欲以娛心情。  
並頭曾紀瑞，笑問彼時名。

送戴符九

之子瀟然致爲儒，好是閒行游。  
兼坐隱，歸計有深山。  
沙岍流方淨，楓林葉正殷。  
羊裘如不薄，穩臥釣臺間。

送吳全甫還楚

不令許楠

卷三 西峯集

三

文星忽欲離閩闈，多士皇皇失所皈。  
功令自應還故物，閒身那得遂初衣。  
五雲臺上期將至，愛日庭前願不違。  
湘浦梅花報消息，每于冰雪見春暉。

送鄒中丞歸筠州

羽書聞警輒親征，韓范軍中自有名。  
正值功成時事變，忍言公去雪山輕。  
一宮如寄元非我，衆口雖譁不厭清。  
惟有碧荷峰頂月，夜深常灑露華明。

集高景倩松雲館

客爲朱吉民陳元者葉攬仲

蘿薜陰陰霽色開，寧煩折簡更邀來。  
西風乍緊仍飛葉，斜日應催欲綻梅。  
燭引九枝筵卜夜，地浮三雅客銜杯。  
天涯歲晚深相戀，莫待臨歧首重回。

西湖二周祠落成陳泰始直社與客憑而

予之各賦二律

精忠聞徹九閭呼，司理當年子大夫。  
嘉石平反猶見肺，斷金良友可捐軀。  
涇湖水面雙清似，大

不令許楠

卷三 西峯集

五

夢山前一覺無正氣，自應垂宇宙，漫分靈爽自

姑蘇

右忠介周公

開府東吳似庾公，頻將白簡動宸聰。  
不愁關下刑書濫，祇恐江南杼軸空。  
漢室幾成朋黨禍，熙朝尤數仲興功。  
易名重典今雖缺，一體猶看秩祀崇。

右棉貞周公

雙林六十初度

上人自號作庄顛，破衲長披夜不眠。  
宿業已消千佛懺，閒身惟結萬人緣。  
勸余勿墮輪迴債，與

簡通爲六十年往昔空門嚴戒臘于今僧俗也

同證

和白燕

尾拂并州快剪刀輕風陣陣送霜毫玉闌乍識

到侯相銀海空沾寢殿膏

用驪山陵事

不分春山鶯

喚友秣疑秋水鷺爲濤漢宮妃子名誰似故自

翩翩舞雪高

至日龔克廣直社南園分得生字

欲知殘歲迫又是一陽生老去愁懷短朋來樂

石倉詩稿

卷三

西峯集

五

事并負暄依樹影不凍有泉聲計日南枝信書

雲北關情臺臨仙像古線益女紅精改席行吟

適談棋坐隱成島棲幽壑徧烟薄荳鐘清夜半

遲山月來茲水面明

送鄭聖集之粵

門垂書帶鄭公鄉玉立丰姿更頡頏闕下論文

盛推較社中脩袂憶流觴南游豈效虞翻歎北

上因資陸賈裝君到羊城最高處七層樓映七

星光

雪關長老五旬學徒索詩

我已六十師五十算少十年仍有奇道妙早探

無始訣世緣能斷有情癡應酬高座何曾省獨

臥津梁不覺疲試看雪中鴻爪跡雪關關板更

奚疑

和蔡孝來贈韻

蘭生何必忌當門舌在空勞歎莫捫公有陰陽

消長慮勝于道德五千言投閒祇是安愚分宜

勅宣煩動至尊春到北山薇藤長不知何似

石倉詩稿

卷三

西峯集

五

楚芳蓀

余再起家

勸書荷蒙

御筆親增數句故中及之

發舟臺江遇霧

海霧迷清晝開帆不見山風濤何處吼蘆葦寂

然閒抵覺乘潮去何能辨路灣須臾紅日出爲

破白雲關

墓亭落成志感

六十事方舉亭成尤覺遲我來省墓日正及看

梅時父子有安宅形神無外馳倘携妻子入深

慰鹿門期

重到天鑑岩

縹緲香爲閣參差石作林乍開梅處白方徒矣  
中黔有洞何不宿無詩祇費吟江帆來往駛甚  
似客游心

泊舟鼓嶠

月落方停棹林昏但倚筇雖然不入寺此際已  
聞鐘漏轉鴻知候沙明虎印踪怪無塵俗夢極  
畔逼芙蓉

登黃石嶺看梅

石倉詩稿

卷三 四峰集下

七

遠近皆梅隴山窮又向他板躋黃石嶺坐閱數  
村花川似長虹遠城臨列雉斜較量形勝事無  
暇及桑麻

子房溪庄園小憩

時對客奕有僧以靈石茗見寄

辟穀留侯氏何須積乃倉但聞溪水響亦足清  
人勝勝負仍棋局空談挹酒漿遠僧携茗到快  
淪乳泉甞

晚入梅塲

時與清上人往有歌妓方散聞余到來會

乘興晷投谷疎枝也覺香祗能分夜色未盡放

春光偶值塵緣湊都將空色忘林僧揮麈裏誰  
識間紅粧

晨起再入梅塲深處

此地松林古梅花點綴新較于昨宵看尤勝幾  
枝春隱見寒江色朦朧曉日輪最堪幽賞處尚  
未到游人

茂之歸途訪陳振狂余不克偕作此寄之

盈盈一江水梅塲卽芳隣易得新枝幹難忘舊

主人因風還致訊良友見情真縱話金陵事無

石倉詩稿

卷三 四峰集下

天

如故里親

予歸值侍兒新上頭索贈

閨閣方稱慶閒游亦算程似將卹室意付與黛  
鬟情小兩集維霰東風吹復晴落梅如點額添  
得壽陽名

西峰集卷之下終

石倉詩稿 六四詩集丁丑

聞中曹學佺能始著 曾孫岱華重梓

元日過徐興公卽事

去歲相過雨茲晨喜霽臨不知元旦食但覺午  
時陰荔瘁殘冰色桐畱未變音是何籬壁內亦  
有妬書淫時興公所積書  
爲人盜去甚夥

其二

子昨期出門恐于貧無補余雖蓄此念未錄申  
一語干謁向人誰過從恥得主亦罔卹其餘陶

石倉詩稿 六四

陶酌春醕

初二日社集西湖用清許亭名二韻呈應

直指

獻歲來湖上亭臺已落成民謳不日速境沐惠  
風清好鳥沾新樹閒鷗戀舊盟芙蓉北山色併  
入棹歌聲

其二

移樽復泛舟竟日何容與遙指冠蓋倫盡赴湖  
中嶼佳人大堤立殘梅攀幾許宛若湘川倚弄

珠意輕舉

穀日龍首亭招應侍御元肱 徐興公陪

驚嶺來乘使者聰亭名龍首亦稱雄觀風爲布  
王正令祈歲還占帝穀豐月已上弦侵澗白江  
應如練吐霞紅布衣承飲千秋事太史書星德  
聚同

正月初旬迎春

十載王正十日晴春光有意待人迎牛欄一出  
犁方舉熊軾雙瞻路已盈縹緲青皇臨綵仗續

石倉詩稿 六四

紛白雪叶瑤笙東君勿遽傾餘瀝今歲還看兩

度并

詠冰燈

去歲天寒甚閩人始識冰飄零空滿樹鏤刻可  
成燈薄處光彌見消時氣欲蒸想無嫌燭火祇  
畏太陽昇

雪燈

九微何處艷六出亦云殊白戰攻斯下丹藏點  
也無鶯毛籠雀燄郢客援驪珠柳絮和烟起詩

成擬阿妹

看春日到鼓山湧泉寺訪覺師次日遲全

集生至

早起行春日車騎紛如雲觀春事甫畢遂若溪  
其羣聿遵阡與陌因之谿谷濱土膏憤以發紉  
流韻鄰鄰

閩南風氣殊交春梅已落去歲值嚴寒蕊蕾未  
吐萼轉見氣候佳幽香逆林薄客行誰與晤差  
爲慰寂莫

石倉詩稿

卷三 西峰六四神

三

鮮霞在海外掩映岩壑間溪樹雖云暝餘光尚  
可扳初來氣覺塞到乃天宇寬法喻世出世明  
晦相循環

山溪老衲閒客至亦無喜常年此時節相過成  
故事日夕塵勞中行陰遷流易但願菩提心增  
長八初地

永嘉一宿覺乃衍曹谿宗予茲已載夕不省崑  
頭鐘追隨龍象侶狎此麋鹿蹤河山境易變宋  
靜機難逢

元夕後二日卽集黃元常龍首亭賦

客向雲邊集山從寺裏登遠峰皆吐霽幽壑尚  
藏冰白社修三雅丹樓對幾層林銜初缺月市  
鼓欲殘燈野賭玄暉奕房依惠遠僧虎頭癡絕  
甚龍首勢馮陵散步芳春徧清歌子夜仍爲詢  
黃叔度千頃底須澄

贈林榮卿

補其鴈月誕

口說清閒可笑予看君無日不開居江山獨挾  
幽人藻門巷相過長者車白社久稱鄉祭酒滄  
石倉詩稿

卷三 西峰六四神

四

洲時狎老樵漁前村早見南枝發歲歲尋詩樂  
有餘

壽張恭錫大尹爲諸生題冊

三五元宵自昔傳中甸閩俗尚燈懸從來漢室  
多循吏漫說張星本在天冬雪早占田稼碩春  
霞初映滂棠鮮門生盛過三千客祝壽翻爲講  
德筵

春日雨後邀黃大次運長并社中諸子集

補山禪林共賦

林表明霽色城中增暮  
寒用首末字爲韻



擬爲今雨集沾濕在蘿襟不意逢開霽因之暢  
入林山容嵐氣補殿角晚霞侵大雅如唐代猶  
存法鼓音

其二

跡寄春城近依然衆木攢燭間團坐密談處屑  
霏寒竹葉杯方釀蓮花漏未殘使君新句就應  
得夜珠看

集林孔升嵩山艸廬全黃元常賦

春光若爲故人淹好鳥奇葩不隔簾臺榭猶存

石倉詩稿

卷三

西華六四艸

五

前代跡階除已接後樓簷樹因避石多成曲峯  
盡藏雲間露尖每遇社期俱有酒攢眉何用學  
陶潛 主人長素故云

贈馬阿伯將軍

功業今如馬伏波古來名將未能過漸看兩越  
銷烽易自是三軍挾纊多布陣相生奇與正投  
壺合見雅爲歌江南半壁金湯固餘潤寧云九  
里河

邵肇復鳳崗艸廬雜詠十二絕

入山雖不深入林旣云密一徑如垂藤東西亦  
屢易

相期余早至一爲款荆扉令子能留客經春住  
未歸

未卽入中堂先眺亭與閣蒲潮侵岍痕且復環  
林薄

桃李非殊種容華寔倍妍似于花葉上簇起一  
重煙

初謂林構易何必煩將作分來架上編深居始  
石倉詩稿

卷三

西華六四艸

六

有托

城中日相見只此二三人不意來深僻依然鷗  
鷺親

列坐言談頃空江雷雨至何事蜃龍吼在此飛  
鳳簫

雨晴閃微日忽復雨聲譁風颭幽林響重驚一  
陣花

倚杖出門外泥深趣瑤席林中有清課不外書  
與奕

會食午過時蒸藜上頓前不食肉味美爭噉菜

甲鮮

微日淡無色新寒如在余不用携燈看春流幾

許深

夜眠何甚酣囂塵亦已隔鐘漏遠不傳雞鳴東

方白

黃元常徐興公見過因游西湖

兀坐齋頭對此君閒遊率爾便爲羣許多烟景

隨鶯住強半春光與客分久雨乍晴花盡放易

石倉詩稿卷三西湖六十四州七

寒成煖酒微醺墨池何處尋遺跡大夢山前雜

暮雲

贈邵練要

路遠西禪兩渡深成蹊桃李自陰陰客來遇雨

班荆坐讀罷看雲拄杖吟題鳳豈須嘲俗意雕

龍原自出文心簪纓蘿薜非殊調千仞岡頭待

振襟

送張恭錫大令還橋李

爲政何須赫赫聲民情安處卽交情雖云惆悵

三春別不礙清華萬里程古驛晴莎徐放鷁兩

湖烟柳早藏鶯幾時旌節重臨此漫道西川雪

嶠輕

送吳田年比部還朝

擁傳吳山不入城却逢江上蓋初傾世交嫌我

爲淪落大雅于君屬主盟北闕西曹兼翰苑弁

州歷下盛詞名前賢何事誇當日賸得賡歌詠

太平

送馬還初還朝

石倉詩稿卷三西湖六十四州八

式微吾郡不堪聞起色光輝賴有君環賜夕郎

初啓事榜傳春信欲空羣仙舟遠載吳航月御

柳晴眠薊闕雲一片真心相係戀簪纓蘿薜豈

曾分

送鄭疇升之金陵

白下三千里君今一問津但聞江北亂無敕客

中貧王氣周靈寢兵氛接近隣鶯啼當四月猶

似惜殘春

上巳日倪柯古直社西湖新亭分得六語

韻

緬昔永和年羣英集蘭渚未聞有雕峻玄風惟  
澹汙當其意會時一往而莫禦六合等秋毫無  
分纖與巨得魚信忘筌乃足攀嵇呂今胡獨不  
然建立環邱堵誠恐漓天真惜哉誰爲語因君  
弋古流感慨復延佇漫爾同人樂宜然飲我酬  
代謝亦何常逝者已如許

送徐典公之建州兼簡顧韻使君

老興全無減閒遊不爲貪榻因徐孺下交與孟  
石倉詩稿卷三西峰六十四

嘗親竹色籠清晝鶯聲駐暮春那堪溪棹發又  
值建流新

其二

千里途雖遠之孫鎮自隨幸聞吳會警不起越  
疆思地主依文緯山仙覓武夷能無忘舊好而  
不寄新詩

送葉碧潭出守平越

遐荒每荷主恩偏太守應資計部賢仙洞尚  
存臺禮斗相門終有路朝天岩當銅鼓盤龍甲

江出牂牁飲馬錢知爾黃堂時坐嘯蠻歌幾處  
和秋煙

天鏡山僧惠茶

由頭乍插禾崑腹已探茗節序在雨前澄泓自  
天鏡清風兩腋生道味枯腸沁問我何時遊月  
弦始相訂

四月朔日全周爰祭升度克廣集魏仁者  
竹園

篇戶日無事叅同注已成客來非不速憶極是  
石倉詩稿卷三西峰六十四

平生把酒薰花氣敲棋應竹聲石橋池上路猶  
祚送春行

送蔡子威出守肇慶

佩出銅符自漢廷端州應喜福爲星臺名寶月  
如懸鑑井渫清風有典刑千仞藤蘿猿掛峽兩  
崖波浪鵠奔亭辟雍古學領行久坐引章縫問  
石經

集綠玉齋聽游元藻談流冠有述

莆陽稱三游茲復逢二雅聲名籍詞壇踪跡徧

天下奈何丁運衰遊道不相假漢廷公與卿誰  
爲長揖者去歲客瀟山寇賊滿郊野號令疾于  
雷火光爛若冶城破邑爲墟肉糜人作鮮蒼茫  
天色黃漂沒河流赭當其殺戮豪笑歌上征馬  
但誇得意詞鬼多人聽寡君雖在亂離記憶猶  
不捨敘述杯酒間盈盈淚堪把始願懷首邱詎  
云得修社殘春在竹林新綠透窗瓦鶯啼曉而  
長客心爲之寫

送鄭孝直遊支提兼寄崔徵仲

石塘詩稿卷三 西峰六十四

十一

頻年不赴霍童期把筆空題送客詩笠影幻傳  
浮海濕茶烟香裊出林遲遊踪跡何當少雅  
俗胸懷便得知谷口倘逢西史問躬耕尤與子  
真宜

與謝金川甥

謝家庭際樹羣玉自森森世稟義方訓獨明高  
尚心清和當首夏濃綠徧甘霖朋輩稱觴暇閒  
談遍古今

送解伊人北上攷選

清獻鬼標叔子慈十年祇似拜官時錦江與我  
遂頭宴峴谷何人墮淚碑相業錄來資宅相詩  
囊兼入采風詩轄軒屢過衡茅下會面翻成折  
柳枝

送沈鉉臣北上考選

時艱允濟屬才忱留意咨諏品藻精朝史已推  
詞苑貴邑人惟頌溪清觀風每與詩情合傷  
日何妨吏隱名遠近相關非一事漫將騷雅哆  
同盟

石塘詩稿卷三 西峰六十四

十二

周方叔陪貢入省邀集龍首亭

祇林久不憩僧房漸覺陰濃夏日長有客來尋  
真率會爲人笑作嫁衣裳澗明乍歇前宵雨風  
暖纔廻隔歲霜倘問亭名何所取宛然龍首在  
秦岡

題萱茂蒼松圖

萱艸夏時芳松鱗歲久蒼體康鳩廢杖子盛厓  
爲行肄業趨東序承歡在北堂正于蒲節近應  
捧紫霞觴

陳榮子齋頭全林異卿陳磐生吳仲緯

爐香何縹緲盆景亦清鮮風颺海棠節日烘梅  
雨天客來無別侶棋罷不妨禪醒醉皆成趣聊  
依石榻眠

全黃元常范石生洪汝如陳季長林公佳

廬鵞峰諸上人集西隱寺

鷺嶺西郊外鶯聲四月天風來棋墅爽雨霽墨  
池鮮竹壓香厨冷荷傾翠蓋偏林僧與詩友此  
地足畱連

石倉詩稿

卷三 西隱寺

七

送程敬之因訊其兄孟陽

三山朋輩說程生俠氣交情似阿兄張儉籍中  
曾預黨趙衰門下復推嬰開來細閱興亡傳老  
去惟憂物外名何事羣公當戮力江東流寇尚  
縱橫

開門

閉門無不可花事况闌珊坐惜此餘日能無禁  
暮寒山光飄積翠池水沁流丹獨有東隣婦與  
余不與看

竹岐舟次閱楞嚴經

賤性喜幽獨舟中無客來竹聲和梵唄松色映  
經臺不作文字障頓令心地開山河空大地無  
處起塵埃

小箬溪遇漲少泊

舟行二日間遲速皆不意乘風暮舉帆遇漲朝  
復止隣漿遠見饋賈舶俄成市曲岸沿疎籬環  
步以終始

薄暮發舟之大箬

石倉詩稿

卷三 西隱寺

十四

大小箬名村兩溪爭一門欲窺新漲跡已沒老  
松根力但乘風便篙將觸石喧境當奇絕處舟  
子暗驚魂

抵因關林懋禮見訪因拉過酌

朋來如宿約路狹不容車澗腹穿松鼠溪毛啖  
竹魚人生真寄寓日月任居諸得續開尊會沈  
吟六載餘

江樓夜坐

登樓宜夜色况乃近江聲境已入超曠神其遊

太清客舟如比屋僧舍類蓬瀛積翠山當面層層洞壑明

過匪石上人

詩僧是故人破衲不沾塵解却禪宗理閒于筆墨親蘭荃香並化泉石韻彌真媿我恒河照年年跡已陳

洪可遠招別業因懷其令祖汝舍中秘

崑石誰真似天工人巧問月來山不掩閣在水之灣疊磴垂蘿密孤雲去鳥閒嵩溪元八景曾

石倉詩稿

卷三 西峰六四州

五

憶棹歌還

林閔仙招泛因溪

一掌嵩溪地舟行亦戒心日光全已澹風力轉難勝荔沁杯中味蓮開石上音月明猶有待曠意得來深

贈別馮猶龍大令

遲君無別徑水次卽雲涯勝侶開三雅清心度六齋暫然拋墨綬旋得傍金釵河尹風流者寧妨韻事偕

夏至

不記來時節驚聞小至名漲侵沙省沒耕篆燒痕明黑黑聞香氣喧喧見物情法門元不二何處學無生

劉南征招飲舟中全永和賦

榕樹亞窗綠榴花歌髮紅方舟三婦艷斜日半溪風馬步圍棋疾魚羣聽曲終仙游何必遠已覺步虛通

午日集龔克廣陳景宅觀競渡

石倉詩稿

卷三 西峰六四州

六

競渡南方徧困關倣此名祗憂三楚亂不散九歌聲伐鼓空潭應跳波觸石驚朝來新漲發已見列灘平

李仲休過訪與談曹山塔嶺因緣

雪溪全受訪心境轉清涼佛法世間法名場皆道場曹山新建立塔嶺舊津梁任運隨緣去渠成水亦長

送黃大次運長還廣昌

予于林下久閒作汝南評最喜文人執傳言運

使清離津爭日夕末路見平生送送那云遠離  
家近幾程

其二

信宿山中寺潭生閣上烟雲霞時現景晴雨各  
分天世態仍如此交情老不遷別懷何足道只  
是枕書眠

送黃元常

試詢來往跡何者是交深商畧千秋事低迴一  
寸心溪山偶然趣澗湍自成音差勝居城市紛  
紛車馬林

石倉詩稿

卷三 西峰六四神

七

其二

脫巾絕應酬旬日九科頭亦有船過驛何曾足  
下樓與君難已已別思任悠悠扣壁吟詩送松  
濤答響幽

嵩溪閣雜興

移榻上方處羣真相與游已無下樓想且欲陟  
層坵

巉巖不受屨接以虹橋板人言小武夷幔亭峰

不遠

亦是喧囂市獨居清淨場松蟬曳水氣殘日生  
微涼

下食伊蒲饌何物泉甘美嵩溪亦曹溪分來一  
滴水

聽曲雖云好心憐倦亦存不如聞佛號習與共  
朝昏

東西山已高溪流不易月獨此一片地蟾輝照  
毫髮

石倉詩稿

卷三 西峰六四神

六

忽爾相呼至傳杯五六人何曾歎宋莫形與影  
相親

江上見燈光應疑問何處誰知碧紗籠挂在古  
梅樹

泉白韻琮琤松青濤縹緲扣于石壁上和歌至  
天曉

獨坐明月好客過風雨過少須開霽後又是月  
明多

予友洪汝含有困關八景詩因以絕句和

之且志感焉

塔嶺石珠

木石無心解唱酬祖師言下見風流爲詢塔嶺  
珠光現何似雲堂滾出球

困關泛月

兩山高蔽月光幽人在中流皓魄秋貪看一輪  
猶未側任從孤棹去夷猶

爐阜聞鐘

香爐日照氣氤氲靜眺丹臺夕已分雞唱下方  
石倉詩稿

卷三 西峰六四州

亢

人未醒鐘聲先到隔溪聞

螺峰砥柱

昔年曾陟武夷宮螺蚌盤旋九曲通此地未經  
開鑿到千年那識禹功崇

青山夕暉

江水東流漾翠微層林閣上挂斜暉游人莫畏  
西山迫臥榻滕王蛺蝶飛

嵩溪晚燒

嵩口風傳谷似雷千條赤燒映空迴窮林已被

霜威折猶有咸陽燄未灰

榕驛馬嘶

古驛皇華映樹梢濃陰蹀躞馬蹄驕八千里外  
長安遠試問朝天第一橋

蓮塘溪唱

荷葉田田似蓋平鷗鷺陣陣戲波晴漁舟點點  
歸來晚烟際悠悠欸乃聲

送邵肇復起用之蜀

簡命傳來自九天壯遊那許遂林泉新秋正爾  
石倉詩稿

卷三 西峰六四州

干

過三峽舊節居然鎮兩川流寇豺狼猶存食居  
民鴻雁有遺篇雪山重處旌旗偃杜老相依復  
幾年

其二

蜀路巴童竹馬迎臨邛何似武擔城石餘織女  
支機迹肆有嚴君賣卜名錦濯一江堪比潔符  
分六道亦非輕况今屯政兼郵政念念相關切  
聖明

送葉君馨

冊封

德藩王妃竣事還



朝

持節雄藩典禮諧王程返命自瑤階風人樛木  
綏多詠星使皇華靡及懷目擊流民過碭宋尾  
街漕運出徐淮贊襄勉爾立成業豈撼私情天  
一涯

寄姚永言給諫

德藩正使也予甥君馨副之

青瑣詞臣兩吐葩情深倚玉媿蒹葭身依日月  
光華地夢入江湖處士家濤起廣陵看似雪氣  
蒸東海變成霞非無促膝深談想奈若雲泥道

石倉詩稿

卷三 西峰六十四

廿一

路賒

竹下全周方叔丘平子小集

何處足清言開樽向竹園蒲中來二客筍下出  
諸孫暑入全無鱗涼生別有門此時單袷服着  
體不知繁

再送君馨

追隨猶淨域再送已郊原忍別看予老棲遲荷  
主恩咨詢元使職入告自輶軒桑梓綢繆計毋  
忘促膝言

嵩溪閣新亭全玉蘭先陳孔成能證少集

古木新亭上曉崑嵒稍露紋江流千里抱市隔一  
重雲機息皆鷗侶枝連卽雁羣欲知清絕境人  
語半空聞

其二嘲席上美人

不關貧病念來問美人禪詎作沾泥絮翻思補  
漏天時久雨用曲高因不唱琴妙在無絃少別  
黃昏後江聲亦宛然

寄題支提東湖蘭若

石倉詩稿

卷三 西峰六十四

廿二

支提山絕頂聞亦有東湖潏出恒沙淨光涵片  
月孤觀空誰是界洗鉢故名孟莫昔天冠衆携  
將海眼俱

寄答游勿帶 其一爲舊遊 益藩

碧磴紅泉別幾春那知清世作逋臣一身負罪  
三千里敢向王門說舊賓

其二爲和紅樓看荔枝之句

予喜生還子拂衣家林時物遍韶輝太真若問  
陳娘紫誰似儂家勝畫肥

其三爲見謝選三游詩集

曾翻釋老藏中經獨媿吾儒少汗青猛力編傳  
爲補闕首將風雅屬尊庭

其四若見謝近况

鴻雁三山信不傳剖來魚腹素書鮮問予課右  
嵩溪閣手注義文易一篇

和勿聿竹筍詩

密似縫鍼去復旋苔痕雖破色同鮮東家識性  
先除地臘月含胎且任天客興祇須防出入孫  
石舍詩稿卷之三 西峰六四州 其三

校尤喜簇曾玄未曾出土藏斑點始信湘妃泣  
九泉

和李季美見題嵩閣亭子

酷似維摩原上村年來蹤跡傷祇園更容遠地  
朝參絕獨擅清時曠蕩恩王右丞雖在朝川不  
猶奉朝請故云不  
向義文探至理空於支許覓前根欲從幻境安  
心法雨過青天月一痕

寄東湖人舟法師

彼岸浪非遠入舟卽法舟觀空爲般若如幻是

真修柳色兼桃媚荷香入竹幽東湖有明月應  
許客來遊

寄王東里

嗜學全應在老蒼那言燭火代陽光玉毫現處  
曇花滿金粟飄來桂子香易論往還皆至理川  
流迴合自成章六旬有四叨全齒司馬曾傳洛  
社觴

寄徐雲林

專城遙擷片霞丹雅度翩翩意自閒賜履東南  
石舍詩稿卷之三 西峰六四州 其四

天際海爛柯陳迹里中山籌邊聚米形如見公  
暇陳詩手獨剛爲憶旌旄相過處春風猶在葦  
門間

贈徐興公

天將成就聘君賢游道難今考室便但有好緣  
俱讚歎更無名士不周旋詩歌七月爲衣始郡  
仰高風下榻前老眼看書真不厭竹窗燈火尚  
蒼然

壽孫子長

向來散亂屬名流那許東山樂不休鳳閣徵書  
行省日鵲橋良會故園秋四方寇盜何時息十  
載君恩尚未酬應識稱觴賓客散歌驪仍待  
呂江頭

雍伯與揮使脩葺北樓告成孟秋七日携  
酒落之賦得萬壑松風夜觀牛女渡河  
客爲甬東周爰祭清漳廖又菁清流伍  
化臣脩臣霍童陳倚玉長溪劉薦叔予  
社徐興公倪柯古高景倩陳叔度鄭爾

石倉詩稿

卷三 西峰六十四

廿五

調陳磐生安蓋鄉林懋禮主人則伯輿  
氏及予能始也分得平聲轉韵七言歌  
行一首

嵌雲層層凌高城大火西流尚未平此際蒼松  
蟠萬壑湖山表裏俱分明丹樓版築時將興邑  
中之黔慰庶心飽饁無煩艸露宿相歌自有松  
飈吟堂構雖新氣象古易革輦飛承百堵舊貫  
依然倣子騫賞格應懸自宣武爲言將軍勞且  
苦觴以落之飲我醕沓谷皆成變鳳音喬柯盡

作虬龍舞金湯勢壯無諸封風水輪消赤帝馭  
祇恐濤生盛伍胥欲渡宵深怯牛女爲語天孫  
氣勿阻環珮珊瑚向空舉會合非艱轉不奇寧  
須泣涕深如雨君不見場中演出木蘭軍粉黛  
何曾習師旅替父從征赴玉關胡笳一曲邊月  
午金甲無眠烏鵲飛明河歷歷照機杼此時若  
問嚴君平漢人翻作梁人譜

壽王二南

鵲橋初散御橋通卿月高懸宴綵虹不與天孫

石倉詩稿

卷三 西峰六十四

廿六

紫別恨還從佛祖紹家風優曇花向慈容繞蘭  
蕙言應臭味同若問履聲清切處早時名姓徹  
宸聰

壽沈開府

七襄雲錦自崑崙遙映直人綠玉樽暖日扶桑  
升海嶠秋霜刁斗靜轅門但將素履明臣節自  
有丹忱答主恩得似我公談笑裏寧憂寇盜  
滿中原

清流伍化臣脩臣別歸

翩翩來二妙發我以文機西浙濤聲壯曾學武林間子  
將東華曉日輝志因年共茂才詎世相違仰視  
雲邊雁天秋好共飛

其二

爲言相見日慰昔平生私真率園中境留題壁  
上詩但酬招社意勿訂出山期不敢遺君父  
同心復告誰

龍首亭全崔徵仲少集

人是霍童家尋真駕鹿車坐來山際雨談嶺海  
石倉詩稿卷三西峰六十四 廿七

東霞夾思禪機透詩情酒趣賒夜觀河漢際機  
杼任橫斜

予以七夕北樓公宴歌行寄黃大次見答

有作因附之

黃立言

無諸臺畔寄雙魚魚腹傳來得素書盡道嵩溪  
曾送客那知作賦到城隅城隅矗矗中天起郭  
外松枝遶流水俯瞰朱欄十萬家橫看秋浦芙  
容裏當時我亦舊經過奈可乘流向薜蘿入夜  
不妨窺昵枕填橋且自望銀河風流未散輕烟

薄好尙珠寶醉簾幕買斷西湖與北樓謝公惟  
有青山樂

三山耆社詩敬述

老人有星在孤之南王者有道明顯斯臨皤皤  
黃髮覃厚于天或出或處聿言全一心一言一動  
民式以欽帝其念之逸我于林秩秩初筵以  
酒爲箴夙敦其會匪云自今

司馬君實六十有四耆英之社固與其次予丁  
茲年恰與相值德位莫崇孰云攸企惟是諸公  
石倉詩稿卷三西峰六十四 廿八

不我退棄用以被塵觴行舉解往者不追來猶  
可與斯文在天共扶罔墜

是日與會者王伯山文學年八十四陳惟泰  
居士年八十三陳振狂秘書年八十二董崇  
相司空年八十一馬季聲州佐年七十七楊  
穉實督學年七十六崔徵仲刺史年七十一  
徐興公鄉賓年六十八予學佞爲最少云直  
社芝山之龍首亭自不佞始願與諸公歲歲  
續茲盟焉 崇禎丁丑八月之十三日

送王虞石大理還朝

求舊無如切我 皇新恩特召赴崑廊謝公奕  
已超三品虞室刑惟服五章卿月向空懸寶鑑  
法星席耀金方四郊多壘何時息應借中樞  
爲主張

送周爰祭還甬東

老惜壯容減病知秋夜長末繇送我友遵彼河  
之梁白露尚多熱青楓未變黃惟茲離別意耿  
耿不能忘

石翁詩存

卷三 西陵六十四

其

送劉薦叔自梅溪之九潭

一掬梅溪水何如在九潭世情不堪語波影與  
長叅可歎彼江北居然吾道南蘇湖教授業今  
豈屬空談

送馮弓問之蜀監司

西戎卽敘古雄州坐見金墉遠汶流諸葛祠堂  
遺柏茂杜陵潭水浣花幽八千里外承 新寵  
三十年前憶舊遊漫道少康閩與蜀廓清寰宇  
仗弘猷

開元併家卽事

佛已空諸有開元始併家彼慳還自墮我法未  
爲邪片月臨滄海諸天雨曼花三乘元不二長  
駕白牛車

齋前對菊

今年當閏月黃菊帶霜妍遂有兩三朵開于重  
九前玉華拳石秀金魄再旬圓筆研年將廢因  
茲發興偏

重陽前一日集鱗次臺登高賦

石翁詩存

卷三 西陵六十四

三

登高歷血層層塔把酒吟來步步詩坐穩不知  
黃鵠至時對菊爽身閒偏與白鷗期偶有年捫苔額  
認雙臺處剝栗聲傳比屋時懶向菱花照雙髩  
此間秋被却臨池

送何平子北上

漢室相傳舉孝廉方今才譎貴能兼如公實望  
膺斯選何事浮屠更合尖極目封疆多擾攘驚  
心功令倍森嚴應時措置憑高手盤錯方知利  
刃銛

送張挺玉國手還溫陵兼寄林讓菴

吏部

手談何縷縷欲別屢揮觴解得閒遊趣寧論占  
勝場北山含霽色南雁引秋光石笋臨江迥看  
雲幾許長

通津樓公宴

丹樓仍舊址觀宇是新裁車馬塵不上江山色  
自來玄霜飄幕府絳節下仙臺曲宴人間樂寧  
須奏可哀

天寧寺啓土

石倉詩稿卷三西峰六四州

世二

祖師當悟道時節與因緣况此河山裏重新締  
造年名賢棲息地庶子剝竿懸會見遠公社依  
然開白蓮

池上紫菊盛開邀林公美小集因送之宜

城

公美洵無度予交合有神黃花明處士紫氣傷  
直人節以存須晚香因釀覺新敬亭山上月早  
已到延津

題松石圖爲胡南石叅知

石中含玉潤松際有濤生以茲喻使君實大宏

其聲發祥絲蜃海高騫出羊城文章具元局解  
榜魁羣英南宮無停軌北闕趨承明木天吐鳳  
采石室避驄行何幸我閩陬鹽策資持平褰帷  
一以徧問綱風同清更始去壅術要在通輿情  
軍實有餘裕戶口殷且盈因之爲公祝川至莫  
不增歲寒枝益勁春近陽輝呈玉律調君韻金  
甌覆盛名枚卜旣互用公乃内外并遙望三台  
星煌煌傍長庚東人衮衣詠茲辰乃復廣

石倉詩稿卷三西峰六四州

世二

贈許穉旋

士龍原競爽玄度亦齊名以此壘麓奏何殊山  
水情引經如老吏驚座任狂生一片雲間月嵩  
溪皎皎明

輓趙子晦明府

倚天高閣逼崆峒出匣精光映赤虹兩度飛鳬  
俱嶺表千年化鶴自遼東家傳芳艸王孫牒斷  
有萊蕪漢吏風歲歲瓊河樓上望曉鶯楊柳悵  
春工

輓高景倩

不將華艷易清寒掃却人間粉黛殘筆底有花  
那復夢庭中無麥任空竿汝南月旦時懸口安  
邑交游不累肝咫尺尋梅應有約吟魂寂寂下  
仙壇

洪江見白菊

冬候何太暄春和亦焉別惟此離頭花點綴數  
枝雪

洪山橋少憩

不食言

卷三 五降六四州

世

常時過橋上車馬孰盤桓省工憩沙岍便似泊  
紅灘

送葉方苞之令安成

茲歲科名借我公非然省會榜幾空分符百里  
遊當畫製錦三年美在中 功令愈嚴今日政  
循良還慕古人風悠悠路上如碑口容易長安  
達 聖聰

題松芝圖爲周君章毋壽

百尺松枝抱石堅貞心相保歲寒年不妨劉薦

留賓意賸有長齋化佛緣愛日階前冬日暖牽  
衣膝下綵衣鮮應知壽母卽王母青鳥時時銜  
碧箋

送施青藜宰益陽之任

花封領出近瀟湘潯水南流過益陽雙峽清音  
隨玉珮九峰如畫面琴堂壘餘聲肅屯兵處洞  
有裴休說法場昔日江潭稱善地茲行先爲撫  
殘傷

送林友有之豫章

五言寺高

卷三 五降六四州

苗

知別溫陵郡行行便覺寒入林唯竹柏乘霽向  
溪灘客路援梅蚤仙霞映葉丹章江南北望何  
似在家安

至日社集龍首亭喜陳昌箕北歸

羣峰不用遠躋攀但陟層臺古寺間日至却逢  
人至日山靈何似佛靈山經云有相俱爲幻夾  
到無心祇自閒憶昔謝安曾折屐那言憂樂不  
相關

天寧寺上樑周章甫邀過梅塢

路遠寒江外林藏曲塢偏幾枝堪似雪一望尚  
含烟麗色雕梁寫幽香梵磬傳尊雷勿遽撒草  
艸夕陽前

昌箕冶園看梅全興公叔度諸子

梅樹尚含蕊茲園開欲殘所忻良友集先得數  
朝看論心堪比素灑墨不成丹幸保南枝健相  
將度歲寒

石倉看梅

予園久不涉花事每關情却于橋絕處轉見一

予園久不涉花事

每關情却于橋絕處轉見一

予園久不涉花事

枝橫

客問東山趣令人覺漸賒亭臺久彫落空說妓  
如花

三石亭看梅

郊行梅欲謝石隙開方始欲與靜相對閉門一  
月裏寂寂書窗外行行喚曲廊乍映蒼苔白能  
令翠竹香

贈施海憲四明

建牙籌海主恩深方岳崇階百辟箴至後陽光

看漸轉春前淑氣喜先臨四明山色傳清碧一  
片梅花印素心欲識雅歌川口頌晨昏但聽兩  
潮音

小寒日宋季玉開社龍首亭看梅

虬枝詰曲覆欄干龍首昂藏勢並看暮裏芙蓉  
應薦煖坐中梅樹不知寒四圍山色籠雲白一  
片霞光競雪丹爲問燕關開落候誰家吹笛在  
長安

古杏軒雨中梅社兼看画軸二樹共賦

東韻

畫中梅與樹梅同筆底能分造化功古法新枝  
誇並健揮毫躡屐興誰雄層層霧氣濃成墨點  
點苔痕淡入叢祇謂無聲詩句寂故將吹笛向  
春風

薛老庄看梅共用七陽

主人君和直社

連朝梅下屢傳觴最勝無如薛老莊雨後縱飄  
千萬片松間猶露兩三行高寒直迫瑤京界遠  
近皆爲練水鄉拾磴尚誇筋力健鬚眉那復較



蒼蒼

冬月晦日安盡卿招冶莊看梅用屏山二韻

編竹已成局依山復作屏寒暄俄頃候丘壑一  
孤亭梅落千林雪池浮幾點星巉巖皆石骨披  
別付園丁

其二

梅社卽詩社閩山爲越山縱橫毫與楮適意坐  
仍扳節值窮陰裏城如不夜間可無清興續僕  
被向禪關

六分詩稿

廿二

雨後朱丈心見招集山閣仝顧果卿吳太  
真林異卿吳仲緯張以昇奕

石磴扳時隱陰晴望未分湖天微暈月丘壑幾

層雲閣峻論碁品池平注篆紋有墨池在山後落梅雖

萬點那向笛中聞

答寄丁雲礎孝廉

別來歲月易蹉跎閩楚風烟接壤過雪塢晝携  
高士臥雲林春望美人歌夢松廬上如丁固泣  
玉山中有卞和 聖主需賢真若渴公車早晚

渡黃河

端山蘭若歌爲池直夫孝廉賦

君不見銀城昔日號大同主簿聞有朱文公至  
今題詠諸崑石峻峭道骨驅真風又不見文圃  
學士多遺跡土無頑膚木無棘沓洞邃谷皆天  
成唐帝潛踪傍黃檗浯洲斷嶼入海水仙人倒  
地眠不起閩王北鎮雖屢封祇似桃源避秦世  
南陳北薛共嘉禾天雞叫曙飛峰巢七星點綴  
珠囊啓篋簞港塞那通波茲我直夫負奇韻更

六分詩稿

其

有誅茅在幽境松陰盤旋似青螺樓閣排空如  
絲蜃蜃氣今虹爲梁虬起舞今羣斯張蓮花  
朶朶秀中央捧來貝葉無盡藏端嚴一峰開土  
登座而說法衆峰羅列兒孫左右締聽于四旁  
石淙崑泉天樂演龍湫瀑布風旛颺直夫直心  
是道場皈依稽首大仁王背塵合覺超三昧生  
檀香但能宣揚如來旨乃真舍利之毫光噫慧  
業文人兼者少以文測君義豈了須扣維摩丈



ZW 21101000014955

2121.7  
20d(143)

室中不二門開山月皎

支提併家贈新公耆宿

合烟纔得號叢林七佛威儀尚可尋渡海天冠  
時應供入山雲笠望成陰窮源不辯東西脈空  
谷能傳下上音莫把有無功德較年來老宿已  
休心

丁丑初度對奕宴客

浮世六旬四甲子勝情三百着枯菰歲星豈是  
東方朔說法曾經遠錄師去日况兼多好景聞

廿九

身不是少恩私樽前漫擁如花妓其奈東山小  
艸衰

丁丑除夕偶占一先韻因成八絕

臨水登山閱靈編六旬過四幸翩僊此身那卜

長如許聊盡崇禎第十年

王臣艸莽謝朝賢憂亂時賡變雅篇率土誰能  
均守歲江南江北不同天

妖氛何事傍星躔處處飛蓬遠燭天三冬已許  
咸陽燒不待今宵爆竹烟

生計無聊學賣田兒孫空費贖回錢楚弓得失  
寧須問人道阿翁輸子賢

漫云耽奕老來偏舊譜新翻妙不傳一局未殘  
新一局殘年何似接新年

臘月三十舊公案俗子盈門來索錢并有衲僧  
不解事囊無餘鈔逼交緣

重重遼餉力難前溢地均輸巧筭緡皮骨僅存  
須勉強微思勿更遣中涓

吟就新詩紀歲年挑燈揮灑碧雲箋不教筆墨  
畱餘債待壘來秋熟祈田

